

四庫全書存目叢書編纂委員會編

齊魯書社


四庫全書存目叢書

四庫全書存目叢書編纂委員會編

齊魯書社

四庫全書存目叢書

集部  
第五九册



責任編輯：孫言誠 賀 偉

ISBN 7-5333-0615-5



9 787533 306151 >

EB20/07

## 四庫全書存目叢書·集部五九

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 43.25 印張

1997 年 7 月第 1 版 1997 年 7 月第 1 次印刷

印數 1-100

ISBN 7-5333-0615-5

Z·60 集部定價：127800 圓

# 集部第五九冊目次

## 集部·別集類

南原家藏集七卷(存卷五卷六)

〔明〕王章撰  
北京圖書館藏明焦希程刻本

西樵遺稿八卷

〔明〕方獻夫撰  
中山圖書館藏清康熙三十五年方林鶴刻本

陸文裕公行遠集二十三卷外集一卷

〔明〕陸深撰 陸起龍編  
復旦大學圖書館藏明陸起龍刻清康熙六十一年陸瀛齡補修本

霞城集二十四卷

〔明〕程誥撰  
安徽省圖書館藏明天啓二年程于廷刻本

四三八

一五四

二一

一

南原家藏集七卷（存卷五

卷六）

〔明〕王章撰

北京圖書館藏明焦希程刻本

附《四庫全書總目·南原集七

卷》提要

南原家藏集卷第五

長未部  
振聲中  
請送部

南京刑部尚書白來橋顧璘選  
河南按察副使似涇顧璠重選  
南京戶部郎中似生焦希程校刻

序 送張伯袞序

古之君子有大才德不見用於世則考終牖下而已弗仕也其或貧無以自養乃有為貧而仕者若乘田委吏封人抱關之類是已夫君子豈不欲尊且富哉乘田委吏封人抱關之職易蓋居之無嫌食之無愧焉耳江浦張

南原集卷五

章

君伯袞者吾外舅刑部尚書公之第五子也成化丙午中應天府鄉試及會試遲不偶君語人曰吾父平生雖處大位今致仕囊無長物老且貧窶無以自養此吾祿仕時也遂就山東樂安教諭始吾聞而疑之古之為貧者其所職若彼不過守封疆之限司啓閉之節牛羊壯會計當而已今之教官位可謂卑矣祿可謂薄矣君於辭尊與富之義則得也然風化所係如職之不易盡何世之任是職者

晨昏聚生徒於堂歲月計簿書之限難於學業之進退行義之脩否習俗之醇澆與夫

國家所以建官設學養士取材之意未知其留心否也由是居之無嫌食之無愧者蓋鮮矣及君任樂安二年吾乃聞山之東以賢名者必稱樂安之士曰是張先生之所造就也君丁內外艱復除再任南豐之四年吾又聞江之西以賢名者必稱南豐之士曰是張先生之所勸誘也今年春以例會試又不偶而

南原集卷五

歸吾與之處數日語及其親則皇皇然若有所失處昆弟則慙慙然若不能給待姻戚則藹藹然有和氣接其故舊朋友則惷惷然曲盡其歡君孝友忠睦如此而又驗之於吾昔所聞於二省之人者之言無嫌無愧也可想見矣安慮其識之艱哉意君子懷大才德弗能大行而得一方以施其教如君者豈不愈於秉田委吏封人抱關之類不得已而小小乎其末職者耶且今之登進士以致顯位居

之無嫌食之無愧抑幾何人哉其視君賢不肖又何如也君將還南豐若有不屑然者故吾道其所以仕以告於南豐之士將以慰君之行且以堅其志焉

送高座寺行山入院序

南原集卷五

西方有大聖人其名曰佛為佛之徒持三禪五戒而習其教者其名曰僧漢明帝時佛之教始入中國中國之人多好之一時剃度而為僧者不可勝計枝延蔓衍至於今其為教不廢而為僧者益衆布列天下與工商士農之流為一家而居其五之一僧之所居其名曰寺一寺內多或數百人少或數十人必擇其中道高而臘長素為衆所服者以領之其名曰住持住持之職必次其衆之長勿別其人之賢否而司其中之賞罰田畝之課稅錢穀之出納香火齊供之費殿宇垣屋之脩至於一草一木至纖至悉之事無不為其所掌焉住持之職亦多事矣且吾聞之佛之為教

以清淨為宗寂滅為本其言心則謂喜怒哀  
樂之變皆非本體言身則謂耳目口鼻皆為  
假合暫聚以世界為空虛一切萬物庶事皆  
以為幻妄等諸泡影電露凡見於形象施於  
事為者猶夢寐中所聞見一毫無有也如是  
則所謂長幼賢否賞罰田畝錢穀香火齊供  
殿宇垣屋之類宜其掃除空洞蕩然不立矣  
而住持之所事紛紛擾擾與世人無以異者  
獨非佛之徒哉噫此正吾儒所謂禮樂無處

南原集卷五

四

無之而不可斯須去身者蓋物不可以苟合  
而無長幼賢否賞罰則亂無田畝錢穀則飢  
無香火齊供則失其文無殿宇垣屋則失其  
所而况乎喜怒哀樂耳目口鼻為心身之所  
必不可廢者哉由是言之凡為佛之徒學其  
清淨寂滅之教而亦不能不從事於日用事  
物之間者是果何為也耶蓋必有其說也高  
座山公者道高而臘長素為眾所服今將住  
持其寺則前所云云者非惟不能掃除空洞

使其蕩然不立吾知山公之來且將飭治而  
振起之當益新於舊矣吾友蕭君朝宗山之  
弟也博學能詩業儒而得其要者山雖佛之  
徒抑嘗聞儒之說於其弟乎僧之覺義謙公  
於山之入院請余文以送之余故告以此若  
山疑吾言持以質之朝宗可也

送鄭教授序

方今天下士君子以其所學而效於世者其  
事有二曰政與教或問之曰二者孰難曰教

南原集卷五

五

末

為難吾嘗病夫蘇老泉之言曰才難強而道  
易勉且曰吾觀世之用人好以可勉彊之道  
與德而加之不可勉彊之才之上嗟夫是何  
言之不倫也吾意其所謂道德云者蓋稍者  
之隘也非聖賢之所謂道與德者也而其所  
謂才者蓋狂者之肆也非聖賢之所謂才者  
也故其言德曰不食片言以為信不見小利  
以為廉聖賢之廉信果若是乎哉其言才曰  
為吏而為吏為將而為將可矣則又曰疏雋

傲誕不是繩檢聖賢之才果若是乎哉由其  
言而觀之將與吏誠不易能也不食片言不  
見小利而已者誠不難能也由聖賢而觀之  
則不必於是者非難而不止於是者非易也  
且夫以財而為政則成以德而為教則行如  
炊之無不熟種之無不生其效可跂而待者  
吾嘗試之矣方今天下何政而善者之多何  
教而善者之少也以其所難者難其身而使  
之脩而又以其所難者難於人而使之化也  
故曰教為難今莆陽鄭先生文勉以

南原集卷五

六

天子之命往教授於吾邦先生之先世在隋  
唐時有莊露淑三公倡道南湖莆人宗之迨  
宋夾際先生讀書十行俱下推為文公為稱  
而先生寔儒者之裔也其於家學蓋傳之有  
素而吾聖賢之所謂道與德者亦聞之熟矣  
知先生謂宜以才自見而從政於時可也先  
生曰是不難吾將脩諸身以淑諸人而於聖  
賢之道使各致其勉焉此則吾之志也弘治

癸丑嘗振鐸撫州之臨川既又載揚于虹二  
邑之士至今稱之曰鄭先生為能善教者也  
其與某親炙其門者也某也忠信先生以情  
去其偽者也某也孝弟先生以仁長其愛者  
也某也敦樸先生以質勝其華者也先生之  
於為教既嘗難之而有得行之而有效矣吾  
獨懼夫老泉之說行將使世之教者屈道德  
於才力之下世之學者以為道德易勉而不  
為而或流於疏雋傲誕不事繩檢之中也於  
是乎言

南原集卷五

七

送兩淮都轉運使呂公之任序  
天下財賦自兩稅之外山澤所出唯鹽利為  
最大昔在禹貢海岱唯青州厥貢鹽絺蓋貢  
其所有以供王用耳周人鹽官一職亦以鹽  
之用而供邦事未嘗以供邦財也自王后  
世子祭祀賓客膳羞之外不聞以一毫取民  
則煮海之利在民而不在官明矣管仲告齊桓  
公謹正鹽筴由是舉先王公共之用而為後



世自私之計漢唐以來桑羊孔僅劉晏李巽  
之徒用以富國遂與兩稅並行自公上禁權  
之外不肯以一孔遺之於民殆宋雍熙間用  
兵乏饋餉令商人輸粟塞下增其直而以江  
淮鹽給之崇本君子且謂好取民力非明主  
所宜行往往議罷是時雖不在民而猶在國  
國用既紓民力亦省救時之士尚有取焉烏  
乎天之生財豈徒然哉凡以為民也代天理  
物者其必處此矣柰何後世而下弊益橫出

南唐書卷五

八

嘗為之說曰鹽之為利也其上在民其次在  
國又其次也名雖在國實則在私豪右兼并  
商賈折閱已非一日矣使後世而有劉李之  
徒猶且笑之而况崇本君子者哉今地官以  
邦賦為職大夫呂君從事於司徒久矣與不  
病國取不妨民往在邊徼總理儲備所至之  
地赫有令名兩淮轉運適難其任天官以君  
命下之日凡憂國者交慶邊儲與鹽法  
長裏君之處此其必有道乎夫君子之

用世也惠民與惠國其為心一也母曰劉李  
之餘智先王所不道余竊有望焉

送田景瞻詩序

予自丁卯冬來官考部與司封郎中晉工田  
君處者殆今逾歲余始見其質曰溫凝人也  
中而知其材曰簡遠人也終而得其識曰明  
達振邁人也余方師友之每與之語中夜冷  
冷不休今年春 朝廷擢君為寶慶太守司  
封主事顧君寔雅重晉江於其行也謂凡在

南唐書卷五

九

交游宜觴以詩而詩嘉比興振自古昔乃取  
其郡志得其地里所有離為二十有四題題  
不虛作而詩非漫辭或固古以激今或據地  
以暢事而詩人比興之義於是乎存焉於性  
疏遂不能盡優柔歌諷之道乃獨揖而告之  
曰方今天下湖藩為民物形勝之區去年秋  
聖天子眷然南顧遣使出撫其地使者弗稱  
以急切誅求為政遂使吏不安其官民不樂  
其業雖不日月而去而荆楚之間家無僮石

銖兩之蓄矣寶慶湖藩屬郡也其風烈所被  
必無遺土田君耳嘗聞之今將目擊其事而  
身負其責豈徒咨嗟歎息之而已耶明達振  
邁之識尚其軫念焉使湖藩士女得復其漁  
稼之舊必自寶慶太守始矣豈不偉哉豈不  
偉哉

送蕭宜勉序

今之科舉之士其不遇者三一日已二曰天  
三曰人蓋力之強弱職於已事之得失係於

南原集卷五

十一

天法之臧否出於人嗟乎已者吾無所歸咎  
也天者吾無所取必也而其出於人者則有  
一焉蓋我 國初設科以來登名於錄者殆  
今可考其初不滿數人士之就試於有司者  
不必皆庠序之士往往出於草莽巖壑之間  
蓋自元季兵革之餘庠序廢弛人鮮務學肆  
我 聖祖菁莪載詠雍雍穆穆洽於承平士  
之遜匿沈晦者固皆揖讓於衣冠俎豆之中  
宜其登名於有司者日衆而士之刮磨而嚮

庸者日以繁也然而采補攸宜巧拙雜進故  
內臺外臬舊有專官而有司之逮白者品裁  
疏揚夙有善法柰何徂於承平有大之說者  
優於假借而略於精別於是曳卷叩關之徒  
遂使有司者之不能供億矣吾恐披沙之人  
艱於潔汰而辛苦刻厲之士不免於抑鬱抱  
慳者乎韓子云業患不能精不患有司之不  
明行患不能成不患有司之不公不知今日  
之弊有出於不公不明之外者矧不公不明

南原集卷五

十一

或有滋於其中者也往年余在京師聞吾鄉  
以歲貢至京師者訪之得蕭君焉蕭君積學  
力行播聞吾鄉凡吾鄉之顯士多出其門而  
蕭君胡為僅以貢至知蕭君者咸歸之天而  
余以謂出於人者如此則士之不遇者非獨  
一蕭君也蕭君世為江右某縣人今卒業於  
成均而歸其故邦出其門者若中翰倪君輩  
咸以余言告之蕭君君曰不然不謂以已勝  
人者哉余聞而壯之知蕭君之必有遇也他

日倘在臺臬其亦無因勝人之見而廢余言者乎。

鄉飲酒序

鄉飲酒者鄉人以時會聚之禮也在古有四義焉賓興賢能則飲鄉大夫禮國中賢者則飲州長習射則飲黨正蜡祭則飲今之所行者惟存鄉大夫之一義而州長黨正之禮世不復講至於賓興之舉則姑以鹿鳴爲名而其禮亦非成周之舊矣蓋自我 聖祖之制

南原集卷五

三

所以叙長幼論賢良者固古先聖之遺法而  
其所謂別奸頑異罪人者則又善惡具在一  
堂席之間而有內外之辨章嘗莊誦大誥之  
文凜乎其不可犯也所以懲創風教之義蓋  
於成周之舊而有加焉韋生也晚不獲躬覩  
洪武永樂之盛而於後世遵奉故事之文不  
能無興慨云者蓋其尊於房戶之間疑未足  
以仰承 聖祖之休命甚則巖然西北之位  
或不免鄉人之訾議者若所謂內外之辯了

不復存簿書之暇弛然臨事庠門之外賓且  
候之周旋鄉大夫之一醉而俎豆豐薄之計  
者又譁然於東榮之下矣吁可歎哉新安有  
鮑翁者邑之棠樾里人也弘治癸亥太守張  
公來治郡脩明禮教於是博謀於鄉體於翁  
而以禮賓之郡之中翕然懲創無訾議也余  
不識翁嘗聞鄭宜述稱其爲人且授一編於  
余皆時名碩贈言於翁者吾觀二泉稱其好  
仁篁墩與其力善宗老之會空同嘉之而其  
傳於蘇臺外史尤詳余方有慨乎後世之事  
仰而歎曰今之鄉大夫者安得皆若人而與  
共揖讓乎因以重太守張公之知人且尚古  
也自是而後雖有弛然臨事之徒望見翁之  
衣冠不致尊讓絮敬者少矣宜述又曰翁今  
年登五豆丹顏白首杖屨灑然余且舉而壽  
之曰方今賓禮之盛可以仰承  
聖祖之休命其必自新安始矣

南原集卷五

三

送鄖西大尹陳干言序

開封守顧華玉稱友朋之才必曰陳于言陳于言他日使得郡邑期有可嘉者余曰何謂也曰觀人者不于其大于其細吾觀于言矣鄉為燕會于言主觴政賓客紛盈饋行委折能令人盡歡誼譁起坐無能廢杜舉者蓋敏達端慤人也使他日敏以出之慤以執之則何郡邑之有余曰君子言陳平宰社之意余竊望之矣正德乙丑于言授興國尹未幾謫會昌教諭余曰敏無荒也慤無愆也會昌之

南原集卷五

十四

謫何居既而聞監司有所取舍于言知其弊民不聽適奸黨肆恣黜陟監司以毀聞興國愛而寬之及是巡按御史知其才俾攝邑事會昌當崔蒲之衝江西趙叅政為所劫監司狼顧無措于言以計出之賊大懼曰趙叅政如翼而去此必有善謀者遂亟去不為會昌患于言名益振今

朝廷方新弊政復徵於天官曰是善治會昌者乃以令鄖西余聞而歎曰古之時上之視

下也其毀譽無擇於愛憎惟其人下之事上也無所期於毀譽惟其志逮今之監司姑有挾其毀譽以申其志者今之郡縣始有憂其毀譽以屈其志者上以是要於下下以是奉於上往往曲徇人情求為苟免卒之坐連污鱗身名俱失者多矣噫上之任情余何言哉若下之屈於勢者不知禍福不可期惟理為可必且幸不幸固有互為其根者于言以敏達之才展布弛張無所不可然艱難盤錯

南原集卷五

十五

之中亦或明爽者之所不屑也况當與國之時棲于荆棘文彩未著不有會昌之謫何以融鍊其用而播揚其休美哉昔之失今之得也將之鄖西凡在交游者徵余說以贈余因喜華玉之先見乃不辭覲縷告于諸君且以堅于言端慤之志云爾

秋林叔父壽七十序

吾叔父秋林先生平生以勤致饒裕以為勤之有功也每以訓子姪學業及其老也猶未

傳也曰吾何獨勞於是乎乃暇日與二三朋  
從者游嗜奕曰奕可以忘吾老也蜩殼蛛絲  
蚤夜不已既而曰吾勞於奕雖精弗傳也乃  
讀唐諸家詩而嗜之於是登臨懷述有所興  
寓一發於詩詩成則詠歌之不足則又重思  
繹之點竄指摘蚤夜吟哦不已既而曰吾勞  
於詩雖精無益也暇日取琴彈而樂之遂曰  
嚶嚶詭詭操琴以自老人謂其勞於是也則  
曰吾性於勤者也柰何或告之養生之道乃

南原集卷五

七十一

授以叅同契陰符經諸書而讀之遂曰孳孳  
焉蚤夜窮深遠索不已凡前嗜者一無所關  
於心矣今年壽登七十耳目氣體如少壯者  
九月二十五日寔惟誕辰兄弟子姪將謀為  
慶前期而偶疾焉乃呼而謂之曰此豈養生  
者之過也對曰韋不足以知道請以大人所  
嘗嗜者譬之可乎夫奕以閑逸制勝踈則其  
思離焉詩以簡遠為趣急則其情騷焉琴以  
恬淡理性拂則其神爽焉是三者皆世之小

技也而况於養生之大道乎蓋天下之事不  
勞則不能興不逸則不能成墨子之道勞非  
所勞不興揚子之道逸非所逸不成故天道  
惟其清而四時行焉地道惟其寧而四方平  
焉人道惟其逸而四體貞焉貞則固固則安  
安則可久可久則永終而不變永終而不變  
故天地如之而况於人乎曰君子以自強不  
息小子不足以語此越明日韋持觴以獻則  
矍然據床而起笑而受之或告以賀客紛至  
則命終輻等曰吾方與小子論規中之理酬  
酢之禮女其往治之耳

南原集卷五

七十一

送黃子和詩序

余誦魯南文曰沂有友五人焉噫何同人之  
弗廣也五人者乃以不肖厠焉則四人云爾  
魯南交於天下之士未必其四人友也彼四  
人者亦交於天下之士未必曰四人云爾余  
因有感曰友之為道豈不難哉當觀世之交  
者有同里開而彌月不相與語有隔越數千

里而問餽之使無間旬日有朝夕同遊肆而  
曠別之後若昧平生有執手於邂逅之間而  
死生然諾終身不易蓋其間同方異術淺深  
睽合之趨有不易言者余初聞子和之爲人  
於魯南曰清脩如元瑞博雅如華玉敏達如  
升之是時爲地官主事方蒞政維揚後余忝  
自第與子和南北相望者三年及余歸則子  
和以憂去三年方同官於南曹不二年而有  
今別夫子和於余非有里閭朝夕之素而不  
期而趨不戒而乎何哉余聞子雲有不心之  
歎桑扈有莫逆之懷由子雲云者則四海之  
人皆稱合簪可也由桑扈云者則固曰五人  
云爾可也子和行矣余與魯南酌酒賦詩餞  
於青溪之上堂無列賓詩不盈卷且以重三  
君子契濶之感相顧悵然夜分而去

送水雲壽序

吾友陳衛南自吳越之間而還金陵爲余言  
三泖五湖之勝充然若有得者余曰吳越之

間人物之具區也子之游也子見君子矣乎  
曰有水雲秦翁者吾嘗與之遊矣吾嘗與言  
天下之勢而慨東南財賦之盛之不如古也  
翁曰子何以言之曰吾來東南吾見貧有鬻  
田者隱其賦以授於人曰易售也又見富有  
寓田者隱其名以託於人曰易居也夫賦常  
溥耗於易售之家而役常倖免於易居之輩  
吾是以慨財賦之不如古也翁曰子所謂知  
其末而不知其本者也子未讀管子吾之書  
乎夷吾之相齊也通貨積財富國強兵大抵  
言利之徒也然必曰四維不張國乃滅亡何  
也齊景公曰信如君不君臣不臣父不父子  
不子雖有粟吾得而食諸然則斯道也景公  
蓋亦知之也故曰天下之勢不在於二事之  
脩而在於四維之弊今之所謂禮義廉恥比  
之管夷吾時又何如也子不於此之憂而獨  
於彼之慨何也余見東南之士率多狃習鮮  
有同予慨者若翁之所憂則固未之聞也余

與之處閱月而後去翁世居秦溪爲宋太史  
觀之齋行誼敦慎言論慨慷孝友廉讓有古  
隱君子之風焉余曰子之所稱特非秦信卿  
有令子文解從余遊久矣文解讀書爲文識  
趨向非時輩習舉子業者余故稔知水雲而  
衛南未之知也未幾文解遣使來金陵請余  
文以爲翁壽曰翁今年壽六十四月九日寔  
懸弧之辰願先生以有言也余曰夫壽豈易  
言哉壽在知道道也者性命之謂也若所謂

南原集卷五

五

飲食起居之節乃其下學耳故區區於財賦  
興廢之間不知天下之勢者也區區於飲食  
起居之節不知性命之道者也故禮義廉耻  
者天下之大道也故曰上壽養命中壽養性  
雖善言財賦者則亦下計而已矣由是言之  
水雲之知道舊矣余因以告於衛南衛南喜  
曰文解方病既間余嘗教以飲食起居之節  
聞子之言其不益瘳矣乎余乃叙次登軸以

授使者歸焉

南原家藏集卷第五

南原集卷五

五

南原家藏集卷第六



南京刑部尚書東橋顧璘選  
河南按察副使橫濱顧璘重選  
南京戶部郎中門生焦希程校刻

序 送慶陽太守賈君之任序

正德戊寅春三月 朝廷以南京四川道監察御史東鹿賈君為陝西慶陽太守人咸曰慶陽邊郡也山川險固接壤羌胡尚弓矢多強宗必有擊斷摘發之政然後可以糾正奸慝耳賈君在御史臺彈舉不避豪右督察幽

南原集卷六

隱人莫敢犯之者持是以往於治何有哉余曰為此說者徒知御史非知太守者也御史之職以剛勝焉太守之職以柔定焉剛柔失宜惠政俱敝吾恐循良之業衰矣故稜稜風化毫端所重而無赫赫之名者人嘗思之何也今之太守古諸侯也於民有父母之道焉父母之於子也其可以剛勝哉故中也養不中才也養不才太守之政似之不然則主德不宜恩澤不流其於治也遠矣若在御史案

章舉劾無少假借雖中也棄不中才也棄不

才可也余嘗讀循吏傳衛颯王景均為太守

考其歷官皆侍御史也范史稱其治行其績

不一而足究其為侍御史時則行迹略無所

見吾想二公者其文帝所謂長者輩乎至於

杜公君南陽之績古今所罕聞也乃不以儕

之八人之列而獨於為侍御時安集洛陽諸

事觀縷言之蓋其誅暴立威善於計略猶不

易臺中之舊作史之意於是乎可窺矣且吾

南原集卷六

二

聞之慶陽之俗雖素淳慤而人性勇健夫惟

其淳慤也則導化之術可施惟其勇健也則

擊斷之政有所不受為民父母其必有

以處此矣方今之時賈君清肅之風行於上

下豪從斂手若不可近者然而俯心問學攝

謙之美溢於言笑蓋張弛之道君子所難雖

杜公君亦未滿於此者吾獨於慶陽之政重

有望焉賈君行矣其鄉士夫大理王君德充

李君光少輩來屬余為文道之余因人言而



附以已見如此不識諸君謂之何如

送李都憲巡撫遼東序

夫邊圉之計孰不曰有三道焉一曰惠化洽  
二曰事為備三曰聲實顯中國郡縣之吏不  
有顯設何以融被苟備矣洽矣固無待乎譽  
達而自信矣在邊圉則或不然一介之士持  
節而往開府坐鎮以蒞未發之兵叵測之虜  
事為未暇顯設而惠化扞格方是時也獷狎  
豪猾之輩被鎧革執弓矢者皆已瞠目而仰

南原集卷六

三

矚於下矧夫羈縻之地叛服不恆且夕之會  
即欲宣敷號令以震驚其志不亦難哉於是  
乎有聲實焉以扇被乎二者之先詩曰赫赫  
南仲獫狁于襄又曰顯允方叔荆蠻來威其  
次郭令公之於回鶻薛檢校之於突厥韓范  
二公之於西夏禡其魄而喪其氣者固已有  
素粹然之頃彈壓之重已不覺其偃仆摧矣  
於是徐議其事為之宜惠化之道將無不順  
判焉者正德庚辰冬十二月 朝廷以河南

左方伯嘉魚李公為都察院右副都御史巡  
撫遼東夫遼密邇胡虜邊圉之雄鎮也邇者  
處置乖宜 朝廷方切東顧而巡撫寔闕故  
有是命予初識公於南都之戶曹未幾擢守  
南昌南昌盜藩濬蓄逆謀跋扈之氣薰烈郡  
縣乃獨於公頓歛狂悖凜凜長孺之風姚源  
諸洞出沒侵掠已而呼嘯群醜攻殺長吏猖  
獷至屢宵盱乃訓集兵食選徒躍旅弱者遁  
逃強者俘馘蒼生賴焉公蓋承其家學父子

南原集卷六

四

昆弟自相師友而復濟以博辯通敏之才故  
於天下事大如禮樂兵刑以至甘石倉扁之  
學無不通究論議援據今古旁引曲證闔關  
不窮超然遠攬出於因循沿襲之外耳之者  
有所感觸由是聲實昭然朝野重之烏乎天  
下之事不難於事為而難於惠化尤莫難於  
聲實聲實之動人如風霆然南昌威望所以  
披拂海內以扇被乎營之東并之西者固已  
久矣而况有辯博通敏之才以濟之乎且吾

聞之爲今之說者或曰譬之移徙焉隳易竈廩毀置牢柵而後庶幾其改觀也或曰不然譬之浣濯焉煩之擗之俾從其新無蹈其故而巳矣傳曰齊一變至於魯魯一變至於道齊之變也棄其常魯之變也新其故今之天下其事爲之宜惠化之道將弛焉而爲魯之故者何遠哉我國家創業垂統由朝廷以達疆圉咸有典則章程以示法守顧人狃於氣習謂因循沿襲爲安靖振作刮揚爲紛擾博辯通敏之士率恐墮於喜事之誚若履郵傳不暇糞除正几席而去耳烏乎庶事皆然獨邊圉哉余聞公之緒言屢矣知公之有以處此也公之行也右方伯維揚林公左叅政嘉禾陶公右叅政蔚田陳公永平王公右叅議故城李公咸在祖屬章爲序章因頌公聲實之盛而復竊有告焉非佞也

東山詩集後序

弘治甲子冬章始偕計至京師仰瞻嚴廊

南原集卷六

五

之業俯察閭閻之私方是時上都下俞庶績咸休未嘗不遐慕唐虞三代之烈也遊談縉紳相與咨歎未嘗不艷三公之榮遇而忻頌先皇帝睿聖仁明之德也三公者鈞錫馬公爲太宰東山劉公爲大司馬浮梁戴公爲御史大夫而議者之公未嘗不稱重東山仰荅榮遇之忠也 龍馭上升今 天子嗣位公以大司馬致仕歸杖華容時政方新顯企光裕之盛未嘗不感愜 朝廷優逸老臣之禮而與東山之不終去也未幾奸臣盜柄傲虐有德公逮繫 詔獄謫戍酒泉讒蔽方深而罪譴尚薄未嘗不荷眷 朝廷憫宥老臣之仁而幸量移之恩也罪人既得溥澤沾被公復以大司馬致仕中外論諫連數十上未嘗不訟東山之寃而期正人之復用也公居身進退備歷憂虞荏苒向老遂不及再錄而考終牖下矣烏乎惜哉章嘗聞公初爲翰林庶吉士自言文章政事各有攸濟而獨願以勞

南原集卷六

六

績自顯卒之光明偉大爲天下後世具瞻公  
平生確自信而所卓立有不可誣如此韋不  
肖未獲覩公述作之全而或於奏疏間得其  
餘緒中丞嘉魚李公始以是編授韋誦之蓋  
公捐館之後慕愛公者搜輯之所成也或謂  
公文章爲政事所掄殊不知燦然之光浩然  
之氣亦豈終能匿伏閉藏而不顯耶譬之魯  
公書法固自雄秀獨出然因人而增重者亦  
不少也假其書若出他手則天下後世之愛  
之者或未必若是珍矣薰沐浩歌終夜忘倦  
至其卒亦不能不興慨云爾

南原集卷六

七

河南已卯科同年錄序

古人取友之道蓋多術也傳曰同門曰朋同  
志曰友禮曰僚友曰執友曰交游盡之矣孔  
子曰固不失其親亦可宗也推斯義也亦何  
廣哉自科第興於後世連州跨邑之士並起  
而售於有同一時會聚相與彈冠而升之天  
子之庭於是乃有同年之稱蓋出於前五者

之外校之所因不啻邂逅之際杵臼之間其  
爲義也抑又重矣吾嘗病夫李絳之言曰九  
州四海之人偶同科第於情何有絳之斯言  
有所激耳不知情之所生由於道道同矣雖  
求之百世之上固自有孚契者故曰道苟在  
焉俯丐爲偶矧科第之重哉正德己卯河南  
鄉試既放榜紀事有錄錄紀於公有典具焉  
旣而同年期會錄於私也有情寓焉情之所  
推有湏成之忠有久要之信有推引之助有

南原集卷六

八

寅協之益有夾輔之功匪直叙次其長少標  
列其姓字傳之子孫以資世講而已河南全  
省中州之域雋髦儒雅必有聲應氣求之素  
亦非九州四海者比也以今觀後情之所推  
用協諸道有可永也亮無負於斯錄焉者

孫廷平考滿序

去汴四閱歲矣頃歸南都向之同官部寺以  
黜陟去者過半車馬相遇於道少所識者而  
聲稱藉藉聞於士林皆曰大理孫君弗縱弗

苛真廷平也君嘗遣其子學於劉君進之余  
知進之益賢孫君矣今考績將謁天官進之  
請予序其別曰烏乎時哉君之行也今天  
子嗣登大寶尸凶磔奸神人紆忿君持法柄  
而往閱歷而議之將無或愆於憲者矣然而  
城社所託抑有艾薙未竭者乎天子倚毗  
賢碩簡拔幽廢置之有位先朝因緣遺近  
濫紆金紫者一切驅逐矣然而便辟易親貞  
固難進抑有猿攀鵠舉未進人情者乎議論

南原集卷六

九

之公邪正之辯的然兩途如置水火而後聰  
明不眩於上舉錯不枉於下今天子即位  
之初容光必照宜無潛隱者矣然而喜名者  
立異怙勢者尚同抑或有淆亂國是未折  
於中者乎司平也者非獨可以平其刑也衡  
鑑不爽而推以是非之雖施之天下無不可  
者吾知京師交游有疑乎此將於君而就平  
焉烏乎時哉君之行也君初知南城大旱槁  
原竭澤時有假託權要聚銅鼓鑄烟燄蔽空

民皆嗟怨君曰旱職是也立命逐之即日大  
雨沾足此亦天時人事之既平者於此占之  
君之才豈獨可以平其刑哉劉君曰善遂書  
之

潘節婦詩序

節婦有詩胡爲而作也嗚歎其事而致美之  
者也曰節婦之節常事也當事曷美哉怨生  
於栢舟誓起於黃鵠非以歌其美而美陶嬰  
也嗚呼道處於常守移於變故委身於胡奪

南原集卷六

志於舅者蓋有之矣忠臣不事二君烈女不  
更二夫爲斯言者幾何人哉余於此竊有感  
焉巴卯之逆藩造孽內結心腹之原外有賓  
客之助至於觀望事幾舉足左右的然指視  
恬弗知愧者抑不少也國家以氣節造士  
而士亦以廉耻自勵久矣平居無事未嘗不  
切齒莊助攘臂左吳一旦少臨利害遽變初  
心反乳犢婦人之不如也豈不哀哉夫婦之  
於夫臣之於君皆常事也惟不守其常而後

使守其常者名於天下然則節婦之詩所以  
歌其事而致美之者非過也節婦姓應氏及  
笄婦於潘三年而寡事具黃太史序中其言  
反風滅火刲股療姑行年幾百事非偶然蓋  
至行所感鬼神攸護冥冥之中自有顯貺亦  
無足怪者膳部郎中潘君時雨節婦之從子  
也詩多出其交遊因及潘君焉蓋推詩禮之  
素而閨門之懿益可占也已節婦卒而無子  
潘君議以從兄湘為立嗣且以已業與之仍

廬州府志

十一

力聞於

朝得旌其廬焉此則詩之所未及也

記

廬州府重脩廟學記

太守下車之三日當謁文廟為禮升明倫堂  
聽講諸生率以其所熟習膚近之業應名以  
進太守無所是非首肯曰勉之諸生各頓首  
謝教而退勤者朔望率如故事學業之成廢  
行檢之淑慝諱不加省焉乎師帥之職審如

是乎哉今廬州太守龍公來蒞郡進師生於  
堂下而諭之曰凡我二三子之從事於庠序  
者將顛顛昂昂襲衿珮之光以耀其鄉閭乎  
抑含咀厭飫沾詩書之腴以澤其體膚乎將  
澠認汨沒竊膳廩之入以飽其妻子乎抑沉  
浸淳涵入聖賢之域以無忝於青陽大蜀之  
靈秀矣乎將因循遲回淹歲月之恒以自老  
於鉛槧乎抑慷慨振奮期以行其所學以贊  
明 天子之盛美矣乎衆皆曰不敏敢不祗

廬州府志

十二

命於是躬率諸生口授疑義問辯切劘務求  
領要蓋有出於科舉文字之外者洗刮磨淬  
以革其故提撕鞭策以警其怠旌別憂恤以  
勗其進學者感悅惓惓然惟恐不及人人自  
以為得所師矣公乃諭諸少府某通判某推  
官某曰明珠之光不繫乎積而美積者以為  
珠重良工之勤不必於肆而居肆者以為工  
資廬之廟學湫隘毀圯弗葺非所以崇儒雅  
而飾至治也曷舉而新之可乎皆欣然從也

於是鳩工庀材卜日而舉之乃簡屬吏之賢以教授宋君希睿董其役殿廡門堂齋居號室各以先後重輕就緒庶宇森整象設魏煥增庖備器罔有遺缺經始於正德辛巳秋仲明年春季告成希睿乃謀之訓導岳君清彭君鏞劉君景曰南陽黌舍成都學宮不有紀述何以詔後乃因貢士張棟徐良用以書幣走京師以記屬於余余嘗被命提學河南廬與汝相密適公之學政嘗聞之以風勵郡縣

南原集卷六

七

余獨不知所以善誘於諸生者何道也夫道學之暢明旁達於天下也久矣而何疑於是哉特以近世學者以言語文字為煩直趨逕造為速見心識性為要而有病於朱子之學為未足以發明洙泗伊洛之旨其為論說精神亦能有所感發四方之士負聰明偉大不群之才者翕然起而宗之將以學問為佔異之陋遂慕棄而不之講也豈不悖哉章嘗遊之白鹿楫間之揭皆取諸孔門遠論非考亭

所創也請亦以是揭諸堂齋之右俾聰明偉大不群之士有所折衷何如既書龍公之績而於末也以是訊之

哀詞

反招三疊

余嘗聞偶軒先生颯風之厄以為世之至痛莫過焉者先生生平服義慎行遠方古哲為士所珍而顧不若陸元方之自耶昔宋玉招屈原歸其鬼魄其詞甚苦不知躡離汚垢莫

南原集卷六

七

或徠之祗益悲耳余因反其意為詞三疊欲使凌駕乎瀾汗滂沲之中將與渾沌儵忽以遊於無極而忘精衛之寃也其詞曰  
蒐兮何之不可以他紛九土之氛埃兮鎮四域之干戈上黃閣之高寒兮下玄都之幽遐雖甘辛之多方兮抑何榮乎室家昔楚國之羈窮乃自沉乎汨羅悵荆舒之巖阻兮固不憚乎曾波顧憔悴乎澤畔兮信萬古乎湘纍謂曷厚乎鹿豕兮又曷薄乎魚鰕鵬於我

乎同化兮蛟龍於我乎同科矧秋水之大樂  
兮亮何與於歌駐吁嗟乎菟兮何之信不可  
以他

菟兮何來不可以處孰故居之為樂兮盡酌  
飲之芳醪以陋巷而懸瓢兮又何有乎邃宇  
彼妍媸之曉留兮云九候之淑女攬浩漫以  
瀟視兮隘閭閻之尺矩昔魯連之有志兮欲  
東蹈其胡取秉脩矯以勿清兮振腰眇而遐  
舉挾渾沌以夕遊兮拉儻忽而朝侶渴不厭

南原集卷六

五

乎百川兮飢或飫乎九野觀珍怪於室中兮  
聊翡翠之一羽吁嗟乎菟兮何來信不可以  
處

菟兮何居不可以誣御濟蒼之瀾淡兮渺蓬  
瀛之虛無汎龍門之巨靈兮舞鮫室之天吳  
除沃焦以為宮兮辟歸墟以為都驅罔象而  
為衛兮招鴟夷以為徒震崩騰以為怒兮放  
激湍以為娛貯大壑以為儲兮斟弱水以為  
酌揭扶桑以為曙兮秘虞淵以為晡昔負石

而自遠兮謝垢濁以雪污惟東魯之玄聖兮  
乃不憚乎乘桴吁嗟乎菟兮何居信不可以  
誣

南原家藏集卷第六

南原集卷六

十六

南原集七卷

江蘇周厚  
培家藏本

明王韋撰韋字欽佩上元人宏治乙丑進士官至  
太僕寺少卿明史文苑傳附見顧璘傳中韋與璘  
及朱應登陳沂相友善時有朱顧陳王之目朱顧  
皆羽翼北地共立壇墀而韋與陳沂獨心懲勦襲  
之非頗欲自出手眼閣試春陰一篇當時至謂有  
神助然所作多尚穠麗亦未能突過李何是編璘  
所選定凡詩三卷文四卷前有璘所作小傳一篇



西樵遺稿八卷

〔明〕方獻夫撰

中山圖書館藏清康熙三十五年方林鶴刻本

附《四庫全書總目·西樵遺稿八卷》提要

廣東省  
中國書  
西樵遺稿

西樵因以為

諱宗元者宋

沈亭秋用中

稱書置六

正全州卒

重亭秋誨

口力學

與同

載與陽明

十就道癸未春再除

文選司時大禮

在文襄公學太保

肱協贊典禮輔成  
到切

疾至即奉  
控辭弗獲既而論

三疏乞骸骨

廕一子為尚

元

議不願

云

靖二十四年乙

丙向之原

九款輒

其厚於倫理

科仕至州判官

祖祖考三代俱贈

李本撰

書中秘蚤厭紛

粹

乘時激昂首議大體

谷亭撰

去

忝乃

豕惟

周貧捐粟揀

卒自筮仕至

修情曷雅已於

論之公士履之

玉樵遺稿卷之一

元孫林鶴重鐫

明 南海方獻夫著

奏議 議大禮疏

伏見近議陛下繼嗣孝宗尊稱與獻帝之禮一謂禮經之言一謂循宋儒之說臣按禮經曰為人後者傳曰何如而可以為人後支子可也又曰為人後者孰後後大宗也適子不得後大宗蓋謂有支子而後可以為人後未有絕人之後以為人後也為是議者臣未見其合於禮經之言者也臣又按宋儒程頤輩曰英宗既以仁宗為父不當以濮王為親臣別謂今日之事不同蓋仁宗嘗育英宗於宮中矣是實為父子也今孝宗未嘗育陛下於宮中也孝宗嘗有武宗矣仁宗未嘗有子也濮王別有子可以不絕矣今獻興帝別無子也為是議者臣未見其善達宋儒之說者也蓋父子天性也不可改移名實相須也豈容假借說者不過謂孝宗不可無後故必欲以陛下為子今天夫推孝宗之心欲有

後者在不絕祖宗之祀不失天下社稷之重而已孝宗有武宗 武宗有 陛下是不絕 祖宗之祀矣不失天下社稷之重矣故 陛下之繼 二宗當繼統而不繼嗣與獻之日異 羣廟在稱帝而不稱宗繼統者天下之公三王之道也繼嗣者一人之私後世之事也與獻之得稱帝者以 陛下為天子也不得稱宗者以英宗嘗在位也請宣示朝臣改議布告天下稱 孝宗皇帝稱 興獻帝曰皇考別立廟祀之天然後合于人情當乎名實舉斯心而推之治天下可運之掌矣

後之說而不知天子儀禮喪服斬衰曰為人後大宗也又按記大綱者為小宗是宗法者入子 侯無宗法則為人後者大夫且為人後者為其父母降服期喪服

則為兩父此天子

人後之禮也然則天子諸侯之無嗣

弟及者即天子諸侯之禮也斯禮

正而已然矣故我 太

傳之法也然則於經

及以為禮說者曰大人

兄弟相傳曰及是也然

及而不必為後者其

人後者必以支子故

先嫡長貴倫序若必

其人或有其人而幼

直及其弟為天下社稷

者大公之道行之萬世

二繼統也繼嗣也兄

繼嗣也蓋天子者天下

國之統也何為人後之足云故繼

之義小漢言 昭帝者也未嘗

也夫嘗不考南頓君

一哀帝為子而後與

必育于宮中者則又私之甚矣嗚呼

帝光武之是而執為人後之說不

而英宗為罪謬矣漢儒

謬因襲之弊也雖然

成帝當立中山王之議

歐陽修也然韓歐比魏

英宗之時而爭於英

也英宗既為人後矣

光程頤之是而韓歐

之嫌不考漢王則有

終有非禮之論也然則

其成帝乎廢百代王者

之嫡嗣而泯人之天

乘之利於立幼而平嬰

成帝者其萬世之罪人乎嗚呼斯

何怪乎今日之紛紛也 今日之事

私也二曰君臣之

可也必後 孝宗

武宗則廢君臣之義矣

倫矣夫天下者 祖宗

而傳之 武宗 孝宗不

得 皇上 武宗不得

不必為後者也若必

安得為 孝宗立後乎

不必為其兄立後又何

繼其兄之統則其兄之祀

不絕則其伯之祀亦何嘗絕乎

祀反絕矣此兄終弟及

之真萬世無弊之道也故曰

嗟之惠文亦兄弟相繼而

向而惠帝親受高祖天下

生則以臣子事之死則以兄

實受之後君今乃自繼先君

命兄之命豈所以

議可考也今 皇上

能免乎故曰君臣之義不

又由嚴父之義推之故

推乎此聖人制禮

至也今 獻帝止

皇上不父其父而

有他子而 皇

子所謂於女安

子之倫不可混

血可知也周因於

雖百世可知也說

所損益者不過

皇伯可乎有據

太祖曰皇伯祖且

上既兄 武宗則

既可伯 武宗今

帝稱皇考可乎曰

稱也而况於天子之父

曰當別廟也然則廟於何

廟

廟



十王府可也歲時祭 太廟則

立廟大內之說非乎曰

六斷斷其不可也

者不以尊尊害親

太廟者不以親親害

所言者禮也衆論之

之初明詔已頒

矣天下之

士之心亦

如聖之心

言而大臣之

言心公私之間以

之大者不可不懼也

不可變也非舉朝之

禮者無一二而命

言而不敢也雖然

之不明 聖心之不自

之不伸吾人之受病也故

重上議大禮疏

少詹事兼翰林院侍講學士

臣等按自古主為人後之議者宋莫甚於司馬光魏

莫甚於明帝漢莫漢於王莽主漢議者司馬光為首

呂誨范純仁呂大防附之也主哀帝議者王莽為首

師丹甄邯劉歆附之也惟莽說流毒最深魏明帝以

篡逆得國不足多論惟宋儒祖述王莽之說以惑萬

世不容不辨臣等按及太子武帝嫡子宜有天下若

也被譖死武帝作思 官於湖廣江元家史皇孫

奏議

即位 史皇孫曰皇考房 子曰皇祖考別為廟祀

禮也王莽乃曰皇考廟本不當 王宣帝為昭帝後復

考為兩統二父是稱叔祖曰皇考悖天倫矣又

按成帝朝議程方進曰宜定陶王孔光曰宜中山王

用孔光議則父子兄弟者正其任而無復禁諠矣

羊氏曰為人後者為之子王莽祖述師丹為之先也

宋人後襲莽併曰丁傅楚如以脅英宗也曰冷褒浸

猶徒合沛以脅輔臣也 非漢室臣也莽功臣也又

按莽用為後之議上及平帝母族內及其子外及每  
內豪傑以及宗室嫺戚並罹酷禍然後篡逆之謀成  
焉又按平帝身有天下而不得見其母衛后子有天  
下而不能保其宗皆為人後者為之子之說悞之也  
又按莽謀顛漢柄即偏絕平帝母后不得至京師衛  
姬日夜啼泣思見帝不可得曰為人後者為之子也  
禮也既而欲速篡謀即身繼漢宗不行母服亦曰為  
人後者為之子也禮也且是人倫絕天理滅禽獸道  
人矣劉歆倡之諸儒和之十八人繼而從者四

十八萬七 十八  
明帝無  
使不得有父母至痛幼  
女之死也即追謚立廟是嗣君父母反殤女之不如  
也明帝何心哉雖然當氏積兇累狡竊漢鼎社犯分  
逆天尤無忌憚其為此制無足怪者獨惜宋人學問  
宗焉以誤國是故刪其節略以正之豈得已也  
又按禮喪大記無為人後者為其父母降服三年為  
期之說豈為修悞議亦惟用儀禮云而已修史者不  
惟於此書有所弗讀而於歐陽修之說亦有所弗讀

矣冀謬踵訛以誤後學且所刪錄惟存呂誣范純仁  
呂大防輩憤激罵詈之詞於英宗所以榜示朝堂者  
則削而不述遂上誣英宗有薄德之疵下誣輔臣叢  
邪說之辱千古不辯之訕孰與訂以後儒自入黨庠  
即為成說所蔽久矣是宜大道之弗明也

此疏在嘉靖三年十二月  
任翰林院作講學士  
所以制禮三綱淪則九法  
之親實壞人倫之大  
且學

為公帝王之道炳如祖  
久致士論之紛然一傳眾  
議而愈失言者益急而益偏是  
前臣孽臣某申之於後連章累  
之圖為是纂輯成編首之以禮官之初議終  
口之會章伏望刊布以喻觀者  
賜敕獎諭及賜衣帶銀帛并令吏部查給三

命疏 六年九月十六日  
任禮部右侍郎

力鄙士多病朽才用罔適時學未聞道半

效尺寸之勞十載家居殆已成山林之

際遇明時敢謂愚蒙受知 聖主是以

萬里而趨朝誓策駑駘委一身以報國

每佛於羣情惑直無知言常嬰乎衆忌

獨見 也之希奇然實無他能故每

而夢成之於臣何有昨者

亦分當然臣嘗謂先王之至

孝孰大於尊朝 二莫要平

為故帝心 莫能禦

有終也雖公誠之稍竭何功

必重借褒嘉之寵親承講後

願和院錫以衣帶銀帛已光

給之三代誥命又榮逾先世感媿俱極涕淚

八皆以為非常之恩臣實不知所以為報竊詳

自然高宗望傳說之誠自揣庸才徒爾伊尹輔

揚之志臣伏願 皇上廣諭臣之意以諭羣僚推

臣之心以賚天下赦過宥罪發政施仁使天下臣

臣之心以賚天下赦過宥罪發政施仁使天下臣

而遐邇黎庶咸保極以歸王貝中

下之衆不遠若夫夙夜匪懈以事

躬盡瘁死而後已臣何辭焉

人疏 嘉靖六年任禮部右侍郎

而廣西各處土人暴橫尤

雖彛情難馴亦由統御非

臣觀前日田州之計實同兒

系死民苗無數不見真得一

奏議

而兵不已兩廣日就罷弊

而憂也如近者調去南贛倉

方則節制何在損威傷重

乃見萬里軫念兩廣地方特

去總制軍務准令都御史姚鏞

臣復以為為總鎮太監鄭潤總兵撫

一噫二人若不取回則守仁何以

必史蘇恩劾其寡謀罔上請更行

必史蘇恩劾其寡謀罔上請更行

必史蘇恩劾其寡謀罔上請更行

必史蘇恩劾其寡謀罔上請更行

難展布俱合取回開住然地方

見廉州珠池少監張賜資恠醉

文靜不擾且廉州與龍州交

相接壤張賜久居其地習知

廣總鎮太監臣願 陛下即

重為地方之累者遠矣

急兵官閒住今起用張祐才兼

其謀志足以成其義屢

知聲險會經都御史陳

三

甘張鉞等奏保前後

選况近該都御

則其人可知矣雖

是赴之風士論終不

將可乎臣願 陛下不

以總兵則比之統綺之徒習

臣又思兩廣巡撫事暫令

且矣地方寧日別議是矣但田州乃

難送制彝情叛服不

陛下暫置都御史一

州住劄一聽守仁節制選

食威蓄銳足以鎮服蠻彝永

也亦貴得人臣見見任磨

器度宏遠剛方有守沈

願 陛下即用其人

以收全功矣待事寧之

可也夫任用得人處置

釋情萬變干戈

之憂未見有可

變色不忍不言薦賢為國

用地方幸甚臣愚幸甚

十一月十四日

書之位上應斗衡可卑

之事深為厥職之難九廟

泯教坊之音不正則中和之

道不明學校之教不古則

倫之道不著宗人之

窮凡此皆宗伯之責苟非素  
循故常達於時變之士未  
何足語此况臣最病之軀  
逮人俾貳銓衡已非其任  
改之姑從諸臣之後以觀德  
八座之尊而當事權之  
深懼恫瘝乃位敢為禮  
收回成命別畀賢能容臣

一正

以下俱任  
禮部尚書

元端冠服冊示臣且

冠服涂已着各

本監貯收以垂來

是否聞楊少師家居暫

禮官方某等三臣共看畢

一一拜觀欽製元冠元端深

張璉著說蓋雖燕居之服而

而等威甚明不惟準古而實

而且欲傳之來世真大聖人  
不勝忻忭切謂衣服者身之章

服所以修身而戒懼慎獨

皇上游心聖學允蹈

氏曰人皆可以為

堯之行是堯而已

德足以格天敬一

而為中興太平之兆

報不勝欣躍既而復承

受又不勝慶幸當日適詹

澤至遂與共啖之其味異常真

山飴者也古詩云一片入口沈

之伏承 聖諭不必報名謝恩

言伏望 皇上修德應天日新

已至而未至推孝於民使人各得

仁於民使無一夫一婦不獲其

意凡可以寬民力而紓民財

亦必同心同德應天以

亦惟日求其所謂安民

指日可期中和之效

爾時志生 萬民殖

主而珍應等 止此矣

官疏 七年六月初五日

地而施聖明綜核之政

大典多出輔臣張聰置局

爾莫贊一詞方當引以為罪

為功以受賞主恩雖厚公議謂何

不誤蒙寵擢自銓曹超遷翰苑旋陟

衡驟登宗伯未逾四歲已獲五

上况惟公孤之任實重羣僚爵

宜求乎德望豈可授以匪人恐

必蹶曷勝危懼實切憂慚理

皇上體察愚誠收回新命

敢尚敢身圖

聖學疏 七年閏十

思臣愚平日雷心

儒說者未曾及之蓋

疇而解釋訓詁者漫爾說

聖學淵淺默認 嘗加

之片於此疇之旨必有 者臣

益萬一然野人芹曝之誠不能自

之蓋洪範九疇五位居中數亦居中其

任人則心居中故言人君正心

皇建其有極云者即書所

以觀天下禮所謂王中心

時五福用敷錫厥庶民惟

保極云者即書所謂民協于

孟子所謂君正莫不正是也君

德則和氣充塞天地而人無天

德秀所謂堯舜之民莫不仁

之義也曰凡厥庶民無有

祕云者是覆言臣下之化

之作則也即書所謂民心罔

大於好惡二者而人君之職只是用

八言之曰凡厥庶民有猷有為有守汝

小雅下答皇則受而惠而色曰

之福云者是即所謂嘉善而矜不

亦無所偏黨於其間也曰無虐癸獨而

有能有為使羞其行而邦其昌

有能有好于而家時人斯其幸于其

作汝用咎云者是善善惡惡

之其所教情賤惡而辟焉

敬親愛而辟焉也箕子反

其義曰無偏無陂遵王之義

無有作惡遵王之路無偏無陂

無偏王道平平無反無側王道正直

是皇極之義也正心之事也大學一書只是要人正

心修身而治國平天下章亦只是言好惡用人之事

其道如此 皇上聖明誠能深體其義而力行之正

其好惡無偏無陂以立極於上使臣下化之亦正其

好惡無偏無黨而同歸於極則董子所謂正心以正

朝廷正朝廷以正百官正百官以正萬民正萬民以

正四方四方正遠近莫敢不一於正而無有邪氣茲

間者是以陰陽和而風雨時羣生和而萬民

之物可致之祥矣不畢至矣蓋洪範九疇曰

土治天下之大經大法而其體要只在此一疇此疇

率斯八疇莫不畢舉矣善乎先儒胡宏曰明君以務

學為急聖學以正心為要蓋得之矣今日 聖學緊

要下手處實不外此伏望 聖明留神體玩務見之

力行實踐不徒事區區文義之末臣愚幸甚

議禮儀疏 七年十一月

者伏遇 上 行中宮皇后喪禮 皇上疑於天子

版制屢降 聖諭內閣及臣等援引

公履推究臣等仰惟 皇上稽古好道事必審

其據禮必求其中真大聖人之見殆由尋常萬萬者

臣等雖愚昧寡識叨職禮官幸遇 聖明敢不以

陛下乎連日自聞 聖諭以來精白一心博

考羣籍不敢眩惑人言亦不敢附會推說深思明辯

惟理是求乃知聖人之經無不具載先儒之說皆有

源委而學者不善讀讀者不善解耳謹按儀禮喪服

篇斬衰下曰父曰父為長子齊衰三年下曰父卒則

母為長子齊衰期年下曰父在為母曰妻則

則為妻不杖斯禮也通乎上下而言也蓋若

臣父子夫婦三綱也人倫之大者也自天子諸侯大

夫士庶人莫不服之所謂殷因於夏禮周因於殷禮

不可損益者也故儀禮別篇曰士冠禮曰士昏禮曰

士喪禮曰大夫饋食禮惟喪服不曰士喪服而獨曰

喪服者古註疏謂喪服一篇總包天子以下服制之

事是也或者謂齊衰期年下止曰妻不會明言曰天

子為后諸侯為夫人謂非天子諸侯之服然則斬衰

三年為父為母下亦不會明言曰天子諸侯為

天子諸侯為母亦將謂非天子諸侯之服乎蓋經

又簡而備君臣上下并包之矣或者謂天子絕期斯

言也蓋出於漢儒白虎通曰天子為諸侯絕期何示

向與百姓明不獨親其親也其言甚明蓋謂天子之

期親世父母叔父母眾子昆弟昆弟之子皆出為諸

侯而非正統者也此等期服大夫則降為大功天子

諸侯則不服天子所絕即大夫所降者也此皆為

可也若正統之期天子諸侯亦不降也而况絕乎故

下條註云大夫則謂之庶子降之為大功天

子服之疏云天子國君不服之者以其絕旁

之說也又按儀禮圖解天子諸侯正統旁期服圖註

云天子諸侯紀旁期尊同則不降正統之期不降於

眾子絕而無服又按杜氏通典天子不降服及降服

議魏田瓊云天子不降其祖父母曾祖父母后太子

婦婦姑姊妹嫁於二王後皆如都人祖父母后嫡婦

即所謂正統之期不降者也姑姊妹嫁於二王後即

謂尊同則不降者也又按喪服傳父在則為妻不

謂尊同則不降者也又按喪服傳父在則為妻不



衣條下註云服之降有四品君大夫以尊降疏云君大夫以尊降者天子諸侯為正統之親后夫人與長子長子之妻等不降餘親則絕天子諸侯絕者大夫降一等即大夫為眾子大功之等是也又按中庸曰君之喪達乎大夫三年之喪達乎天子父母之喪無貴賤一也古註云期之喪達乎大夫者謂旁親所降在大功者其正統之期天子諸侯猶不降也大夫降天子諸侯絕之為服所不臣乃服之也疏云三年之喪達乎天子 正統在三年之喪父母及適

何 卷之一 奏議

重

達乎天子 言天子皆服之天子為后服以昭十五年左傳叔向云王一歲而有三年之喪是包后為三年也惟父母之喪無問天子及士庶人其服並同故云無貴賤一也又按中庸或問大全呂氏日期之喪達乎大夫者期之喪有二有正統之期有旁親之期正統之期雖天子諸侯莫降旁親之期天子諸侯絕服而大夫降也三年之喪達乎天子者三年之喪為父為母適孫為祖為長子為妻而已

天子達乎庶人一也父在為母及妻雖服期然本為三年之喪但為父為夫屈者也故與齊衰期之餘喪異者有三服而加杖一也十一月而練十三月而祥十五月而禫二也夫必三年而後娶三也此皆聖賢傳與先儒之正訓也其言皆已甚明若謂喪服自

以下天子皆絕則喪服齊衰期條妻之下曰祖父則祖父母之喪天子亦不服之乎此後儒不

按春秋左傳昭公十五年六月乙丑王太

月戊寅王葬后丙十二月晉荀躒如周

何 卷之一 奏議

重

葬穆后既葬除喪以文伯宴王索晉獻彝器晉叔向曰王一歲而有三年之喪二焉於是乎以喪賓宴又葬器樂憂甚矣且非禮也三年之喪雖貴遂服禮王雖弗遂宴樂以早亦非禮也天子為后服期而通謂之三年喪者呂氏謂夫為妻本為三年之喪但為夫屈而為期者是也此周景王天子為后服之明據也或者謂天子之為后服無明文亦惑矣又考之我朝大學士楊士奇所著三朝聖諭錄永樂甲辰九月癸未禮部尚書呂震言於上曰今喪服已逾二十

七日請如 太祖倣漢制釋衰易吉服震奏已遂退  
編語羣臣明且易服士奇謂震曰今喪服未可比此  
例益洪武有遺詔且 仁孝皇后崩 太宗皇帝在  
上縗服後仍服數月白衣冠經帶今 上於 皇考  
乃遽卽吉乎時黃淮同余意然不敢明言忤震震厲  
言念余曰朝廷每事被爾拗衆尚書蹇義從旁解之  
曰渠言當理國家事公豈應偏執已見請兼取二說  
明且君臣皆素衣冠黑角帶遂偕六部都察院具奏  
報可明且 上素冠麻衣麻經出視朝文臣惟學士  
百樵遺稿 卷之一 奏議 重  
武臣惟英國公如 上所服餘文武羣臣之服皆從  
義等所定朝退 上召蹇義夏原吉及臣士奇等諭  
曰呂震昨奏易服云皆與汝等議定然後奏時吾已  
疑其非但聽臣下易之梓宮在殯吾豈忍易後闈士  
奇有言始知震妄士奇所執是因歎曰張輔知禮六  
卿乃有不及又顧義曰汝所折衷亦未當然不必再  
以語人羣臣聽其便據此曰 仁孝皇后崩 太宗  
皇帝在上縗服後仍服數月白衣冠經帶此我朝  
祖宗已行之明據也夫考之古禮經傳與先儒之正

訓如此考之周王爲后服之故事如此考之我朝  
祖宗典故又如此則禮之當然者可知矣臣等伏讀  
上前欵次 聖諭俱默契千古符合先聖真大聖  
人之見出尋常萬萬者也 皇上聰明睿知不世出  
之主也崇道好學親親法祖爲萬世彝倫之極禮樂  
之宗也臣等豈敢附會順諛而陷 陛下於非禮乎  
伏望 聖明亮察俯從本部原議 上服斷自齊衰  
杖期以日易月爲十三日之制其餘儀文及百官之  
服一聽 聖明裁定則得禮之中道之正無復異議  
西樵遺稿 卷之一 奏議 重  
者矣  
應詔陳言疏 八年正月二十六日  
欽蒙敕諭以近者災害繼作困於生民去冬長庚見  
而數丈元旦陰霾作而竟日且連年之變異數省之  
旱潦自來未有責躬思過以仰答皇天仁愛開曉文  
武羣臣大小百官使各加思省各盡其職有可弭災  
抑許令各自陳奏務有知速言言無不盡欽此欽  
此聞和氣致祥乖氣致異此不易之理也今日  
升災消變之術亦惟於斯言求之而已出此則

以萬貫事事而數之人人而責之皆末耳欲格  
反災爲祥不亦難乎漢儒云氣同則從聲比

以應人主和德於上百姓和洽於下故心和則氣和  
氣和則形和形和則聲和聲和則天地之和應矣臣  
伏觀、皇上御極以來勤學勤政敬天敬親汲汲求  
賢之心源源恤民之念宜乎善政民安德流化洽而  
猶未能者臣竊謂今日所病在君臣闕同遊之樂宰  
輔少和衷之美大臣乏休休有容之量羣臣無濟濟  
相讓之風將相不交驩內外不相承事本一家而務

西樵遺稿

卷之一 奏議

七

人執私見以相牴牾者有之善與人同而必事從已  
出以擅功能者有之以致上下猶未免於猜疑同列  
或相持以忌尅安得謂之和德乎然則今日致災之  
由其本實在於是伏望 皇上澄心燭微體而行之  
自宰輔而下大小臣工咸事同寅協恭和衷之道自  
今以往務各反躬克己開誠布公悟今是而昨非無  
以而拒善則君臣一德內外同風然後戒飭諸司  
令省刑薄斂賑窮恤孤則德澤下流而和氣  
召則雖日下百詔人上萬言何益哉臣又聞易

曰雷雨作解君子以赦過宥罪說者云君子觀雷  
雨作解之象體其發育則施仁恩體其解散則行寬

釋定亦省災消戾之一道也臣切見向年議禮諸臣  
以忤旨降謫者固皆其罪過無所怨尤但懲創之久  
必有感悟之情悔艾之深豈無同歸之化近蒙恩旨  
准令吏部酌量推用人皆稱德矣而充軍爲民者如  
余寬馬明衡等或流竄荒徼或窮匿草野今幾五六  
年比之降謫諸臣其悔艾感悟尤必有甚焉伏望  
皇上大擴包荒之量廣推宥罪之仁充軍者許還編

西樵遺稿

卷之一 奏議

七

氓爲民者姑與冠帶中間果有才識超卓行能可嘉  
者仍許吏部一體酌量起用則在朝在野無非至和  
而天地之和應矣臣又聞守令親民之官自古論治  
者皆曰重守令蓋亦不易之道也守令得其人則所  
謂省刑薄斂賑窮恤孤之事與凡勸農興教一切仁  
民之政自能心誠求之應時舉行守令不得其人則  
朝廷雖有畫一之法誰爲行之夫郡守固重而縣令  
尤重以其於民尤親也今天下郡守員數不多得人  
易而縣令員衆難於得人臣每見近日各處撫按

上奏稱知縣進士稱職者多舉人監生稱職者少欲得多選進士其言固非至論然爲今日一時救弊之術識者是之蓋進士多保身名舉人監生自待不遠亦其勢使然也况今方經考察員缺數多各處災傷用人尤急卽今正當貢舉之期伏望 皇上特賜宸斷多取進士五六百名二甲限以百名以下其餘悉翼三甲以次銓注知縣庶幾可望得人然後敕令吏部畧倣漢法著爲令甲不由縣令者不得擢臺卽給全不由郡守者不得至侍郎列卿則守令自有重而仁

西樵遺稿

卷之一 奏議

完

政舉舉矣是亦安民致和弭災消變之要也臣智識蹇淺叨列九卿旦夕竊祿無所裨益仰承德意使各盡言敢不罄竭愚衷對揚休命於萬一然不敢繁辭博引多立條貫而惟於本源之地機要之大者冒昧言之切謂爲治大端大本亦無以出此蓋非特弭災之道也漢申公云爲治不在多言顧力行何如耳伏望 皇上矜其愚昧察其懇誠而賜行之天下幸甚

省災自劾疏

嘉靖八年

上切見去年季冬長庚示變今年元旦風霾蔽天且

上處奏報災異天下大半旱荒苗害非常生民困苦昨者上勞 宸慮引咎自歸特敕羣臣同加修省臣伏首聞命深自思維變不虛生災由人致仰惟 皇上聖明不世出之主也臨御以來憂勤無間求治切於饑渴愛民根於至誠孝敬不遺其親操履未聞失德豈宜致此災異實大小臣工不職之所致也夫君之有臣猶天之有地天施而地不承則萬物不生君令而臣不共則百職莫舉如臣自知尤爲不職者也切念臣本以凡庸之器謬居宗伯之官多病早衰不

西樵遺稿

卷之一 奏議

三

學寡識事多廢弛言無建明禮樂不興安有中和之化祭祀不腆難求受福之祥宗室之法弊而莫知所以變通學校之教壞而莫知所以修復妨賢竊祿負國失身凡此皆致災之道也自古災異策免公卿祖宗之朝亦行斯典伏望 皇上將臣罷黜別選賢能以充其位則庶幾天變可弭而致治有道矣

辭免改吏部尚書疏

嘉靖八年三月初三日

臣竊惟今之吏部尚書卽古之天官冢宰在古以統邪治於今則司用人蓋人才之進退而風俗之美惡

治之得失實係焉乃至重至大之責也且承積弊之後方屬勵精之時因循則宿弊益滋而法意日壞振作則人情或駭而怨謗易興非素有才望足以服人者曷足以當之臣性愚識淺質弱病多待罪禮官已多失職日圖引退未忍遽言敢期恩命荐加實使慚惶愈甚知人則哲非臣之愚昧克承任事惟能又非臣之衰病可委若忘負乘之戒難免覆餗之虞臣切見兵部尚書李承勛戶部尚書梁材皆一持高品其才識志節皆臣不及欲稱厥職宜畀斯人伏望

西樵遺稿

卷之一 奏議

三

聖明亮察收回新命容臣以舊官供職別求賢能如承勛如材者而用之則庶幾羣望可協而重任不孤矣

西樵遺稿卷之一 終

廣東省  
中書  
節圖書

西樵遺稿卷之二

明 南海方獻夫著

元孫林鶴書

奏議

自陳請罷疏

嘉靖八年八月二十三日  
以下俱任吏部尚書

臣迂疎鄙士多病孱軀入仕二十餘年大半投閒林壑自甘退棄無足世用比者偶因議禮之故誤辱聖明之知拔於常流進之清秩委以重任俾居要津臣自知才綿力薄不稱任使受命以來日切恐懼第以 聖恩深重未忍造次求退然此心未嘗一刻忘

西樵遺稿

卷之二 奏議

一

也近該言官劾論大學士張璉桂萼罪過欽奉 聖斷張璉着回家省改桂萼着致仕臣聞命惶悚反已自思臣與璉萼二臣同事一體二臣既去臣無獨存之理且臣才劣病多力小任重識慮蹇淺行事乖謬臣之罪過臣雖不自知人雖未及言而 聖明洞察之下則有莫能逃遁者矣若不早求避位誠恐罪叢過積彼時臣雖萬死莫贖臣之心事終何以自白也是以聞命次日即開註門籍不朝參者三日方圖自

聞忽奉欽命山川壇西廡分祀行禮命嚴期逼不

得辭避臣卽強出供事自是朝參者又三日今遲遲而後舉者亦恐涉悻悻之迹而傷陛下之心也然大臣進退之義所係非小臣義所當退豈容姑息用是敢陳愚悃冒瀆天顏伏望聖慈俯垂矜察將臣罷黜別選賢能以充其位則臣受皇上天包地容之恩萬萬矣

明公論別善類以全國體兼乞迴避疏

八年八月

臣切見近日大學士張璠尚書桂萼去位而科道等官劾論其平日所與者咸指以爲黨屢下吏部查奏

西樵遺稿

卷之二 奏議

二

臣查得陸粲奏內凡二十人岳倫奏內凡八人王化奏內凡二十一人六科會奏內凡二十八人十三道會奏內凡三十三人前後事情不一大槩皆謂璠萼二臣之黨也臣愚竊歎以爲黨禍之害人國也大矣漢黨起而亡唐黨起而亂宋黨起而宋室始多事也識治體者豈可輕以黨之一字空人之國也臣竊詳各奏內所指之人平素奸惡公論不與者固有而善類受誣者亦多或因其所見之偶差不幸同於在位或篤於交遊之舊誼難以責之遠嫌或職任頗優因

西樵遺稿

卷之二 奏議

三

於大體或陞遷不次本於時名一槩日以黨人似爲繩之太過宋儒歐陽修曰小人無朋惟君子則有之君子修身則同道相益事國則同心共濟豈得以交游爲黨古人內舉不避親外舉不避讎謝安薦其姪程顥薦其弟豈得以親故爲嫌今只當論其賢與不賢不當論其黨與非黨且當年攻璠萼者旣以爲黨而去之今之附璠萼者又以爲黨而去之則縉紳之禍何時而已也此風若長將使人無置足之地矣臣愚之見昔年誤以爲黨賢而見黜者方圖以漸收復豈可復蹈前轍重於國體有傷且人才難得聖諭昭然去其太甚古訓攸在况今正當人才寥落之時缺者未補而去者繼報去者未必否而來者未必賢徒爲紛擾無益於治誠爲識治體者之憂也但言官糾舉亦其職分若大臣謀國則有不同是在陛下斷之而已乞敕吏部博稽公論甄別善惡不問黨與不黨只備考其人平日奸險有名素爲公論不與足以害事者去之以昭公道其餘跡涉疑似無有顯過者悉令照舊供職各圖自新不必苛求以安人心如

此則事無枉濫而國體少全矣再照臣與璉等二臣同為議禮之人理合避嫌若不迴避誠恐人言難免伏乞 聖明俯察容臣迴避特命吏部左侍郎董玘等會同九卿堂上官從公查議奏請定奪則不惟人心可服而朝廷大公之體亦當然也

謝賜手敕併賜銀記疏 八年九月初七日

切惟手敕之頒所以極獎崇之禮銀章之賜所以托密勿之人自顧臣愚何以當此切念臣病多質弱智小才疎受任以來無所裨益反躬而省恒切慚惶方

西樵遺稿

卷之二 奏議

四

圖避位以推賢敢謂亡愆而獲寵伏惟 皇上天資英邁聖學淵深見事每極乎幾微發言默契乎道義猶且不自滿假時常詢及芻蕘誠是有君無臣誰能損下益上不廢愚臣之眇末益彰 聖德之謙冲將有咨詢同帝舜之好察邇願聞差失即大禹之拜昌言忠誠直諫之文終身可佩重要機密之責休命曷承臣敢不精白此心對揚惟謹方覆前之在鑒懼善後之難圖言戒無稽道惟有要伏願 皇上惟精惟一帝王之心法自師無黨無偏天下之中道是守則

聰明不惑而百志惟熙思慮無勞而萬化自順矣

應詔議禮疏 九年正月初十日

欽奉制敕謂我 太祖高皇帝始建園丘方丘以祀天地後定合祭之禮恐上下之分陰陽之義未得日月贊上帝以成化工止歲一從祀不得專享及大祀以羣臣從之恐天神地祇失其上下之位 聖心皆以為疑欲有所更定以復 皇祖之始制令臣親述所知以對欽此臣聞制莫大於禮禮莫大於郊夫禮者義之實也非精義入神者不足以語之孔子之時去古未遠猶曰君子毋輕議禮而况當今禮文殘缺之後異說汨沒之餘豈易言哉孔子又曰明乎郊社之禮治國其如視諸掌乎則郊社之禮尤有未易言者臣切惟古之禮經今猶存而可考者曰儀禮曰禮記曰周禮儀禮十七篇所載祭禮僅止於大夫士少牢饋食以下之事不存王者郊社之禮禮記禮運禮器郊特牲月令祭法祭義等篇雖多及郊社而的然可據者亦無幾也至於周禮則先儒已謂其出於劉歆之附蓋非周公之書可疑而不可信可觀而不可

西樵遺稿

卷之二 奏議

五

行則亦豈能深據以爲古禮之必然哉今亦惟其理之可信者信之勢之可行者行之而已而理之不可信勢之不可行者不敢質言也臣謹按祭天圜丘祭地方丘之說蓋出於周禮大司樂曰冬日至於地上之圜丘奏之則天神皆降可得而禮矣夏日至於澤中之方丘奏之則地祇皆出可得而禮矣祭天南郊祭地北郊之說蓋起於漢儒匡衡曰祭天於南郊就陽之義也祭地於北郊卽陰之象也而鄭玄輩遂因之以解周禮也斯言也考之五經而無文質之先王西樵遺稿 卷之二 奏議 六

也以就陽對答陰以明天對神地以尊天對親地是亦明以郊祭天社祭地而無方丘北郊祭地之說也祭法之言曰燔柴於泰壇祭天也瘞埋於泰壇祭地也是亦未嘗言北郊也禮器之言曰因名山升中於天因吉土饗帝於郊是亦未嘗言北郊也且祭天於郊故謂之郊安得祭地亦謂之郊乎又以先王之行事質之舜之攝位也類于上帝禋于六宗矣望于山川徧于羣神矣未聞祭地之事也望于山川卽祭地也武王之大事于商也類于上帝宜于冢土矣未聞祭地之事也宜于冢土卽祭地也其旣事而退也柴於上帝祈於社矣未聞祭地之事也祈于社卽祭地也周公之祭于洛邑也丁巳用牲于郊牛二戊午社于新邑牛一羊一豕一未聞祭地之事也社于新邑卽祭地也蓋嘗思之王者尊天故祭于郊遠所以尊之也親地故祭於社近所以親之也祭天於郊北面曰就陽祭地於社南面曰答陰此陰陽之大義也祭天先燔於壇祭社先埋於圻此上下之大分也非必南北郊爲陰陽而高丘下澤爲上下也此先王制禮



之意也或曰諸侯則有社矣謂之祭地可乎曰古者天子封土五色以立大社其命諸侯惟以方色之士子之使歸而立社則諸侯之國有社而無五色之大社是謂侯可以謂之祭土不可以謂之祭地也春秋傳曰天子祭天諸侯祭土猶之宗子祭父支子不得祭父而可以祭母父尊故也天子祭天諸侯不得祭天而可以祭土天尊故也古之王者祭地有王社又有大社大社謂之后土謂之冢土謂之泰圻謂之大示未有方丘北郊之事也至漢武帝始有甘泉泰畤

西樵遺稿

卷之二 奏議

八

汾陰后土之祠而匡衡遂爲南北郊之議則失先王尊天親地之意矣新莽始有天地合祭祖妣並配之說而後世遂以爲祖配地之儀則失先王之意益甚矣夫聞尊祖配天之說矣未聞尊祖配地之說也古者祭天地之大神必配以人鬼以通其氣如五帝配以伏羲神農黃帝少昊顓頊社配以勾龍氏稷配以后稷氏虞夏商周郊天各配以其祖未嘗無配者也夫祭五帝社稷配以前代之人鬼祭天配以其祖者尊祖也若別有祭地之禮則安得不聞配地之神乎

是知社卽祭地勾龍氏嘗平水土有功於地者也故後世有易以夏禹者亦有功於地者也是卽配地之神也觀其配則知其主矣臣又按宋儒胡宏曰古者祭地於社猶祀天於郊也故泰誓曰郊社不修而周公祀于新邑亦先用二牛于郊後用太牢于社也周禮以禋祀祀昊天上帝以血祭祭社稷而別無地祇之位四圭有邸舞雲門以祀天神兩圭有邸舞咸池以祀地示而別無祭社之說則以郊對社可知矣後世既立社又立北郊失之矣臣嘗因是說而考之周禮大宗伯典瑞司服大司樂鼓人等篇凡言社卽不言地言地卽不言社至於曲禮月令諸處亦然則宏之說不爲無據矣又小宗伯建國之神位右社稷左宗廟兆五帝於四郊四望四類亦如之兆山川丘陵墳衍各因其方若有祭地北郊之事則當曰兆五帝於四郊兆后土於北郊夫山川丘陵墳衍且序之不憚煩安得兆地之大禮而獨缺乎是知右社卽兆地之位而宏之言亦得之矣臣又按中庸曰郊社之禮所以祀上帝也朱子解曰郊祀天社祭地不言后土

西樵遺稿

卷之二 奏議

九

者省文也又朱子小註曰周禮只說祀昊天上帝不說祀后土先儒說祭社稷便是如郊特牲而社稷太牢又如用牲于郊牛二乃社于新邑此乃明驗五峰言無北郊只社便是祭地此說却好據朱子此言則以宏之說爲是矣夫四書章句集註朱子晚年所定之書也不亦可據乎又按橫渠張載亦曰大社祭天下之地祗王社祭京師之地祗載宋儒知禮者也而其言若此亦可信矣然則圜丘方澤之說非乎曰此臣前所謂可疑而不敢質言者也圜丘不見於五經

西樵遺稿

卷之二 奏議

十

北郊不見於三禮元儒袁桶已言之矣然則其可疑者何必信可信者何必疑乎若必如周禮則一歲九祭天二祭日月四時四望山川丘陵墳行各祭於其方園丘必求自然之山方澤必求水鍾之地可行乎孔子曰觀其會通以行其典禮酌古今之宜爲會通之術則必有其道矣臣嘗見我國初儒臣所著存心錄編次園丘方丘朝日夕月專祀天神專祀地祗社稷等壇儀節繁多精義未著嘗竊疑之厥後莊誦我太祖高皇帝御製大祀文內云朕卽位以來命儒臣

遍歷羣書自周以至於宋元皆考祀事之典既考之後守而行之然當行祀之時惟宗廟頗合人情及南北二郊以及社稷甚有不如人情者也於是自洪武十年更社稷於闕右去繁就簡一壇合祀以奉二神洪武十一年命三公率工部役梓人於京師之南創大祀殿合祀皇天后土又云古人之祀南北郊朕度之彼以義起故曰南郊祭天以其陽生之月北郊祭地以其陰生之月孰不知至陽祭之於至陰之月至陰祭之於至陽之月於理可疑且掃地而祭其來甚

西樵遺稿

卷之二 奏議

十一

遠若以斯祀之禮執古不變則人之享亦執古而不變則汗尊杯飲茹毛飲血巢居穴處以今言之勢可行乎斯必不然也因是命太常卿每歲祭天地於首春正三陽交泰之時是其宜也臣乃竊伏自歎始知周禮之繁文國初諸儒草創之謬見真不可行而我聖祖之高明特出閱歷已熟審於人情揆於事理而更定者之爲是也所謂酌古今之宜得會通之術者也故臣嘗曰今之南郊本祀天而配以地猶大社本祭地而配以稷耳無害於義也知稷之不可以對地

而可以配地則知地之不可以對天而亦可以配天也是亦一道也禮曰非從天降也非由地出也人情而已矣又曰夫孝者善繼人之志善述人之事者也仰惟 皇上天資英睿度越百王問學淵源覽識千古然聖不自聖之心必不自以為聰明高於 聖祖也閱歷深於 聖祖也豈肯舉其制而遽變之誠以聖心有不安於此禮者惟求其是而已矣是以親降綸音徧詢臣下使各述所聞真聖不自聖之心未嘗固必於此也亦惟理之是從而已矣夫理有輕重事

西樵遺稿

卷之二 奏議

三

有緩急法古為重法古可也遵 祖為重遵 祖可也故曰有其舉之莫敢廢也有其廢之莫敢舉也况時訕舉盈君子以為戒生今反古聖人以為菑陳其數不知其義謂之瞽守其常不達其變謂之迂此臣之所以不敢輕議也臣職忝大臣義關國計尤有不可易言者不然則臣雖至愚豈不知 皇上一心承天銳志復古凡在大小臣工莫不仰聖人之再出喜禮樂之可興敢不敷陳古典將順德意而乃為是由舊之說以自取不韙之罪哉伏惟 聖明鑒之幸甚

幸甚

任大責重病實不能支持再疏陳情懇乞天恩  
放歸田里疏 九年六月初三日

邇者該臣奏為久病不職自陳請罷以全聖恩事欽奉 聖旨卿職居銓曹朕所委任可即出用心辦事不准辭欽此臣伏枕聞命感激 聖恩天高地厚莫可云喻但臣所有血誠未蒙照察敢昧死再陳之臣聞事君而致其身者人臣之分也審已而量其力者君子之義也苟知其力之不足而徒附致身之義持

西樵遺稿

卷之二 奏議

三

位守祿馴致覆敗以悞人家國者其迹似忠實國之賊也君子何取焉切念臣性質迂愚識慮淺陋粗知章句早竊虛名實非任事之才濟時之器兼之累年疾病未嘗脫體氣息奄奄不能任事此臣實自知之明也比者受國厚恩界以銓衡重任臣感激殊遇千載一時雖自知其力之不勝而亦欲竊附於致身之義以圖報 聖恩於萬一也奈何天限其分福過則災其任日重其病日甚近來加患脾泄將及一年累治不愈時止時作遂成痼疾以致胃氣久虛飲食少

進終日之間飯不盈撮血氣頓衰視聽半失事過輒忘心痛時作稍有勞碌輒至暈眩顧此銓衡事任繁劇實難支持臣若一日不去必悞朝廷一日之事隕身無益如悞國何此臣所以反覆思維不能一日安於其位也用是敢吐血誠懇求休退此臣之情實非有他臣聞上有至仁之君則下有曲全之士伏望聖慈曲加憐察特從微志早賜生還別求賢能以舉其職上以昭 皇上保全之恩下以勵臣工止足之節臣卽死故丘無遺憾矣

西樵遺稿

卷之二 奏議

一

自陳請免罷黜疏

九年七月二十日

臣才劣病多久瘵銓衡之職臣罪大矣近該戶部左給事中孫應奎劾臣徇私推用太僕寺少卿先光右春坊右諭德彭澤前後敷論治體與大臣事君用人之道皆有益於臣之言臣何容辯然謂臣於光於澤爲親友而私之則實未然臣之心迹不容不白臣與光同府異縣與澤同縣實並非親故光爲弘治九年進士科第今已三十五年矣爲安仁知縣爲御史湖廣查盤南直隸巡按皆有聲其侍養家居十餘年並

無過舉孝友著聞鄉評重之廣東巡按御史徐相會特薦之其陞南京通政叅議太僕少卿皆臣未到吏部時也前日推舉僉都御史之時都御史汪鉉先一日到臣家曰明日會推本院僉都御史特來請教臣曰生正欲請教貴同僚當自擇也鉉卽首舉光曰光年深又係老道長事體甚熟道中人甚重之光曾巡按敝處甚好二十餘年無此巡按人至今思之該用臣卽應之曰光係生鄉里豈可推之鉉曰豈可避嫌又曰其次莫如林有孚臣卽應之曰相應次日會推

西樵遺稿

卷之二 奏議

五

時臣正以光鄉里之嫌不敢正推乃推有孚而以光陪寫耳鉉仍對衆如前言今鉉見在其言猶可訪也至於澤爲進士時已有才名以進士丁憂起復卽選人吏部異擢也其爲考功主事文選員外卽中皆偉績卓然行義無玷士論與之止因大禮初議之時澤嘗與有力焉遂爲羣猜衆疾而謗毀至矣人言取舍前後頓殊幸賴 聖明垂察得賜保全其改諭德也內閣會推也今將三年矣前日提督四彝館太常卿之推臣猶以爲其退一着也舊規翰林官至五品已

為崇階如庶子學士皆五品也卽推各部侍郎諭德亦五品也今推卿又係提督四彝館冗職似不為過且以常格論之澤為文選卽中卽可陞少卿少卿三年卽可陞卿亦非越次今皆以為臣之私忍非臣之心也雖然卽非臣私而臣不能遠迹避嫌亦臣之罪也臣復何辭再念臣久病脾泄精力頓衰氣息奄奄朝不保夕銓衡重地實難勝任一尙扶病勉強供職用人行事不可人意者多矣負恩悞國罪將安追前此臣屢陳病狀懇乞退休不蒙 聖恩許可且責臣

西樵遺稿

卷之二 奏議

六

勿得辭避臣自得命如芒在背進退惟谷莫知所從以致人言日至臣過日積又臣之罪也伏望 聖慈曲垂宥察將臣早賜罷黜以為大臣不職者之戒以塞人言以全治體

十分病弱不能供職陳情固請懇乞天恩放歸

調理疏 九年九月初十日

臣久病宜退以受恩深重不敢回請一向勉強扶病辦事今病勢十分困弱委實不能支持不得已昧死陳情固請矣臣舊患內傷虛損近又得患脾泄已一

年胃氣久虛夫人以胃氣為本胃氣既虛根本則壞有此病者十不一生以是臣自得此病日甚一日少遇風寒勞役輒易感冒百病皆出難以枚舉前此猶幸不曾咳嗽吐痰今咳嗽氣喘每日吐痰一碗如此者已踰一月卽今日甚一日晝夜不能安枕胸膈虛痞飲食不進精神內潰形容外枯六脉沈微諸藥不效前此猶能出部強病辦事今不能出部者二十日矣部事叢委尤為關心日夜憂思自知元氣既虛藥石難療非謝事靜養決無可生之理前數日大學士

西樵遺稿

卷之二 奏議

七

張璠到臣家見臣病狼狽為之愴然許臣曰爾病勢若此當為達于 聖上放爾回去調理一二年可也又一日大學士桂萼亦來看臣亦曰爾病勢若此誠不可不去亦許臣同璠轉奏臣時卽涕泣感賴日望一日今不知二臣為臣啓奏未也臣日夜憂鬱莫知所從遽疏則恐拂 聖懷苟延則恐悞國事憂懼交并病且日劇况今天氣漸寒河冰將合家在萬里首丘之思實為苦切伏望 聖慈俯垂憐察容臣致仕回籍調理一二年或者謝事靜養元氣可復四體稍

健可以任事臣卽當自疏求用圖盡犬馬之報臣非木石豈肯終負天地父母莫大之恩也

十分病弱委實不能供職再疏陳情懇乞天恩放歸以全萬里殘骸疏 九年九月二十六日

近者該臣奏爲十分病弱不能供職陳情固請懇乞天恩放歸調理事欽奉 聖旨卿有疾宜善加調理部中事務着侍郎董玘暫行痊可卽出供職所請不允該部知道欽此臣伏枕聞命感激流涕 聖恩深厚所以體悉臣者至矣臣自是日夕在家用藥調理西樵遺稿 卷之二 奏議 六

庶圖少瘥卽出供職以副 聖懷以盡臣犬馬之報緣臣病脾泄已經一年愈久愈弱非旬月可愈加之咳嗽吐痰兩月不止漸成勞瘵亦非藥石可療必須假以歲年寧心靜養庶或元氣可復前病可痊夫吏部非臥病之地尚書豈臥病之官臣自得病以來雖臥在牀褥部中事務未嘗一日不關心者近雖奉有欽依着侍郎董玘暫行部事但印信猶係臣掌管事體不便難以日久且事之大者猶不免關白於臣臣氣體衰憊神思昏昧銓衡大事豈能裁決終恐部事

日廢臣病日深胥失之矣臣之血誠竭盡前疏大學士張璉桂萼二臣明知臣病不能爲臣力請而猶欲畱臣者其意何居臣螻蟻之軀固不足惜如悞國事何賢俊滿朝孰非可任者臣一病人何足靳畱以悞國事哉臣又思昔年尚書席書以病乞歸不蒙 聖恩俞允後竟卒于京師臣嘗悼之且書病時猶有一弟一壻一子在侍今臣並無一兄弟子姪在旁臣家又遠在嶺外若臣病不起萬里之途誰爲收臣骸骨臣聞窮而呼天疾痛而呼父母人之情也伏惟 皇

西樵遺稿 卷之二 奏議 九

上天地父母之心哀而憐之及此凍前特賜俞允容臣給假回籍調理亟選賢才以代臣任上不致廢悞國事下得以保全殘骸則臣受大造更生之恩無涯矣

謝恩陳情疏 十年七月十一日 給假回籍養病

臣以患病欽蒙 聖恩放歸調理今年六月初十日復蒙欽差行人蔡燾捧到手敕起臣復任臣時居山服藥忽聞名命無任惶恐謹命姪僕扶臣力疾望闕頌首接敕禮畢臣感激 聖恩超出常典驚惶隕越

莫知所云竊念臣以一介庸才遭遇 明主委任隆  
重恩禮優渥恤其私以去責之大義而勉其復來天  
語諄切王人在門皆殊恩也臣拜恩宜即日趨命報  
答殊遇尚復何言但臣之情有大不得已者亦不得  
不於 明主之前陳之臣患脾泄病症日久不愈時  
止復作遂成痼疾服藥過多反傷元氣飲食頓減精  
神益衰今兩脚痿軟不能拜立神思髣髴視聽半失  
東垣所謂其形如夢寐矇矓如烟霧中不知身所有  
也安靜無事可以坐起如常似無病人稍涉勞役輒

西樵遺

卷之二 奏議

十

眩暈顛仆偏身發熱一臥牀褥動經旬月臣自揣如  
此病廢之人雖加意安養以祈旦夕之命猶且不能  
尚能當鼎軸之任爲百僚之率乎况考察在邇事體  
繁重實不敢苟取一身之寵榮而悞國家之大事也  
夫大臣之義以身殉國苟有利於國家死生以之况  
臣受恩深重尤出異常雖粉身蓋骨萬死以報朝廷  
未足也今病與事違志因力屈且跡涉遷延冢司久  
曠此臣之所深懼也省愆思咎如芒在背戰兢駭  
無以自容然反復維念今日方命之罪小他時悞國

之罪大此臣血誠也伏望 聖慈察臣之情宥臣之  
罪容臣照舊在家調理前病痊可氣體強健當即赴  
闕求用圖報 聖恩於萬一臣之志也臣竊見戶部  
尚書梁材廉介絕俗南京兵部尚書王廷相風采卓  
然之二臣者其才識精力皆百倍於臣臣又不敢以  
一己之私而蔽天下之賢也伏望 聖明於前二臣  
試簡而用之必有大效則用臣之言勝於用臣之身  
矣臣之以人報國亦莫大於此

西樵遺稿

卷之二 奏議

十一

徵命疏

十年十一月十八日

臣因患病先該臣奏准回籍調理近者欽蒙 聖恩  
手敕差官取臣復任緣臣患病未曾痊可該臣具奏  
謝恩陳情再乞照舊養病未蒙俞允續又該行人蔡  
鑿奏奉欽依令守候催促欽此行人蔡鑿日夕守催  
逼迫臣不得已扶病就道沿途請醫服藥調理緣臣  
脾泄病症日久不痊實是沉痼登途以來前病益甚  
十月初四日行至江西贛州府地方病益危篤多方  
請醫調治未見痊愈精神日耗元氣日衰今咳嗽吐

痰容枯髮槁四肢骨立如柴行人蔡黻目擊也臣自  
揣病勢如此豈能前進徒爾遷延月日耽悞國事甚  
切憂懼再思臣病本因虛勞內傷近年加患脾泄以  
致胃氣益虛根本凋敝非旦夕之間藥石之工可以  
責效必謝事節勞居山守靜如東垣方書所謂少思  
寡慾省言以養氣不妄作勞以養形虛心以維神如  
此二三年庶幾元氣復續可望生全否則死亡無日  
矣每念 聖恩深厚伏枕流涕夫犬馬尚知報主草  
木猶識向榮臣遭際 聖明眷遇非常豈不晝夜思  
西樵遺稿 卷之二 奏議 主  
奮以圖報稱然有此身則報主有日無此身則圖報  
無由矣儻得還山調理痊可則臣報主之日尚長也  
若只強此困弱垂死之軀遠涉水陸萬里之道必至  
顛踣何益於事是徒負 聖恩也伏望 聖慈俯垂  
憐察開以更生之路容臣照舊回籍養病亟簡賢能  
以充臣任上不致耽悞國事下得以保全微軀臣感  
思無涯矣臣又思贛州去家二千里臣病勢如此實  
切首丘之思若再前行則歸途益遠恐致死於道路  
終負 聖恩奏上之日臣卽駐此候命伏望 聖慈

憐察早降俞旨  
恭問起居疏 十一年四月二十二日  
臣先因患病奏准回籍調理近蒙 聖恩行取赴京  
臣力疾趨命本年三月十八日行至江西吉安府地  
方得邸報伏聞 聖躬正月內偶爾違和臣犬馬之  
懷無任兢切本月二十二日行至江西省城又得報  
伏聞 聖躬平復二月初一日視朝十五日以後常  
朝臣下懷稍慰臣以疾病之軀驅馳至此瞻望闕廷  
如在咫尺恨不奮飛卽往以快觀 天顏以仰答眷  
西樵遺稿 卷之二 奏議 主  
懷乃臣晝夜寢食不安之志緣臣久病氣衰沿途服  
藥調理須由水路難以陸行計五月中旬纔得到京  
臣瞻戀企望之私如急水火謹先具本問安伏望  
聖明以宗社爲計以養生爲重 聖體雖已平和更  
宜謹於初愈萬幾多暇常貴存神省事節勞少思寡  
慾安靜和樂以怡適 聖情廣大寬平以完養 聖  
慮則 聖體自安 聖儲亦廣此臣區區芹曝急獻  
之忱也伏望 聖慈鑒納實宗社萬萬年無疆之慶  
乞恩暫容調理疏 十一年五月十九日



臣先因患病於嘉靖九年九月內該臣奏准回籍調理嘉靖十年六月內蒙欽差行人蔡黻捧到手敕取臣復任臣時患病未痊該臣奏為謝恩陳情事再乞照舊養病欽奉 聖旨覽奏至朕甚嘉悅卿可上緊前來供職以副朕委託吏部還作速催起欽此本年九月內又節該司禮監太監韋彰傳奉 聖旨太子太保吏部尚書方某着馬上差人上緊催取來京別用欽此續該臣奏為中途病篤懇乞天恩照舊回籍調理以全螻蟻微命事欽奉 聖旨卿既稱舊疾未

西樵遺稿

卷之二 奏議

言

痊宜沿途善加調理稍可即行赴京以副朕意不必再辭蔡黻且着回京欽此臣感激 聖恩至厚敕旨屢嚴義當力疾趨命沿途服藥調理稍可今年三月內行至江西又該臣奏為恭問起居事欽奉 聖旨卿在途具奏問安足見忠愛便上緊赴京以副朕名用至意欽此兼程前來五月十五日行至張家灣擬於十八日入京十九日朝見急欲瞻對 天顏慰答宸眷臣之志也不意臣久病氣虛舟次積勞十六日忽然中暑嘔瀉眩暈服藥稍止未能遽興不得已陳

賘伏乞 聖恩容臣調理旬日氣體稍健即行入京朝見臣無任恐懼企望之至

辭兌重任疏

十一年六月初一日  
復任吏部尚書

欽奉手敕太子太保吏部尚書兼翰林院學士方某着兼武英殿大學士散官尚書如舊在內閣同張孚敬等辦事欽此臣聞命戰兢莫知云措竊念臣迂疎無用積病早衰分實甘於退藏心何期於登進顧茲輔德之地宜界名世之賢敢以臣愚冒膺斯任恐貽聖人覆餗之戒徒累 皇上知人之明伏望收回成命別與閒秩以藏臣衰疾之身以畢臣事主之願臣無任感恩恐懼之至

西樵遺稿

卷之二 奏議

言

謝恩疏

十一年六月初六日  
任武英殿大學士

欽蒙 聖恩着兼武英殿大學士在內閣辦事六月初二日該臣已赴午門外謝恩緣連日陰雨免朝未經面謝未敢赴閣本月初五日伏蒙欽遣司禮監文書官焦忠到臣私第宣令臣即日入閣辦事候視朝之日照舊面思臣欽遵即日赴閣辦事隨蒙本官齎捧 聖諭併原賜銀印記一顆到閣賜臣臣謹稽首

頓首伏讀 聖諭云卿昨赴名到京但連日陰雨未  
與朝見故今日朕命入閣辦事庶副朕名用之意夫  
輔導之地以納誨為職豈無資我之忠言必託封章  
庶得隨事開陳茲以原賜銀印記給卿用使宜承朕  
所命欽此竊念臣多病朽材遠方末學本無知識徒  
抱樸忠過辱天地高厚之恩俾忝台衡密勿之地未  
遑辭讓有顧逡巡茲者復軫 聖懷促之入事隨即  
再頒秘印期以納言皆殊典也臣敢不仰承休命益  
勵初心知無不言事必惟謹庶竭庸愚萬一之報少  
西樵遺稿 卷之二 奏議 三

答 皇上知遇之恩臣無任感涕惶懼之至  
自陳請罷以弭天變疏 十一年八月十五日

仰惟 皇上敬德好學畏天憂民三代以來所未有  
之主也宜乎天心降格和氣呈祥茲乃彗星示變二  
歲之間凡三見焉上廬 聖諭引咎自責復敕文武  
臣工痛加修省臣切念古者災異策免公卿今日之  
咎實在臣下如臣者章縫末品樗櫟朽材忝竊國恩  
冒膺寵秩素以疎愚之性不能於官况兼衰疾之軀  
尤難任事俾參密勿調變無功復柄銓衡綜核罔效

精神日薄智慧日昏事每違心力不逮志臣有反自  
訟實不職之尤當黜之首也伏乞 聖明將臣罷歸  
田野別簡賢能以充斯任則羣工皆警庶政聿修而  
天變可弭矣

陳情乞恩辭免銓衡重託疏 十一年八月二十  
七日

臣庸才弱質積病早衰不任煩勞本宜休退比者誤  
辱 聖明軫念特屢召用還朝置之館閣俾就優容  
臣感激 聖恩誓死圖報近因吏部尚書王瓊患病  
節奉欽依部事重繁不可久缺人管理着輔臣方某  
西樵遺稿 卷之二 奏議 三

暫且掌印管事并首奏事着周用等代欽此續又該  
吏部題開尚書員缺欲照例會官推補再奉欽依吏  
部且着輔臣方某管理事務不必推欽此昨者該臣  
奏為自陳不職請罷黜以弭天變事又奉欽依卿召  
用未久方以銓衡重任是託上天示戒宜為朕精別  
賢否以贊天工不允辭欽此臣仰見 聖懷以銓衡  
為重不以臣之不肖而託於臣捫心感激益不自勝  
竊念臣力可能者皆臣分所當為豈敢憚勞有所退  
託第以銓衡事重臣衰疾之人誠恐精神氣力管理

不周悞事不小且臣幸從輔臣之後每日立侍御座之旁該部承旨奏事雖奉有欽依令周用等代臣心實不安似於事體非宜夫 聖明在上賢俊滿朝豈無一人堪此任者而以臣庸愚衰疾之人屢叨此柄非惟事體不便亦恐人言難免反使臣進退無容身之地矣臣有此悃情不得不陳于 君父之前伏望 聖慈矜察容臣辭免亟將吏部尚書員缺推補臣無任感恩待罪之至

薦賢疏

丁酉年九月初五日

南樵遺稿

卷之二 奏

一 奏

臣聞人君之

力入而已大臣之道以人事君而已

臣嘗叨典銓衡今又忝廁輔臣之末以人報國一念每展轉于懷而深愧其未能也夫諸司之職固皆至重而館閣之儲尤為緊要今左右春坊司經局官全無一人而講讀編討之員亦甚寥落似非盛平之體况近年節推內閣題奉欽依今後兩京并在外官員若有學行純正堪任官僚館職的吏部從公查訪推用及該部覆題又奉有欽依着實舉行一向廢格未見該部遵行意者恐有所中撓歟臣愚以為今日

皇上應天求治之道莫急於此也臣切見吏部文選

清吏司郎中王道河南道監察御史張珩學行純正

識度宏遠實皆難得之才受重之器也今 皇上日

勤聖學汲汲思得講學之臣若二臣者非其人歟臣

聞之已久知之極深故敢為 陛下薦之乞敕吏部

查訪相同量其年資待以不次特授以諭德侍講等

官令其經筵講書仍敕吏部查照近年題准事例將

見任講讀修撰編修年深者再行推補宮僚其講讀

修撰編修檢 缺作急於兩京科道等屬等官內

南樵遺稿

卷之二 奏

一 奏

推訪奏

聖學之助將來春宮之選皆不

乏人矣其於應天求治之道誠非小補

謝恩疏

十一年十二月三十日

近該臣三年考滿欽蒙復職今日伏蒙 聖恩遣內

使王隆齋賜臣新鈔三千貫羊二隻酒二十瓶除已

望闕叩頭祇領訖切念臣猥以庸愚謬承寵任聯銜

一品竊祿三年深懼曠療無所逃罪詎期光宥復得

覃恩地厚天高愧名言之莫罄蝸緣蟻負知報稱之

為難臣無任感激天恩之至

恭答 聖諭議罪疏 十二年八月 日

伏蒙 聖諭以張延齡所犯併所奉 昭聖皇太后  
傳諭示臣等令議處來聞今日又蒙發示法司會本  
到閣臣仰惟 皇上至孝通乎神明大智周乎庶物  
雖一事之細一物之微處之必極乎義理之精而即  
乎人心之正有臣等愚慮萬萬不及者今以茲大事  
特賜下問欲求處置之宜是即帝堯稽于衆舍已從  
人文王慎于庶獄之心也臣實自懼智識蹇淺聞見  
寡陋莫能所以上副 聖明者然臣職忝輔導受恩

西樵遺稿 卷之二 奏議 三

尤為深重倘有一得之愚敢不悉心以聞臣切思張  
延齡以皇家懿親備極先朝榮寵高爵厚祿已踰分  
涯雖至愚極陋必知所以長守富貴可也却乃不能  
安分循理肆其驕侈交誘非人打死四命霸占田地  
違法多端死有餘罪矣尚復何言然臣切聞之誓暇  
殺人司法者曰執之而已矣有司之守也公族其有  
死罪有司曰在辟公曰宥之者三王者之仁也故歷  
代至于我朝十惡有不赦之文而八議有議親之制  
蓋情法不偏廢恩義不相掩也今延齡所犯在法當

死處之死可也法之正也或以為恐傷 昭聖皇太  
后之心而妨 陛下親親之仁則免死充軍可也奪  
爵為民可也霸占田地盡令給主違法家人盡發充  
軍可也此 皇上盛德事也非臣所敢議也若延齡  
果有不軌之謀則亂臣賊子天地神人之所共憤孰  
敢為之隱護但恐事在先朝蹤跡既遠證佐不明夫  
罪疑惟輕若遽加之法則恐不當其情所關國體非  
小尤非臣所敢議也此臣一得之愚昧死上聞伏惟  
聖明裁察

西樵遺稿 卷之二 奏議 三

免加秩疏 十三年正月十九日  
臣先因患病給假在家調理嘉靖十三年正月十九  
日欽奉敕輔臣張孚敬李時方某日贊政務昨來多  
事叢繁竭力裨益禮部尚書夏言自官邦禮勤誠罔  
懈好古執經志與朕合宜均加秩以示褒酬乎敬少  
師時某與言俱少保各兼官如故欽此臣聞命驚惶  
莫知攸自切以六典之官在備其職三孤之任貴惟  
其人臣多病庸才叨承密勿一無贊益三年于茲方  
惟負乘之羞將有退休之請且近者屢罹於疾動至

浹旬廢事失時中心抱歉不蒙譴責已荷包涵啟辱  
恩私再踰涯分伏望收回成命容臣以舊銜供職勉  
圖報稱以贖罪愆庶使臣心少安上恩不濫臣無任  
感激恐懼之至

自陳衰疾願乞骸骨疏

十三年閏二月二十七日

臣受 皇上天高地厚之恩龍眷異常祿秩踰分未  
嘗效分毫之報日夜思維死有餘罪然臣情有甚不  
得已者不敢隱忍苟延以悞國事敢昧死上陳臣早  
年嬰疾氣血衰憊向歲加患脾泄病症元氣益虛屢

西華遺稿

三

不效幸得回籍調再前疾稍止趨名前來勉強支  
持僅得二載不期自入去冬胃氣受寒仍前脾泄時  
作以致元氣復虛風寒易感勞役弗勝十二月內得  
患勞倦傷寒氣體益以衰弱迄今已踰三月起而復  
病不得痊愈卽今咳嗽吐痰胸膈疼痛心腹痞脹飲  
食不思四肢無力骨立如柴醫者診云六脉日就微  
弱臣私切憂之莫知爲治益憂益病益憂服藥  
過多難以責效必須謝事還山安心靜養庶可少冀  
須臾不死爾夫內閣重地文書浩繁事幾急大不可

一日缺人贊理臣自在病三月勉強赴閣辦事者不  
能數日廢時失事不知其幾臣豈敢以一身溫飽之  
故貪戀寵榮妨悞政務是臣不能報主之罪小怙恩  
悞國之罪大雖萬死不足以贖矣伏望 聖慈察臣  
不得已之情畧臣之罪保全臣之始終容臣致仕還  
鄉使萬里殘骸得返故丘臣之大幸臣卽死猶知結  
草銜環之報也

再瀝血誠自陳衰疾願乞骸骨疏

十三年三月初六日

臣其疏乞休未蒙 聖恩俞允者切念臣受恩

西華遺稿 卷之二 奏議

三

深重遭際非常何忍固求休退上辜 聖明之懷下  
取自棄之罪實緣臣疾痛切身情非得已蓋臣之久  
病于衰已非一日之積近因得患勞倦傷寒勢益侵  
尋遽難痊愈卽今相火虛炎潮熱往來一氣奄奄宿  
疾並作上而咳嗽吐痰下而脾泄不已雖平素壯盛  
之人亦弗能堪况臣元氣素弱者乎日復一日漸成  
勞瘁則有死之理無生之圖矣先正有云內無攻心  
之疾則外不見從事之難上有至仁之君則下必多  
曲全之士臣今誠有攻心之疾者也百體俱墮從事

實難 皇上至仁如天天德好生能不一垂憐察而  
曲全之手敢歷血誠再申前請伏祈矜憫特賜允俞  
容臣致仕俾得生還故里專一尋醫問藥庶或可保  
餘年倘不卽死尚圖後報

三歷血誠自陳衰疾願乞骸骨疏 十三年四月初十日

昨者該臣兩疏乞休未蒙 聖恩俞允俯降溫詞慰  
留至再臣伏枕涕泣仰惟 聖意豈不以臣才猶或  
可用不忍遽聽其去此誠天地無棄物聖人無棄人  
之心也臣感恩圖報雖百身無以自效勉強朝夕鞠

遺稿 卷一 奏

書

躬盡瘁以事 陛下臣之願也切緣臣受氣素弱積  
病早衰今年五十已如七十之人氣息奄奄容枯髮  
白奉朝臣工所目見也近來加以疾病侵凌精神氣  
體益就羸憊幸蒙 聖恩寬假一向在家用藥調理  
今且五閱月矣日夜痰嗽不止時常脾胃泄瀉虛痞  
飲食少進神思恍惚頭目昏眩不時暈倒在地朝參  
則恐致失儀赴閣則不能辦事此臣之情甚不得已  
者也夫病在皮膚旦夕可瘳病在腠理旬月可瘳今  
臣所謂病在膏肓非藥石可治非旬月可已者也惟

有致虛守靜放跡山林庶可却病延生終其天年爾

臣聞縱魚於壑投鳥於林者天地之至仁愛人之生  
順人之情者帝王之盛節臣於 聖慈實有望焉不

然臣恐命隨朝露身在遠途臣之苦痛曷有涯極是  
以不避煩瑣罄歷血誠昧死固請伏乞 陛下哀臣

之情亮臣之志察臣衰疾誠非事事之人特降俞旨  
放臣致仕還山俾得專意調理以保殘骸則臣一日

之生卽 陛下一日之賜也臣感恩圖報之心敢遂  
云已臣情迫詞窮莫知所言無任戰慄惶悚叩顙祈

遺稿 卷一 奏

書

請之至

謝恩疏 十三年四月十七日  
以下回籍養病

臣因患病該臣三疏奏乞休致欽奉 聖旨卿屢奏  
有疾准回籍調理着給驛去該衙門知道欽此感恩  
戴德如天如地莫可名言者惟念臣遭際 聖明備  
承寵任誠千載一時也前後竊祿殆踰十年未嘗效  
有毫髮之報顧以衰疾之軀不得已自求解職仰荷  
聖慈曲加體察准令調理不遽棄捐念在遠途與之  
給驛臣感激恩私實踰望外捫心自媿不知此生終

何以報 陛下也卽當匍匐赴闕謝恩况復遠  
天顏瞻依無日犬馬之戀甚爲惓惓奈以久病虛怯  
不時暈眩不能赴闕謝恩面辭皆臣之中歎而負罪  
慚惶者也仰冀慈仁俯垂容納

乞留恩賜圖書疏 十三年四月十七日

伏蒙 聖恩賜臣銀圖書一顆責臣有所故事印封  
以聞臣查得 祖宗朝賜大學士楊士奇等圖書皆  
寶藏終身並不進繳止因近年大學士桂萼不會稽  
問故事去官之日輒以繳還此後因以爲常似非

恭遺稿

卷

一 奏議

三

聖明賜予之意臣竊惟受恩深重圖報未涯雖因患  
病不得已乞歸到家之日得就安閒調理萬一不死  
醫藥之餘有所聞見願效愚忠隨時條奏少竭臣涓  
埃之報此臣之志一息尚存不容少懈者也所有前  
賜圖書不敢進繳容臣恭捧以歸什襲珍藏雖卽沒  
齒猶遺子孫百世之寶也

慶賀疏 十五年十二月十八日

嘉靖十五年十二月初五日獲觀邸報 聞十月初  
六日 皇嗣誕生臣不勝欣躍慶慰竊念臣抱病山

林百慮俱息惟此 皇嗣一事朝夕企望實切懸懸  
仰惟 皇上孝德性成道心天啓學高千聖見絕百  
王禮樂煥乎一新德業赫然丕盛夫莫爲於前雖美  
弗彰莫爲於後雖盛弗傳今誠作述之有人允自聖  
天之眷命天下之本于茲永固宗社之福於是靈長  
此天下臣民之心所共慰而臣慶幸之私尤倍萬常  
情者也但念臣衰病之軀遠在萬里恨不奮飛闕廷  
躬效嵩呼之誠載致華封之祝除於卽日薰沐焚香  
敬具吉服望闕叩頭拜舞 恭賀謹陳寸牘少布微衷

恭遺稿

卷

二 奏議

三

伏願 聖學日新聖德日茂 皇嗣日蕃  
則照臨所暨祝望攸同而臣愚鄙私名言莫罄

慶賀疏 十六年三月二十七日

臣於本年三月十六日再獲邸報恭聞敕下禮部嘉  
靖十六年正月二十三日朕第三子生欽此臣無任  
踴躍無任忻忭理宜再賀者臣聞大德受命和氣致  
祥是以堯祝多男文稱廣嗣非可襲取乃理固然茲  
者恭遇 皇上堯仁惟大文德之純敬一修身中和  
建極制作法祖聰明憲天孝敬孚于郊廟百神仁恩

洽于宗親萬姓誠所謂日月所照霜露所墜凡有血氣莫不尊親者也乃今和氣自中天眷在德振振麟趾屢見嘉祥螽斯其來未已蓋神人協相實由誠孝感通詩曰則百斯男又曰子孫千億于茲不爽將來可徵此國家之所大慶而臣愚之所忻躍無比也伏願稽以內則正以蒙初雖皆為大神至聖之資亦必求素教豫養之道兆民永賴萬國以貞謳歌獄訟之攸歸屏翰藩垣之益廣與天無極邁古罕儔又臣愚之所深望而至也

禮遺稿

卷二 奏議

手

慶賀疏

十六年五月二十二日

臣於嘉靖十六年五月十二日又獲邸報該司禮監太監鮑忠傳奉 聖旨本年二月二十九日子時靖嬪盧氏生朕第四子禮部知道欽此臣又不勝踴躍忻忭之至理宜再賀者伏以五星聚於乾德為子孫蕃昌之占九廟作於成周有曆數八百之應天人之理今古不誣茲者恭遇 皇上仁孝格天敬承率祀中興第二載五星聚於姬訾繼統十五年九廟成于大內天心豫啓人事聿修是以繞電流

以降履跡吞乙之兆接踵而來有本與枝

萬葉非鸞則鳳衍慶瑞於九宮自今棣萼交輝莫比燕游之樂他日犬牙相制誠為磐石之宗此國家無疆之休而臣愚靡極之喜也臣又聞性本天成教由素定日不閱滌艷耳不聞優笑居不近庸邪所以謹幼冲之習學之為父子學之為君臣學之為長幼乃尤賴輔養之功世子與庶子之教不殊師保與凝丞之人必擇內采外禮春誦夏弦惟養正于童蒙克明克類斯教尊于 德宜居 正此又臣愚懇懇之私而不敢憚諄諄之告也

奉慰疏 十八年三月二十日

伏聞 大行章聖慈仁康靜貞壽皇太后崩逝臣得報不勝驚惶但悲泣嗚咽莫知所為伏念 皇上孝心純篤愛敬天至哀痛之情豈能已也但惟 皇上一身係宗社生靈之重聖慈永世乃始終人倫之常固知至孝因心尤賴聖人達節伏望俯從禮制稍抑哀思強膳就安保養聖體以全大孝以答郊廟百靈以副天下臣民之望



慶賀疏 十八年四月初三日

恭聞嘉靖十八年二月初一日冊立 皇太子正位

東宮并冊封 裕王 景王理宜稱賀者臣伏以

太子正而天下定本支繁而祚嗣昌此宗社之大計

而臣民之至願也恭惟 皇上乾道剛健龍德正中

文武聖神協于帝聰明仁孝性諸天制禮作樂崇德

報功是以孝敬感于郊廟百神福祿衍于子孫萬世

皇儲建而震器有歸屏翰成而國本維固上慰祖宗

列聖之靈下答中外臣民之望臣等恩戴德涓埃未

報瞻戀宸闕徒切仰思聞此大慶尤惟忻喜忭手舞

足蹈而不能已者也除于即日焚香具服望闕叩頭

拜舞稱賀恭修尺楮用展愚衷

西樵遺稿

卷之三

奏議

四

西樵遺稿卷之二

廣東省 西樵遺稿

西樵遺稿卷之三

明 南海方以夫著 元孫

廣東省 西樵遺稿

奏議

恭答

聖諭議處疏

嘉靖八年九月十二日 以下任吏部尚書

昨日欽蒙密諭示臣以鞫所奏命臣議處臣頓首惶

懼豈敢與聞然此實關係國是 聖諭謂不可姑息

誠是也况 皇上有問臣不敢不直對臣細閱鞫奏

實由血誠外邊構謀害孽之心已久乘此機會坐孽

以賊無復生之路此奸人之心也豈見偏性執行事

西樵遺稿

卷之三

奏議

差謬則有之若謂其賊私則決無天地鬼神可鑒也

臣不敢欺今法司究問俱無指實只刑逼吳從周捏

認王瓊之事蓋一清素與萼瓊有隙又與周倫同鄉

至厚者也故為此謀此情 聖明諒必察知不待臣

言謹此回奏併僭擬票旨一紙可否伏惟 聖裁奉

旨這本內所奏事情朕已悉知近于法官屢構冤獄

自取禍敗朕屢有旨戒諭近又有敕申戒百官毋得

立黨中傷善類如何不 桂林等着法司從公問明

具定奪毋得外生事端 逼羅織有傷國體揚一清

係內閣輔臣朕自有處置霍韜宜安心任事不准給假該衙門知道

事關國體疏 八年九月十二日

今日欽蒙密諭示臣以一清賊事謂知之不問非君道之體欲明示中外 聖意誠是矣但此事關係國體甚大朝廷所以待輔臣之禮似宜稍從寬假一清果有前事誠不可恕但恐辱國事臣愚以為斥之去可也奪其官可也若遽置之法典恐為不可昔漢賈誼治安樂論體貌大臣之道曰言者禮不及庶人刑

西樵遺稿 卷之三 奏議

不至大去所以厲寵臣之節也 臣若大臣有坐不廉而廢者不謂不廉曰簋簋不飾坐污穢淫亂男女亡別者不曰污穢曰帷簿不修坐罷軟不勝任者不謂罷軟曰下官不職故責大臣定其罪矣竊求斥然正以呼之也尚遷就而為之諱也此論甚善蓋國家體貌大臣務存忠厚之意臣愚近見如此伏惟 聖明裁斷再與聰細議詳是施行可也又周倫仍改酌京讀陞刑部甚宜合當回奏

又恭答密諭疏 八年九月十二日

今日欽蒙密諭謂一清事宜下六部議奏併詳論祖宗革丞相置內閣之意及後來之弊臣頓首頓首仰見 聖明深識遠慮臣愚萬萬不及誠如此宜示廟社稷之福也但此事體重大行之宜斟酌周悉伏惟 聖明裁處

又疏 八年九月十七日

今日法司會官議奏楊一清事臣亦與焉眾謂一清之罪在國法固不可赦在朝廷所以待輔臣之道則貴寬也 臣與臣前日所奏意謂若收此一事也所

西樵遺稿 卷之三 奏議

以存 臣亦再三思議一清固有罪但係累朝老臣議禮之時又嘗力贊席書北上以成大孝不可謂無微功切意 皇上之仁必嘗體念及此且一清一人不足惜國體所在不可不措也萬乞 聖慈俯霽天威務從寬假無則奪其官爵輕則放回致仕則在朝臣工莫不感 皇上之仁而臣等二三人亦可以免嫌疑之罪臣不勝惶悚冒瀆之至伏望 聖明垂察焉

恭答 聖諭講心學疏 八年九月二十四日

本月二十二日欽蒙 聖諭謂倫以訓講書經康誥  
內一節論後世心學不明所說欠當命臣開陳臣頓  
首頓首仰見 皇上聖學淵微察言精審且孜孜講  
學之盛心也孔子至聖猶以德之不修學之不講爲  
憂 皇上下問及此真天下臣民之幸也以訓謂後  
世心學不明却將善心看作慈悲憐憫意思講時臣  
亦覺得其言欠分曉大抵其意蓋指後世佛氏之學  
以清淨寂滅爲心法以慈悲憐憫爲善果而不知有  
帝王仁義並行之道但其言欠從後明白耳日亦不

焦遺稿 卷之三 奏議

四

應遽援佛氏爲說也上下文義亦欠接續 皇上謂  
其所說欠當誠是矣但其謂後世心學不明一句則  
是臣請畧陳之自古帝王言心學者莫要於堯舜禹  
相授受之言曰人心惟危道心惟微惟精惟一允執  
厥中之四言者千古聖賢傳授心法也千古言心字  
亦始於此後世學者多漫爾說過視爲常談不知其  
言實切已彼溺於詞章訓詁之儒者固不足與語此  
矣至於知言心學者亦多不知體認斯言每或流於  
佛氏虛無之教惟程子解得甚好其言曰人心人欲

也道心天理也惟精惟一所以致之允執厥中所以  
行之蓋惟精惟一卽允執工夫聖賢心學只於念頭  
上理欲之幾處用力故周子通書曰幾善惡曰誠神  
幾曰聖人朱子說之云幾是動之微欲動未動間便  
有善惡須就理會若至發著卽不濟事矣所以戒慎  
不觀恐懼不聞又必慎其獨蓋幾微之際大是理欲  
之分故周子極力說箇幾字儘有警發近則公私邪  
正遠則廢興存亡此處看破便斡轉了此第一親切  
工夫精粗隱顯一時穿透堯舜所謂惟精惟一孔子

西傳遺稿 卷之三 奏議

五

所謂克己復禮也聖賢只在此處用力易簡之道正  
是如此後世妄言心學者却於念慮未萌無思無爲  
之先又說出一箇至靜工夫來此便入了禪學臣前  
所謂佛氏虛無之教者此也蓋聖賢精一之學無動  
無靜却是這箇工夫然必以靜爲主故周子曰聖人  
定之以中正仁義而主靜程子說易靜專動直一章  
曰不專一則不能直遂不翕聚則不能發散李侗亦  
曰默坐澄心體認天理如此則雖一毫人欲之萌亦  
退聽矣明道教人靜坐李先生亦教人靜坐始能收

斂靜坐則本原定才靜事俱見得然總是一箇敬故云主靜孟子夜氣一章可見程子亦謂於喜怒哀樂未發之時求其所謂中其說皆明白切要非如佛氏之虛無寂滅槁木死灰其心以爲識心見性之說也皇上有堯舜之資留心堯舜之學久矣諒必體會至此何待臣言然臣一得之愚不能自己也敢因以開陳伏願 皇上再加留神體會一志此學非徒可以養德亦可以養身一切用人行政與其他瑣瑣細務皆且付之有司不必焦勞其心思因以其精神以自

西橋遺稿

卷之三 奏議

六

損其根本也俟他日涵養精純根本益大德心堅定識慮周遍則不思不勉從容中道而放諸紛擾膠轕之間無不可矣臣愚不勝惓惓伏望 聖明垂鑒焉

恭答 聖諭立本工夫疏 八年十月初四日

欽蒙 聖諭示臣以所論內閣論釋氏慈悲之謬及善心善性之別盡性致敬之功 聖諭已明又見內閣詳答明白臣以此不敢復有所奏恐煩 聖聽也又蒙諭及立本工夫有未盡者命臣再言之勿憚臣謂立本工夫臣前所奏已具惟在 陛下體而行之

耳若論其要只在性情上用功性情莫大於喜怒哀樂四者而喜怒爲尤切故中庸一篇體要只在喜怒哀樂未發而中發而和而顏子之學只在不遷怒不貳過人能涵養性情使喜怒中節中和成德則萬化萬事皆從此出矣故曰中也者天下之大本也和也者天下之達道也致中和天地位焉萬物育焉中和之用至廣至大如此乃聖賢實學非虛語也所謂立本工夫莫要於此伏望 聖明留神將中庸首章及覆體玩而力行之便自有得力處不在臣之多言也

西橋遺稿

卷之三 奏議

七

程子曰若不涵養只是說話則多言何益伏惟 聖明亮而察之

恭答 聖諭省身疏 八年十月初七日

欽蒙 聖諭謂近以顏子不遷怒不貳過之事省身又論及懲戒言官去留大臣之意臣頓首頓首仰見聖明體驗力行之功臣不勝慶幸自茲存養勿忘隨事省察遇有可喜可怒之事未便喜怒須徐徐觀理之可否則自然喜所當喜怒所當怒而喜怒中節矣程子定性書一篇論喜怒之理甚明切伏望 皇上

暇時每取而玩之當有深益也又蒙諭及輔臣張璠所奏請處內閣之事命臣擬處臣謹將璠所奏稿細閱大畧與向日皇上諭臣之說同其意甚善非徒欲復祖宗之舊亦以代言擬旨之責為難而欲求君臣相保之道也但臣切謂今日之事與太祖

太宗之時不同太祖太宗身歷艱難閱事日久識慮精熟故可不任內閣今皇上春秋未多閱歷未深恐難自用若不任內閣又恐權有所移為害益大大抵只在得人而已臣又考得太宗實錄載永

西樵遺稿

卷之三 奏議

八

樂二年十一月賜六部尚書侍郎念織文各一襲特賜翰林學士解縉侍讀黃淮胡廣侍講楊榮楊士奇金幼孜衣與尚書同縉等入謝上曰朕於卿等非偏厚代言之司機密所寓况卿六人旦夕在朕左右勤勞助益不在尚書下故於賜賚必求稱其事功何拘品級又皇明名臣錄載太宗時楊榮入內閣典密務時四方事殷上時步至閣中親閱視所治遂進官侍講賜二品服且勞之曰天下事朕與若等共計非若六卿之分理也據此二書所載之言祖宗之時

亦未嘗不任內閣也况今日正處積弊之後方圖中興之時天下事幾百官章疏沓出叢至皇上豈能一一親自覽斷乎臣前所謂只在得人可矣伏乞聖明審思之璠奏不可別有所處只隨聖意答之而已伏惟聖裁

推陞巡撫疏

八年十月十六日

今因遼東雲南二處巡撫都御史員缺皆係邊方重地甚難其人臣再三咨訪思議會同各該衙門推得遼東宜用太常寺卿成文雲南宜用貴州布政使胡

西樵遺稿

卷之三 奏議

九

訓蓋二人皆老成練達平日行事安詳邊方甚宜他無如之者且就近用之為便遠恐到任日久亦非所宜伏望聖明俯從簡用實為地方大幸臣又奏日前欽蒙聖諭問及立本工夫臣仰見聖學高明日進不已續又蒙諭及近以顏子不遷怒不貳過二事省身臣益歎服聖明體驗力行之功非徒講說而已也臣雖已屢有開陳然恐臣見卑識淺不足仰副聖意日切顛望不知聖明近日用功何如蓋涵養本原工夫不可一刻間斷纔間斷天理便不周

流應事便有差處或觀人不當或聽言不審皆足爲害堯之兢兢舜之業業文王之翼翼小心只是這箇工夫伏望 聖明誠心立志大進於此學於前臣所舉中庸首章及周子主靜程子定性之說深體而力行之將來 聖德成就雖堯舜文王事業不足讓也臣愚不勝懇望併錄程子定性書一篇進呈謹奏

補除缺員疏

八年十月十八日

欽蒙 聖諭謂遼東所用人成文方來似爲數易

聖諭誠是但臣再三思議無如此人者又昔年張雲

西樵遺稿

卷之三 奏議

十

在遼東誠得人心至今軍士猶思之但已年深又已陞侍郎恐難復用今若用成文老成仁厚行事安妥當不劣於斯人也 聖諭又謂如用成文其缺須就京官除臣亦思及此蓋此缺係提督四彝館頗爲清閒甚易稱如少卿魏校亦就可補除其人素有學行士論頗與之雖言語欠正講書不稱 皇上責之誠是矣但其人實係君子似不可因其一事之不稱而遂棄之也臣愚見如此可否伏惟 聖裁又蒙諭及臣論學之言所謂觀人聽言有失或因人而發臣

頓首惶懼萬死萬死蓋論學之言臣止是稟論其理如此非皆有所指也若臣有所指即當指出明白直言豈敢隱諱伏望 聖明包含垂察易文言曰學以聚之問以辯之寬以居之仁以行之伏望 聖明體寬居之義擴包荒之量使臣得盡狂瞽之言無忌諱之慮臣愚不勝幸甚

省災直言疏

八年十月二十五日

欽蒙 聖諭謂宮中西所災朕深恐懼上天示戒必

有其由過在朕躬弗克自察命臣可直言之臣頓首

西樵遺稿

卷之三 奏議

十

頓首仰見 皇上遇災而懼之心罪已責躬之誠雖古聖王莫及也臣反覆致思 皇上御極以來清心寡慾好學勤政敬天愛親先代無比未聞失德之事豈宜有此災變實臣下奉職無狀之應也臣當待罪自責何敢復言然古之聖王德已至而益求所未至終日乾乾進德不已天心仁愛屢示譴戒雖小不遺亦責之不已也蓋人主一心與天流通詩曰上天曰明及爾出往上天曰旦及爾游衍此古之聖王所以無時而不存養無事而不戒慎所以敬天也臣謹按

自古火災董仲舒劉向京房輩皆各著事應先儒已  
議其謬臣不敢妄引惟按書洪範五行火曰炎上蓋  
火之性亢急燥動上而不下之象也無乃 聖心尚  
欠和平之徵乎仰惟 皇上聖資英明見事見理臣  
下莫及大小臣工及左右侍御之人皆無足以當

聖心者兼以頑鄙欺詐情狀萬端皆可忿嫉前後去  
者不一來者復爾無可信任無可付託之人以此

聖心一向未得和平 聖性亦不免爲之少累或不  
當怒而怒或當怒而過或見怒而雷以致心火愈見

西樵遺稿 卷之三 奏議 三

焦勞 聖情不見和樂非養德養身之道也臣聞  
古之說者雖曰善善惡惡而成王告君德則曰無忿  
嫉于頑大學曰心有所忿懣則不得其正易損之象  
曰君子以懲忿窒慾蓋忿慾最爲損德損身之大者  
雖曰君道貴剛而臯陶稱舜德則曰御衆以寬孔子  
亦曰居上不寬其何以觀之哉又曰寬則得衆其言  
皆可體行也是以臣前屢奏惟以中和爲 聖學之  
要者此也蓋自古聖德無出此二字臣平生所學亦  
不出此二字故敢拳拳言之伏望 聖明靜觀默會

勉進此學一切大小政務皆付之六部日與閣臣或  
羣臣中之知學者講學論道涵養 聖性上達天德  
則功效之大有不可勝言者中庸曰致中和天地位  
焉萬物育焉何災變之足慮乎周子亦曰優柔平中  
德之盛也天地化中治之至也然此固在 陛下自  
用力亦輔臣之責也使爲輔臣者更嚴切急迫之意  
多寬和樂易之意少尚何望其剛柔相濟以輔養

聖德乎是故自古君相之善莫大於知學不善莫大  
於不知學所謂知學者非講說明白文辭煥發之謂

西樵遺稿 卷之三 議 三

也不知學者非不能講說不善文辭之謂也孟子曰  
學問之道無他求其放心而已矣又曰博學而詳說  
之將以反說約也蓋知學是知本所謂正其本萬事  
理也不知本茫茫地無處下手所謂無本不立也是  
以大學格物致知只是要知本中庸一篇體要全在  
首章而反覆數十言只是要立本若君相知此學日  
相與講求體而行之何患 聖德不成治化不興乎  
尚何災變之足云舍此皆爲標末不足爲吾 聖明  
之望也臣嘗莊誦 皇上敬一之箴仰見 聖學已

深造乎此矣但不知力行之功何如耳夫敬非難而一爲難一者常於敬而無間之謂也故易曰恒以一德如中庸戒慎恐懼敬也戒慎乎其所不覩恐懼乎其所不聞而不須臾離一也程子曰惟敬而無失最盡敬而無失卽一也是暫敬非難而常敬爲難也故敬一者中和之功也中和者敬一之效今亦惟皇

西樵遺稿

之三

西

上實用敬一之功養成中和之德耳非敢遠求而過望也臣又聞近日宮中大小事務及一應章奏皆必經聖慮此固美事但恐聖體清弱聖心焦勞不能當也且修德行政亦有先後緩急之序俟聖德成定則何不可乎自古云大臣不親細事况天子乎又云元首叢挫哉其喻可想也夫君者無爲之象也臣者有爲之象君有爲則臣無爲皆失其職矣故曰爲政以德譬如北辰居其所而衆星拱之又曰主中心無爲也以守至正其言雖似淺近實有至理伏望聖明體察勿以臣言爲迂也臣恐不勝至望臣昧死直言不勝惶懼戰慄之至

推舉都給事中疏

八年十二月初五日

前日臣以起復原任刑科都給事中李錫奏請復除吏科都給事中欽奉聖旨謂吏科都給事中係六科官之首尤當慎擇爾部裏還從公推舉忠直的兩三員通寫來看又奉聖諭謂吏科都給事中有旨着另推北任此官者科道今日已甚無人矣茲始可慎選之庶官不虛設有所任用也臣頓首伏讀仰見聖明慎重言官之意臣敢不敬承臣切思之六科都給事中員缺舊例俱於年深左右給事中疏名上請簡用有丁憂事故起復者先儘起復之人臣因

西樵遺稿

卷之三

五

見起復李錫原係都給事中又聞其人亦頗老成平實故奏請復除但吏科都給事中委係六科官之首相應慎選臣欽遵再三推訪今日六科中委是無人誠如聖諭况今六科左右給事中止有四人如陳守愚趙漢李鳳來皆曾奉敕旨戒飭人數豈能當聖旨忠直之選惟張潤身一人頗可不得已則於別科都給事中調用亦宜如夏言蔡經皆頗有直名臣今推此三人伏惟聖明簡用若用夏言則用李錫或用張潤身就補夏言之缺一併批出庶免再推甚



幸臣又有言自古人才難得而科道官尤為難稱臣查得六科都左右給事中共五十六員十三道御史共一百一十員南京六科給事中共七員十三道御史舊三十六員今裁為二十六員兩京科道官通計二百餘員人數既眾豈能箇箇得人且知人甚難雖加精選間難保必無匪人非但今日為然臣歷見先朝每每有妄言者惟在朝廷包荒而已臣請聖明自今以後凡言之是者取之其不是者只置之不問可也非但王者之體當然也將見言是而見取者

西樵遺稿

卷之三

六

益加奮忠言不是而不見取者當舍媿雖目前未必有悟久必有明且有資俸者量可否陸續推出外任朝廷豈能一一與較曲直耶臣愚見如此伏望聖明采擇又蒙聖諭問及定性書所云將迎二字之意命臣開陳臣嘗見西山真氏解云不隨物而往不先物而動故曰無將迎蓋將者送也事已往而隨之曰將來而逆之曰迎此皆意必固我之私張子曰意必固我四者有一焉便與天地不相似耳其定性篇解於真西山讀書記甲集二卷內頗詳聖明

暇時取觀之可也臣又聞皇上近日頗好作文字夫讀書作文固是美事但恐皇上勞神耗精於此耳臣切謂今日前星未耀聖嗣未廣此所急者餘皆非急務也皇上既勞於政事又勞於文字恐非養精神圖嗣之道萬乞聖明留意勿以臣言為迂幸甚臣不勝拳拳悃懇之至

推舉都御史疏

八年十二月十二日

今日奉欽依會推都察院掌印都御史臣切以斯任乃風紀之首亦係法司之統臣輕舊規多在法

西樵遺稿

卷之三

七

司大臣推舉今推得刑部左白員沂石侍郎汪鉉二人皆操持嚴正識度宏遠可稱斯任然論老成練達忠懇力量則淵不如鉉但以左右次序故先淵後鉉耳諒聖明必有簡在臣不敢不盡其愚伏惟聖明裁察焉

恭答

聖諭耕蠶又推舉機部疏

九年正月二十五日

二日屢奉敕諭皇上親耕及中宮親蠶事甚為盛舉非惟可以備一代之典章垂百王之軌法實於風化治理有益非惟臣心忻悅凡有識之士皆然

誰敢非之者勿煩 聖慮毅然行之幸甚臣又奏南  
京兵部尚書員缺係參贊重任甚難得人今日會推  
得兵部左侍郎王廷相右侍郎陳洪謨二人皆有風  
力有執持可稱斯任臣再三思議此外更無才畧資  
俸可推者伏惟 聖明簡用謹奏

恭答 聖諭議郊禮疏 九年正月三十日

欽蒙 聖諭問及南郊 天地合祭之禮 聖意似

有未安臣因此禮重大未及詳考不敢輕對今連日  
閱古經籍迺知古經傳並無禮記之文亦無祭

兩樵遺稿

卷之三 奏

文

地北郊之文皆後儒傳會之多其北郊之說者

蓋本周禮大司樂夏日至於澤中之方丘奏之然而  
未嘗明言北郊也為天地合祭之說者蓋本詩小序  
昊天有成命郊祀天地也一句而言然亦未嘗明言  
天地合祭也皆不足為據是以先儒屢有疑難其說  
不一宋儒胡宏曰古者祭於社猶祀天於郊也故泰  
誓曰郊祀不修而周公祀于新邑亦先用二牛于郊  
後用太牢于社也記曰天子將出類于上帝宜于社  
又曰郊所以明天道社所以神地道周禮以禋祀祀

昊天上帝以血祭祭社稷而別無地祇之位四圭有

邱舞雲門以祀天兩圭有邱舞咸池以祀地而別無

祭社之說則以郊對社可知矣後世既立社又立北

郊失之矣中庸曰郊社之禮所以事上帝也朱子解

之亦云社祭地不言后土者省文也據此二說則以

社即為祭地而別無祭地北郊之禮矣宋元豐間議

者欲罷天地合祭之禮太常陳薦言曰議者以天地

合祭始於王莽故欲罷之臣按周頌昊天有成命郊

祀天地也漢郊祀歌曰惟泰元天五帝禮祭元天

西樵遺稿

卷之三 奏

文

也媪神地也又曰涓選休成于地土步此天地同祀

可以槩見恐非自王莽始也乞且循舊當時相臣文

彥博亦曰譬如祭父母作一處何害據此二說則似

以天地合祭無害於義矣是以前代屢分屢合其制

不一至今說者為千古不斷之疑臣愚亦未能有所

裁決然竊嘗思之禮記郊特牲曰地載萬物天垂象

取財於地取法於天是以尊天而親地也臣愚意王

者尊天故祭於郊遠所以尊之也親地故祭於社近

所以親之也今郊本祭天而以地配猶社本祭地而

以稷配耳非天地合祭也說者循環以致誤也然則今日南郊之禮本為祭天而配以地似為無害於義惟聖諭謂屋下之祭非祭天也此事誠為於義未安夫天道至高至廣難于感格故古人祭天必燔柴以升烟恐不達於上也安得祭于屋下乎是以國初名儒解縉上封事有曰祀天宜復掃地之規至今識者稱為名言但此聖祖之制臣不敢輕議伏惟聖明裁斷

祖制宜守疏 九年二月初三日

西樵遺稿

卷之三

辛

昨日欽蒙聖諭謂古禮并無天地今祀之文而以朱子之言為當行欲求其宜以復皇祖始制聖明之見皆極義理之精微臣愚萬萬不及豈敢復有所異但臣尚有未盡之愚不得不昧死再陳之臣聞書曰欽厥止率乃祖攸行孔子曰三年無改於父之道可謂孝矣解者云三年無改亦謂在所當改而可以未改者耳臣意謂子孫於父祖之道所當遵守非有大害於理大害於事者不可輕變非惟孝子順孫之道當然亦所以安人心一政體而防奸孽之萌得

以藉口耳臣前議非敢謂天地合祭為古禮但以為無害於義似亦從皇祖之制而不必泥古耳夫古今異宜事勢人情有不能盡合古者難以枚舉此臣所以敢為是由舊之說也伏惟聖明更博觀而審思之未宜輕動况此事先儒一向有此二說非盡悖道之事也天地合祀以夫婦同牢之義言之固為褻瀆不經以子事父母之義言之則亦何害於理是以宋臣文彥博之說時亦有稱其是者丘濬固不敢比程朱亦係一朝博洽之儒其言固非論亦有分曉

西樵遺稿

卷之三

壬

如云成周一代之制後世因之可也以義起亦可也夫類于上帝經有明言舍周而從虞又何不可哉是亦達時通變之說也其言似不可忽况臣愚之見已謂郊本祭天而配以地猶社本祭地而配以稷耳非天地合祭也則臣與濬說亦似可互備而相發也伏望聖明垂察焉

上郊祀議疏 九年二月初八日

日前欽蒙聖諭問及天地郊祀之禮臣愚雖有所奏對自知所見庸陋不足以當聖心又蒙聖德

廣大不輕棄絕使再以所見來聞臣再三虛心博考  
精思不敢自執已是亦不敢盡廢前聞圖以仰答

聖明此臣愚惓惓之鄙心也前日回奏後又考得丘

濬大學衍義補內論郊社之禮尤詳濬雖不足據然

說皆本於宋儒胡宏張載朱熹三子之言臣愚見雖

與之小有異同然大意亦不相遠也敢再錄臣議鄙

陋不自知其非伏惟 聖明裁決焉

推舉僉都御史疏 九年五月十八日

欽蒙 聖諭問及日前推補僉都御史用夏言之意

西樵遺稿 卷之三 奏議 聖

臣切以憲臺風紀之司僉都御史總憲之佐 聖意

慎選其人甚是也臣備查見任小堂官俱年淺惟大

理寺少卿林有孚太僕寺少卿沈光甲第頗深又俱

舊任御史皆有風力老成故先次推之奉旨另推臣

又查各處巡撫少卿僉都御史亦俱年淺止有劉天

和雖未久但甚有才名又夏言文學才識亦素有名

近日又奉敕加四品服色且實論事論禮有功亦宜

不次超擢臣故推此二人衆皆以爲相應蓋朝廷用

人惟才是任難拘資格况先朝御史給事中郎中俱

有徑陞僉都御史侍郎者只在得人不過也此臣  
愚之見不自知其非伏望 聖明亮察幸甚

欽遵推舉疏 九年五月二十二日

今日欽蒙 聖諭謂夏言准辭陞任其官不可久缺

巡撫四川僉都御史唐儀鳳可取來伊缺以通政宋

滄補之臣頓首伏讀仰見 聖明周思之至處置之

宜臣愚萬萬不及也今日卽已具缺俟命下欽遵推

舉奏請簡用合當回奏

推補通政司員缺疏 九年六月十八日

西樵遺稿 卷之三 奏議 聖

本月十五日該臣本部題爲缺官事內開通政司左

通政員缺推得通政司右叅議孫禴鴻臚寺左少卿

王道中堪任及照本司見有右通政陳經在任均乞

聖裁等因具題于十七日該司禮監文書官張興李

岳於左順門遞出前本傳云 聖諭孫禴并鴻臚寺

孫伯義都調各衙門陳經陞左通政令將前本換過

欽此臣切惟通政司鴻臚寺俱係奏事衙門宜取聲

音洪亮儀容齊一人員孫禴孫伯義二臣不稱前職

聖明必有所察臣無容贅矣但未會奉有明旨本部

遠難聲說今早已將奉 聖諭傳與二臣令其自陳待命下本部另行具奏調用外今欽遵將右通政陳經推補左通政員缺但本司止有叅議劉斷德劉日乾二員俱年資太淺無相應陪推之人故仍以鴻臚寺左少卿王道中陪推伏惟 聖明簡用臣再看得陳經既陞左通政其右通政員缺再無相應推用人員臣愚不知 聖意何在或卽用王道中一併批出庶免再推或仍具缺將劉斷德劉日乾二員推用均乞 聖裁示下臣可欽遵奉行幸甚

西樵遺稿

卷之三 奏疏

雷

推補右通政員缺疏

九年六月二十日

欽蒙 聖諭示臣謂孫禮與孫伯義俱音聲微而促伯義又非選用傳陞人數俱不堪用 聖見至當臣無容言矣伯義亦已衰老難用卽准致仕亦宜 聖諭又謂右通政或用原鴻臚卿今守制鄭紳補之亦可臣仰見 聖慮周悉臣愚萬萬不及臣卽查鄭紳於嘉靖七年八月內守制扣該今年十一月內服闋其人端謹甚爲相應臣又查得原任通政司左叅議杜柟亦係七年七月內守制扣今十月內服闋年資

亦深二人俱可扣滿推補右通政員缺 聖諭又謂鴻臚寺周理當陞右寺丞吳祖乾補左寺丞亦皆資格相應俱俟具缺命下一一欽遵奉行合當回奏

推補國子監祭酒疏

九年七月初七日

今南京國子監祭酒員缺臣思此職係師表之地甚難得人切見侍講學士穆孔暉潛靜質實容止端莊頗稱是官但臣嘗推之未蒙 皇上簡用仰惟 聖明必有所見臣愚莫測但臣切審其人樸拙無幸不求人知實無他過惡 聖聰偶未之察耳今臣未敢

西樵遺稿

卷之三 奏議

再推可否先請

聖裁示下臣可欽遵奉行幸甚

推補國學及太常員缺疏

九年七月初九日

昨因南京國學祭酒員缺以孔暉可否奏請欽蒙 聖諭謂兩京重地師表之職尤宜慎擇孔暉雖樸雅質重但於學校作士子之師豈能勝其任如用爲卿佐猶可斯任恐不宜選臣捧讀再四仰服 聖見至明至當臣愚昧乏知人之明甚自愧懼但以其年深行謹擬用之然其人委實才短過樸不稱斯任如 聖諭所云也臣再思此缺須由翰林推用如右贊善

林文俊文學儀表足以稱之資格亦已相應不知

聖見何如臣又奏提督四彝館太常寺卿員缺此職

亦久欠振作須就近用但少有相應之人臣思得右

諭德彭澤其人甚有才力可稱斯任資格亦宜但因

大禮曾為言者嫉毀幸賴 聖鑒明察優容又係臣

同鄉然臣不敢以此避嫌欲擬用之不知 聖見何

如可否均乞 聖裁示下臣可欽遵奉行幸甚

欽選巡按及奏謝賜字疏 九年七月初十日

昨日欽蒙 聖諭謂以文俊并澤補各員缺俱可立

西樵遺稿 卷之三 奏議 美

即具題行臣欽遵即已具題外 聖諭又謂臺即給

舍既已各照原額補之其御史尤宜慎選蓋出按一

方而一方之休戚關焉故朕以為不可不加慎焉也

臣頓首伏讀仰歎 聖慮至周 聖見至當臣敢不

欽承已將行取之人加意慎擇考選之日仍會同都

察院嚴加考試務求精當以副 聖懷此臣之職也

臣又蒙 聖製肅武二字賜臣臣叩首領受不勝忻

忭非徒傳世至寶實為臣對病之藥臣素稟懦弱且

因疾病久困神氣虛怯又性好和易其弊也不肅氣

力不充其弊也不武此臣之病實自知也自茲以往

敢不佩服 聖訓朝夕策勵勉於二德以毋負天地

君師之愛感謝之私莫可言喻惟鏤心刻骨而已

請寬假疏 九年七月二十五日

臣不才以致人言連日擾瀆 聖慮臣不勝愧懼死

罪死罪雖蒙 聖恩優容但臣猶有未盡之情今晨

已具疏再 聞已聞欽蒙 聖諭慰勉切至臣益感

泣莫能自勝不知臣此生何以為報也 聖諭又促

臣即赴部辦事明早朝見緣臣連日感病咳嗽吐痰

西樵遺稿 卷之三 奏議 志

晝夜不能安枕起即眩暈須得三五日調理自當勉

強出 朝謝 恩辦事伏望 聖慈少賜寬假幸甚

其黃卿之事即當欽遵 聖諭奉行合當回奏

欽蒙 聖諭臣時等及臣以汪鋹改吏部尚書又以

總憲之重難於得人問及原任都察院右都御史聶

賢原任僉都御史毛伯溫欲起用之臣仰見 聖明

計慮周悉遐隱不遺臣退再三熟思切謂總憲之職

誠為重地非素執法持風采者莫能稱也切見巡撫

順天等府副都御史王大用其人甚剛正素有風力  
聶賢清謹老成善處事誠不可及若論風采精力則  
莫如王大用也况今工部見缺尚書亦難得人在聶  
賢則甚稱矣工部似宜用聶賢都察院似宜用王大  
用其巡撫順天員缺則毛伯溫即宜補之如此似為  
各當其才亦各資格相應然臣愚慮及 聖明萬  
一若以為宜可出自 聖意傳與吏部遵行臣無任  
愚懇謹奏

欽奉陞補得旨疏 十一年九月十二日

西樵遺稿 卷之三 奏議 九

前日臣具奏以賢堪任司空大用堪任都察院伯溫  
堪代大用是臣愚見未敢自以為然因二日未得  
聖意可否未敢傳與吏部故推司空以軌與淵也昨  
得 聖諭即已傳與吏部遵行合當回奏

謝恩疏 十一年十月二十四日

奏為謝恩事本月二十二日該臣奏為自陳乞賜罷  
黜事二十四日欽奉 聖旨卿昨因疾乞歸茲方名  
用未久如何輒以人言負朕求避殆非大臣事君之  
道可安心供職不必介意用心贊理政務以副朕懷

吏部知道欽此臣聞命驚惶感愧交集夫大臣之義  
以身體國况臣受恩深重異於恒常豈敢以人言毀  
譽有所畏避惟念臣實以連年疾病精力久衰又本  
無才能無益機務重以言者指斥已甚事體非常設  
意造謀其機莫測在臣之義惟有一去耳伏蒙 聖  
慈諒察既宥之罪復責以大義慰以溫辭臣罪益深  
君恩益重豈敢復有所請即宜亟出報名謝恩緣臣  
二日適染寒喘疾嗽並作不便朝儀伏望 聖恩寬  
假容臣服藥調理數日痰嗽稍止即出赴闕叩頭謝

西樵遺稿 卷之三 奏議 九

恩入閣辦事臣無任感戴天恩之至二十六日奉  
聖旨覽奏謝朕已悉卿意疾宜加意調理待旬日必  
可即出辦事彼小人報復亦不但攻害卿與鉉而已  
如孚敬已去矣况有讐君之意豈可墮彼計中宜益  
勵忠誠以匡朕治吏部知道

請復名張內輔疏 十一年十一月初三日

臣聞天地相承而成化君臣相承而致治自古未有  
不君臣同德羣工一心而能致治者也伏惟 皇上  
天縱聖明當中興之運銳志有為誠不世出之主也

方御極之初大禮未定 聖心未遑及嘉靖九年九月禮成之後天下翹首想望太平而 皇上亦一意求治臣等四五人同幸遭逢俱蒙寵任非不欲仰承主德共求至治也奈何大禮雖成而當時附和議禮不合之人終懷異志人心鋼蔽莫之能解敗者既去而來者復然深相結納暗事撓排惟恐臣等之得政也如席書得政則費宏極力排之卒使憤鬱不平火攻日病而隕張孚敬桂萼得政則楊一清極力排之亦幾於不免夫二三臣守義持正忘身任事違衆特

西樵遺稿

卷之三 奏議

立當時無助之者惟有胡世寧李承勛平日忠懇稍知大義相助行正則羣奸又哄然排之先賢云正人指邪人爲邪邪人亦指正人爲邪夫邪正之難辨也莫若於其行事觀之席書桂萼既往者莫論矣且如張孚敬賦性剛果行事過當則固有之至其清公嚴介一意事君釐奸革弊行義執法但知有朝廷不知有他其一念天日可表也其行事之正皆人莫敢爲者而孚敬每力爲之小者且不暇論其大者如革去皇親襲爵則外戚側目矣革去天下鎮守則內臣切

商矣此二事雖 聖明主之於上然輔相者稍有所顧忌必不肯擔當相成如 英廟嘗欲革外戚之爵孝廟嘗與兵部尚書劉大夏議欲革天下鎮守皆以內閣不肯主張而止此二事非孚敬誰能任之又如近日兵部欲濫收大漢將軍則孚敬削之禮部欲收復淨身男子則孚敬沮之兵部欲從北虜入貢之詐則孚敬執以爲不可使當時若從部議中國之禍不可測矣凡此皆其行事之正人莫能及奈何因此反致羣奸怨恨內外交煽讒釀其過非一日矣君門萬里孰從而辯之夫羣奸之心何爲嫉惡孚敬至此只以其持正執法不得適已行私以取富貴耳况皆沽名釣譽暗邀人心而已大抵前日之論魏良弼主之秦鰲葉洪和之馮恩應之其設謀造意遠矣然得馮恩之言奸情畢露豈可以欺 聖明也所少者孚敬才大而量小志正而識不宏善善短而惡惡長釐奸革弊之意多而令垢納汚之意少事必由已不能善與人回不肯舉賢才而赦小過此其所短也所尤可罪者不能降心與夏言同政及事攻擊然道不同不

西樵遺稿

卷之三 奏議

手



相為謀非彼去此則此去彼其設心亦可憐也古者論人取其大而畧其小今之論人以其小而掩其大如孚敬之大節表表論者一切置而不言動以奸邪目之以窮兇極惡日之天理何在哉 皇上孜孜求治于今十有一年孚敬得政亦且五六年矣而治效未成者實以一二奸人梗於其間未曾協一故耳豈孚敬之罪哉夫力可能者人也力不可能者天也臣愚以為今日 皇上欲成中興太平之治須得力量擔當之人如孚敬者眼前臣工鮮見其比且自古人主未有無親信之臣而可以孤立於上者臣謂孚敬終為 陛下腹心之人臣也終不敢負 陛下也昔有譖趙普者宋太祖曰鼎鑄猶有耳汝不聞趙普社稷臣乎臣謂孚敬乃 陛下之趙普也且孚敬昨來數月未見過舉不知 陛下何所聞而遽棄之伏望聖明靜觀細察若以孚敬猶為可任請速賜名還皇上一意推誠待之如初孚敬必能感恩思過益勵忠貞以輔聖政臣亦罄竭庸愚務使剛柔相濟寬猛得宜協于羣情和于庶政治效可成矣不然臣才微

西樵遺稿

卷之三 奏議

三

識淺欲隨眾取容則不忍欲報 陛下違眾獨立則不能終恐無成耳且羣邪恣橫日甚今日鼓舞一言明日駕程一事使 聖心不得安寧聖政不得歸一率負中興之會太平之機臣罪大矣 皇上以腹心之託託臣臣不得不言臣不言無有為 陛下言者矣臣感憤扼腕執筆流涕者屢矣及今不言無時可言矣昨該臣奏為謝恩事節奉 聖旨彼小人報復亦不但攻害卿與鉉而已如孚敬已去矣况有讐君之意豈可墮彼計中欽此臣仰見 皇上明見萬里洞燭羣情無俟臣言矣但臣懇惻之愚有不能自已者伏望 聖慈俯垂亮察臣不勝干冒威嚴恐懼戰慄之至

西樵遺稿

卷之三 奏議

三

恭答

聖諭行取疏

十二年正月初八日

伏蒙 聖諭示臣以行取張孚敬之意併示以 御製敕稿臣稽首伏讀再四仰見 皇上所以待孚敬之誠甚至前後事情亦甚明暢前日閣稿委的甚畧及差鴻臚少卿勝於錦衣及部官尤歎服 聖見高明非臣輩所能及也孚敬得此當感激 聖恩萬死

圖報仰答朝廷矣并 御製敕稿封進合當回奏

自陳請免疏 十二年三月二十一日

為自陳不職請乞罷免事茲者伏遇 皇上舉行憲典黜陟幽明凡在京僚悉從考覈四品以上例當自陳竊念臣本以庸愚衰疾之人叨此樞機密勿之任知弗自勝倍切憂惶仰戴 聖恩高厚實同乎天地深惟綿力支持莫強夫鴛鴦始及逾年曾無才補臣自反自懼今日不職之臣未有如臣之尤者也非惟覆餗抑且妨賢揆以公評誠宜首黜伏望 聖明寬西樵遺稿 卷三 奏議 言

其曠瘼之罪畀以休致之條別簡賢能以充任使則機務得人政理不爽矣臣不勝戰慄待罪之至奉 聖旨卿內閣輔臣德學純謹可盡誠贊朕不准所請吏部知道

請復科道互相糾察疏 十二年四月初五日  
臣聞六年一考察京官國家大典也科道尤為朝廷耳目之官尤不可苟容匪人故 祖宗朝有科道互相糾劾事例嘉靖六年已該吏部查題奉有 明旨舉行今該部不肯題請且查得今年考察京官科道

見在朝者全無一人給事中止退一人御史僅八九人俱係差出陞遷及給假在家者而已夫科道官不下百五六十員見在豈無一人奸惡可退者蓋因都御史毛伯溫係大獄復用之人終懷異志深與科道官結納私同吏部考功司郎中余仞緒申謀不肯秉公考察暗要科道之心耳汪鉉慝直為其所賣考察之日鉉為伯溫佞緒當堂執住不退人人皆知臣見得此係朝廷大典為此輩異心之人欺罔 聖明隱匿明旨即欲具奏問適同官張季敬至臣具以此言

西樵遺稿 卷之三 奏議 言

告季敬亦深歎息臣受 皇上厚恩重託不得不言伏望 聖明鑒察或宣臣等面諭或傳 旨吏部仍着查嘉靖六年成命令科道互相糾劾以昭大法以副盛典臣不勝惓惓冒瀆之至

欽奉 御撰疏 十二年四月初六日

今日伏蒙 聖諭示臣以下吏部之旨令舉行科道互相糾舉事例臣捧誦再三仰惟 聖鑒洞然矣臣切惟外官三年一考察京官六年一考察已為曠濶此乃自古黜陟幽明大典誠今日朝廷清明一大機

也今鉉爲邪黨所脅致失其職誠爲有負 聖明重  
託臣謹當傳 聖意示鉉知之令其改心守正務期  
報主謹將 御撰傳旨封進乞早發行謹奏

恭答

聖諭糾舉疏 十二年四月十三日

伏蒙 聖諭以科道交相糾劾數官果合公議歟抑  
塞責爲事歟若糾舉未盡的一併舉奏勿得畏避臣  
仰見 皇上審於用舍慎簡言官之盛心臣不敢不  
實言之昨日伏蒙發閣科道互相糾舉二本臣卽與  
同官議云所糾者容有未公未盡臣輩豈能悉知宜

西樵遺稿

卷之三 奏議

奏

再下吏部查訪應去應留及糾舉未盡的一併舉奏  
惟乎敬與臣見同同官意皆不然且云所糾者俱公  
當只依之發落便是若再令吏部舉奏恐人言搖惑  
臣遂不敢異同隨衆擬稟上請今 聖明洞見臣不  
敢不言合無出自 聖斷還着吏部再行查訪通候  
聖裁使無遺奸實 朝廷清明一大機也臣不勝恐  
懼惴惴之至

推補禮部右侍郎員缺疏

十二年八月二十七

切惟今日之事用人爲急 皇上汲汲求賢圖治平

心委任可謂至矣然皆未見克當 聖心者臣深爲  
痛之臣切見原任南京吏部右侍郎守制服滿張邦  
奇其人德性端凝學問純博甚偉器也今日經筵之  
選他日內閣之儲皆無不可實一時難得之才前日  
吏部左侍郎員缺會經會推未蒙簡用臣甚惜之茲  
禮部右侍郎員缺宜用其人臣與孚敬議及亦甚以  
爲宜臣又切思前者所舉都御史王大川實剛正才  
畧之人奈爲時所共忌科道官害之非徒害之又欲  
顯臣之不是耳今勘已明人心可見昨者孚敬到京

西樵遺稿

卷之三 奏議

奏

時卽對臣云山中聞朝廷用王大用甚喜如何後又  
不用臣備道其故乎敬亦甚爲歎惜問之可知臣今  
不得不盡其愚伏惟 聖明裁察

再奏議罪疏

十二年八月 日

前日伏蒙 聖諭下問臣等以張延齡事情令臣等  
議處隨該臣以一得之愚上聞致蒙 天語切責臣  
於是戰懼慚惶者累日莫知所云然臣反覆思之此  
事至大關係 皇上盛德萬代瞻仰臣忝輔導之臣  
又與臣乎敬同受 皇上厚恩若不竭誠盡言則悞

王悞國之罪臣萬死不足以贖今只得再盡其愚伏  
惟 聖明垂察焉夫叛逆之事乃十惡之首常赦所  
不原只論有無不論親疏若果有之雖至親不赦  
聖諭所云同姓尚處死况懿親乎誠是也臣正謂恐  
延齡無此事故不可遽以此罪加之耳臣備訪外論  
及詳法司招詞謂馬景不會親見延齡分付及詳曹  
祖原奏內稱六丁六甲天曹抱送等語皆似風人妖  
妄之詞全無指實故臣敢謂其必無也况事在先朝  
又其人已死證佐不明夫叛逆之事須有人馬兵器  
西樵遺稿 卷之三 奏議 五  
實跡若何號令若何布置乃可成獄豈能以空言加  
之然馬景已招延齡打死四命則延齡之死罪已不  
可逃故臣敢謂處之死可也若或免死充軍爲民之  
類則在 皇上推恩臣不敢議也今又若係以官刑  
絞死司聽則家人下手者皆當死則處死又非但延  
齡一人矣臣敢謂法只可止此夫今日之事所以致  
皇上之疑而未釋者亦因法司不直多遷就支離其  
說而不敢爲畫一之議也大抵今日羣下之情有二  
等其一保守祿位之人惟事依阿不敢明言是非以

逆上意孔子所謂患得患失之人也此等人只顧自  
家祿位視國家得失若秦越之相視痛癢不相于何  
所望焉其一包藏禍心之人以昔日大禮大獄之故  
疾視其長上正欲 皇上幹此等失德事以顯 皇  
上之過以成臣等之罪昔人所謂幸災樂禍之人也  
此等人不惟不肯正救且將欣幸其事之成焉又何  
望也人情如此長可痛恨臣是以日夜思維臣與孚  
敬不言無復言者矣 皇上平日以克舜三代之主  
自期待臣雖至愚不肖何忍負之况臣與孚敬受  
西樵遺稿 卷之三 奏議 五  
皇上知遇備極恩寵爵及五世光被九族百數十年  
來所未有者更復何求惟日夜思所以報 皇上厚  
恩倘復依阿隱忍不竭誠言之則罪至悞主悞國萬  
死不足償矣臣敢不再盡其愚伏惟 聖明亮察焉

西樵遺稿卷之四

明 南海方獻夫著 元孫林鶴重刊

詩

駕遊環碧演新乘馬應制 并序

惟 皇嗣統十有二祀勵精圖治海宇底寧

然修內攘外安不忘危日乾乾焉癸巳孟夏

吉日乙酉 皇上演馬南城寓武功也日亭

千俄傳宣臣孚敬臣時臣獻夫臣鑾侯重華

殿臣等方亟趨命 駕已出東華門矣 上

西樵遺稿

卷之四 詩

先御環碧殿名臣等入見臣等稽首頓首

上曰朕偶因演馬來此名卿等同遊命賜茶

臣等稽首而退仰見 天顏充渥和氣豐融

臣等無任喜慰舊馬有玉麟驪白玉馴碧玉

驕新馬照夜壁銀河練瑤池駿飛雲白凡七

馬焉殿制環水如碧馬環列焉 上命御馬

監官示臣等徧觀又命司禮監官引臣等至

嘉樂館徧觀花木蓊茂禽鳥和鳴真仙境也

臣等復趨候于重華殿大門右 駕即發環

碧殿 上乘玉麟驪青蓋御重華殿復進臣

等于左室臣等稽首頓首臣孚敬奏曰臣等

欽蒙 聖恩賜茶又欽蒙賜觀御馬載稽首

頓首 上命賜酒飯又賜蟒衣飛魚服臣等

稽首頓首趨出 上復令中使召人以御札

示臣等曰今日朕以演馬出因與卿等同遊

卽以其事為題卿等人各作七言律二章古

樂府二首來欽此臣為鈍與同官方勉成七

言律二章 聖製已煥然天成發示矣臣等

西樵遺稿

卷之四 詩

捧誦稱仰心竊愧服奏曰仰惟天章煥發皆

聖學淵源深邃非臣等愚昧所及臣等稽首

頓首各恭和 聖製及應制七言律古樂府

以獻 上覽所獻詩于左室乃命臣等退出

臣等捧誦 聖製廼率 祖訓嘉勉臣愚不

克仰副 聖心敢不力與同官交相勸勉以

所不能臣不及君則贊助之而已臣仰惟

皇上英明邁古至德純全臣愚萬萬有不能

及一者也贊助之未能輔弼敢當乎哉今日

君臣之同遊也臣能無喜乎能無懼乎謹識  
之以紀休命云 少傅張孚敬撰

御林初夏晴明日 天子乘龍喜色多共訝飛雲紫  
白玉渾看匹練下銀河同遊環碧臣何幸賜對重華  
語更和應制慚無天馬賦南薰惟誦舜廷歌

其二

九重飛蓋駕祥龍仙仗如雲出 帝宮金勒雕鞍當  
午麗草茵花障倍春融鑿與已許詞臣從玉食仍教  
仙僊共錫服承恩更稽首庸愚何以答重瞳

西樵遺稿

卷之四 詩

三

又古樂府二章

白馬黃金勒霓旌天上來 君王政機暇遊衍薰風  
臺長堤柳絮金鞭迴錦宮花簇瓊筵開侍臣快觀紛  
徘徊紛徘徊捧壽杯仰瞻神武姿駕馭多良才需雲  
一曲昇平樂八方順軌無纖埃

其二

聖王臨兆民凜如朽索馭六馬昔賢忠愛深峻坂不  
敢馳驅下安不忘危古所嘉敬恭一念思無邪周瑤  
池漢渥注唐舞傾盃貌玉花吾 皇一洗千年陋皇

途帝軌同馳驟

又恭和 聖製古風一章

渥注之種非寰中乘雲來自瑤池宮天閑十二推長  
雄七駿承恩新賜名金鞍玉勒相崢嶸日暇鑿與降  
環碧同觀演步漸予粥委纓伏御兮安不驚始知在  
德今不在力重華深處復傳宣天語相期過契棄贊  
襄愚陋匪所能鞭駑報主徒有心君臣自古貴一德  
敢忘湯盤日日新

又恭和 聖製近體一首

西樵遺稿

卷之四 詩

四

高拱無忘六轡駒翩翩雲錦出宸居驕嘶喜受 君  
王筮仰秣時聽舜禹謨神相固知離牝牡庸才何幸  
傍乘輿禁林日永薰風足咫尺天顏久未違

謝賜飛魚服

千古幽風頌衮衣魚袍何幸及臣微深慚趙子身勝  
服徒羨張丞夢着緋 聖典庸功嚴在笥老年圖報  
正知非寸心自許同春草俯仰時時戀德輝

恭和 聖製夏日與輔臣同遊 并序

癸巳孟夏戊子 駕出遊西苑先傳宣臣手

敬臣時臣獻夫臣鑾候西平臺臣等趨 命  
至西苑門擬舟渡太液池適嚴警蹕旋隄而  
趨過樂成殿迎翠殿隄柳飛綿汀蘆蔭綠日  
麗風和鳥飛魚躍四顧真蓬島也至平臺拱  
候少間 駕出度玉竦金鰲橋 上先御寶  
月亭召臣等入見 上曰此亭去年訖工時  
卿孚敬不在今與卿等同遊 命賜茶臣等  
稽首頓首謝恩 上命司禮監官引臣等徧  
觀焉 駕卽發御清馥殿復召臣等入見左

西樵遺稿

卷之四 詩

五

室 上曰前是錦芳亭修舊耳因荒落故建  
清馥殿去年訖工時亦因卿孚敬不在故與  
卿等同觀臣等稽首頓首謝恩臣孚敬奏曰  
伏蒙 聖慈俯念臣不在茲特賜同遊臣之  
感 恩尤當倍萬載稽首頓首叩謝 上命  
賜酒飯命司禮監官指引左右前後徧觀  
焉又賜錦囊花果聚禽圖扇書迴文詩頌司  
禮監官捧 御製夏日與輔臣同遊古樂府  
一首又七言絕五言絕各一首皆望雨憂民

而作也命臣等賡和臣等捧誦仰惟 聖明  
存心天下樂不忘憂雖古堯舜其何以加諸  
無任欽仰 上方御翠芬亭亭旁皆藥欄時  
紅藥盛開 上命折賜臣等臣等各恭和  
御製以獻臣孚敬奏曰伏承頒示 御製天  
章煥發非臣等愚昧所及臣又奏曰欽蒙賜  
觀清馥殿制度嚴整仰見 聖謨弘遠又欽  
蒙賜饌賜扇賜芍藥花 恩禮稠疊臣等不  
勝感戴 上曰此是翠芬亭命司禮監官引

西樵遺稿

卷之四 詩

六

臣等于亭下藥欄皆徧觀焉 上覽所獻詩  
于亭中乃命臣等退出載觀錦芳亭前有  
沼以通太液池時啟閉焉臣等出西安門日  
就晡矣嗚呼君臣同遊 祖訓也於斯為盛  
聖恩也虞夏君臣交相戒飭非敢為佚樂也  
夫人君之尊如天雪霜雨露皆天也威福並  
行人君奉天之道也臣等又敢不各相儆戒  
云 少傅張孚敬撰  
太液流光水濶源長萬年社稷賴明良稽首我 皇

致治成康載稽首慈聖安祝 皇嗣熾而昌

又

傳宣西指御林中清馥餘溫挹 帝冲何幸憂農降

清問一歌雲漢瀉恩悰

又

雄構因無逸幽風曲未終 聖皇稽古意直欲繼神

農

恭紀 聖恩春日同遊并頒賜殊品

謫陋深承 主眷優一句兩度賜同遊金亭寶殿從

西樵遺稿

卷之四 詩

七

觀眺又降宸章許倡酬

其二

雲間縹緲望鸞旌太液池邊迤邐行寶月傳宣先賜

見光榮應已勝登瀛

其三

促步追趨度錦芳殿名清馥御爐香重承左室溫綸

下滿袖薰風帶寵光

其四

仙茗分來御椀攜內庖珍饌共甘肥縹囊綵扇連翩

至仰見 皇心欲解衣

其五

小憩迴廊逼翠華 皇風忽爾散天葩賡歌未足成

羞澁已賜仙花壓帽斜

其六

獻詩重上翠芬亭拂拂花香襲御屏更喜遶欄觀芍

藥始知僊境在皇局

其七

金碧輝映玉臺百花叢裏五雲堆感恩稽首臣何

西樵遺稿

卷之四 詩

八

祝願捧年年萬壽杯

其八

瞻對從容暑屢移晚陰松逕出遲遲歸來便向妻孥

羨千載儒生際遇時

恭和

聖製秋日書懷

御苑親耕喜有秋閭閻猶繫老農憂深慚變理臣無

補祇覺霜添兩鬢愁

其二

傳聞邊將謹防秋宵旰何勞 聖主憂早晚西征罷



歸士銜枚無復室家愁

瑞應白鹿應制 有序

謹按瑞應圖曰王者承先聖法度無所遺失  
則白鹿來又按宋志曰王者明惠及下則白  
鹿至夫鹿壽千歲滿五百歲則色白今麀而  
白尤為奇瑞也恭惟 皇上聖哲天縱仁孝  
性成至誠立本稽古好學乘中興之運銳有  
為之志大明彝倫釐正祀典崇德報功繼絕  
舉廢近率祖憲遠追王章文思煥發道術純

西樵遺稿

卷之四 詩

九

備至於畏天憂民敬一無間佑直催枉明斷  
罔愆賑荒恤獄惠愛周流蠲逋却貢恩賚覃  
沓窮簷蔀屋莫不涵濡德澤鼓舞神化鳥獸  
咸若草木敷榮凡厥含生莫不被及今茲白  
麀豈非明徵乎 皇上謙不自有乃祇薦于  
廟恭呈兩宮以歸功于祖考贊美于慈顏申  
敕百工益修厥德於是大夫庶士咸極歌誦  
羣黎百姓遠邇騰歡將觀德化之成底于太  
平之盛治臣某竊幸遭逢叨承密勿踴躍忻

忭倍萬恒情

聖人建皇極中興應時行敷理協玄化修身臻至誠  
敬天嚴秩祀尊親先正名酬功舉絕世崇道釐徽稱  
不遺先聖執遂使百度貞揚材達遐隱察物無遁情  
施仁及貳獨至德本好生詳刑洗冤贖賑荒起疲氓  
丕謨耀洪吳厚德浹太寧中州顯神育瑞麀昭物靈  
竊爾冰雪姿粹然金玉精舍文好無極馴性安不驚  
如從王圃伏靡逐蒿野鳴撫臣重嘉異來貢天子庭  
肅雍獻宮廟萬姓騰歡聲昔年甘露降再見黃河清

西樵遺稿

卷之四 詩

十

昨者靈鵠至又看玉兔呈灼哉彰盛德允矣徵太平  
皇謙益修紀飭爾百辟卿惟善身之寶惟賢國之禎  
進賢止至善于祿百福盈羣臣拜稽首嵩呼誦王明  
子孫當千億聖壽當萬齡帝俞曰噫嘻天休予其承  
恭和 聖製求賢  
先民有恒訓圖治在任賢致道乃由學居肆工且專  
旁求與豫養兩法當具全譬之鶴鳴陰又若鴻漸于  
聖主廣咨詢賢臣竭忠堅臣愚仰作歌道大真如天  
恭和 聖製偶成

絮短仁斯在求仁想是方聖謨開要妙末學謝荒唐

其二

道大公能溥心純直以方困窮矜四海一脉自陶唐

其三

乾坤皆我闡民物可相方大學西銘意皇風陋漢唐

欽天追先閣宴兩宮應制 有序

伏以一人有慶孝誠無間於兩宮四海均歡

尊養兼隆於百物屬此落成之燕况當茂對

之時望切紅雲懽騰紫禁恭惟 昭聖慈壽

西樵遺稿

卷之四 詩

十一

皇太后陛下性體溫仁化隆恭懿含弘光大

配坤德以無疆中正柔嘉翼離明而有耀正

值邦家之閒暇載觀福履之來同四郊建而

甘露降祥洋洋記頌九廟安而普天同慶藹

霽聲詩仰傑閣之宏規見明時之盛事昇平

有象逸豫無期躬承受日之顏爰啓需雲之

燕方珍畢獻和玉濯之馨香法曲均調順薰

風而披拂指南山之松柏俾壽而昌閱東海

之滄桑惟安且吉尚祈錫福永以同天臣等

寸玉堦前叨塵法部九霞天表同覩末光雖

慙振鷺之容少侑停鸞之樂恭陳口號上叩

天闕

一朵紅雲五尺天瑤池金母坐瓊筵盃分瓊甕擎香

露樹簇琪花擁瑞明日月豐碑開照耀水風仙樂奏

流連欽天法祖吾 皇事長奉慈顏祝萬年

又有序

伏以欽天述祖孚萬國之歡心育物對時備

九重之孝養清朝多暇慈極載寧遙瞻鳳輦

西樵遺稿

卷之四 詩

十一

之來臨共仰龍顏之悅豫恭惟 章聖慈仁

皇太后陛下道協冲虛資兼仁智承徽啟聖

周家任姒同芳約已裕民宋室宣仁有媿訓

誠廣螽斯之化憂勤深燕翼之謀方東觀之

崇成順南離而燕喜豐碑羽樹傑閣翬飛饗

帝尊親追味玄宮之瑞露祖功宗德登歌清

廟之休風觀孝治之有成暢宸歡于無極鈞

天廣樂咸英之奏迭陳仙掌瓊漿水陸之珍

畢獻歌薰舜旦展化日以舒長稽首堯天敷

慈雲而覆育前星有耀眉壽無疆臣等草茅  
賤品生成亦荷於天家葵藿微衷傾仰敢忘  
於日馭願鸞驟之少駐率獸舞以同趨敢述  
心聲敬陳口號

紫禁東頭燕喜時衮衣親捧萬年卮天心祖德惟

皇極子燕孫謀有 聖慈萬丈蓮花開玉井九仙桃

實薦瑤池周南周頌今重見四海同賡既醉詩

恭和 聖製恭奉 祖訓及 皇考手澤于丙

宮元夜設燈致慶

西樵遺稿 卷之四 詩

三

聖皇思敬承祖考垂訓澤四方仰純孝萬世成大業

其二

春宵啓燕遊玉燭覃恩澤不忘無逸戒艱難興王業

恭和 聖製作字以賜

深居恭默養天真藻思風生筆有神珍賜寶藏期百

世餘光猶足耀鄉鄰

其二

不假清虛味道真至誠志氣自如神微臣輔德知何

有兩載深慚備四鄰

南山

朝看南山雲暮看南山月朝莫對南山南山青不歇  
春采南山芝冬茹南山雪四時自往來南山終不缺  
我歌南山詩神爽亦飛越况此山中人聞當迴白髮  
胥門與方崑山思道

病思日忽忽歸舟不停橈經途亦何遠所遇復寥寥  
昨日許市頭鄭谷有深邀鄭繼之邀飲于許墅今日胥門下俟

我崑山輶此會良幾何爲子淹崇朝一語終薄日孤  
燈復連宵媿此平生懷落落應難調對子若有合由

西樵遺稿 卷之四 詩

古

然慰無聊嗟哉未竟言一別不可招風塵日以滿關  
山日以遙誰能御天風覓我於西樵

又

知子日已久今朝始相識會面良不易開心復何惜  
謝子亦好懷超然與世隔平生抱肺肝傾倒恐不亟  
媿我何所言無以慰悃悞功名自古難所忌更孤植  
文字費精神戒之在無益六籍皆通道貴乎知用力  
學而不知本悠悠竟奚得原來自不已四海乃其宅  
日月本有明容光盡生白斯道固難言多言轉禁惑

行行勿復語願子崇明德

宿東園草亭

昔年別此廬廬新髮尚綠今年歸此居廬故鬢欲禿  
流光不可返我力尚能勗立志當自茲無為更碌碌

望西湖

初從西湖行未弄西湖艇西湖景若何舉目望逾迥  
屹爾湖中山悠然見孤影湖光有明滅山影常靜正  
欲飛山頂眠一眠發羣省欲落湖心浴一浴消百病  
有懷誰復同欲語無人領風來水波動雲合山色暝

西樵遺稿

卷之四 詩

五

藍輿不停肩忽忽度松嶺何時借美人還來極風詠

賦得竹亭

古稱此君子直節多清風更有歲寒心將與松柏同  
君子不可少世情良惡逢况有桃李華依依競春容  
小人本易進君子道固窮雅好自天性深交若神通  
日夕對君子蕭然坐亭中君子不可違宦轍隨西東  
亭移竹不改晚節能有終湖江流澤遠甌越納春融  
善政在人心誰知君子功至德本難言山歌詎能工  
歌罷魂孤飛可愛不可從

和湛甘泉太史喜石泉與烟霞同版築之作

烟霞在樵南石泉在樵北千里有神交况復去咫尺  
大科山之中可以為子宮四時足烟霞烟霞吾與同  
紫雲峰之特可以為我室下有奇石泉君亦愛泉石  
夏炎我何有石泉水冷冷惟子於此時乘風來濯纓  
清秋爾何有烟霞月炯炯惟我於此時抱琴凌絕頂  
或時好歌詠雙鳧飛自東烟霞作天樂石鼓和金鐘  
或時恣遊觀一鶴從西度石泉起神獸盤龍隨伏虎  
噫吁嘻泉可飲兮石可眠烟霞烟霞今能無石泉霞

西樵遺稿

卷之四 詩

六

可食兮烟可避石泉石泉今能無烟霞烟霞石身皆洞名大科紫

雲峰名石鼓金鐘烟霞所有盤龍伏虎石泉所有

梧臆贈林縣博潭

倬彼梧桐樹結根在幽林栽培人力厚沾濡風露深  
日夜之所息毫芒成丈尋可以棲鳳皇可以製琴瑟  
苟其初生時植之無美根暴之以風日殘之以斧斤  
本株漸凋瘁枝葉安得存如是求其用奚啻千里云  
又  
聆彼臆中人讀書藉梧陰觀梧識物理掩卷契聖心

天下與國家本之在一身是之謂格物昭昭如指陳  
苟其不知本學問徒紛紛明德既不立斯民何由新  
如是焉用梧用楮成愛注謂之物交物請以爲子箴  
贈族姪士表之黃巖司訓

師道久不立斯文亦云蕪偽末勝本真入道迷始初  
况爲嗜慾累明德日以汚大學貴知本此義無由敷  
惟教學之半人已且相須而况台多賢黃巖尤巨區  
取斯修諸身乃以淑其徒道明德乃立戒之在趨起

贈童子汪大通

西樵遺稿

四詩

七

童子挾筆藝蕭恭來見子九歲如成人應對有疾徐  
雖然未知學聞教意沛如道德以爲本文藝安足居  
聖雖由學作所貴童子資念哉程氏訓勿負天所畀

憩楊梅村與趙從周

放舟烏石灘上有楊梅村趙氏乃名家仁義以爲門  
我車自南華逸思不可言同行謝吾子佳意更盤桓  
掃室喜迎候開此安樂樽清飲未肯已前之以盤殮  
足以盡我興何必是桃源

盛德篇贈伍侍御

在昔唐虞稱盛德一心危微慎精一子違汝弼臣且  
郁洋樂逸遊若弗弗夏禹孜孜施鼓鞀殷湯從諫亦  
如堯武王下車勤訪道皇皇名公憂旅熬猗與成康  
號至治六典敷陳百官備瞻矚獻誦工進規左史書  
言右書事自從監謗降秦威漢帝庶幾除族誹那知  
言路歸臺諫非位不言言者稀爰使後王多失德輸  
臺難悔夫何益城狐社鼠世復紛仗馬一鳴恒見斥  
駟首乘輿能幾人寥寥青史說埋輪皂鵬獨鶴亦何  
有補闕拾遺猶僅聞伍君才雋名江右早入烏臺紆

西樵遺稿

卷之四詩

七

才繡巡行兩廣志澄清察察籍書爲所後風采如茲  
今古難未幾入奏侍 天顏六飛在道豺狼滿危言  
佇看回丘山

望錢塘憶會稽寄王陽明

東望錢塘水南憶會稽山錢塘之水濶如許舉目可  
望不可度會稽之山杳何處引首見雲不見路錢塘  
之水猶可航會稽之山豈終阻陽明洞中無主人默  
默此情欲誰語天台在山西鴈蕩在山東會稽之山  
天下雄君居此山南我居此山北天台鴈蕩皆吾宅

噫嘻此志不可違陽明主人何時歸陽明主人何時  
歸我欲終身夫子依

賦得照石贈李邦直之續溪令

我聞續溪有奇石明能鑑物高幾尋雲開雨過光如  
刮此時靜對令人欽可憐昔日蘇子由只照塵容不  
照心李侯此去當得之無用徒作白髮陰

洗耳巖歌

巖上石巖巖巖下水泠泠一坐松竹間能令兩耳清  
君不見昔時巢父與許由掛瓢樹杪萬事休世間榮

西樵遺稿

卷之四 詩

尤

利付流水一任青山春復秋

送別張仲陽入京

拏舟遊范蠡閉戶坐潛夫只有飛雲意遺君一物無

其二

何處問吾居西樵小結廬丹心長戀闕一點未曾渝

巖子陵釣臺

諸將勳名占上台桐江烟水獨衰狷誰知千載風塵  
後不見雲臺見釣臺

其二

故人不仕意如何豈愛清風一釣簑伐木不違千古  
義首陽西望共嗟峨

得杖

一笑溪頭得杖歸百年端許病相依只愁他日乘龍  
去何處凌空獨自飛

訪趙元默

夢到西巖月幾回十年今日始登臺東君自解畱人  
住莫遣天風送雨來

送陳環溪

西樵遺稿

卷之四 詩

手

朱雲一疏排閭闔王素孤風動海山七十峰頭有明

月獨能千里照君顏

贈毛按治

擁絮烘爐也据牀連旬臥病破茅堂今年嶺表寒尤  
甚都說西臺御史霜

其二

舉目蠻烟滿四墟澄清一念獨關渠劇聞道路人相  
語欲向羊亭臥使車

贈黃石龍之南都

時在都下

燕臺離思苦依依滿目紅塵隔翠微十載羅浮曾有約不知何日得同歸

別王陽明

春風桃李總依依領得春心入翠微不是尋常掛冠去灑然真若浴沂歸

其二

聞道蕭山有主人為尋王翰卜佳鄰野人亦有湘湖約何日孤舟許問津

舟中寫懷寄王陽明

西樵遺稿

卷之四 詩

五

到處雲山若可依悠悠京國望中微何人漫費相思夢不與秋風共載歸

其二

涼涼非敢絕斯人僻性惟宜水石鄰不識可行還可止旁人休訝是知津

遊西樵山

不知天上與人間雲外悠然見此山放艇獨來尋舊約一年能借一春閒

其二

上上此山知幾重一山中有七十峰巖水涓涓溪月白此中得意難形容

訪宗姪約

忽忽浮生春又半閒來花徑慰詩神繁紅滿眼尋常事却愛幽琴鳴傍人

湛甘泉內翰使安南還訪予西樵適予出不值

一月雲山獨自依尋青偶爾出霏微禪房尚貯三升粟正待天南放鶴歸

其二

西樵遺稿

卷之四 詩

五

往來真歎此身浮孤負金山與子謀還掃石泉松下石肯拚三夏共眠不

其三

歸槎始得今朝報拄杖何勝昨日情不是伊川無信息佳期原欠靜中靈

其四

徨徨未得居山伴結屋聊依野寺鄰何處碧山來學士西樵白馬問吾津

郭總戎世臣見過石泉

疎慵自分只漁樵故向深山小結巢兩日明公來對  
酒一壺聊下樹頭瓢

次韻谷鄧賁齋 用古句起

懷抱何時得好開三年塵夢落燕臺東君似解愁人  
意猶遣梅花傍酒杯

其二

不道長安百萬家行窩樂事在天涯笑來齷齪者誰  
子紫陌猶矜老看花

貴溪謁象山先生祠

西樵遺稿 卷之四 詩

道在人心有不忘象山高與此溪長梅花已算餘三  
百誰爲先生一瓣香

其二

斯道昭然實在公考亭當代亦儒宗可憐一日鴛湖  
辯易簡支離竟不同

出山

天地何心任往還一春纔得半春閒若非經濟吾儒  
事明道何如更出山

次東湖韻

自攬山茅構此臺一尊今始對君開昭然白鹿當年  
論尚有餘風動草萊

贈周充之

瀕海南來不作難兩春花鳥一銜鞍期期御史今無  
恙又作人間杜母看

其二

行止誰云不自由一官湖水又扁舟匡廬五老知君  
意不用逢人問去留

贈謝明府奏績

西樵遺稿 卷之四 詩

三年爲令兩移封治狀行應達九重祗恐宵衣問幽  
側青山無以答從容

待隱園池亭觀物感懷和韻 有序

某無似獲侍蓬菴翁于天官者三年嘗竊聞  
其待隱園之勝欲一至而不可得既而謝病

以歸今且十有一年矣翁亦歸隱者數年某

病起北上道京口乃得請一造焉喜慰若出

平生者旣而翁遺以園集一帙捧誦翁池亭

觀物感懷二十首又復獲領其數陳景物之



詳陶寫性靈之妙不覺心馳思發輒和韻如

數少致區區願言之私云爾安敢續貂

待隱園開歲月深手栽松柏盡成林時人莫訝翁歸  
晚正是先愛後樂心

其二

十年滄海夢登臺一日柴門敢為開春意滿園看不  
盡他時負笈許重來

其三

一寸丹心報國餘歸來試把問鳶魚行藏用舍吾無

西樵遺稿

卷之四 詩

五

累飛息浮沉若自知

其四

壯年勳業重關山載在丹書墨未乾枕底白雲今幾  
片先生閒作一般看

其五

春氣和時秋氣清西街緩步恣閒行儘拚談笑鄉人  
共始識堯夫混物情

其六

繞池紅紫鬪芳菲滿座春風散曉暉水氣暉和花氣

好單衣常似浴沂歸

其七

主人素性愛篔簹南壑移栽護北堂任取他年棲鳳  
處清陰聊得且尚羊

其八

半畝塘邊路幾又儘甚傍柳更隨花行行咫尺春常  
在不用前川越物華

其九

見說劉伶眼已青猶疑荷鍾未忘形當軒未了青山

西樵遺稿

卷之四 詩

五

色一几惟消更一屏

其十

半點塵囂不受侵百花叢艷竹疎陰遊魚戲沫惟平  
沼樂鳥高歌自遠林

其十一

竹須長有不須繁閒裏時時執斧看君子洗心如洗  
竹荒枝休得到干竿

其十二

絳樸云何不作人常從妙處運天斤年來袖却朝元

手滿院奇花色色真

其十三

暮春纔得攬羣芳把酒臨階喜欲狂  
珍重歸來閒宰相片時剛為小生忙

其十四

先生行止總隨時最有江間鷗鷺知  
桃李于今春幾度蒼松畱得老龍知

其十五

竹下池邊怪石多侵苔長坐自摩挲  
雖然不管人間西樵遺稿

卷之四 詩

毛

事時或難忘擊壤歌

其十六

此山之勝甲東吳左帶三江右五湖  
四海于今稱聖主扁舟知得意應無

其十七

楊億前身若再來詞源峽倒莫能回  
于今真隱都無事始覺忘言是脫胎

其十八

清池混混自原泉逝者如斯無間然  
若比先生知道

處終身憤樂不知年

其十九

踟躕長使畧潛移敲竹何人莫問奇  
正是勾玄尋樂處真詮應得少人知

其二十

先生身外固無求帝問何嘗問隱幽  
洛下當年遺盛事乘傳猶得贊謀猷

西樵諸景閒詠

寄墩散步

西樵遺稿

卷之四 詩

毛

散步林巒葛袂輕倦時閒憩寄墩亭  
眼中多少山園趣荔子將紅橘又青

龍井烹泉

煮石燒丹亦可憐我今無事只烹泉  
一般意味人知少除是當年木鄧仙

松裏挹袖

青松翠竹碧沙頭草屋荒塘事事幽  
時有道人來挹袖也應題作小浮丘

池上乘陰

大樹扶搖數十尋常於半坐藉繁陰自從悟得觀魚趣無復絲毫弄釣心

五龍穩睡

山色空濛忘曉昏石牀高在五龍墩等閒一枕希夷夢莫遣軒聲過隔村

溪邊坐石

溪邊竹下有幽好掃石鋪衣坐不厭或任虛空或調息年來仙佛笑吾兼

玉臺攬秀

西樵遺稿

卷之四 詩

无

玉臺隱隱翠微中千尺崑崙枕碧空雲散烟消有真景玉巖龍井共無窮

玉巖觀瀑

獨立巖崖不厭觀飛淙千丈下雲端年來耳目無他用盡放清虛一壑閒

清虛一壑亭名

水澳橫舟

浴鳧飛鷺滿前汀喜逐江頭春水生野渡有人如絡繹樓船盡日笑吾橫

大逕憑高

天畔羣山紫翠堆茆莛亭正在白雲隈時時發興憑高去石逕松風咏且回

西湖春漲

傍柳隨花過碧潯疎篷短艇泊溪陰披蓑帶雨携童去笑弄西湖春水深

釣臺月色

雲鎖諸天迴不開林園隨處可吾杯興來却愛溪山好踏月東行問釣臺

天湖弄釣

西樵遺稿

卷之四 詩

三

一泓遠接銀河流雲影天光日夜浮湖上有八空釣坐此心原不為魚謀

寶鴨濯清

恍然無語坐池頭監止纔知勝監流最是濯纓猶未足真成一飲當封侯

觀翠流觴

空同翠色滿天池一曲閒將蕩酒卮誰醉誰醒都不定此中流止有天機

燕窠眺遠

峭陟窮登眺遠時千峰雲外碧如圍放彌六合收盈  
掬此理于今信不疑

贈盧黃門朝言之四川少叅

禁垣多獻納西蜀此經營四面窮輸粟三年未息兵  
濟時心益壯顧內意全輕試看瞿塘水如何出闔情

偕丹山兄本誠勿欺弘之浩卿諸友遊大橋坑

愛石侵苔坐尋源夾澗行水流如得意花好不知名  
採藥供晨飯撈魚作午羹何須滄海上更欲問蓬瀛

再用杜于美韻

西樵遺稿

卷之四 詩

三

古洞應曾到依稀記石橋寒泉微洒雪絕磴幽

野犬雲間見仙童竹外招終當學辟穀從此上逍遙

其二

短世將過半春纓一濯清眠沙看去犢把酒聽啼鶯

亡師一勺羹何如放縱躋掉臂此中行

其三

遡隱綠流上凌危倩竹支翻疑鄭子谷忽憶習家池  
感舊山猿哭開懷野鶴知巖花無數好回首惜紛披

其四

入澗耳如洗看雲眼未花水邊餘笋蕨松下有龜蛇  
病痛渠能遣癡歌我已賒杖藜隨所至好處即為家

其五

風林蕭鼓合春嶂詩圖開立壑歌和鳥巡簷笑索梅  
諸公豈易得十載是重來醉倒忘歸路呼童認屐苔

其六

天擊巖隈石時投壺石上杯分澗頂泉縱狂成嬰鑠久病  
起沈綿好景惟消酒清風不賣錢山靈催得句雲雨

擁前川

西樵遺稿

卷之四 詩

三

其七

野水遺高韻閒花送異香冥心真得得揣躋故涼梅

已勝湖邊釣方干釣于鑑湖何須甕底藏畢吏部平生蓬矢志

矯首愧穹蒼

其八

何人窺石室此地即瑤池亂竹惟臨水疎藤亦作籬

湍魚驚得飯野鹿臥存兒跳入虛無去浮名不

其九

問徑隨春草飛筇臥午雲歸來陶靖節多病沈休文

水氣單衣稱松陰小簞分悠然天地別白日絕塵紛

其十

混世終能否耽幽奈癖何一簑聊有足餘論敢求多  
鳳鳥何時見滄浪隔島歌吾儕今洒落不啻舞雩過

公署賞牡丹兼喜雨得時字

百卉春將盡名花獨後時恰逢新雨潤又得眾光垂  
把酒階常近延賓席屢移農家今日意無限入金卮

謝顧惠崑園亭讌集

是日喜雨

屢借名園勝初沾小雨涼清尊消俗慮高閣俯奇芳

西樵遺稿

卷之四 詩

三

共有農家喜偏添客夢長遲迴松竹底恍忽在仙鄉

其二

泉寺清何假湖溪樂未央琴簫幽洞合花竹遠亭芳  
未遇赤松子先登綠野堂多君歌舞意懷抱竟難忘

新居小構次韻答周玉巖侍御

湖龍當有宅林鳥亦知歸覽愛喧闐遠終期木石依  
還方欣偶合早歲挹清輝自得秋風約經旬不掩扉

立春日和戴仲鵬

至日病未起官奴又報春故鄉雲物舊北闕夢魂新

撫景兼懷友含情欲語人蕭條鵬冠子隱几合相親

與戴仲鵬宿梅汀舟中

海外逢君話孤舟復此汀烟波秋淡淡江雨夜冥冥  
燭沒分漁火杯空托露冷連牀應幾夕明日又東亭

送黃小江之福建憲副

五年心已契四海分誰同問學輸前席論文愧下風  
有懷過叔度為政似廉翁握手飛雲上相期意未窮

其二

貧泉終不易介石是真操

嘗自建介  
况志按獄平反眾愕

西樵遺稿

卷之四 詩

三

屯計畫勞風流兼吏隱德義在吾曹故遣山林脚蹕  
人擁去旄

其三

白髮垂堂日蒼生引領時未酬將母念恰有過門期  
壽酒腰金舞安車戴節馳秋風雖在邇莫作美尊思

其四

多病真違俗高情幾合簪通幽深處酌觀我草堂吟  
寶鴨他年夢

西樵有寶鴨池  
金龍此日心  
武夷山有途危天

更遠相見復山林

題從化程尹士民借寇圖

自有循良傳何人是寇恂文中幾易數聖代貴勞均  
豈弟推長者功名到古人士民留軌軌直欲叩天關  
丁原德方思道見寄且責余久無書因戲答

帝城千里隔石洞十年居南陌秋夜聯鑣憶舊衢

遊羅浮朱明洞

十日愜幽賞朱明七洞天盤飧餘笋蕨衣袂足風烟  
木客來相問靈禽去復旋知誰有仙骨硬肯絕凡緣

西樵遺稿

卷之四 詩

五

贈葛靜虛道人

素慕赤松子今逢葛稚川金丹猶未就風骨已翛然  
問竹趨衡嶽尋鉛過石泉他年三島去拉我紫雲巔

同丹山家兄勿欺諸友登梅峰

羅浮杳何處滄海望無垠步武連兄弟嘯歌同友人  
幾莖黃竹杖十里綠莎茵一枕峰頭夢悠然隔世塵

梁伯綱叔元昆仲在顧山中

青雲肯與白雲期開到黃花又幾枝積雨分明留客  
意空山遮莫愛人時高才自與經綸熟野性從來水

石宜未敢與君論出處暫同一笑醉霞巵

元旦試筆次丹山家兄韻

誰教風雨入新年興在殘梅剝菊邊幽思祇堪花共  
語病容不與世爭妍未將東海扁舟去願借西樵半  
榻眠自笑一官能早計十年剛辦買山錢

梅花玉節為程代巡時言

繡衣風采絕塵埃攬轡澄清海上回兩載炎氛渾不  
見十洲烟瘴已全開冰壺獨映滄江月玉杵相輝庚  
嶺梅他日想君何處是琅玕露立五雲堆

西樵遺稿

卷之四 詩

五

歸途有作

九載蒙恩兩放歸昊天同戴日同輝書囊借重黃龍  
詔病體何勝絳鶴衣報國有懷飛夢遠濟生無術故  
心違山林終許隨麋鹿五疏曾將達帝扉

新年病中作呈張羅峰李序卷二閣老

短榻垂幃擁病衾新年人事幾呻吟首丘每切還山  
計羸骨難消報 主心相國元功銘上鼎留侯夙志  
在幽林勿云出處終殊道已許交情比斷金

官山樓成

頻年卜築樵山下高閣憑凌碧漢頭一枕清虛直老  
夢孤心縹緲與誰倚凭闌時發唵風興開戶閒爲得  
月謀當面北辰常在望焚香每拜 主恩優

賜書樓成有感

賜書不是來天府海角何因有此樓寶樹重重雲氣  
覆牙籤燦燦日光浮衰年尚擬千周觀 聖德何曾  
一字酬讀罷已拚高睡足夢魂猶自遶 皇州

再用陳白沙碧玉樓韻

春來老眼不勝開幾幅青山入焉裁何必三龍真百

西樵遺稿

卷

尺已堪太白放千杯常邀明月爲朋侶不礙浮雲任  
去來珍重御函留寶帙樓頭夜夜瑞光迴

又

羣峰擘翠此樓開指點虛無是體裁碧玉無人誰作  
賦白雲終日共銜杯林坳露隱鶯聲遠屋角春深燕  
子來睡起開窓更何有澄江對雨幾縈迴

又

混沌何年鑿此開天公留與後人裁那須畫棟連排  
檐不媿山樽自瓦杯日上階前玄鶴舞朝平門外白

鷗來有時忽聽漁歌發野老前灣罷釣迴

又

春滿前川景色開單衣聊可試新裁觀魚坐石閒垂  
釣煮茗臨溪自引杯月蕩波心龍睡起烟消松杪鶴  
飛來歸時不厭登臨興夜半歌聲四壁迴

石泉精舍漫興

心契平生石與泉泉甘可依石堪眠鏡湖數畝波千  
頃土閣三間月一天釣竹懶拈饒暇日碁枰不對已  
多年閒觀消息盈虛理待檢林頭說易篇

西樵遺稿

卷

美

次丹山家兄韻

十載還山夢寐勤一年天氣足氤氳偶來白酒同溪  
月更許青藜入洞雲自笑經綸應外事亦知鳥獸可  
同羣衣冠幾日延佳賞秋色剛添又幾分

黃小江飲予西樵小寓復有後期

溪山寒菊正開時真景隨人入緞思得象不如忘象  
妙出山休恨入山遲空齋久矣懸清榻他雨寧無續  
後期此意信君能不負且先分付月明知

厓門

松柏森森蔭古祠，幾回揮淚向江陲。時來運應難論事，去王圖已可知。塊肉尚懸慈母恨，瓣香不斷老天疑。客來若問興亡地，波浪年年未有涯。

山亭落梅用丹山家兄韻

閒來兀坐小朱明，五日眠窩夢不驚。墻角落梅詩未辦，山家老婦釀初成。尚憐半樹寒香在，儘放三杯逸興生。湖上逋仙今不見，花神珍重向人傾。

夜送周充之舟中

一夜星河作意明，扁舟蕩漾遠江城。青山過雨仍留

西樵遺稿

卷十

七

色白酒臨流不盡，清客裹行藏。隨夢過眼前，榮辱等毫輕。送君目斷匡廬外，秋水歸帆寄鴈聲。

其二

長江一日幾風濤，元亮當年興獨豪。高志已能辭斗粟，野人今亦買魚舸。百年樵谷心猶闕，萬里湖山夢更勞。歸去便須尋酒伴，茫茫天地且陶陶。

山中寫懷次鄧順之韻

浮雲不與此心期，自分鷓鴣寄一枝。抱病幸逢明聖主，愛閒剛在太平時。巖蹊菊早看無厭，山寺秋高

睡正宜，不是淵明先得我。一生逃酒又逃詩。

遊九龍巖

聞說龍巖極有情，果看奇絕冠平生。九龍化去名猶在，七曜飛來蹟甚明。前有七星巖杖逐黃雲穿曲澗，花迎

白鶴舞新晴。錦袍自笑成何用，且作樵夫跣足行。

平日與諸煉師登聚仙臺，懷霍渭先甘于盤。

振衣千仞欲孤搏，四壑風生五月寒。偶憶題詩懷白

社，可憐尊酒對黃冠。龍舟錦戰連珠海，角黍山堆自

瓦盤。城市山林風氣別，有人會向靜中觀。

西樵遺稿

卷十

早

送別程特言

巡

忽看飛鷁轉南飈，洗耳江邊聽越謠。白簡連翩惟薦士，蒼生沾足在輕徭。霜威拂拂餘梅蕊，春意融融見柳條。歸國共瞻程伯子，好將遺闕答明朝。

送別廣西代巡屠文治同年

昔年紫陌憶連鑣，此日滄江望去橈。萬里關山秋月皎，九重宮闕暮雲消。冠指日趨明名，鐵筆凝霜到早朝。同榜英賢如有問，爲言多病老西樵。

飛來寺阻風



昔年曾記一披雲此日重過十度春兩鬢不如山水  
綠寸心猶戀闕廷新玉環棄去人何在寶刹飛來踏  
已陳往事祗堪舒笑口長風何必漫留人

水頭寺

蒲計秋江欲買舟悠悠人事又中秋尋僧偶到水頭  
寺放蹟暫同沙外鷗斷隔紅塵看白日絕非人境是  
瀛洲清泉已定流觴飲薄暮還堪拄杖遊

姚園

秋來兩度留青石 世人還出世間西壤草堂留短

西樵遺稿

句東籬叢菊對醞 幽情豈肯遺簪笏多病終當學  
返還賢哲于今滿青瑣滄江且合縱疎閒

夜話呈丹山家兄

歸來相對便多情一話綢繆話二更古瑟從來無別  
調疎絃今日正稀聲乾坤許我具雙眼詩酒曾誰共  
此盟尚愛河南兩兄弟令人長夜想儀型

夜臥山房懷張東所山居

一臥誰教稱夙心羅浮與此正連衾安身偶在菩提  
竟得伴還登最上尋萬壑空虛留月久千峰翠律入

雲深何時共坐雙魚石為續絲桐萬古音

登大科峰絕頂

晚來偶發登臨興策馬高凌絕頂頭盡見百川歸巨  
海却疑諸嶺在平丘拂雲天外觀何極倚石松根坐  
不休一枕借眠誰可共幾回飛夢到羅浮

駱明府爲卜地

偶隨一鶴出關回霧雨連山手拂開道士自天傳法  
眼山靈無地祕神胎自語飲水知泉脉更許誅茆枕  
石堆夢到華胥安處不知天咆有驚雷

西樵遺稿

借陳不誠居士光坐山池中墩

嶺嶺中流見此墩偶來何處水雲身海山浪說還仙  
島天氣依然似暮春一生忽看天際月三杯剛對意  
中人孔顏樂事千年在遊覽于今見果真

燕樂亭次黃小江韻

不惹飛塵到九衢習池風景未應殊天心自解長觀  
復樂事誰知亦體需竹外每聞張廣樂窓前時見落  
玄珠等閒還作周公夢不把浮雲薄有虞

題雲樹圖爲黃明甫監司贈別胡大聲方伯

誰將別意上丹青半幅胡縑太有情脉脉曉雲連  
遠依依春樹隔江明羅浮忽落千峰影珠海空雷

古名九曲武夷何處是送君無計繫心旌

本誠文光勿欺見過飲子偶成兼呈丹山家兄

正苦深山入木深春來花鳥費招尋小車時復來康

節抱甕終當老漢陰村釀可堪雷客醉山歌誰共賞

樵音明朝期把黃雲杖去了羅浮百歲心

贈別黃小江僉憲入京

知己三旬兩別離傷心一淚灑天涯江山終日能如

西樵詩 卷之四 聖

是聚散人間不可欺鄙吝他年應復甚迂狂今日更

堪疑牽衣欲隨仙舫多病頽然未有支

贈別張東所

一東徵書到遠林蓑衣江上也堪尋行人每逐風塵

化志士寧忘溝壑心老大行藏非草草舊時松竹自

森森歸舟載得滄江月還許深山入更深

再用前韻呈東所

湖竹看看欲作林深居無計避追尋三辭正繫羣公

望一出能明百歲心滿眼瘡痍同疾痛經途風物沈

蕭森豈應袖却調羹手君相于今契且深

坐寺旁山大石偶得

大石松根坐每酣晚風隨意掃晴嵐百千病孔磨人

世七十峰頭寄佛菴開眼于今真自憫安心到此更

誰參驛門關口雲深處多少遊人路未諳

坐大石用鄧順之韻寄丹山家兄本誠友人

大石誰移絕頂安石邊真可結茅菴江山有意同行

比天地何心管笑談九月龍歸雲滿谷四時花發錦

成巖箇中得意堪誰曾問向仙城一寄緘

西樵詩 卷之四 聖

寄同年孟望之御史謫官桂林

歎息何人心柏舟虛中隨處是安流陽城論出終違

闕王粲詩成獨倚樓南海儘寬容我老長安不見長

君愁論心合并知何日夜夜驚山夢與遊

舟訪鄧順之既別以風雨阻再至

繚繞縈迴一水賒白雲隨我到君家池臨坐石封春

蘚岸沒垂藤帶晚花海內虛名空自愧人間真蹟更

誰誇多君不盡招携意風雨重來繫短槎

同趙元默遊朱鳥洞因欲乘潮去未懼而別

鳶魚隨處足雲淵占斷風光又一川三載可憐朱鳥  
約一燈能共白雲眠山空徙枕聊依竹雨好披簑且  
聽泉惱得前灘潮去急扁舟無計可延絲

喜黃小江僉憲至同坐寶峰

山花帶雨弄晴暉流水穿雲一徑微消息是誰頻滿  
道喜狂如我欲顛衣乾坤此意無今古詩酒人間有  
是非忽憶當年興國寺對君揮觥淚依依

其二

空山十日想清輝兩笠真同坐翠微論道我慚非白

西樵遺稿

卷之四

呈

鹿好賢君已到繼衣禹周天下應難少沮溺于今敢  
厚非出處論心能不異溪山何用久相依

登浴日亭

舉目扶桑影在東崦磁西去尚無窮祗堪羲馭乾乾  
力更有湯盤日日功玉宇清明通蟹窟金衣光彩散  
龍宮支頤久坐危亭上萬化樞機入手中

草堂獨酌

雲水人間有此堂秋來景物引杯長天光上下還誰  
會鶴影連翻對我狂兩徑黃花擎晚節幾莖青竹舊

朝陽醉來一枕南牕下鳴瑟無弦不用張

草堂初成陳堯山諸友約過詩以候之

秋晚堂成菊滿籬霜殘更有好花枝一尊合對都忘  
我三徑初開却為誰短榻可教雲甃掃小車還許月  
相隨典衣拚得留賢達醉倒池邊不放歸

喜丹山家兄遷居

一冬行李為誰忙十里移居共此鄉樂事漸從今日  
盛病懷何啻去年狂勸酬擬放千杯酒風雨應知幾  
對牀更喜星聯太丘宅每道清燕共焚香

樵遺稿

卷之四

吳

以樵茶送夫椒詩來過美且有共嘗之約

深山知己獨癡狂甘李誰憐不道旁白露偶堪供客  
鼎早春猶未薦山房白露早春  
俱茶名東坡豈有黃州夢常  
父寧無湯餅腸渴慰吞江真有約扁舟共載入微茫

送李廣文一鳳北上

久病無詩到上方送君詩思滿江鄉莫辭官小網常  
在更愛身閒道業長契分未緣同水石風流何處落  
壺觴惟應兩度中秋月夜夜遠來到草堂一鳳嘗兩  
度中秋同

子草堂  
對月

送丹山家兄北試

萬里移舟向北流平生心事付江鷗孟軻尚有齊梁  
計康節欲爲吳楚遊義在君臣終不廢道窮師友正  
須求秋高何處孤鴻影望眼應穿海上樓

七月遊邏洞和鍾愛松韻

竊然一洞隔風埃消得劉郎幾度來述作幸同陶謝  
手品題終媿賈班才十年勞我心如渴七袞輸君背  
木台杖屨更隨乘興去香泉澗底賦流杯

題陳按台環

遺稿

聖

武陵蹤蹟至今疑已奇瓢窺風雲隨變

幻桐江紫翠入希夷濠梁意氣真如在沂上風流更  
可期強病猶能泛舟去爲君一曲一題詩

江約之南窓賞菊次丹山家兄韻

西籬晚菊正繁枝野老東齋病起時強去一尊供酒  
倒比來雙鬢欲參差磁杯綠醕浮金瓣木椀青芽帶  
玉絲清賞不孤花月下風流休說習家池

賀丹山家兄得子和梁越狂邦憲韻

江湖十載汎輕舸正好廬山隱蒯鼈更信宦途連弟

拙惟應門第待渠高英姿漸見能塗壁佳器懸知陋  
續騷他日奎躔聯紫氣鳳翎麟角冠時髦

病起寫懷柬烟霞湛太史兼呈洞中諸友

疾痛通身浹五旬茅堂長臥欲穿裯門前兩徑從青  
草天際三間自白雲駒隙光陰知可念中和事業  
無聞強書白鹿諸賢輩好惜烟霞洞口春

贈賀少叅泰解官歸吳

侍史言曾逆聖顏風塵十載鬢毛斑黃冠自恐還鄉  
晚滄海已嘗行路難甚換酒居連白馬任

西樵遺稿

卷

哭

垂竿醉時自覺無志鷗鷺閒

贈黃積中之郴州教

詩興因君酒興賒且將詩酒忘年華眼前好景看新  
月墻角殘梅自落花千古風流思澤畔三春桃李望  
江涯杏壇莫奏虞妃曲湘水秋風日易斜

次韻答牛道徵長官中秋書悶是夕予適夜直

客懷一日強爲好獨坐清宵還自深報漏虛嚴今夜  
直聞烏暗動故山心蕭蕭槐影侵寒榻淡淡蟾光度  
遠岑何處聞愁關洛客忽傳新句愧知音

與周大尹岐瑞西樵看山次韻

久拚深山老作樵放歸端荷 主恩饒三年塵夢空  
馳逐一日天工入畫描巖壑風光真自足歲寒松柏  
故難凋可人最愛周勾漏飛錫西來不費招

哭席元山次元厓用杜韻

幾迴廷論共逶迤百折狂瀾亦既陂公力固口如砥  
柱 聖心何雷苦標枝道存天地當何讓筆法春秋  
判不移毅國未期已瘁臨風惟有淚孤垂

病懷

西樵遺稿

多病吾生一芻藘飽恥寒夜沈吟雞聲曉覺中流  
夢荔萼春懸故國心帶月吳江移小艇披雲庚嶺入  
長林羅浮便作誅茅計點檢歸囊有賜金

病起

甚矣吾衰祗自知 君恩未報乞歸遲經年不作  
公夢荒徑空懸靖節思荔子丹時違北枕菊花黃處  
到東籬撥愁強病梳遺髮且索殘梅一賦詩

用舊韻寄懷霍渭厓

衰病年來荷 主知衡門從此許棲遲簞瓢敢謂希

顏道饑渴惟應繫馬思曉署締修佛骨表秋江沈醉  
菊花籬兩般得意君能會莫記長歎舊日詩

贈汪誠齋憲副

廟堂豈乏周公旦累歲驚心海上波昔日樓船人已  
矣他年銅柱事如何誠齋老子虛懷久西石先生  
眼多安得四郊烽火熄山中擊壤行余歌

宿東園夢與張東所同榻講中庸鳶飛魚躍孟

子所過者化二言未竟而覺詩以紀之

四年未卜果同心一友國言六余壤隔東西原不

西樵遺稿

幸

遠一秋風雨相氣鳶魚入笏言皆的神化何思語  
更深覺後真成莊子蝶幾時扶病過東林

贈湛甘泉奉使安南便道歸省

滄海源頭許樣深羅浮絕頂幾千尋謝安昔日蒼生  
望毛義當年白髮心玉節遠揮南斗外錦衣先戲北  
堂陰乾坤忠孝男兒事肉眼平生是所欽

同梁伯綱昆仲遊大鍋頂

浹旬烟雨卒能收拄杖相隨到上頭積累本來由一  
簞包羅會復讓羣丘浮雲於我真無累逝若如斯自

不休天地四方男子事肯將鷓鴣鳥共沈浮

贈丁源德歸司徒

春事無因挽客車勞勞國計有聲譽邊臣已謂窮輸

轉 聖主猶能薄羨餘萬室依稀

見新命使君自有生財道取次

壽楊閣老遂菴

黑髮勲名在四方于今七十鬢猶蒼仙銜已屬丹臺

籍樂事先開綠野堂瓊露幾莖分漢掌玉桃千葉近

光世 平次並南飛月蓮 鸞鶴旁

王

身聖紫霞之高宗伯

講筵日日荷君恩錫命新承寵渥蕃留省事同分陝

重容臺位稱秩宗尊瑞雲京口看何厭春草江頭夢

不煩漢室思賢長側席竚看雙

夏日館中書懷

紫燕承恩入華堂碧梧弱植在高

過肯怕天遙鷹隼傷夙夜忠誠那敢懈文章功業愧

非長委蛇伴食中堂後病骨輕清枕簟涼

別霍渭厓倫白山鄧賁齋

茅屋樵巔蔭紫雲翳門松竹路難分迂愚自足烟霞

癖清切敢忘鷓鴣羣擬把功名悲斷瑟已將世事看

浮雲空山病枕頻相憶一曲枯桐對晚薰

憶遺齋次丹山家兄韻

盈虛不假學能明早已為園

短蓬門疎竹一牀橫羊腸不省

上名老病思君數行淚樵隈誰可耦吾耕

春陰

一上意陽王 九十日季 陰芳草易從原上

四樵遺稿

長子花難向雨中 新江湖滂濈時時滿蛙鼓池塘處

處深時節有人眠不穩和泥拖屐入春木

右春陰詩傳謂選翰林應制之

或又作湛太史詩俱無考據未

以俟 方菜識

西樵遺稿卷之四 終

西樵遺稿卷之五

明 南海方獻夫著

元孫林

賦

靈雪賦 應制有序

洪惟我 皇學崇敬一德協中和恭天愛民

無時或懈越嘉靖八年冬十一月將望雨雪

愆期 皇心恐懼憂切于民乃躬禱于天地

社稷山川百神祀事甫畢靈雪隨應臣某忝

職蒙臣叨陪法從觀茲盛事極其懽忻乃稽

西樵遺稿 卷之五

首領首而獻賦曰

龍飛八年時值仲冬蘆灰吹管日輪輾空惟雨雪為

豐年之佳兆曾未見乎千里之雲同於是 天顏不

怡引咎責已不謂臣下變理之無方而曰雨雪愆期

之有以吐淵衷發明旨却朝賀減滫瀡祝弗假于詞

工齋式嚴于羣士委 皇躬以禱于神祇蹈商湯桑

林之遐軌惟月既望惟日戊申四鼓而起板輿是乘

叶 詣南郊以致告詞懇切於為民首禱于皇天后土

爰及乎山川之神翼日已酉載事社稷

恭則一 聖容穆穆 聖心翼翼繩趨準對規揖

立但見至誠之極有感必通天無高而不 神靡願

而弗從法駕方言旋於大內而雪霏已飄灑於塗中

曼草鋪沙霏霏交加隨車翻帶著樹成花堆山疊陸

紛紛相續欲理馬耳將及牛日昨日晴明片雲不興

今朝滿空銀河水傾昨日和煦負暄相倚今朝四野

柳絮風起纔旦暮之一隔回天意於須臾與夫言未

畢而雨至可謂曠千古而合符信豐年之可卜擬黍

之盈閭臣工驚詫黎庶懽愉皆 靈哉雪也非我

西樵遺稿 卷之五

皇之躬曷足以致之歟乃共言以為 皇以清惟

茲靈雪感應彌明又若甘露為 皇以施惟茲靈雪

感應尤異始知我 皇之事天也至上天之眷 皇

也隆天人之交實不遠而不爽誠敬之道貴克初而

克終中和致極位育成功四靈畢集諸福倂降 臣

謹向玉階而稽首願我 皇益敦篤于厥躬

頌 瑞應白兔頌 應制有序

嘉靖壬辰冬十有一月南至 聖天子將躬

享郊丘西川撫臣獻白兔適至得之夔州府  
 梁山縣蟠龍嶺臣謹按瑞應圖曰王者恩加  
 耆老則白兔見臣有以知今茲之獻實為王  
 者之祥而瑞應之原固未可以一端論也凡  
 物之卓異希奇者皆可言瑞奇而得其正又  
 瑞之尤者也兔於星禽屬月乃太陰之精而  
 白則西方之正色以是表瑞非奇而正者乎  
 我皇上法天弘化本乎心德制禮作樂坐  
 致七十校功比效則皆卓然之奇績誠經訂  
 卷之十  
 三  
 之正典休徵時降依類詠喻上  
 古則  
 天純佑昭然甚明臣贊襄無能揄揚莫既謹  
 倣漢樂歌拜手稽首獻頌曰  
 白兔來降西極毓陰精凝素質絕其羣應有德白兔  
 來嶺蟠龍秉金行旺卯宮龍為友靈秀同白鹿來時  
 哉游遡紀元歲一週日迎長享泰丘白兔來薦清廟  
 歡慈極昭聖孝月重輪前星耀白兔來馴靈囿炯  
 金眸驤玉首舞簫韶先百獸白兔來靈貺顯天輔德  
 皇橋謙拜稽首於萬年

箴  
 喜怒哀樂四箴有序  
 顏子之學在克己而其所事則曰非禮勿視  
 非禮勿聽非禮勿言非禮勿動子思之學在  
 慎獨而其所致則曰喜怒哀樂之未發謂之  
 中發而皆中節謂之和夫視聽言動身之為  
 也喜怒哀樂心之發也顏子所以學聖子思  
 所以傳聖者也其所用力顧不出此後之言  
 志於聖可以觀矣顏子四勿程子嘗為  
 之箴焉而服行之若不及然復為喜箴  
 哀樂四箴以自警蓋非禮勿視聽言動者  
 修身也節其喜怒哀樂者以正心也內外交  
 相養者也所以行之者一也敬而已矣  
 喜箴  
 人生而靜動則為情縱欲亡性是曰不明心得其欲  
 喜由以生在易之允說以利貞方說而止有節之名  
 戒爾君子尚其服膺  
 怒箴



凡人之情逐物任性有所忿懣不得其正聖人之心如水之止怒出不怒何有於已顏之不遷是曰好學希顏之徒胡不有覺

哀箴

人情易動物感無窮君子之學約情合中凡厥有心惻隱怵惕之其哀矜不可或碎順爾厥應欽爾厥止不能反躬天理滅矣

樂箴

志不可滯樂不先民有言萬世作式關之

街推道

箴

樂而不淫盈而乃放其心冥豫爲咎有滯則

君子見幾不俟終日

銘

視聽言動銘

非禮勿視視則思明非禮勿聽聽則思聰非禮勿言言則思從非禮勿動動則思恭制之於外以安其內克已成性存存弗懈

喜怒哀樂銘

喜不可妄說以利貞怒不可暴忿以思懲哀不可傷

勿謂屯窮樂不可淫勿爲豫終發乎性情止乎禮義顏氏庶幾不遷不貳

恕銘

已所不欲勿施於人欲立欲達取譬諸身所求乎子以事其親所惡於臣無以事君夫子之道忠恕而已強恕而行求仁甚邇

義銘

無適無莫義之與比勿信勿果惟義所在非道非義千駟弗視豈惟千駟嚴于一介無爲不爲無欲不

街推道

卷之五

六

如此而已斯言可服

贊

四賢贊

予嘗曰出則爲諸葛孔明范文希文處則爲陶淵明邵堯夫故爲之贊

學以廣才靜以修德抱膝長嘯人莫能識噫三分之業僅成八陣之功未極

右諸葛武侯

先天下之憂而憂後天下之樂而樂上承慶曆之治

下啟橫渠之學噫吾孰與歸斯人不作

右范文正公

任真于我委運在天陶情詩酒奇意園田噫耻屈二  
姓是先生之為明而淵

右靖節先生

沂鼓瑟之風內聖外王之學象外乾坤空中樓閣  
噫道本無名鳶飛魚躍

右康節先生

四儒贊

西樵遺稿

卷之五

七

予於董子大其會孔氏之功於韓子偉其推

佛氏之力於歐陽子嘉其復古文之正於陸

子高其辟章句之陋故為之贊

明其道不計其功正其誼不謀其利孟子以來知尊

孔氏噫一代言儒昭乎百世

右仲舒先生

文起八代之衰道濟天下之溺進學之勤排佛之力

噫感物安人惟誠之極

右韓文公

學識其大文兼眾長有復古之力有經國之章噫

直道大節誠邦家之光

右文忠公

儒者曰其學似禪佛者曰我法无是超然獨契本心  
以俟聖人百世噫趙子之言美矣至矣

右象山先生

泰峰為劉本魯

泰山在魯慕魯者人何以慕之孔孟之鄰亦有連子

高義凌雲慕之思之體之行之實在于學不在于云

西樵遺稿

卷之五

八

我愛劉生惟賢是親惟學是勤庶幾乎不愧斯文

自贊

予初號一齋晚號齋翁以居西樵山又稱西

樵子或稱西樵山人

堯舜傳心是曰惟一之維何敬而無失濂溪老翁

學得其宗無欲之訓開我盲聾無欲則誠靜虛動直

一乎我乎即為太極

右一齋

齋翁何齋翁性則然翁以此道治人事天治人欲

事天理存是謂早復老子之言愛親愛德愛力愛財  
是之謂嗇荀悅亦云今爾能嗇何慮長生苟若不嗇  
隕身滅名

右嗇翁

山林其性道德其心學而未至位浮于任平生自得  
者處心如青天白日應事如流水行雲是西樵子之  
為人

右西樵子

詞

西樵遺稿

卷之五

詞

九

乞休出都門次韻

水調歌頭

朝辭紫宸殿暮出青牛關一任江流陸轉無地不平  
安徑荒龜石松菊夢斷樵山猿鶴延首待吾還不嫌  
三疏白自信寸心丹 荷皇恩垂聖聽念衰殘喜得  
滿朝賢俊饒我一人閒拏舟急水浦口弄篴紫雲峰  
頂漁樵共歲寒平生麋鹿志不敢負青山

西樵遺稿卷之五

終

西樵遺稿卷之六

明 南海方獻夫著 元孫林鶴重鐫

序

明倫大典後序

明倫大典書成 皇上既親為序諸首又命內閣輔  
臣臣一清臣璉臣鑾象臣臣萼序其後已而復命臣  
某序諸末臣謹拜手稽首颺言曰夫道之大原出於  
天而生於心者也故率性以為教緣情以為禮因心  
以為孝故道未有不本於心者也夫道一而已矣聖

西樵遺稿

卷之六

序

人秩而序之或謂之五典或謂之五帝或謂之五倫  
典也者有常之謂也常也者不變之謂也倫也者有  
序之謂也故曰聖人南面而治天下必自人道始矣  
立權度量考文章改正朔易服色殊徽號異器械別  
衣服此其所得與民變革者也親親也尊尊也長長  
也男女有別此其不可得與民變革者也故禮可變  
道不可變非道不可變心不可變也非心不可變天  
不可變也是之謂降衷是之謂秉彝非由外鑠我也  
我固有之也明倫大典之作蓋將以明斯道乎嗚呼

斯道之不明也久矣非斯道之不明也人心之蔽也  
嗚呼人心之蔽也久矣非心之蔽也學之蔽也臣嘗  
學矣見天子爲後之說見漢師丹議見魏明帝詔見  
宋司馬光程頤論以爲道固宜然矣及因今日之事  
而反諸心則有不然者遂爲之思曰若朝廷令曰爾  
百官棄而父母將與而官爵百官將棄父母而取官  
爵乎否也以此心推之 皇上之心亦若是而已矣  
由是推之見舜竊負而逃之說推之見儀禮無爲人  
後者爲之子之說推之見大人世及以爲禮天子諸  
西樵遺稿 卷之六 序 二  
爲無爲人後之說二帝三王之道固自坦然明白而  
後儒之說之蔽之也於是繼統之義著而爲後之議  
屈矣嗚呼豈得已哉夫師氏司馬氏程氏皆名儒也  
臣等何敢必違其言以取不韙之罪哉是心有不安  
焉耳禮官之議十九臣等之議十一 皇上亦何必  
違衆而從寡哉是心有不安焉耳是心也良心也降  
衷秉彝也人固有之也不可從而泯滅爲者也使此  
心可泯滅焉則亦何有於是故學也者反諸心而已  
矣讀是書者亦反諸心而已矣

杜氏通典序  
夫學何爲者學以經世者也而理身爲本焉古之學  
者合而一今之學者岐而二而文藝之學不與焉三  
代以上道法無二明刑弼治卽九德之臯陶帥師升  
而乃一德之伊尹故洪範九疇統於皇極周官六典  
先以關雎故曰古之學合而一自夫六籍散闕道學  
不明相國宗功止於刀筆之吏心齋自况終爲寂寞  
之儒故新法儻周官徒使民受其弊空言講大學不  
知國倫於夷故曰今之學岐而二夫物有本末事有  
西樵遺稿 卷之六 序 三  
終始在識後先未嘗偏廢雖然世降風殊厭煩喜約  
守身之儒或有經世之學無聞治理日墮生民何賴  
則俊傑之士有憂焉予觀刻通典者之志其在斯歟  
通典作于唐杜岐公上自軒岐下訖天寶禮樂刑政  
識其大者事非經國皆所不錄貫穿經史類列始終  
要在可行匪資多識故名曰典岐公之學蓋主於經  
世者也厥後有鄭氏通誌馬氏文獻通考雖益加詳  
實爲寡要曰志曰考是在博聞非其倫矣惜乎二書  
既興斯典漸廢板鏤不傳僅存士大夫抄本流布弗

廣學者無因而睹焉嘉靖戊戌侍御連江王君按吾  
廣首謀于提學秀水吳君訪求善本爰加精校乃請  
于提督都憲侯官蔡公嘉樂贊成遂付之梓匪惠吾  
廣將傳四方俾斯典久晦而復彰覽者稽言而知學  
是豈人爲蓋天會也予考岐公嘗節度嶺南有討平  
朱厓之功近者王蔡二公協忠殫謀綏定交趾厥功  
尤偉斯人斯志所謂曠百世而相感者歟

廣東通志序

廣東通志成廣州守鄒君將巡按御史戴君命來誘

稿 卷之六 序

予序序曰天下之監戒昭而後勸懲著勸懲著而後  
治教備矣夫鑑者監乎人者也史者監乎古者也志  
猶史也廣東通志者志一方之故也於以考地運焉  
於以徵士風焉於以觀民俗焉善爲政者於是乎取  
材矣知其漸而防之知其流而遏之美者崇之惡者  
沮之利者興之弊者釐之於治教其庶乎吾廣古百  
越地三代前猶在荒服至秦始入屬郡更漢歷唐幅  
員益廣晉宋莫及也晉唐之末盧黃寇攘荆莽過半  
南北五代焚亂無紀 濁濁幾于淪胥迄我 皇

明乘運統一寰宇薄極海外傾心王臣今枕林蠹窟  
無尺寸不入版圖可謂盛矣天下之生久矣一治一  
亂是故漢一時也唐一時也我明一時也不於是可  
以考地運乎漢晉前廣人罕仕賢聲寥寥及唐張曲  
江公以相業顯宋余忠襄公以直諫顯仕者如崢然  
出頭角鏗然厲聲名南宋崔菊坡公十三疏辭相位  
清風高節彝夏想聞至於我明成化弘治間白沙陳  
先生者出默學潛修歸然以道統自任由是而仕者  
恬進取學者知本原今文士裒然魁天下恒不自以

西樵遺稿 卷之六 序

爲至而惟反躬上遡于道德性命之求斯亦盛矣是  
故道德本也文藝末也不於是可徵士風乎自昔  
廣俗朴野少文晉唐之間樵結箕踞舊風猶爾唐宋  
而降文物寢盛無異中州入我國朝百六十年來聲  
教日洽今雖閭閻士女冠裳簪履雍容揖讓之節昏  
喪交際爭以不及禮爲耻至于燕會之常樽罍肴核  
璀璨陸離與京都埒嗚呼亦盛矣是故夏尚忠商尚  
質周尚文其時然也不於是可觀民俗乎雖然地  
極廣大則生齒之蕃也習鶩高遠則功名之薄也俗

尚侈靡則財用之蠹也善爲政者有憂之生齒蕃庶則思所以安集富養之方士薄功名則思所以崇獎激勵之道民俗侈靡則思所以返朴還淳之術故曰化而裁之存乎變推而行之存乎通神而明之存乎其人此有司者之責也此戴君志也是編也雖草創于提舉張岳教授何元述教諭王時中輩而發凡舉例搜逸芟蕪敘以先之贊以終之皆出戴君手自裁訂戴君雄才博學按茲一方大有風裁吏弊民隱抉剔靡遺而猶有暇力以及乎文士卓然成一家言以

西樵遺稿

卷之六序

六

垂百世典厥功偉矣某臥病山中筆硯弗治媿莫能出一詞贊之而實樂其成也可不有言於是乎書

刻程子語序

道之難言也久矣韓愈曰堯以是傳之舜舜以是傳之禹禹以是傳之湯湯以是傳之文武周公文武周公傳之孔子孔子傳之孟軻軻死不得其傳焉後千餘年至于宋濂溪有周子伊洛有邵子二程子關中有張子者出周子邵子其傳雖各有自而其所自得者多矣二程子雖曰受學于周子而其自言則曰反

求諸六經而後行之張子固取益于二程子而其所自得者亦不可誣五子者雖其所成不同其至於道一也然則以繼孟氏之傳斯亦未爲之過矣蓋嘗論之周至精也邵至大也張至質也程至正也貫精實正大而一之者斯聖矣乎過乎此者高虛之涯也下乎此者支離之漸也去聖遠矣吾不敢以爲法周子易通邵子觀物篇張子正蒙各有成書學者咸觀而樂之惟二程子雖有遺書行于世然皆門弟子與一時傳聞者記錄之言多重復雜亂簡帙浩繁觀者每

西樵遺稿

卷之六序

七

厭其煩而不暇玩况傳者既衆其間不能無訛謬如今日格一物明日格一物尹和靖已謂非先生之言則若此類者當不少也學者又不能無病焉愚不敏少好讀其書所謂厭煩病謬者蓋親嘗之輒不自揣乃取其言之純粹無疑者錄以成編重復者去之理可疑者畧之爲篇十二題曰程子語庶便朝夕誦誦云爾學者亦或有取焉矣乎夫言道至於孟子著矣說理至於二程子哲矣雖然言也得其言而不得其心抑末矣

刻二原序

古昔聖賢之道至易至簡其本在於一心其用充於天下其原出於性命其理達於神化學之者資稟有等差工夫有次第固不可半途而廢亦不可躐等而進也斯道也吾於大學中庸二書得之矣大學者大人之學也中庸者聖人之學也何以言之孟子曰大人者正己而物正者也故大學之言本於正心修身而終於天下平所以學為大人之事也故曰大人之學又曰君子所過者化所存者神上下與天地同流

西樵道稿

卷之六

九

聖人也故中庸之言始於性命而極於神化所以學為聖人之事也故曰聖人之學然則有二道乎曰非也孔子曰下學而上達豈有二乎程子曰人之學當以大人為標的然上面更有化爾斯言旨矣予不敏自少讀二書而知好之既長而益加紬繹恒切討論嘗怪夫世之說者未得其旨要是以虛心體會未敢徃以舊聞切已觀求不徒憑於臆度而又證之以六經語孟之言參之以濂洛諸賢之說思之又思恍乎若有以通之於是又持之以歲月積之以優游乃有

所謂渙然而信怡然而順者日用持循不能自已又恐其意之或遺而行之不達也乃次第其說而筆之以備遺忘且為吾進修之驗云爾抑亦願與同志者共也題之曰原本其舊也僭妄之罪則予何辭

賀督府蔡公平賊成功序

君子用世視所治如家焉必修其垣墻謹其扃鑰誦誨其子弟約束其臧獲驅逐其害於吾家者無待來年也後世之士學不足以破其私才不足以成其大家其家而治其治莫之齊視焉於事非關牒督促而

西樵道稿

卷之六

九

至者類曰是非吾家事吾陞改且至矣遲之以待繼者而已矣繼者至則又曰是非吾家事也遲之以待繼者而已矣不言於口而言於心以致百務頽墮衆志委靡不可收拾予昔與朝政思與士大夫皆家視其所治故嘗為久任之說以默成之而終不能以此易彼也西廣為山谿之險風氣勁戾民類非一其為盜有非為上驅迫為已饑寒而致如大藤峽者其尤也峽源出柳變萬山中北接武宣合流于潯東抵藤縣五屯右抵龍山貴縣盤盤竊窺六百餘里叢木蔽

天懸厓立壁猶負固其間居者行者並受其害成  
化間中丞韓公嘗用力勦除復徙土官以治其內設  
司寨以防其外始一寧靖自後種類日滋法度日弛  
害甚於昔雖官船往來亦爲所禦每以魚鹽之約爲  
言實挾之也近歲陽明王公會一計處之未竟其術  
嘉靖戊戌侯官蔡公來撫吾兩廣其教養安息之政  
無有不舉防護禁止之法無有不行矣而尤以剗平  
此賊爲急乃密請于朝征之調用兵食委任將帥率  
籌于胸中咸當其可其攻擊截守方畧又公親授乃  
擒賊首侯公丁并黠賊五十餘名殺獲首級千二百  
餘顆俘獲者稱是兩廣官民未嘗知有兵役而已旋  
師奏凱非公之才猷過人而能若是捷耶東廣藩臬  
諸君徵予言以賀予謂是役也功之大小不必論予  
獨喜公名動京師受知主上行且有內廷鈞軸之名  
乃能不避勞難掃除劇賊謂非家視其治者歟由是  
繼公者必曰公開府于是僅閱歲而成若大功予可  
以無所紀耶繼繼者其言又如是以至凡在撫屬者  
其言亦如是則民之利病豈復有遺於後賊之餘孽

西樵遺稿

卷之六序

十

豈得復萌哉是百世皆受公賜皆將賀公也予一人  
一時之言又何足以賀  
刻周易約說序  
周易者何文王之易也故曰周易古文周易者何上  
下經十翼各自爲篇古文也何貫乎古文循古文則  
伏羲文王孔子之易秩然矣孰爲伏羲之易八卦是  
也孰爲文王之易六十四卦與卦爻辭是也孰爲孔  
子之易彖象繫辭文言說卦序卦雜卦是也故循古  
文則三聖之易秩然矣傳者何程子傳也義者何朱  
子本義也約說者何孟子曰博學而詳說之將以反  
說約也博二子之說而約之故名約說於傳義有去  
取乎曰安得無去取也然則傳義有得失乎噫易道  
之難言也未至於聖人者難乎其免矣本義之失如  
謂伏羲作六十四卦周公係爻辭與夫象占卦變之  
說之類是也若夫傳一詞一義之失則有之其大者  
無有也然則傳足矣何取於本義曰自本義而通之  
傳則無遺矣豈惟本義雖諸家之說有可取者亦弗  
遺也然則約說多取邵子之說何也噫邵子其深於

西樵遺稿

卷之六序

十一



易矣乎夫象數者易之本也故曰易者象也象也者像也象數得則辭與意得矣邵子之說於象數精矣所謂約者其在是乎

刻二禮會通序

禮運者經禮三百曲禮三千其致一也中庸曰禮儀三百威儀三千待其人而後行禮儀即經禮也今之儀禮十七篇是也其節目有三百之多故曰三百威儀即曲禮也今之曲禮上下篇是也其細微有三千之夥故曰三千是謂二禮經者儀禮十七篇曲禮上

百樵遺稿

卷之六

序

下篇皆經文也傳者冠義以下二十五篇皆記文也註者鄭玄註也說者儀禮則有敖繼公禮記則有陳結集說也易大傳曰觀其會通以行其典禮不會則不能通不通則不可行會通之義大矣今此編經倡於先傳次於後傳無所當於經者則弗錄也註槩其實說引其詳義有註說相違者則取衷也是謂會通嗚呼禮豈易言哉夫禮天之經也地之義也人之文也聖人之所制也君子之所守也心不得則不正身不得則不修家國天下不得則不能齊治平也程子

曰禮儀三百威儀三千非絕人之欲而強人以不能也所以防其欲戒其侈而使之入道也禮之用大矣哉周子曰不復古禮不變今樂而欲致治者難矣故二禮者學者之所宜盡心也世之學者棄經而任傳則制作之原不著也習說而忘註則訓詁之義或離也是故會經傳而通之則如提綱以知目也會註說而通之則如邇流以知源也此編之所以作也然述也非作也予何人哉敢法聖人如其闕謬以俟君子賀大司馬東塘毛公平安南成功序

百樵遺稿

卷之六

序

予嘗讀祖訓而歎我太祖高皇帝真生知大聖人哉何其道合千古而貽謀萬世也凡終弟及禮也古三王傳家之法也是三王雖家天下而其道則至公也自漢成帝宋仁宗有立後育子之事而儒者之論遂流而不知源其道已晦至我聖祖直立訓曰凡朝廷無皇子必兄終弟及讀者亦漫然而莫之省往歲聖天子有繼統之議羣言淆亂黎伍折衷卒不可易而後知其道乃萬世而無弊交趾古彝裔之國也自秦皇漢武好大攘彝始疆屬郡其後叛服

不常事之者徒煩費中國而棄之者固未嘗為吾中國損也至我祖訓直刻之於不征之國十五蓋自古帝王內中國而外四彝之道也近者安南莫氏乘其若黎氏之衰而擅立國人以罪聞 聖天子赫然致討既而緩師審議至再至三不肯輕舉後知 聖祖之慮為至遠又嘗讀三朝 聖諭錄而歎當時輔臣三楊公之善謀國也交州既入版圖且舉吾國家盛時之力而守之夫何難乃直棄之而勿有其言曰求立陳氏後者 太祖皇帝之初心可謂深得祖訓之

西樵遺稿

卷之六序

五

意而純乎體國之忠也傳曰法後王言其近也吾我祖訓之明明在上而臣謨之肅肅在下乎雖然益之贊舜曰舞干羽于兩階七旬有苗格孔子亦曰遠人不服則修文德以來之而詩人之頌周公則曰戎狄是膺荆舒是懲蓋德威未嘗偏廢也嘉靖己亥大司馬毛公東塘承 天子之命來叅贊戎務問罪于莫氏蓋公之雄才大畧竭忠純誠簡在帝心至則鳩兵振武計畫周悉乃提師歷境諭以 聖天子威德莫氏遂及乎稽首繫組輸誠生殺予奪惟天朝命用

有不共公乃戢兵弗試請于 天子焉吾廣藩臬諸臣士民咸慶謂予富有言子實登然聞躍然喜于以表我 聖祖之至道明訓 聖君賢相之大德遠猷為社稷生靈賀若東塘公之豐功偉烈比迹銅柱則何假于言

王母太安人壽詩序

予同年西蜀王君伯存性明而達志正而嚴第進士而官于刑曹者五年聲譽乎有獄理聲既而出守于雷其母安人何春秋將七十王君以為難安人曰

西樵遺稿

卷之六序

五

樂也迺舍其親以行至於官則明斷而嚴威政平而訟息守其正以折權宦而民不擾者三年當考績入京師適安人七十有一將取壽于家廣之士人樂其事遂為詩以歌咏之申其志也詩成帙俾予有言于未夫人生天地間有至樂者二而富且貴不與焉親一也德二也得于天而成于己足乎內而無待於外施于政而裕受其祿而宜不怨天不尤人仰無愧俯無怍故君子樂德生我者保我鞠我者享我承歡於膝下聚笑於一堂共安其德共厭其祿老如嬰兒窮

如有所歸故君子樂親其德厚者其樂深其親壽者其樂長齟齬之嗟無德也風木之感無親也故君子以德爲本以親爲大然有異焉德也者人也可勉也親也者天也不可假也故得其親者其尤難矣乎孔子曰父母之年不可不知也一則以喜一則以懼方喜而懼孝子之心何如哉王君初第而慶全旣官而恬靡獨喜者安人壽且健也今去其母萬里而官或者惑焉予曰不然是安人志也是謂養志也夫顯親揚名者孝也得名得祿者德也王君益修其德以施於政而成其名則所以壽其親而有其樂者孰踰焉君懋哉君懋哉

西樵遺稿

卷之六 序

共

贈曾士隆序

孟子曰堯舜性之也湯武反之也孔子亦曰我非生而知之者好古敏以求之者也堯舜之德弗可及已自湯武至于孔子莫不由學以聖夫學必有師故湯之師伊尹武王之師尚父孔子之師老聃刺子襄弘師襄之徒雖非其至者而亦莫不有師焉故曰夫子焉不學而亦何常師之有人生而不知學學而不求

西樵遺稿

卷之六 序

志

師奚可哉是故孔門弟子之盛至於三千師道立焉秦漢以來學絕道喪世不復有師以至於唐曰師曰弟子云者反以爲笑韓退之柳子厚爲之屢歎且其所謂師者文而已矣千五百餘年逮于宋而程氏與倡明絕學始復有師道故當時稱程門與孔門繼盛然觀孔門弟子之徒事其師雖至於流離困餓濱於死而不去非要譽而規利也所以甘心焉者其果何所求邪尹和靖之於伊川終身不敢忘堅守力行雖貶逐禁毀有弗顧其又何所得邪今之學者求於師者亦末矣執聖賢之書章講句求之措之文辭矜科之圖利於舉者曰吾師也不利於舉者曰吾不師也則其所得於師者宜亦止是故求如孔門程門之弟子視其師者固無有也子舊友上舍曾君士隆一日攜其弟子何子健輩訪予敘旣歡何生進而請曰曾先生之教吾輩者一年矣今將解館吾輩幾五十人皆無忍離去者各爲詩以寓不忘旣成帙乞一言以揭諸端予喜夫諸子之得於曾先生其必有在於講說文字之外者而於古今之所謂師弟子者有感

焉故為申之傳曰茲無當於五聲五聲弗得弗和水無當於五色五色弗得弗章學無當於五官五官弗得弗治師無當於子五服弗得弗親周子曰易為天下善曰師師之於人大矣諸子其知師道矣乎

方氏仕宦譜序

子按子氏族出自方雷氏雷乃神農八世孫榆罔之子佐黃帝伐蚩尤有功封于方山子孫因以方為氏至周宣王時其裔孫方叔食邑於洛故世望於河南迨西漢末王莽將篡位司馬府長史公秘官於

西樵遺稿

卷之六

太

地居欽縣因家焉生一子雄雄生三子儕儕儼皆貴顯儲累官太常卿兼洛陽令封駁縣侯儲能役使鬼神卒鄉人祠祀之稱為仙翁生三子續之弘之觀之分為三族散處州郡載之宋景濂學士敘譜文甚詳予莆族所載一世祖叔公則觀之之裔也叔公唐光州固始人為唐初督長史生御史中丞公殷符殷符生七子廷康廷年廷遠廷範廷英廷輝廷滔廷年公為戶部侍郎廷遠公為主簿廷滔公為左僕射廷範公為溫州安固尉歷長溪古

宗時後以子官羅金紫光祿

莆之刺桐巷葬叔敦符二祖衣冠于莆之常泰里是為莆田始遷之祖因號曰金紫長官方氏別他族也生六十子仁逸仁岳仁瑞仁遜仁載仁遠皆貴顯並朝故又號曰六桂仁岳為秘書少監仁載為禮部郎中後之出於仁岳公裔者稱為秘監房出於仁載公裔者稱為禮部房二房子孫為盛仁岳公生縣簿公稷稷生大理寺職方員外郎公應應生屯田郎中公龜年龜年生興化軍助教公惟深字子通登鄉貢第

西樵遺稿

卷之六

尤

文章德行維時稱雄特奏出身徽宗崇寧中累起敕賜袍笏家烏石山下世稱烏石先生卒遂葬焉公會孫宗元公宋末為金紫光祿大夫參知政事洎廣東行中書省卒于任葬番禺沙灣青羅嶂宗元生道隆公元初為武節大夫廣州路總管以先塋在廣乃卜居南海丹桂家焉墳祠在丹桂里孔邊村是為南海始遷之祖道隆生六子曰雷震廣州路教授曰雷復程鄉縣主簿曰雷頤陽江縣主簿曰雷壯新會縣主簿曰雷俱不仕

頤雷益三房子

江二房子孫析

居新會皆秘監公之裔也在莆則有儀适喜軫天若  
大琮信孺廷寶長永勲績表著為世名臣其餘登甲  
第列仕籍者不可勝數惟南粵之交仕路始微而後  
顯吾先君遂為雷益公元孫登成化辛卯榜授廣西  
全州學正吾仲兄茂夫族姪紹魁同登正德癸酉榜  
獻夫登弘治甲子乙丑二榜竊茲高位族姪大猷登  
嘉靖丁酉榜族姪孫肯堂登庚子榜餘則振振未艾  
噫譜系甚明世德如在後之子孫當修已勵業以上  
西樵遺稿 卷之六 序

西樵遺稿

卷之六

序

繼長官之緒下啟無競之烈列名于仕譜之後俾觀  
者知所仰庶無忝於六桂之裔云

記

表忠祠記

宋之一代以仁立國而亦卒坐其弊武備不修國勢  
寢弱建炎而後土宇分裂漸逼國政日非至於  
德佑間元師報急臨安震恐詔天下勤王多不至時  
文山先生奮義而起烏合萬眾自贛入衛乃內撓於  
陳宜中坐失機會出使皋亭被留于虜而大事去矣  
然猶問關脫京口走真州李廷芝見疑有謀不濟由  
溫入閩擁立景炎區區為興復之計內議不合開督

西樵遺稿

卷之六

記

南劍引兵經畧軍勢稍振若將以有為未幾兵敗江  
西幾執而免復收殘卒奔循入海祥興繼立張世傑  
又阻於中請朝不許進屯潮陽趨南嶺稍平羣盜逆  
黨導禍元師突至遂被執于五坡嶺眾卒皆潰而厓  
山亦亡嗚呼天乎人耶然且負義不屈目擊厓門悲  
耿慷慨沈戮燕市從容南面再拜而後死可謂忠矣  
史臣謂自許嵩公鞠躬盡瘁死而後已者非耶五坡  
嶺在海豐縣北四許草莽湮沒精靈若存比者縣  
學生吳子昌以義于當道舉而輒廢適

提學章朴菴先生以表賢崇義為教吳生乃申  
其請先生慨然曰是我志也遂下命有司郡守陳君  
憲和承義誰勤復命縣尹杜子表偕教諭林子佐訓  
導萬子秉和廣覽周詢乃得其地在蓮華峰前諸勝  
世會銀瓶山大人嶺于後金籠山雙貢峰秀于前  
東西二保障獻奇于左右溪流環其北龍津遶其南  
喬林巨麓若天設而神護焉遂卜日興事捐公藏以  
充費訓導李子茂又率士民助役者咸應如響豐產  
故乏大木卜地之日而報者至又慮夫出山之難俟  
西樵遺稿 卷之六 記 五  
驟雨一夜而木浮出其地故少埴偶闢得古陶穴可  
磚可瓦又若有靈致焉故工不甚費甫閱月而祠成  
請于朴菴先生既祭而題其額曰表忠徵記於予予  
謂文山之不幸于五坡也固一時興衰之成數我公  
夙抱孤忠而後之祠與不祠何心焉顧今地形之勝  
挺出雄會若有所主之者豈非天意有在而豫為之  
待耶抑公之時于今幾三百乎一旦倡義于吳生而  
朴菴諸公羣起集事下及士庶不愛其資而木石之  
異又若此豈非一時懿好之誠哉有使之然耶抑必

有所默相而陰主之者矣嗚呼文山之不幸也後之  
讀史者誰不廢卷扼腕為公感感顧今乃爾嗟乎何  
負於文山哉嗟乎何負於文山哉雖然祠與不祠公  
何心焉其為忠義勸世道計則固諸公之深意不能  
不重望於後學云

忠襄祠記

祀典所與並社稷獄瀆者曰有功德曰死國事曰勸  
後世而已外此淫也典所禁也粵居五嶺之表地半  
山海自沐我朝治化稱名藩而僻郡旁邑未盡革心  
西樵遺稿 卷之六 記 五  
故征討歲有焉成化初憲副毛公猶以禦賊死比屋  
可封難哉公諱吉字宗吉潮江餘姚人由景泰甲戌  
進士授刑部主事以守法抗權貴聞陸輩遷廣東按  
察司僉事適潮惠賊與官兵相持三歲莫能殄巡撫  
葉公聞公來使人馳驛促上任委治嶺東一道公既  
至設法擒撫平之程鄉土賊僭稱大王公主偽號潮  
民復告畱公乃勦洗石坑龍歸上下寶龍等峒又平  
之高雷廉賊殺掠居民數百里殆無烟火撫按推公  
能復以委焉公水陸進兵又平之有流賊逼省城北

門民庶白晝驚奔入城千百蹂踐而死廣西叅將某  
值公事在城因檄領官兵捍禦皆懷奸迂道反在賊  
後賊漸近城吏民無策唯相向哭適公回自廉乃單  
騎出安衆心且以國法諭各將皆奮勵公督戰賊乃  
退追逐十晝夜擒殺數百人城始獲全民私設公牌  
位拜禱者過里堡公在省四載前後征戰四十餘陣  
降殺強賊餘數萬天順八年兵部獻公績 上嘉之  
遷副使降救獎諭委以一方兵務公益感勵值西賊  
與新會諸峒合勢欲併力攻縣城新會告急公檄諸

西樵遺稿

卷之六

記

所練兵未至公率都指揮焦用指揮孫璧領官兵并  
民自效者近萬人行至火磴與賊遇戰破之乘勝追  
至雲岫山去賊營十餘里時二鼓公召諸將謂曰賊  
營後山菁而前畝田左右皆山隴若敗必遁入後山  
爾等明日分兩哨進據其後我以精銳衝其中賊可  
盡擒也星夜五鼓齊進賊果敗走據山後公命潘百  
戶帥精壯千人占賊營賊多遺財物軍士競取之賊  
窺兵亂擁衆馳下刺殺潘軍士自營門擁出賊後追  
之兵大潰公弗能止從吏廖振勅公退避公厲聲曰

將退則兵皆死耳我為朝廷臣子焉取獨生耶言未  
已賊衆持鎗趨公公且罵且敵猶手劍斷一賊臂力  
不支被害是日雷雨大作山谷震動麾下尋公屍弗  
得潛以火焚賊柵賊驚以為神棄公屍而逃次日乃  
獲屍已越七日面貌如生昇歸廣城吏民奠哭者相  
屬於道公出師時以犒賞官銀數千兩委懷遠驛丞  
余文司出入已出十之三文以公忠而貧密付所餘  
公之家僮持以歸是夜僮婦忽坐中堂作公平時聲  
令左右請夏憲長舉家驚駭近解沈經歷聞其異亟

西樵遺稿

卷之六

記

報夏與同僚胡鄭玉婦曰某受朝廷重任不幸遇害  
死無憾但余文以犒賞餘銀付吾家雖官府無所稽  
某忍含汚於地下耶願急追還官某瞑目矣言畢仆  
地救而醒了無所知瓊臺丘公作公傳載此事嗚呼  
烈哉撫按以公死事聞贈通議大夫廣東按察使遣  
行人秦民悅諭祭諡忠襄錄其子科為國學生縣令  
陶魯率居民祠公於恩平道側巡按御史葛公奏請  
立祠以祀于時有司苟簡從事乃僅祔於都憲楊公  
之祠輿論未慊也先是僉憲李古冲議改正位南而

以爲廟祀論功德無論勢分也衆以爲然而未果茲提學吳默泉復以三學師生專祠之請議上提督府石泉潘公允之曰曠典也可以舉矣侍御毛君來齋公之從孫也適奉命來按吾廣益訪公之遺事於故老載籍廣之士民咸然興思於是藩臬陸石涇葉寅齋諸君咸贊厥成郡守鄭君某責任其役乃撤已毀珠池公館爲祠正位專祀赫然斯稱嗚呼是可以見人心之公而忠襄公忠烈之感侍御君之誠孝也祠成鄭守以狀來請予記之予謂公之祀既合禮典而

西樵遺稿

卷六

記

三

多事之地使守土者知盡職于官可廟食百世雖踰必彰且代有賢子孫焉弗其勸歟故記之予先祖亭秋翁嘗有哭公集句云輟文修武六韜明膽氣堂堂合用兵憂國早知心獨苦誓天不與賊俱生十年未佩封侯印百戰空垂異代名欲奠忠魂何處問江山如雪水無聲寶錄也併記於此

亭秋翁祠記

予南海方姓始來自前世居鼎安都丹桂堡之丹窰村太祖道隆公已建有祠在孔邊村亭秋公者予祖

考也出贅廣城杜氏因居焉是亭秋公者始遷廣城之祖也公好古讀書博覽強記世稱書櫃先生安貧樂道守禮積善乃生子考學正公得鄉舉小試學正以有子兄弟三人皆幸有立獻夫實泰顯位是亭秋公者又積德之祖也贈至光祿大夫柱國太子太保吏部尚書兼武英殿大學士禮宗法始遷及始興之祖皆得爲大宗是祠也所以祀亭秋公也當百世不遷雖爲小宗實取太宗之義禮所得爲者也學正公純德繼美亦得贈如亭秋公當附于左室伯兄州判

西樵遺稿

卷之六

三

侃齋公附于右室仲兄丹山翁與予他日亦附于右室皆世世祀焉又所以合吾兄弟三房之族也亦禮所得爲者也厥後子孫許得各立其親祠並不得附於此嗚呼斯祠也尊祖也敬宗也睦族也一舉而三義具焉吾子孫其世世慎念之哉祠寢堂一座饗堂一座各三間門樓二座各一間東爲廚庫一座三間兩畔空地各幾丈後空地深幾丈濶幾丈買地及工料之費凡用銀七百餘兩半出侃齋公半出於予董營作之勞者蘭也祭田土名畝數佃人具于碑陰



石泉書院記

西樵山西有山從肇慶來至南海鎮涌堡黃岡村渡江而東有石跡爲石頭村乃南而北綿延數十里丘垤連累無慮百數乃崛起而爲西樵周迴四十里有峰七十二奇秀峭拔面皆內向秀氣中蓄山巔如平地可居可田可沼可井尤宜茗植焉山之主峰爲大科大科之北面中條頓伏而起爲紗帽峰右翼起爲鉢子峰疊下而爲石泉左翼起爲大仙峰亦數峰抱衛而下蜿蜒如蛇如龍然大科之右臂爲小科爲紫雲峰峭秀特出峙于東乃伏爲石臺長近百尋如伏虎狀左臂爲雷壇峰爲鷓鴣嶺爲人稜峰巋然雄鎮峙于西乃伏而爲平岡前揖如案其地多丰石美泉故名石泉正德壬申方子以銓部郎謝病歸丁丑乃於此構紫雲樓沛然堂以居曰石泉精舍後廓新之恭貯欽賜書籍改稱書院斯構也右邇白山碧雲村而左以雲端石牌村爲依雲表村擁其後寶鴨池觀翠巖在其兩腋間前有大路樵者遊者皆由焉路岐爲石泉洞門乃適翳門關而達于觀山市迴視之羣

西樵遺稿

卷之六 記

美

峰翁合林木翳鬱有風雲之狀山上大泉三一出大科北麓曰雙泉過雲表村爲西竺泉注于寶鴨池乃瀑布而下歷雙魚陂石牌村而東當書院前匯爲湖曰天湖亦名小鑑湖一出小科北麓合碧雲二泉注于觀翠巖又合紫雲溪過白山村大虎臺亦瀑布而下匯于天湖一出珠度坑歷銀瓶盤龍石而會于天湖諸山之泉皆歸之又有二小泉一出盤龍石側繞書院門而東甘冽香潔爲井食焉一出後岡浮石亦清冽可食並流東澗入天湖湖水出雷虹橋過無底西樵遺稿

卷之六 記

美

井從珠阮飛瀉而下天湖之上有亭有方子釣臺盤龍石下有與鹿亭伏虎臺下有洗耳巖愛瀑軒觀翠巖有亭寶鴨池有耕足窩皆方子遊適處也雷壇北下爲大科書院湛子居焉前有鐵泉後有雲谷雷壇南下爲四峰書院霍子居焉左有九龍洞七星巖鳥利巖雞冠峰紫姑峰龍爪峰聚仙峰右爲玉案峰仙人掌峰境皆勝焉三院鼎峙予三人常來往講學其間藏修餘十年遭際 聖明御極應召而起咸獲登用予忝廁內輔霍子爲宗伯入弼東宮湛 爲雷都大

司馬叅贊機務同時並顯世所難也謂 茲山之靈使爾乎嗚呼物各有遭也山水之顯晦固有時也聞之父老云昔年茲山嵐霧罩覆其上昏旦莫辨近三十年來明淨秀露無復嵐霧掩焉豈非時乎非曰山之遭也曰予三人之遭也予三人其何以報山川之靈哉何以報山川之靈哉

興化軍助教惟深公墓碑記

予莆祖惟深公仕宋爲興化軍助教因家烏石山下時稱爲烏石先生卒遂墓焉子孫宦居南海遂爲南西樵遺稿 卷之六 記 守李君翺始爲修復立石又爲之堂爲之亭閩省方伯何君鰲又爲之置祭田使世守焉先生以道德文章顯于時其體魄所藏人莫不愛且護焉祇以子孫別遷歲事弗修墓幾湮沒今且四百餘年矣乃克復見舊址儼然如昨固有數哉先生子孫僅再顯而微至於十一世孫獻夫始得忝甲科竊茲高位獻夫何德固先生流澤之遠也李君何君樂爲之修墓置田而莆族人共相厥成固二公秉彝好德之心亦吾族

之多賢哉謹用記此歲月云

西樵遺稿卷之六 終

西樵遺稿 卷之六 記

至

西樵遺稿卷之七

廣東省  
中山縣

明 南海方獻夫著 元孫林鶴

墓表誌銘

桂文襄公墓誌銘

嘉靖辛卯夏少保兼太子太傅吏部尚書武英殿大學士致仕桂公卒于家訃聞 皇上為之震悼輟朝一日贈太傅諡文襄加廕諸子賜祭葬皆如制葬有日諸子以禮部尚書夏公公謹所撰行狀謁予銘蓋予幸獲從公後相知深誼不克辭因憶疇昔之歲我

西樵遺稿

卷之七 墓誌

一

皇上入繼大統一時臣工皆執為人後之說統嗣不明彝倫攸斁故太傅席文襄公同今少傅張公茂恭詹事霍公涓先暨予咸有論列而格於異議者幾三年癸未之冬公以南京刑部主事抗疏極論諸臣亦各申前議 聖志先定竟召五臣者而大禮之議成焉公疏最晚出乃最先達封章自孤遠徑歷九關摧陷廓清協于克一眾咸歎公之有勇且識時也甲申夏拜翰林學士是秋禮成乙酉冬進詹事丙戌秋遷禮部右侍郎丁亥秋轉吏部左侍郎俄遷禮部尚書

是冬轉吏部尚書五轉皆仍兼翰林學士戊子春加

太子太傅是年夏加少保己丑春改兼武英殿大學

士供事內閣公每進官輒控辭不得命則竭底裡罄

心力而為之其議定 世廟規制禮樂儀節請宥言

禮諸臣薦用故尚書王公瓊新建伯王公守仁署刑

部辭明大獄皆與席張諸公等協恭宣力他所自獻

替獨公尤多其言顛經義以正學術畧文詞以養精

神謹調攝以蕃嗣績深有功于宥密他如仿學政汰

僧尼廣延訪勤恤無告令科道互相糾俾無容奸覈

西樵遺稿

卷之七 墓誌

二

首功俾無濫殺申明緝捕官校賞格俾無濫刑進輿地圖仰資聽斷修明禮樂興太平之基皆自公發之又條陳民病十事制民產三事邊務二事西北彝情九事雖未悉施行可以存諸信史至於希天之學四事則我 皇上允蹈之矣公自以遭際之難凡所言所行發已自盡不避形迹為言者所指摘有旨以吏部尚書致仕既行俄復故官致仕時己丑秋也抵家則率族人建新祠修家塾將為終老計庚寅春赴徵命供職如故公不以往事自懲凡所言內教三事實

邊四事進授時任民二考及三才日曆志大抵推廣前意因事納忠焉 上益亮公先後殊賜以數十計範金圖書二曰忠誠靜慎曰繩愆糾違公自揆衰疾力求退 上每遣問慰留之辛卯春疾甚乃賜告馳驛歸寵以銀幣令有司伺疾愈以聞而公遽不起矣口占遺表授諸子井井不亂用是益知公平生學力至此也公生十年受學於胡敬齋之門人張先生正警敏異常年十七讀書中峰僧舍堅苦刻厲每每默坐澄心與其兄古山先生華友愛尤篤自相師友其

西樵遺稿

卷之七

墓誌銘

三

學本於人倫明乎物理施諸有政不爲空言正德丁卯舉於鄉戊辰薦春官辛未第進士亟引疾去甲戌春乃令丹徒乙亥秋以劾者改令青田不赴戊寅春又以薦者三令武康丁家艱去壬午春四令成安明年乃稍遷至南曹公以豪傑自命廉悍蹈厲遇事風生所至輒忤其郡守而顧甚宜其民循能之政不可勝紀比顯庸時入告嘉猷皆所嘗試廓而大之者也即使公不遇時迴翔四邑以去其所自樹要亦非夫人所易及者矣公所著成書皆已登獻遺稿若干卷

藏于家嘗言學者讀書以明心爲主本以致用爲實效其學尤邃周禮經濟大畧具本此書論者多以爲迂然而 皇上稽古禮文之事興太平之功不爲無助焉公諱萼字子實號見山其先居信之貴溪桂店宋初遷鄱之安仁上甲里再遷邑之玉真山是爲山後桂氏曾祖珍以貲入粟被詔旌門祖俊有立節處士之稱考皞篤學惇行見推于時皆以公貴贈少保兼太子太傅吏部尚書翰林學士曾祖妣某祖妣某妣倪配吳贈封皆一品夫人公生成化戊戌九月二十四日卒嘉靖辛卯閏六月二十七日壽五十四子男三與尚寶司丞吳出輻中書舍人載邑庠生側室史出一女適餘干張方伯克修之子伉孫男三孝會光祖紹祖孫女二以某年某月某日葬于某山之原銘曰世有經綸曰惟聖賢先明諸心致用沛然聖學墜緒詞章溺人炫其英華仆幹與根宏宏見山默修心學涵泳琢磨超然有覺出其緒餘循能底績三黜益礪古之遺直龍興雲從四方其雨據經定禮豁蔽千古生榮歿哀惟 帝念功猶有遺言勤倦獻忠惟

西樵遺稿

卷之七

墓誌銘

四

藏于家嘗言學者讀書以明心爲主本以致用爲實效其學尤邃周禮經濟大畧具本此書論者多以爲迂然而 皇上稽古禮文之事興太平之功不爲無助焉公諱萼字子實號見山其先居信之貴溪桂店宋初遷鄱之安仁上甲里再遷邑之玉真山是爲山後桂氏曾祖珍以貲入粟被詔旌門祖俊有立節處士之稱考皞篤學惇行見推于時皆以公貴贈少保兼太子太傅吏部尚書翰林學士曾祖妣某祖妣某妣倪配吳贈封皆一品夫人公生成化戊戌九月二十四日卒嘉靖辛卯閏六月二十七日壽五十四子男三與尚寶司丞吳出輻中書舍人載邑庠生側室史出一女適餘干張方伯克修之子伉孫男三孝會光祖紹祖孫女二以某年某月某日葬于某山之原銘曰世有經綸曰惟聖賢先明諸心致用沛然聖學墜緒詞章溺人炫其英華仆幹與根宏宏見山默修心學涵泳琢磨超然有覺出其緒餘循能底績三黜益礪古之遺直龍興雲從四方其雨據經定禮豁蔽千古生榮歿哀惟 帝念功猶有遺言勤倦獻忠惟

忠惟孝學之大節惟公全歸以正罔缺我白厥心以  
銘諸幽後有興者尚繼厥修

### 霍文敏公墓表

昔者先王之有天下也建極作則定倫盡制以垂一  
代之統爲天下後世法程者必有出類之才之臣起  
而佐之故天命宅而人心安禮制詳而法守定何者  
蓋以創業君臣歷涉艱故其思慮遠憂忠明故其擬  
議審嗣守之主率由以寧變更以危三代以往尚矣  
肆我太祖高皇帝再造彝倫一匡皇極斟酌時勢  
西樵遺稿 卷之七 墓誌銘 五

之宜損益帝王之盛而又有出類之才之臣起而承  
之故當時制作之善周悉萬全精一無二聖子神孫  
世守勿失是以百十年來地平天成民安物阜追夫  
承平既久人心或怠法守或隳則亦宜有出類之才  
之臣起而振之上際 聖明之主修明其禮樂率由  
其典常以復先王之舊若涓厓霍公者非其人歟我  
嘉靖 皇上入繼大統之初廷臣交執爲後之說論  
議紛然公曰是匪 皇祖丕謨兄終弟及皇祖制也  
抗疏極論與予志合 天子曰是唯爾諸臣之功其

進職秩以成大禮公屢疏辭免不許乃由兵部職方  
司主司授少詹事兼翰林侍講學士於是錄進舊劄  
欲 皇上法祖宗監成憲也公曰內臣不得與政

皇祖令典也先朝大臣壞我 太祖之法何可勝言  
懇懇欲釐正焉未遂也 皇上方銳意古禮比隆三  
代興分祀郊蠶之典公曰合祀 皇祖定令也宜勿  
更 皇后出郊勞民太甚也非可常宮中行焉則至  
善也乃抗疏力爭預料將建四郊九廟耗費靡極  
天子震怒械繫御史獄尋詔釋之郊廟成財力竭公  
西樵遺稿 卷之七 墓誌銘 六

憂切于中乃繪聖功圖以諷 天子又怒久之念納  
忠弗究公疏曰祖宗土田八百萬今止其半戶口日  
耗冗食日煩冗費日甚宜有永圖皆屢疏極言又曰  
官之失德賄賂章也賊滿貫必絞 皇祖令典也宜  
明法以懲貪皆根極遠慮爲吏部侍郎志頗行未幾  
而南轉矣己亥庚子間河汴荆湖萬姓洶懼駕南  
巡公疏其憂勞之狀遂以中止屹然回天之力人謂  
百萬黎元再生云公立朝遇事敢言百司庶府聞風  
警肅直聲聞於時人不敢以私干者其立志在表章

成憲引君子道孔子稱所謂大臣者以道事君孟子所謂有安社稷臣者以安社稷爲悅者也如涓厓公者非耶公在雷都 天子詔還京師以南京禮部尚書改太子少保禮部尚書方期大用而公以嘉靖十九年十月某日構疾竟不起嗚呼惜哉公諱韜字渭先別號涓厓生成化二十三年丁未癸酉登鄉薦第二甲戌會試遂魁天下上疏乞歸者若干年至 今上登極始授職方主事進三劄癸未復上疏乞歸與藏脩山中又若干年丁亥大禮書成 天子念功始

西樵遺稿

卷之七

墓誌銘

七

與子應名而起立朝者若干年揆厥生年至于沒年庚子凡五十四年訃聞 天子震悼贈太子太保諡文敏遣官治葬如禮重臣諭祭者四皆殊恩也公之先太原中人徙南雄始祖諱剛可肇遷南海石頭村可生義義生玄珍珍生厚一一生華華行三生公五人公行二祖父父皆贈如公官祖妣徐氏妣梁氏配區氏鄭氏俱贈夫人區先卒葬于西樵今合葬者鄭也子九人與璞瑕珉玳瑁璵璠也珉現早殤瑕登庚子鄉薦女六人諸子皆清修俊概殆有父風以

嘉靖二十一年壬寅正月九日葬公于增城南鄉嶺丙午向之原崇封有日矣予念昔與公相麗樵山者十有餘年謹表公立朝大致俾與璞等志於用世者知繼述之大云

鄭大夫墓表

子友憲副鄭文博公之爲人也有君子之道四焉其存心也厚其守已也廉其事上也忠其涖民也惠公性朴重淳篤不飾名不矯俗友愛一弟財產咸不私親友貸者不責償斯不亦存心也厚乎第進士令龍

西樵遺稿

卷之七

墓誌銘

八

泉斥糧長金豪猾者懾爲御史按南畿却屬守私謁竟坐以不職士論服之斯不亦守已也廉乎時逆豎理設王店漁利於民公奏革其扛解諸費又按貴州屢以兵靖蠻醜且爲久安之圖焉斯不亦事上也忠乎令金谿時大賑饑民不待請全活者衆及憲副河南開河民苦撫臣令而奔逸公招之乃定蓋信公也斯不亦涖民也惠乎仲尼曰聖人吾不得而見之矣得見君子者斯可矣又曰善人吾不得而見之矣得見有恒者斯可矣若公之行不爲赫赫名而四美具

焉何止於善殆幾於君子矣公之卒而葬也黎侍御一卿嘗爲之狀後二十年其嗣子元陽復謁予表其墓以予嘗辱公之交也元陽質美而知學親賢修身予雅重之見其子之賢益信其父之賢也敬爲表之公諱約字文博號古潭南海人弘治壬戌進士卒于正德辛巳四月三十日享年五十四配何氏封孺人先公卒以嘉靖庚寅十二月十三日合葬于將軍岡子一卽元陽庠生女四長適吳大叅子可大次適梁大作次適吳大尹子本周次適林鶴鳴孫男二壽朋

西樵遺稿

卷之七

墓誌銘

九

壽寧女一云

睡足翁墓表

予族兄睡足翁卒之日予哭之慟何慟哉翁視予如同胞予賴翁如手足翁今亡矣慟固予情也然豈是之爲哉末世道微家不知有禮義族愈繁而惡愈大貧而無藉者富而不好禮者強梁而傲戾者淫蕩而不檢者或相習以惡或相煽以非或恃勢以凌物或挾詐以行私將無所不至家自是敗而族自是亡殆不復省悟翁爲吾族長一切以身任之族人逾三百

每朔望翁親率拜于太祖祠堂肅訓之以禮義勸導之以詩書有罪過者數而責之公是公非人罔不服時或有私怨者而終則帖然翁亦不暇顧也使善者有所恃而爲善惡者不敢肆而爲惡是以吾族人雖繁而無至于大過者翁之功也翁好讀書作詩於古人佳句無不記憶孝友尤篤然於世味淡然平生未嘗至官府蓋亦嘗而得其大意者矣嗚呼吾族豈復有斯人哉翁性和厚寬博與人多歡顏鄉人咸愛而歸之有爭訟者輒以求正翁亦爲悉心是非使得其

西樵遺稿

卷之七

墓誌銘

十

平而去平居志切民隱凡鄉有圩岸水利之役必得翁爲領首翁則竭力視事多利民者環堡百數十里兒童婦女皆知有方睡翁也嗚呼是豈吾族無是人蓋一鄉豈復有斯人哉是可慟也翁事狀已具于丹山兄作墓誌故予不復詳而惟表其大者如此以示其子孫及族人云

方氏孺人墓誌

孺人方氏南海人予前室贈一品夫人鄒氏所出夫人四女孺人長而少聰悟有志氣若男子夫人鍾愛

之年十七而夫人卒哀痛守禮如知書者十九適雙井街周日振舊族也今爲國子監生未官而孺人不祿惜哉孺人性謹飾克執婦道尤善事姑始有末疾臥牀七八年事之弗懈姑性嚴稍有拂意孺人則鬱悶不樂常累日時有心痛疾治家極勤儉屋無空地尺寸皆鋤爲蔬圃躬自灌溉粗衣糲食未嘗妄費一錢錢有餘輒以生殖子愛其無一毫宦家氣而哀其未嘗享一日之樂也惜哉生一子二女長女五歲而殤孺人哭之傷自此構疾愈劇遂不起卒于丙申七

西樵遺稿

卷之七 墓誌銘

十一

月初九日距其生己巳二月初八日僅得年二十有八惜哉丁酉十二月二十五日庚午卜葬于駟馬岡辛向之原在子之先墓右山子佛養纔六歲次女三歲皆莫知所哀嗚呼痛哉天不永茲勤儉之婦以爲其子若女之規然使其子若女長而賢能思其母而法其勤儉之德則起家何難焉予旣爲此誌未果葬而次年己亥正月初五日其夫日振亦卒次女亦已殤嗚呼痛哉日振名業興性純雅謙謹好禮義而頗練世事僅得歲貢需次銓選而未沾一祿以亡命矣

夫距其生丙寅某月某日亦止得年三十有四惜哉迺以其年十二月十九日壬午合葬焉

西樵遺稿

卷之七 墓誌銘

十一



行狀

亭秋翁行狀

先祖考亭秋公諱權字用中以字行別號亭秋先甫  
 人秘監房惟深公之曾孫宗元公仕宋金紫光祿大  
 夫叅知政事位廣東行中書省卒于官葬番禺之青  
 羅嶂季子武節大夫廣州路總管道隆公始卜居南  
 海之儒林鄉丹竈村道隆公生雷益雷益公生日華  
 日華公生勢宏勢宏公則公之考也智勇絕倫明初  
 粵亂率鄉族築禦保障一方民賴安全公幼穎悟威  
 西樵遺稿 卷之七 行狀 五

重日記萬言肆口成詩文不習嬉戲既長魁梧卓越  
 衣長六尺貌溫而栗耳垂于肩鬚及臍聲如洪鐘聰  
 明湧博人無及之者以國初法嚴居官少不獲考終  
 因絕意仕進肆力于稽古之學自六經諸子史集百  
 家以至天文地理醫卜算藝之書皆能舉其文而究  
 極其意於所未見書則汲汲求之必得而後已嘗求  
 宋史一卷借閱二日輒返之曰已記憶矣其人試之  
 果然又嘗避雨于某家主人不出抽架上書讀之比  
 正主人覺則書已成誦其強記類如此晚年相從

者衆每暮不設燭端坐于堂弟子各以所習經史疑  
 義問公隨應之如按卷無有遺誤凡諸說有可發明  
 者俱能援引以證諸當道及鄉先生於禮文沿革典  
 籍無所攷者必於公問焉皆得其詳或扣於一字一  
 義亦爲之剖悉故時人稱爲書櫃先生謂其腹如書  
 厨也平生狷介澹薄不營理家事僅足衣食每自如  
 聞人有急輒囊濟之至解衣以贈自忘其貧居家有  
 禮曉起巾衣於祖考之寢焚香畢則據案讀書每夜  
 至二鼓乃罷雖親狎與少者亦未嘗見其褻服與士

西樵遺稿

卷之七 行狀

六

者語則勸以清慎明惠與鄉人語則勸以孝友勤儉  
 且告於古人成法人莫不服從焉鄉鄰有爭鬪者過  
 公之門多愧而散尤善推步占驗之術每夜四鼓起  
 觀星象國家有憂喜及四方旱澇皆先知之送先考  
 學正公之任全州返有蟬薄于門使人追考舟遠弗  
 及歎曰此子不復入此門矣後果卒于任考柩歸哭  
 罷撫予兄弟三人曰得此三龍可釋吾恨矣蓋予與  
 二兄皆產于全公至是始見也公配杜氏賢且克家  
 不以細務撓公之勤居六十年未嘗一日輟敬愛公

壽八十卒于弘治庚戌五月杜氏卒于是歲之七月  
子兄弟幼弗克葬弘治丙辰鄰鄰失火前後左右俱  
灰燼唯公居獨存過者歎以爲陰德之報公讀六經  
子史各有論述今散失不存惟亭秋詩集十卷行于  
世平生用一硯厚幾四寸公卒硯將穿其勤篤如此  
弘治乙丑獻夫舉進士請命歸娶迎養黃夫人正德  
丁卯十月葬公于番禺永泰鄉員岡亥壬向之原嘉  
靖戊子六月以獻夫官贈光祿大夫柱國太子太保  
禮部尚書兼翰林院學士長孫貴科任南京旗手衛

西樵遺稿

卷之七 行狀

五

知事次孫茂夫癸酉貢士季孫卽獻夫遺腹生公撫  
愛之尤至六歲而公卒公之音容今猶想見焉嗚呼  
獻夫性愚質薄雖粗知向方然不踰常人道未成身  
而敢謂躋顯庸至今日耶知者皆以爲公之積德也  
將卜以己丑八月營葺公墓願得諸先生大人一言  
表諸神道用垂不朽以昭示後人亦庶乎公之善不  
沒焉爾

先考允成公行狀

先府君諱遂南海人也系出莆田始祖諱宗元宋季

宦南海迺家焉官至金紫光祿大夫大夫生道隆官  
至武節大夫廣州路總管總管生雷益公雷益公生  
高祖諱日華日華生曾祖梅隱公諱勢宏俱隱不仕  
勢宏生先祖諱用中號亭秋好古樂道性嗜讀書終  
日閉門記誦家雖貧不以動心冠裳趨步與鄉人異  
讀書過目卽弗忘人有藏書輒求讀之經史百家微  
言隱義罔弗覽識人有問酬應如注竟日弗能窮時  
人稱之爲書櫃先生謂其腹如書櫃也然終身不習  
舉子業故亦不仕生三子伯仲皆早殤季爲府君府

西樵遺稿

卷之七 行狀

六

君生而聰敏淳謹與羣兒異稍長卽知爲文不以他  
好奪之弱冠學易得亭秋公庭訓爲多成化辛卯領  
鄉薦戊戌試禮部中乙榜授廣西全州學正以家貧  
親老就職人皆以不究其才惜之府君曰官無崇卑  
皆可爲也盡吾職則已及涖任得師道甚全有士子  
貧弗能學則資助引翼如已子成材者數人全之人  
士至今思之稱賢師必曰某先生全舊無易學府君  
擇其穎者躬自教授之全以易顯皆府君之傳也八  
載卒于官爲成化乙巳二月距生正統戊辰六月享

年三十八卒之日全士奔走涕泣如不能已府君貌  
愴悌與人有和氣平生不見疾言怒色恬靜寡欲不  
苟取子官祿雖薄晏如也疾且革誦宋儒程子富貴  
不淫貧賤樂二句語終怡然而逝夫人黃氏番禺人  
時年始三十有三子三人女三人皆幼而孤夫人善  
治家育諸孫惟力以其年十二月葬府君于駟馬岡  
亥壬向之原後二十年丙寅夫人卒享年五十四丁  
卯十二月祔于府君之兆長子貴科以省從事今爲  
南京旗手衛知事次茂夫癸酉鄉薦季卽獻夫府君  
西樵遺稿 卷之七 行狀 七  
卒之三十八日始生弘治甲子領鄉薦乙丑成進士  
嘉靖戊子秋以獻夫官贈光祿大夫柱國太子太保  
禮部尚書兼翰林院學士夫人爲一品夫人嗚呼獻  
夫不德天降之酷生旣不獲先君之存風木之思恒  
割于衷幸而緩死叨得官祿又無以永吾夫人之養  
罪惡益大固無所容苟存殘喘屢辱恩命非不孝之  
故固先人之德也敢以蕪詞擬述先行以俟大人先  
生倘賜筆表諸神道用垂不朽焉誠不孝之榮亦先  
人之志也

祭文

祭王陽明文

嗚呼惟先生英姿穎質高出一世精詣自得獨契千  
古其先輩之所謂不由師傳所謂天挺人豪者耶是  
以卓然而有立然而蚤歲博學六籍皆通嘗歷仙釋  
而後沛然一歸於正自謂得于龍塲之謫某二十年  
前幸忝同官得于先生之啓發者爲多今猶躍然而  
在目先生之心洞洞然應物無滯先生之誠懇懇然  
與人惟一異已者或忌嫉而達識者每屈服嗚呼先  
生江西之功在社稷田寧之功在吾廣可謂鞠躬盡  
瘁死而後已者而猶不免於訾議人心謂何而亦豈  
足爲先生之損益先生以道德爲富貴以仁義爲窟  
宅節氣文章皆其緒餘而何有乎事功之烜赫嗚呼  
先生之學刊落陳言直造本原其讀書悟道多由中  
出不逐逐於章句之末如以中庸戒慎恐懼爲修道  
事中和自慎獨來以孟子盡心知性知天爲聖人而  
存心養性以至之皆軼後儒而直追乎先覺惟格物  
博文之說似爲賢智者之過某嘗屢有辯論先生亦

西樵遺稿

卷之七 祭文

天

不以爲非而其意惟急於今之學者救病之藥先生  
之志終始在道講學一念至死不懈嗚呼先生之苦  
心誰則知之而誰信之使天假之以年其當底於純  
粹安成之地而士論終翕然而弗惑雖然自古賢人  
君子皆不免於當時而論定於身後先生之靈吾亦  
知其泰然於冥漠嗚呼先生已矣吾道落落臨風揮  
淚寄此衷悵

祭張羅峰文

公剛方之性雄傑之才博學獨立庸訝羣駭若事有  
南樵遺稿 卷之七 祭文 元

當爲萬夫不敢嬰其前四十七而得第七年而入相  
正禮明刑卓卓挺見惟知有君而不知有他此公之  
真而人未必信其然公在朝釐正大事五六皆利害  
失得之弗顧人皆不能而公獨能之當時未必以爲  
功而今乃知其爲難矣自古稱才難如公者謂爲一  
代之偉才非焉公所少者善善短而惡惡長聞人之  
過輒義形於色公惟自信自用而人或病其偏予嘗  
謂公善惡大明如李德裕果斷獨任如寇準慷慨有  
大志如陳亮然同父老而無成李寇皆不免其身公

遭遇 聖明始終榮寵公雖不得於人不可謂不得  
於天公卒之數年而予病阻於遠未及一奠今乃得  
致生芻之誠于宿草之上且酌之以詞嗚呼社稷之  
功已著中興之業未全有情耿耿有淚漣漣哀哉

祭倫論德文

惟先生文魁天下而文不足以盡先生學博羣籍而  
先生不自恃其博先生德性渾厚心術平夷其行已  
有恥其與人和而正信而不諒其有志於世道戚戚  
然若切於已執而不迂達而不隨若先生者殆古之

西樵遺稿

卷之七 祭文

辛

所謂君子非邪至其識量宏遠氣象雄偉人皆以大  
用期之詎意先生遽止此耶使先生不死得位而行  
其志事業必有可觀者視碌碌苟隨以擁大位而無  
所裨益者孰得孰失孰壽孰折嗚呼三槐在望五桂  
齊芳先生殆畱有餘不盡之福天顧大其後耶嗚呼  
予於先生復何憾哉先生於予爲忘年之交予方幸  
嗜德之有在而宗依之有賴也而今已矣痛可言耶  
式將薄奠以寫予哀先生有靈庶其鑒哉

祭霍涓厓文

天生正氣人鮮得之或汨于欲存者幾希惟公獨稟如嶽之時在流不波在風不靡文禮之議公實先倡正名父子追復典常帝禪王繼其道皆同千載之下以開羣蒙 天子明明擢之不次屢辭乃受以見其志謬謬立朝衆枉交集賴 聖之知不至折屈漢有汲黯唐有魏徵淮南謀寢貞觀治成予嘗比之公亦自信惟能皦皦詎肯溷溷惟公之直邦家之植豈期遽殞孰力以承予實何慟社稷生民言之嗟哽酌以斯文

西樵遺稿

卷之七 文

主

西樵遺稿卷之七 終

西樵遺稿卷之八

明 南海方獻夫著 元孫林鶴重鐫

書

復湛太史

承諭論及象山之學此正今日學問之辯最大且急處生切有所見每欲質諸左右以求至當見尊意頗不在此不敢深論今承許往復以質所疑非至幸與切以爲象山之學卽是孟子之學其一言一行無一毫不似孟子處其氣象亦然故愚嘗謂象山是再生

西樵遺稿

卷之八 書

一

孟子欲識象山須識孟子孟子之學要處只是不失其本心而善充之而已至其極處只是盡其心而已故其教人只是要人知天之所與我者至貴也至足也我固有之也非由外爍我也其論學只是一句欲其自得之也都是要由中出學問思辯只是講明此而已辯證此而已安有後世許多章句口耳外面勞攘工夫象山之學一出於此故其議論極切實斬截其工夫極精一簡易合下都要在根本上著力不許人著一些枝葉雖其一時救弊之言似有抑揚然聖

賢切已之學實是如此其論學要處則在鷲湖一詩見之人尋常只草草看過不知其平生學問與工夫次第盡在此詩如末二句何等斬截何等簡易明白其與文公異處正在於此至其辯道之精則如梭山詩前二句云孩提知愛長知欽千聖相傳只此心猶以第二句爲未安却有云墟墓興哀宗廟欽斯人千古不磨心毫釐之辨真是精義入神後世學者雖夢不到此其教人只是一箇合下討落着又云虛見與實見不同其自謂則云千虛不博一實某平生學問

西樵遺稿

卷之人書

二

只是一實其論孔門則有子之言猶以爲支離以子貢爲卒不知德彼文公之學安足着眼哉真百代豪傑也故其當時諄諄懇懇闢章句儒者真有見于一時學者之蔽正與孟子欲正人心闢邪說放淫辭之意同豈得已哉至其嚴於異端之辯則如人生而靜如無極之說毫釐不肯放過其學安有一毫似禪處若文公之論反多出入於禪如將中庸戒懼慎獨分作二事另說出一段至靜工夫來千古聖賢何曾有此說正是後世禪學宗旨也當時反不以文公爲禪

而以象山爲禪嗚呼冤哉大抵文公之學東塗西抹拖禪攬老專一在冊子上尋摸到底只是一箇糊塗障謂之支離最中其病蓋其學不由中出故卒於不知道其說都使學者無得力處象山之學與之異者正在內外本末主客虛實之辯如冰炭相反如黑白相懸安能相入惜哉鷲湖一日之論文公不能屈已從善如橫渠之撤虎皮以從程子也又惜象山早卒其學未至安成其道不曾大顯亦因一時文公之論習熟於人耳目浸潤於人骨髓遂使後之學者無復

西樵遺稿

卷之人書

三

有出頭處安望其知象山之學哉四五百年來來陸低昂之冤無人知得言及於此使少知道者未嘗不爲之疾首蹙額而欲伸其不平也故愚嘗謂今日之學不難講只是朱陸得失之辨不明故難耳前云此正學問之辯最大且急處此之謂也鄙見如此未知是否高明之下敢盡吐露執事必有至當歸一之論願明以教我

又

象山論學要處只是發明這些子人人自有的物事

與人使人自理會自成立不費一毫增減亦不消一些枝葉添助孔顏樂事正在這些子物事被他一見見了千了萬當所以爲百代豪傑人能知得這些子物事何事不可爲至貴至富天下尚有何物加得他動得他所以其教於人最得力象山之學要處只是在此前書所論是統說象山之全不會指出其要且朱陸之辯辭覺傷於急迫恐不知者見之反生一箇支節再付此紙去何如千萬示以至當前紙且勿布之人人待吾輩商量涵養日久其說足以信於人乃

西樵遺稿

卷之人書

四

可爲是辯耳

又

昨承教言倉卒不及詳答今反復執事之說誠於這物事發明透徹令人一大快也其提掇象山數語尤於人有感發處象山此等說話却是有來頭豈是容易說得出後世學者正是無此等見識若有這見識何患無志願何患無成立何患不爲孔孟不爲堯舜何患不能涵養不能擴充若見得此讀書亦不難莫道六經雖千編萬卷吾此中自有箇建諸天地而不

悖的道理如明鏡照物妍雖黑白自然了了其同此者爲道異此者便非道多少省力孟子所謂知言正是這箇來頭人之所以自立於兩間藐然一身而能與天地同流與萬物同體者只是這物事要大便大要小便小程子所謂放之則彌六合卷之則退藏於密是也既有根本自有枝葉夫子所謂天下同歸而殊途一致而百慮天下何思何慮是也這物事堯舜謂之中湯謂之衷箕子謂之極文王謂之易孔子謂之仁孟子謂之本心謂之良貴程子謂之天理象山

西樵遺稿

卷之人書

五

謂之此心此理其實一也千古聖賢若合符節實見得此多少大快活惟精惟一須是如此涵養勿忘勿助須是如此擴充靜亦如此動亦如此朱子靜而存養動而省察之說便不是存養是主檢斂是奴僕象山便說得好這方是動靜如一朱子正是不見此心此理其學不由中出故其說話工夫一齊差却惜乎象山此學不會大段光明三四百年來都是章句之說沈溺了多少學者今日吾輩幹當甚事須將此學大明一明與學者言如饑食渴飲始得不然則於象

山要處雖見得徹亦終非深識象山者矣非惟不識象山亦不識孟子矣何益於斯道何取於吾人哉何如何如此誠愚不肖平日汲汲之志也所以前書急於朱陸之辯且欲明其言行氣象與其學問工夫大凡與孟子同處以見其爲孔孟之流耳此意抱之數年久未可發者故因執事之間而盡吐之亦非以執事之不知而言之也後覺其言之樂而未指出其要與尊問不對故後書特地指出其要而言然前書所謂天之所與我者所謂斯人千古不磨心便是此心

西樵遺稿

卷之人書

六

此理但不曾特地拈出耳來教乃以前書爲逐孟子之緒餘爲淺之知象山而以後書爲幾者則似不知其情而視之太忽繩之少過耳然此等處皆不必深論言之却似爭勝但置而不言又何貴於朋友之講習哉何如何如未由合并聊復布此亮之祭之教之誨之

又

承手諭足見相愛之至而形之夢寐每如此敢不體此意還山之期當不遠必在此月之杪足瘡亦漸平

矣講論正貴虛心非惟盡人之言於已亦有益稽于衆舍已從人雖帝堯亦如此此正堯之所以爲堯此正是人所難處孔子曰有鄙夫問於我空空如也我叩其兩端而竭焉人正患不能空空空則受道不空則不能受道幸各以此意存之如前教云察見此理而存之存之又存入聖之門此又云更以此養之此等處不肖受益多矣但不可以言喻者此曰繩而彼曰訝皆非也

又

西樵遺稿

卷之人書

七

禮記註疏已令人取當奉去切謂今日之學難講正是大學中庸不明若二書明了有甚講此固賢者慮之熟矣何俟愚言但願更將此二書舊文反復潛玩看何如務見得二書本來面目且以教我幸幸主奴之語似無病主奴正是一如二主或二奴乃是二句如何如陽明之報城中無聞恐未的也吾輩所難得者最是篤實之人孔門只說一箇忠信如本誠真幾於忠信者矣楊少默如尊諭尤所難得固不肖所願與共學者未得相對此懷何如幸致意



又

二十夜夢與執事同枕簟甚狎有彼此若一之意覺而大笑曰其迹之同邪將道之同邪愚陋何敢望於高明而高明何取于愚陋邪何素無此夢而今有之邪其亦同之機邪其天地鬼神有以主之邪久之因恍然大悟曰此事是天地間一大事非是草草擔任得底亦不是悠悠幹得底殊可懼也昨議論數摺不知高明之取舍何如而愚陋平日涓涓之見實因以益明若有渙然自信豁然貫通者且覺得吾輩平日西樵遺稿

卷之人書

八

又

承示中庸測序已領其大有而共所謂四支者猶未得也錄成千萬終教二原曾閱過否併乞發還無章句則二原不必作區區之志則如此而其書猶竄改而未已也以急於請教故率呈之有不是處望不惜一一條示令可改也千萬千萬道之不明久矣吾人相與扶持於熟爛之餘收拾於支離之未解析於糾紛之叢苟非存大公之心秉中正之說以期至乎一是之地則未免以亂易亂耳先賢所謂非徒無益而反害之者也伏乞高明濶體此言虛其心大其量從西樵遺稿

卷之人書

九

所行有多少間斷處元來只是此心此理充養無道光明不繼耳日就月將學有緝熙于光明人日用行事若得這光明接續何處不是道理何如何如請自今以往各向實尋求奮發植立一言一論必有益於斯道而後出一事一行必無害於斯道而後為庶幾人亦信我我亦信道而斯道之明不日矣庶幾天之所責任吾輩而吾輩之所以自任者不為空言矣何如何如蓋至情之發也非言語而已察之

東王陽明

自得去冬在贛兩書久不奉教生亦久落無言非敢如是濶畧方在默裏尋求無可言者耳生近來見得此學稍益親切比往日似覺周遍似覺妥帖然實不出先生當時濬我之源也真有所謂渙然自信者而益以信先生也蓋天下之理一本而已惟其一本所

以推之四海而皆準揆諸千古而皆同此理弗見弗聞無聲無臭然實體物而不可遺要名言之又無可得名者古人不得已曰天曰神曰中曰極曰易曰仁曰誠曰性曰道曰德只是這一物充塞天地貫徹古今無一息不存無一處不到無一物不該無一事不爲從古聖賢只是幹這一件事無兩件事真是精一真是易簡萬化萬變千語萬語都從這裏出來從此出者爲實不從此出者爲虛從此出者爲同不從此出者爲異學者須從此學方有來頭方有知識古聖

西樵遺稿

卷之八

十

賢論學之要曰敬曰忠恕曰集義固皆不易之論然無這箇來頭無這箇知識如何會敬如何會忠恕如何會集義得若有這來頭便自無時無處不是此理發見如水之有源而流行不息如日月之有明而照物不窮所謂敬恕所謂集義更無有內外無有動靜都一以貫之這箇工夫真是所謂默而成之不言而信者要着一些語言名狀不得所以大學格物致知許大事只是在知本中庸始終只是立天下之本至於六經語孟之言一而已矣到這裏真是見得前古

聖賢言語句句是實後世儒者除了程門都是虛說虛見既是虛說虛見安得不差明道之後只有一箇象山是明道之學是這箇來頭明道所謂德性之知象山所謂實見是也四五百年來無人知得都是無頭學問壞了多少學者其弊至於未多於本容勝其主故卒歸於支離卒爲虛說虛見至于今日其弊尤甚此道之所以不明也如先生之見真是天下一人者矣但不知近來所以進於誠明者與汲汲明道之志何如耳無由朝夕就正左右徒懷悵快奈何奈何

西樵遺稿

卷之八

十一

近與甘泉往復書錄去中間亦見區區所得何如望折衷之如有未當者隱之而已無徒取罪戾也風便仍乞不惜教誨進而成之至望

又

士夫自贛來每辱教劄千里之隔雖無因對面然心領神會先生之益多矣江西之變人心搖搖先生一舉而定人皆稱先生撥亂反正之才而不知先生之有本也非誠有古人成敗利鈍非所計者之心其安能之此足以見儒者之用而先生之實學也亦可以

息平時世俗之曉曉矣甚賀甚賀朝廷賞功大典不日當下然德盛者不居其功明哲者不保其盈先生進退之間可以自處矣先正謂爾侯有儒者氣象非觀其進退之際歟如何如何西樵山中近來士類漸集亦頗知向方但未見有實得力者大抵此學真是數百年絕學非卓有實見者難以言矣甘泉大有倡率講明之意近構學舍數十山以延學者將來必有成就此亦一盛事也其所立言大有雖少有與生未翁然者然未敢懸論生明年春莫將期會于陽明

西樵遺稿

卷之人書

三

洞中不知此時主人歸否嘗獲觀朱子晚年定論傳習錄二書多所啓發朱子晚年定論固是先生納約自牖之意非其至者然得此一書與士子省却多少言語其傳習錄中間論中庸戒懼慎獨爲一處真是破學者萬世之疑及諄諄天理二字又是於學者日用甚切此等處誠不可無惟格物博文之說生尚有未釋然者但難以紙筆指陳當俟而見請益先生之說或是一時救偏補弊之論但恐學者不知而反有疑於中正歸一之極也此等處更乞精思示教甘泉

於此處亦疑望不惜平心博論以致於大同也幸甚

又

去歲初冬曾修書奉不審會遠左右否自此來未領一言殊在懷念自江西來曾每詢先生經事變之後形容癯瘦鬚髮多白此尤所切念宜加意調養赤松之託此正其時古人云功成身退天之道幸諦思之時情固有大不可人者不必論也凡所欲言者已具前書恐彼時道路相左今更錄去又大學原一冊併呈請教此書雖未敢以爲定論然生數年學力所得

西樵遺稿

卷之人書

三

如此實於心思而身體之非苟說也切以爲大學一書只如此看多少平易明白而學亦不難矣何如何如有未當處仍乞不惜指示尚有中庸原一冊錄未及續當奉去陽明會期不知何日臨楮不勝悵然

又答

趙元默及梁日孚价者回兩辱手劄受教多矣大學格物之說生固不敢自執已是然反覆潛玩竊以爲得其大旨物字就於本文看出而格物之義卽於自天子以至於庶人一節見之自覺平易明白不費解

說且舊本之復意正在此不然何貴於復舊本也蓋格物物字卽物有本末物字故下文只以知本二字釋格物物格卽知至故曰致知在格物而此謂知本之下遠繼之曰此謂知之至也蓋自物而言謂之格自心而言謂之知非物格之外而有所謂知至也天下萬物之理莫不有本究此爲格知此爲至亦非無物不格而無知不盡也故一草一木亦要格今日格一物明日格一物與夫表裏精粗無不到之說皆支離而非本旨矣大抵大學一篇要處只在知本知止

西樵遺稿

卷之人書

五

二言明德爲本至善爲止欲明明德必在知本欲止於至善必在知止易曰知至至之卽知本之謂也曰知終終之卽知止之謂也孟子曰萬物皆備於我矣反身而誠樂莫大焉便是知本曰強恕而行求仁莫近焉便是知止知本便是至易知止便是至簡前後聖賢說話若出於一若此處不同將於何處講學自漢以來大學不明至宋儒又說得支離故費許多更定若只如于今某看用甚解說用甚更定若一切離去本文而外求臆說則又恐非中正歸一之論也竊

見如此未知是否姑盡其說以俟折衷望更不惜一番虛心體悉示教幸甚

復王象川論性

向夜一語殊極慰澆茲復承手教深見高明好學好問而志於道篤矣病軀習懶筆視弗治不能一一奉答惟略舉其槩當從容涵泳而心得之非言語可及也致曲之訓乃本程子似是不易觀二章文勢曰惟天下至誠爲能盡其性曰其次致曲可見致曲者不能盡其性者也然皆不學而性成者故皆爲聖人也

西樵遺稿

卷之人書

五

孟子曰聖人之於天道也命也旣曰聖人矣而猶有於天道合不合者合者盡性者也不合者致曲者也此皆天分生成非由學者故曰命也天地間自有此兩等聖人故不得不著之也若論若子之學則當學其全者而豈學其偏者哉故曰乃所願則學孔子也足下不得其說而反謂孟子過許夷惠爲聖非矣若性說則僕惟主孔門性相近一言而衆說可不勞而一以貫之矣曰性相近則本有善惡也但其初善惡不甚相遠惟漸習而後相遠耳若皆善而無惡豈得

曰相近是孔子之言謬矣夫子之言性與天道不可得而聞也易大傳曰一陰一陽之謂道繼之者善也成之者性也是孔子言性與天道處只於此章細玩得分曉便不煩多說止因後人看差了此章便自紛紜一陰一陽之謂道繼之者善也天道也天道有善而無惡成之者性也性則有善惡矣陰陽相繼流行不息運於亭毒之表者本純粹至善者也故可曰善也及其賦予人物爲剛爲柔而成於生質者則有善有惡不得純善矣故曰成之者性也不可曰善矣此

西樵遺稿

卷之人書

六

語意甚明五峰胡氏曰性說不得善亦說不得惡纔說善便與惡對程子曰善固性也然惡亦不可不謂之性皆說得好天下無性外之物若性本無惡則惡從何來程子曰性卽氣氣卽性既入於氣便有善惡除是不會着物天理本然則有善無惡耳夫人未生以前不喚做性既生以後方喚做性纔喚做性便袞在氣質中所以有善有不善此生之謂性也張子所謂氣質之性也然天理之本然惟有善而已就氣質中指那本然皆說是則孟子所謂性善張子所謂天

地之性也若不分做兩箇性說則性之與氣鶻突無分曉若不合做一箇性說便認做兩件物事去了故程子曰二之則不是予嘗謂性畢竟只是一個性字無兩個性字孟子曰性善是就那善一邊教人擴充荀子曰性惡是就那不善一邊教人克治其意一也若性本無惡則孔門何以教人許多省察克治工夫堯舜禹何以尚有人心道心之辨尚書何以曰節性曰不虞天性中庸何以曰率性周子何以曰定性其實人性本有善惡雖至善人亦有一念惡時雖至惡

西樵遺稿

卷之人書

七

人亦有寸忿善時此非其性本有何從發來故楊子曰人之性善惡混修其善者爲善人修其惡者爲惡人是兼孟荀二子之說而取之矣至於韓子三品之說是又兼三子之說而取之矣上品性善者也下品性惡者也中品性善惡混者也至於周子五品之說則又兼三品而細分之矣其說皆是皆與孔門性相近之言不悖惟是晚儒註說者曰人性皆善而無惡則大謬矣所謂差之毫釐謬以千里者也何如何如草率漫住有不是處更煩不惜明辯勿措甚幸

又

昨備閱執事所著論內統一散殊之義甚好有若默契予心者予解率性之說大約如此昔年曾與執事論及尚記憶否僕一部中庸原皆本程子舊訓惟率性解乃僕所自得自謂破千百年之誤率與帥同此字書正訓作皆作循乃旁訓後人所加也古文將帥皆用此率字與孟子夫志氣之帥也帥字義同帥氣者志也率性者道也天以理氣俱賦於人而道為主道即天理也率字有統領主宰之義記曰領惡而全

西樵遺稿

卷之人書

六

好者其必由於學乎領字亦是此義道為太極故率性者道也道在性先若謂循性為道則道反在性後矣然則性反為道之太極乎若循理為道矣循氣徑情者亦得為道乎循字解甚無義此乃漢儒鹵莽強解處宋儒偶不究而因仍之耳自此訓不正而後世自然無為之禪說浸入人心而不覺矣其為害千百餘年雖宋儒之傑者皆坐其弊而不自知也予深以為自信自得而不可易乃敢特著之中庸原今執事所謂統一者似予所謂道也所謂散殊者似予所謂

性也故曰有若默契予心者如此若性無善惡之說終未瑩然且如孟子曰存心養性又曰動心忍性所養者善性矣所忍者又何性耶請再思之理氣二字亦說得鶻突請將孟子浩然之氣一段細玩明於配義與道集義所生之說則理氣一物二物其義自見難以言說也其餘牽制文義者尚多未見渙然解脫周遍旁通之意請如明道所謂存久自明且勿區區言語之爭也何如何如僕所望於高明者不淺故敢喋喋

西樵遺稿

卷之人書

七

昨再玩執事統一散殊之義而繼之成之之說益明僕前解繼之者善一句猶未當觀之者二字已就生人說一陰一陽之謂道天也人繼天者也如子繼父也父與子而生生不絕天與人而生生不絕也故曰繼之者天以斯道與人而人得之以資始斯時也乾元一氣本純粹至善者也故曰元者善之長也此程子所謂萬物皆有春意時也所謂大哉乾元萬物資始所謂乾元者始而亨者也及其得此生理而胎養

變化成形成質便怠於血氣軀殼中則有清濁美惡各不同矣故曰成之者性也程子謂成却待萬物自成其性須得是也此所謂乾道變化各正性命所謂利貞者性情也是人之生元初只有善來及到成性便有善惡程子曰纔說性便已不是性也孟子曰性善是本上一截說張子所謂天地之性是也是得之天底孔子曰性相近是就後一截說張子所謂氣質之性是也是成於人底孟子是說源頭孔子是說見在並行而不悖者也又因是而細論之一陰一陽之

西樵遺稿

卷之人書

三

謂道天道也成之者性性也繼之者善是性與天道之間者也天道有善而無惡易曰大哉乾乎剛健中正純粹精也曰復其見天地之心乎程子曰仁者人之生道也天初賦予時此乾元一氣卽粹精之物卽天地之心卽人之生道何嘗不善佛氏所謂靈光一點道家所謂元始祖氣吾儒所謂率性之道所謂天之明命皆是物也人人共得物物皆有者也是得之於天者未嘗不善也及其成形成質如成耳目則有耳目之欲成口鼻則有口鼻之欲此皆所謂性也此

時元善雖未嘗不在而混淆於血氣者多矣故有清濁美惡萬各不齊不得純曰善也胡氏所謂纔說善便與惡對是也此軀殼子煞是不好的物萬孔千瘡皆從此軀殼子生荀子說性惡亦有味然非中正大全之論意當時必是要補孟子之說那一邊耳是孟子與荀子之說皆通但所指地頭不同耳必如張子所謂天地之性氣質之性而後其義益明備如此看則楊韓周子之說皆無不通若此執事謂性無善惡則諸說皆不通矣諸子皆絕代豪傑豈全無所見而

西樵遺稿

卷之人書

三

妄言之聖人所聞皆通只是自家無滯礙若自家有滯礙處則於人之說皆病矣何如何如孔子曰博學之審問之慎思之明辯之孟子曰博學而詳說之學之不可不講如此僕平居嘗歎世無談道考德之士遺世遠俗之人而與語於斯也今執事其人也此僕所以惓惓也請共勉之

與陳元誠

連旬不得一過何也僕足瘡作惡二日稍緩而猶未平執事豈以往來之迹介意乎近在靜中殊有慎思

之功恍然若有大悟者覺得平日所行有多少間斷處元來只是此心此理充養無道光不繼耳日就月將學有緝熙于光明人只是這光明不繼若得這光明接續日用動靜何處不是道理何如何如便乞一過有欲相切磋者不可言盡也

復鄧順之

承相敘之期且慰且企樓中秋景自別殊助人清明之氣所得蓋不在詩文也今之學者文煩其學至於飭虛言以滋偽習僕方欲正救此弊新作豈所問於西樵遺稿

卷之八 書

三

區區哉恃知敢此布露計不以爲非察之

與侍御聞人提學

二原刻工甚精且速執事之惠大矣感謝何涯此二書僕畱心三十年矣而得於山中靜功尤多非敢苟作然亦未敢必以爲是也謹用請教大抵大學復舊本全在致知誠意二章此僕初意也二章若不如此解則復舊本無謂今如僕說似甚坦然平易明白不費氣力不費詞說中庸則多本程門之說非敢自立異義然亦理之所必然而不可易者非故欲宗程門

而廢朱說也惟率性之說乃僕所自得自以爲千百餘年之誤一旦撼破蓋性說惟主孔門而後儒一切支離之說皆不可據也此二原大旨正欲就高明而質諸請靜中紬繹數番有所當辯者便風不惜往復千萬千萬

西樵遺稿

卷之八 書

三



說

洪範九疇說

五行者天地自然之用也故五行不言用而其用無不在也五行之德在人則為五事敬用之所以正德也五行之利在地則為八政農用之所以厚生也五行之氣在天則為五紀協用之所以布政也三者皆所以用五行也三者既舉則人君何為哉居中守正以為民極而已皇極不言數極一也由是而人有順逆則三德以治之所以御世也事有可否則稽疑以

西樵遺稿

卷之八 說

吉

明之所以成務也政有得失則庶徵以驗之所以省躬也三者又所以維持五事八政五紀之行也五事八政五紀三者其體實也三德稽疑庶徵其用虛也其本則建極也然要之皆所以與民趨福而已故以福極終焉八者皆得則民福八者皆失則民極福曰嚮慕而趨之也極曰威畏而避之也故九疇之道五行為始皇極為統福極為終五行不言用乃眾用之所自出皇極不言數乃眾數之所以該五福兼言極者所以明眾疇之得失感應之不同以歆戒人君也

大抵五行是原本五事皇極是體要八極五紀是事目三德稽疑是行事庶徵福極是效驗九疇相為經緯故庶徵有五事而皇極有五福也五行用無不在故稽疑庶徵皆有五行也五事皇極之體三德皇極之用非五事修則皇極不立非三德備則皇極不行又皆所以成就皇極也五行因諸地也五紀本諸天也稽疑質諸鬼神也而天地鬼神之道無不具矣大哉九疇之道也誠萬世人君治天下經常之法也以其為治法之大則曰洪範以其為人理之常則曰彝

西樵遺稿

卷之八 說

吉

倫其實一也周官八政之事也周易稽疑之事也曲禮五事之事也皇極即大學正心之事也五事即修身之事也八政五紀三德稽疑即治國平天下之也極即中也彝即庸也大哉九疇之道乎其五經之源乎

洪範皇極大義說

洪範九疇五位居中數亦居中其象在天下則君居中在人則心居中故言人君正心之事極者中正之也曰皇建其有極云者即書所謂建中于民易所

謂中正以觀天下禮所謂王中心無爲以守至正是也曰斂時五福用敷錫厥庶民惟時厥庶民于汝極錫汝保極云者卽書所謂民協于中易所謂下觀而化孟子所謂君正莫不正是也君臣上下咸爲中正之德則和氣充塞天地而人無夭札物無疵癘矣先儒真德秀所謂堯舜之民莫不仁且壽者是也是斂福錫民之義也曰凡厥庶民無有淫朋人無有比知惟皇作極云者是覆言臣下之化於中正者實由在上者之作則也卽書所謂民心弼中惟爾之中也無

西樵

美

朋無比卽下文無偏無黨之義也夫人之心莫大於好惡二者而人君之職只是用人一事故於用人言之曰凡厥庶民有猷有爲有守汝則念之不協于理不惟于咎皇則受之而康而色曰子好德汝則錫之福云者是卽所謂嘉善而矜不能尊賢而容衆無所偏黨於其間也曰無虐於獨而畏高明人之有能不爲使羞其行而邦其昌凡厥正人旣富方穀汝弗能有好于而家時人斯其幸于其無好德汝雖錫之福其作汝用咎云者是善善惡惡進賢退不肖無虐於

獨不之其所敖惰賤惡而辟焉也無畏高明不之其所畏敬親愛而辟焉也箕子反覆言之不已又自敷行其義曰無偏無陂遵王之義無有作好遵王之道無有作惡遵王之路無偏無黨王道蕩蕩無黨無行王道平平無反無測王道正直是皇極之義皆正心之事也大學一書只是要人正心修身而治國平天下章亦只是言好惡用人之事其道如此蓋千古帝王之心學在此一時而訓釋者不得其旨漫爲孝極孝弟極弟之說而反畧皇極中王之義可慨也善乎

西樵

美

先儒胡宏曰明君以務學爲急聖學以正心爲要堯得之矣予嘗謂洪範大學相表裏其義蓋如此

論孟說

孔子出而人知有道孟子出而人知有心孔子之言在魯論孟子之言在七篇六經之言極其博論孟之言要其約故曰博學而詳說之將以反說約也夫聖賢之言簡易明白炳如日星不待繁詞復說而義自瞭然如孔子曰賜也汝以予爲多學而識之者與曰非也予一以貫之又曰詩三百一言以蔽之曰思無

邪曰參乎吾道一以貫之曾子唯曰夫子之道忠恕而已矣又子貢問有一言可以終身行之者曰其恕乎其言互相發明豈待註釋而後知之孟子曰仁人心也學問之道無他求其放心而已矣求其放心便是求仁曰其為氣也配義與道無是餒也是集義所生者非襲義而取之也行有不慊於心則餒矣是氣配道義而後浩然無是道義則餒矣氣本集義而生行有不義則不慊於心所以餒也餒即浩然之反也豈待詞說而後喻乎子怪天世之說者愈繁愈蔽愈

人說

天

道德性命說

孔子曰朝聞道夕死可矣未嘗言道之所以為道也曰由知德者鮮矣未嘗言德之所以為德也曰性相近也習相遠也未嘗言性之所以為性也曰不知命無以為君子也未嘗言命之所以為命也聖人之不言者非不言也引而不發將使學者深造而自得之

也後儒之言道德性命者異於是見之而言之易辭愈多而愈蔽使知者厭不知者惑焉豈惟是將使學者無復深造而自得矣夫何益豈惟是或即其末而遺其端或指其偏而遺其全則失之遠矣

皇帝王伯說

皇帝王伯者何也世也世者時也邵子以春夏秋冬言之是也有巢燧人三皇之世也羲農堯舜五帝之世也湯武三王之世也春秋五伯之世也一元之有四世曾一年之有四時也孔孟之取五伯時不得不

人說

天

有之也其才取五伯耳其道也然則其論者不及三皇者非不得而言之也亦高其道也已故帝王者道之中也上乎此者不能為下乎此者不足為而况於皇之上伯之下者乎故權謀術數之說非也而自然無為之說亦非也

樵雲出岫說

樵者何雲之居也雲者何山之行也出岫者何有未出岫者矣夫雲未有不出於山者也山未有不出雲者也而有出岫未出岫者時也是故樵也者言乎其

體也雲也者言乎其用也出岫也者言乎其時也夫  
居樵者皆雲也栢山張子雲之始出者也夫出者其  
未出者之試矣子其慎之

樵遺稿

卷之二 說

西樵遺稿卷之二 終

刻遺稿跋

嘗聞父沒而不忍讀父之書手澤存也母沒而不忍  
飲母之栢棬口澤存也以故羊棗觸曾參之嗜蓼莪  
廢王哀之章嗟乎不肖孤尚忍言哉憶惟先大人早  
逝孤方襁褓伯也在疚且家難通仍奠奠岌岌諸几  
先遺僉委勿託恫哉藻翰言之刺心先大人少自卓  
勵於凡玄黃之劣魚鳥之幾民彝物則之秘靡不究  
思故其攄而成章泉湧珠麗或迎扣流聲凌雲吐氣  
或囑景霞上乘鳳凰翥壯遊制科涉中秘際雲龍之

樵遺稿

跋

嘉遇荷衡鼎之洪床警或應制警或險謨警或宣  
警或交際生平著述厥惟茂哉顧乃散佚幾微千百  
十一誰之臯歟孤昔弱冠就獵文園每一念及則淚  
淫淫下唏噓酸腸盤結不能自遣交親聞而相憐或  
有所什咸舉而歸之既而鼓篋辟雍朋游京洛則又  
旁求之京洛爾乃宦蹟四寓則又旁求之四寓人士  
大夫又感而歸之寢寢乎成帙矣則又捧帙而思曰  
恫哉惜哉夫予弗圖後之慨今不啻今之慨昔也乃  
於薄書之間茫誦而宛錄之恫惟謏劣不免金根之

諷時更謀諸博識，論其關世教。闡皇彝，陶風雅，貞紀律者梓之。其散帙未獲者，姑有俟焉。嗟乎趙壁雖還，竟爽其元龍劍。雖合竟鉞，其缺不肖孤尚忍言哉。雖然，不忍不言者，痛十一於千百聊以表不肖之臆。蓋由於家難而繼成於襁褓云。

隆慶三年孟秋吉旦方稟謹識

先大保在嘉靖初年晉陟鼎鼐于告回籍辛卯還朝輔相三載三疏辭歸前後疏稿俱密緘于宸翰樓蓋倣古人焚諫草之意公沒諸稿散失鶴曾祖武定太守龍井公於隆慶已巳按求遺篇彙刻文集五卷尚多闕畧故後跋有云桐哉稟翰言之刺

御筆密勅札并奏稿一帙中有銀章鈐記什藝至今珍踰拱璧用是另編一卷附入集中以無忘先人手澤至於公生平著作或序記或詩文見之  
康熙丙子孟冬元孫林鶴識



西樵遺稿八卷 浙江巡撫孫進本

明方獻夫撰。獻夫有周易傳義約說已著錄。是集名曰西樵，以早年讀書西樵山也。獻夫緣議禮驟貴，故開卷卽冠所上大禮疏。明史本傳謂其雖執大政氣厭厭不振，入閣之初攻者四起，故集中多引疾求退之章，無所謂嘉言碩畫云。

陸文裕公行遠集二十三卷

外集一卷

〔明〕陸深撰 陸起龍編

復旦大學圖書館藏明陸起龍刻清康熙

六十六年陸瀛齡補修本

附《四庫全書總目·行遠集行

遠外集無卷數》提要

重編陸文裕公行遠集序

前代正德嘉靖之間姚江盛談良知壯地  
矜言復古士大夫靡然從之終明之世學  
術文章日以訛失蓋雖豪傑之士冥然莫  
覺其非者幾二百年而吾邑文裕陸公生  
於是時獨能心知其非是微言緒論時所  
指斥于是歎前輩淵源深遠學識堅定不  
為交遊名譽所傾動百世而下猶今學者

因公之言知所自立以不失其家法其言  
於朝者曰陽明討逆平蠻功在天下至其  
講學吾未之知又筆之於書曰今諸公併  
與性即理也一言為不通之論夫義理要  
在悅心如登高然高一步則所見自別若  
未至其地而議之何益之有趙函谷司徒  
至以太極圖為真贋實犯此何言與其語  
學者曰文字當各寫胸次落筆成家如江

河之潤日月之明乃可傳後近有作者繩  
趨尺步于一字一句曰吾學班馬吾學韓  
柳作者果如是乎又曰張文潛謂無見於  
理而以言語句讀為奇反覆咀嚼卒亦無  
有文之陋也此言切中今日之弊又引林  
竹溪之論曰歐曾老蘇東坡獨絕唐後者  
以其詞必已出不由襲前人又自然耳蹈  
襲非剽竊之謂但體制相類筆力相似皆

是也斯言甚足救今日之弊又曰左傳被  
近時學壞成一套子其論詩者曰詩貴性  
情要從胸次流出近時李獻吉何仲默姑  
論其近體似落人格套雖謂之擬作亦可  
嗚呼公反覆致辨于學術文章之變者可  
謂微而中約而該矣抑嘗攷公年譜王海  
日先生主江南省試公為解首與陽明交  
好如兄弟及陽明講學授徒數貽書與公

往復多不合而集中不傳豈惡啟爭端削  
其藁耶公為庶常時何李屢相唱和而平  
生持論不為苟同後且誦言其失蓋公崛  
起海濱逮事成弘諸公雍中則師張文懿  
諱中則師李文正他若羅整菴魏莊渠顧  
東江諸公皆謹守家法不眩新學耳目所  
及問學彌深故能別黑白於未定之時辨  
淄澠于交流之日為後之崐山虞山近之

當湖安溪導其先路嗚呼公所謂豪傑之  
才也文集歲久漫漶耳孫景房取其伯祖  
永寧公明季時所刊行遠集重加編校定  
為二十四卷示余讀之景房於予為表叔  
行自其少時尊大人鶴坡先生出先世藏  
書嚴督之詩文字畫皆本家法又辱以余  
為可教時時招至日涉園中相切劘以道  
義因獲側聞文裕公議論風采之萬一茲

集也豈惟一家一邑之文獻是徵抑亦有明一代之學術文章所可緣是以考見其同異離合者景房之才將起而大文裕之傳能無汲汲於斯乎雖然公之文未嘗屑意摹古而立言多得大體記序誌銘尤雅健其佳者殊不盡此外集所編皆裨實用節尤難蓋取全者訂之庶嘉惠於無窮景房曰是吾志也當世嗜先公之書法者

未必知其文章慕先公之文章者未必知其學術子姑務明著之今稍見梗槩而後以全者繼焉奚不可余遂不辭謏劣而僭為之序云

康熙六十有一年季秋月朔同里後學曹一士謹序

先文裕公挺生明代嶽嶽公卿間學術正人品端不獨以文章重也然讀其文可想見其為人齡自總角時先君子嘗手裒全集庭立而詔之曰我陸氏家學在是立身行己當以公為法小子識之弗敢忘全集原刻凡一百八十卷先伯祖吉雲公宰永寧時重付剞劂慮其繇也什存一二簿書鞅掌未暇編定公諸當世今藏板尚存齡

謹奉述訓重編卷次且補其漫漶闕失者海內君子即未覩其大全亦可略見梗槩知先公之學術人品有卓卓不可磨滅者而文章特其餘技云五世從孫陸瀛齡謹識



原跋

先曾叔祖文裕公文集一百卷續集四十卷外集四十卷嘉靖時從叔祖小山公校刺行世已久卷帙繁重學者往往苦其難購歲丁丑小子承乏江右之永寧出入廬山彭蠡間追念先公昔常參藩是邦政事文章與江山相映發迄今求其遺集者所在多有蓋古者思其人猶愛其樹况其發

之心而宣之為言者乎小子不敏媿無以塞賢士大夫之請簿書之暇屬從弟元美日錄數篇積久成帙爰付開雕既成識之曰行遠集夫言之無文行而不遠先公之述作可謂文矣非敢謂擬其菁華盡於斯集嘗一嚮而知全鼎謂之知味觀一斑而窺全豹謂之辨色大雅君子庶不存見少之思云爾從曾孫陸起龍謹識

陸文裕公全集原序

陸文裕公集一百卷其子國子生楫所刻公諱深字子淵別號儼山舉弘治乙丑進士歷官至事府詹事兼翰林院學士文裕者其謚也公自少時文則有名既官翰林以文章為職業於是其所著作日益工以富每一篇出士大夫輒傳誦推遜之然公嘗言文以通達政務為尚以紀事輔經為賢非顯顯輪韓之飾已也夫文之用廣矣大矣其體諸身為德之純其措諸事為道之顯其書諸簡冊為訓之昭古昔聖人

集序一

以此經緯天地紀綱人倫化成海內貽則萬世故夫播而為訓誥萃而為典謨刪述而為經筆削而為史雖出於聖人之手猶文之一端也而後世不察獨以文字當之於是道德勲業文章判為三途至其甚也又舉所謂文字者歸之乎浮靡詭誕之作而其為文因亦流於俳優之末技家人之俚語則何所繫於人文世道以庶幾古作者之萬一哉惟公之見不然故於輔經有詩微有道南三書有學說有同異錄於論政有處置鹽法狀有禪 聖學光治體疏有西川用

兵書有備胡弭盜賑饑諸策問於紀事有翰林誌有  
經筵詞有郊祀錄有孫炎花雲傳而 國家之典章  
百司之故實散見於碑誌序記者尤多率其言所以  
適道舉其說可以爲治信公之深於文也階往年嘗  
獲侍公竊窺公之志蓋毅然以經濟自許故在翰林  
在國子則數上書言事督學于晉黎藩于楚旬宣于  
蜀則皆有功德於其士民而世顧獨稱公爲文章之  
宗匪宜以彼而掩此乎抑論文者沒溺於舊聞而然  
也公歿再期而此集出維公位不登卿輔壽不滿七

集序三

十其文在經濟者雖不盡顯於時而所謂輔經紀事  
通達政務之文猶幸有徵於此然則集之刻固尚論  
公者所不廢哉昔公嘗重脩燕文忠傳而大學士桂  
洲先生夏公誌公墓亦以文忠擬公天下稱爲知人  
嗟乎後世合公與文忠較量之當益知階之序公集  
非諛矣 嘉靖丙午仲夏  
賜進士及第通議大夫吏部左侍郎郡人徐階序  
魏曹丕有言文章以意爲主詞爲衛時論趨之予謂  
不然夫文章道之緒也使其意或詭於道則雖詞極

工麗奚取焉矧克垂世經務如古所謂文爾哉妮奴  
尚矣漢遭秦絕學斯文未闡然夷考其作者要皆淳  
龐剴切動掇經傳一時詔令所被猶足風動黔首下  
則述作奏記亦能佳時裨俗用詔來世豈非去古未  
遠而理道猶有存哉陵夷至於六朝標觚之士競爲  
靡麗以相誇尚如陸機雲沈休文皆三吳豪傑爲世  
所宗而渾噩之風蓋於斯時又變矣我 明興丕新  
文教海內嚮風百餘年來士皆蒸蒸然知上嘉唐虞  
下追秦漢藝文之家庶幾近古然江左之習猶存什

集序三

一至於吳中號稱多才聞人學士宗青六朝者獨倍  
他域豈其邦之有作不欲自相盪耶將遺風流響能  
自脫然者鮮哉陸文裕公集凡百卷余讀之其詩歌  
則雅而莊頌紀則婉而諷疏議則敷而達序記辯解  
則博而當直而不俚公吳產也機雲兄弟固公遠世  
迺其文獨別奧闡幽根極理道六朝餘習一洗如脫  
至究其論議又皆鑿鑿可見諸行事非徒說者豈不  
真知趣舍擇尚君子哉昔司馬相如爲侍從以文章  
得幸考所陳述率多諛導之詞賈誼達國體者長沙

之詩所著鳴鳥屈原諸篇何其怨也公初在翰林所  
爲文多規切時事比充 經筵日講官慨然以講章  
自宰臣更定非是面陳其闕竟坐落職可謂直不  
諛矣至左遷以後驅馳藩臬間略無感時憤俗之意  
觀其發教蠟詩云去留俱有適吏隱欲中分峽江道  
中詩云何似湘江路常懸魏闕心此其心豈常有怨  
尤耶夫劉直不諛公是以不免延平之行忤而不悔  
公是以復有 賜環之命以公度漢廷二子所造不  
較遠哉讀公集者不徒可以知公之文因可以識公

集序四

之爲人矣

賜進士出身榮祿大夫 太子太保禮部尚書兼翰  
林院學士鐘石費家書

近代文章家非周秦不談非西京不談然騁宏博者  
唯叢靡是務而精猶醇駁無所決擇往往蛟螭混處  
而雅鄭之互鳴也慕古與者則刻削鍛鍊務極艱澁  
棘喉滯吻若梵唄然殆不可句而大雅之風泯矣周  
秦西京固若是乎哉文裕公儼山先生崛起東海之  
濱天才學力超邁卓絕發精英其光燦燁燁迫人

宏博而不煩古與而不晦周之典雅秦之雄暢西京  
之豐蔚精密蓋無乎不備也縱橫運化名一家言所  
謂醇潔化工芬馥宇內浩然獨立乎萬物之表者非  
先生其疇當之乎生撰著自 講筵史局郊廟臺省  
以及山川林館之品題祠墓金石之鐫刻與經史之  
折衷古今典章之辨議家傳人誦始編纂巨帙楮隻  
簡爲世至寶可謂極文章之盛矣矧先生經綸匡贊  
之業雖宣發未究而河嶽懸運之功良不可誣則夫  
先生之所以傳世垂範者豈唯文哉先生既歛神觀

集序五

化其子思發所藏彙類而成編凡爲集百卷外集四  
十卷咸登諸文梓壽其傳矣茲復訪蒐散佚隨遇劄  
錄編爲續集十卷刻附集後以傳嗚呼自古文章大  
家傳世之作未有若是其富也有之未必若是其精  
且醇也思豫皇皇乎赤水玄珠之求爲不孤矣是固  
稱揚明著之所寓也况其英敏博洽克光家學所以  
竟先生未竟之業者其在斯歟若先生之爵里名氏  
夫人皆知之茲不敢贅

江西提學按察副使致仕進封中憲大夫唐錦撰

文裕公既卒踰年文集梓成今大學士徐公既敘首簡其子楫以余與公雅有事契俾識其後未幾楫死嗣孫郊復以爲請意益弗懈昔宋薛簡肅公無子嗣子仲孺類次公遺文於三十年之後歐陽公序之稱仲孺能世其家謂薛公爲有後今郊亦文裕公之仲孺也余忍不有一言以慰答其孝思耶夫文豈易言哉必才以騁其辭識以博其趣勤以要其成然而非學無以足其用也是故淵源淡洽雋味道腴體具而氣始充識博而志乃達體有本具志或未疑則出之

集序六

我國家以明經取士士苟有志用由必專研經旨委瑣括帖以求合有司之尺度固不暇言文及仕有官則簿領章程日以困塞非石道山清峻之地解復言文永樂以來乃有庶吉士之選俾讀書中秘積學翰林以基大用卽古制科之遺意也然今之吉士實未始得中秘書而讀之惟學工之領教者限以經書課以詞賦而程試之耳公自爲舉子已能溥涉群書遊心古學及以高科入仕首被是選獨能於程限之

外益事貫綜群經子史禮樂名物陰陽律曆山經地志下逮稗官小說靡不披覽而將以勤劬生平所作無慮千數而高才卓識足以驅獲推行故摘詞發藻迥出輩流品隲精詣咸有據依見諸論著莫不合作若其端居自守不與物競慷慨激發不能與時推移立朝無幾輒見排退官雖久而弗究於大用則天下之所共知而深惜之者徐公序言旣詳之矣前翰林院待詔將仕郎兼脩國史文徵明著石陸文裕公續集其子楫旣刻前集復蒐輯遺逸以

集序七

成是編合百五十卷嗚呼富矣哉禮部尚書華亭徐公謂公問學宏博詞賦精工在國朝可與宋文憲李文正爭衡信斯言也考其篇帙實與潛溪麓堂相埒蓋公自舉進士取高第卽讀書中秘進官翰林編摩史局講讀經筵中雖宦跡邇迴間親民社而模楷成均紀綱學政典奉常職官詹終身周還於文儒之官故其啓沃宴閒粉藻極治折衷徃昔矜式髦彥旣有以鳴一代之盛而緣情體物闡揚贈處者無不領風人華袞當世下至瑣言尺牘亦皆擢瑜披錦人

傳寶之是以若是其富也抑公嘗語師道曰昔人言人未五十不可著書吾爲此言所悞五十以前志氣壯盛耳目精明不以此時有所就過此憊矣悔之何及公是時年始踰五論撰甚富而言若是豈公所謂著述別自有在而此特其緒餘耶蓋公生有美質髫卯大成才既卓越志復英邁肆意於學奔軼無前故能窮該百氏研極六籍精括天人細入蟲魚無所不窺見之論議直欲凌轢風雅軒輊盤語而究其所存則雅志於立德立功故氣節政事稍見端緒卽足以

集序八

風厲百世而卒不登大用以盡展其所蘊世方惜之其以文士名藝林固非其所屑也及至懸車之後乃作傳疑錄屬續之年方集山居經則始歛其大有爲之志以爲立言計而非向之區區應世者比然後知昔人五十著書之言似不專爲理明見定發亦以用舍語默固當於艾服決之耳而公所爲悔者其果有意存乎然公著述之旨雖若在此而不在彼而公應世之文乃彬彬作者成一家言天下學士大夫咸宗而歸之蓋惟其有立德立功之心故言必載道而氣

節政事之風厲於世又足以重乎其言則其爲不朽者莫大於是而又豈專意著述無本以出之者之可及乎若夫卷帙浩博楫必欲窮搜而並存之則邵文莊所謂道極乎變而後可以言道文極乎變而後可以言文亦欲以見公之全也昔魯南豐序王回之文片言半簡皆附而不去曰欲明深父之於細行皆可傳於後世則楫之用意其固仁人孝子之心也哉

長洲陸師道題續集後

儼山先生外集者輯畧古義有傳疑錄在史館立義

集序九

有史通會要以編修官入試院有科場條貫書法造極三昧有書輯性嗜古有古音器錄考求 聖祖刈夷之蹟及扈從 皇上行幸山陵有平胡錄及南巡北還日錄其寓遊歷覽有淮封南遷日記有河汾燕閒知命停驂錄有蜀都豫章雜抄有金臺紀聞玉堂漫筆其燕私有春風中和堂隨筆願豐堂漫書春雨堂雜抄及谿山餘話又有同異錄發明格心之業是皆可以昭世軌故人情各一家言也予究觀之其言出入四部精究七畧大昭時憲而細綜物曲蓋燕子

史稗官之要而寓經世之畧古稱大雅博達誠何以加焉公平生無他好弄飲食政事之外必與翰札相親其對晤賓客劇談指斥必古今通略尤好接引人雖卑門後進苟可與言亦氣類相許與而畢其餘論以是論著之多凡可以式獻當世付之記室無不纂錄云夫窮居抱藝之士營營卒歲猶不能自了其業乃公筮仕來外直史館內侍 講筵簪筆含香之日蓋將三十年及外補司省轍迹所至幾半天下其家居不過三數年而已中更料理酬應歲時周覽安所

集序十一

從暇乃有窮居抱藝之士爲之不逮公獨以其餘力能自廣如此公慧悟之性自少絕倫且志向遠大學有要領雖其究竟精到殆亦未嘗苦思斲力故緣情注錄體裁各具是豈恒人所辦哉吾松濱于漲海猶以名郡邑著稱初非有珪玉珠璣之產徒以人文跨越江左而已至稱大方之家則自機雲而後千數百年始得公一人焉公又出自華宗源長有委道在廊廟而埋擅民宗顧其爲志實欲匡贊當世不徒馳情藝事與文學之士相雄長而已故所述紀凡典法倫

教可以興華布措可考見于後世者靡不及焉豈非希世之俊民珪璋之偉望者耶先所次詩文集其若干卷此因各外集云 後學郡人徐獻忠撰

良俊有友董宜陽蓋雅從陸文裕公儼山先生游先生嘗語之曰余集欲不傳余有撰著數種雖不敢自謂成一家之言其於網羅舊聞紀記時事庶不詭於迷者之意矣使後世有知余者其在茲乎良俊後見先生之子楫訊之良然良俊曰甚哉著述之難也昔鄭漁仲有言夫太史公之書史家視爲準的然以亘

集序十二

三千年之史籍而踟躕於七八種之書所可爲遷恨者博不足也至於採摭未備筆削不遑故劉知幾議其多聚舊聞時補禱言所可爲遷恨者雅不足也余嘗慨歎謂爲過言迺今觀近代著述鮮能盡善則知博雅兼備太史公猶或難之昔人所云信不虛矣夫今世薦紳先生非不才質瑰瑋然皆高譚理性競事玄虛或專志藝文都工靡曼夫尚玄虛則黜聞見工靡曼則鮮懿實而著述之家惟資博雅其尋繹經史亦賴思致宏深故今世文士競爽而著述罕聞非此

其故耶間有一二相敦朴有志於斯者又以不關於  
於事故其言都不雅馴茲二者余竊病焉然余究觀  
古人文章抑孰有先於著述者哉夫世稱西漢文章  
之盛莫過武宣以今考之則馬遷次史記淮南摺鴻  
烈次公議鹽鐵子政陳五行匡鼎說詩京生傳易其  
餘說苑新序之書序論篇目既得立言之致而所載  
聖賢言語行事之實又皆後世之所樂聞而史傳之  
所不著者雖至於今學士大夫猶或因之考見得失  
他如長卿論意巴蜀嚴助風旨淮南吾丘駿挾弩之

集序十二

禁主父嚴徐陳策匡時皆可施之廟堂著爲令甲固  
虛語之流亞也豈若後世作齷齪狹室穢瑣語哉我  
朝當正德間承 累聖熙洽又 敬皇帝加意文  
儒故一時則有康澗西馬西玄奮自關中崔後渠鳴  
於鄴下李空同王浚川雄視河洛何大復薛君采高  
騁穎毫徐昌穀顧東橋與先生輩振起吳中文章之  
盛幾與古埒今讀其集非不窮妍盡工眩視驚聽然  
譬之畫脂鏤冰雖精采酷似而棄首損功終歸毀滅  
嗚呼若此者亦何取於文哉唯先生撰著成書凡二

十三家通計四十卷其於歷代典章群籍隱義陰陽  
曆律之變天文地理人事之蘊莫不畢備至若史通  
會要一書則作史利病評隲無遺書輯一編則書家  
精祕開指殆盡錄同異則敷奏詳明紀扈從則鋪寫  
靡密其序致時事則挾而婉切而中使後世潤飾王  
風者師其故實翔翔藝圃者掇其菁藻史家或有闕  
失則異代編纂者亦或有徵焉其於博雅可謂兼之  
矣但恨當世不能盡先生之用使稍當事則執此以  
徃其弛張規畫必有非俗儒所能髣髴者其視玄虛

集序十三

靡曼之習竟無所施者相去又何遠耶是刻也黃子  
實事編校最爲詳審楫又以先生之意命良俊序於  
簡末迺敢以平日之見附著焉楫能盡讀先生遺書  
以清才博識稱於江左當必以余言爲不誣云

後學郡人何良俊撰

宗伯陸文裕公卒之明年其孤楫手撰年譜既成奉  
以告林子曰嗟此先大夫生平也予嗣而弗錄後世  
何觀頽開首簡以信來者林子曰夫死生名實之際  
可無慎哉故國有史家有譜譜者揆次其平生舉名

實以備太史采焉者也然以垂信觀後非隱詞約實  
文挾而事稽者有遺論焉故士有列於朝其行業名  
世者沒而宜譜譜而不詭于實者傳若今之有位于  
朝沒而宜譜者則文裕陸公公當代名世大君子也  
其文章行世世無間知否稱公公出當弘治正德間  
方海內興文章士之游中朝稱藝文者數家公始以  
藻學雄蓋東南出而與之並驅一時秉毫翰名家者  
互爲題拂世咸宗之其得由公途徑望下風者則曰  
近思氏東南機雲也而公所與同侍禁近者又皆館

集序十四

閣之良風猷宇望炳蔚相先至英敏辨博則尤推公  
以方之 先朝宋文憲李文正云則公聲實有大者  
與信且著者已在海內品覈矣然世多以文章知公  
故所著行業不大矜耀疑以文掩據譜中所敘公生  
平率章章多可述有可當太史之采者是宜譜之以  
流陸氏之傳也夫有而不傳與傳而不能信後云者  
世並少之則陸氏茲譜其傳且信世固有定之者舉  
以例信史也豈獨備陸氏家乘哉公文章行實世系  
爵里其大者別具碑銘志傳其所履歷次序則詳是

譜則其孤楫奉以藏之家者也楫積學修行能文  
章故書錄其先人後之欲徵世德與觀陸氏文獻者  
讀是譜可考也 嘉靖乙巳夏五月吉

進士出身翰林院庶吉士後學部人林燭峰序  
五世從孫陸瀛齡重編補刊

集序十五



國朝諸名公品鑒

王弇州先生曰陸文裕公天才卓逸翰墨名家流輩見推彌布朝野詩文道健偉麗所至動人尺牘結法無一筆苟雖尋常家人語施於所親狎者亦精審適密有二王遺意小楷尤不易得又曰先生寶應雪夜翫月歌則出入北海吳興雄逸超爽有秋鵬春駿騰騫絕影之勢陸之於李歌辭不妨承鉢書法更自青冰也因合而藏

之

董玄宰先生曰國朝書法以吾松沈氏則爲正始至陸文裕正書學顏尚書行書學李北海幾無遺恨足爲正宗非文待詔所及也然人地既高門風亦峻不與海內翰墨家盤旋賞會而吳中君子鮮助羽翹惟王弇州先生始爲拈出然蘭之生谷豈待人而覆哉草堂帖所結集多文裕書與文氏父子尺牘具在世有具眼者試一

怪知余持論非爲鄉先達私也願汝錄傳仲筆出入文陸兩家而得之陸者尤多矣

莫雲卿先生曰李文正小篆八分足稱能家行書效勝國時諸人稍作意法頗露俗骨陸文裕自言吾與吳興同師北海海內人以吾爲取法於趙是意不安於趙也究論其風力實出吳興之上要之二公當代各流一語片札傳之人間皆可珍重而文裕之書識者尤爲近世莫及王

長公青冰之喻是爲得之矣

陸文裕公出入館閣幾四十年每見國朝前輩抄錄得一二事便命子弟熟讀曰士君子有志用世非兼通古今何得言經濟先儒所以貴練達朝章而魏相條晁董之對特見重於朝良亦爲此朱子有言知古不知今者葉正則也知今不知古者陳同父也既知古又知今者呂伯恭也今世學者儘有務爲博洽不究心當代事故

一問及朝廷典故及一代之經制沿革恍如隔世縱才華邁衆終爲俗學移愚齋筆記

莫中江先生曰陸文裕公崛起瀕海入韓園華放爵瓊瑤雄視一世其子楫思豫殊有父風業冠轉圍以忌者阻抑鬱鬱竟卒纔三十有八齡所存笥蒹葭堂集詩不滿百而命詞道逸屬思冲和務嚴體裁弗矜色澤文不數十而議論慷慨率依名節深切世務薄視浮榮總厥撰著非

目錄三

苟而已也

五世從孫陸瀛齡重編補刊

重編陸文裕公行遠集目錄

卷之一

冊表讚頌共七首

卷之二

奏議共六首

卷之三

序共五十首

卷之四

記共二十首

目錄一

卷之五

傳共八首

卷之六

碑共四首

卷之七

墓誌銘共十七首

卷之八

墓表誄詞祭文共九首

卷之九

行狀共八首

卷之十

銘贊共十八首

卷之十一


說引共十首

卷之十二

題跋共四十七首

卷之十三

書啟共三十二首



目錄一

卷之十四

賦共三首

卷之十五

四言言古共四十九首


卷之十六

七言言古上共十七首

卷之十七

七言言古下共十六首

卷之十八



五言律共五十七首

卷之十九

五言排律共七首

卷之二十


七言律共二百十三首

卷之二十一

五六言絕句共三十四首

卷之二十二

七言絕句共八十六首



目錄二

卷之二十三

詩雜體共十二首 詩餘共八首

卷之二十四

外集共一百三十一條

五世從孫陸瀛齡重編補刊

從曾孫陸起龍謹編

冊表讚頌

應 制擬撰 皇天上帝冊文

伏以浩蕩難名萬物被生成之德高明在上一人嚴  
昭事之誠蓋神莫尊於 天而乾實稱爲父適伸曠  
典適當躬恭惟 昊天上帝一氣感通四時成歲  
佑人家國每形仁愛之心福我邦圻益致聰明之助  
左右列聖陰臨下民迨于冲人特降大庇爰自宗藩

入繼臨御十有八年迄今 眷命維新坐受四夷萬  
國全付以君師之任宛同乎父子之傳每荷 元慈  
深慚克肖陽爲賞陰爲罰懋成亭毒之功日重輝月  
重輪廣運中和之德勉圖報稱莫罄名言惟是尊崇  
載揚大美彼清虛一大之說已涉不經况郊禘六天  
之文僅成巫史慨自周家制作之後沿於漢儒傳會  
之餘魏晉傷繁隋唐過濫自茲以降曾何足云欲章  
無二之尊頌洗千古之陋惟我 祖考若未暇於一  
朝顧此典彛如有待於今日是用請之 九聖告于

百神恭上 寶冊曰 皇天上帝庶明王宰之大義  
用極尊親之至情裕後光前郁郁之文斯在居高聽  
下愷愷之量維容伏願穹顯居歆羣黎徧德精誠仰  
達永承黍稷之馨香 明照俯臨尚冀牛羊之右享  
敢昭 鴻號敬藉休光

應 制擬撰請慈表

伏以昊天罔極難名鞠育之恩日月不居永抱幽明  
之恨屬嘉平之四日憶昇舉之初年情若茹荼叩地  
號天之靡及事同逝水瞻雲愛日以何從倏屆大祥

再移寒序園陵迢遞悵迷漢水之風煙几殿悲涼愴  
履玉階之霜露雖禮有盡於先王之制而哀難窮於  
孝子之心欽惟 皇妣慈孝貞順仁敬誠一安天誕  
聖獻皇后聖靈慈儉性成睿明天賦昔佐 先帝德  
昭彤管之音肆佑躬躬運啓蘿圖之祚俛天作合流  
淑化于二南儷極居尊正毋儀于四國詎意曜輪匿  
景月殿淪輝六宮莫睹於風儀萬姓盡同於雨泣白  
雲千載仙遊之歲月何長玄序三冬人世之光陰易  
邁特假昇玄之醮用伸追遠之誠恭陳鳳座於玄堂

蕭迂虬軒于丹陛伏頌白蜺青駟並嚴駕以遙臨蘭  
殿椒房覽故宮而延竚咫尺儼如存之日清虛登極  
樂之天璠饌瓊羞少設崑丘之宴寶燈華燭暫爲絳  
闕之留鑒坤子之至誠洋洋乎如臨其上眷諸孫之  
在鞠煦煦然若寘于懷遺麻誕集於 宮闈景福永  
綏於 廟祏

應 制擬撰追薦 皇妣 獻皇后青詞

伏以 慈靈厭代載逢諱日之臨寒序疑冬彌切履  
霜之感念劬勞之莫報顧愴惻以何伸世隔仙凡日

冊三

極蓬山之路寢留風木淚添楚水之波蕭啓 皇壇

恭陳醮事伏願 上帝垂仁羣真敷鑿詞通悃幅開  
函於玉宸之前思布祥光弭節於金庭之內蕊珠夜  
誦侍庭御以同遊青雀西飛導 慈輿而遠至慶流  
胤祚介麟趾千億之祥福被家邦鞏金湯萬年之固

應 制擬撰追薦 皇妣獻 皇后讚頌

伏以 慈闈誕育萬年開帝世之勲仙馭遐征永日  
灑天家之淚驚歲華之易邁期屆大祥念 母德之  
難酬恩垂罔極庸假熏脩之典用資昇薦之因欽惟

皇妣懿靈嗣姪之微陰教夙成於官壺翊昌闕  
之運聖功覃被於寰區受祉介祺正享形闈之養乘  
雲厭代竟爲蓬島之遊叩天地呼神明嗟何及矣在  
羨墻入夢寐如或見之以今迓聖玄都敷筵紫禁供  
十華之道果有饒其芬酌九醞之霞觴維醺且旨伏  
願洋洋矜靈穆穆若歆紫鳳臨軒羅梵氣於散花林  
表蒼虬翼駕現真容於五燭光中仙吹停音雲篇奏  
偈偈曰 太皇雲駕去昇天霜霰玄冬已二年賴有  
聖真垂接引慈儀來駐法筵前祥節逢初臘弘開款

冊四

聖筵慈馭引羣仙香霧裏感華年

伏以 圓景駿奔仰星回於碧漢浮光焱激躔日會於  
玄穹憐歲序之將週矧祥辰之甫及終身永慕明發  
有懷感與時來莫報三年之抱禮因義起聊伸一日  
之誠擬罄丹衷敬資黃籙欽惟 皇妣懿靈孝慈成  
性恭儉宜家荷春命於三靈祥開華渚正儀刑於四  
國化始汝墳懿範徽音允矣女中堯舜鴻名美號至  
哉天下尊榮豈期遽棄人間自是仙遊物外悵音容  
之莫覩路隔西池賴精意之能通筵開北極伏願徐

引靈班暫造溫席出洞府以來臨聖瑤壇而戾止酌  
水獻花延羽衛於極樂世界考鐘擊鼓接懽娛於清  
埒人天恭上明香併陳法部偈日髣髴慈輿度碧空  
瑞煙初裊上陽官身居貝闕龍天上心在兒孫社稷  
中慈皇祖二載霜露切悲傷寶座薦瓊觴來舂蠻格  
洋洋

伏以寒威奄至益增風木之悲日月其除長廢蓼莪  
之味禮服以中月而禫仰報無階道範歷萬劫爲宗  
皈依有在爰伸孝感仰借真詮欽惟 皇妣懿靈端

冊五

一誠莊德配坤貞之厚安和恭儉道扶乾健之亨發  
盞斯麟趾之祥昭卷耳葛覃之化介之繁祉方永承  
千歲之歡乘彼白雲豈料棄萬邦之養恭脩玄典罄  
瀝丹衷飛雲章奏玉檢請命帝庭薦時食陳裳衣奉  
安靈瑣伏願霞光燭地恍瞻華翟之儀月曜臨軒快  
觀鳴鑿之駕鑿茲孝享回朗照以降洪恩賚我思成  
樂道遙而登霄漢偈日颯颯雲煙傍禁城遲遲更漏  
轉寒更龍帷玉几三年淚碧海青天萬古情碧落歌  
空洞鯨音動汝家待曙想鸞鑣思昔日寢門朝

伏以駟隙馳光塵世俄驚乎一瞥桂輪隱曜玉容莫  
覩於二周禮制有終曷罄子心之報孝思無已難忘  
毋德之隆欽惟 皇妣懿靈積德興邦啓萬年之景  
祚施仁翊化揚四海之德音休徵應堯母之門淑惠  
協舜妃之譽仙遊闈苑侍玉案以周旋駕返遙天騰  
綵雲而陟降霜寒寶樹慈烏徹終夜之悲月滿遼城  
化鶴引千年之恨湫龍潮而不見瞻象服以猶存攀  
號莫罄於宸衷昇薦特資天道力伏願霞冠雲履暫  
離蕭鬱之宮紫蓋緋輪少駐凝華之闕脯八麟而腊

冊六

九鳳遶豆靜嘉酌桂醕而奠椒漿韶鈞合奏右享惟  
傾乎至敬來歆庶慰於遐思載振琳琅式宣寶詠偈  
曰瑞駟鶴駕絳靈闈瑤樹琪花得暫攀禮罷上真哀  
更切分明玉几見慈顏鳳吹和雲裊天香合殿飄瓊  
館斷塵鷺停法駕謾逍遙

伏以迺白雲於天際莫返真遊灑甘露於筵中式陳  
駟薦禮虛皇而披寶錄繁珍饌而啓雲厨對揚罔懈  
于誠將享必由其敬欽惟 皇妣懿靈言容莊敬性  
道希夷貽寶訓於宮中絃絕是則正好儀於天下禱

翟使尊方娛至樂於含飴俄結深悲於陟屺今者黑  
帝歸寒蒼冥司今日晚晚而忽落夜綿邈以何晨撫  
景嬰懷歎坤儀之益遠感時潸淚嗟慈矩之長遠恭  
按玄科肅陳淨供伏願鑒觀伊邇陟降有靈宴玉樓  
壇室之天式遊以息泛黃竹青尊之薦來格而歆讚  
誦宣揚官商合奏偈曰蓬萊宮裏是皇家青鳥書傳  
路未賒猶似當年稱壽日鳳笙龍管醉流霞飛霞嚴  
冬候哀親思轉重遙盼紫霞峯疑髮髯見慈容  
擬中元節追薦皇考皇妣讚撰文偈

冊七

伏以節屆中秋灑氣應星樞之運天垂普度孝誠感  
霜露之期覩大火以西流萬寶將降而圖報儼英  
靈之如在一心有象以思成欽惟 睿宗獻皇帝與  
大爲體陞降恒妙乎帝旁隔世如生音容每瞻乎法  
座 章聖獻皇后厚德承乾懿闔存萬年之鑒聖慈  
裕後祥光延百代之長伏願雲馭同臨鑒孝子蘋蘩  
之薦法音並聽享玄都花果之誠靈風倏俟於逍遙  
餘澤尚資於解脫仰瀝丹忱用宣寶偈  
龍舞天上不能攀鶴駕三閭未擬還玉几金爐香

縹緲秋光滿日儼容顏

伏以玄都寶蓋人天共秋氣之澄鮮秘殿瓊筵水陸  
備時新之芳馥聊表仁人孝子之至意肅肅遙將爰  
酬父天母地之深恩洋洋如在恭惟 獻皇帝至德  
無名仙馭已升於天上玄通有鬼神遊尚接乎人間  
再惟 獻皇后誕育神堯過曆已占天定同符太妣  
端闈式著母儀伏願頃刻來臨瞻霄漢龍鸞之駕精  
誠上饗聞風雲環珮之聲陰功普濟於塵寰仙路超  
遙於物表雙靈共慰萬法齊慶

冊八

碧天如洗動秋光寶月初圓助晚涼金殿玉筵將  
孝享雲衢仙路共微茫  
伏以曆府授時七月已過其半仙官校籍三元適會  
其中慨光陰之冉冉牲品無期荷功德之綿綿椿萱  
有恨恭惟 獻皇帝曆數已歸遜大美於南服天心  
彌眷鍾餘慶於躬躬再惟 獻皇后作則坤儀聿脩  
內教儉勤行江漢之化慈寧覃寰宇之恩伏願 龍  
旂鳳輦少回雲表之遊玉振金聲暫聽人間之樂孝  
誠勉竭於涓埃精爽潛孚於天地法侶宣音和聲敬

獻

信有神仙白玉京芝嶰羽髮彩雲輕遙瞻 二聖  
雙旌引無限人間孝子情

伏以開闢風生又變炎涼之候孟蘭會啓式陳水陸  
之珍妙曩猶存恨音容之漸遠羨靖如見奈營咳之  
難聞恭惟 獻皇帝聰明睿知之兼全每懷玉繩雷  
電風雲之際會惟事龍潛再惟 獻皇后育聖鍾神  
久啓貫月繞星之瑞辭煩厭代暫遊瑤池閩苑之都  
伏願命駕下臨於法座鑒明德之維馨九天暫駐乎

册九

仙驅養孝思之如見徹幽明而感格瞻雲物之徘徊

敬發瓊音恭呈玉饌

玉几香凝綺席張金莖露下碧空長珍羞寶饌依  
然具且薦天厨一味凉

景雲頌

惟我 皇明傳世九葉今 天子嗣大寶之十有七  
年九月景星見於巳位五色單具爛然成文冠日而  
興若華蓋之狀于時 天子方脩明堂講配位著兆  
既協禮儀僉同將以吉辰有事于奠獻天意若曰文

德至矣有如此雲萬口誼謹以為 聖德感格如影

隨形而 天子方退然不居特下 明詔歸於默報  
世聞之古記云天子孝則景雲出游伏惟 聖上重  
新九廟尊上 徽號本根終始之禮質文交盡可謂  
孝之至矣又聞之德至山陵則景雲出伏惟 聖上  
春秋霜露親謁 諸陵江南泗上葦飭備舉下至草  
木鳥獸之微生成咸若可謂德至山陵矣又按天樞  
得則景雲出伏惟 聖上剏製園丘審邇 宸極禮  
樂脩明效法園運屹然有居中馭外之尊萬世永賴

册十

則天樞得矣道是眾美而眷祉方新有煥天章悉以  
類應豈一德一行偶以希合致哉臣以文墨事 聖

天子輒敢忘其麤陋撰成頌篇雖不足掄揚萬一庶  
以明區區之職分也頌曰兩儀奠位惟皇繼天山川  
出雲有開必先明明我皇履方體圓毓靈江漢比德  
蒼玄誕膺寶籙龍耀百川殷邦靖嘉義畫契傳撫世  
御宇何德弗全堯文舜孝禹烈湯虔郊廟儼若山陵  
惕然尊親饗帝禮樂經權文成有煥蹟邁無前祥由  
善致氣以理宣歲舍戊戌土德允堅時維秋季離巽



星躔太陽麗正風候暄妍有雲五色若抱若懸爲章  
霄漢非霧非煙綵纈晃耀縹緗聯翩至和攸萃積慶  
綿連萬目快覩衆口垂涎額手蹈足裙袂踴躍惟皇  
聖德克配彼天子孫千億麟趾闐駟皇風清穆九有  
八埏詎曰昭鑒符瑞稱賢小臣作頌以告萬年

瑞雪頌

嘉靖庚子歲行將除 皇帝禱雪於西內重民命也  
天意若曰數有適符物以期致者非所以彰靈貺而  
蒼至精也乃明年辛丑元日戊子之辰誕降瑞雪颺

冊十二

空覆地爛若銀海明日再降幾盈一尺于時萬國來  
朝四夷畢至被冒掀舞於大庭之上稽首百拜咸稱  
萬歲都城士女喜忭奔走於六街九衢之中歎未嘗  
有遠而望之皜皜無際灼然豐穰之兆矣是宜頒瑞  
四方而頌聲作焉臣謹按雪者五穀之精也尤宜三  
麥夫穀晚成而麥早早晚咸宜民命厚矣其瑞爲大  
又按庚者更也辛者新也是雪之降若更其舊而維  
新之從斯所爲瑞抑又大焉謹獻頌曰后惟玄聖道  
通于天風雨霜露無感不然爰念粒食惟茲素雪協

候應期以屆嚴節皇穹蓋高其聽則卑我后明德響  
應是隨帝曰不遲三陽五始乃召滕六乃呼巽二重  
雲密蔽玉潔珠輝來牟之慶徧于九圍優渥霑足黍  
稷種陸遺蝗載驅愆陽盡伏我后明明既安且寧玉  
樓瑤砌垂拱穆清增高益下踰尺盈丈與化俱融何  
物不養瞻彼流泉聿成江河皇澤斯沛與潤孰多普  
天薄海以遂俯仰一人凝和參三贊兩凡此雪瑞函  
自后衷小臣作頌以表膚功

五世從孫陸灑齡重編補刊

冊十三

從曾孫陸起龍謹編

奏議

陳愚見以禪 聖學事臣遭際 聖明備員講讀昨  
因講章未安特於文華面奏臣特有 陛下堯舜之  
玉耳果蒙 溫旨非臣捐軀所能報也彼時威嚴之  
下未盡愚衷先行犯禮故退而待罪方將具論所以  
不意又蒙 恩旨是 陛下既有之幸而復誘之使  
盡言誠千載一時也臣請盡言之伏惟 聖明采擇

奏一

馮臣謹按 經筵一事關係匪輕輔養 君德尤為  
首務因以策勵臣節者亦不少也何則 君父在前  
感顏咫尺為之臣子者儼然拜起布義陳詞說孝說  
忠說仁說義說廉說耻說禮說讓若使反之於身而  
一無所有鮮不至於愧汗而聽者誰則信之故必勉  
加脩踐之功而後可收感孚之效是以講章必出講  
官之手者其意蓋在於此非徒以便誦說為也然須  
有溫潤之氣以具告君之體此非輔臣鮮克舉之所  
以必送 內閣改定者誠欲畧去麤疎鄙野之狀以

養大親近儒臣之心其意又在於此非徒以美文辭  
為也臣竊思之熟矣豈敢不顧舊規而行已志若以  
此勸講是未誠也何益 聖學當時面奏講章義理  
多未浹洽所包甚廣意不止於文辭已也伏讀 聖  
諭益增戰兢是臣之愚倉卒未能上達爾且今內閣  
無所不統舊規俱帶知經筵學文皆老於文學之臣  
講說更改宜有精義者此特小節耳第使講章盡出  
內閣之意而講官不過口宣之此於義理深有未安  
而文字相感之道遠矣此臣之所為諍也伏望俯察

奏二

愚誠特 論內閣只將講章一節優容臣等各陳所  
見而內閣因得以考觀臣等之淺深至于義理往復  
蕪潤迭加何所不可豈止於閱看而已臣愚意欲請  
自訓詁衍釋之外於凡天下大政事大利弊皆得依  
經比義條列類陳庶幾九卿百司有行之而不能盡  
給事中御史有知之而不敢言司府州縣有負之而  
不能達者皆得以次上聞則 主勢日尊 聖學日  
遠而臣等亦得附之以進脩矣區區一得之愚如此  
此臣之心也臣少而慙愚晚年悔過荷蒙 陛下特

達之知每欲因事納忠以佐維新之化特患無路耳若復不知服善希變舊章則死有餘辜矣更何面目復望清光乎伏惟 聖明垂察則臣之効忠者方自此始耳

貪酷官員枉法人命重傷憲體等事據山西太原府陽曲縣學生員劉鏜家人劉鉞抱告七月內本縣將劉鏜叔父劉文宗僉作社副比時文宗不在彼老人王良將鏜父劉文寬朦朧呈縣不料知縣某當將鏜父痛打監禁釋放擡回重傷身死等因隨據知縣申

奏三

稱建立社倉僉報正副據王良呈稱劉文宗抗拒隨拘到縣問擬不應杖罪不知因何病故劉鏜倚恃生員節越各衙門妄稟等情各詞到臣俱經案候外臣先與按察使潘鑑一同回司忽見門外跪一生員叫聲有父被知縣打死臣與潘鑑言或是膚受之愬諭使且去臣在提學道復見前生枝狀問汝父果死否答言已死三四日矣臣始惻然曰此狀該赴察院按察司告如有冤枉方與伸理臣同三司進察院作揖出至門外知縣某慌忙跪告曰有一生員父死糾合

生員四五十人要行報復臣合聽事吏探看隨同三司出門止見劉鏜一人裹頭在外餘無所見臣與潘鑑言昨日赴道告訴亦是至情該與准理潘鑑委曲對臣說昨日曾見此告但前日是察院放告日子彼既不受我不好受他臣曰此非憲體須吏人來報察院將劉鏜褫去衣巾責二十上手鈕發太原府監其人垂命矣臣愕然曰何得有此不曾見世上人父親被人打死察院具告不准按察司又告不准本道又不能准又遭非法刑打如此且衣巾是 祖宗制

奏四

服必須結罪退黜仍與本道知會方可施行無乃侵奪職掌乎凡徒罪以上方上手刑今罪狀未白遽施此酷無乃有乖憲體乎只得一面令人分付太原府囑其且顧性命而已明日月望臣請文廟行香畢見一老婦持狀號哭諸生環告冤苦臣亦爲之墮淚慰令各散復進察院作揖延至後堂三司旁坐茶話臣畢出至前堂候立間左布政使楊叔通按察使潘鑑上前稟說此事臣與都司馬縉却立以俟但見御史某微笑說知縣某來稟故將刑責亦是他父子之情

上手鈕頗重了我心不安送按察司罷臣對三司曰父子之情刑具之過幸大巡已知之我輩可以忘言矣至十六日復進作揖如故此時御史豫作怒色厲聲曰如何秀才們糾合四五十人扛打知縣便是知縣打死一人豈可便提對理况某知縣是個好官衆秀才們却去太府都府告狀色微在臣從容辯解曰秀才不曾聚衆三司共見若知縣賢否自有耳目父子至情刑法已過兩言甚明只此可了不須張皇釀作大事方始笑領却向潘鑑又說知縣余昇問賊

奏五

一百三十兩也中一場進士來可與賊免些鑑曰此賊該給主某又笑曰若是給主可補虛領子罷鑑承命而起不知向後作何處置臣日逐聞見如此爲之驚駭且父子天下之至情也父死非命竟無控訴之地止餘一子排入陷坑察院按察司天子之耳目也全不奉法惟任一已之私敢於庶姦有同淵藪非聖世所宜有也仰惟皇上好生之仁同符堯舜而山西之地密邇京畿豈容賣弄威福顛倒是非一至于此臣今忝法官不得不爲陛下言之察照知

縣其兇虐之姿貪饕之性所犯實跡逐一開陳此特臣之所知耳臣之所不能知者尚多也但其憑仗錢神乃爲因糧假道之計合無先行罷黜特勅法司差官根究再照監察御史某不諳大體動違憲綱知善不舉見惡不拿委的失職此特據臣之所見耳臣之所不及見者尚多也但恐別有所長似非堂下之人能辯合無候其回道之日特勅都察院嚴加考察度幾國法正而治功明矣

奏六

舉勅臣過失均蒙勅下都察院看詳公論有歸臣不敢辯臣自劾求退未蒙允俞伏地瞻天復有所獻仰惟聖明納察焉臣聞人有則政舉名正而言順夫所謂名者自君臣父子之大以至官僚稱呼之間皆名也亦皆政也名必有義義必有稽稽而後正故曰政者正也無稽則無義無義則言不順而事不成故曰政息今某之言可謂無稽矣姑據其一二請以大義裁之夫御史之與按察使副使僉事等均爲風憲俱名察官體分中外同也至于交際之間尤關國

體伏覲憲綱所載送迎坐次之儀得相主賓而非統攝臣謂兩長可以相形兩短亦可以相示何則按察見御史之長則當尊而敬之曰此天子之按臣得體也御史見按察之長則當旌而薦之曰此一方之人才可用也是之謂兩長相形御史見按察之短則當隨事舉劾按察見御史之短則當指實奏聞是之謂兩短相示凡此皆出於至公而不容喜怒愛憎之情與於其間貞肅之本意初不外此臣等所宜自靖自獻以爲執法執中皆職分內事也某不及此而喜

奏七

作威福毋列三司於兩旁悉欲鞠躬罄折於前惟其言而莫違然後謂之無異議不知所議者何事也弊政亂名莫甚於此某本小器而又不學徒懷疑忌之心不知義理所在一旦聞臣奏手足無措漫爲不經之詞意在挾制孤危遂成欺罔聰聽臣甚惜之若謂體統各別猶有可諉至謂督率司官則又無稽之甚者臣請復爲分疏之我朝祖宗損益三代以位置百僚內設五府六部外建都布按三司實有臂指相使之勢品資等級殆猶麟初故府部謂之大臣

三司謂之方面皆附麗天子以制名者也三司自五品以上吏部舉用其名雙請與兩京堂上體例一同若六部之諸司則謂之司官郎中員外郎等官之於尚書侍郎則謂之堂官臣等三司視各府州縣等官則謂之屬官此司屬之所由分亦各分之所攸屬是或有督率之義存焉至如臣者備員提學欽奉制勅內有提督表率字樣方敢名爲督率某今妄認方面爲司官而欲一槩督率之不知是明旨乎是舊例乎第恐天下後世有謂我朝方面官曾受御

奏八

史之督率實自臣始竊謂此名不可不正也且御史積有資望方得推陞僉事而副使之陞則御史之極選由此以上則謂之超遷不次矣如某所言則尚書侍郎亦將遞遷爲郎中員外郎乎其爲寡陋疎率若此不知將何以副陛下之任使哉又如劾臣不行呈稟撫按照得提學職事原與撫按不甚交涉貪酷害人許受訴詞此係奉行勅書臣固不敢以一人之私忿而遽爲之前却恭惟皇上正名定分之志又在修正會典之時臣感戀舊恩每思報効於此

豈敢循默而自取嫌避哉推求弊端皆由臣等不才  
三司諂佞阿附要求保薦以爲進身之階所以養成  
驕傲之御史敗壞陛下之紀綱此弊不可不祛也  
伏惟聖明特下該司會議凡有舉劾當視巡按者  
之賢否以爲黜陟凡爲巡按當考舉劾者之當否以  
爲殿最凡遇接管巡按之際再加精擇貫魚行鴈之  
選宜一洗而更張之著爲憲章載之令式咸使遵守  
庶幾內臺不至挾權以相陵外僚不敢希求以獻諂  
名義既正弊端自清言順事成而禮樂可興也

奏九

誅竄猶爲有光况於毀譽進退之間哉  
稽古禮以崇祀典事臣聞禮可以義起事待人而行  
竊照本監文廟春秋二祭累朝列聖制遣元臣  
主行羣僚陪列迨我皇上紹統克懋前脩益弘敬  
理可謂情文兼備無所間然者矣顧秋祭正當伏暑  
之餘炎蒸猶存誠恐陳設犧牲不無變動殊非馨香  
潔清之義臣思之至熟義有未安謹按周禮祭祀共  
冰鑑以禦溫氣記又有之曰伐冰之家祭祀用水夫  
秋暑何止於溫氣文廟難同於世家况於天子

之所饗者乎又按凌人冰政經見禮詩實聖人燮理  
之方而祭祀之用爲急知神明感通之妙而備物之  
意當求伏乞淵衷多賜裁度悉脩冰鑑之儀以爲  
復古之兆仍下所司永爲遵守庶幾神明饗而和氣  
應矣

處置鹽法狀

近日伏見兩淮長蘆之間商賈嗷嗷怨聲載道問  
之皆云勢要奪其利故也臣謹按鹽課一事本因海  
澤自然之利以克邊方緩急之儲於國計甚便然使

奏十

朝廷雍實惠而不下商賈畏空名而不來則鹽亦甚  
矣祖宗時設立各處轉運提舉等司僉竄以辨稅  
置倉以收鹽建官以蒞政設法以開中其要在於通  
商而已大抵商益通則利益厚此立法之本意也且  
窮邊絕塞輪轉極難之地而能使商賈挾貨負重以  
往隨令而足比至戶部給引派場涉歷萬里動踰歲  
年又况守支存積徒冒虛名仍復買補魚貫聽掣其  
辛苦如此勢要之人妄干恩典動以百萬往參其  
間爲陵假借支則盡支掣則便掣所經官司曲爲奉

承雖憲臣亦將有投鼠忌器之嫌彼將何憚而不爲乎小人營利之心寧有厭足大率彼通一分則此塞一分自然之數也夫能得商賈力以利驅之耳彼既以有利而來亦必以無利而去又自然之勢也矧以彼之辛苦對此之徼倖交易之間又相懸絕坐使自然之利上不歸於朝廷中不在於商賈下不藏於民間雖天地亦將厭棄之臣實懼焉仰惟 皇上軫念立法之本意勸惜 恩澤不妄施與然後其他條畫次第可舉行矣臣又按今天下推鹽之地兩淮爲上

奏十二

兩浙次之而弊端亦於二處爲多然尤大壞鹽法之端有二焉其一則竈丁苦于兼併其一則今日勢要之侵利是也然於兩浙又微不同大抵壞兩淮之鹽法者多勢要壞兩浙之鹽法者多私販而竈丁之苦則一而已矣蓋淮浙之鹽出於人力非若河東天造地設不勞之利也其法在於曬土爲鹵煮鹵成鹽以鹽納官然而逋負多而國課損者何也夫欲曬土必有攤場欲煮鹵必有草蕩今之場蕩悉爲總催者所并而鹽課又爲總催所欺竈丁不過總催家一傭工

而已煎煮之法名存實亡而總催者下欺竈力上負國課百計遷延以覲一赦而已伊欲處之在於盡復竈丁之場蕩而盡懲總催之姦欺則其弊可息矣浙中私販之徒以拒捕爲常以殺人爲戲驟不可剪則比之勢要差爲易處苟使出鹽之地捕其買者之市家行鹽之地捕其賣者之市行而悉置於法則其黨可空矣非若勢要之家蛇蟠邪翼不可一旦去也今且得清兩淮長蘆之鹽利者雖曰朝廷業已許之然終非法意臣以爲與其壞天下之大法寧傷數人之

奏十三

私恩必使小人之姦無所容而後已夫上之衷中盡歸於商賈下之場蕩盡歸於竈丁則商通課足而鹽法不行者未之有也謀利之事君子所羞臣恐利未興而害作故得備而論之謹狀

薛文清公從祀 孔廟議

臣謹按祭祀之義本以報功而孔廟祀典實爲傳道夫聖人之道大矣遠矣今六經所載皆聖人之道也有能以六經之道蘊之身心是曰立德發揮六經之理見之政治是曰立功講明六經之文形於著述是

曰立言夫德以建極也功以撫世也言以垂訓也凡有一於此皆應法施於民之義故祭則福焉類則歆焉靈則妥焉神斯享矣此孔廟祠祀之所緣起非徒以彌文爲也顧世儒之論從祀者每多責備於著述之文而於道德之實若在所後蓋有見於祭法報功之說亦以孔子刪述之功居多而祀典皆在教學之地故爾臣則以爲聖人之道本末一貫謨訓功烈以特而出初無意必於其間也其在後儒不得不與時而爲升降此祀典之所以品節也自今論之孔門七

卷十三

十二賢親炙聖化相與講明有翊道之功故宜祀秦火之烈典章焚棄故二十二經師口授秘藏有傳道之功宜祀魏晉之際佛老僉興故排斥異端者有衛道之功宜祀隋唐以後聖學蕪故專門訓釋者有明道之功宜祀自程朱以來聖學大明學者漸趨於章句口耳之末故躬行實踐者有體道之功亦宜祀此皆出於人心之同然而無事於一毫之假借故曰禮以義起又曰天序天秩此之謂也欽惟我朝 列聖純以道化天下表章六經不遺餘力名臣輩出足

配古人然知以理學爲宗者實自瑄始考其平生出處進退言論風旨其不合於聖人之道者鮮矣况生當程朱之後素尊程朱之學而反躬實踐復性存誠所以立其德者亦足以救末世支離之弊習其於世教似爲有功揆之祭法亦應有合但先年亦嘗建議從祀先臣劉定之議以爲瑄實名臣勤學好問歸潔其身無愧文清之美謚至以較量朱子之門人高第微實不滿故斷以瑄祀可無施行蓋其愛護祀典之嚴也如此後來公論有曰本 朝理學一人有曰今

卷十四

之真儒當入孔廟有曰比元大儒當入從祀有曰潛心理學當入廟庭有曰有功名教脩食無忝蓋其推崇尊慕之至也如此雖然是非必久而後定禮樂待人而後行今 聖明在上議禮考文正其會也 臣又按古人制祭祀之禮雖日報功其意又在風勵後來蓋欲引長其道以爲世教計也是故孔子之祀通於萬世則孔子之道行於萬世豈徒以籩豆裸獻云乎哉若使今之爲士者皆能如瑄之爲學則言行功業必有可觀於世道何如也所謂法施於民者莫大於



此仰惟 皇上申興德冠千古行聖人之道得聖人  
之統主張斯文蓋亦有年如瑄者河津有特祀矣太  
原有專祀矣必欲鋪張一王之大典以表章理學之  
有人羽翊聖門風勵來學則從祀之選非瑄不可謹  
議

五世從孫陸瀛齡重編補刊

陸文裕公行遠集 卷三

從曾孫陸起龍謹編

序

擬進同異錄序

愚才拙器疎力小圖大故嘗狹陋漢唐之治思欲  
致身霄壤之朝恭遇 陛下繼統御極天縱性成真  
堯舜之主也千載一時益思自奮第愧誠意素薄不  
識獻納之宜言出禍隨動與罪會仰賴 陛下仁聖  
曲賜保全尚與衣冠之列昨自 講筵出佐延平延

序一

平實文獻之邦楊羅李朱四賢之遺風猶在水土相  
宜職務易稱 臣頗得以讀書向學每見先儒議論有  
切於大典禮大政事者手自劄錄未及三月又蒙  
陛下特超常資付以山西學政俾列憲臣增還舊秩  
非臣捐糜所能報也比至山西巡行之暇偶出舊編  
竊加銓次分爲上下謹用繕寫上塵 乙覽伏惟  
聖人之學貴得其要 帝王之務在知所先儻事博  
覽汎觀殆非神明化育所以無聲無臭之妙也頗恨  
時日有限文籍少隨不免挂一而漏萬譬如涓埃何

益海嶽然哀多益寡之志終存而萬折必東之性難  
改篇伏自念臣本農家僻居江海之上兼有藏書可  
資考索衣食所餘足備筆札之費儻蒙乞 賜骸骨  
少假歲時臣當部分首尾兼總條貫勒成一家之言  
庶爲 萬幾之助固知可否若蹈淵冰不勝恐悚待  
罪之至臣謹序

### 重刊周禮序

周禮一書說者以爲周公致太平之典或又曰戰國  
時書也議周禮者持此兩說久矣謂其爲周公者以

其廣大悉備周萬物而不遺輔三才而皆當非聖人  
不能作也謂其爲戰國者以與孟子王制不合又謂  
下至輿阜之事皆備書疑周公不如是之猥瑣也皆  
有所執故卒不能合嗚呼秦火之後載籍散亡失次  
惟易爲全書而諸禮之病尤甚蓋自戰國諸侯惡其  
害己已盡削之故諸經亡於秦而禮尤先焉者竊嘗  
謂是書實本於周公而今之周禮則散失之餘者也  
或又曰未成之書詳其規模亦既備矣漢興諸經書  
稍集而是書獨亡冬官一篇至購以千金不能得河

間獻王始以考工記足之足之誠非是也向歆父子  
尊以爲經馬鄭諸儒與唐孔賈氏皆有注疏然但承  
河間之舊而已至宋諸儒力校群經號稱有功而於  
是書亦略迨俞廷椿始爲復古編以爲冬官不亡特  
漫入五官中耳於是刪取五官之羨餘與無所附麗  
者以爲是真冬官也吳澄遂考註之以爲周禮復全  
彼固有見爾其間亦有不類冬官者要之竟非全書  
也大抵法因時異治以道同善復古者在彷彿而行之  
耳竊嘗讀是書而有感焉以爲良法美意盡此則幾

序三

於王矣古之人有用之而卒以敗者其故何也抑亦  
存乎其人爾苟存乎其人雖得其意而遺其法亦可  
也善乎程子之言曰必有關係麟趾之意然後可以  
行周官之法度信若是則是書之全闕又在所不必  
較者矣雖然必有得是書於言外者因重刊之而非  
著其說如此云

### 兩浙南關志序

南關今兩浙征權竹木之所在杭城候潮門外故曰  
南關定制歲 命工部主事一人領之設自成化間

未志也志之者薛君尚遷也志成深適來視學而序之序曰征權國計之大而亦天下之大利也計大寔煩利大近賦士大夫有避而不肯爲有畏而不敢爲者事至於不肯爲與不敢爲其弊可勝言哉此尚遷之所爲志也志建始則永終之道得矣志闢厥則體統之義明矣志宦紀則交代之際慎矣志人後則小大之分辨矣志事例則綱目之理該矣志課單則新故之跡詳矣志淺船則資利之意深矣志條約則告諭之體嚴矣志因革則經權之宜審矣志事宜則變

序四

通之方廣矣志器用則愛養之心博矣志藝彙則性情之用明矣以是理煩以是滌膩夫何弊之有凡此皆尚遷之志而此志之所爲善也尚遷名僑潮名家明於體用之學故雖小事不爲潔已雖大事不爲私已若斯志可以觀已

榮陽鄭氏族譜序

莆田鄭君敬範重修族譜成視世所有姓氏之書特爲訂整無失次無闕文義例森然上下三千餘年枝分派別儼若敘昭穆於一堂之上可以言仁孝矣題

曰榮陽鄭氏之譜莆田榮陽出也按鄭本姬姓蓋周書云宣王之弟友封於鄭是爲桓公詩之風所敘繹衣之鄭是也其後散處蓋以國氏云按榮陽之鄭在唐最顯敘於四姓八族之中至不得婚媾餘姓而於是取相才焉故鄭氏之相唐者衆矣今啓範所據以校定是譜者實本於唐書宰相世系之表在宋則夾漈之漁仲號稱大儒博雅淹貫頗嘗是正焉信乎故家文獻之足徵而鄭氏之多賢也夫狀元宰相世所榮貴傳世之眷厥維文章是譜咸有焉則所以承之

序五

後者宜有道矣啓範奮然繼諸父而爲是也蓋有意哉啓範志甚古學甚正年力甚富不朽是圖有光斯譜非啓範誰望哉雖然由啓範而上吾不知其幾世也將於是乎衷之由啓範而下吾不知其幾世也將於是乎開之彼富貴顯達不足言也功業聲華之美其輕重茲譜也果何如哉深不佞卒讀其書而歎曰休哉其神明之裔乎備哉其典則之萃乎遐哉其耆舊之家乎懿哉其嗣續之昌乎以神明之裔光有功也典則之萃傳將遠也耆舊之家蓄必厚也嗣續之

昌後則大也皆不可以不序若其世次則自封國之後有過江之派有入閩之派有南湖之派有桃源之派有入城之派城莆城也至於啓範桃源之十九世過江之三十九世入城之八世也其諸郡望自榮陽之外有河南之鄭有咸陽之鄭有京兆之鄭有南海之鄭有北海之鄭有丹陽之鄭有東陽之鄭有泰山之鄭有晉安之鄭其諸閩聚自莆田之外有興化之鄭有仙遊之鄭其在莆田者則故址前埭後埭上埭劉橋楓嶺桃源其在興化者則洋頭後厝井門上下

序六

龜上下溪大田竹演永泰其在仙遊者則暈橋白湖盤石柘山埔兜赤湖烏石鄭塘北鄭市西鄭雙峰鄭縣市鄭潯陽鄭溪東溪西鄭咸祖三公云三公者露莊淑也故曰閩無二鄭其所由來者遠矣深偶記唐乾寧中司空表聖作榮陽族系記文甚爾雅該洽又宋紹興中臨海尉鄭瓊作臨安譜序與漁仲文相出入又記魏少府大匠鄭渾生晉荊州刺史崇崇生適適生扶風太守隨隨生趙侍中畧畧六子翳翳翳靜悅楚詒字君明燕太子少傅封濟南公詒生溫溫四

子濟擘簡恬濤居隴西後魏建威將軍封南陽公爲北祖簡爲南祖恬爲中祖三祖者世次當過江之先後與又泰和有澄江之鄭越有浦江之鄭皆二出榮陽是書所未見也因附於此并錄二文以貽啓範謹序

### 送倫編修彥式歸娶序

倫君彥式以禮闈第一人天子親策之以進士第二人賜及第既又出館閣近臣爲之師俾積學中秘期大用焉時彥式甫冠年未受室以故事請歸行親

序七

迎禮 上若曰禮成亟來彥式入 廷謝 廷辭既卜行冬官何先生汝璧彥式師也請爲彥式贈于深方是時天下之慕彥式者衆矣學者師其文士大夫重其世宰輔愛其才同列薰其德間里榮其光也惟昔先諭德公以狀元及第雅負重望爲史官之長時予入院踵其後辱知愛焉丁丑禮闈與有職事嘗從旁讀首選者紅卷擊節鼓掌謂天下才也私爲 朝廷得人賀及拆曉主者宣名以訓也因憶癸酉秋北上與冬官先生聯舟日獲晤語聞稱其鄉士之佳曰

倫以諒以訓兄弟也則又諡德公子余故耳熟焉已而廣東之鄉書至書首者以諒也予既重冬官之精鑿及是按籍勘磨又知爲彥式則余之欣喜慕豔出於常情而欲爲之助者亦衆矣雖然予何以加於彥式哉惟我朝設科目以羅網海宇之士名公碩輔雖相繼起而一家之中父子兄弟並以魁元策名當世如南海之倫氏前乎未之有也今天下稱之曰三倫昔宋燕老泉先生與其二子子瞻子由自西蜀來一旦名動京師子瞻子由俱出歐陽文忠公之門天

序八

下稱之曰三蘇程太中先生與其二子伯淳正叔自洛宦遊於湖湘識濂溪周先生於邂逅俾二子受學焉遂成大儒天下稱之曰三程夫三蘇氏三程氏之與當有宋極盛之世是故論者以爲匪止繫一家而已我祖宗列聖格天之功敷文之化百六十年於茲盛極矣而三倫際典豈非國祚之光與天下之光哉後世將以配三蘇氏三程氏僉謂曰宜雖然老泉晚起布衣已非諡德公之比至蘇氏之學君子亦有遺憾焉記曰擬人必於其倫其三程氏乎程氏之

學得聖人之全而上繼孟氏以承孔子周公文武湯光舜之統其功萬世永賴今嶺南先輩身居輔相以推極程氏之功用退而講明程氏之學以淑後進者各有偉人自程氏後其道於今日謂之大行可矣而况彥式承家學當嘉運負高資尚其益進於此學哉汝璧曰吾志也遂書爲序

送都御史安齋朱公治河序

我國家定鼎于燕北塞南河其事惟大大抵塞上之事十七在人惟河之利害常有天數而人謀之事

序九

事者不能二三其故其事尤大天子每出大僚一人主之俾司濟上凡山之東河之南兩畿濱河之地皆得以便宜行事任至重也是故常難其人嘉靖癸巳治河之憲臣闕吏部以浙江左布政使安齋朱公名上上特陞爲都察院右副都御史俾蒞其任既而塞上事嚴吏部復以朱公宜任宣府巡撫之事特名上請上若曰河事非朱某不可宣府之事可別疏名來上於是天下皆知朱公受知之深而相與頌君相之慎於用才也如此于時右布政使鈞陽党公

高為贈深昔調官延平公適總閩憲得備觀公文武之才經綸之具可以大受者有不得辭乃起而贊公之行以告于衆曰公舉甲戌進士選為監察御史出知華昌陟為按察副使于浙江卽轉參政繼陞福建按察使復進浙江左布政使敏歷中外是謂善天下之官矣癸未大覲吏部旌天下郡守之卓異者才三人公居最既而吏科薦天下之賢七人公以廉介與焉是謂永天下之譽矣初巡河東離政大舉再按齊魯風裁振揚備兵温慶一道肅靖及長藩泉吏

序十

畏民懷是謂具天下之才矣公自筮仕以及今遷廉潔自持一介不可以取與所至庖厨有終日蔬素者事必躬親雖井曰澣濯之微或至身為之嘗曰古人運甕果何為哉而又兢兢恭慎未嘗有疾言傲色是可謂有天下之德者矣夫履歷以練達聞望以感孚才以濟事而德以將才凡有一於此者皆足以大受而况公實兼之乎其於河事也何有雖然河事亦豈易易哉自河入中國為生民利害也久矣禹蹟之後與運低昂實繫興衰治亂之故蓋自戰國諸人

名國規利始以城郭園田宮室井市之後繁與河爭而水勢始激為害至于今未平也凡治水工自上流乃克有濟今之汴泗徐沛皆下流也成功實難古河入海悉由東北順下之勢然也今日治河本為運道障之使南似從仰出故理逆而禍大此其大較也苟知讓斯須之利而不與爭凡事講求其本源而不瑣瑣於末流之拘事得順適之理而因事以興利雖公相天下之業亦不外是而况於治河乎聊於是行乎卜也公其往哉

序十一

送右方伯劉南泉赴任山東序

南泉先生劉公以四川按察使遷為山東右布政使憲副沙谿龔公愈憲震軒蔡公葦相率屬深為贈深方若是官而無能理於其職其何以應諸公之求耶久之未有以復也顧南泉一世之才也無官不宜蓋自丁丑舉進士為戶部兵部兩郎署有聲出為河南開封兩大府又有聲陟為參政憲使治行皆冠自此為卿為輔可矣由臬而藩遷轉一階耳雖然吾不謂南泉得是官而且謂是官得南泉也惟我國家稽

古建官一遵周禮而於布政使有左右之設蓋寄之以古方伯之任而若將爲周公召公之分治者亦可重矣今布政之職於六官無所不統而司徒司空之務爲先右布政於左布政之職無所不問而司馬之清理爲專若兩手然故曰左右右手具而人之身理矣左右布政協恭而一省理矣積一省之理而天下理矣其重有如此者大抵士君子貴於行道而轉遷之次實關氣運諸司之爲理則有大體存焉左右協恭體孰有大於是者而南泉固優爲之自此

序十三

以理天下可矣今之山東卽古齊魯之郊而周公太公之所爲治孔子孟氏之教出焉茲將舉周官之法度以行孔孟之仁義而有合於國家之治體非吾南泉尚誰望哉吾故不謂南泉得是官而且謂是官得南泉也况山東密邇帝都據有海岱之雄北盡遼陽其物產豐碩故其人富饒其土地廣衍故其人勇悍多知謀其險塞阻山帶谷故其人易動而好爲寇盜謀兵請戎之務視他省爲尤急故曰山東之理亂天下理亂之候也其關係有如此者以南泉之才

德之及當爲諸省冠必矣此或當宁用人之深意而亦諸公實協之忠告也深識南泉最早而知南泉最深於是乎有言

### 送馬都諫察政陝西序

璞岡先生之察政陝西自刑科都給事中出也諫垣諸君子既喜其才將試於一省而又惜其人不不可一日不在朝廷之上也相率屬贈言於深韞君子安若以深爲知璞岡者深與璞岡同在班行過從之日不數數謂之深知或未能也璞岡往歲令武進美政

序十三

以數十布在人耳目深家去武進三百里而近謂之不知亦不可也惟今天子在位仁孝雍睦之治比隆唐虞而大小任使皆斷自淵衷暨于明作之功中外一體若鑑之照物也比者襄藩有爭襲之釁事者咸以分辨爲難久而未決上命璞岡以給事中往至則剿裁若破竹中外帖然上特器之歷轉副長凡大議擬大察駁務持大體士論翕然以爲當代之名賢也顧今日仕版分中外而有親疎故親民莫如令親天子者莫如諫官夫令謂其能善於下

也諫官謂其能善於上也既善於令又善於諫官則天下職任皆其優爲也而豈以中外論哉璞岡自此將拾級而升矣雖然陝西古關中也今藩省惟陝西爲重何則九邊要害其六在焉六邊之經費兵戎爲大天下之勢不得以陝西爲重也藩司職總錢穀一涉虜事則費出尤大天下之藩司不得以陝西爲重也藩司之官參政而上惟有布政而布政特總大綱若夫畫守分行備軍險劇參政事也况今日孽孽之在西北者乎諸藩之參政又不得不以陝西爲

序十四

重也 天子用璞岡之意固有在矣深聞陝西邇年以來數被虜患而災荒相繼夫虜情無厭若虎狼然使得志而去則所傷寔多使失利而還則報復伊始區區一省之民日夜隄防不獲生息而旱蝗又乘之農工蕪廢奈之何其不寒且困也此藩司之責而在一方者參政獨任之將欲節民力與則邊餉何需將欲裕邊計乎則民膏日削二者璞岡宜有以處之矣國家治安日久西北之事凡幾變矣撫綏創痍洗剔靈弊以復還 祖宗之舊則今日之陝西又不得

不恃璞岡以爲重也璞岡素以天下爲任而才識足以辦之是行也其有以副 明天子之任使必矣他日入爲卿輔以其善關中者善廟廟猶之善武進者善諫垣中外皆璞岡之相業也此亦諸君子願望之意遂書爲贈

送都關王公北歸序

今 天子神聖御寓逾一紀矣文恬武嬉四方無事在大江以南東至于海尤稱晏然若乃韜畧之務寔無所於用士大夫之抱負奇偉者咸無所於自見輒

序十五

思引退若不得雖以病免可也 天子亦例可之於是浙江備倭都指揮僉事王公得以北歸公虛龍人也在卑濕柔脆之鄉常鬱鬱無暇展布果若病然予來浙訪公於私門遂以病見而奇氣表然於離襪局躋之間予甚疑焉公世受 國恩凡疆場之事無論大小險易一切以身任之雖其子若孫尤當以繼志繩武爲大非若予書生然起自白屋苟不得志則求賢者能者而讓之位潔身以去安往不可公宜難於去也予疑公固有待哉未兩月都關順菴鄔公一山



李公以公歸期告且以贈言請予甚不滿於公之此去而又以不得如公之得去爲高也乃爲之言曰士大夫自一命以上皆有委質致身之義進退可易言哉是故知進而不知退者非也知退而不知進者亦非也當進而不知進者弱也不當退而必於退者非情則有所利也進退可易言哉雖然能退者視不能退者則有間矣故曰難進而易退者古之節也古之人有文武才者不少而進退之際畧可考見馬伏波忠勇出於天性建立焯焯至於請擊武陵五谿蠻則

序十六

據鞍顧盼以示可用寇忠愍出將入相決策澶淵之役可謂有大功於國矣卒之皆爲姦人所擠徒以老不知退爾公之此行胡可少哉雖然此特禍福之小者耳亦非所以論公也方今天下四夷惟西北二爲甚強而外諸部落尤稱黠鷲若近時花當所爲固嘗要結哄喝以爲吾中國患聞今日之願讓尤爲可慮若海西朵顏等衛入貢之途必出盧龍公自少有志於廓清習知其情狀且逼邇京邑公歸輕裘緩帶逍遙塞上以觀其變萬一有警則朝驟

符而夕登壇矣區區東南宜公之所不肯少留也於是順菴輩舉酒酌觴曰公之志端在此請書以爲序

送楊拙菴都憲總制兩廣序

夫所謂名臣者有二人焉竢之以歲年試之於中外考其位不滿其德蓄其才不究其用天下之人惟恐其一日不爲宰輔也夫是之謂望其先世嘗有大人盛德之士勲著于朝廷澤及于天下後世饗其成則思見其人思其人則必求其子孫而樂爲之報也夫是之謂世二人者之於人國也所至而功業隨之矣

序十七

蓋養深則發盛培厚則植蕃故曰皆名臣也雖然才未必望望未必世是故以賈傳之於文帝迄於不遇而絳灌之屬當國房柱之於唐勲業盛矣而後嗣之賢者無聞若夫才矣而望望矣而世無之豈非今昔之所難者哉深竊觀之重望世德之臣必出於久安長治之後故孟子之論故國曰非謂有喬木之謂也有世臣之謂也然則從容養望以當功名之會承藉家閥以引長君子之澤士大夫之榮遇固也而亦孰非國家之福哉惟我聖明重熙累洽百六十年於

茲矣是宜有世望之臣者出若拙菴楊公固其人哉  
公建安人也而先太師文敏公之曾孫文敏公歷相  
四聖佐成太平名在夷夏事在國史百世而下思  
元其人而不可得者也公夙承家學早掇魏科適佐  
銓曹迭貳常僕遭權奸之忌出牧視學迂迴于外召  
尹天府遂陟少宗伯復自南都入掌寅清之職再轉  
為少司徒總國儲侍繼督餉于西邊方其時天下之  
望咸屬公焉凡有要地必以擬公或進擬而未下及  
是南廣總制之臣闕在 廷大臣合辭推公 上以

序十六

公為右都御史賜墮書以便宜從事公上疏辭焉復  
下 制褒嘉且贊之行天下之人或又謂公之未盡  
用也林君德緒請為公贈于陸深深無似嘗於班行  
之末望公眉宇退而槩于所聞以致景仰者有年矣  
其敢辭惟公才無不宜正氣直道不肯少貶以自徇  
平生憂國如家所至必重是行也奉 上德意以副  
群情之望特左契耳惟我 朝土宇之廣前世無比  
顧胡虜當其西北夷種雜於東南其事至重也昔  
太宗文皇帝親征西北人建廓清文敏公實從之行

長多贊畫今 天子又付公以東南之任則是我  
國家金甌形勝之固其於楊氏之祖孫尚有賴哉且  
天地之理有定位氣化之運有順序故治常始乎西  
北而成乎東南也深竊以是為公頌言之且以為  
國家賀謹序

送葉白石令邵武序

貴溪葉君淳夫教上海且六年矣迺遷為令令邵武  
司導伍君汝觀率諸生請為淳夫贈汝觀之言曰淳  
夫剛方磊落動與道義俱不設城府與人交若孤峭

序十九

往往緩急之際氣力為多卒然犯之不校吾賢僚也  
諸生之言曰先生教人多方尤嚴於義利之辨生徒  
貧且病者至割俸賙之其講學則以致用為實際而  
一掃高虛凌躐之弊其校藝則以德行為首科而文  
詞為下升堂侍坐之次能使諸生凜然戒懼雖聲色  
不一假借我嚴師也予聞之曰是則然雖予亦豈無  
良友之思哉予憶少時往與計偕渡江道揚州觀同  
知葉公之為政上下響應如古循良然乃心自語曰  
他日有官如葉揚州亦足矣又何必位通顯哉是時

未知同知爲誰也予既待罪史官友人空同李公督學江西以誥誤繫獄大書江西諸生之義而以貴溪葉生爲冠是時亦未知生爲誰也輒扼腕嘆曰安得若人與之相周旋哉會予自講筵調官同知延平便道携家時邑中得新學諭偉如也卽來慰余不甚作寒溫便語予曰先生當速就道予竦然異之因以論其世始知爲葉揚州之子而李空同所與共患難者卽其人也心益異之予去延平不滿三月萬不如葉揚州督學山西得罪如李空同晉陽諸生候問者不

序二十一

少益思吾淳夫之不可多得也家食歲餘與淳夫益相知厚再起蒞浙稍遷江藩淳夫之規誨予者日益至今還自江西肩滕未弛而淳夫去矣予又安能無言哉予行江西遠矣大抵多氣節之士往往類其山川而廣信在江西上游尤爲佳麗故又多文章政事之才若吾淳夫其一也往時少師東湖費公在館閣每向余道信之丹山碧水宗伯石潭汪公少宰聞齋先生昆季又相與躋攀覽眺自負爲乾坤奇秘口綷綉不能休夫三公皆當世偉人豈徒謂說形勝如幽

棲之士哉意必有人當之有之不在吾淳夫乎淳夫之氣節著矣文章名世矣世所未必見者政事耳今將試乎邵武吾知淳夫必能發山川之光彩以經綸于內姑自一縣始無疑也邵武延平之右臂予知其風土朴厚溪山盤固昔文信公之所嘗開府也而與貴溪爲近以吾淳夫之才爲之其有不以政事名一世乎夫以氣節根抵乎文章以文章緣飾乎吏事吾見邵武之政日起矣異時天子有召考功奏最爲天下第一必吾淳夫也或曰淳夫才宜大用邵武非

序二十二

所以大淳夫也予應之曰此用人之人之深意又安知不以淳夫大邵武哉淳夫往矣於是汝觀諸君子益曰是則然宜書爲序

### 送曹博士赴福寧州序

余友曹君茂勳之教福寧也問道於余余昔南使渡潯江遡嚴瀨抵三衢之交南望萬山之間邑曰江山群旅之人裹糧趨焉曰道此以入閩也又西經草萍下常山汎廣信之谿東望萬山之間邑曰鉛山群旅之人裹糧趨焉曰道此以入閩也客有告茂勳者曰

彼由江山則遠彼由鉛山則險孰若趨永康登馮公赤城之巔揚於永嘉之江以濟則捷茂勳疑焉曰是將何途之從余起而告之曰福寧於閩壯州也茂勳期至於福寧已矣夫苟期至於福寧則茲三者皆道也吾三道而望福寧者無是也里之遠近行之安險途之迂捷者遇也是豈獨行道然哉其於仕道也亦若是已矣今天下士大夫誦法先王之道以待用者道亦有三百郡邑升者謂之貢自畿藩升者謂之舉自省部升者謂之進士然其所程試者未必不同也

序二

事有難易官有崇卑職有廣狹者遇也方其遇也錯然交於吾前因所遇而自致焉可也局於所遇者非也孔子曰殊途而同歸茂勳其行哉膏車秣馬以至於福寧而已矣樹德以為訓因事而有成天下後世之人將指而目之曰此福寧曹先生茂勳也則所遇者茂矣余與茂勳共學者餘二十年相知最深其為人高爽尚氣節其學淵深弘懿其治經多所自得其歌詩有騷逸之感激悲壯其文章馳驟於韓歐之堂與往性能以晉唐之書法溢為雜畫又能為墨竹可

方軌近世之王舍人夏奉常蓋其才無所不宜然十黜於京闈今正德丙子始應郡邑例貢之天子兩試之咸優授以今職余不能無感於其所遇也因書為贈

### 送九江太守王吉夫之任序

天下之治出於朝廷奉而致之下者群有司之職也而守令為先由守而上其勢遜矣由守而下其權易矣而守為尤先且夫守涖一郡其地足以普其施其位足以行其志而其分足以親乎民是故守得其道

序三

而天下治矣此上所為擇賢而使之也王君其將有意乎哉今夫簿書以為勞催科以為功其事上也順而多文其臨下也威而任法故其上說焉其民畏焉而郡事因之以集者此世之所謂能守也而非今之所謂賢守也使民不欲盡其力用民不欲盡其財上惟無惠惠則宣之下惟無隱隱則達之是以其民驩焉而不慕其政卓焉而易聞此今之所謂賢守也而非古之所謂賢守也愛民以為心勤民以為務身以率之禮以一之故上之人不見其跡而收其功下之

人不容其恩而饗其利此古之所謂賢守也而今不可得而見矣能守者期於得功名功名得而止矣然有意於微惠非君子之道也今之賢守似矣然其功微故其效淺託焉者不終思焉者不遠君子非無取焉而非貴也古之賢守則以行道爲心以天下自任所謂生則父母之沒則俎豆之斯固聖賢之徒而百世之功也王君將爲今之賢守耶其又不然則進于古矣王君先世多聞人自宋迄今蔚爲名宗一時父兄伯叔皆天下俊傑之選也淵源固已如此矣而且

序二四

爲輦轂之臣也又明於大體習於理道若利器而加以淬之何施不可其勢又非但爲賢守而已聊于是行乎卜之也

壽王母趙太夫人七十序

浙水之東姚江之上有壽母曰趙太夫人先南京吏部尚書龍山先生王公之配新建伯兵部尚書守仁之繼母今鄉進士守文之母也行太常寺卿兼翰林學士陸深於龍山公爲鄉試座主亦嘗從陽明遊而守文則督學時所校士視太夫人猶母也太夫人進

壽母傳德遊矣由是兩都公卿咸有海岱倦遊之作壽母丁亥始及六十云先是丙戌秋暮東石以華峰蓮葉之舟泛龍江過海邑朱侍御玉淵趙太常尚江章望見東石喜相迎曰東海談生歲甲一周今翁矣老成人物巍然爲鄉邦式幸甚無恙願謂儼山人陸深日子知東石舊矣宜有言爲壽及期談進士元璽王貢士世祥以告願予安足以知東石哉嘗憶少小時隨諸生試有司時見東石奮髯峻宇冠佩楚楚揚眉吐氣一座人盡傾若珊瑚玉樹光彩奪目操觚揮翰

序二七

頃刻萬言如奏金石之聲以破蟋蟀銅盞耳目令人敬服願爲之後而不暇心竊偉之意若人必當出而爲世用以文章潤色國家以道德師表海宇以功業銘勒旂常信司空公之有後也嗣後與共場屋深濫先登今五十無聞而東石遂且六十矣未嘗不往來于懷傷知人之孟浪也每見東石輒欲攘袂劇論共敘少年豪邁之氣以一吐胸中沈鬱之奇東石輒一笑止之令人慨然自失余又安足以知東石哉雖然竊聞之矣士君子有天下之志而又有天下之才使

世未得用之而其人亦未肯小用於世則必享有清  
明壽考之福昔人謂之大賞以其無所於試也則必  
以胸次之所蘊大放於詞章左右典墳鼓吹風雅使  
千萬世而下如見其人雖與天地同久可也昔人謂  
之不朽若是者蓋不數數然也或曠世一見焉東石  
登其人哉今之知東石者不過曰瀟灑絕塵之姿超  
然於形骸聲色之外居深養晦山園池館之勝甲於  
天下賓從清嘉極一時之彥左圖右書大篇短什尊  
祖琴奕之樂如神仙然此固東石也乃若東石孝友

序二八

之行乎於神明謙抑之風若在寒素與時推遷以盛  
滿焉戒往往歛其未試之具以爲有餘之地若昔人  
之所謂四留者東石蓋兼之矣嘗至京師有權貴人  
當軸處中其氣力足以變移國是者欲禮而用之東  
石拂袖南歸雖十不遇於科場無悔也是豈他人所  
易及哉至於八面受敵之才一揮千金之義高舉四  
海之心凌跨百代之氣輔之以博學濟之以雄辯嬉  
笑成文無所不可此又東石之餘也昔者太公望秉  
燭赴齊之日乃九十餘矣使其八十未遇之前汲汲

於求知已而用之則文武之際或不相值雖天固不  
得而賞之矣東石之道似之東石著書滿家別有杜  
少陵蘄東坡和篇雅麗高深金春玉應真若起二公  
於今日揖遜一堂之上比肩並列無少愧色其所以  
爲不朽者又在是世必有知言者諸君子皆曰是足  
以爲東石壽矣遂書爲序

張文水六十壽序

海邑之南文水在焉邑以水利也水自西南來者匯  
爲孫灣詰曲紆回渙然有文故稱文水凡言水於海

序二九

邑者必以文水爲勝文水之上居落在焉其人多務  
本朴茂力耕勤織竹林魚池望之蔚然淳里也而張  
氏獨以詩書爲業代有文人凡論世於文水者必以  
張氏爲舊而張氏之能文章脩行誼者又必以宗之  
君爲賢故宗之得號文水人稱之曰文水先生先生  
屢以文上鄉貢自邑校升之太學文益有聲鄉黨之  
士宗其文者翕然敬且愛焉今年爲六十初度士友  
相率捧觴致祝李君百朋以祝辭爲託深不敏頗憶  
必時與文水同學爲文章金春玉應爭相濯澤期以

名世而諸提學使臣與當道之能權衡者每加課試必以文水爲首延譽峻獎而文水意未嘗自足也今去之三四十年文水之文未獲少露一二於四方且闇然自持或者將負此以老耶而文水意亦未嘗不自足也予竊感焉縉紳大夫皆曰是烏足以論宗之哉夫君子達生至人立命斯道全乎我而無意於世然後不爲世所累而世恒賴之是故表萬物而獨全出處時也隱顯遇也遲早數也有如此水好風過之縈爲淪漪怒且嗥焉舞爲波濤方其安流一注千里

序三十一

乃若滔天浴日之奇生物澤世之功固在也而水亦何意焉此文水之志也自茲天休與年俱進屹然斯文之領袖以與此水無窮方今天子急於求賢不遺巖穴况宗之名在天官品題有待一旦出潛變豹使國家得老成文物之用且當爲世快靚而文水亦當運以此自足哉人亦有言其華茂密者其果碩源滙深長者其流沛朝榮之水無堅田間之渠易澗固物理哉予聞之曰是足以爲文水祝遂書爲序

壽路北村郡伯序

今天子興自郢邸改元之年卽用汶上路公賓賜守松由是天下咸際中興之會而吾松重沐維新之政矣乃八月九日適天子萬壽之節而公亦屆懸弧之辰天人妙合君臣應期茲豈偶然者哉郡之大士相與詰闕上萬壽畢將次第登公之堂捧觴爲祝公旣合郡之僚吏寓公鄉衮致詞拜舞退持次第以慰邦人之意者忠愛之風行上下之儀辨君臣之義篤天日開明禎祥協候一時之盛吾郡所未有也太學生王淮輩相與謀曰若此非常事而歌咏紀

序三十二

次無聞焉不可吾輩將最其大者壽公以告於陸深曰松郡介在湖海之間土沃民勤爲天下先在司牧者安定優畜之耳我公仁恕慎厚視篆以來無毫髮擾民不復知有官府而桑麻禾黍被野矣願公至上壽以長養吾松也又曰松實富饒而敦朴之風視昔稍衰矣我公明練嚴毅事集於庭者如螟徐出一言無不立決而天理民彝因之感格者多矣願公至上壽以長教吾松也又曰我公才無不宜望則素養自舉進士時已甲天下之選居郎署典大郡皆有重名

於公之來松也望治者跋如覲德者薰如被化者淳如穆如也顧公至上壽以長此風庶於松有所矜式也先生以爲如何深聞之曰君子哉之言也美不溢上愛不忘本禮不踰制三者備矣是可以壽矣雖然古記有之安我所以寧天下也有我所以厚蒼生也故古之仁人君子其志不在一方也然自一方始天之付畀斯人也所責匪止一事也然自一事始猶之千歲之日也然自一日始是故我與天下常相通而安寧所繫者至近也而至遠也此華封嵩高之意而

序三

聖人之所錄以示其微者若此若公之壽夫豈吾松所可專哉始將自松始耳自松而始以輔成今天子嘉靖之治以措天下於安寧仁壽之中則吾松豈獨後也况降生之始蓋已有黜兆預擬之數矣諸君子請因人以驗諸天衆皆躍然起曰是可以爲公壽矣請書爲序

### 顧母李孺人壽序

東川顧君世安先大父筠松府君之甥草堂先生之孫省軒翁之子也其配李孺人有賢行實佐世安以

承顧宗一方之人咸以爲兩美並世二氣咸和真一家之禎瑞云乃生六男子三女士而顧氏之宗益以蕃矣世安博學多才藝以明醫事今上爲御醫領內局有天下之望而孺人輔之益以顯矣冬十月十有六日爲孺人初度捧觴稱壽者擁戶款扉人以爲五福駢臻一家兼備蓋天下之禎瑞云於時仲子從德率諸弟以告曰吾父母之賢惟伯父知之亦惟伯父能言之從德等思所以悅母而慰父者伯父豈有愛乎憶昨戊戌之歲予有四方之役不及爲世安壽

序三

心甚愿焉適世安奉命使江南便道歸里適及其期乃製爲三祝之辭俾從德輩歌之歌曰望東海兮西池氣氤氳兮光陸離門有霓旌與雲旗君恩渥兮湛露斯吾父壽兮吾母與之俱枝連理兮案齊眉再歌曰奉慈闈兮紫玉觴翠雲帔兮黃裳儼中坐兮高堂庭有蘭兮愛日長八千歲兮春復秋誕欣欣兮樂康三歌曰颺爛斑兮簫管舉紛拜舞兮兒與女龍之孫兮鳳之侶倚閨闈兮呼嘯去帝庭兮尺咫義方朗兮慈顏開澹道遙兮容與歌既畢風氣爲之曠



婦尹日爲之朗霽不知達壺方丈竟何如也乃復進  
從德輩而告之曰孺人與吾家梅淑人猶姊妹也予  
履汝父差長一紀則兄弟也是故其情密其分親嘉  
靖辛丑予乞歸汝父送之潞河之上信宿而別別復  
執手曰吾邑風化孝弟宜先感動誘掖使兄此行予  
感其言而愧無以爲報也予少事草堂先生文采道  
德照映一世兩典大郡爲世名臣筠松府君晚蒙  
聖恩二老相驩相敬愛予今老矣猶歷歷記之先姑  
之舉世安也府君實命之名曰定芳今日爲李氏之

序三四

甥者尚當爲陸氏之甥否乎此汝父所囑之孝弟也  
於今壽母見之矣惜也汝兄從禮方以詞翰直內  
閣不及與斯舉儻轉以予言達之則孝弟之風遠播  
而世澤之垂永永矣因錄爲序

壽沈西津方伯序

西津先生沈公既致蜀政歸歸數年年始登六十僉  
謂公官至二品矣用之尚未盡其才或者天將益之  
以算乎深曰何但已也 聖明圖治惟才是求惟求  
老成是事益之以算者庸知非所以盡其才乎僉曰

然是宜賀且祝也相率先期登堂舉禮請詞爲侑沈  
氏之良有雲谿先生者明於大道善爲盈虛之詞曰  
榮名外也神明內也外益形內益生外厚矣而生無  
益者有之未有趨於外而中之有也其惟核之存乎  
其惟兌之塞乎惟聰之黜而明且闇乎以無爲爲爲  
乎吾家弟之所知也是故抗志物表獨超大原雖涉  
世多虞而險夷欣戚之境藐焉不一槩于中是壽徵  
也有百戶侯昌甫者志於大業善爲康濟之詞曰文  
經武底治之道也禮禁法防理之制也故變化消息

序三五

與天地俱大人思以一身易天下故曰安我所以亨  
天下也存我所以厚蒼生也仁壽之効成而吾且與  
共其不朽吾家兄之所辦也是故敷歷中外卓有政  
績居常未忍忘世於凡 國家理亂之原聞焉必議  
議焉必詳精神意氣之駿發日盛而月新是壽徵也  
於是進士存肅捧觴趨而前曰二父之言良是夫修  
身以至於永命爲邦而迄於治安此豈常人所能哉  
吾叔父實兼有焉雖然古君子之道放之則運六合  
而有餘歛之則藏一身於無迹此豈有二致哉吾叔

父豈有間焉顧吾叔父庶直自信動與時忤耳順云  
及冢器猶虛天道於仁人何如也方今 天子神聖  
斷然爲威福之主清問明揚使是非忠佞大白於天  
下以究中和位育之化吾叔父葆真延祥誕毓多男  
以衍螽斯瓜瓞之風存肅恭以詩書承公後歲歲當  
率宗人如此一觴此存肅之志亦存肅之所爲祝也  
先生以爲何如深聞之曰懿哉雲谿之言淵乎有兄  
道焉戶侯之言秩乎有弟道焉進士之言藹乎有子  
道焉是可以訓矣深少而鄙公有五年之長竊幸同

序三六

朝猶兄弟也膏馥所溉亦既多矣使公之道行與  
公之身壽方且恃以爲重寧非慰且願哉自惟沈陸  
世居海上適相婚媾先世長老皆淳樸和厚故多壽  
考又幸從公以科第起其家益有榮光焉一脉之承  
傳又寧無望於公哉公將邁期耄閱歲寒巋然松栢  
之韻使宗黨嫻戚永有矜式庶幾人以道尊年以人  
壽此又深之祝也是故特書爲序以張之鄉邦且使  
兩家子弟共聞焉世敦之抑世守之固有出於言語  
文辭之外者不知公以爲何如也

### 送曹主事序

曹子瑞卿將官南都行也陸子酌而送之酒半問所  
以爲理聞之先王之理天下也以安民爲本以除夫  
害安者爲務於是乎制爲五刑使司寇之屬掌之又  
其大也制爲五兵使司馬之屬掌之司寇之論刑極  
于斬讞司馬之論兵極於夷滅其實有大小其于除  
害而安民一也雖然兵凶先王不數數然用也而時  
備之刑今曹子司寇之屬也亦惟是安民而除害者  
奉行之然昔子爲諸生讀春秋有聲夫春秋儒之法

序三七

律也備而持平嚴而存恕漢廷公卿以之決大事卽  
是物也惟是春秋之法舉行之如此有不理乎且曹  
子之爲人文武孝廉或曰文可以爲理矣夫一舉而  
歌鹿鳴遊成均每試必先六館士再舉而取進士上  
第彪炳輝郁可不謂文乎或曰武可以爲理矣嘗奉  
命贊于遼度山海行數千里之險騎馬戎服左右弓  
矢日馳百里明日復如之迨其竣事也無他虞可不  
謂武乎或曰孝何以爲理矣日吾遇之于道眎其色  
倉皇太甚扣之其母病也語不及竟馳馬去質明問

焉其母愈矣可不謂孝乎或曰廉可以爲理矣平居或不能養而家又素貧試政司徒銀幣嘗數百萬出入其手卒不取一錢可不謂廉乎陸子曰皆可矣夫文理之經也武理之制也孝理之基也廉理之道也文必有義武必有勇孝必有仁廉必有智持是以往其誰曰不可且夫刑也者殺也因殺以爲理其殺也有之惑陰陽者求故而必生之喜功名者求故而必殺之夫求故而必生之失之玩求故而必殺之失之刻夫法玩焉則害安從戡重刻焉又何取于安哉是

序三九

者皆非刑之理也夫苟有文以經之有武以制之有孝以基之有廉以道之而又春秋以本之曹子吾知免矣於是曹子起洗酸更酌賦隰桑之卒章而別

### 送陳靜齋都憲南還序

今江以南蘓松常鎮徽寧池太凡八大郡首之以天府附之以杭嘉湖三郡而財賦幾於國家之十六七矣重以人才之進退利弊之興革凡地之故可以裨國而裕民者悉以便宜從事至重也天子必用才德譽望之臣寄以巡撫之任今嘉靖更化之始溷西

靜齋陳公以右都御史爲之公年壯而養深學純而志大敷施翕張與道變通朞月之間政用就理方欲爲江南建不世之績施行次第各有端緒議者謂天子斷然用公以贊維新之政雖公亦奮起許國以天下之重自任僉曰茲惟爲宜何則今之巡撫以十數而必以江南爲首江南之巡撫以十數而必以文襄周公爲首蓋江南地重文襄功大故也公文襄公之鄉人也而才望奚啻蓋嘗留意文襄之江南者有年矣故議者謂天子用公之深意與公所以副天

序三九

下之望者又曰茲惟爲宜雖然文襄江南之功以久任成也識者竊恐公之一旦入爲元輔不獲終文襄之業盼盼然望之而不虞公之遽去江南也公謙冲消息與道爲體懇上辭章至于三四天子皆答以溫辭勉留而以別旨遂公之去於是議者始兩疑之謂公之未可以言去而天子未宜遂公之去之早也士大夫願爲留行江南之民至欲遮道使不聽公之去屬下僚吏咸相顧錯愕一旦失所以爲師承稟受之規者松江守何侯合其餘王君以問于陸深曰

天子固欲成公之高公遂決去矣如國事何某等不能無惑於議者之論非徒以藉獎掖共功名爲也其義何居深病廢久不開當世之務以深準之凡公之所爲去與天子之所以聽公之去者皆古之義也何則自古聖君之御世必有度外之舉措以待英傑之士故其意常恐異日之乏才而所以爲敷貽之地者無所不用其情自古大臣之事君嘗以身繫天下之輕重而無心於去就故其意常恐人主輕天下之士而所以自重其身者多主於早退是故世有餘

序四十一

才而士多高尚所謂上下相與以有成也公年甫五十經綸具在異日國有大事事有大疑一旦起公於燕閒之中坐而濟之方今天子神聖膺畀蓋世亦知天下有難進易退之臣以堅其尊禮不遺之志則所以宏中興之業佐成嘉靖之化者遠矣比於當一而舉一職何如也竊恐文襄之未足以與於此是公之退乃所以爲進今日之去乃所以爲異日之來也何侯聞之曰子之言然請致之公

贈少司寇東洲塔公南歸序

嘉靖十有八年己亥夏六月朔雷變奉先殿掣其左吻之鋪若劔者而煙焰及於列室今皇上瞿然震恐求所以應天之道者若曰彌文其勿事事惟上下一德祗承之以匡台毋易從禮部言三公九卿大僚皆當上章求避位上親臨去留之以共成格天之業于時刑部右侍郎四明東洲先生屠公方自大理卿遷上若曰宜聽爾去而旨獨加溫蓋上所以注存之深意而非夫人之所敢知也公字安卿舉辛未進士爲御史有直聲巡按江西能力制寧藩

序四十二

之橫不違顧忌而竟亦莫之能傷正德間嘗紀軍功有勞奉命當遷京秩廻翔八年始自御史出知保定府府又冗劇公力當要衝手撫凋瘵又五年乃復調延平自延平凡六轉以至今官天下士大夫咸望其諳練之才光輔中興之業大抵公之才明果慈恕詳慎整潔於官無所不宜若其剛毅之氣耿介之操有壁立萬仞之勢是故於世鮮合公亦不甚求合於世而每以易去爲能及其決於去也天下士大夫又無不惜之尚書泉坡先生周公左侍郎南塘先生

宋公同官也惜之尤深而謂深宜有贈深惟君子之道出處而已出處之際義命存焉是故其去也有不得不去其來也有不得不來夫是之謂命其去也有不可不去其來也有不可不來夫是之謂義深與公亦嘗同官於閩晉間南北相從之日久知公於義命之學甚辨於是行也寧不有餘裕哉雖然既去而復來者公家太傅襄毅公是也旋去而速來者今司徒儉菴梁公是已皆命也至於躡止足之分繫一代之風化若兩疏之於漢則不可不去當理亂之幾負華

序四二

夷之物望若司馬公之於宋則不可不來是則義也深故贊公之不得不去而竊有望公之不可不來也將以復於二公或曰此非子之言天下之言亦當朝群公之言也遂書為序

送縣侯曹孟輝入覲序

今制凡以四季之年元朔 皇帝御正衙大受朝 賀而因以行黜陟之典於是京尹岳牧郡守與州縣之長吏罔不精白一心以承 德意而異政奇蹟畢以宣揚 明廷士大夫徃徃乘此以赴功名之

治理於其平考成焉明年壬辰適當其期而上今曹侯孟輝治且三年矣遂以上海之異政奇蹟獻于 上先期戒行士民攀留之不可得各次第送之縣之丞尉送之既而請贈深適有晉陽之役不與與餽餞後乃颺言而問之曰曹侯之治海三事踐矣六節舉矣百里之內熙熙矣是行也當受上賞必矣是李君申作而言曰侯吾鄉達也申也賴侯之教水土以平橋梁以建使民不病於耕涉三四年來民甯有秋而生齒日以蕃息深曰敏矣夫是之謂惠

序四三

而不費黃君貫惠君應繼而曰自佐侯以來徵科有度出納惟允貢賦給而民不擾吾等惟蚤夜是觀是法徵侯貫應不及此深曰恭矣夫是之謂寬則得衆至君徵又曰徽西人也未諳南土軍鹽之劇侯嘗命之曰惟嚴而恕可以集事徵是以不愆于政深曰直而寬而果茲臯陶之令聞也主簿張君相又趨而前曰惟侯總政惟尉司刑刑之不中政從之隳矣相也先後左右吾侯又安敢戾和以國法深曰欽哉恤民而後有應也夫是之謂錫類典史陳君相則執

向以揚於衆曰侯吾師保也相將從之于邁矣侯有德有才相無望於萬一萬一相有少愆則貽侯之羞相敢不殫志與盡力深曰慎矣斯事長事貴之道也夫政有體爲政有序得其序之謂禮彼之聲音之謂樂故曰見其禮而知其政聞其樂而知其德觀於此則侯之德政可知已是寅協之衷也仁讓之化也遠大之風也文華之實也治功之成也而君臣之倫朋友之誼於是乎在卽此亦可以獻於上矣今天子神聖方以道化天下而尤加意於畿輔之臣侯當

序四五

受賞必矣因錄爲序以贊侯之行

夏翁並壽詩序

郡教徐先生言於東海陸深曰丙家茗溪之上故有形勝壯遊四方乃卽大江之陽而愛焉水自嶓冢山自高者適會於六合沃土朴俗尤所賞戀者士夏翁長者也又聯之爲婚媾故遂家於六合夏翁與其配其孺人並年七十願先生一言以張六合之風且以表丙卜居之志予敬諾焉予昨調官晉陽尋卽奉詔南還半歲之間兩經六合南面長江如白龍委

蛇隔岸青山交戟若畫枕以園田帶以岡阜橋梁衢路公府民廬咸秩秩整比而又挾之以濟通利用厚生故其人熙熙無巧鑿狡獪之習意必有巨夫偉公出其間以當山川之秀亦或有高人韻士隱約混同以薰陶斯人不然則壽考淳愿之人可訪也恨乏知舊爲之物色是時徐先生方丞太學守官京師遂無從聞問尋食去來意未嘗不眷眷茲土也徐先生所厚夏翁者豈其人耶徐先生曰翁號虛菴朴茂敦素居家孝友與人忠信尤好施予嘗修家譜以聯屬族

序四五

人嘗捐金市地以開廣學宮嘗出百金以修葺縣治嘗供粥藥以拯濟饑病又嘗埋骨掩骼凡若干千縣大夫高其行舉爲鄉飲者廿餘年今精力清明鬚眉森秀夫婦之間媿美儷德予擊節曰翁固其人哉予覽古記桃源武陵以爲神仙所宅豐沛之間有朱陳村嫁娶不出其地傳數百年以爲世外異境若將趨焉自今觀之武陵不過谿山明麗當時人避虐政相率以往久之長育子孫非必真有冲舉羽翰之事而朱陳婚媾止於二姓必皆朴野未知禮義文物之澤

有知翁者生長太平之世名山人川不出人間足以  
適體而樂志夫婦父子之倫藹然天和碩士燁然文  
明道誼之交際方且葆和含真駸駸上壽使真有神  
仙始將過之矣庸非 聖世之一瑞哉予未識翁而  
徵於徐先生者已若是固不必登堂三祝而後爲之  
壽也世當有善頌者播爲聲詩以傳之永永彼桃源  
朱陳圖畫又安足道也遂敘其事以張六合

大司寇立齋吳公七十壽詩序

大臣之進退繫天下之重輕往往當天下隆盛之會

則大臣多饗壽考福履之盛而其子孫亦必重賢疊  
肖出膺世用以延續聲光贊佐 國家昭熙之休者  
無窮若今大司寇立齋先生吳公固其人哉公少登  
甲科典司內外刑獄明允詳恕資階屢遷至按察使  
召爲太僕卿入輔 孝廟邊圉蕃育之政績勤懋著  
進爲少司空由少司空又進爲大司寇出總 今上  
留都之務攬憲持法侃侃不回忤意權姦竟爲所中  
退而家居未嘗以幾微自見若是者其所繫荷如也  
公之伯子山爲刑部郎中奉 命按事江西仲子巖

爲工科給事中聲望照映寔時名流其重賢疊肖者  
何如也深北起告北來拜公於吳江里第衣冠儼如  
鸞鳳炯炯若泰山喬嶽滄鬱蔥蒨之氣猶足以出雲  
雨 寓內退而詢其所事事日惟教子弄孫沃以詩  
書之澤吟咏登眺於湖山空曠之表而不知年之與  
積也乃歎曰我 國家涵育休養川嶽之氣完厚効  
靈毓秀於一世之耆彥若此是豈非隆盛之極會哉  
深既見給事君於都下私以爲賀而未敢告也明年  
公壽登七十給事君方當 天子喉襟聰明之寄稱

序四七

觴舞綵未遑所私几厥僚好謀爲公壽且以慰給事  
之心於是六科之長呂君道夫俞君國昌葉君良臣  
潘君伯和王君存約石君巨瞻合而屬敘於深夫大  
臣於國家無間遠邇至於所以幸其身之綿長而安  
固者非徒爲太平之符瑞聲容之敷張以震盪耳目  
而已也古者憲老而不乞言漢養三老五更於國學  
宋起文潞公於朝堂惟師尚父則亦以耆老之年成  
闡周之績其於理化何如也深與國昌定鄉人謀爲  
之壽與所以爲給事君慰者尤切是故推其所繫者

尤大爲諸君子先焉頌禱之義則詩人備之矣

贈侍御林君以吉南還序

監察御史林君以吉先爲進士觀政戶部時上言臣有孚先臣某荷上恩賜之祭賜之葬葬有日矣臣孤分當汛掃里門肅清墓道以迓寵靈且親喪固所自盡而誠信宜身親之乞如故事賜臣假還以臨先臣之葬昧死以聞上不報疏再上曰臣有孚近蒙擢爲御史得蚤暮事上非但臣志亦先臣之志也顧今歲才三十有二耳夫馬之齒尚堪驅策即令臣

序四八

葬父以還皆報陛下之年也夫事固有緩於目前而圖報於後日亦有失於一旦而莫贖於終身者惟陛下憐之又不報疏再上曰陛下以股肱心膂之故尚能念先臣於地下臣孤懷鞠育顧復之恩獨不念先父於下地之日乎陛下又焉用此不念父之臣哉即使臣覲而班行於聖化何如也又不報於是惶惑罔措浹日而疾作矣乃更以疾聞制可也既乃聽其去者卒成以吉之志也始之不得以

襄事去者非以吉之不能也竟得以疾去者乃以吉

之所爲孝也君臣父子之間可謂兼得之矣且以吉之疾也以不得遂葬親之志也而疾疾斯去今而得遂葬親之事也其殆有瘳乎瘳將速來斯固去就之鏡也雖然先中丞心在王室被國厚典凡爲其後者雖遠之於十世百世之下猶將明繼述之道而况於一體而分親爲之子者哉凡爲其子者雖屈之於布素草莽之間猶當奮涓埃之義而况於身居法從易以報稱如以吉者哉方今國家多事斯亦以吉控

序四九

忽之日非與夫君親大倫也忠孝一道也以吉行矣其尚懋之余忝史職竊當紀載是故敘而列之爲行

李贈 送郡伯何鴈峯入覲序

今上皇帝再朝萬方實維嘉靖五年之春正元朔於是天運又一新矣我鴈峰先生何公時以松守往際其會遂以守松之績獻明受上賞於是治化又一新矣先期戒行士民攀送歌舞載道望太平之盛於是耳目又一新矣少黎王公時賜請舉贈如禮而以



言屬之深乃作而歎曰懿哉此太平之典也夫上有至明則下有至良信乎相待而有成哉太平之業將不由松始乎夫治化大矣顧遇合之幾一也孔孟終身徒以難遇爾今有其人矣有其時矣有其遇矣太平之業謂非始於松不可也松在東南稱大郡其地狹而賦出之名多其民繁而擾生之事廣故松之治也難矣深初登朝待罪史官時嘗聞前輩知銓事者言惟爾松守擇難于良莫良於憲度之士既又曰非才御史不可退伏田里竊從鄉前輩習問郡事皆

序五十一

曰松之美俗視曩昔少衰矣非命世之才爲之振起不可公實抱命世才方以才御史來當維新之會視篆之初踈剔姦僞而乾沒之徒斂手彈壓豪右而漁獵之輩革心肅然示以簡易之道旬月之間百度改觀津津然太平之象矣公方詢求民隱振而起之觀感之下翕然風動此固前輩屬望之勤而當道選擇之意公於吾松豈偶然哉顧松也小不足以留公誠使留且久焉則所以深長而遠大之者豈徒吾松之福哉夫福莫大於恤民之隱知民之隱斂而錫之福

於是爲盛是故治有體時有變道有宜志有定夫牧之尚寬糾之尚嚴是之謂體氣完則淳文勝則弊是之謂變物而付之時而措之是之謂宜不畧於易不悖於難是之謂定雖然知體而後能合變變合而後能隨宜使非志定於先三者安從施哉公自少卽有重望於嶺表思以孔孟之道自致於時庸其志固已素定矣嘗宰一縣於浙南少見緒餘俾民尸祝今上臨馭之初風采議論爲諫官第一選擇而來歛福松民寔以四者之道行之而人或未之能悉也 當

序五十一

守必將聽而采之乎則太平之具在松矣深之言安敢誣也雖然此亦公之緒餘耳公學深而養完才高而志大發舒精蘊以究太平之極以當 天子丞擬之任此則非淺薄之所能窺也姑錄其由松之始爲序以別

### 送黃翠巖節推考滿序

翠巖子黃協恭以才進士出推松江松號大府所轄纔兩縣爾而地皆儉於百里六官之事最其浩繁者視他一省而刑獄尤甚何則松之四境多枕江湖而

黃盡於海昔時嘗富淳矣近年多事而水旱乘之民力日困爭訟之風熾矣夫江海之間易擾困窮之民成器勢使然也翠巖之爲理也原情麗法事至立斷鉤距鍊鍛之術無所施凜若神明而兩縣之俗遂革一府若無事然于時述齋何公作守元峯李侯副之皆負當時之望每稱之曰翠巖其人傑哉於寅協則良友也法律則老吏也器量則元卿也吏民之歌頌幃服者則師保也父母也奚啻乃蔗靖之標直大之行三年猶一日也會當書一考還 朝率僚屬請爲

序五二

贈言而以屬之上海陸深顧無能爲翠巖後也其何哉辭夫自晉魏以來仕宦之籍門閥爲重至於世德純武之風實鮮其倫漢唐之後文章政事分爲兩途若夫全體合一之學世不恆有兼之者兼之者豈非一代之豪傑哉翠巖學士壺陰先生之孫也先生少爲世師名滿四海而仕獨晚達深之待罪翰林也同爲編修官旣而司業國子深復踵代景行師法固有餘地而先生不予鄙也憶昨戊戌之春忝以學士讀卷有事于 內閣得縱觀諸進士之文賞歎之餘意

欲求得世家士據其文獻以光輔 聖治而翠巖在焉實始託交而翠巖亦不余鄙也余旣歸田而親炙翠巖者又二年所見逾於所聞遠矣然則莆陽之家世松江之政績翠巖真人傑哉客有過余而問之者曰今制舉進士賜第後例分中外外補歷三年則後得進士資及受代去矣翠巖茲行分當得代將陟臺省踰華要以光壺陰之祚使我 朝有世臣爲 國增重固斯文之慶也雖然此貫魚行鴈資格之說耳夫資格以待常流不次以待異等今日翠巖之行吾

序五三

子之所謂人傑者果若是足乎予應之曰資格 朝廷之懸也銓衡吏部之權也推權以破格此用人之人之事而我何與焉若夫本以不次之才而耳爲循資之舉無躡等無躡進而我亦無與焉此豈非天下之真豪傑哉翠巖行矣當有所遇也問者唯唯而退因書爲贈

### 詩準別序

昔人嘗謂古今不同而刪後無詩予竊惑焉今夫江自嶓冢汶川東馳萬里以入于海其間爲溝爲渠爲

滙爲沱爲淵爲湖爲沼爲渚爲懸注爲波濤爲瀾射  
爲清爲濁爲曲直洪纖爲汎濫湍漫或風蕩之或山  
核之或隄決之萬狀難名然水一也故夫詩緣情而  
爲聲聲合律而成樂樂足以感人而聖人錄之以爲  
經猶水之海也彼嶓冢汶川者人聲也古今豈有二  
說

古詩對聯序

禹貢三江故道惟婁與松可尋而松江入海處亦已  
再易今吾邑後一水名吳松江自西南來入黃浦合

序五四

流赴海海口置戍亦名吳松江曰江灣曰舊江者故  
在惟東江無復考證書傳稱東南流者爲東江今震  
澤東南流者自嘉興經長泖由府治而東北折則爲  
黃浦雖其移易稍有不同而黃浦決知其爲東江故  
道無疑余家自先曾祖竹君府君卜居於黃浦東涯  
已百餘年而子孫蕃衍內外族人已及千指余近買  
田頃餘於江上作樓六楹正當松東二江之合流被  
以蒹葭帶以楊柳隔峯樓閣一望如畫樓外有上岡  
數里隱若城郭宛轉有情樹宜木棉因名之曰木棉

坂期以男耕女織於此焉老暇日倚欄極目風月無  
邊乃取古人詩句有默契焉者書之壁間每一登臨  
輒擊節歌之以代賦焉

郊祀錄序

故事天子有事于南郊卜自正月上辛預於雩歲季  
冬之朔備鹵簿 法駕啓大明門南出 郊壇太常  
奉犧牲 天子躬親臨視一一唯謹謂之看牲既還  
官翌日命大臣以次行詣中馳御道禁旅分隊夾從  
出入甚嚴明早盛服入 奉天殿陛前復命大臣以

序五五

次歲一行焉正德十三年己卯臣深備員園子司業  
忝預視牲之列是歲 皇上巡西北二邊大臣與視  
牲者才十有三人於是人遂輪次矣又六龍未旋郊  
期再卜於是臣深遂至於六往返矣蓋異數也將事  
之文臣深得分獻風雲雷雨之壇各以小詩識一時  
之感遇附以齋居之作題曰郊祀錄藏之篋笥蓋曰  
禮謹於微榮以爲懼云爾臣深謹序

鄉同年會序

弘治辛酉南畿錄士凡百三十有五人正德丁丑春

三月會于京師與者凡二十六人越七日再會前此甲戌之春嘗會矣凡四十九人至此則會愈數人愈寡而情愈親嗟乎士方年壯志銳輒欲盡攬天下之才傑而交之然嘗患乎不專及夫歷閱久而事變更升沉聚散槩于中然嘗患乎不樂暢湮鬱之情以聯瀟散之勢是則茲會之意也朋友之道其來久矣惟近世同年之交同升而臣有兄弟之誼同帥而出有几席之親是故疏而密遠而近間有不識面目一問姓名而情好已敦雖其子若孫猶將世世講之况於

序五六

地鄰人接生長千里之內爲鄉同年者哉是則茲會之不容以已也雖然情必附義私不勝公古之道也諸君子知所以會者乎以同年之好也亦知所以爲同年者乎 國家設科以待天下之士固將以同文求之夫文同則道同求同則進同然而出處顯晦中外遠近大小蚤暮勢有不能盡同而同力同心以報罔致志無乎不同者是則茲會之光也深不敏敢以爲諸同年告

望金焦倡和詩序

今 上與自江漢川后效靈無波濤之警收元之明季侍御史王子升先生自南臺奉 璽書巡江上下東啓于海十百州郡環數千里之地倚以金湯焉先生所至職事之餘多有咏歌登臨省覽之間不忘經綸功德之大故人競傳之而和者群附颯颯乎鼓盪于一時雲物改觀而川原生色固維新之 朝一景象也北閱軍北固望金焦之作和者若干侍御史朱子文方自北臺賜告見而嘉之曰此所謂治世之音也授深爲序之曰京潤之間有江山鉅麗之觀陸則

序五七

北固諸峯水則金焦對峙形聯勢接寸目可盡而江流萬里之砥障南北一統之喉襟在焉故當天下無事之時則文人韻士高賢大夫之所爲遊憩嘯歌臨風雨而出塵塗寔世外之奇蹤當天下有事之時則控扼關鍵水陸之要會百萬之師可罔以集而吳蜀關嶺之財賦器械無脛而至蓋天下之重鎮惟昔孔明所嘗往來而劉毅穆之之徒因以興建李衛公之泉石米南宮之翰墨咸於斯在先生得無感於茲乎夫地所因者時也因地而用者人也人之所用者才

也故人才之用世也處廊廟密勿之間則以文墨議  
論之斲定萬世之典禮而不過有藩宣兵戎之寄則  
以諫賞激勸之權布一世之材而馭之以底於安定  
焉故曰地有全勝人有全材若乃付全材以全勝之  
地又維新之 朝一化理也後世讀是詩者可考已

### 竹亭詩序

芝山之麓有竹亭焉少司寇胡公之所築也有桑梓  
之義公之託於物者如此京都之間有竹亭焉士大  
夫之所賢也有配德之道物之附於公者如此始公

序五八

之在荆也荆有竹亭其在廣也廣有竹亭其在閩也  
閩亦有竹亭宦轍所至凡竹亭云者必公也無疑其  
於今也惟公而不惟竹或見竹焉儼乎若公之有臨  
也物因人重者如此由是士大夫之能言者咸有作  
續爲若干什授深爲序深暇日從二三子讀焉颯颯  
乎何其音之長也克克乎又何其好德之同也融融  
乎何其入人之深也二三子識之夫物生也有自成  
也有託是故瘠土無豐苗弱質無正色其斯之謂與  
予昔將 命而南也止於饒使禮告成遂有事於觀

察登芝山而望焉鄱湖之渺瀰我 聖祖弔伐之所  
也封藩之規度守令之理制明秀之山川膏沃之田  
疇富庶之齒淳龐之俗我列 聖休養之厚也萬竹  
森映極瀟灑之趣則公之故居而亭之所爲築也迺  
降而修調焉式其里閭絃誦之聲登其堂挹清修之  
操入其室觀朴素之業有先世之文獻在焉既而觴  
予於亭示予以晚節之志蒼粉碧玉與秋色相高令  
人肅乎其爲心穆乎其爲容欲去而不能者久之已  
復從公移植數本於公署爲旦夕之瞻企予蓋有所

序五九

感也夫昔人有言禮樂必積德百年而後興蓋生養  
教習之漸然爾 皇明撫運混一規模成於鄱湖之  
後則饒固首善之地也凝和被化宜有爲天下先者  
而公生其間適應百年之運加以故家流風荷承傳  
之學具禮樂之材爲鉅儒爲名臣爲天下羽儀蔚乎  
其有章也卓乎其不群也優優乎應變而不窮也屹  
乎處毀譽而不懼也其不爲斯竹矣乎蒔以佳壤育  
以和氣固以籓籬時以培植堅剛茂密之質足以資  
世用而和民生迺若挺拔之操可以干霄漢葱蒨之

色可以做霜雪使乾坤之正氣後時而獨存者是宜公之有取於斯也故曰至治之世多君子至人之居無疵穢二三子唯而退因錄爲序

避喧菴詩序

避喧志隱也從而咏歌之成其志也凡人之情必有避觀于避斯知其入矣是故避位者讓避名者賢避地者替避喧者隱夫喧譁聲也城市多喧山水則否大抵山益高水益深則境益靜而喧益不到四方佳山水稱東南東南之佳者稱天台天台一脈爲黃巖

序六十一

黃巖又天台之佳者也蓋天台東至黃巖窮矣其磅礴鬱律又鍾于人故黃巖多著姓而以戴氏爲佳戴故石屏後也恬隱公又戴氏之佳者也避喧則公所名菴菴據黃巖之佳曰太平嵩事見秦行人記中所謂善于慕陶者得之矣公之子允大仕于朝爲園子師以學行聞天下由是避喧之名往往入于騷壇吟社中爲品題之具矣深曩遊南雍辱允大先生賞識茲會都下所得避喧詩益多彙而授深序或曰公既隱矣焉用文之若是者無乃幾于喧與而併爲公所

避與深口不然夫萬有相吹而聲出焉其在城市則車馬綺紈聲利名位紛然擾者謂之喧其在山林則泉響谷應禽弄木奏悠然適者謂之喧又其至也莊生所謂天籟焉自然動者亦謂之喧苟自其本舉謂之喧可也苟自其末則喧亦多端矣公之所爲避者其城市之喧乎不然悠然適者自然動者公方有冥會焉而又曷避焉况詩書之聲和雅洪澹諧韶鈞叶音呂與天籟等公方樂焉以爲茲菴助而槩曰避之是豈公之志哉或者喻而退既迺錄爲序

序六十二

北潭藁序

文毅傅公北潭先生遺文一帙嗣子主事榮入梓以傳謂深宜序深乙丑禮闈公所舉士也愧無能報公之知久而未有以復雖然公之文何賴於深此主事君之志也敢辭惟我 皇朝一代之文自太師楊文貞公士奇寔始成家一洗前人風沙浮靡之習而以明潤簡潔爲體以通達政務爲尚以紀事輔經爲賢時若王文裕公行儉潔洗馬用行輩式相羽翼至劉文安公主靜嘯興又濟之以該洽然莫盛於成化弘

治之闢蓋自 英宗復辟勵精治功一代之典章紀  
綱粲然脩舉一二儒碩若李文達公原德岳文肅公  
季方復以經綸輔之故天下大治四夷向化年數屢  
登一時士大夫得以優游畢力於藝文之場若李文  
正公賓之吳文定公原博王文恪公濟之並在翰林  
把握文柄淳龐敦厚之氣盡還而纖麗竒怪之作無  
有也公舉成化丁未進士弘治間列職坊院寔由三  
公之門而一時同館以氣節相激昂者羅文肅公景  
鳴其人也是其師友淵源之地已爲覓異而涵養之

序六二

深造詣之密公所自得者尤多故其文章皆溫雅典  
則如銅金璞玉不見雕琢刻畫之工而光彩可掬斯  
藁所存豈惟家傳爾已又嘗聞公言文章政事本出  
於一文章之可施行者卽謂之政事政事之有條理  
者卽謂之文章蓋公之志必欲舉一世於禮樂仁義  
之中而不屑屑於語言文字之末視韓退之歐陽永  
叔輩弗論也正德初公佐吏部再遷大宗伯當 朝  
正色有壁立萬仞之風每臨事蹇諤如正法王之號  
奪番僧之田阻監鑰之謀論兵老之弊皆大有功于

宗社而身始不安於 朝廷矣旣歸北潭登臨咏  
超然形跡之外而天下之望日歸焉蓋公之隱見  
進退所謂華園而經世者煥然可述文章之大孰過  
於是深故論次之以爲序

### 梅林續彙序

梅林蕭先生詩沈生銓旣刻之嘉禾余旣序之矣陳  
生憲復裒爲此集復徵予序刻成予卒業焉歎曰有  
物於此爲世共寶然祈人之愛弗可得也有物於此  
爲人鍾愛然祈世之傳弗可得也是故黃金白璧世

序六三

寶矣庶夫或睨之而不顧高官大爵人愛矣貞士或  
推之而不居寶斯愛愛斯傳者惟文章爲然凡以有  
定價也抑之不能使短揚之不能使長得之足以致  
治失之足以召亂一時之所未融萬世之所必白者  
也茲集也本之性情而足以考見治亂興衰之故學  
者有興觀焉梅林冲遠高簡不隨世汨沒其爲詩淵  
源於魏晉而涵濡於唐人之風者甚深故其所就非  
世所得而抑揚也信哉寶斯愛愛斯傳矣陳生曰以  
憲之所睹記不可誣也請書爲序

鹿門遺隱詩册序

昔漢龐公隱居襄陽之野曰鹿門今鄭君成大隱居新安之野亦曰鹿門古今人若是其同乎按史載龐公在襄陽時躬耕壟上劉表勸之仕不應扣之至再則以遺安之語答之而去蓋古逸民之流與今成大寧有是乎曰不必盡有是也而其人固龐公之儔也成大少孤事其母兄以孝友聞處閨門有禮壯遊四方考德資善年五十歸為隱居計家在新安之雙橋鄭故節義士子美後也雙橋濱湖負湖為腴田成大

覩操鋤耨率童僕耕耨風日中如龐公然大夫士高之遂改姓其地豈不以成大真龐公也哉予竊謂龐公當東都末季隱或非其志也其答表語蓋以之風表者後表卒不能安及其子方其時固有高林深淵之慮為旦夕栖宿之謀而已隱豈其得已哉今成大當熙洽之朝無意外之患保林泉之嘉遂高尚之志是真隱者其與龐公同乎不同乎又未可知也孰得以其地為疑哉雖然地之靈勝者必鍾為奇偉之士而奇偉之士居其地亦輒以名按襄陽之鹿門本號

鹿門習律而得各因龐公而遂顯若是安知雙橋之不可名鹿門乎又安知雙橋之鹿門不因成大以顯乎又安知成大之終不可得使雙橋為鹿門乎成大今年六十葆和養志其子蕪予獲識之是能承其所遺者又按龐公有子某其孫渙皆為魏晉達官成人之子若孫又安知不龐公若乎同其終必同其始予故得書其事授蕪識之

新江十詠詩序

君子去其鄉則思何思欲見之也欲見之者何厚之

道也何為欲見之厚也重本也凡事必有本水有本源水有本根作室者有基本而况於人乎人之生於是鄉也山嶽儲精水主孕靈父兄宗族之攸萃一旦去之曷為而能已於思乎既思之遂去之者何古者男子始生則懸桑弧蓬矢志四方也將行道於四方也夫以孔孟之聖賢轍迹幾遍天下而獨於齊魯之邦未嘗忘情焉凡以重本也夫人之情既不能無思思而不能遂見得見其似者可矣此圖畫吟歌之設古人之所為不廢者與是故輞川以摩詰之丹青平



以文能之手筆彼皆百世傳也而况於今乎林君  
德潤鄞產也來教於吾海邑居常爲重本之思其鄉  
士郁古淡爲作新江十景圖以慰之十景者何曰梁  
山伯祠曰石將軍廟曰高街義塚者古也曰龍潭禪  
禱者功也曰葉菴齋鼓曰寶慶晨鍾曰夾塘觀漲曰  
新渡橫舟曰五港秋月曰百丈春波者勝也士大夫  
聞之各因題賦詩焉浸成巨卷而授予序按新江左  
鄞城之西十里許而所謂十景者相望於三四里中  
於德潤之居環而列焉德潤當鳴鐸授經之餘每一

序六六

展玩按圖咏詩則水木桑梓之念勃然以興他日致  
位顯榮所到益遠相與提携之久又有今昔之感而  
益思所以爲鄉邦重者不必親到其地而凡杖屨之  
往來童子之遊釣者已歷歷在目不自知其身之爲  
客也是卷胡可少哉凡有事四方者可以法矣

送張南山先生致政序

皇帝青宮之臣最舊者宜莫如南山先生焉先生起  
家中舍明年召直文華殿累遷至光祿寺卿四十有  
餘年矣中間嘗佐天官祭大藩登容臺實未嘗去文

華一日也是故最舊昔人以一生仕宦不出國門者  
爲榮且幸於先生何如也先生工書翰富文藻長箋  
大幅幾遍海內人爭寶愛之雖兒童婦女皆知有先  
生焉是故於宮僚又非徒舊而已今 上旣光臨  
大寶先生年且八十矣抗章請老 上念其賢且舊  
爲特允之給馳驛還蓋異數也昔人之歸道出上東  
門外觀者嘆息再三曰賢哉彼固見幾而作者耳人  
猶賢之遭逢 明聖晝繡而還於先生又何如也竊  
嘗觀造物於人若故忌之吾不知其何理也長於文

序六七

墨或累之以政事使之不得盡其力享有聲譽或終  
其身與之焦勞焉其於功名之際尤所吝惜竟不多  
使之完以去也於先生獨不然鳳池綸閣之上未嘗  
有簿書之擾姓名滿四海未嘗一日輟賦詩飲酒之  
樂金紫纍纍歸而爲江山風月之主載籍所稱如先  
生者能有幾人哉而先生身有之未必知其榮且美  
若是也自今之觀於先生者不知何如其景慕歎美  
耶又安知後之觀於先生者不如今耶雖然世未必  
盡如先生也蓋其文以書掩才猷以高暇掩今所稱

者率其緒餘耳深嘗得先生一事於隱微中真可以立頑而勵貪也方 孝宗萬幾之暇雅意文事多所述作每一書進 御儒臣類有陟賚酬勞也先生修詩海珠璣成例得進階乃獨辭免由是觀之其廉退之節所可傳者又於是乎在豈偶得於天而徒有所享者哉深少聞吾松有二張先生者博學洽聞人望也蓋謂東海公與先生爾不幸生也晚不及遍遊諸老之門愧方登朝而先生又去矣考德問業將安適從能無眷眷於懷乎故受命於長者之前濡筆爲敘

序六八

云

### 重刻杜詩序

自遷史班書而下杜詩韓文爲世所流布宜無限也近時杜學盛行而刻杜者亦數家矣余所蓄千家註者於杜事爲備間付汪諒氏重翻之以與學杜者共誦其詩讀其書且以論其世也昔之君子稱詩人以來未有子美豈不信哉雖然杜詩出而唐祚衰矣何者淳龐朴厚之才審於體而知務躬成人囿於肇基開業之會暨其休養蕃息之已久然後士無所見往

往悉其長於藝文而於當務之急顧有所畧積而至於弊且蠹焉此孔子所爲思先進也自周之季蓋已然矣故曰文盛者實衰未茂者傷本智者慎焉若夫子美沈鬱頓挫之辭忠義激昂之氣或因於所遇而霖雨經綸之思唐虞稷契之志至於一飯而不忘後百世而習之猶足以追想其冲襟雅韻頽起而從之遊是其哀樂之所寓尤爲不遠於情性者此或詩人之所未講也工旣成因爲之序卷帙次第固無改於舊云

序六九

### 送趙侯赴辰陽序

今 天子升自興邸於是湖南之藩比於漢之南陽矣辰故湖之南郡若也比於畿輔等耳宰相慎選才賢佐理其地以禪 聖靈鴻鬯之化又加一等矣則今之辰非昔之辰也仕固易以當此哉况 天子臨御六年於茲閱歷既深治效斯溥其所操賞慶之典將自近始而 神謨膺眷拳拳於龍翔之境者又豈他郡所可倫擬也哉今年丙戌夏六月天官卿試天下十於吏部將列之官以永康趙君孟立爲賢俾俸

辰郡孟立亦喜自負曰吾母老矣獨不可藉是以投  
維新之會哉捧檄赴辰取道東海之上海今徐侯德  
新君於友也要諸途餞之海士大夫寔從徐侯顧謂  
深曰此名士也金華忠諫之後而楓山先生之徒與  
子宜贈之言深昔登楓山之門竊講於金華文獻之  
故知憲副趙公忠諫之節既奉使道浙求金華士大  
夫交之是時聞孟立名籍甚篇章藻翰時見一斑蓋  
傾心久矣乃執爵而颺之曰士之於世也以得所生  
爲賢以有師承爲幸出而自見也以得時爲遇以遇

序七

知已爲達夫不得其時與有時而失其會不見知於  
時君世主至有異世不同道之歎則所以得之庭訓  
授之師門者猶空言也今時何時哉孟立可謂遇矣  
或曰孟立讀書金華山中餘三十年博觀而約取賢  
次經緯具有成說爲古文章高視漢魏要之以呂成  
公陳同父流輩自命也時出緒餘猶足以奪魁而名  
世乃今僅僅得一辰倅去若是者猶之不遇也深曰不  
然凡余之所謂遇與孟立之自以爲遇者非以位之  
榮卑也非以地之遠近也非以建立之小大也大抵

擇官而仕必其才弗足者也擇地而趨必其力弗給  
者也宜於大而方於小者必其質任之一偏也孟立  
才備而力充養深而施厚視天下事皆所優爲茲將  
因辰而見重非取重於辰者也又况今日之辰哉我  
朝士大夫金華最尚名節 憲廟初年楓山章公  
自翰林縮修諫齋山以危言被 廷朴謫官末年趙  
公自刑科都給事中諫宮闈復以危言被 廷朴謫  
官終始二紀金華兩公天下共尊師之孟立之所爲  
淵源者已然然則兩公之所以不獲遇者將不於孟

序七

立有望乎哉且夫學以致用爲道道以澤物救時爲  
賢以不失已爲正以忘我爲大彼高談性命者失之  
清虛專事藝文者蔽於委瑣此亦深所聞於楓山之  
門者敢以是贈徐侯曰可以卜之辰矣海士夫請書  
爲序

碧溪詩集序

科舉之業盛而此學廢仕進之心勝而此學微蓋彼  
有所工則此有所拙嗚呼獨茲一事然哉慈谿張子  
威先生自少時一再遊場屋卽棄去學古人之道攻

古人文章學既成咸可試用會有推轂士欲薦之  
天子遭讒罷去然胸中負挾益富練閱益深開口論  
天下事髣髴若縑絲炙較竟日而不竭也一座人  
皆驚服有弗當其意者終席不能發一聲聞人之善  
千里赴之亦有隔屋而斷請謁者然坐是落落今年  
過七十老矣而猶未有所遇合也稍用其學為人修  
敘譜牒以自資歎曰是猶能食吾力者苟非禮義之  
宗輒亦不往也正德十年自粵來訪余一見語合明  
年再見論益合先生自謂晚獲知己相從於寂寥枯

序七三

淡之中久而樂焉一旦思歸出其所爲詩一帙曰子  
知我宜爲我序予受而讀之曰此唐人之格律而碧  
溪子之性情也先生之學其盡於是乎盡於是則世  
人或能知之余宜無言且猶未也則余不宜無言夫  
文章與事功難相兼而聲名與貧賤常相值大抵安  
於貧賤以養夫聞望固君子之心詳於文章而畧於  
事功者豈君子之得已哉績學勵行存乎我而功業  
所就因於遇不遇之間是故有難易焉姑以詩人一  
節論之自古好文之主有聞于名篇佳句輒與宰相

議求其人而誦所作於直廬燕見之頃者顧以致斥  
茲非難哉夫天作之君君立之相務於延攬一世之  
才而用之操一善者無遺挾片長者畢達故宰相求  
之天下天子得之宰相者職也先生宜自愛會常有  
夢卜之舉舉於今日先生名鈇別號碧溪子因以名  
集云

臨潼楊氏族譜序

楊故弘農此臨潼族譜也臨潼之有楊氏寔自顯甫  
處士始臨潼楊氏之有譜則自今石川先生始先生

序七三

名穆字子喬少以文學起高科今同知松江府事初  
石川知汝州時謀作譜屬其從子郎中淳是譜則成  
之松江者也石川敬慎疑定每事先大體而文理粲  
然故治松優裕而是譜所爲成也按譜楊氏自昭信  
公以百戶避兵居澄城蓋元之初造也縣澄城四傳  
而至顯甫府君諱仲微當我太祖高皇帝統一初  
例編臨潼之安業里故今相橋鎮之右石川河之曲  
楊氏盛焉而先生以石川稱志本始也繇臨潼至於  
石川蓋五傳矣而楊氏益盛光其門閥則科第繼起

表廢里居則坊樓相望叢以顯融則法從部院之官  
牧伯守令之職聯次也蓋世遠則澤深蓄富則發厚  
信哉有故國而後有世家也夫所謂世家者豈徒以  
族屬之繁衍第宅之輝映富貴之盛麗相雄長哉亦  
以文獻之足徵也夫文獻之足徵則繇一世而至於  
千世百世繇千萬人而會統于一人渙者可合踈者  
可親遠者可邇而仁厚之風行禮讓之俗成矣既其  
大也則世道之升降於是乎考論而有國有天下者  
藉之以爲聲光往往故家舊族流風餘韻猶足以起

序七四

懦興衰回天命而繫人心者不少此石川斯譜之志  
也今夫過關西者知問夫子而徘徊於四知之坊者  
真若與伯起遇挹清風而聳毛髮不必其同宗與並  
世爲然也况此楊氏之系而居相近也哉石川方退  
託不敢以自附則其傳信之心澄源之志尤足以爲  
文獻家法又安知後世不以石川爲夫子乎此又斯  
譜之志也譜之爲世九爲圖十有三爲錄二爲編二  
家山之圖二祫祭之圖一時祭之圖一大宗小宗之  
圖一世系之圖一卒葬之圖一衣冠之圖一先塋之

圖二璇璣之圖三恩命之錄一叢載之錄一譜傳之  
錄一世系之編一集一曰餘輝之集餘輝集者集先  
事也凡碑誌之文附焉世系以辨宗支譜傳以謹生  
卒叢載以類家集恩命以萃宸翰家山衣冠先塋  
圖以繪時祭祫祭圖以位大宗小宗圖以文世系圖  
以系卒塋圖以朱墨璇璣圖以歌詩其他凡例以數  
十皆闕取儒先之精與以禪補世教而隨事起義足  
以勒成一家者此又石川之志也深得讀而善之故  
爲之序

序七五

### 霞溪十景詩序

語不云乎人以地靈景因人勝蓋兼之者鮮矣乃若  
有其地有其人而景隨之其霞溪之謂乎霞溪在今  
歙之休寧據萬山之中山石頰紫倒射溪水空濛澗  
漾爛若彩霞故名霞溪其地勝矣歙士孫子守善家  
霞溪之上養高誦道遠觀而近取攬以爲披擗之可  
餐心實樂焉故號霞溪其人勝矣厥惟兼有遂以名  
開守善又往往卽其地爲景而景益勝曰朱山奪錦  
曰查塢連雲曰龍田稼稿曰鷓嶺新蒸曰沙峰古廟

曰應水靈祠曰栢橋橫影曰古渡瞻霞曰仙潭汎月  
曰薄沼香風總名之曰霞溪十景而士大夫從而詠  
之徵余爲序余謂此山林之樂而明達之士也夫  
山林之樂有之者常患於不知知之者常患於不享  
有山林之勝而不知者樵夫牧豎是也知山林之趣  
而不能享者達官貴人是也夫惟明達之士才足以  
有爲而不欲盡爲故常有餘功知足以知趣而無所  
於累故常有餘巧是故煙雲之卷舒氣候之明晦泉  
石之流峙卉木之榮瘁魚鳥之下上與夫四時之變

序七六

態不齊皆足以盡取於几席之下杖屨之間矣其守  
善之霞溪乎既各繪爲圖而詩具左方

龍江春遠詩序

凡人情之有別也必歆豔之必期待之愛慕之甚者  
悲之恨之攀留之又歧望之而不已焉士大夫之能  
言者乃從而寫其歆豔期待愛慕悲恨攀留歧望之  
意而歌詩之頌之諷之下至畫史則圖其事與其供  
帳冠裳車馬山川風物之致以比於聲詩焉豈其居  
相漠然而情至是乃始發哉夫君子之行重有事也

事之大者莫大於致君以及民孰不爲君也而亦孰  
非民也是故歆愛之情生焉甚或使絕域去治朝則  
梗鬱於其中虞變於其外者不能不蓄而爲悲恨洩  
之爲攀留攀留之不得則歧望從之矣是豈有所待  
哉蓋必居也有忠信之孚而後出門有眷戀之色二  
者固相爲也不然郵傳之送迎等耳豈復有所謂情  
也哉龍江唐先生士綱既禪除其先公之服矣卜日  
還朝邑之士大夫自南山瞿公而下咸賦詩送之深  
亦有作旣成復俾敘之深於士綱安得無情乎哉曰

序七七

始士綱以丙辰進士退而讀書龍江之上者十年乃  
起而令東明有異政 天子召爲給事中於兵科侃  
侃諫諍奮不顧身尋以 墮書校事廣之東西勤勞  
者三載矣還爲權姦所怒斥判深州權姦伏誅始敘  
遷爲南京工部主事已而再進爲刑部員外郎矣是  
行也 天子追念舊蹟必留爲侍從擢爲卿貳是固  
士綱之所宜有者士綱亦將有慰于今日作者之情  
乎哉因題其首日龍江春遠者期待也

縣侯張八峯膺獎序

嘉靖辛丑歲八峰張侯以名進士令上海再及暮矣  
適監察御史高君奉 聖書按吳越間觀侯之政有  
成也將以聞于 上先下檄獎之邑之諸僚以御史  
知侯之深也信之其詞曰持守謹確幹理周詳清宿  
弊而邑政新敷實惠而人心悅蓋實錄云於是邑士  
大夫咸信之外邑之士大夫亦信之惟邑之民以侯  
之聲望起而將去吾海也則又慮之深方蒙恩歸田  
曾見其事乃喜之蓋喜侯之獲乎上信乎友感乎下  
而才賢之將得路也貳尹何君寶文君觀光李君中

序七八

乞幕史陳君相相率來請為賀惟我 皇明建官經  
國法意相維是故以公論付臺諫以民社寄有司良  
有司盡職于六官以當臺諫之激勸故 天子高拱  
清之上而四海之治成矣詩書所稱何以過此雖  
然此有毀譽焉此有明闇焉古諺有之受君子與則  
多榮惟御史公惟侯誠相濟以功業則 我朝之法  
意具存而漢治之循良可幾也固宜賀顧吾邑在東  
海之上地僻賦煩歲供至數十萬而非時之需不與  
焉適年以來民日貧而風俗日壞天下稱劇而令尤

難侯之來也宰輔寔以難邑試侯而侯不動聲色處  
置有方若解牛破竹然百事就理人徒見侯寬大之  
規模與豈弟之治理而或未知侯之有本也大抵有  
諸中則外施無不宜有所養則外應無不當御史固  
庶得之矣憶昨戊戌 天子臨軒策天下士於 廷  
深以職事充讀卷之末偶觀一對甚佳竊以為此他  
日宰輔之器自閣老而下相注目焉深私識之及啓  
封 廷唱則侯也今世學術高者纂宋儒之講議務  
為儻侗之詞以譁也其下者則獵取腐爛時文之語

序七九

以合程式 君父前殊歎大觀惟侯之文超然遠邁  
直摠肯臆於藹然忠孝之風其大本已如此是科兩  
主司為顧文康公未齋張少宰甬川皆予同年又同  
在館閣每詢之心擊節以為然夫學與政通則侯今  
日今海之政特一班爾是殆未足以盡為賀也何君  
輩固以請深方欲論次侯今海之尤難者庚子之秋  
海盜盜起兵犯太倉勢甚張邑且剝床士民望烽烟  
而奔竄者巷陌相屬呼號之聲與風俱烈時丞佐咸  
闕以一身當之飭兵食謹瞭探馳驅鋒鏑之間而戎

務悉得賦幾及境若望之而退者百萬生靈賴以祗  
席侯固吾海邑之長城也此尤宜賀御史專理鹽政  
詞筆所未及深將附御史欲併以聞于上何君輩  
咸拜下曰此寶等之所未知也遂書爲序

### 願菴潘公壽序

東海之上蓬萊方丈之境接焉人多壽考海上之邑  
環六七百里中涵江湖之秀故多文獻士脉膏沃風  
氣完固又多長者我朝文教四訖其在吾邑涵養  
休息者幾二百年是故俗益淳淳氣益厚仁壽之業益

序八十一

以宣朗乃若當一方之盛以享五福之全則願菴先  
生潘公其人也公朴茂誠慎儀冠有顛自一言一動  
之間具有規矩品式內外族人賴以師保少負美才  
有經綸天下之志退然若不勝衣嘗一仕項城尉屬  
當時艱修城垣平允刑獄惠政大著而項城之人  
亦父母之既去猶思而公口未嘗言功悉卷而懷之  
故一方之長者莫先焉公有四丈夫子皆身所爲教  
長恩曰子仁次惠曰子迪又忠曰子蓋季恕曰子行  
蔚然詩禮之澤子仁既登甲科馴服大僚子蓋歌鹿

以起子迪子行皆績學橋門光彩照映故一方之  
文獻莫先焉壬寅之歲公壽八十一月廿有六日  
其初度也適子仁以四川叅議遷山東憲副還乃率  
諸弟捧觴爲壽公以子仁貴始封僉憲初階奉政  
褒奎煥然牙緋儼若安坐一堂之上斑斕滿前蘭玉

就列望之者以爲神仙而吾邑真蓬萊方丈之境也  
邑之親朋皆相約稱壽篚幣牽牲傾動城郭又一方  
之盛事抑亦百年之所未有也中書舍人趙君元伯  
請書其事以傳予方南歸實倚公爲重乃序之曰凡

序八十二

壽敬高年也敬高年敬其入也是故君臣父子之道  
系之人倫經綸禮樂之業本于人事盡倫以舉事此  
世風之攸關引而長之稱壽之所爲重也夫善莫大  
於錫類錫類莫大于忠君忠君莫大于體國我朝  
帝業度越千古雖然所藉以爲治安者人才焉爾矣  
若夫訓成作養之方則天下之賢父兄也惟公善端  
未易枚舉而諸子乃能發公之藏以需國家治安之  
用類孰大焉子仁奮迹州郡歷典大藩方當一面之  
寄忠誠體國柄任伊始子迪兄弟鼎起甲科同心共



濟益振潘宗當爲荀氏八龍又進而與元愷並傳豈特一方之盛美已也予故論次其大者以復於元伯儻以爲然請爲公壽謹序

縣侯張八峰考滿序

嘉靖癸卯八峯先生令上海之三年今上皇帝中興之二十有二年也仰惟皇上深仁厚澤浸漬海隅而綜核之法精我侯以宏才碩學輔理赤縣而循良之政舉蓋千載一時也侯舉戊戌進士有聲當道者器之試令于海海東南壯縣素號難治侯之令海

序八二

也先德教而後政刑敦本實而汰浮冗嘗有言曰使吾有赫赫之名吾寧徐徐之爲愈也使吾爲快心之舉吾寧遜志之爲務也是故一年而道行二年而信孚三年而化成海之爲海亦既改觀矣今獻績于朝當爲治平第一侯自此升矣夫君子學成而仕患無其時時矣患無其遇遇矣患爲他奪而業之不能竟也我侯身際聖明道合當軸而又實以三年之休曆志遂而業成上獲而下得可不謂千載一時也哉卜日戒行邑之士大夫相與餞之江上有爲達才

之論者曰侯豈百里所能淹哉司封駁持諫諍以左右天子發舒輔相之業吾海上固桐鄉也有爲留行之計者曰天下一縣之積也使侯之道行必有轉移感應之機風動阿衡猶運掌也兩者不能決以論于深深曰皆是也凡人之情有愛之者則不忍其去有望之者則不願其留雖然大小則有間矣與其私於一方孰若公於天下八峰其行哉昔王文正公子明宋之賢相其送薛簡肅之爲轉運也曰東南民力竭矣薛公一奉其言爲世名臣竊意當時文正深居

序八三

廟堂之中未必親覽東南之實且真仁之朝宋事將非矣顧宰相一言雖百世猶頌之惟我聖祖肇基淮甸皇上龍飛江漢東南氣勢豈前代所敢望哉况今天下一統幅員萬里又無燕雲興靈之後中外臣工注意根本之地者謀謀迭出海實東南之一邑固在衽席之上矣但今日之事則我侯之所身親目擊者也侯亦有意於文正之言否耶今制凡考滿自外入者先上其事於考功考功殿最之乃上其事於天官卿天官卿殿最之然後上其事於朝天

子視歲最之其高等則有錫宴 賜勅之典或有  
面對輪召之舉候時在列倘以東南民力聞於 上  
事有所濟則回天沃日之功又當出王文正之右矣  
是誠千載一時也侯唯唯相與載拜而別御醫顧君  
定芳輩前趨以告諸士大夫曰古者行必有贈禮也  
斯可以爲八峯贈矣請書于簡

原公利民偉績序

地勢入於東南吳故澤國也松爲吳甲郡地分東西  
鄉東源於海乃高阜西薄諸湖則漥下焉時或霪雨

序八四

蕪甸則西爲巨壑或彌月不雨則東或龜坼民於是  
乎艱粒矣夫一郡也而利害迥異旱潦在天者不可  
必有相之道則存乎人焉故古之言治水者二濬與  
防而已今 天子向意東南軫念及此蓋自府僚縣  
佐而下凡職是者皆慎其選匪賢且才弗得任視他  
特加重焉先是水利掌於浙臬慮其事兼而任分也  
故特出部署一人以代之又慮其官暫而權輕也故  
特命今郎中傅公某專掌之而吾侯以儻卓犖之  
才服是命而期至上下得人一時胥慶焉粵惟東南

之地既非西北諸方比沃壤宜稻梁故莫利於水一  
失其平轉利爲害猶反覆手也而吾侯心切民隱慮  
關 國家廣詢博訪諏厥便以爲利民計相時之宜  
度地之利高者濬之以疏其壅淤漲塞之坊下者堤  
之以殺其奔騰澎湃之勢蒼農老耕皆安所業焉深  
也試以目擊一二言之槩可類推矣肇嘉浜密邇縣  
治自邑以西阡陌皆取給焉故嘗堙淤民恒苦之侯  
至自松覽厥地以爲是當疏者乃檄諸縣鳩工集財  
夫丁凡若干人皆即日從事侯又親臨以程之春鍾

序八五

之聲相聞於道未及浹旬而向之堙淤者類皆通焉  
是河遶學宮之南迤邐而西蓋當一邑文明之地源  
脉久蕪不獨田夫有早暵之憂雖登臨弔古者乎沙  
淺草淒涼溢目蓋有感歎而興怨者矣今旣得侯以  
通豈復有昔日之遺恨乎故嘗循河而舟焉則啓土  
成畦紫紫然若山之障乎兩旁也又嘗登高而陸行  
焉則碧澌紫滙宛然乎一邑之襟帶也鷗鳥浮沉帆  
檝下上遂爲一方之勝槩焉嗟乎是豈直爲 旣哉  
居民授田其旁者負耒耜而欣欣伊誰之賜歟夫春

秋之法凡勤恤民隱者皆在所當書以侯之績之備  
如是固大書特書不一書而後已也非其人歟侯  
姓原氏其處人官今松江府倅云

五世從孫陸瀛齡重編補刊

序八六一

文裕公行遠集 卷四

記

浮山遺龜記

從曾孫陸起龍謹編

平定之山以浮名者二故稱東西浮山云東浮山在  
城東五十里餘即女媧氏補天之處其煉石龜尚存  
山多產石巖勝他產而所產諸色石亦可燒云予嘗  
荒唐補天之說今適其地睹其跡於是召其土人問  
之土人曰然又問之土人之耆宿耆宿曰然已又問

記一

之學士大夫士大夫又曰然予曰何謂也時僉憲白  
君實之曰是遠俗焉可徵已凡吾定之人環而家者  
以千萬計而附州者尤密今州居之家復以百千計  
上元之夕家置一爐焉當戶實以雜石附以石巖至  
夜煉之達旦火焰焰然光氣上屬天為之赤至於今  
不廢也是之謂補天子聞之始悟而未有以發也遂  
過樂平與太宰白巖喬公談浮山及此予以為此蓋  
史氏之徵詞也按媧氏之興繼太昊而誅共工是時  
火德中微生民甚朴想夫茹毛飲血之外日出而作

晉日入而息爾固未能盡火之用也况鴻荒初開林  
木鮮小樵薪之利尚微而附麗之機猶隱媯皇乃察  
物宜前民用是故制此以通昏黑之變輔烹飪之宜  
所以開物而成務益曰補天之所不及爾後世所謂  
焚膏繼晷燭火代明亦斯義也此誠贊化育之一端  
聖人繼作舟車宮室之制安往而非補天也哉補助  
也替也未必盡寓彌縫修綴之義謂因其罅漏而補  
塞之讀者不以辭害可也後世方士家本列子之言  
以為燒丹接氣之術故神其事世遂惑焉公大以為

記二

然云此可破千古之疑聊記於此

### 徽守南侯復役記

徽郡於江南據大鄣之麓俯視諸郡地產民力於諸  
郡特劣而饒富之名顧不後諸郡是故號難治治之  
而得民心又難也南侯之治徽三載矣善政以十百  
計計其得民心者復役一事尤鉅於徽蓋百世功也  
惟我太祖高皇帝定鼎金陵太平實首善之地比  
於漢之三輔南陽故凡糧科力役獨加優厚若湯沐  
云近有桀黠者巧為規避視徽猶壑也先是蕪湖役

夫使徽代之繁昌禮儀使徽又代之當塗之民復謀  
以南京兵馬司弓兵凡四十八名歲以銀計者數百  
改派於徽徽弗堪矣由是徽之民交訴於朝事丁  
撫臣毛公馳檄屬郡議其便不便者於是池寧安太  
四守臣會于廣德太平林侯議曰太平屬縣地當衝  
要水則有通陸則有驛使符旁午客之貴且重者每  
一接待凡費三十金或五十金徽僻處獨無此改派  
便南侯曰不然國初都南故雲貴川廣五六省使  
道必經采石荻港支應為難未聞告乏今朝廷在

記三

此諸道使客皆由西路豈昔有餘而今反不足耶且  
太之糧畝以升計徽之糧畝以斗計自昔經制者固  
已權輕重於其間矣近奉部符調發凡坐派若干凡  
灑派若干視他郡獨多定額之上供者每歲計銀三  
萬兩有奇而不時之需大工之具不與焉徽煩矣改  
派不便林侯曰徽善賈多富商是民力有餘也改派  
便南侯曰徽地狹民不容若故逐末以外食商之外  
富民之內貧也徽近多盜內犯則外移外犯則內索  
大抵明於法則務傷養其成則滋害皆吾力也實并

奔接會典則戶山之耗者且半凡皆役之重也役之  
皇民之貧也太之戶口視 國初不及者才三之一  
饋可謂微富而嫁役乎於是林侯語塞議上毛公亟  
是之而收派之役罷徵之民得復舊規用是以和深  
聞之曰善乎侯之治徽也其辭不費而利則溥矣其  
事不煩而民則洽矣其心不黨而隣則睦矣其功不  
耀而風則述矣雖古循良蔑以加此適侯有考績之  
行因錄爲贈

銅甌記

記四

海虞王君文潔喜文博古嘗獲一甌其識曰維紹興  
丙寅三月巳丑太師秦公檜一德協濟配茲乾坤乃  
作銅甌賜家廟以奉時祀蓋宋高宗之所賜而其相  
秦檜所從受者也文潔讀之愀然憐岳武穆之冤忠  
而鄙其當時君臣之所爲若是乘而勿顧久之流賊  
入江江南騷動又慨然思得若武穆之爲將而又恐  
有若檜者以害武穆之成功乃發憤卽家山作萬松  
樓以祀武穆而以所得甌奉焉既又範銅像檜跪於  
甌足間若伏罪者以向武穆云是舉也可謂雄偉不

羣者矣而文潔固奇士也哉按史載檜之殺武穆也  
在紹興辛酉之冬至丙寅之春乃作家廟遂有此賜  
五六年間和議已成忠賢盡潰固自以爲百世之勳  
也觀甌銘所稱以君而諛臣若此計一時頑鈍無耻  
之士道盛德於前誇成功於後者何限也抑孰知百  
世而後人心好惡之公不容其滅雖聲色之間亦有  
其於鐘鼎刀銘之所及者而况其他哉人可不自力  
於爲善也予嘗道西湖拜武穆墓下睹所謂南枝樹  
銀瓶井焉又一檜樹中剖而失其前固亦謂之秦檜

記五

也疑皆好事者所爲又聞滂陰有武穆祠戶外鑄鐵  
而繪拜焉凡一方疫癘者必禱禱者輒持筭筮路擊  
鐵槍或千百千數皆如所祝輒得福事雖涉恠誕於  
此亦以見人心之公而忠賢正氣流行於宇宙間鼓  
爲風霆照爲日星形爲川嶽真有不隨生死古今而  
變者則茲樓也謂非武穆之所饗耶而文潔固奇士  
也哉文潔名澄別號竹泉姚君尚相綱最能道之作

銅甌記

留鹿記

唐虞有邑蒲田黃侯實來治之侯之治海也任德而  
好古使民各自爲使雖三尺之童皆得以謁其所欲  
於前退而無不得也其取諸民而用之也自一錢以  
上度得已輒已之而民未之或知簿書獄訟之暇其  
所好尚則彈琴挽弓投壺歌詩考古文物以求先王  
之精義庭畜鹿鶴聽其和平之音旣其潔白之操以  
養吾之高明而致之用不能委曲與上官遇鈞取音  
器以聳動當世之觀聽故民之宜於侯也若羣飲于  
河各克其量若時雨之浸物皆霑足而不自知其功

記六

之及思之爲大也幾考而薦爲戶部主事於南京將  
自海發也其民始慕焉若失而侯亦眷眷於海也顧  
其二鹿而嘆曰是亦嘗芻飼茲土者耶乃留之而去  
陸子曰侯於是亦有仁政矣夫仁者之心一視皆同天  
下者一邑之積也萬化者一事之積也萬物者一物  
之積也古之君子由一事之謹以成萬化之理自一  
方之治以表萬方之矧自一物之愛以至於物物無  
所不愛故易於近者非知遠者也忽於小者不可與  
圖大者也天下之情賤目而任耳久矣故嘗以所不

凡者爲奇而忽於其身之所自有其居此也若將免  
焉其慕彼也若將改焉得失之機交戰而靡寧故化  
理之本搖而仁者之澤鮮矣以侯之才固不難於立  
致通顯而乃低迴劇縣殆且十年其來也若將終焉  
其去也若有焉非其篤於自信而無所慕於外者  
能之乎異日居裁成輔相之地無內外無將迎無畔  
援無欲美以底同仁之績則斯鹿也固其徵哉士大  
夫從而歌咏之以比於時苗之留犢云按苗魏人嘗  
令壽春始時以一犛駕車而至久之生犢其去也以

記七

爲非已來時所有之物遂留之可謂持潔者矣然其  
區區於子母之間猶有論量較計之私是殆有所慕  
而爲之者耶若侯者惻隱之心隨感而發去留之際  
卒歸於無意非苗之所知也於是作留鹿記

綠雨樓記

陸子卜居長安爰得高樓碩柱勁梁下爲三室悉牖  
其南高明靜虛是故夏涼而冬溫也以奉吾母吾母  
喜深退而亦喜登斯樓以望焉而臨廣園南風徐來  
城堞蜿蜒自東直趨而正陽宣武二門卓立相向若

門山從西山隱起半空彎環奔圍吐抹雲雨變態立  
異躡勝崇文若孤峰插霄平眺則緣城卉木高低隱  
隱其巖巖次如陳几案都城之異境也背負巨槐圍  
環其趾壽可百歲假覆簷際每朝瞰初起則浮綠滿  
樓動搖不散因摘古詩綠槐疎雨之句命之曰綠雨  
素將於此息焉樓既高爽又洞中含風於燕處不宜  
乃障其東偏一楹覆以承塵飾以越楮既具而純白  
焉繞口口素素存而天下之變具矣故命之曰素軒  
又障其後爲小室啓一戶與軒通中設木榻一棊几

記八

一古亭一香鼎一左居圖右架史正覆槐處也此爲  
兩窻槐幹肖龍每欲闖牕而入煩暑時於是讀書納  
涼蓋樓至此窮矣有潛之義焉故命之曰潛室又啓  
一戶折而西通中雷榜曰書窟廣可五尺長丈有咫  
穴北壁以取明雜藏書三千卷斯樓之大觀云素軒  
之東二楹可娛賓時享牕之外有露臺可眺可坐可  
翫月或二三良友可觴詠有闌可箕踞而憑其下有  
棗當離離時可掇而啖也吾之取于茲樓備矣夫雨  
及時也素正行也潛毓德也窟厚蓄也尚冀無負於

斯樓焉

月塢記

金商張愈光修古學而未有合於今也自蒙以癡人  
之號將卽月塢之勝而益修焉以告于陸子曰舍居  
山中築塢讀書畫山之勝有泉有澗有樹有卉有園  
有亭有臺榭有梵宮琳館可遊可憩可騎射獨於有  
月爲最勝山西峙凡西之山咸拱揖可俯故於得月  
爲最凡月時泉聲澗影樹樾卉蔭園亭臺榭梵宮琳  
館參差隱映含輝互彩浮藍盪白若有若無顧而樂

記九

之使人心跡俱泯世界盡失期以終老焉又曰家君  
督舍以進士業非古也弗敢廢命則茲山茲月之境  
荒哉又曰領靜以強志志強則學就緣癡以崇道道  
崇則用允舍之志也深覽而異焉語之坐告之曰吾  
子用志良勤矣夫君子之學古也道貴弘守貴約動  
貴時不弘不足以周務不約不足以致道不時不足  
以利用吾子疑於適越而廢冠屨矣冠屨者首足之  
所用也越人廢冠屨非能廢首足也故科目者豪傑  
之所由也非由科目而豪傑也吾子求道於六籍修

辭於世都誠古矣今 天子置節閣設論思所以華  
而而經世者非俗學之所用也請與子論月可乎月  
之晴用大矣懸象於天設體於日代明於夜積成於  
歲雖然風雨之夕雖望無月晦朔之際雖月無明上  
弦之與下弦魄同而進退殊也晨見之於夕見形同  
而消長殊也春之溶溶也秋之皎皎也夏之助暑也  
冬之號寒也是故月之變屢矣安往而不得月哉三  
代諸士以選舉漢以經行魏晉以中正隋唐始以進  
士是故仕之變亦屢矣安往而不得士哉吾子耽月

記十

塢之山水幾于滯靜而未弘矣薄科舉之委瑣幾於  
鶻遠而未約矣任氣質以疾疾幾於過動而違時矣  
愈光懼然曰含癡庶其有廖手願書爲記

### 小康山徑記

唐風之詩曰無已太康記亦有之樂不可極極者太  
過之辭也蓋言樂之不可以過也子謂真樂無過凡  
言過者皆情欲之感也夫物交於外欲動於中而情  
出焉順而無制然後流連荒亡沈湎淫佚無所往而  
不至至於傷性命之正者多矣若夫無爲無求無思

無慮無物無我無嗜無好無方無體無所恃而適然  
悠然而天和熙然而春育廓然而無所於累夫是之  
謂真樂夫是之謂不遇孔子曰同也不改其樂曾子  
曰浴乎沂風乎舞雩咏而歸是物也何過之有予聞  
居東海身境俱寂既無富貴功名之想聲色貨賄之  
奉茲焉素薄身之所到輒有山水竹樹之勝神契物  
化恬焉不知老之將至也四友亭之南有隙地盈丈  
因聚武康之石作小山具有峰巒巖壑之趣復作磴  
路迂迴旁通可登以待月退坐亭上可以觀雨客曰

記十

奇哉山水宜以小武康名之子猶懼此樂之涉于外  
而至於過也因題曰小康山徑且以示戒云

### 柱石塢記

儼山西偏澄懷閣之下小滄浪之上復以暇日周施  
闌檻用備臨觀徙倚之適有川石者三高可丈許並  
巖削成有奇觀焉因錯樹之爲三峰中峰蒼潤如玉  
彈窩圓瑩豐上而銳下藉以盆石有端人正士之象  
却而望之擎空于雲逸焉寡羣豈八柱之遺非耶題  
曰錦柱傍甃兩臺其左曰龍鱗石蒼碧相暈比大成



文儻然鍾甲之狀森聳而欲化也其右石首微矐而  
嫻嫻共揖有掀舞之意名曰舞花虬合而命之曰柱  
石馬曲徑其下以通往來每當朝日始升夕陽初下  
曳杖徘徊聊以寄吾孤岸之氣時時賦王右丞五言  
短篇或歌陶彭澤歸來詞一兩解俯檻觀遊魚爲之  
一笑意其樂也客有過者相携而共樂焉疑之者進  
曰古之君子閒居而寡求今之君子退藏而喜事是  
焉也奚耶焉儼山人復爲之一笑徐應之曰夫生有  
定理物有定分各還其分以歸之理古之道也茲數

記十三

石者遺棄荒林草野之間蛇虺之所蟠牛羊之所礪  
樵夫牧豎之所踐踏石固無悔也而理有不當然者  
一旦起而拂拭之立者爲峯卧者爲岫欹者突者爲  
巖竇圓者中規曲者中矩抗者若介俯者若委參而  
列之者若同志孤者無黨正者不倚各還於理斯固  
其分也而石亦何加損哉乃若君子之取諸物也近  
而遠粗而精一以貫之獨非古也乎且子之理是也  
役數夫之力假且夕之工高卑以陳動靜以位清濁  
以判治忽以區夷險以奠不曰儉操而博取乎吾子

始求之形跡之際未矣客起曰樂于理遂書爲記

### 鴈山圖記

古稱山河兩戒南戒盡鴈蕩山云山高四十里頂上  
有湖方可十里鴈主棲之故曰鴈蕩袁采云鴈蕩山  
溫州樂清東北山之通名也去縣九十里而遙山蓋  
純石而上山不與焉沈存中云諸峯峭峻險惟不類  
他山當是谷中爲大水衝激土盡去而石獨立爾采  
復爲鴈序總之云東西四谷西外谷有寺四曰古塔  
空雲寶冠石門其流水自大芙蓉港出纜輿其路平

記十三

夷西谷有寺七曰能仁羅漢飛泉普明天柱華嚴瑞  
鹿其水自峽流筋竹澗出清江皆峻嶺自石門來者  
曰東嶺自芙蓉來者曰丹芳嶺自筋竹來者曰飛泉  
嶺達于東谷曰馬鞍嶺東谷有寺四曰靈巖淨名靈  
峯並濟其水自峽流白溪溪上有路通白溪驛東北  
有嶺曰謝公嶺達東外谷有寺曰石梁自石梁東北  
至巖峯以達黃巖左有谷曰南北閣南閣乃鴈蕩之  
北有崇德寺水自蕩頂分流焉鄭向文云古樹老藤  
蔽虧天日林顛葉隙時見異峯餘波洩注流爲飛泉

南有雲霓懸瀉數道鴈山之天畧如此其雜記一時之勝者石梁云月已沒白雲西來如流水風吹橡栗墮瓦上轉射曦下小屋從甌中擊地上積葉鏗鏜宛轉始非世間金石音靈峯洞云兩大石相倚如合掌至掌中望見山巒中青夭如懸一片水靈巖云巨石孤立如人俯月出正懸東南角星象纍纍下垂四旁如游魚噉喙以身爲浮游在灑氣上夜色如霜雪諸峯相向立儼然三四老翁衣冠而偶語能仁云鴈山西南一峯絕高下視衆山猶當是大父行舟行南海

記十四

月餘常望見直西北有物如高髻亂髮纔一握大倚爲指南西谷云出南戶望屋上山山圍屋如城府或纍纍然如蜂腰綴下而剝其中滢滢然如燕巢斜竇而部其尸齟者窺者仰者歆者纂者訛者僵者喙者掉者俛而窺者騰而上者如人皆具耳目口鼻而無一相似又云從靈雲寺南入山時時過絕險挽牽懸藤偃木以過日正中僅到山顛望見永嘉城下大江如牽一線自李孝光云北從天台來入古東甌郡境上望見西南有山相向立如兩浮屠遊者咸曰此鴈

山門戶也益深入其阻視羅漢洞東西天柱大龍湫巖人有眉目十八寺皆其肺腑也文人之所次第如此予聞之士人言秋遊鴈落有以哉南土溫溽春氣氳氳故有毒螫至草木黃落毒去乃可入數百里山皆在目中無毫毛蔽遮嗟乎遊貴及時也哉予將問途焉有告余者曰鴈山循崖而南百里如畫自樂清道白河芳林逾窰嶼過長嶼原經古塔本覺寶冠石門諸寺出白溪驛謂之右路自黃巖由白若嶺入石梁過靈巖逾馬鞍至能仁出長嶼抵窰嶼謂之左路

記十五

馬鞍嶺蓋其分界云東谷之峯五十有三西谷之峯四十有八謂之百一峯有泉五有巖二十九有石三十三而石行廊爲勝有潭七而沐浴爲大池一澗一日筋竹峽一日經行門一即石門也有洞十二而道姑爲古有溪四而四溪之水爲會有嶺七而丹芳爲峻凡四十九盤有障二而平霞爲華有橋二有嶼二有閣二卽南北也有菴三而八菴爲八菴有亭四而看不足爲奇堂一日資深遊人之所有事也余性喜登臨中歲四方行萬里而勝處必往蓋嘗至天台云

獨於鷹鶚有眷眷焉今老矣乃畫爲圖聊以資因遊之適爾因考論其槩爲記近時陸文量以藩叅出遊具列形勢謂西湖諸峯爲劣至登平霞則獨立四顧疑非人間世也潘三峯御史加品騰焉謂有勵拔有空洞有雄渾淵澄勵拔如介空洞如通雄渾淵澄如旁行不流各舉其人類之則又出丹青談笑外矣皆有關於茲山也因并記之

黃山樓記

黃山雄峙實當新安之境多偉麗卓絕之觀森然矗

記十六

然而峯者至三十六若王公大人耆年尊宿頡頏於霄漢風埃之上使人起敬起仰於數百里之下大抵融結厚而氣勢盛猶之於人也涵養深而道德著矣黃公質夫致藩參而歸築樓其麓當之凡黃山偉麗卓絕之觀霄漢之韻賞數百里之仰望皆不越几席而盡之榜曰黃山樓最勝也先生日登斯樓顧而樂之節宜四時寒燠之宜乘早暮氣候之變有會於中卽命酒獨酌身被野服手執如意擊欄楯爲節歌之歌曰山中兮白雲英英兮欲雨羌攬結兮不能時來

宿兮簷下叶又歌曰山中兮有芝聊采之兮以療予飢望西山兮雀鬼思佳人兮不可期又歌曰山有木今木有桐有烏集兮文厥躬夕陽兮高逝嗟矰繳兮徒工歌闋聲出林木若鸞鶴之噦層雲時人莫測也新安人士云爾君子聞之曰博哉先生之有取於黃山也夫物以象德德以類求斯逝川所以興嗟仁者然後能樂也且夫山類能出雲雨豐財殖以利物物利矣山無與焉先生以名進士爲良有司八柄郎署出參大藩餘三十年矣計其利物之功何限也殆無

記十七

蹈止足之戒乃頽然自放於斯樓之中與烟霞泉石侶先生又何與焉夫能不與則其德備矣乃作登樓歌三闕若以和先生之辭者俾新安人士持歸爲先生壽且以爲樓記歌曰登樓兮蒼莽萬里兮在下送子目兮扶桑會懸車兮駟馬粲金碧兮有煌備茲山兮既長的沉瀝兮欲咽極予心兮羲皇樓中何有兮有圖有書招山人兮與居齊萬物兮一瞬何非是兮乘除

晴原草堂記

吾友賈醇之作晴原草堂既成自徽州貽書謂陸深曰宜有記深方退耕三江之野陟降阜隰以與老農老圃日相從事較量物宜占測晴雨以觀天地陰陽之變家本故農有先人之廬中田而植繩樞葦箔無文章綺麗之飾應樹潔清取足卧起雜植梅竹桃柳以爲障蔽風日暄和則策短筇選高丘遐觀遠眺有述懷季子之風三國六代之遺蹟在焉歸而燕坐焚香讀周易楚詞歌淮南小山之篇自適也每當風雨交會之期則晦冥黯黯沮洳震蕩亦復無歡閉戶而

記十八

卧雖數日可也庶幾哉所謂晴原草堂者深踈慵人也不開世務強起從仕今方爲世指目分當棄置儻蒙先人之惠力食是資未爲無事辛勤勞勩之餘因以寄吾幽寂散遠之趣蓋將老焉如先生蚤負重負舉進士爲御史正言直道聳動朝端視師清虜有文武之畧還陟卿寺嚮用矣而暫理遠郡固寸陰之游大空耳而必是云云非深之所敢知也先生之言曰吾少也命各以啓按啓久政久日有晴之義吾佩焉及長授詩至小雅之什曰嘒嘒原隰曾孫田之按高

平曰原因於原焉有無逸之訓吾愛焉且治因於雨魯重時也顧名思義此啓之志也深卒書而歎曰啓之今之知道者與天高地下萬物散殊人生于其中經綸縈焉故形而上者七政四時之類皆天也形而下者五嶽四瀆之類皆地也天有陰陽之殊地有陰陽之辨人有邪正之倫凡陽明之氣爲光霽爲日星其於人也爲高朗爲睿聖凡平易之氣爲厚陸爲道路其於人也爲博厚爲坦夷若夫消長之數治忽存焉君子之所慎也故曰君子之道猶日星然不言月

記十九

者陰類也又曰周道如砥君子所履言君子之履無險也晴原之義意在於斯歟有非深之所能知也今天子舉周遺才賜環在邇啓之歸坐廟堂終經綸之業抗問清平淳厚之風以弼成雍熙泰和之治然後明農畝畝及桑榆之末晷餘光所被猶足以映後人人將指之曰此和風慶雲也此泰山喬嶽也則是草堂固當與茅茨卑宮同歌咏於詩書矣豈區區籬牆所敢望哉姑記之以俟

荆南精舍記

江陰佳山水宜興爲最宜興佳山水荆南爲最古  
陽美在宜興今入宜興之境崇稱曰陽美凡涉宜興  
之谿崇稱曰荆南水澄山秀明潤映發表之以銅棺  
蓄之以震澤魚稻之佳蒲葦竹箭之利喬松茂林之  
隱蔽習俗之儉勤人士之朴茂敦讓水旱之災鮮少  
嗚吠之警曠世不驚加之舟輿室居之堅緻以爲息  
游居起之適洞府之深惟環瑋泉石之幽閒供登眺  
臨賞之勝信絕境也大學士靳公別業在焉有田有  
廬若將爲明農佚老之計者公故潤人也潤有京峴

記二十一

北固之塹拔帶以大江之深長金焦之出塵亦旣以  
効靈會粹鍾爲大賢碩輔舒乾坤之秘藏當台鼎之  
柄任霈澤寓內爲茲山川重有如公者又奚美彼爲  
哉公之言曰潤天下之要衝也獨形勝乎哉然潤之  
產常不足以養潤之人地狹故也以狹地當道衝則  
善無常資而俗易屢壞是故潤自吾居之可也顧吾  
所以遺後者至薄而詔之以彝禮也至勤其將使後  
之人守宗祧於此而勤衣食於彼也故始作堂命曰  
和義志吾私也命深記之深退而嘆曰仁哉乎公之

垂絕也不後求不嗾乎人情不以崇高爲專恃不凝  
滯於物而有化其稱名舉事不煩而推類廣勞而有  
獲久而不可渝秩然享之閭然而無弊夫仁者之爲  
慮遠邇一也則公之相業從可識矣雖然觀河洛則  
思往聖瞻嵩華而考其降神守材賢陶漁耕稼之必  
有其地則山川之所賴亦豈細故也哉昔蘇文忠公  
輒卜居陽美至于今談者美之而陽美因以益顯按  
文忠未嘗來居志竟不遂且官止于庶僚動與咎會  
學止于文章功名之末猶將借以不朽而况于德業

記二十二

學術本之聖賢者哉况于子子孫孫克以永世者哉  
深不佞姑記其大者異日儻獲從公問學其間亭館  
樓榭之美卉木之麗時物之變態或能賦之

### 江風遺憾記

江風遺憾終慕也終慕爲誰歛之吳生鰲也生之言  
曰鰲早孤生才六月耳無所知知乳哺又漸知視息  
僅僅識母襁褓不能離又漸識母顏能辨母聲時時  
見慈節孺人出之懷中撫頭而嘆淚續續霑臆揮灑  
嗚咽罷又或呼天長吁卽摩挲號曰未亡人洪固能

死而不死者恐吳氏不食耳言已復泣泣不復已  
其時漫不省是何等言是何等狀也孺人勤紡  
績以育鰥又漸教鰥以詩書鰥漸欲覓父所在見時  
鄰舍家悉事游賈或經歲還或經數歲未還意久不  
還耳亦不敢問又漸聞父客死他鄉不復還意恫恍  
世測慈節始告之曰兒父果沉溺死時余年二十  
今日又矣初商游於越歸自荻港人馬同舟中流遇  
風與俱覆矣鰥聞之號慟幾絕遂復修先業事遠遊  
將以訪鵙夷之遺蹤哀筮篋之餘韻每涉江水颺天

記三

風輒躡涕泗終日士大夫憐之爲題江風遺憾或  
賦詩以弔鰥以慈節顏堂爲鰥母慰友人汪子哀其  
言致之陸子予感之爲之書其事曰生死天命也禍  
福人事也修事以俟命幸不幸存焉處死有道踊禍  
有數不幸猶幸也獨其周旋於禍福生死之際依倚  
於義理慈孝之天者君子謂之世則 聖君賢相將  
必求其人以揚礪引長之謂之世風風噫氣也鼓盪  
萬物以振迅八表莫速焉貞哉洪孝哉鰥是可以表  
世風乎

羅氏義宅記

書高平范文正公作義用以贍族世傳以爲盛事今  
欲羅君作義宅蓋開范公之風而興之者也予亦欲  
傳其事羅之肖者曰滋將廣其傳以告予予久而未有  
以答也茲乃伐石請書其詞曰宅以義名合族也義  
取於辨何合之爲夫物又必繁繁則必合合而無辨  
何以能久是故合之所以成其辨也羅氏之宅凡七  
畝其若凡百有九十其族凡三十有六堂曰義堂圍  
曰義圃井曰義井其田百畝其租百石嗚呼羅君無

記三

范公之地位與爵祿而彷彿范公之舉措君真義士  
哉夫義利之判久矣羅世以貲高鄉里至東峯君益  
昌大東峯名元孫慷慨游江湖間所務者營什一以  
計贏縮若爲利謀也而獨有志於作宅君真義士哉  
予惟世人愛身重自一軀外若靳靳然且以吾身而  
視吾之兄若弟未有視之如吾身者也自兄弟以至於爲  
從爲再從未有視之如吾之兄若弟者也自再從以  
至於爲總麻爲袒免又未有視之如從若再從者也  
蓋其屬遠故其情疎遠則易忘疎則易離雖欲視之

如吾身視之如吾之兄若弟視之如吾之從若再從不可得也雖然自吾觀之此吾之兄也此吾之弟也此吾之從此吾之再從此吾之總麻此吾之祖免也自吾之祖若考而視之皆其子也皆其孫也皆其子皆其孫則其所以衣之食之煦之育之姻之嫁之安之養之以至於合而撫慰之者皆其心也吾祖若考之心將以衣之食之煦之育之姻之嫁之安之養之合而撫慰之而吾之族人或至於饑寒困苦離散而莫統吾未知吾祖若考之心宜何如也嗚呼此羅君

記二四

之義宅世不可少世又可少傳也哉雖然羅君之族三十有六矣自三十有六而又廣之其族漸以滋其費漸以繁吾懼夫七畝之宅百畝之田未足繼羅君之志也爲羅君之子孫又宜何如也重義輕利以毋墜是舉此固世風之所關獨羅氏也哉千百世之下當與范公並傳無疑余故樂書其事

江南新建兵備道記

江南之兵備設也自今 天子正德始兵備之有官也自弋陽謝公始先是公以監察御史來按江南興

華舉措屹然不以禍福利害動其心江南以寧既受代去 天子以爲明於江南之故會有江上之師用大臣議設兵備於太倉州乃自御史陞公爲提刑按察副使蒞太倉凡水利屯田鹽法獄訟之類咸屬焉又聽以法糾察其屬文武吏之職不職者而獨以兵備名最重也公奉 璽書而來知州汪君惇以兵備道爲請乃卽水利分司之舊址益以民間地若干畝而卽工焉外建重門凡門之楹若干門內爲廳事凡廳之楹若干翼廳而南者爲兩廊凡廊之楹若干綴

記二五

廳而屬之後者爲穿堂若干楹後爲寢堂若干楹旁爲兩廂又若干楹又別市民地若干爲內宅其制視前而爲牆門一殺去兩廊少西建樓幾楹以供眺望而穿堂又殺焉又益以屋若干楹凡庖漏瀆圓之類備具繚以周垣以丈計者若干經始於七年之秋九月明年二月訖工嘉定知縣王君某以書屬 記之惟古昔憲王經理之制凡以爲民也而兵則惟大惟慎大抵兵不息則治不興而忘備於無事之日者至戒也竊觀自古頑民之弄兵未必盡包不軌其始也

起於無所彈壓以遂其無所忌憚之心及其過成惡  
稔則一切決裂爲之至用天下之力而僅克若近日  
之用兵皆前日撤備之所致也嗚呼孰爲之哉是故  
先王所以有禁於將然與救於已然者其效可睹已  
仰惟 天子除去大慙求復 祖宗之經制若茲兵  
備之設惟善是從以保祐民宜示有永按太倉當江  
海之衝三吳之蔽而金陵之門戶也公既至承 天  
子德意加以博大練達之才經綸體用之學惟地與  
民爲久遠規後之來者將尋公之始政而考求之則

記二六

國家之幸而江南之民之福亦寧有既哉深故敢列  
其大者勒諸碑陰

### 靜菴記

虛靜先生閒居東海之上其覺悠悠其寐休休其耳  
若日莫之與謀蓋環堵蕭如也靜菴居士大帶垂紳  
危冠曳履立若山峙默若坎止齋心十旬裹糧千里  
而來問於虛靜先生曰先生蓋有道者也辭榮就淡  
樂寂厭紛付功名於鴻毛等富貴如浮雲中腹外槁  
體情志勤若輕世絕影而神明爲之不分鄙人甯有

志焉而未之有聞也願先生詔之先生曰嘻吾子亦  
既已知之矣何事於勤勤耶居士避席曰夫知之非  
難行則惟先羊亡於多岐而魚得於忘筌終惠鄙人  
願先生抽其關而摘其玄先生曰善哉斯可以語人  
者也居吾明告子人惟動物爲物之靈未能離物人  
免役物爲物所役斯將化物物既化矣靈則微矣鍾  
倒紛拏殊適異趨疑定專一乃與道俱雖然有因有  
從有覺有識有習有合而後有得夫所因者資也所  
從者道也所覺者境也所識者誠也所習者行也所

記二七

合者契也所得者德也而無所得也資不高者不圓  
道不正者不從境不履者不覺誠不孚者不識行不  
勤者不習契不投者不合而不得也虛明之謂資簡  
易之謂道深艷之謂境超悟之謂誠積累之謂行融  
會之謂契相忘之謂得吾子博大高朗不滯於物偉  
然端蕭語默有常其資乃絕俗矣遨遊湖海觀察近  
裏不隨時化所至求縉紳賢大夫而師友之其道則  
端始矣家居萬山之中與世紛隔不眩於奇詭巧異  
之狀守厥貞一養其端倪而境則有助矣居起游息



志於沈冥神明之府不障不蔽緝熙于光昭其誠則  
素定矣惟日孳孳勿迫勿後功利思欲不煩有來其  
行則有恒矣跂而若慕退而若終若樂而趨焉若求  
歸而策焉不有所利不利有獲其合也妙矣吾子若  
也循是以往無物無我無久無暫無內無外無遠無  
邇其動也不忘其所謂靜也其靜也不知其所謂靜  
也則吾子其有餘師矣雖然吾子識之哉且二氣五  
行大用莫過於水火日中致燁揚而烈之以至於旁  
燭無疆幽隱畢露可不謂明哉而欲物物而一之難

記二八

矣惟水也渟渥汪洋澄澈溶映至於鬚眉目睫之間  
罔不洞寫而咸肖故曰能一萬物之形者也是何也  
靜故也居士脫然曰某不敏願終身誦之乃拜下請  
書爲記居士黃姓名緬字惟中靜故能中云

塊庵記

吳江東陸生以塊名庵夫苟物雖微且惡或中於人  
之所好木之朽折薪好之塵垢醫師好之糞壤老農  
老圃好之况其尊者乎獨塊何好眎之塊然而已人  
無知愚賢不肖授之塊皆弗欲生自少日放言高論

希大慕遠已不見好于其鄉既文學辭脫棄時尚求  
世之所不好者爲之反而行古人之道正其本責其  
末斥其浮崇于實人皆望望焉其去之也不有類于  
塊故得以塊自居雖然塊也者積而至于尋丈放于  
頃畝之外皆塊之爲也滋稼穡養百物出其力以利  
于世及其至也諸侯藉是以爲社稷天子因之曰有  
天下塊之德生恐其弗勝也敢記于壁

芳洲書屋記

今大參山東俞公正齋讀書之地在錫山之陽環水

記二九

而葦芳集有勝槩焉故太師李文正公題曰芳洲書  
屋公既錄此取甲科鄉邦之人過而式焉地日益重  
而名日益有聞歸自南垣嘗讀禮於是然未暇數數  
然也壬申之春旣狃掌北垣瞻望日遠其弟震承公  
之志益事修葺架橋於上以通往來作堂其中以揭  
女正之篆額旣成而景物愈出矣楊柳之蔭芙蓉之  
叢益以茂密林之鳥池之魚四時之花菓蔬藪協候  
而宜和者不失造化之妙加以修簞籥而扶踈惟石  
對而峯嶽有日新焉南峙則文筆之聳秀北障則龍

山之遙迤枕以故堞帶以翠溪令人睠焉有忘歸之  
衝而况詩書之殷猶在道義之樂具存者乎庚辰之  
秋公至自東藩謂其友陸深曰泰寤寐茲地今將老  
焉子爲我記夫林泉之探游息之居士大夫不可無  
而亦不可有者也三代而下井田封建之法廢士失  
所業故資焉以仕仕因所之而功業見焉雖然得失  
者命也進退者分也非我之所敢與也合則殉國不  
可則奉身去而無所託焉然後慕戀之計重而恬淡  
之節虧矣斯之謂不可無者士乏正學久矣故鮮完

記三十一

才氣質者德性之累也勤逸者治亂之分也夫惟榮  
名焉是踊而便安之懷則天下之務必有所畧積畧  
成孽積孽成壞若魏晉之叔季雖有一丘一壑之奇  
能獨饗乎斯之謂不可有者有無之間君子之所必  
辨彼以形勝焉者末也公與深同舉于鄉文學該洽  
精敏強毅有天下之才典司諫議忠正和厚意存體  
國有天下之志禮闈較士公鑒慎密爲內簾冠退而  
未嘗伐焉有天下之量方將陟爲卿輔舉一世而勤  
勞之以副天下之望若是芳洲者固公之所不可無

而亦豈宜遽爲已有哉異日荷公之成績朝野又安  
一夫皆獲然後幅巾杖藜從公兄弟以周旋於水芳  
野色之間深也不敏尚將賦焉是爲記

南泉記

南泉古靈江也在今台之臨海鏡西南諸山起爲天  
台赤城之勝含蓄靈秀東盡於海故曰臨海之域有  
二水焉溪清而江濁其在城南流者曰靈江或曰澄  
江云上接三江下引海門晚潮初上若拖白練於紫  
翠之間諸峯環列俯視之歷歷可數也王先生敬忱

記三十一

家于其上顧而樂焉遂自號曰南泉子南泉子少有  
大志不屑屑事家人生產又不喜爲舉子業孤岸樸  
靜淡如也年六十不識官府人稱之曰南泉翁云翁  
平生與人交不爲款曲單籠之態遇有過必面折之  
人有陰事獨不肯談有談人陰事者必趨而避之人  
故以是德之稱長者云曾次夷曠若澄波涇淵涇涇  
甚辨尤不喜人穢濁之跡每聞官府貪墨輒拍几大  
嘯怒隱隱不能休獨之泉上睨而嘆曰何以異於是  
清者水之本也濁者水之蔽也已乃掬而揚之曰何

以異於是定者清之路也雜者濁之門也既而仰天  
視日有不返於本而祛之蔽者非夫也暇日或從諸  
室汎舟泉上徜徉容與出沒於鷗波蜃樓之間以滌  
塵全而游高明甚遠也興酣耳熱則又從而歌之歌  
曰泉之清兮俟正命兮泉之濁兮德斯病兮繇是聲  
出金石振盪於兩涯風波爲湧人望之以爲神仙云  
莫測也嘉靖甲申歲翁就養于松初翁別族於范氏  
凡數世矣始復王姓是爲車溪之王王范俱宋宰執  
裔至今爲台各家云翁有子度字律生舉進士在第十

記三二

二甲格當有官於京 朝以獨子請便祿遂得教授  
松郡教授君恭行孝敬敦本復古之訓諸生化焉相  
率侯翁配居於歲時更相謂曰先生之教我至矣固  
翁之道也其何可忘乃最其事以告深聞台據山海  
之瓌璋志稱人神壯麗意者必有異人出於其間今  
世台士大夫尤以氣節廉介聞天下至有委身贊國  
忠烈貫世者顧其涵濡觀乎之久又不有超出而獨  
詣者乎其南泉翁之謂與夫名山大川爲國鎮戴非  
徒以其崢嶸浩渺之觀已也蓋曰輔陽相陰產材育

物與道爲體功在萬世其降爲偉人鉅公經綸天地  
之宜修明禮樂之道與國成休功在本朝有若人焉  
不在其身則在其子孫其南泉翁之謂與諸生張其  
性輩合數百人請書爲南泉記因以爲翁壽

小沼記

劉子奇進窾地爲沼於庭庭方廣不踰尋丈沼居其  
半側足行庭中衣前後裾常欲涉沼波是故曰小沼  
京師地高燥水泉雖曠野皆難得况城市乎必欲置  
諸家庭間雖小又難也初劉子作沼課僕汲井輸水

記三三

目不足既而時雨迤至沼遂溢因甃以磚而水始淳  
涵澂乃一泓蒔藕其中浮以蘋藻於是沼成陸子淵  
過而翫之俯見眉髮歷歷可數藕若厭而藻若緯  
波者徜徉終日不忍去劉子遂命觴於沼上子淵賞  
其奇顧而問曰夫見不足者美有餘孟子曰觀於海  
者難爲水見至足也子楚人也而家於洞庭夫洞庭  
天下之觀也浩渺瀾漫千里一望若嬰而習之見而  
狎之矣又奚美此一勺爲哉劉子仰而笑俯而歎曰  
夫亦各適其適耳吾固不知洞庭之爲大而茲沼之

爲小也鳥造於木非必皆鄧林獸造於陸非必皆鉅野是故水一也余誠生長洞庭之上見敗舟没人而洞庭之害者衆矣而吾茲沼幸不至是且一物同造而安危異焉吾未能相易也子淵聞之日近於理作小沼記

五世從孫陸瀛齡重編補刊

陸文裕公行遠集

卷五

從曾孫陸起龍謹編

傳

季札傳

季札者吳壽夢之子也封於延陵故號曰延陵季子  
伯壽夢有子四人長曰諸樊次曰餘祭次曰餘昧次  
曰季札季札賢壽夢欲立之季札讓不可於是立諸  
樊諸樊已除喪讓位季札季札曰昔曹宣公之卒也  
諸侯與曹人不義曹君將立子臧子臧去之以成曹

傳一

君君子曰能守節矣君義嗣誰敢于君有國非吾節  
也札雖不才願附於子臧之義吳人固立季札季札  
棄其室而耕乃舍之諸樊立十三年而卒有命授弟  
餘祭欲傳以次必致國於季札而止以稱先王壽夢  
之意且嘉季札之義兄弟皆欲致國今以漸至焉餘  
祭四年聘於魯見叔孫穆子而說之謂之曰子其不  
得死乎好善而不能擇人吾聞君子務在擇人吾子  
爲魯宗卿而任其大政不慎舉何以堪之禍必及之  
請觀周樂爲之歌周南召南曰美哉始基之矣猶未

也能勤而不勞歌邶鄘衛曰美哉淵乎憂而不困者也吾聞衛康叔武公之德如是是其衛風乎歌王曰美哉思而不懼其周之東乎歌鄭曰其細已甚其民不舉也是其先亡乎歌齊曰美哉泱泱乎大風也哉表東海者其太公乎國未可量也歌幽曰美哉蕩蕩乎樂而不滯其周公之東乎歌秦曰此之謂夏聲夫能夏則大大之至也其周之舊乎歌魏曰美哉颯颯乎大而婉儉而易行以德輔此則明主也歌唐曰思深哉其有陶唐氏之遺風乎不然何憂之遠也非今

傳二

德之後誰能若是歌陳曰國無主其能久乎自鄧以下無譏焉歌小雅曰美哉思而不貳怨而不言其周德之衰乎猶有先王之遺民也歌大雅曰廣哉熙熙乎曲而有直體其文王之德乎歌頌曰至矣哉直而不佞曲而不詘近而不偪遠而不攜遷而不滯復而不厭哀而不愁樂而不荒用而不匱廣而不宣施而不費取而不貪處而不底行而不流五聲和八風乎節有度守有序盛德之所同也見舞象箏南籥者曰美哉猶有憾見舞大武曰美哉周之盛也其若此乎

見舞韶濩者曰聖人之弘也猶有慙德聖人之難也見舞大夏曰美哉勤而不德非禹其誰能及之見舞招簡曰德至矣哉大矣如天之無不燾也如地之無不載也雖甚盛德無以加矣若有他樂吾不敢觀去魯遂使齊說晏平仲謂之曰子速納邑與政無邑無政乃免於難齊國之政將有所歸未得所歸難未息也故晏子因陳桓子以納政與邑是以免於樂高之難去齊使於鄭見子產如舊交與之縞帶子產獻紵衣焉謂子產曰鄭之執政侈難將至矣政必及于子

傳三

為政慎以禮不然國將敗去鄭適衛說蘧瑗史狗史鰌公子荆公叔發公子朝曰衛多君子未有患也自衛如晉將宿於戚聞鐘聲曰異哉吾聞之辯而不德必加於戮夫子獲罪於君以在此懼猶不足而又可以呼乎夫子之在此猶燕之巢于幕也君在殯而可以樂乎遂去之文子聞之終身不聽琴瑟適晉說趙文子備宣子魏獻子曰晉國其萃於三家乎將去謂叔向曰吾子勉之君侈而多良大夫皆富政將在三家吾子直必思自免於難季札之初使比過徐君徐

君新季札劔口弗敢言札心知之爲使上國未獻也  
遂至徐徐君已死於是乃解其寶劔繫之徐君冢樹  
而去從者曰徐君已死尚誰予乎季子曰不然始吾  
心已許之豈以死倍吾心哉餘祭卒傳餘昧及餘昧  
卒欲授札札讓逃去於是吳人曰先王有命兄卒弟  
代必至季子今季子逃位則餘昧子當代乃立餘昧  
之子僚爲王公子光者諸樊之子也常以爲吾父兄  
第四人當傳至季子季子即不受國光父先立即不  
傳季子光當立又用專諸曰我真王嗣當立吾欲求

傳四

之季子雖至不吾廢也既而篡僚季子至曰苟先君  
無廢祀民人無廢王社稷有奉乃吾君也吾敢誰怨  
乎哀死事生以待天命非我生亂立者從之先人之  
道也闔廬命哭僚墓復位而待札長子死於贏博之  
間因葬焉孔子使子貢觀之其穿深不及泉其歛以  
時服既葬封其曠左袒右旋號者三言曰骨肉歸復  
於上命也若魂氣則無不之也遂行孔子曰延陵季  
子之於禮其合矣札凡事吳七主年九十餘卒孔子  
表其塋曰嗚呼有吳延陵君子毘陵之間尚有季札

卷六

齊司馬子長稱季子闔覽博物及觀贏博之後又  
何深於禮也信乎附青雲哉

重修伍子胥傳

伍員字子胥楚人也父奢見尚其先曰伍舉以直諫  
事楚莊王故世有顯名於楚楚平王有太子名曰建  
使伍奢爲太傅費無忌爲少傅無忌不忠於太子平  
王使無忌爲太子取婦於秦秦女好馳歸報平王曰  
秦女絕美王可自取而更爲太子取婦無忌既以秦

傳五

女自媾因去太子而事平王恐一旦王卒而太子立  
乃因說太子建建母蔡女也無寵於王王稍益疏建  
使建守城父備邊兵頃之無忌又日夜言太子短於  
王曰太子以秦女之故不能無怨願王稍自備也自  
太子居城父將兵外交諸侯且欲入爲亂矣王乃召  
其太傅奢考問之奢知無忌說因曰王獨奈何以讒  
賊小臣疏骨肉之親乎無忌曰王今不制事成矣王  
且見禽於是王怒囚伍奢而使城父司馬奮揚往殺  
太子奮揚使人先告太子建亡奔宋無忌言於王曰

奢有二子皆賢可質其父而召之不然且爲楚患王使使謂奢曰能致汝二子則生不能則死奢曰尚爲人仁呼必來員爲人剛戾忍垢其勢必不來王不聽使人召二子曰來吾生汝父不來今殺奢也尚欲往員曰楚之召我兄弟非欲以生我父也恐有脫者後生患故以父爲質二子到則父子俱死矣何益不如奔他國借力以雪父之耻無俱滅爲也尚曰我知往終不能全然恨父召以求生而不往後不能雪耻終爲天下笑耳謂員可去矣汝能報父之讎我將歸死

傳六

尚既就執使者捕員員貫弓執矢嚮使者使者不敢進員遂亡往從太子建於宋奢聞員之亡也曰楚國君臣且苦兵矣尚至楚楚并殺之員既至宋宋有華氏之亂乃與建俱奔鄭鄭人甚善之建又適晉晉頃公聞太子既善鄭鄭信太子能爲我內應而我攻其外滅鄭必矣滅鄭而封太子太子乃還卿會從者告其謀鄭定公與子產誅殺建建有子曰勝員懼乃與勝俱奔吳到昭關昭關欲執之員遂與勝獨身步走幾不得脫追者在後至江江上有一漁父知員之急

乃渡員既渡解劍與漁父曰此劍直百金父曰楚國之法得伍員者粟五萬石爵執珪豈徒百金劍耶不受員未至吳而疾止中道乞食至吳吳王僚方用公子光爲將員乃因公子光以求見吳王久之楚之邊也鍾離與吳之邊也單梁氏俱蠶兩女子爭桑相攻至於兩國舉兵相伐吳使公子光伐楚拔其鍾離居巢而歸員說吳王僚曰楚可破也願復遣公子光光謂王曰彼伍員父兄爲戮於楚而勸王伐楚者欲以自報其讎耳楚未可破也員知光有內志而未可說

傳七

以外事乃進專諸於公子光退而與太子建之子勝耕於野五年而楚平王卒初平王所奪太子建秦女生子軫及平王卒軫立是爲昭王吳王僚因楚喪使二公子將兵往襲楚楚發兵絕吳兵之後不得歸吳國內空公子光乃令專諸襲刺王僚而自立爲王是爲闔廬闔廬既立得志乃召員以爲行人而與謀國事楚誅其大臣卻宛伯州犁之孫伯嚭亡奔吳吳亦以爲大夫前所遣二公子將兵伐楚者道絕後聞僚弑而闔廬立遂以其兵降楚楚封之於舒闔

續立三年乃興師與伍員伯嚭伐楚拔舒遂禽故吳  
二將軍因欲至郢將軍孫武曰民勞未可且待之乃  
歸四年吳伐楚取六與潛五年伐越敗之六年楚昭  
王使公子囊瓦將兵伐吳使員迎擊大破楚軍於  
豫章取居巢九年闔廬謂伍員孫武曰始子言郢未  
可入今果何如二子對曰楚將囊瓦貪而唐蔡皆怨  
之王必欲大伐之先得唐蔡乃可闔廬聽之悉興師  
與唐蔡伐楚與楚夾漢水而陳吳王之弟夫概將兵  
擊楚將子常敗走奔鄭於是吳乘勝而前五戰

傳八

遂至郢已卯楚昭王出奔庚辰吳王入郢昭王出亡  
入雲夢盜擊王王走郢鄭公第懷曰平王殺我父我  
殺其子不亦可乎鄭公恐與王奔隨吳兵圍隨謂隨  
人曰周之子孫在漢川者楚盡滅之隨人欲殺王王  
子荼匿王自爲王以當之隨人卜與王於吳不吉乃  
謝吳不與王初員與申包胥爲交員之亡也謂包胥  
曰我必覆楚包胥曰我必存之及吳兵入郢員求昭  
王既不得乃掘楚平王墓出其尸鞭之三百然後已  
申包胥亡於山中使人謂子胥曰子之報讎其已甚

發音聞之人衆者勝天天定亦能勝人今子故平王  
之臣親北面而事之今至於僂死人此豈無天道之  
極乎員曰爲我謝包胥曰吾日暮塗遠吾故倒行而  
進施之於是申包胥走秦告急救秦不許包胥立  
於秦廷晝夜哭七日七夜不絕其聲秦哀公憐之曰  
楚雖無道有臣若是可無存乎乃遣車五百乘救楚  
擊敗吳兵於稷會闔廬久留楚求昭王而王弟夫槩  
乃亡歸自立爲王乃釋楚而歸擊夫槩夫槩奔楚楚  
昭王見吳有內亂乃復入郢楚復與吳戰吳敗乃歸

傳九

後二歲闔廬使太子夫差將兵伐楚取番楚懼吳復  
大來乃去郢徙於都當是時吳以伍員孫武之謀西  
破強楚北威齊晉南服越人其後五年伐越越王勾  
踐迎擊敗吳於姑蘓闔廬病創死夫差旣立爲王以  
伯嚭爲太宰習戰射二年後伐越敗越於夫椒越王  
勾踐棲於會稽之上使大夫種厚幣遺吳太宰嚭以  
請和求委國爲臣妾吳王將許之伍員諫曰昔有過  
氏殺斟灌以伐斟尋滅夏后帝相帝相之妃繻方娠  
逃於有仍而生少康少康爲有仍牧正有過又欲殺



少康少康奔有虞有田一成有衆一旅後遂收夏衆撫其官職使人誘之遂滅有過氏復禹之績祀夏配天不失舊物今吳不如有過之強而勾踐大於少康今不因此而滅之又將寬之不亦難乎且勾踐爲人能辛若今不滅後必悔之吳王不聽用太宰嚭計卒與越平其後五年乃興師比伐齊員諫曰勾踐食不重味衣不重采弔死問疾且欲有所用之此人不死必爲吳患今吳之有越猶人之有腹心疾也王不先越而乃務齊不亦謬乎吳王不聽伐齊大敗齊師於

傳十一

艾陵遂威鄒魯之君以歸益疏子胥之謀其後四年吳王將比伐齊越王勾踐用子貢之謀乃率其衆以劫吳而重寶以獻遺太宰嚭嚭既數受越賂其愛信越殊甚日夜爲言於吳王王信用嚭之計員諫曰夫越腹心之病今信其浮辭詐僞而貪齊破齊譬猶石田無所用且盤庚之誥曰有顛越不恭劓殄滅之俾無遺育無使易種於茲也此商之所以興頌王釋齊而先越不然後悔無及吳王不聽使員於齊員臨行謂其子曰吾數諫王王不用吾今見吳之亡矣汝與

吳俱亡無益也乃屬其子於齊鮑牧而還報吳太宰嚭既與子胥有隙因譏曰子胥爲人剛暴少恩猜賊其怨望恐爲深禍也前日王欲伐齊子胥以爲不可王卒伐之而有大功子胥耻其計謀不用乃反怨望而今王又復伐齊子胥專懷強諫沮毀用事徒幸吳之敗以自勝其計謀耳今王自行悉國中武力以伐齊而子胥諫不用因輒謝佯病不行王不可不備此禍起不難且嚭使人微伺之其使於齊也乃屬其子於齊之鮑氏夫爲人臣內不得意外倚諸侯自以爲

傳十一

先王之謀臣今不見用常執執怨望願王早圖之吳王曰微子之言吾亦疑之乃使使賜員屬鏹之劍曰子以此死員仰天嘆曰嗟乎讒臣嚭爲亂矣王乃反誅我我令若父霸自若未立時諸公子爭立我以死爭之於先王幾不得立若既得立欲分吳國予我我顧不敢望也然今若聽諛臣言欲殺長者乃告其舍人曰必樹吾墓上以梓令可以爲器而抉吾眼縣吳東門之上以觀越之滅吳也乃自刎死吳王聞之大怒乃取員尸盛以鳴夷革浮之江中吳人憐之爲立

祠於江上因命曰胥山

論曰事豈不有天道者哉伍子胥本用吳以報楚乃謀越以忠於吳初言既酬交疏頃命倒行而逆施亦天子果於自與也尚之死足以稱仁子胥終有功名可以不死予往來江上未嘗不悲之

重脩蕤軾傳

蕤軾字子瞻眉山人也父洵母程氏軾生十年父時宦學四方母親授以書聞古今成敗軾能語其要母讀范滂傳慨然太息軾請曰軾若爲滂母許之乎母

傳十三

曰汝能滂吾顧不能爲滂母耶比冠學通經史善屬文嘉祐二年歐陽修考試禮部進士嫉時文詭異之弊思有以救之同考梅堯臣得軾刑賞忠厚論以示修修驚喜欲冠多士然疑之乃寘第二復以春秋對義居第一殿試中乙科後以書見修修語聖俞曰吾嘗避此人一頭地會丁母憂五年調福昌主簿修以直言薦之秘閣試六論軾始具藁草文義粲然復對制策入三等自宋初以來制策入三等惟吳育與軾而已除大理評事僉書鳳翔府判官關中自元昊叛

民貧役重岐下歲輸南山木俄自渭入河經砥柱之險衙吏相踵破家軾訪其利害爲脩衙規使自擇工乘水進止由是害減半治平二年入判登聞鼓院英宗自藩邸聞其名欲以唐故事召入翰林知制誥宰相韓琦曰軾才自當爲天下用要在朝廷培養之今驟用之適累之也英宗曰且與修注如何琦日記注與制誥等爾不若召軾館職英宗曰試之欲知其能如軾有不能邪琦猶不可及試二論復入三等得直史館軾聞琦語曰公可謂愛人以德矣會洵卒賻以

傳十三

金帛辭之求贈一官乃贈光祿丞洵將終以兄大白早亡無後嫁妹塋事屬軾軾既除喪卽塋杜氏姑後推蔭彭彭太白曾孫也熙寧二年還朝王安石執政以判官告院四年安石欲變科舉興學校詔兩制三館議軾上議曰得人之道在於知人知人在於責實使君相有知人之明朝廷有責實之政則胥史皂隸未嘗無人而况於學校貢舉乎雖因今之法臣以爲有餘使君相不知人朝廷不責實則公卿侍從常患無人而况學校貢舉乎雖復古之制臣以爲不足臣

謂今之學校特可因仍舊制至於貢舉之法行之百  
年治亂興衰初不出此陛下視祖宗之世貢舉之法  
與今爲孰精言語文章與今爲孰優所得人才與今  
爲孰多天下之事與今爲孰辦較此四者之長短其  
義決矣願陛下留意於遠大臣又有私憂過計者夫  
性命之說自子貢不得聞而今學者耻不言性命讀  
其文浩然無當此豈真能然哉蓋中人之性安於放  
而樂於誕耳陛下亦安用之議上神宗悟卽日召見  
問方今政令得失安在雖朕過失指陳可也對曰陛

傳十四

下求治太急聽言太廣進人太銳神宗竦然曰卿三  
言當無思軼退言於同列安石不悅命權開封府  
推官會元勅府市浙燈且令損價軼疏言陛下以  
事日不急之玩奪百姓口體之資願追還前命卽詔  
罷之時新法行軼上書論其不便曰願陛下結人心  
厚風俗存紀綱軼見安石獨相因策進士以晉武平  
原符歷伐晉齊任管仲燕任子之事同功異爲問安  
石滋怒御史謝景溫論奏其過軼遂請外通判杭州  
高麗入貢書稱甲子軼却之使者易書稱熙寧然後

受時新法行軼於其間每因法以便民徙知密州司  
農行手實法軼與提舉官議其不可行未幾朝廷罷  
之有盜竊發安撫司遣三班使臣來捕領卒悍凶至  
爭鬪殺人將潰爲亂民奔訴軼軼投其書曰必不至  
此潰卒聞之少安徐使人招出戮之徙知徐州河決  
曹村泛溢于城下城將敗富民爭出避水軼曰富民  
出民皆動播吾誰與守吾在是驅使復入請武衛營  
將李長日河將害城雖築宜爲我盡力卒長曰當  
效命率其徙出築東南長堤首起戲馬臺尾屬于城

傳十五

城賴以全復請調來歲夫築故城增水岸以虞再水  
朝廷從之徙知潮州表謝又以事不便者託詩以諷  
御史李定舒亶何正言劾其語涉訕謗逮赴臺獄神  
宗獨憐之以黃州團練副使安置軼築室於東坡自  
號東坡居士三年神宗數有意復用嘗語宰相王珪  
蔡確曰國史至重可命蘓軼成之珪有難色神宗曰  
軼不可姑用曾鞏鞏進太祖總論不合遂手札移軼  
汝州有口蘇軼黜居思咎閱歲滋深人材實難不忍  
終棄軼未至汝上書自言願居常朝奏夕報可道過

金陵見王安石曰今西方用兵連年東南數起大獄公獨無一言以救之手安石曰二事皆惠卿啓之安石在外安敢言軾曰在朝則言在外則不言常禮耳上所以待公者非常禮公所以事上者豈可以常禮乎安石厲聲曰安石須說又曰人須是知行一不義殺一不辜得天下弗爲乃可軾曰今人爭減半年磨劫雖殺人亦爲之矣安石笑而不言至常神宗崩哲宗立復朝奉郎知登州召爲禮部郎中軾舊善司馬光章惇時光爲門下侍郎惇知樞密院二人不合軾

傳十六

謂惇曰司馬君實特望甚重不可慢惇以爲然光少安遷起居舍人軾辭於宰相蔡確確曰朝中無出公右者軾曰林希年且長確曰希固當先公邪元祐元年軾以七品服人侍延和卽賜銀緋遷中書舍人初祖宗時差役法行久而弊編戶充役者不習其後遭吏胥虐使之害多至破屋狹鄉民有終歲不得息者王安石相神宗改爲免役使戶差高下出錢以顧役本行者過取以爲民病司馬光爲相欲復差役差官置局軾與其選軾曰差役免役各有利害免役之害

藉民財十室九空歛聚於上而下有錢荒之患差役之害民常在官不得專力於農而貪利猾吏得緣爲姦此二害輕重蓋畧等矣光曰於君何如軾曰法相因則事易成事有漸則民不驚三代之法兵農爲一至秦始分爲二及唐中葉盡變府兵爲長征之卒自爾以來民不知兵兵不知農農出穀帛以養兵兵出性命以衛農天下便之雖聖人復起不能易也今免役之法實大類此公欲驟罷免役而行差役正如罷長征而復民兵蓋未易也光不以爲然軾又陳於

傳十七

政事堂光忿然軾曰昔韓魏公刺陝西義勇公爲諫官爭之甚力韓公不樂公亦不顧軾昔聞公道其詳豈今日公作相不許軾盡言耶光笑而謝之尋除翰林學士二年兼侍讀每進讀至治亂興衰之際未嘗不反覆開導觀有所啓悟哲宗每首肯之嘗讀祖宗實訓因及時事軾歷言今賞罰不明善惡無所勸沮又黃河勢方北流而疆之使東夏人入鎮戎殺掠數萬人帥臣不以聞每事如此恐寢成衰亂之漸軾嘗鎖宿禁中召入對便殿宣仁后問曰卿前年爲何官

臣爲常州團練副使曰今爲何官曰臣今待罪翰  
林學士口何以遽至此曰遭遇太皇太后皇帝陛下  
曰非也曰豈大臣論薦乎曰亦非也軾驚曰臣雖無  
狀不敢自他途進曰此先帝意也先帝每誦卿文章  
必歎曰奇才奇才但未及進卿耳軾不覺哭失聲宣  
仁后與哲宗亦泣左右皆感涕已而命坐賜茶徹御  
前金蓮燭送歸院三年權知禮部貢舉會大雪苦寒  
士坐庭中噤未能言軾寬其禁約使得盡技四年請  
外拜龍圖閣學士知杭州未行諫官言前相蔡確知

傳十八

安甫作詩借郝處俊事以譏太皇太后大臣議遷之  
南軾密疏朝廷若薄確之罪則於皇帝孝治爲不  
足若深罪確則於太皇太后仁政爲小累謂宜皇帝  
勅置獄逮治太皇太后出手詔赦之則於仁厚兩得  
矣宣仁后心善軾言而不能用軾出郊用前執政恩  
劍遣內使賜龍茶銀合慰勞甚厚既至杭大旱饑疫  
並作軾請於朝免本路上供米三之一復得賜度僧  
牒易米以救饑者明年春又減價糶常平米多作饋  
粥藥劑遣使挾醫分坊治病活者甚衆軾曰杭水陸

之會疫死比他處常多乃哀羨緝得二千復發橐中  
黃金五十兩以作病坊稍畜錢糧待之杭本近海地  
泉鹹苦居民稀少唐刺史李泌始引西湖水作六井  
民足於水白居易又浚西湖水入漕河白河入田所  
溉至千頃民以殷富湖水多葑自唐及錢氏歲輒浚  
治宋興廢之葑積爲田漕河失利取給江潮舟中市  
中潮又多淤三年一淘爲民大患兼六井幾廢軾見  
亭山一河專受江潮鹽橋一河專受潮水遂浚二河  
以通漕復造堰埭以爲潮水蓄洩之限江潮不復入

傳十九

而以餘利復完六井又取葑田積湖中南北徑三十  
里爲長堤以通行者募人種菱河中葑不復生收其  
利以備修湖取救荒餘錢萬緡糧萬石及請得百僧  
羅募役者堤成植榕柳其上望之如畫圖杭人名  
爲塘公堤杭僧淨源舊居海濱與舶客通元豐末高  
麗王子義天來朝因往拜焉會淨源死其徒竊持其  
像附舶往告義天亦使其徒來祭因持其國母二金  
塔云祝兩官壽軾不納奏之曰高麗久不入貢失賜  
予厚利意欲求朝未測吾所以待之厚薄故因祭亡

僧而行祝壽之禮若受而不答將生怨心受而厚賜之正墮其計今日勿與知從州郡理却之庸僧猾商爲國生事宜痛加懲創朝廷皆從之未幾貢使果至舊劄使所至吳越七州費二萬四千餘緡軾乃令諸州軍事裁損無復侵撓之害浙江潮海門東來勢如雷定而浮山與漁浦諸山犬牙相錯洄洑激射歲敗公私訟不可勝計軾議自浙江上流疏鑿以避浮山之險奏聞有沮者功竟不成軾復言昔蘓州以東公私皆以爲行無陸挽者自慶曆以來松江大築挽路

傳二十一

建長橋扼江王吳多水欲鑿挽路爲十橋以迅松江之勢亦不果用軾二十年間再蒞杭有德於州民生尊軾以報六年召爲吏部尚書未至以弟轍除右丞改翰林承旨轍辭右丞欲與兄同儔從官不聽軾在翰林數月復請外以龍圖閣學士出知潁州先是開封諸縣多水患吏不究本末決其陂澤注之惠民河河不能勝則陳亦多水又將鑿鄆艾溝與潁河並且鑿黃堆欲注之淮軾始至相遺吏以水平準之淮之漲水高於新溝一丈若鑿黃堆淮水倒浸潁州決不

可遂爲言於朝從之郡有宿賊尹遇等數劫殺人吏以名捕不獲軾召汝陰尉李直方曰君能擒此當力言於朝優賞不獲亦以不職奏免君矣直方有母年九十與訣而後行手戟刺而獲之朝廷以小不應格賞不及軾請以已之年勞當改郎階爲直方賞不從七年徙揚州發運司舊主東南漕法聽操舟者私載物貨征商不得留難故操舟者以官舟爲家補其弊漏所載咸達近歲不忍征商之小失一切不許故舟樊人困多盜所載以濟饑寒公私皆病軾請復舊從

傳二十二

之未閱歲以兵部尚書召兼侍讀是歲哲宗親祀南郊軾爲鹵簿使導駕入太廟有楮繳犢車并青蓋犢車十餘爭道不避軾使御營巡檢使問之乃皇后及大長公主軾於車中奏之哲宗遣使齎疏馳白太皇太后后明日詔整肅儀衛自皇后而下皆毋得迎謁尋遷禮部兼端明殿翰林侍讀學士爲禮部尚書高麗遣使請書朝廷以故事盡許之軾曰漢東平王請諸子及太史公書猶不肯予高麗所請有甚於此其可予乎不聽八年宣仁后崩哲宗親政軾乞補外以學

士出知定州時國是將變軾不得入辭既行上書言  
陛下聽政之初當以通下情除壅蔽爲急務臣日侍  
帷幄方當成邊顧不得一見而行况踈遠小臣欲求  
自通難矣然臣不敢以不得對之故不効愚忠臣觀  
陛下之有爲不患稍遲臣恐急進好利之臣輒勸陛  
下輕有改變敢望陛下虚心循理天下幸甚定州軍  
政壞弛諸衛卒驕惰輒取貪汙甚者配隸遠惡繕修  
營房禁止飲博軍中衣食稍足乃部勒以戰法衆皆  
畏伏諸校業業不安有卒史以賊訴其長軾曰此事

傳三三

吾自治則可若聽汝告軍中亂矣立夾配之衆乃定  
會春大閱軾命舊元帥常服出帳中將吏戎服執事  
副總管王光祖自謂老將耻之稱疾不至軾召書吏  
使爲奏光祖懼而出訖事肅然定人言自韓琦去後  
不見此禮至今矣契丹久和邊兵不可用惟沿邊弓  
箭社與寇爲鄰以戰射自衛猶號精銳故相龐籍守  
邊因俗立法緩急可使歲久復弛又爲保甲所撓軾  
奏免保甲及兩稅折變科配不報紹聖初御史論軾  
掌內外制日謗訕遂以本官知英州尋降一官未至

貶寧遠軍節度副使惠州安置居三年再貶瓊州別  
駕居昌化昌化故僻耳地初僦官屋以居有司猶不  
可軾遂買地築室獨與幼子過處著書爲樂若將終  
身徽宗立移廉州改舒州團練副使徙永州更三大  
赦遂提舉玉局觀復朝奉郎建中靖國元年卒于常  
州年六十六所著有東坡集四十卷後集二十卷奏  
議十五卷內制十卷外制三卷和陶詩四卷論語說  
五卷書傳若干卷易傳則成父洵之志而作別有中  
庸論咸傳高宗卽位贈資政殿學士崇贈太師謚文

傳三三

忠云三子邁迨過俱善爲文邁駕部員外郎迨承務  
郎過通判中山府孫符禮部尚書  
論曰軾與弟轍皆師其父洵學嘉祐間父子兄弟並  
至京師一日而聲名赫然動於四方世稱之曰三蘇  
然軾文得之於天資初好賈誼陸贄之書既而讀莊  
子喟然嘆曰是得吾心矣謫黃州杜門深居馳騁翰  
墨其文又一變矣嘗曰作文如行雲流水初無定質  
但常行於所當行止於所不可不止故雖嬉笑怒罵  
皆有文章轍嘗稱之曰自有文人以來未有若家兄

之遊者也君子不以爲過當時受知於歐陽公特深  
善觀公富鄭公皆待以國士一時文人如黃庭堅晁  
補之秦觀張耒陳師道皆宗焉負當世之望甚重仁  
宗以宰相許之神宗復稱爲天下奇才忠規謹論立  
朝挺挺有大節每遭忌惡擢排遷謫迄無寧居與王  
介甫議論始終不合復與程正叔詰難禮文至分黨  
相攻或謂軾稍自韜戢亦當免禍不至大用人皆惜  
之或又以不大用爲軾幸也

擬孫炎列傳

傳二四

孫炎字伯融句容人也身踰六尺面鐵色一足偏跛  
於書少所不通喜雄辯常窮一座人元至正中天  
台人丁復金陵夏煜皆有詩名炎遊此兩人間最深  
時時與夏煜飲酒賦詩角勝得一雋語輒槌案大譁  
聲撼四鄰每下筆累紙可盡由此驚動江東間出遊  
四方所與交必當時豪傑常鄙視輩句儒毅中自負  
曰孫炎豈齷齪伍耶竟困而歸歲乙未 高皇帝渡  
江得金陵開江南等處行中書省召炎炎見 上陳  
元運將終勸 上養士以圖大業凡稱 上心戊戌

從征浙東推池州府同知尋改池爲華陽府即拜炎  
華陽知府明年冬召爲省都事月餘會慶州降乃以  
都事往總制處錢穀兵馬之柄悉委之不取中報且  
以省符未署者付之聽自辟任炎疋馬入處時賊營  
城外酋蠻咸狼虎踞不肯奉官府約束炎至坐廳事  
驅城中民踞堦下諭 上意在生民無自取糞粉爲  
也語氣慷慨甚民皆叩頭流血退而轉相告以爲孫  
使君不比舊官可玩狎矣炎又爲檄徧屬縣諭之皆  
投兵相繼爲良民又擇其驍勇者爲兵拔其服衆者

傳二五

爲長時練習之以備寇罷則歸農馳一符立軍門至  
無敢後者姦吏豪族束手畏之雖在數百里外常若  
炎臨其家不敢出聲語時 上方事延攬秀民伏匿  
山谷中咸未肯出炎鉤致二二人問有才者爲誰今  
皆安在錄其姓名遣使者以書招之當是時劉基章  
溢最爲處士所推基又最有名使者再往返不起以  
一寶劍奉炎炎以爲劍當獻天子作詩封還之仍爲  
數千言書開陳天命以諭基基乃肯就見置酒與基  
飲論古今成敗如傾河漢基深嘆服曰基始以爲勝



公公論議若此基何敢望公也炎徒以口舌安反側郡上方征伐無一兵與炎壬寅苗將賀德仁李佑之叛襲炎坐無援被幽空室中列卒環守脅炎降炎給之曰若縱吾吾能成若事叛將益疑之遇夜以炙鴈斗酒饋日以此與公訣炎引佩刀割鴈舉危酌酒仰天嘆曰嗟夫丈夫死爾死義爾賊死肉臭狗且不爾食卒怒持劍瞋目擬之炎飲酒自若食竟叱其解衣炎罵曰此紫綺裘吾上所賜誰當解者乃引枕而卧賊乘其睡中害之戊申追封丹陽縣男妻王

傳二六

氏初 國兵入金陵死之

太史公曰語云膏梁養體金石伐病其文武之謂與孫炎早以奇氣自負遭際草昧觀其於鎮撫民有餘力矣卒死於兵亂何哉

擬花雲列傳

花雲懷遠人也貌偉而黑勇力絕人歲癸巳謁高皇帝於臨濠一見奇之俾將兵畧地遂破懷遠城虜其帥以歸進拔全椒乘夜襲繆家寨走之甲午秋上將取滁州雲單騎前行卒遇數千賊顧後騎遠雲

短髮劍躍馬貫其陣而去賊驚曰此黑將軍勇甚難與爭鋒是行從克滁乙未春從取和州得兵三百人授管勾身從渡江先濟從克采石取太平 上以雲忠勇命宿衛左右丙申春從克焦慶得兵千人陞總管鎮江丹陽丹徒金壇諸縣皆下之過馬馱沙擒殺制盜數百人授前部先鋒復立行樞密院於太平以雲為院判丁酉春克常熟得兵萬人命將之攻援常州秋以兵三千趨寧國道得盜賊歸山澤中者八日雲擄戈轉鬪而前出入險阻斬獲以千百而身未

傳二七

嘗破一矢一鎗還命守太平庚子夏漢主陳友諒以用帥寇太平雲帥麾下三千拒之友諒引巨舟泊城南南隅敵衆緣舟尾攀堞而上城中饑餓遂陷雲被神神急雲怒罵賊奮躍大呼縛盡解起奪守者刀殺五六人復罵曰虜非我主敵也曷不趣降敵怒碎雲首懸於舟檣衆射之雲罵不絕死甲辰追封東丘郡侯幼子破方急夫人部氏抱三歲兒拜家廟泣會家入曰賊且破吾夫忠義人也必死之吾夫死吾不可死所不可者使花氏無後兒在若輩善撫之聞變

夫人赴水死之侍兒孫氏負兒去就漢軍虜至九江  
軍中惡養小兒孫更以兒歸漁家曰此兒良宜善視  
之是年冬漢破孫脫身至漁家視兒良在矚漁人出  
高負以逃夜宿陶穴中天曙脫箬篋舟以渡會漢潰  
軍遠奪舟梓之江中孫氏抱兒遇斷木浮至附入葦  
澤隊運實哺兒七日不夜夜李聞人聲呼之逢一老  
父張雷老告之故與俱行明年春達上所孫侍兒  
適遇雷翁且拜上亦泣置兒于膝曰此花雲子將  
歸也雷翁老衣遺之謠復其姓不見雷老遺之無所

附八

雲兒名燁水軍左衛指揮僉事

雲公顯花東丘傳而異其所謂雷老者豈一時豪  
傑乎類脫人於難而併與身名焉隱之至託之神物  
甚矣其江流斷木抑亦有天命可以為難

陳塘翁小傳

陳塘翁姓李氏名正華字本素鄞人也鄞甬之東山  
水清嘉入喜種植務農功李氏世家鄞城初櫟軒先  
生間別墅於古鄞之墟比枕龍岡南列鹿巖諸峰其  
東則太白山雄跨西來諸水則東與小白寶幢咸會

而東之以滙絳橋有形勝焉櫟軒生五男子而翁最  
長會當析產以居翁顧諸弟慰之曰吾當從且業吾  
農也乃往得墅因手植二棟曰棟苦木也吾以此示  
子孫遂築室鑿渠繚之以垣內外整整可居久之二  
棟離立門左右日長以茂適蔭塘水之上亭亭若張  
蓋遠望數十里可見皆曰此李氏之居也因稱之曰  
棟塘而稱翁曰棟塘翁云每春夏之交棟吐花煜煜  
香風披拂紫翠若錯繡可愛天且盛暑濃陰敷布幾  
百餘武谷坐塘上綸巾羽扇手一編或口哦小詩興

傳二九

至則拂柯琴條升高望遠每呼子若孫讀書其旁聽  
以為樂時出步田疇間與農人校量稷秣問歲入多  
寡客至未嘗不置酒卽橋為席因石為几菱芡蓮藕  
之屬請客所欲卽取而供之或棄其餘鵲下巢鳴啞  
啞魚尾躍水面不復避人或對奕或鼓琴或流觴  
而飲或蕩槳而遊大醉則放歌振起林木間與漁榔  
牧笛之聲相和答客人人愜不忍言去去則就塘浴  
浴起則枕石而卧清蔭掩映不知炎燭之襲人也入  
秋冬則有黃葉飛舞浮沉碧流中爛若雲錦青子纍

繁葡萄在架野禽啄群翻爭墜時復夕陽在樹則  
炙背而觀之月明之夜倒影入池如鏡乍拭星斗羅  
列其下咸可俯而掬也門外樵採歸者船尾相啣如  
織或值風雨暴至則金鳴鐵應若在戰場霜雪交加  
則瓊葩玉蕊如登瑤圃當其意會處豁如也翁撫之  
曰此足以老矣路當通津往來者至比之桃源而不  
僻翁遂以棟塘名天下天下士大夫從而咏歌之翁  
亦作詩自賞有云人薄利名何患老子分耕讀不妨  
多世傳以爲實錄翁子循義以文學起甲科繼以卓

傳三十一

異應令格召爲 天子耳目之臣翁遂兩膺 勅典  
蓋異數云善乎姚太史之言曰棟之榮晚且久也  
太史公曰予聞種木者求用於十年之後大江南多  
長林木不可以品計大抵農家喜種槐與棟適所用  
也夫槐一發爲良棟良於再發昔王佑種三槐於庭  
曰後世必有爲三公者已而果然翁種棟而再發之  
詳與種槐事同然而不同者王取必於槐而翁無心  
於棟也予故類而論之

鮑處士小傳

太史公曰予讀前代隱逸傳記未嘗不慨想其人也  
其欲易足其業耕釣其道孝友廉介其事讀書誦詩  
治氣養生其樂登高臨深彈琴放歌時時弄筆墨著  
書睢恣自適而已其中倥侗未易窺也予北遊蓋三  
千餘里矣當山川之盤礴顧林木之茂密意必有先  
生處士隱居其間咸卽訪焉而未得將予遊之未遠  
耶及有官京師從祀諸陵出入都城每每加物色之  
京師五方之所聚也或者朝隱吏隱大隱庶幾一  
遇焉然其跡愈微愈不可得而見云黃山者江南之

傳三十一

望山也其山廣厚延亘數百里其高見三百里其下  
多洞府蓋古仙靈之窟宅世傳黃帝於此仙去故其  
居民猶有隱逸之遺風云汪程鮑鄭黃山著姓也居  
其地蓋皆千數百歲鄭廉氏之於汪弘仁氏友也弘  
仁常客太史公所廉介於弘仁言於太史公曰夫子  
居常喜道隱逸黃山鮑處士其隱者耶蓋隱於買者  
也迺今老矣休矣太史公唯唯夫隱者恬淡多考終  
夫惟不變其末以成其操非是曷考耶是弗可以弗  
傳已處士姓鮑名光字宇以弘欵人也鮑出夏后氏

敬叔仕齊食於鮑因氏鮑敬叔生叔牙亦仕齊薦管仲相桓公乃大有功當時管鮑率爲宣王時卿秦既併六國鮑遂散處漢哀帝時司隸宣最顯光武時承亦爲司隸晉有靖爲葛稚川所愛宋有昭以文章稱自後鮑氏無甚顯者趙宋南渡有壽孫者亦自齊齊來歛壽孫者與父宗嚴爭死賊世稱慈孝鮑家而歛之鮑立矣 孝宗時時明吮母疽愈郡太守上之令格得旌門時明生慶士生三歲而程孺人卒比有知有及程孺人者無不涕泣不已茲謂其得慈孝之遺

傳三

云甫冠年偕其群從行賈往來汴中積十餘歲貨纍纍萬池買者咸弗若也或請焉曰吾惟無競心云爾方貨之集也競者市之惟恐盡吾俟其盡取之而吾從而取焉及其售也競者發之惟恐不盡吾俟其盡發之而吾從而發焉夫市競焉價必湧售競焉貨必盡是皆非物之理也惟無競焉而以物之理爲理故吾之買也常居人後而操其贏也常先雖然聊寄觀於是已矣非吾好也會且棄去從吾初志乃歸傍黃山之麓闢園治圃鑿池構軒日以雲物卉木自娛樂

浩如也性耿介不能爲滄阿澳忍態人鮮親云太史公曰自三代井田法廢士大夫鮮不兼農買之事况他無祿位者乎昔鮑慶士之從賈近於理財蓋託跡於一事者非耶語云大隱在都市又不然乎

### 晚逸居士傳

晚逸居士者歛人也姓鄭氏名敬偉字郁大少孤走四方懋遷以贊雄長既有子三咸官乃俾以其業而休焉故稱晚逸居士云居士事母孝爲弟弟與人交必敬慕其賢者弱冠遊止桐鄉弔朱司農之墓登余

傳三

忠宣公大節堂徘徊慨嘆不能去識者奇之兄玄偉客河南爲苦惱子者所詠苦惱子者梁宋魯衛間無賴結數人爲黨收養乞丐無依者於他僻處庶知四方商賈之有財者乃令一人入市貿易故爲低昂以激怒又激以取辱譁諸市其黨尾偵之待其勢成乃直前謂爲弟兄也佯責其不謹謝過扶去歸則殺一丐者明旦素服號慟蒙屍以至其黨又從中和解之盡獲其金帛乃已玄偉坐是亡去錢數千緡居士聞之乃晝夜馳踪跡至陳州盡得其狀以聞于官悉置

諸無賴于法官還其緡之半竟以歸其兄云休寧人程祿家貧後母弟被誣以殺人事不勝捶楚乃誣伏祿恐其傷母志也出自于吏曰實殺人者祿也今抵罪者乃吾弟爾吏遂釋其弟而坐之居士與之錢若干為路費恣惠以聞于朝祿竟得白其行誼多類此居家以禮度自持為一族倡常語諸子曰非勤無以生財非儉無以足用非禮無以立身非義無以處事汝曹以此四言終其身可也又曰兄弟如偶足足傾則尚覆矣汝曹能協心一力庶幾吾志在是今年

幾十為鄉飲賓云

太史公曰昔司馬遷以言事當腐刑漢法得贖遷家貧竟下蠶室遷乃發憤傳貨殖遊俠以著微志若曰當是時以金銀數鎰與有力尚氣之人捐數鎰與之皆足以脫已於禍予讀其書未嘗不悲焉夫財貨于人多薄也苟當其急亦足以免患而全其大若夫美又商物不至則羨里之西伯未可知也易曰利者義之和也不其然哉所貴乎人之豐其財者正以其能脫賢人君子於患難而其倡義也乃先眾人而辦耳

不然金谷鄙焉之所奇竟何為哉竟何為哉程祿之遭遇郁大玄偉之得其弟皆過於遷遠矣予故次其言行作晚逸居士傳居士儻所謂古之人非耶

五世從孫陸瀛齡重編補刊

碑

從曾孫陸起龍

奉 勅擬撰重脩 祖陵之碑

朕惟我 太祖定鼎于南我 文祖遷都于北兩京  
金建屹立天地之中由是上世陵寢界于江淮間朕  
以倫序入承大統春秋霜露之感未嘗不南向而悽  
愴也其在泗州者實我 熙祖裕皇帝妣裕皇后  
隧宮攸安暨我 懿祖恒皇帝恒皇后 德祖玄皇

帝玄皇后咸此焉莫是稱 祖陵去州城東北十有  
三里洪武之十九年脩建如追尊制設官奉祀月日  
惟謹顧今歷歲百五十餘矣雖萬靈擁衛 王氣常  
然華夷之所向仰臣民之所敬恭者一日猶葺也肆  
予冲人上膺 天眷遠藉 神休嗣位以來日稽禮  
典凡所以竭孝思於 祖宗者 九廟 七陵以次  
興舉惟是 帝業所基之域尤軫于懷撫臣馬卿具  
以上請朕特下其事於所司議亟行之頃撫臣周金  
以工完來告遂疏乞朕親製碑文以示萬世朕既慰

既喜特賜命焉朕惟 天命有德以開一代之統必  
生異人豫擬於數百年之前潛光隱耀世無能名以  
為植本發源之地淳蒙沕鬱彌久彌敦然後 聖子  
神孫託體繼志而千萬世之鴻業垂焉若我 德祖  
懿祖發祥於 熙祖毓德於 淳祖而我 太祖  
龍翔電繞用成乾坤再造之功皇哉巍乎三代以還  
莫得而彷彿焉賁茲靈壤固東海之一源上林之一  
本也朕曷敢忘朕之子孫其曷敢忘朕之千萬世之  
子孫其又曷敢忘大工始於十四年之八月成於十

六年之十二月仍舊而崇飭者凡若干適新而備物  
者凡若干咸具在有司自餘則祠官領焉內外肅穆  
一代之制煥然用稱朕報本至意敬勒諸石傳之永  
永欽哉

陸氏先塋碑

深幼侍先筠松府君時府君年高謝家私事矣長眉  
素髯每日哺酒微醺乃慨然發聲聲甚激越曰吾陸  
得氏姬周大聖人之後也當元之季 皇朝之初興  
其陸氏之中衰乎而有茲餘慶府君矣雖然無屈不

終伸必有興焉者其竹居府君之後子乃灑泣數行  
回顧深曰汝小子識之餘慶者筠松府君之祖也竹  
居者筠松府君之父也已又述竹居府君之始遷縷  
縷的深僅領略未知也後筠松府君沒且一紀縷  
謬舉進士以翰林編脩還拜先塋至是距竹居府君  
之塋又且若干年矣始克追叙遺言爲先塋碑碑曰  
府君姓陸氏諱德衡號竹居其先汴人建炎南渡來  
華亭居華亭大有貲積稱巨室今松城有興聖院浮  
屠其基蓋半爲陸捨云餘慶自華亭出居于魏塘之

馬橋北莊蓋陸氏之別業也門有巨槐株可十六七  
戟列孔道時元亂未艾盜白晝行劫一日羣盜從東  
方掠一人來被掠者急抱槐不可解大呼求援餘慶  
嚴戶外視賊勢張甚卽從中大言應之賊叵測散去  
去抽刀割抱槐者兩吻抵耳卽不能出聲死死者有  
子踪跡得賊所愬冤直走金陵時 太祖高皇帝初  
混一天下凡民間幽隱皆得逕達由是從中遭人急  
逮賊并逮餘慶餘慶逮時竹居府君才數歲耳上多  
女兄行第七最末從以兩壻兩壻者陳某某也兩壻

皆衣食餘慶家如兒賊旣戮坐餘慶不救護殺人律  
謫戍 國初法凡當戍先營工於石灰山者百廿日  
滿乃議地發遣於是餘慶役日滿矣復就囚禁由江  
行二百里還金陵聽指揮二壻竊議今當詣謫所矣  
道里甚遠奈何一人當先還經理之競欲往不決二  
壻竟不告而夜俱往明日餘慶失兩從者驚曰是固  
忘吾乎吾且忘之又安忍於吾弱兒乎吾又安忍以  
戍事貽吾弱兒乎及今猶可爲也於是紿守者曰吾  
將臨江遺矢守者從之乃乘間牽守者僉入於江

流悍急沒其屍竟不謫戍云蓋戍者旣遣有地死卽  
其子襲戍若死于未遣前未地卽其子不襲戍令然  
也遂招魂葬馬橋今馬橋有塚蓋衣冠之藏云竹居  
旣喪父家產盡爲諸壻所據又不自安迺流落去外  
且三十又二矣來上海上海有童某者長鄉賦雄於  
一方一見竹居卽奇遇之歸語其室曰若旅人視耽  
耽且其貌不雄而揚始有後者以吾女妻之決矣  
逾年產一子其爲我筠松府君也臨壻又產一女後  
壻爲其妻竹居府君旣喪室產有子女卽別產於

陸氏有田一廬有屋數楹在黃浦之東由是始定居  
於上海而魏塘之產棄不理矣獨歲時持紙錢上塚  
一往來耳諸壻亦復分散他去惟陳某尚據故業在  
竹居府君性嚴馭內最有法而童夫人又有賢德能  
起家先若干年卒筠松府君既長見竹居府君竹居  
府君未嘗霽容也始來居浦東時鄉里共來持短長  
不相容竹居以好語慰遣之即來需索不如意立致  
惡語或隱几而卧他日待之復如故益長者云妾黃  
氏生三子曰璣曰珮曰瑾璣有二子珮庠生早卒無

碑五

後璣有一子惟筠松府君有五男子五男子復各有  
子於是始彬彬矣嗚呼惟竹居府君其道似陳寔郭  
林宗清而夷嚴而不峻其光闇闇隱於農賈之間以  
再造茲家在易其屯蒙之際乎筠松府君以詩禮繼  
之未洽也古人有言德必百年而後興今固其時矣  
深大懼墜先人之志碑以示後之人以成我筠松府  
君也世系不載載在碑陰銘曰惟宣王中興分籍于  
六迺夷于編氓迺散處列國楚狂歌鳳漢賈以目辨  
紛逐代有顯士不絕踵躅惟昔江左以四姓著華亭

啓封邦域乃樹自汴宋南渡言復我故土遭世多屯  
或不保厥戶若水中淤不絕僅一縷烈烈餘慶殺身  
成仁以覆我後人惟先竹居誕集厥身皇皇四奔迺  
定於海濱若淤水復洩或未臻乎淵淪迨我顯祖筠  
松力決其障手足僉皴龍江東注惟禹之績匯爲高  
原抵厥玄宅順導五湖偕哉省厥澤草樹鬱鬱合抱  
盈尺滄海東環九峯趨其西陌是曰陸氏之塋永寧  
先魄於惟選哉

筠松府君碑

碑六

陸氏世稱長者至筠松府君尤有聲稱而家始大矣  
先民曰堯舜之世比屋可封蓋言不獨在朝周之初  
興詩人咏歌兔置棫樸其氣機之開與惟我 太祖  
皇帝汎掃前陋淳和用集 太宗皇帝生養休息之  
日以豐隆故永樂洪熙之間風俗最淳其君子焉淳  
博其小人焉淳朴渾渾乎茂以尚茲惟我府君適逢  
其運天賦不羣博大而弘戰戰小心克儉克勤以興  
禮教叙彝倫蓋休哉懋哉至余小子深益二傳矣生  
遭文明之盛策名登廷獲接故老聆祖宗之休懿又



爲史官觀 累朝寶錄金匱石室之藏於是乎稽事  
實考治化得以沿流風觀俗尚府君豈不乘運而生  
也哉乃次其行實刻諸墓道之石自華亭來遷者曰  
竹居府君諱德衡配章孺人實生我府君府君生數  
歲而章孺人歿自少儻竒偉弱冠北遊至梁而還  
丰姿峭岸言辭粹雅夙有林泉之尚遭時承康獲遂  
斯志嘗手植美竹高松蔚焉成林中歲著處士衣冠  
杖屨其下每曰古稱樹德夫德如樹久而後有託焉  
者此之謂也因自謂筠松云故今稱之曰筠松府君

碑七

者著其志也府君慷慨任真以信義自持能赴人之  
急難卒然捐數十百金不吝也鄉里皆尊禮之既而  
縣令尊禮之府太守又尊禮之然卒不以干令守是  
時邑中賢豪凡數輩獨府君尤見重云人有侵犯府  
君者至再三皆怡然受之曰是余先人之志也夫  
物之負氣而來也甚銳徒爾激之必折折必有受其  
傷者吾須其平耳富有愧悔之然其人有愧者有不  
愧者愈甚者甚者復罹于法人曰府君以是遺之耳  
乃歎曰出之必反爲之必受理有然者我固遺之耶

君子聞之益賢其爲長者是時郡邑稱長者莫先焉  
其於弟子若諸孫必教之脩仕學曰吾未嘗學問麤  
足自解然人何可以不學吾又不可以不教學學未  
必其皆仕也倘有仕者亦余之志也每見古法書名  
畫三代品彙器必重購之曰古之人非有甚異於今  
之人也然其技能絕者何也夫心以造物目以行之  
手以從焉古之人心如目目如手其志專而不雜吾  
固不得見古之人吾徒謂古之人麤迹而置之甚不  
然也尤精于鑒賞歲月真廣望而知之是時號博古

碑八

者必歸府君就正焉府君家居必鷄鳴時起衣冠夜  
飯畢則列坐諸子孫于一堂略叩其日之所爲曰歲  
有春春者天之神也日有寅寅者人之神也故春氣  
不發舒者歲必儉寅氣不振振者人必憤人憤於寅  
徒終日耳夫人日中氣盛有爲必成夜者人之所息  
者也宜有以思之思之則善從生不善從而識吾於  
汝曹非徒苦爲也凡天文有變異必謹識之曰人者  
日月五行之分氣也氣行於天而質凝於地氣變於  
上則質變於下顧其始也甚微然因是以爲傲耳其

所居墻壁處必有日月五星字皆滿至晚歲益有見於其分際云每好讀書然不深求嘗自謂麤解其於農上雜家多留意焉然其行多合於古人之言不槩於道希矣嘗論起家不以勤勞者必弗久也無故之利必弗居也其論人物必質且厚也聞人之有不善必弗言有善必弗輟諸口也歸斯以往其真長者耶是以採而著之嗚呼豈非乘運而生者哉夫繁言隱雅飾行亂俗孔子曰與其不孫也寧固又曰如用之則吾從先進然則時固爲之所也非耶府君年

碑九

八十有三配尤孺人世家嘉定有五男子曰太平定震寅諸孫十八人灑灑沔沔淅淅淪淪深澗漢渭河溥瀚博洲汀汶以其年月日堊洋涇之北原後某年始克爲碑云

### 王侯去思碑

侯姓王氏名卿字良佐太原人也初有戎籍于弘農之衛遂以河南貫舉正德甲戌進士戊寅夏來令上海益自德州之德平遷也令上海幾三年有薦于朝召爲戶部主事去去而民思之侯敦厚質實所居

不爲赫赫名其治海也循循然因海之故而辦上官未之或知也侯處之淡然不疑無甚高深城府人樂親附有以非意干侯者侯瞠目視面頰然變竟不一語其人流汗走故侯之去行李才數籠爾舉之若囊橐葉也民尤以是思之武廟南巡道路洶洶有綠以爲姦利者侯抗諸邀索一不應第曰車駕至日俱不供有令也何先事自擾爲竟以安堵他郡邑有坐是得譴者縣糧長有曰闖頭闖頭者兜攬聚歛之首人也其人必且材技尖佞候伺人意隙中之大率

碑十一

官取之闖頭闖頭取之糧長糧長取之民民輸十糧長輸六七闖頭四三之歲罔虛日侯悉除去曰此假一手取諸吾無取吾何闖頭之爲每歲里甲賦錢於田歛之官以充經費曰櫃錢櫃錢者官操其奇贏而出納之諸行市賣有折閱者有入空券而待命者侯每公用先簿直之給而後入歲杪美餘且數請于上官歲連災或出楮餘賑之民以不傷時疫流行侯操善藥作糜粥躬行鄉落遍給之小舟獨行侍御簡少民初不知爲官也江藩犯順人心騷動侯諭衆曰江

海潮汐非賊利也固無慮奈武庫何吾且有備乃以告許人獲罪者許以鐵贖繇是兵外森然而民免科賦矣尤慎改作三年無土木之役舊民復甦公宇靡舍嘗曰取足居止已矣至於出令則曰令何可遽出必祈於行行必祈於久朝自爲之暮自更之何以範民爲故終侯之任若畫一焉雖胥隸坊甲之人亦以不諱嘗語諸學官曰松郡文名尚矣講習討論諸生所自致也規程以煩三博士恤其家禮其身令實主之何敢誣也會有計偕士寤於行者曰舉賢邑令

附十二

責也舉而不能行焉用令爲遂捐俸若干贖之士用感激乃若稀簡權倖抑遏才頑理剔寬滯躬親淡泊一用清淨之治海俗幾爲之一變其德遠矣添按上海古華亭也地盡東海耕織之力甲天下人易爲富其失也僭奢俗喜相雄其失也囂訟禮讓之風少衰於曩日矣故海之政也廉慎儉信所宜先焉侯人品高有得於誠意之學故言行咸鑿鑿而感應隨之彼巧飾以捷取者繫民之心果何如也又聞諸唐貢士周日侯嘗有言造化所甚惡者財也所甚靳者福也

吾得之而不能享吾享之而子孫不克肖多多亦奚用吾見以利貽子孫而竟破其家者何限也嗟乎侯斯言也豈惟繫吾母之思哉耆老胡錦等合數百人發私財市片石以請日陵遷谷變此石永存惟侯以永存添故史官也槩于所聞良是故得牽連書之碑樹之縣衙之右以長海人之思嗣鄭侯洛書曰可矣徐侯昭遂以告成事云

五世從孫陸瀛齡重編補刊

附十二

從曾孫陸起龍謹編

志銘

監察御史鄭公墓誌銘

嗚呼思齋歿且十載矣始克塋而予始克誌之於人  
世何如也嘉靖癸卯冬鄭生開自莆陽走海上再致  
遺命復奉王大參應時狀并以葉方伯鳴玉書來速  
銘二公端人也予發書而泣嗚呼悲夫士君子遵一  
王之制以興履正途修正學適當 聖人御極乘可

誌一

為之時而又有能為之具顧其所出才十一爾而遽  
尼焉竟齋以逝嗚呼余於思齋能不悲乎而繼之以  
泣也披狀思齋名洛書字啓範姓鄭氏考諱祥號近  
菴正德丁卯鄉舉授電白教諭毋林氏實生思齋思  
齋初生時適鄰家曝書龜跌移因命之名自少岐嶷  
異凡兒教以古歌詩輒成誦稍長治經章解句析師  
宿以為賢已年十四補郡弟子員提學東泉姚公試  
郡數百人中拔寘第一丙子舉于鄉丁丑舉進士奉  
例歸省蔡太君于家明年始觀于電白會廣中兵亂

百力營衛近菴以歸嘗過江門拜白泐先生祠因登  
甘泉湛先生之門折衷理性之學甘泉器之時有黨  
陸伐朱者極力排辯嶺南人士亦帖服云時王改齋  
宜學舒梓溪國冢兩內翰謫居菴稱之不置庚辰赴  
銓授上海知縣上海東南劇縣也素稱難治思齋治  
之真慈惠若有神明然每事事抵目晏則垂簾屏坐  
鼓琴論詩以自適或退而引諸生論經史月徵季考  
時其勤惰而激勸之嘗曰為學不以聖賢為邦不以  
仁讓非上也士多成美才海故健訟庭下常數百人

誌二

詞人悉受而遣之聽自息有不息徐為數語折之即  
皆引伏又曰民之爭禮之廢也乃計家為里里有長  
計里為鄉鄉有老選年高有行者克之朔望則里老  
率其鄉人子弟行揖遜禮讀書歌詩錄善紀惡海多  
火菴又曰此非民之罪也令之不德也為立義塚明  
長樹定禁約以示之習尚浮靡六禮過制且婚無載  
書易速於訟為之詳品節定書式令社學師掌行之  
遂建社學九十六區隨學建倉為之約正司馬準常  
平之法適歲大歉倉且不給乃大發賑之時饑民相

依來歸者萬計雜沓無緒爲之法制別以都里列以交衢識以旌旗散以僚吏金穀封裹坐衆而卽之授受以手焉論次鄉賢名宦修葺社稷壇壝祀典咸秩更定邑志文獻以章海賦久弊始議以三鄉田爲三則稱土而均撫按咸是之奏上而未果行嘗於履端馮郡歸泊海口下有沉屍壓以石磨忽見之嘆曰此必客死故莫余告也遣人偵之近村民家有石磨失其牡執來合之爲一卽訊乃伏果江西賣卜人歲晏持歸房主利其財而殺之又一夕舟行見焚屍者詰

誌三

之曰吾嫂也姑隨俗爾數日有告母死無歸者因憶向日道見火而不哀豈其人耶因逮來集諸鄰保訊之衆云此家無喪亦無嫂乃告者之母暮行被殺而奪其首被發其家藏首破一一具在有懷金渡海者舟人沉之其家不知也旬日告發乃盡呼舟人其一已移之他渡卽令解其首帕密遣示其妻問金妻果以金至因乃伏諸如此皆麗法抵罪無拘吏文邑人稱快初不以爲功也又罷勾查以益軍匠禁賭博以覺游惰毀淫祠以入巫覡表節義以獎人倫懸鐘磬

以達幽隱當道才之以卓異交薦召爲河南道試監察御史巡視京倉九月實授巡按通州丁亥選推提督南直隸學校計立臺之日計三十三月而童凡四十七上其論治心修身之道者五事勸上廣仁恩以惠京師者十事救災求言復上十事皆剴切語多不載至論逸欲之戒有曰陛下觀於御馬可以求御民之道觀於使舟可以求使民之道効費少師張詹事之交惡有曰失近臣守和之義乖明時雍穆之風二臣宜罷論調停器使之說有曰過爲區別則才

誌四

能何以自容每事紛更則法令何以專一開大臣舉薦之門者將移威福之漸破條例資格之常者必啓奔競之路悉荷上優容采納其薦達臣工也如楊公一清王公守仁彭公澤宜以軍旅羅公欽順楊公且邵公寶魯公鐸宜以簡任其勲德耆舊也如謝公遷林公俊孫公交宜以眷禮其救解過誤也如馬永之革任魏有本之調外楊言之下獄鄭九萬之瀕死葉應聰之就逮繆宗周唐樞之編管皆一代之偉人名士士論臆之旣奉勅陛辭而南過徐聞近菴公

計號慟兼程歸治喪如禮已丑葬太君近菴於月峯  
山壬辰終制赴闕補浙江道兼理廣西江西諸道  
所至振舉名日益起而忌者日亦益衆時方考察京  
官適在當局會有互相糾劾之命給事中有失官者  
許奏上特旨報罷而思齋歸矣道吳舊治士民相  
携徒步送百里號泣攀挽者載道既歸甫以明年卒  
于家年三十九耳遠近莫不痛悼之思齋天分極高  
以氣節自負所與交游必海內賢豪士好辯有口喜  
稱古昔先王明習當世之故廣庭羣議善批屈人卒

誌五

亦以是自屈云思齋令海深時居先詹事公憂目睹  
三年之治咸覈故予志海事獨詳以傳信云爲之銘  
曰玉桐乃折瓦墁獲完刻方屈直物則有然君子之  
守寧曰毀全簞瓢爲壽鍾鼎非年烈烈御史電白不  
死國之忠臣家之孝子餘慶實多貽厥後嗣徵我銘  
詩以闔千祀

中憲大夫瞿公墓誌銘

嘉靖癸未冬甲寅葬我南山先生於洋涇之原禮也  
孤山以墓石爲託且致遺命深拜而受之泣不能勝

嗚呼先太史公竹坡府君初娶於瞿先生女弟也先  
生先公契分甚深先妣吳孺人就養京師與今陸宜  
人連邸猶嫂姑也歲時往來無間故深出而從先生  
于朝若見吾先公焉先生既去雲南先妣見背歸而  
奉宜人于家若見吾先妣焉因念往歲深將起告奉  
吾三族之尊老于江南之新堂先生時年八十有二  
矣世父梅月先生則一歲先公又少二歲外父悅  
清先生梅公又少三歲從父東隱先生則六十有七  
云作五老之會適曹憲副定菴先生與陳州守約菴

誌六

先生自松偕至遂題之曰七老之堂命畫史圖之于  
時惟定菴年最高八十有四約菴最少猶六十四云  
齒德輝映衣冠肅穆成賦詩紀之傳至都下以爲盛  
事深官國子庚辰悅清先生之計至辛巳夏南奔聞  
定菴先生之計既葬先公明年哭吾梅月先生再旬  
併與先生哭之矣尊老彫謝若相鱗次孤苦之蹤無  
復恃賴其何以情爲嗚呼先生之盛德深又安敢以  
弗著謹按先生姓瞿氏諱憲字啓東別號南山先生  
先生幼有奇表端慎敦厚年十九贅于陸已而歸焉

禮邑弟子員有聲場屋為諸名公器待五舉鄉試登  
成化庚子科以春秋上南宮從三山林公亨大問大  
義林公亟稱之四舉禮闈不偶以弘治庚戌秋謁選  
天官名在優等授順天府通判勾管 上供薪炭積  
弊別疏事倚以辦撫按交薦壬子居太宜人憂喪塋  
如禮乙卯服闋仍補順天督治糧草丙辰奉 命清  
理武清等七廠葦地訖事繪圖進 呈命勒石為定  
見戊午屬縣重囚犯至死而罪不至者李福名等三  
人立出之稱平允焉是夏 親王之國供億甚擾備

誌七

價則器急備器則價急先生具奏宜輸直長史司從  
宜顧情兩便之會朝饗諸陵值沙河暴漲先生溺焉  
賴以救免方出談笑賦詩不失容色庚申滿六載考  
訖已未會試為簾外官辛酉鄉試復為簾外官調度  
有法癸亥秋滿九載州縣共保奏遂陞左軍都督府  
經歷每朔望詣 闕下敷奏朗暢 武廟登極受白  
金文綺之賜者三 太師英國張公甚倚重之戊辰  
陞廣南府知府廣南雲南邊徽郡也先生不以險遠  
即行廣南舊寓臨安治先生居禪寺中有扶桑黃花

之端俄轉臨安先是嘗奉三堂檄署臨安矣故臨安  
人甚宜之元江知府那氏與族人讐殺不已先生往  
撫之諭以田真兄弟事立解庚午再撫蒙目所李師  
華普濟等又撫曲江驛石祥奉等皆解以功受銀牌  
之賞獨那氏一族黠夷也陰行千金為賂先生發其  
姦獻議誅之是秋入 覲以老乞休許之東還日坐  
南山以為樂時時招致親朋賦詩為會如香山洛社  
故事如是者又十餘年享年八十有九配陸宜人恭  
慎貞淑有賢行少先生一歲白頭相敬如一日內政

誌八

秩然子男一即山義授郎官以孝謹亢宗先生生當  
我 朝熙洽之運是故德器豐碩若喬山茂林翁鬱  
葱蒨之色闔歲寒而後彫力學懋成持滿而始發有  
淹貫練達之妙故天下事無不可為而意近於厚所  
至化之宦業不務奇苛而愛戴之者父母奚啻平居  
木嘗有喜怒之色尤不屑屑於厚產植生計門堂潔  
清禮秩整叙年過八十猶親近簡冊精彩如少壯好  
吟咏有南山集若干卷藏於家處宗黨恩禮尤極周  
密云初先生母兄怡清先生與蒲泉先生共相友愛

惟篤怡清卒時有子才四齡先生宜人襁負之歸愛  
過所生長而命之曰崑宜人以女姪妻之每侍宦遊  
孝如所生故先生行誼莫得之多茲特爲狀以速銘  
銘曰於皇明運宣正爲盛篤生偉人前方以正魯史  
春秋斷自宣聖袞鉞之嚴孰執其柄公闢厥微傳之  
復致耽耽京兆載其清靜參畫大府翁張惟令遙遙  
臨陽萬里爲境公手摩之克惠克定既口倦遊攀挽  
莫競至神無方去思有詠大耋斯屆以保正命鬱鬱  
高原草樹輝映磨崖勒詞述德繫行嗟予小子孰敢

志九

爲依

中順大夫顧公墓誌銘

憲宗純皇帝時有才良之吏曰上海顧公諱英字孟  
育初同知雲南之廣西府以憂去既乃改陝西之延  
安府九載陞知廣南府廣南雲南夷中地也尤險遠  
公之在廣西也民楊姓者兄弟爭產訟累不休楊夷  
俗也公至各以百金入賂公兩聽之明且詣府受理  
譚辯吏肆公曰若所爭者幾何也至是其弟悉白其  
允贖財狀凡五十金公曰若以五十金之故致訟比

於餽人以百金求勝其盈縮又何如也反顧吏人出  
其賂於庭卽取其賂半償之兩人羞伏各涕泣投  
拜而去其在延安也適其敵之餘民多逋負公卽移  
文所司日本郡東連河湟西接慶環比連沙漠南迫  
關陝山多川少土瘠民貧且以一年之收欲完數年  
之負竊慮民力不堪愈加逃竄舊糧既無完期新糧  
必至遺誤乞以舊糧量收輕齎候克俸支折色庶幾  
民免負戴之勞軍得實惠而無朽腐之患矣所司是  
之時歸德等堡東西兩路上曠兵饑巡撫丁公委以

志十

安撫公往閱田授丁給以牛具三年然後科之遂著  
爲令中官汪直者進軍征討卒經其地卽欲用馬槽  
數十時已薄暮公命窺地作坎築以起土莫火燎之  
儼然芻秣以濟其在廣南也寓治臨安府屬車里讐  
殺宜慰板雅氏者死有二子安長庶也愛猛幼嫡也  
各爭襲位蠻夷承傳惟貨力是視志吞啖而已撫按  
檄公往迺冒險行千餘里入其地爲辨嫡庶之分卒  
定其事茲行也或連日不炊夜懸宿樹間衝薄瘴癘  
出入虎狼蛇豕之羣自是有歸志矣明年得歸去縣



市五里所構南谿草堂賦詩奕棋以取適公自少奇  
逸有大志不屑屑治家人事間從博遊已乃從兄行  
賈淮北輒負不能壯歲始折節讀書遂一舉而登上  
第時年二十有六也去來兩都授徒恥給比有祿入  
常不繼是故生哩尤薄長子澄以儉勤起家有田十  
餘頃公曰吾二十年官遠地無厚澤及人當以此田  
贖范文正公故事爲義莊以澤吾族人會白其事於  
府時守議上請未及行而公卒矣公貌不逾中士  
而勇略出人談辯清雅和婉恭敏喜爲近體詩工緻

誌十一

有草堂集藏于家云惟公發身在英憲熙洽之朝  
人文靈輿得以據忠效謀補禪國體及其奉身而退  
也尚在疆盛之年返適樂土具有林泉之賞金紫輝  
映詠歌太平者垂二十年以考終出處如是可謂得  
所遭逢者矣亦少復以通家子事公數從遊燕得公  
言行爲詳復按邵君政所狀書其大者系之銘曰政  
以遠懋澤以義濟匪懋之難濟記易展矣顧公允  
也垂世高丘永寧曰此良吏

承德郎劉公墓誌銘

亭湖先生劉公卒於番陽之里第計聞京朝其子  
洵以深知公也久乃奉文選劉君梧岡之狀來問銘  
按狀公諱錄字世臣別號亭湖饒之番陽人也姓劉  
氏傳自漢世至宋禮部尚書忠肅公摯實起吉水家  
富田鄉五世孫壽可翁自富田寓饒構積善堂以居  
壽可之孫雲樵翁諱琮玉字潤芳博學精天文當元  
季氣知高皇帝龍興與友人決策歸附高皇  
朝而物色之翁乃隱跡於醫嘗師會稽楊鐵菴先生  
與姑熟陶安王敬同學最相友善會主敬守饒遂定

誌十一

居番陽著述甚富雲樵生教授澄字源清教授生御  
史經字季權御史生參政諱烈字尹吉以子中丞貴  
贈大中大夫資治少尹配詹氏贈淑人中丞諱城字  
廷高以公貴贈通議大夫爲本朝名臣配董氏贈  
淑人側室尤贈安人者實生公中丞年幾五十未有  
子時爲福建按察副使巡江夜夢偉丈夫來謁詰且  
得王狀元祠葺而像之以祀遂夢抱一兒謝適公生  
闔官舍中自幼教之甚嚴年十二而中丞卒於行臺  
乃奉尤夫人護喪南歸執禮如成人尤夫人教又嚴

造就外傳從李用和先生學訓成端重年十五補郡  
弟子員即購奇書攻古文舉弘治辛酉江西鄉試明  
年卒業南雍與天下賢豪遊聲稱藉甚凡七上春官  
嘉靖癸未始第進士出知饒榆海縣也而貧荒  
盜相仍且一紀矣顧征求歲益增公至抗疏免其繇  
十七屬淮北大饑乃即通衢設廠四十餘所作粥餉  
之數百里內全活甚衆會宿遷有疑獄屬公鞠之夜  
宿郵舍若恍見婦人者按尻摩膝如訴明日檢格以  
自經報公親濯骨驗之乃死先折而後自盡法當坐

誌十三

者咸伏罪又一日單騎謁府途中遇鹽徒數千一見  
知公皆羅拜更爲護十里行而散去乙酉以更賢調  
潮之平陽時處有礦賊殺吏僭號勢甚張 詔捕之  
重其賦溫師老財費公請釋兵獨任其事近賊土民  
有棄光者家畜死士方能制賊公抵其家諭之光感  
泣叩命乃道民兵擊賊甚多城中有惡少數輩投賊  
公敗其謀賊遂殲焉光既成功時上官有力者欲  
懷光功文致光罪死公懇曰事由光請釋光願歸公  
瑣第一又海寇熾十七艘將登岸公親禦之挽弓命

中燼一人又一矢貫胷工手賊相顧駭愕揚帆去而  
公初未嘗習射也丁亥擢刑部主事先是平礦賊宿  
憐養間夜三四徙遂傷右足至是以疾與告三年瘳  
補工部都水司管徐州洪舊例洪需取辦於州繇人  
獻一金以飾厨傳公至惟命人植三柳以固堤辛卯  
郊禮單恩進公階承德郎追贈皆如制公感且泣  
曰 聖恩至厚且褒及所生矣遂疏乞休再上乃允  
時年五十六云公家居十年口不談外事日惟教諸  
子以文史爲適自少儻有奇節體貌修偉氣和而

誌十四

色莊孝友天至人尤稱之深憶在南雍時見公如鸞  
鶴五彩翩翩然正德間以史官使 淮公方績學者  
書滿家如殷盤周鼎龍文彌漫逮予叅政江西則見  
公于芝山之麓矣握手談議侃侃不忘天下之大時  
諸子庭列森秀若蘭玉予得徧視之退而嘉嘆予既  
召還翰林爲學士與戊戌讀卷之列洵時以禮闈第  
二人對制文章高雅在第一等封 上御批爲三甲  
第一人臚傳 大廷於是天下皆知劉亭湖之善教  
子而中丞公之有後也比洵出使還 朝予猶得問

公起居縷縷詎意遽銘公之墓耶所著有亭湖稿若干卷別有摺亭集梓于平陽蓋公之學甚博而正可方古名賢惜乎其不盡用於世也稍稍見兩縣者固不勝書子特志其大者系之銘銘曰山川出雲以澤天下渥洼之產厥有龍馬雲之油油返于太虛萬里逸駕羣龍並驅嗟哉水部前承後啓還珠合劔豈曰居侯番湖浩渺芝山崔嵬用徵不朽視此銘詩

顧母陸孺人墓誌銘

孺人姓陸氏諱素蘭義授承事郎省軒顧先生之配

誌十五

廣南太守草堂府君之冢婦處士筠松先生陸公之季女太學生定芳之母而國子司業深之姑也其卒也定芳以書來成均請銘  
惟我大父筠松公與大母尤孺人毓德葆和以昌厥後故八乳而有五男子三女子鄉里異之而孺人又賢始孺人之在室也已見長姪有受婦者是時一爨指逾百數而公孺人家極嚴且勵子若孫以儉勤也孺人事父母奉兄嫂撫婢媵無不曲當故公孺人最所鍾愛諸嫂氏有不合公孺人意輒訪於孺人而必得也既歸

省軒先生時廣南府君方事宦遊百需咸給於家多孺人從中措畫府君安之省軒先生共相起家禁禁肥應賓客和妯娌滋產業顧氏之門祚益以振拓及府君解廣南持圖書以歸入其門視供帳涉田園曰據此可以老矣誰則營之既而知孺人有力焉每向筠松公謝曰翁之女耶吾之子也不啻由是而仰孺人以濟吉凶者凡若干家孺人之所視以爲子女者凡若干人深之先孺人吳來繼太史公竹坡先生之室及孺人之嫁也惟好尤厚其行仁而好施也若相

誌十六

競而趨之故兩宗之賢陸則稱吳顧則稱陸也先孺人之喪歸自京師孺人哭之尤極哀而視深也與深之婦也則其所出也不狶初孺人有子曰裔芳少深兩歲自齡非以至於誦書綴文之日異而游息者無間月非裔芳過舅家則深來自姑家也裔芳賢而有文年十九而死孺人意極傷之而又念定芳之弱而未有功也既又遭徐茶人之喪連遭廣南府君之喪自是而省軒先生亦謝世矣如茶隕血以植立顧宗蓋有奇丈夫偉男子之所難者既以搢疾尋愈尋作

定芳之求瘼也力則醫誠則醫以口續食以體藉財  
心憂之已而計至又明年移家至都始悉所以而  
哭之不能盡也孺人病既革梅氏婦携二子往候焉  
猶執手問深且問 聖駕還京未語既條然而逝享  
年六十有六云嗚呼孺人之懿行淑德蓋有深所不  
能盡述者獨其推財濟物出於天性而又力足以行  
其志故厚惠周徧感之者皆思報之於定芳無間也  
廣南之後雖孑焉寡弱而所以維持陰騭之者甚  
厚斯亦爲義之效也 深謹按古記貞烈以不恤緯而

誌十七

憂王爲賢彼猶爲生也若吾姑之續既屬而 國事  
之大無忘詎不謂得正也已此亦偉男子奇丈夫事  
也而猶以未之學而式也爲難禮宜銘銘曰秉禮植  
德女中儒既以成子遂從夫爲之銘者謂爲姑

太安人趙氏墓誌銘

唐母趙太安人考終於上海之里第享年九十有一  
江西提學副使錦之母也 深之女弟歸副使君逮事  
太安人習聞太安人之風久中書舍人奎與共事館  
閣每泣向深曰太母之歿非舅孰宜銘且父命也今

葬有期乃奉副使君所自爲狀以請深不容辭按狀  
安人之父曰煇怡開翁母潘氏皆儒家世居上海之  
南浦怡開翁開門受徒以師道尊一鄉無子晚舉安  
人與潘諸人鍾愛之安人自幼陶染詩書動合經訓  
不但工女紅已也既笄歸質菴府君以慈惠溫淑稱  
府君前室有子曰銳曰銑側室子曰鑑及二女安人  
子之逾於已子皆成美才子若女亦德之如所生質  
菴府君事容軒府君甚孝安人每先意承之奉養備  
至容軒翁春秋高遺疾危甚醫禱弗效質菴偕安人

誌十八

不離左右疾既革乃跪泣榻前翁舉手撫之曰汝夫  
婦孝誠篤至願生子孫如是如是時安人適娠復向  
安人語之曰吾此去當懇諸冥官乞一賢子畀汝逾  
月而副使果生質菴好客賓朋常滿座講經考史鳴  
琴賦詩日以爲樂內政悉安人主之媵妾童僕上下  
罔不得其歡心平生不好積聚恒曰積財乃積惡耳  
故自日用外輒以施人貧乏來告者必委曲調貸之  
雖給者負者相繼咸弗較問有建橋梁甃道路者輒  
傾囊助之弗靳蓋其性然也弘治乙卯副使舉鄉試

明年登進士第安人自家以五經漢唐諸書寄京邸  
囑之曰汝少年登科聞見未廣公餘宜從事於此為  
報效之地毋徒從朋儕日遊燕為也出知東明復以  
補臨道鮮遺之口以此佐汝滋味汝弟飲官中水可  
也此為給事中安人色喜曰此官必廉能得之已而  
為逆聞仇陷去判深州或來慰之則又曰士大夫當  
保名節官資去來寄寓等爾正德壬申質菴棄世副  
使以刑部員外郎守制選既禪除乞侍養安人微  
知之遂命長子鏞赴銓乃授浙江布政司都事援例

二十九

歸養安人曰汝兄歸汝宜行以報國也始還 朝遂  
轉郎中丙子奉 勅審錄湖廣竣事多平反冤獄安  
人復喜曰刑官當如是尋遷江西按察司副使提督  
學校俄為逆藩誣誤罷歸安人曰是非命耶時安人  
年七十餘矣日惟焚香淪茗集諸孫婦女講說閨房  
儀範或談善惡報應之事以自娛至於服飾華麗不  
好也居常布素至澆濯不恣棄聞見侈靡輒戒之曰  
人當積福苟暴殄天物有神罰矣字紙偶墮地者亟  
俯拾水火之曰此聖人所製寧可汗踐耶其謹厚仁

敬多類此年過八十猶聰明不衰惟齒則盡脫子女  
弟躬視諸饌減手成淳糜每為陸氏婦加一餐又數  
年得痺疾歲輒發發輒殆副使君延致名醫時以善  
藥扶養元氣少愈嗣後每月發治如前久之迺月三  
四發即治不復效矣遂不復起而始終可無憾也惟  
安人毓德於豐亨之世言歸於閔閱之家安享富盛  
逾九望百而子孫滿前金紫在側歲時稱觴為壽則  
手撫曾玄常百十人崔冠霞帳高堂中坐望之如神  
人而懿德仁風內外人飲之不能盡大江以南賢母

二十九

未之或先也 深與憲副有兄弟之誼視好猶母也顧  
旅食京華徒以空文為役嗚呼尚忍言哉銘曰厥家  
之興緣起以婦惟子之賢實視其毋孰克兼之世則  
鮮有嗟嗟安人取之左右人亦有言惟德不朽關雎  
闕宮風猷迺久嗟嗟安人式啓唐胄既惠既慈亦創  
亦守鸞封自天暈程在首百歲何遲同穴惟友慶澤  
之餘以豐厥後太史銘之泉深土厚

大恭人顧氏墓誌銘

徐太恭人顧氏以子洗馬階貴封實贈中順大夫思

復府君諱黼之繼室也嘉靖乙亥歲今 上皇帝建

儲宮妙選中外直諫名實之臣克賓寮時階奉

聖書提督學校自江西 召爲司經局洗馬是秋北  
上太恭人送之郊亭命之曰 聖天子錄汝於罪戾  
之餘躡處清華汝但盡心事事毋我念也今年春再  
選李于階學于洗馬牽其衣曰爲語汝兄汝姊善事  
我幸無恙已乃撫其背曰汝如取科第汝兄僕亦轉  
選年時歸爲捧一觴正我七十壽爾及階自長安聞  
計與陟相對舉其辭哭甚慟則又哭曰毋報已矣

君恩咫尺可覲也卽具疏以情事請 上特允之

賜祭 賜塋蓋殊典云旣乃奉太史趙君景仁之狀  
問籍于深按狀太恭人系出浙之鄞以有戎藉于松  
江所故今爲華亭人父振宗母駱氏太恭人生有異  
稟謬以星家言其不宜子遂不欲嫁行年三十始歸  
思復府君府君已再娶曰吾有子若女矣術言果然  
然亦何傷吾聞難嫁女必賢庶以毋吾子女也是時  
府君承宣平初娶于林生子曰隆太恭人入室果能  
視前產如已生撫視之無間府君自宣平移承寧都

皆迎毋就養太恭人奉姑惟謹承時出署他縣或奉  
檄理公務別所十九在外太恭人孝養姑愈謹又躬  
自紡績以助承廉是生洗馬次生一女次生陳次生  
陟而衛家之言窮矣鄉人多以爲美談洗馬風猷疑  
遠爲諸生時已脫穎眾中有天下之志府君目存焉  
因毋喪自勉不復遊宦家具益落太恭人佐以儉勤  
至脫簪珥始盡府君克然若不知也嘉靖辛未洗馬  
進士及第明年府君考終以緇修守制還人有以私  
于者太恭人率從中沮止之蓋不欲以家累貽其子

云旣終制還 朝以編修論輔臣建革非便謫爲延  
平推官稍遷爲同知爲僉事爲副使太恭人咸裕如  
也先是府君有妹歸姚氏者寡太恭人亦有姚氏寡  
姊皆老而貧太恭人胥迎歸與共寢處衣食之甚恭  
二媪謝再四太恭人慰之曰吾見吾姑如見吾夫吾  
見吾姊如見吾母爾石氏奴暴卒太恭人有美材壽  
器卽輒與之其仁厚類如此他如訓愛内外子姪各  
有成立族人待以舉火者尤衆蓋徐氏之賢毋云嗚  
呼女德繫人家世大矣謹稱蘆花絮事託諸大賢而

鶴燕之夢實兆宰輔信然則太恭人完養厚畜殆天相之以昌徐宗洗馬君之所爲發祥而託始者夫豈偶然也哉是宜銘銘曰大器兮小官貞女兮嫁晚二美兮匹難天作之合兮澤遠蔚斯丘兮且吉完視我銘詩兮琰琬

先孺人墓誌

嗚呼孺人天下之賢母也雖然哀吾孺人之不及於養也孺人志不在養痛深之未有以養吾孺人也於京師卒卒之日自少師李公而下咸迎奠焉深卽日

誌三

解史事扶柩還還之日自閭里能言而上咸迎哭焉既殯殯之數日親戚之疎者遠者自百里外咸持紙錢來哭曰以是報孺人之某惠某德也而人未之及知也嗚呼斯非天下之賢母也耶孺人姓吳氏嘉定人父諱實母姜氏蚤失恃年二十三歸竹坡先生爲繼室逮事鈞松府君尤夫人府君夫人性嚴整獨孺人時時可其意閱三十年無間也前孺人瞿子曰沔甫九齡孺人卽子之年二十八始生深竹坡先生喜遊南窮湘沅北走燕齊晉魏之墟或歲一歸再歸或

聞歲奉歸孺人奉府君夫人以居早作宴息課男耕田女織布農月僮僕俱出親爲之浙米於甌實薪於甌暮策其雞豚之入命長老僕行藩外視牛圈縱犬鑰戶退乃坐南牖下張燈或時乘月紡木棉坐深於膝旁使之讀書漏深乃能明旦升堂視饌畢鄰之貧且急者族之不能衣者食者有災者悉來告告則各如所欲給之不給則解衾衣捐筭珥以繼故家雖饒而黃白綺縠之飾未嘗留也府君有男五人諸孫無慮數十率聚而教之孺人從中館穀束修筆硯費

誌四

咸經理之如是者歲以爲常是故過於勞勤恒苦多病深年二十五舉鄉試明年壬戌下第還業南雍是時孺人春秋五十餘遂奉以往蓋思欲以江山巨麗之觀紓其早歲勤劬之過也於是登巨艦遊五湖溯長江以達乘秋霽無風濤之險孺人喜津津曰吾願也然居南雍再歲再病病輒始乃甦甲子春遂奉以還乙丑深舉進士入讀書中秘益思大其桑榆之樂又迎之來京師居少間又病如南雍丁卯冬深蒙恩授官翰林編修孺人得報曰是鮮政務當乞一假還

觀汝父吾從汝而南吾夢寐故土也涉春歷夏日就  
蕭德既亟乃曰汝無冒時禁詒汝父憂吾雖病無苦  
也竟不起嗚呼深之罪尚忍言哉深不孝既未能徧  
走當世之鉅公以乞書孺人之藏不敢私叙懿美以  
償孺人之終於是乃救血而誌之不忍銘

朴菴倪公墓誌銘

浙之東處士朴菴倪先生卒計于京師其仲子翰林  
院庶吉士宗正解官歸治喪且塋奉其友人張君那  
音所爲狀問銘於深深按處士諱彬字用文餘姚人

誌二五

也祖諱允中有隱德父諱守禮有詩名處士美丰儀  
善談辯詞吐鴻鬯時舉經史粵義相詰難一座皆傾  
其所爲多俊爽不動以利不屈以勢又能以信義服  
其鄉人鄉人爭訟有不願之官府而願得處士一言  
者歲時伏臘必聚宗人酌以酒告以振宗爲善之道  
衆皆悅家理故薄而好客不倦多取給於外氏勇於  
爲義嘗覽范文正義田記擊節嘆曰吾志也迨晚一  
歛其邁往之氣歸於爾雅喜歌詩通陰陽術伎有造  
精者其所不信而深辨之則浮屠法與巫覡云初守

禮公年既長無子其伯兄意以已子後公未幾公繼  
娶陳氏生處士及處士之弟又未幾而公卒時處士  
年纔十餘耳始謀者曰兩遺孽去之則產吾產也  
日來搜其門穴窟毀瓦推瓶倒壘躬獲以歸則要諸  
路擊而奪之死者屢矣時陳母外無以禦強暴內無  
以庇其孤日夜哭泣因以喪明處士百千委曲以  
成立而陳母卒後每見目背者則爲之一慟至其待  
讐者未嘗不如族人也是可謂怨而不怒者矣處士  
食指既衆家尚不給或勸之曰若子盍使之從賈處

誌二六

士聞之歸撫其子曰吾兒賈人耶是當以文學裕吾  
家使之讀書不輟若是者可謂不惑於流俗而善貽  
謀者矣年六十有四以一疾而卒深與宗正同舉進  
士又同官宗正哭而告子曰吾七年於外求以祿養  
今得祿而吾親不逮已矣深深聞而愈悲之乃系之銘  
曰遭變孰難難歸於厚有蓄弗施而匪爲其後嗟嗟  
處士仁勇曷負剛則不折貧而能守惟不折與守乃  
見其有勒辭貞珉以永不朽

黃良式妻陳氏權厝誌銘



太學生黃標之妻氏陳陳氏賢而客死死又無年三  
男二女累纍然逆旅也標將扶輿歸攢而問銘於予  
標予姊子也自幼從予問學予愛之往歲戊子予赴  
內召携家人都時標亦以家從梅淑人甚愛憐陳  
氏婦數稱其賢嘗謂予黃氏甥落落有奇氣輒不便  
委曲而陳氏婦低昂應之爲能吾黃氏姑之志也予  
在成均淑人多病陳氏婦數來視如所生然旣予南  
遷黃甥陳婦復跋涉從之去 國丁酉歲予 召自  
蜀藩明年標自故鄉來卒業太學陳氏婦再從之行

誌二七

又明年乃以疾卒於崇文門東之寓舍年三十有九  
予方自扈從還揮涕哭之曰天乎天乎何奪吾甥之  
賢婦之遽也標爲書三千餘言以狀其遺行予屢讀  
之不能終一篇乃撮其大者以叙之叙曰陳婦諱香  
父金邑庠生母沈氏嘉定東鄉之采桃港北人也黃  
陳皆蘇故大家相距百餘里竹泉先生爲標擇配凡  
閱數十家聞陳女賢好以龜卜于家祠龜不焯而兆  
兆又吉遂納幣焉會標出繼大宗事所後母俞孺人  
竹泉則相之成婚及期父母醮之曰兩姑之間難爲

婦兒勉之逮事俞孺人極其誠敬時俞孺人寡居齋  
蔬灰心皈依釋教常悶悶旣而憮然曰早知有新婦  
若是安用自苦爲壬午歲竹泉先生暨吾姊孺人邵  
太母孺人俞孺人相繼四喪家蠱紛紛起陳婦贊標  
內外事帖然時病痘而產理家務無少懈迨乙丑歸  
自京師每慰標曰此行甚勞畏而君之志識殊進矣  
標肯肯再四壬辰六月以母沈孺人構病急拏小舟  
上行中暑幾危坐是遂病會重入都而醫藥不能效  
矣旣屬續猶以好言慰標曰兒女事有君在當再世

誌二八

爲夫婦矣標發其行篋才有故衣三襲遂用以斂而  
標哭之極其哀云標又哭向予曰吾婦貞淑勤儉出  
自天性其初入于室也妯娌姑姊妹或相陵侮受之  
若駭旣就枕簀間簌簌有淚聲疑而問之輒對曰偶  
然念吾父母耳標少躁急當事有動聲色者畧不校  
徐俟氣平曰君怒解耶若此數數標每愧而改焉標  
事夜坐臨文讀書或處分人事每至宵分必以女工  
佐之未嘗先寢有時親朋紛集或客從遠來琴奕觴  
詠連留浹旬日從中治具甚辦親疎等數秩如至撫

兒女必加嚴標必假借之乃曰惜兒害兒也一錢尺帛必留俟標用嘗曰婦人私蓄卽皆夫財耳出入之際人亦能挾之吾斷不爲也會歲歉適場禾被燬家繁食指不給乃日織布一疋晨令市米又不給至稱貸又不給或盡脫簪珥標念之後豐稔償以數十金又不願爲粉飾費曰是可買田宅遺諸兒也服用皆淡素有一青布幃施卧榻不易者十九年其賢多此類予益不忍聞遽視標曰止止乃爲之銘銘曰孰啓之賢而弗承其年孰傳若賢汝夫則然子以毋賢而

誌二十九

嗣息綿綿身後身前定者彼天聊用掘泉盍虛左以遲兮歸全

孺人錢氏墓誌銘

孺人氏錢封徵仕郎顧公啓明之配前禮科給事中存仁之母也存仁自餘姚令召爲給事中遇推恩大典受敕封孺人天子舉郊廟大儀存仁疏言五事忤上青廷杖六十孺人時已屬疾聞之曰兒以身許國耶蒙聖恩未卽死死自其分也存仁歸拜牀下慰勞悲喜孺人疾爲少間明年辛丑五月五日竟

卒存仁哀毀幾死又以身是罪人幸乘間踰望天也乃手自爲狀副詞三百餘里來乞銘余讀之作而嘆曰嗟乎物貴有本也哉夫土膏沃則土蕃水淵淳則魚字此闕宮玄鳥之所爲作也豈獨神靈之託爲然忠貞之成固亦有之漢之范滂晉之陶侃是已方存仁以言遭譴孺人在牀第間無悶色無怨詞垂堂之愛若是乎此與范母何以異乃若士行之功名本於秣馬截髻此固存仁之後效耳毋德所係大矣顧深無能爲孺人重重念存仁情事不可以不書按孺人

誌三十

生有淑質寡言笑端靜而慧事嫡母以孝謹稱能通小學女誠大義鶴阜公鍾愛之年十八歸封給事君迨事實善府君黃孺人暨曾大毋楊夫人咸稱之曰錢婦賢實善府君有二幼子一女晚以屬之孺人孺人撫教各底成立其季鍾蚤世無嗣遺命以孺人子爲後孺人不可竟立伯兄子田宅頗厚正德末封君以鄉賦累家遂中落徙居郡城遠二百里甘隨之奉歲時益勤實善府君與黃孺人感且泣曰吾安得死錢婦之手乎後值二喪孺人竭力以佐襄事弟聚珪

誤得寤乃晝夜泣爲營解之至發疾撫諸子女尤慈  
愛而訓飭特嚴平生無妬忌之行多病寡孕育媵妾  
得男即爲保抱如已出人尤以爲難故吳中稱賢母  
必曰錢孺人云十以癸卯十月二日塋新安鎮之新  
阡禮也比孺人之在殯也適鄰火風颺烈甚極重而  
室隘勢無救存仁但涕泣露拜須臾反風無恙人之  
以爲慈孝之報也母子復完以處死生之際天將於  
是乎定矣是宜銘銘曰勾吳東防瀛海汪洋出其潤  
肋與雲俱長波濤怒狂魚龍奮揚莫之敢當有葦一

誌三二

航翩然下將弱流湯湯天開扶桑旭日載揚帆檣斯  
張利涉奚量珊瑚琳瑯鵬鸞鸞鳳光采回翔旣泰旣  
康若堂若坊是曰孺人之藏

不成殤兒子誌

嗚呼吾年二十有七始生汝父母賴以有子祖賴以  
有孫汝之生在南雍吾馳書歸報吾之故人慰之曰  
有子內外族人賀汝之祖曰有孫於乎今復何望那  
汝生兩月遭汝季姊之殤吾恃汝而哭之不盡哀今  
汝之死也吾何恃而不哀耶又二月汝之祖母母相

對病甚汝嗚嗚啼乳吾持汝哭而禱曰汝福德當重  
慶已而皆愈吾甚喜豈汝能慶及其親而不能自庇  
其身耶甫半周汝祖來視祖母於南雍懷汝而喜曰  
親類我親類我回顧乳者屬曰避風節食無厚溫也  
別又牽汝曰歸見汝學步也今吾歸將何以慰汝之  
祖耶汝好眉目豐肌肉白如瓠早善盼笑見者莫不  
憐喜提携之汝亦不驚不懼其親父母尤不同常見  
故凡余出也目光射戶外懸懸不見則號泣入則翼  
而附之如有知然夜夢兒病痢甚苦求醫不來惟而

誌三二

覺之不敢發明日而疾作果先腹瀉發疹不可藥九  
日死矣嗚呼能不悲哉余將瘞汝郊之外自此去國  
甚適且不恐也汝尚未成殤不敢曰殯乃薄衾就木  
置諸寓舍之外門之內俟返葬焉是爲誌

省軒顧公墓誌銘

公諱澄字源潔上海人也其世系具深所撰草堂先  
生誌中草堂先生故廣南守公其長子也母徐恭人  
配陸氏實深之姑有子三曰喬芳蚤卒娶談氏曰定  
方太學生娶李氏曰世芳側室蔡氏出也深幼侍先

大父鈞松府君見公每以歲時至至嘗從旁撫予額曰翁家千里駒也復彈指曰隱隱作五花紋矣府君爲之破顏深孩漫不省何等語也長而知公器待之厚自後每成名公輒手書敦勉辛未之赴 闕也至作十詩送之明年秋奉使還省公則已病矣乃握手叙平生不欲大聲輒附耳語不休大抵憐其婦之節與其弟之無後者而欲定芳以文學致身大草堂公之業也或汎及其造家辛苦細事意若有所託然心私惟而憂之竟以癸酉歲之二日卒享年六十有一

誌三三

云其孤定芳軼然一身經營三世以繼志爲任卜以乙亥歲之二日庚申奉厝于肇谿南原從草堂公也乃泣而請銘深亦泣而諾焉公素長者慈仁慎密有心計特長於理財他人所縮公則贏之用是爲邑中巨室草堂公宦轍所至輒以清白聞公之助也其歸自廣南橐中圖書而已及按視其家則曰吾兒自足也遂營別墅於郭西之五里橋爲草堂觴奕吟嘯之地母弟雲龍遊邑庠例得入舉公資以五百金補園子生卒業而還又益以千金腴田數頃與之曰此固

父遺也第受之勿疑草堂知之召雲龍曰一錢非吾有汝兄之爲以悅事吾也人兩賢之有別業在邑西水鄉已已以來連災於水公傾廩給里人全活甚衆公起自勤儉一文不以妄費當其勇於爲義乃如此淳嘗論公仁足以事天也而耆耄遠義足以陰鷗也而齎斯微藝足以角勝也而名位未稱意者天將大其後於其遠者耶若夫父母稱其孝宗黨飲其惠鄉閭服其誠信識公者莫不敬其生而哀其死雖百世傳可也爲之銘銘曰皇皇三吳著姓顧陸祚之斯遙

誌三四

粵有芳躅昔在中葉海邦奠居偉矣草堂懋起詩書冲冲省軒草堂有子惠始于宗亦及國鄙秩之七品壽以六旬曷疾于內以潤厥身身所爲教貽燕斯妥孰云承之亦詎匪我高風晚願築亭浚沼昔公出遊睹物雲表霞裾鶴馭屢轉星眸豈曰厭世或從之遊遺慶若流沛厥來裔太史勒詞以奠于世

### 北園唐公墓誌銘

嘉靖乙酉閏十二月六日庚申北園先生唐公之葬合以孺人宋氏兆在金滙塘之東從祖塋也公壽七

十有六孺人之歲同卒之歲又同又同以是日葬蓋合德也人尤賢之其子若孫益哀慟不任相率來問銘圖水終也深按沈君愷之狀公先汴人也宋有將仕郎貴一扈高宗而南至於松卜居於華亭金滙塘之上歷元入國朝日以大曾祖諱璟字廷譯號東臯祖諱玉字伯堅號耕雲皆有隱德父諱壻字景臯號勁節母周氏有內行公其長子也後勁節府君以次子頑貴贈兵部車駕司主事母周贈安人公諱祚字原德北園其別號也自少疑異異群兒數歲知嗜

說三五

學長以家產出督里賦遂至中落猶閉戶讀書或勸之仕不應勁節府君謂之曰汝宜總家政相汝弟成各言兩子後唐各有立是吾志也公曰諾遂一意幹巖邑養事二親凡所欲成盡心力母病久卧公夜未嘗帖席比其卒不渝喪居哀毀如禮與弟西園友愛太為西園者即兵部君也字原善舉成化丁未進士後官至禮部郎中聲績隆重公之贊助為多壬寅應詔輸粟關中凡若干斛例授郎官冠服備如也正德戊辰饑公為作糜粥飯若干人死者為具棺又若

公嘗指所居示子孫曰得承先人敝廬以至今日者宋氏之力也先公以八月九日卒公以後十月一日卒惟公承家世之舊天賦精敏言動綽有禮度躬行孝友之道惟敬惟勤以終其身故家日饒裕以副其好禮舉義之志詩書之風彬彬然科第踵接起矣

說三六

公締通家之好茲以兒子楫議婚於西園之孫與公子孫云凡事以豫為先小事隔日思之大事隔年思之時以為確論云深初舉進士讀書中秘時與西園

之從子儒寔有姻誼今年夏與表弟顧君定芳拜公於里第談燕浹日鬼然名德君子也神觀修整有松栢歲寒之操詎意遽哭公孺人於一旦哉爲之銘曰金雁之塘流湯湯東海沃蓄南浦傍氣聯派續著蕭塘約束靈秀調陰陽中有異產德乃雙何殊梁鴻匹孟光門戶宗祧興美唐潮汝草樹俱輝光尚有遺祉甘若堂金純玉采深以藏生世猶短沒世長請示茲文儼不亡千代萬代其永昌

竹溪唐君墓誌銘

誌三七

嗚呼此竹溪先生唐君之墓蓋從其先塋金雁之所以嘉靖癸巳十二月十有七日乙酉間予銘藏焉予始舉進士讀中秘書儼居西長安里與禮部郎中西園唐公實連屋是時吾松之宦于朝者故禮部尚書南山張公爲光祿寺卿直文華殿禮部尚書東江顧公方侍讀翰林大理少卿中書舍人沈公繼昌侍學慶守宜菴董公在禮部故中書舍人沈公繼昌侍內閣鄉好甚洽無暇日無相過從公長者也而會尤密予既近居復與公之從叔宗禹同鄉舉故相好

益歎公既病予候問益數數焉公竟不起予哭之益哀且填其行狀而竹溪方自家來奔以兩旬日行三四千里人愈憐之而予始識竹溪年少又長者也予屢產子皆不育年且四十始得楫予早夜心計之安得積善好修如唐禮部家者婚焉以延予世會聞竹溪有女往請焉而諾乃大慚予旣忤時再有晉陽之後時竹溪構疾矣還遽哭之尚冀或臨其窆及是葬有日矣予復爲豫章之役遂不得往相其緋嗚呼吾尚恐銘吾竹溪哉竹溪姓唐氏諱儒字子魯尚書禮

誌三八

部郎中唐公諱禎字原善號西園之長子也母劉氏贈安人世居華亭之白沙里其先汴人系載少師夫學士東湖費公西園墓誌中西園多竹有水環焉竹溪因號以識先澤自少穎敏動以禮閑服飾器御敦尚朴雅年十四母劉安人卒毀瘠幾殆嗣喪陳安人如劉安人再喪王孺人如陳安人西園公舉成化丁未進士家食父被命入朝竹溪奉世父北園公總家事以居北園公特鍾愛焉讀書郡城中攻苦淡學以大就每從郡邑諸生試諸提學御史每優遇之每

舉於鄉輒不售正德戊辰應例入國監時弋陽汪雙溪先生爲祭酒復優遇之自國監再舉再不售迺卷懷以歸以家爲政斬斬有法孝弟之風洽於鄉閭先是西園卒二弟侃价幼竹溪撫之各有立遂將建室植產以居之布散聯絡有恩有禮一時端人正士咸重之樂與之交有勸之仕者則曰吾家世受國恩吾敢忘吾忠蓋顧出處自有命也乃卽竹溪之上修西園堂刻遺稿以度之又築勁節之亭以見志益樹竹數畝瀆流其下時復徜徉若與漁樵爲侶客至則

誌三九

飲奕款晤備有煙霞水石之勝故吾郡東稱舊家必以唐爲第一而唐之象賢亦必以竹溪爲第一云家居自奉甚約力田教子外絕無他慕四時享祀必敬必躬嘗有六世祖坐就廢旣卧疾耳語价曰成吾志者吾弟也手數金使修復之乃完以嘉靖壬辰二月十又六日卒於正寢享年五十有二云惟竹溪君天常甚厚無嚴聲厲色嬉笑話言藹藹有旨趣飲酒至百杯而能不亂倉卒應大事靜以鎮之觸物有可傷無間古今疏戚卽淚涔涔然下殆仁者與初弟侃早

卒無嗣卽以子自重後之繼而自治生乃以自治易自重人以爲合禮而自重復歿竹溪委曲其間能使朱氏婦有所恃以完其節人以爲達權宋氏甥早失母竹溪撫之如女旣長以歸張進士鳴謙人尤以爲難云配張氏賢而克相卽南山公之從孫子男一卽自治聘沈進士服采之女進士中舍之子而學士之世嫡也女四長適董希大於少卿太守爲從祖次適顧應雲卽東江公之孫也又次適陸楫又次許聘何應鰲按法宜銘銘曰仁不必壽亦旣有後厥所施張

誌四十

百不一偶有質有文且創且守豈間家邦曰惟孝友東海所滙長江抱右生直死哀自足不朽天道無私發豐蓄厚嗟嗟竹溪抑又何負

范時修墓誌銘

范光湖之上厥縣寶應有君子焉余不及識其人交其弟不及見其生聞其死順以事親稱其子也文以起家成其兄也澤以惠宗廣其仁也是三者皆適於壽之道也而竟強年以死嗚呼悲哉君姓范氏諱新字時修大父禮隱德弗耀父俞宣義郎母刁氏兄弟

四人君最長其季韶字時美者余之同年友也癸亥歲與俱遊南雍挹其文學固疑有所從來也是冬計至時美號哭旬日不能仰視客余往弔焉竊惟其過於爲禮也迺知時美能詞章取巍科其師師之其友友之纖悉皆時修之力也嗚呼兄弟之間人所難處也友于屬恩訓成屬禮禮勝使人鮮歡恩勝將枉其才而廢之也君成弟之才而致弟之感以恩以禮可謂兩得之矣繇是觀之則其平生可槩識也君性急而心坦能談論好以氣勝人識古今器物頗留意法

法四二

書名盡又工排律詩尤能幹家植業佐其父致富然未嘗蓄一錢私產也宗黨有貧乏者卽量給之或不及白其父父終不以爲專也及死之日啓篋笥惟存田糧驛站馬草數目父愈憐之嘗自嘆曰不知醫非子也繇是博覽醫書又曰惟名與器可以榮人重王命也會 朝廷有納粟例卽入貲拜其父爲郎官雖非父志以其孝而安之教他弟各業其業恩禮視韶其爲多類此初娶同郡張二守之女早卒繼娶張二尹之女生一子曰嘉謨一女俱幼疾已革父母問

之無所言強而後曰吾三弟奉吾親吾二息依吾親吾無恨也獨眼中不見吾韶此爲介介耳以其年月日卒年至四十有一卜吉耐於官莊祖塋之側余不容辭時美之請遂按狀而銘之有愧而生孰與夫死之寧無愧而歿曷害其表表嗚呼時修魄秘靈遊

省軒莫公墓誌銘

壬寅冬十一月七日癸丑鄉貢進士省軒莫先生卒於家嘉靖之廿有一年其子南京工部主事如忠予告歸養之明年也又明年癸卯冬十月癸酉卜葬於

法四三

二里涇祖塋之次如忠率諸弟匍匐走上海乞銘予諾焉按狀華亭之莫氏自正二府君始居胥浦鄉正二生慶一慶一生真一真一生文通皆修隱操文通乃遷郡城之穀水坊而莫氏始大文通生勝勝補庠生用歲貢授官北京虎賁衛經歷滿考得 勅贈及父母而莫氏始名郡中矣勝生昂昂生昊昊登成化癸卯應天鄉試第二配嚴氏繼強氏生六子而省軒行第三諱愚號省軒省軒生而明秀長贅廣東僉事竹坡朱公昂內外咸有師承名益起亦以書經登應



天癸酉鄉試配朱氏子男四長即如忠登嘉靖甲午  
順天鄉試第二繼舉戊戌進士高等娶富氏繼楊氏  
次如信縣學生娶姚氏次如德府學生娶韓氏側室  
吳氏次如魯陸出孫三是龍是驥是騏嗚呼吾松素  
稱文獻多故家舊族然三世兩魁中有啓承之士俱  
守一經宛然西漢風誼信未有若莫氏之盛者也省  
軒嘗以經綸望其後而如忠之功業方發軔康衢惜  
也省軒齋志以早世吾郡斯文爲之出涕况相知如  
予者哉予憶少時出見郡先輩皆卓卓自樹立風儀

誌四三


學術足啓後來繼從諸生爲舉子業一時所與遊者  
咸雅馴動遵經傳未有浮譁靡麗之習如竹坡公予  
同年友也及見省軒尤愛之而予遽銘其墓耶嗚呼  
悲夫省軒孝友天至事親咸有禮度素以天下事自  
負諳練世故明習法律思欲見之一世自倡義厚宗  
祀享交際之儀內外親疎之辨下至樹藝藝畜米鹽  
之細舉藉有經緯而又盡取古今家訓門範可行者  
條列以示來軌其於天官星曆皇極經世律呂書獨  
爲深解策筭了了故尤有心計而莫氏益昌且繁矣

嘗曰周官一書規模宏濶然至於羽毛鱗介之微區  
處甚密是獨不宜於家乎又曰兒曹勉之且夫君子  
得志則有民社之寄而憂不得志則有宗祏之寄而  
憂孟子之論生道憂患爲先使天運不積生人之理  
息矣東南膏沃民易以逸故多不才以驕侈敗族所  
習非也兒曹勉之又嘗喜誦老氏言聖人執左券而  
不責於人故處世多陰厚無求知於人故知者鮮矣  
予故具見之比聞如忠泣道復如此此豈經生舉子  
所爲空談也哉予重悲之乃敘論其大旨誌之并系

誌四四

之銘銘曰家聲之舊於我乎傳世澤之有於我乎延  
海山左右封乎萬年

五世從孫陸瀛齡重編補刊



從曾孫陸起龍謹編

墓表誄辭祭文

晉國夫人院氏墓表

蓋聞聖人御寓睦九族以展親君子好速歌小星而弘化是以乾坤之位列則歲功順成綱常之分定而家邦並理斯古今之通義也乃若發潛隱之德而光以上行屬綜核之朝而名匪例及孝敬之風翕然存歿之榮有耀則未有若夫人之盛者也夫人姓院氏

表一

晉王殿下之淑媛也德工言容恩寵佐贊俱為宮壺冠以嘉靖十年六月卒由尊子不舉故也是時王世嫡尚虛尤痛惜之即馳傳上言于 今上臣母妃彭以宗支事重博選名德親以院氏屬之臣曰是可助內也宜蕃胤嗣以延我統系臣承命惟謹暨臣母妃之屬續也又以院氏屬之臣曰是真孝婦也宜請封號以勵其餘人臣稽首受命惟泣身在筑疾蓋有待也△不幸故於孕育臣上無以副母妃之遺言下無以顯侍承之潛德敢昧死以聞事下禮部禮部尚書

臣某等上言曰禮緣人情例以起義徵之典故宜有以慰王者章再上 皇帝若曰孝敬之道大可贈為夫人嗚呼蓋特恩云冬器所以彰德也恩澤所以辨才也死生所以定論也雖然必有遺焉非 天子之聖何以舉格外之典非賢王之仁何以隆逮下之恩非夫人之賢又何以懋交孚之應嗚呼休哉夫人賦性恬靜英資婉婉自少寡默禮選入府迨長事王恭慎有度上奉母妃益加勤畏妃甚賢之妃屬疾夫人入侍蚤暮不敢離榻前序進湯藥王親嘗之夫人亦

表二

親嘗之由是孝誠感格宮中之務悉倚辦焉夫人益脩祗格手掣冠服親調飲膳下至茶果藥餌之類無一不致誠潔恒兢兢然而外政了無干預人尤難之仙遊之日府中宮中無不噉噓流涕爭者祭者持紙錢者相屬於道而王益悲思之嗚呼茲夫人之賢也而亦夫人之遭也可無憾矣左長史馬君朋奉狀來請文其實以備閭範故特為之表以彰 皇上睦族之化以彰賢王懷賢之德併以慰夫人之靈於不朽云

玉壺阡表

嗚呼是為吳封君之墓蓋衣冠塚云其仲子昂以山東提刑按察副使奉命養太安人于家迨終事遂合而大封焉太史氏表之曰天道於仁人之家深矣其始也必有推殘拂逆之施以寓夫遺顧存仁之意然後付之毓賢啓祚之祥以收其繁衍食實之報或自一世二世十世以至百世罔弗獲者蓋積之愈久則入之愈厚出之愈遲則成之愈大若封君者可以觀已封君姓吳氏諱寬太安人姓鄭氏按吳氏之先

表三

浙東人洪武初因江圯徙海鹽之城東祖諱繼宗廕市喧徙邑之擊壤里將以耕世其業考諱顯字必達號恬菴行誼為鄉里所服以高年賜章服妣姚氏實生封君封君敦樸和厚未冠時遭家多故幹蠱甚力以順適恬菴之志恬菴矜嚴少不當意即命杖杖而受之怡然鄉人皆曰今之伯俞也待三弟務極友愛終身無間言處內人以禮斬斬有法度其於宗黨也恪慎謙和與物一無所競有犯之者既不與校終亦不復言人故未嘗見其忿厲之色與叱咤之聲意

如也年三十有三病瘵卒太安人年十七歸府君為繼室二十八而孀居即屏華茹淡躬勤紡績以節自苦手撫二孤命之耕讀各理昂受學於雲谷朱先生之門至以吉貝三端為束脩蓋手所成布云逮昂起甲科馴致通顯自宜城新建咸分俸為養太安人曰祿以養廉宜留為汝助也昂既轉官留都乃來就養已自閩憲再遷魯臬陳情得請始備榮養人以為太安人善教之報越明年考終享壽七十有八封君初娶于馬逾年卒子男二長昇次即昂學行貞懿為

表四

時名臣嗚呼古記稱仁孝必曰顏冉然顏以歿終冉以疾惡疑於天道若難知者然德成名立萬世如新苑生脩短之間此正天道之所以為大也初封君病狀始方謂謂傳尸者熒遺乃已當時憲副君才二齡耳太安人每語之故憲副君必號慟攀慕泱日不能休歲時享祀則躡踊再三曰昂無父之人也聞者莫不悲之及茲同壙鬱成嘉阡人皆曰憲副君之知禮也深故特表之使樹之隧上以告凡世之遭變思復者若此太安人遺行復書之碑陰以代銘詩曰

甲令凡節婦有終應得旌門太安人及格五清先生  
劉公瑞督學政風有司具上太安人間之曰守志撫  
孤婦之道也已被封典敢邀再命乎命昂力辭之每  
歲時必帥二孤上鄭公之墓爲置祭田紡績之功至  
老不倦每歸寧舟行往返必以木綿車自隨衣必澣  
濯破裂必爲之補綴一布被五十年猶存每舉以示  
孫曾曰此阿婆嫁時物也姚孺人有幼女曰菊英卒  
時屬之曰新婦母之太安人撫育如已出長嫁之如  
禮叔母韓暴卒後具索然太安人卽檢自製者終之

表五

其仁孝如此又曰此吳氏之世澤也凡吳之後人宜  
世世知之宜世世保之作玉壺表

愚菴李府君誄

府君蜀內江梧溪李氏諱吉安字邦瑞仕至華陽王  
教授年八十歸梧溪居溪餘二年考終正寢州閭悲  
思朝野弔唁山川失色天日改觀嗚呼悲哉府君幼  
懷淑慎長益明哲有容有守乃武乃文抗師赤縣規  
輔親藩立訓作則流風餘韻靡得而聞然者矣邇厥  
華胄蓋自吉遷世有聞人故兵科給事中諱蕃之子

今太子大保工部尚書克嗣之父也初 仁廟登極  
給事公自漢中訓導上端本策十有六篇驛召見卽  
拜兵科所言皆國家大計剴切咸可施行具在國史  
今尚書巡撫江南列職三事適 皇帝繼統首伸大  
議八事開列禪贊元化功在社稷孫謀祖武父作子  
述抑亦有濟美者矣深故史官槩于聞見况且密邇  
嘉定母族寓焉憶在童稚講說府君之教訓媿美蘇  
湖餘波所漸私淑有年兼以末路綴于尚書公之後  
私藉辨幪大獲知遇夫息陰者顧木愛屋者及烏矧

表六

夫府君之德履不朽有圖敢闕其文哉乃造誄曰於  
穆府君派姓自李粵自玄聖稱柱下史帝胄既降夷  
于編里有鬱奮迹徙自吉水龍市載西內江梧溪瞿  
塘地軸峨嵋天齊禎秀攸蓄俾也可稽蜀富文藻上  
當屋奎 皇明御宇慶雲甘雨大科徵才以還隆古  
李氏禹興清紫俯取起家師儒陶鑄鼓舞逮于兵科  
漢中弦歌脫穎奏書謂臣匪多十有六策 帝曰汝  
嘉宜侍禁近徵起傳車董生不錄賈傳痛哭魚水之  
投豈曰夢卜篤生府君如玉斯璞如材梗楠萌于大

谷至性夙成孝友鍾情烝嘗既王慈顏獨承邈哉堂  
構適嗣家聲詩書文藝疾世無名賓興屢起卒升冑  
子科盈斯行學優而仕嘉定惟南在海之浹既樹旣  
來生徒薺蕘徃與明揚陟傳華陽主驕法棄罔念作  
狂有搆內闕亦効闕墻府君求濕既革旣張明明  
祖訓縉禮大分有干者誅治遠自近至恩無親孰曰  
敢愠深惟謏言追事懲忿旣復旣同府君效忠日月  
云蝕君子之功無行不信有感斯通著龜傳保式哉  
惟公有孤在疚負荷以手左之右之式先式後養正

表七

以蒙可大可久危疑豁開茅土是有府君勤止倦而  
還事挽留莫回祖餞成市兩疏贈金穆生設醴圖書  
在行箕裘有子惟時弘才翰林秋臺垂翅州郡風操  
獨裁府君色笑喜聞屢來台岳之勳淵源始開大業  
有述將食其實朱顏素領金相玉質湯湯梧溪杲杲  
愛日形以外休心以內逸僉曰景賢於萬斯年如何  
不弔委駭而仙風本遺恨山水餘妍景藏聲達生直  
歸全嗚呼哀哉父子之間君臣之際授受之微進退  
之制緣禮則裕得正斯斃豈惟哀榮且以厲世國之

典刑士喪法程孰行不式孰涕不零東吳南楚尸像  
勒銘厥有心喪囊有廢經嗟余小子職在太史述德  
景行追敢舍是生世何遲聞風乃起緬託旒旆爰述  
茲誄

陳翁哀辭

廣陵陳翁宗瑞卒之及暮湯君鏞其異姓徑行也悲  
哀思慕間走四方求文士悼之君子曰於是乎可以  
觀德矣世有歿也有子弗父有孫弗祖弗可期也陳  
翁獨能感及異姓之感其於德可知已用終楊君之

表八

志作哀辭曰施殫君之系兮爰得氏於有虞涓流之  
殿胃兮世弗斬於賢儒漢曲逆實蕃兮魏之琳與唐  
伯玉醫廣陵之一派兮審未遠其裔屬誕毓靈於夫  
君兮耿千里之黃鵠宇魁傑以斯馳兮慕陶猗之所  
處遵海濱以養晦兮挾高貫而樂與端軌轍於室堂  
兮固廬閭之式也鼓蠡斯以振振兮亦好還之極也  
惟惠澤之未究兮心怒焉其憂隱乃命汝讓兮賑積  
倉於饑魯女諫暨女詳兮續箕裘乎汝父孫曰鎮兮  
曰銓博敏古以征前衆紛若兮承命合龜勉兮勵旃

或侯封或幹蠱兮或韻頌於泮官業雖殊而志一兮  
或副望於有終君歡欣而遂適兮弛負擔於山之麓  
製綸申被冕衣兮邀佳期而旅綺舟奈羲和之逸駕  
兮歲冉冉其在辰穴青山以窆璧兮如可贖兮百身  
輯素履於茲生兮夫豈惟今之鮮伍思顏色於彷彿  
兮涕浪浪以如縷諄曰已矣山空兮來悲風青稊嘯  
兮丹楓日黯黯兮雲濛思夫君兮傷余衷感舊事兮  
紀公跌鼻鼻兮碑豐隆揮淚眼兮將終思夫君兮首  
如蓬朶杖屨兮將安從盼蘭桂兮森叢叢徵厚報兮

表九

蒼空思夫君兮鞠躬

祭少師遂菴楊公文

惟公一代偉人四朝元老出入將相丞弼師保蓋天  
之生我公也固將以爲世道計若乃公之所享實盛  
衰升降之幾胡蓋棺之已定猶未辨乎是非嗚呼哀  
哉盛德大業完器兼資謀斷金出公實多奇故渾厚  
宏博所以養天下之元氣而變通神化足以繫斯世  
之安危豈道大者難容而忠誠或以此疑嗚呼哀哉  
本朝學術孰使之昌前輩相業誰云最良昔三楊之

藻潤共建績於渡江逮李薛之醇正式以增 復辟

之光何我公之博達兼數公之所長嗚呼哀哉人亦  
有言萬里長城五百之運賢聖合弁纒后皇之孕育  
固不知幾年而後成儻求才於夢卜亦將合千萬人  
以爲英公今已矣百口難名九京可作執轡爲榮此  
舉一世之所同悲而尤門生故吏之至情也深早承  
陶冶遠大是期動輒得罪徒負教知定芳晚登公門  
特荷恩慈幸託公之末照每相顧以得師忽山川之  
還氣指天日以何私嘗謂車之在駕奠一觴而陳詞

嗚呼哀哉淚止於斯

祭少宗伯

惟公圭璋之質瑚璉之器勿負宏材壯躋臚仕銀臺  
之長六卿之貳四方是瞻天子是比百僚敬共鄉邦  
簡庇屢建大節爲 天子使親藩拭目登車攬轡出  
納王命譬彼指臂宣德如流達隱若吹如公所存是  
曰國瑞謂宜優游期耄九老齊聲從容顧問若漢五  
更奈何皇天喪此典刑四方失其仰賴 天子何所  
使令百僚無以著鑑而况深閭里之至情感德念舊

豈勝涕零哉惟公遭際盛明貴聯 聖后中甫在前  
陰卻繼後蘭玉滿前金都官守霽恩厚典皆公所有  
聞望彌彰是日不朽敬依德幃奠以清酒

祭少保白巖喬公文

惟公具經世才實天下士功施社稷名垂太史公孤  
卿佐臺省部寺進退出處俱關 國是文章翰墨六  
經諸子人所難兼公則具美四海起居 九重毗倚  
蒼生注懷詎曰不起嗚呼哀哉深託交道誼屬公忘  
年一別十載相見懽然公方謝政予乃謫遷慰之累

表十二

贖贈以長篇約我南下追隨莫前予方北征聞公棄  
捐百身奚贖有淚如泉世道之慟豈曰倦憐嗚呼哀  
哉門墻如昨子孫有託絮酒炙雞公如可作

寄奠姑顧母

於乎我姑之恩與我毋同我報我毋抱恨無窮戊辰  
以來我實在疾得見我姑如見我毋壬申南使哭我  
姑夫我姑憂勤變豐爲癯丙子起告姑來送我托我  
門戶示我坎坷好言慰姑當享福壽念此暮齡隱惻  
安受姑恩長子復念其季我東屢馳以告我弟丁丑

歲暮家場手書謂姑遺述汝當起告口不敢言心先  
憂作舉手扣天尚冀勿藥戊寅之春鄉人南來遂致  
計音篤我心灰爲位以哭製我哀服衆來弔慰諒此  
恩育謂姑之德近於古人我謂我姑德難具陳我圖  
南還計秋有期哭于几筵以寫恩私茲叨 上命轉  
官國子公義有制悵望千里於乎哀哉惟先大父暨  
于大母深仁厚澤以昌厥後五交夫子三姑如玉我  
姑尤賢實光于陸數年凋謝兩叔一姑我姑最幼竟  
棄桑榆我病久客有淚如雨賦詞遠告剖我心膺

表十二

祭梓兒文

嗚呼余年三十有八得此兒一何遲也汝才七齡  
棄余而歿又何早也汝之同胞兄弟姊妹凡十三人  
是何多也今所存者一弟一姊抑又何寡也嗚呼汝  
父汝母以此之故衰老侵尋使汝有靈尚何心也往  
歲來京翩翩手儀過客愛賞玉樹瓊枝何生之奇也  
屢牽我衣勸我東歸謂兒孟浪斯言有違今乃歸矣  
何昨之非也今舉汝櫬以從汝祖早識孝敬斯曰得  
所汝復何苦也嗚呼

從曾孫陸起龍謹編

行狀

大學士文康顧公行狀

公諱崑字九和別號未齋蘇之崑山人崑山古稱  
東吳吳四大姓顧其一也三國時雍為吳名相其後  
別族散處故崑山有顧氏云十二公者元之萬戶  
也實生德輝德輝生八子其季諱士恭公之高祖也  
曾祖諱大本祖諱良父諱德輝生軒有隱德列祀鄉

賢三世俱累贈大學士曾祖母蔡氏祖母吳氏嫡母  
吳氏生母楊氏俱累贈一品夫人公生而穎敏數歲  
能文章稍長學益進與兄子直潛同遊邑庠皆有名  
時號顧氏三鳳弘治辛酉舉應天鄉試乙丑舉會試  
對 大廷賜進士及第第一人授翰林院脩撰七月  
丁父桂軒公憂正德丁卯服闋戊辰五月還 朝與  
脩 孝宗實錄成己巳五月陞翰林院侍講賜銀幣  
十二月丁楊夫人憂壬申服闋告病家居癸酉冬還  
朝甲戌克廷試受卷官丙子五月陞左春坊左諭

德八月受 命主順天鄉試時錢寧擅權令人持帖

至公所囑其所親以重利啗之公不為動竟忤寧而

寧亦不能害也已卯 武宗南巡賜麒麟服辛巳

今上入繼大統五月開 文華講讀充經筵日講官

賜銀幣孔雀服三襲復充 武宗實錄纂脩官公在

講筵音吐宣揚敷陳啓沃節奏纒纒 上每傾聽嘉

靖壬午正月郊祀禮成賜白鵬服三月疏乞歸省祭

上以講官故特命馳驛還鄉賜白金文綺仍令速  
返供職癸未疏乞養病 上不允再疏得請家居藏

狀二

脩者幾四年目擊東南利弊慨然欲起而振舉之丙

戌冬赴闕丁亥二月復職經筵日講十一月進講范

浚心箴 上特諭內閣云朕因聽講官顧崑臣解說

心箴連日思味其意甚為正心之助昨自寫一篇併

假為註釋復 諭曰朕自念上荷 天命為人君長

當務學以致知待麤有領會之時再註視聽言動四

箴後復 御製敬一箴 命于翰林院兩京國子監

建敬一亭并前五箴俱勒石其中天下學校準為定  
制戊子八月三十日 上又諭輔臣曰朕為洪範一



於帝王爲治之大經大法實爲親切講解須委一人庶得接續貫暢欲令與臣通篇進講分段計日從容講解務使盡其所言以爲朕爲學求治之助九月八日 上又諭以公所講洪範盡心指解復慮詞語長多少爲刪去幾句從容講說以發明朕心使有所得直解揭帖內可撰寫精全朕得覽閱以求旨義爲爲治之助十月賜文獻通考四書大全書傳大全各一部閏十月二十日 上又諭曰今以寒月例暫免經筵日講但朕以洪範未終篇故未循例暫免又曰

狀三

爲學貴終始亦在乎篤行不在急迫與徒知也與臣暫免朝參止入講殿進講庶得從容朕亦安聽或得於領會矣十一月二十一日 上又諭以公進講洪範終篇盡心指陳陞詹事府詹事賜白金文綺又諭稱公入仕有年故特進三品與他講官不同蓋特恩云 上又諭公自進講以來忠誠剴切於經傳多所發明甚爲朕進學之助又 諭以公學行素優侍講有年啓沃良多勤勞簡在時給賜詔命已丑四月命校勘續脩大明會典公充副總裁考定損益參

公手筆云十二月 上奉安 先聖先師神位於文華殿之東室行釋菜禮特命輔臣及公等十臣瞻拜復 召至西室親承 天語期勉賜茶而退繼頒聖諭令十臣各敷陳經義關切於君德治道者以獻公撰述中庸首章講義一篇進呈 御覽大意言圖治者期臻於聖神功化之極不安於小康也庚寅二月 上肇舉耕籍禮特 旨命公與九推之列 賜雲鶴服七月 命掌詹事府事辛卯九月無逸殿成 上御殿命輔臣及公等坐講周書無逸篇 賜宴

狀四

十月陞禮部右侍郎兼翰林院學士仍充經筵日講官壬辰十月奉 特旨教庶吉士呂懷等二十一人舊例教庶吉士率用翰林臣二員獨受 簡命自公始也癸巳三月 上以登正 先師祀典再幸太學命公充分獻官 上祀畢御藝倫堂命祭酒司業講書 賜坐聽講時取孔顏孟三代子孫至京從幸陪祀公退而上言以爲孔子之道爲萬世帝王法在當時門弟子唯曾參之傳獨得其宗而二千年以來未有能表章之者我 皇上崇儒重道遠邁帝王似

茲曠典所宜肇舉伏乞 命禮官詳議蓋訪曾氏子孫與孔顏孟三氏一體錄用 上是之於是求得曾氏子孫授博士以主祀事甲午再滿考進勳級授資治尹時大同軍士屢變執政者欲以大兵屠滅公抗疏言叛者不過二三渠魁誅之則國法正而人心安矣奈何戮及無辜使玉石俱焚乎 上從其奏全鎮生靈賴以獲免乙未 孝靜毅皇后梓宮發引禮部疏請 命大學士一員題主 上特以命公是歲廷試進士克讀卷官舊制 親賜策問皆內侍傳捧

狀五

是年特 命公捧下仍著爲例 上復御文華殿親試選進士趙貞吉等三十人改庶吉士 內閣疏請 簡命主教事者 上擢公禮部尚書教庶吉士公具疏懇辭 上諭之曰朕以卿講幄舊臣効勞有年特茲加秩爲國儲材宜從朕命公就職程率訓勵模範肅然冀得真材以稱 上意七月公有疾 上賜手札云前因秋享 祖考卿以疾奏別委捧王朕意以卿微疾耳昨聞之李輔臣謂猶未愈宜善加調理副朕任用焉復 賜手札問疾并手製藥一劑賜公

論意諄諄恩眷有加丙申三月從 上幸山陵賜麟服及銀瓢繡囊諸物四月 賜飛魚服 召見行宮時公教庶吉士因論進學之方作文之法教育人材之要及言宋史浩繁宜加刪削以備 御覽 上意嘉悅議脩飾 七陵并豫建 壽宮 命公往祭 嵩山之神八月 上遣祀 先師孔子 九廟成禮部疏請定各廟時享 太廟祫享大享諸樂章 上特命公專撰九月重錄 累朝寶訓實錄成公爲同經理官特加太子太保賜宴於謹身殿仍賜銀幣

狀六

按馬十月議遷 孝肅 孝穆 孝惠三后神主奉安陵殿特 命公題主丁酉七月公上疏言東南財賦重地積弊甚多爲民蠹害遂條陳利弊纖悉不遺 上特命戶部臣速行之是歲京師大水湖廣尤甚公疏宜脩人事以格天心紓民困以消隱禍極論傷痍困窮之狀乞請優恤京師被災之家其湖廣承天乃 皇上受命龍飛之地災沴如此神人震驚宜遣大臣馳往賑救遺黎掩瘞枯骼更 勅天下撫按憲臣嚴督有司奉行德意加惠存亡庶邦本固而心可

可回矣 上嘉納焉戊戌二月奉命主考會試時  
士子一時習爲奇險之文公當文衡崇雅黜浮文體  
大正三月 廷試進士充讀卷官公簡在 帝心自  
已丑歲即擬大用公時宰張羅峯以密疏沮之非  
上意也是歲八月十七日 上御平臺始 勅吏部  
以太子太保禮部尚書兼文淵閣大學士入內閣公  
疏辭 上諭曰卿講讀舊臣才學茂著朕心簡在內  
閣重任特茲委用宜盡心輔贊以副朕意公既大拜  
與序菴李公桂洲夏公同心輔政 上倚任焉二十

狀七

五日 駕幸山陵秋祭公扈蹕侍行十一月朔 駕  
詣 園丘恭上 皇天冊表復詣 太廟恭上冊寶  
賜銀幣召對便殿復論經史欲集儒臣類纂脩葺公  
奏請 皇上宜如漢宣帝時開白虎觀召諸儒講論  
五經同異親稱制臨決斯文之幸也 上曰卿言甚  
合朕意二十六日 聖母章聖皇太后遣和 上命  
輔臣引醫入視賜銀幣既而 皇太后上昇十二月  
侍 駕幸山陵相度陵隧 上駐蹕德勝門手賜樂  
寒首永途次 賜食器銀杓諸品物是日 昭聖皇

太后遣中使至山陵問 上起居以輔臣扈從勤勞  
各賜銀幣己亥元日賜上尊珍饌與勳輔諸臣被召  
至 玄極寶殿觀燈 賜燕二十七日 上於平臺  
勅吏部以昨冬祗薦 皇天冊表命使諸臣虔恭  
贊佐宜錫殊嘉加公少保兼太子太傅進武英殿大  
學士二十九日 召至啓祥宮入見 皇嗣賜銀幣  
花紅二月朔日 皇太子冊立及 景裕二王就封  
賜銀幣新欽時 上卜以是月十六日南巡承天乃  
命夏公扈蹕而以公留守京師 賜牙刻留守關防

狀八

一顆 聖諭畧曰朕將躬詣 顯陵爲親營計吉地  
日以期矣特命卿同韓德守北京佐太子代理之宜  
協心護守一應題奏以關防用使密切要務重封印  
記庶別詐僞十三日 召見文華殿面計南巡程途  
日行次序手授 几筵祭文及記事一帙遂賜蟒衣  
四襲金寶帶一圍 上以諸邊重地密邇京師欲遣  
大臣行邊公曰須重臣乃可 上曰程鑾何如公頓  
首曰 聖諭甚當遂起程公於家卽拜行邊使奉  
勅巡歷九邊是日公疏 聖駕南巡伏蒙眷命留臣

居守京師輔贊機政受命以來蚤夜兢惕不遑寧處  
良由責任至重切慮才力綿薄弗克負荷以傷 皇  
上知人之明私憂過計不容隱默手上七事皆軍國  
重務 上手批可復諭之曰朕祇爲 顯陵南往躬  
視土地留守重託簡付于卿宜夙夜慎恭以匡儲政  
條奏各有批示卿其欽之十四日 上召見平臺  
面諭曰卿受重託凡各衙門事務皆得預聞官員有  
不職廢事者重則奏聞區處輕則取 旨懲戒公卽  
奏曰九重密旨人不得聞乞降綸音百官悉知警戒

狀九

臣得以行所無事矣 上可其請宜諭百司是日又  
勅諭公曰朕茲巡幸承天恭禱 顯陵車駕往回  
動經數月昨以册立東宮命之監國特留卿輔贊協  
同文武重臣居守內自禁掖外而都城遠及邊陲并  
大小百官庶務悉以付卿宜遵承朕命應啓請者擬  
請令旨施行應聞奏者馳奏行在定奪其有密切緊  
重事情宜用欽賜印記來聞卿講帳舊臣久懷經濟  
朕茲重寄宜欽承之十五日 召見文華殿賜 皇  
考御書扁二面一曰日新又新一曰太極無極又賜

一類文曰經幃首選十六日 車駕發京師  
公奉命居守振舉紀綱恭毅之下肅然屢以錦衣舍  
人齋 皇太子問安疏及公留守問安密疏請行在  
凡內外軍國機務無不纖悉聞奏三月二十五日  
上在承天以山陵相度事宜手諭特先示公一人并  
賜御製詩歌三篇且諭以衛輝失戒令錄詔勅諸文  
馳進公疏謝畧曰臣仰知聖孝純切諦視山陵已定  
大事聖子神孫億萬世無疆之福基於此矣臣自忖  
愚未敢宣洩至若 聖情悲喜露於述作格律高古

狀十一

思致真切直追典謨訓誥之作信非漢唐以下秉德  
好文之主所能窺測其萬一也四月十五日 車駕  
回京公率百官奉迎致詞瞻拜 上慰勞之公居守  
時律下太嚴不少假借言官論之公卽引罪辭避  
上特慰諭焉時 皇妣南祔 顯陵舟行遣公至通  
州題 王十二日賜御批寶璽聖製詩歌二函皆南  
巡時作也十九日特賜天靈茶筍六月公以疾在告  
上遣醫視疾中官齋賜羊豕酒米諸物閏月朔祀永  
明後殿 先聖先師堂 上命公代拜十五日一品

考滿復職 上遣中官齋賜羊酒新鈔八月南薰殿  
書 太祖 成祖 睿宗三聖玉冊寶賜銀幣九月  
賜白花玉帶一圍金織麒麟服三襲二十五日 召  
至皇極閣視書 皇天玉冊表賜銀幣二十八日扈  
從 聖駕親閱壽宮及奉安 成祖陵碑賜銀幣諸  
物十二月四日賜白金蟒衣庚子正月十日冊封皇  
貴妃等妃嬪充副使捧冊十九日 上祈穀于 玄  
極寶殿夜召勳輔禮臣六人賜貂皮暖耳三月八日  
欽奉 聖諭公具對解疑言及朝會事 上再賜手

卷十一

札詞意諄懇一時君臣相與誠信流通雖家人父子  
不是過也五月三日夏至有事於方澤 命公視牲  
郊壇感寒病噎請告 上遣醫視疾仍 命中使賜  
食品如前時公卧病日久不瘥 上屢遣中使齋手  
札賜問越三月公以例上疏辭俸 上復予告給俸  
如故八月病甚公懇乞歸休 上温旨慰留九月十  
六日公疾少間伏枕呼家孫謙亨語之曰吾受 皇  
上厚恩畢力報稱今殆不可起矣吾志未及為者爾  
筆記之於是口占五言古詩一章云天下幾大事初

意積方為流景若逝波世路况多岐天造既難明立  
事不可期後來有傑士一一為為之為國開太平千  
載壯鴻基復命書五事于後一曰復鹽法以備邊計  
二曰興南北直隸山東河南水利開稻田樹積蓄以  
省漕運三曰經理宣府大同三鎮薊州遼東山西邊  
備以保障京師陵寢四曰復河套經理甘肅以保全  
陝五曰經理松潘以保全蜀皆國家大計云十月五  
日病革乃力疾陳遺寤感激 聖恩勸 上親賢圖  
治加意元元願養 聖躬茂登萬壽以貽 聖子神

卷十一

孫無疆之業以慰天下臣民仰望之心 上蒼日覽  
卿力疾陳奏足見忠愛朕已具悉六日午時卒于正  
寢計聞 上為憫悼勅禮部舉恤典以聞賜祭九壇  
仍命禮部主事王健營葬事贈太保諡文康公性直  
諒不諧於俗遇事輒敢言人雖敬而畏之亦以是見  
沮賴為 聖主所知卒能保全晚歲始入政府 恩  
禮優渥賚予類蕃公竭忠報稱不避嫌怨僅僅二載  
竟卒于位至於遺言一不及私可謂社稷臣矣深叨  
從公後三試皆為同年而家居不遠百里又嘗同官

翰林等公以爲知己者久矣比聞國子司業王先生  
繼武數論公之行誼曰公居家篤於孝友父桂軒生  
公時年已五十有七公既長恒恐不逮養每夜焚香  
祝天願減已歲以益父壽桂軒公果登耄耄公狀元  
及第得報後兩月而卒竟如其願公獨儻大度喜施  
予所得俸賜見貧者輒以周之濟南一貢士就教職  
待選日久無以自給遂鬻其子公聞而惻然遺金俾  
贖之居京師凡病若死不能具醫藥棺斂者有請於  
公公輒濟焉爲人外剛嚴而內寬和禮賢樂善推誠

狀十三

布公獎引寒士孜孜不倦自公之暇觴奕詠歌寄興  
蕭遠雖紛華之中未嘗不澹然自得無所係累也公  
生長東南念財賦日蠹爲國大患故三舉奏又以  
故鄉崑山爲東南要地濱海數受警無城郭可守何  
以保民乃言於撫按憲臣疏請凡沿海縣邑無城者  
今有司次第修葺而崑山最爲要害首議興築三年  
而城成民用又安百世之利公之功也繩武與公同  
郡邑而有親好相知尤深其言當爲實錄云履方實  
子國子所教士間奉遺命以斯文爲託乃相與敘次

如在將以請于當世之宗工大手製銘焉謹狀

### 沈孝子行狀

孝子姓沈諱輔字良弼別號菊軒蘇之嘉定人也幼  
有至性奉親曲盡孝道嘗出郡母孺人黃盛暑中癰  
發于頸既决壞莫可治孝子忽心動汗流驚曰得無  
吾父若母恙乎即日趨二百里餘歸已無及于救矣  
哭踊絕水粒者三日及至塋會天久雨成潦孝子先  
一夕率其配瞿泣血拜雨及期果霽旣襄事而雨復  
作如舊思善府君病醫藥罔効孝子復率瞿禱于庭

狀十四

願減已筭以益父年拜至額瘡忽聞異香滿室思善  
遂瘥由是孝子之誼寢聞於人人遂聞於御史御史  
聞于天子天子下其事於府若縣覈實以聞  
天子若曰是不可以不勵爰旌其門故一時吳越之  
人皆稱之曰孝子而不名云孝子之先爲鳳陽人有  
諱都遠者登宋進士第仕於揚州會元兵渡江復仕  
於蘇夜夢雙虎黝然據獄厥明入獄果有兩男子荷  
校者察其有異陰縱之卽張瑄朱清也尋罷官寓蘇  
之烏鵲橋後瑄清以海運有功並都通顯一日遇諸

途遙拜曰吾父吾父即奉以歸清浦清浦瀕海帶江  
號沃壤因樂其地遂卜居焉是爲沈氏南遷之祖也  
都造生元震元震生觀光觀光生珪珪生璞璞生麓  
樂善好施是爲思善府君孝子之考也至是七傳矣  
而家益以大族益以昌詩禮之聲益以盛若孝子者  
猶之於沈氏可謂有德有功之祖矣嗚呼盛哉孝子  
幼穎敏能讀書長涉獵書史尤好法書名畫古物器  
尤喜鑿定種菊滿庭以娛親悅賓因以自號雅歌投  
壺與文墨士相周旋而彈絲吹竹家富聲樂其習尚

狀十五

如此性好施與凡親黨之貧乏者患之患難者拯之  
凡瘠之人則瘞其死而貧者婚嫁其失時者藥其病  
者橋梁其病涉者脩庵觀之傾者壞者殆無虛歲族  
叔有諱軒者無後則養其生送其死甚厚徐氏姊少  
寡則撫其孤勵其志卒以節完天順辛巳歲海溢遭  
漂溺者三十餘家則輸粟四百斛於官賑之成化壬  
寅歲吳饑又輸粟五百斛獲章服之榮又輸粟若干  
於遠應格當復得一官因以讓其兄某弘治辛亥歲  
吳復饑又輸粟一千二百斛獲旌門之榮壬子歲夏

旱又請于官輸種豆六百斛於民賴以有秋戊午歲  
又焚通券若干通其行誼如此尤爲鄉人敬服縣大  
夫亦多材之質成於門者無虛日鹽徒爲寇孝子設  
法擒送于官一境晏然其材制如此弘治己酉有司  
舉充鄉飲賓戊午長孫焯登鄉試辛酉孫灼復登壬  
戌焯登進士第乙丑例被 上賜有綿纈米肉復有  
冠帶其遭際如此得壽七十有二卒之時其孫皆以  
朝命便道還家侍疾惟謹既屬纊戒諸子孫於庭  
曰吾本布衣屢被 恩榮夫復何憾但鄉人忘吾之

狀十六

惠累致於訟雖然不可因此而怠其爲善之心也勉  
哉耕讀吾家業爾其壽而終終而不亂如此夫孝之  
道廣而義之道安前則有光後則有啓生則有享死  
則有譽若孝子可不謂聖世之耆逸也哉是宜以有  
傳故據其大者爲狀以俟

先考竹坡府君行實

府君姓陸氏諱平字以和別號竹坡松江上海人也  
以正德七年 勅封翰林院編脩文林郎 制詞有  
曰遠貽林壑之光安享桑榆之樂府君讀之喜曰

天語之榮若是宜示子孫不敢忘因摘取以名堂間  
自稱遠安老人云享年八十有四初娶瞿氏早世生  
一子沔繼娶吳氏以正德七年推恩贈孺人孺人  
賢婦道母道爲宗黨冠生一子卽不肖深也陸出自  
華亭洪武初竹居府君再自馬橋壻于浦東之章氏  
因家焉竹居府君脩隱操爲鄉長者生筠松府君側  
儻沈毅博學好古聲望隱然重東南爲人敬服配尤  
孺人嚴敬勤儉實乳五男子府君其仲子也生有異  
表身長七尺美髯覆眉雙瞳炯炯顧見左右耳音吐

卷十七

洪暢談論往往驚一座人見之者皆以爲偉丈夫也  
少治經學已乃棄去事遠遊出入兩都北走並邊諸  
關南泛於湘沅之間多從名公卿遊各公卿無不愛  
之重之遇義事輒推百金成之賙貧乏恤死亡於鄉  
人尤多復嘗輸粟賑邊大司徒償以品官章服長於  
理財積至千金輒復散施無餘既以此佐筠松府君  
起其家府君甚愛之曰吾諍子也觀其貌類有後者  
儻吾猶及見之筠松府君性嚴甚尤孺人相之極有  
家法獨於府君之養雅意安之時吳孺人尤能承奉

備適筠松府君嘗曰吾吳氏婦不當有子乎時深在  
孩抱間尤孺人與府君日娛弄其側於諸孫中獨憐  
愛焉竹坡府君既築室黃浦之東輒事游覽奉筠松  
府君尤孺人以老弘治丙辰葬我筠松府君至于癸  
亥合葬我尤孺人送終之備無不豐厚人稱其孝上  
奉伯兄下撫諸弟至于垂白無一閒言人稱其友平  
居勤慎誠恪思致極精凡器物房舍一經其指授罔  
不造妙雞初鳴卽起率家人事生產臧獲以數百指  
皆循循然在田畝間有以上地畝售者必與之高值

卷十八

其遠者收息數年復召其主而還之性嚴重不喜人  
有過子姪行之犯禮者卽時形於顏色不少恕俟其  
改遷卽驩然如舊儻有一舍則獎之亦不容口人故  
無怨之者待親故曲有恩禮歲時祭祀必敬每及先  
世遺事未嘗不泣也奉賓客必盡懽竟日無惰容所  
居去縣治二三里許以浦水爲限未嘗輕入公府達  
官貴人過門致存問者輒以疾辭強焉再三一見卽  
退未嘗敢與之抗禮卽有致敬焉者亦但唯諾而已  
若有一介之使必冠帶見之祖居百有餘年皆自府



君漸次充拓鑿池種柳鬱然成林泉之勝因田高下以脩水利皆爲膏腴杖杖行阡陌間課耕觀植若有至樂存焉歲以爲常時或持酒一盃蔬果餅餌各一筐以餉勤者遠近化之故一方無惰農至今環浦而東雞鳴犬吠與機杼桔槔之聲相間作人比之桃源焉風日妍美則折柬速親朋相與爲登臨之娛時殺野果取其園圃或操小舟或乘短輿徜徉花竹之間望之者若神仙焉晚年尤精明時時燈下讀細書或作蠅頭字滿紙蠶善筆札真行草書皆有晉唐人風

狀十九

致其於我 朝典章條格習熟通練若素宦然循其言可以運掌而效而不得少試深實不能發其萬分之一焉嗚呼痛哉今不可作矣我府君教成之恩不肖孤卽死無以報深切多疾疾吳孺人覆之勤故未嘗苦督之學每過必撫之曰汝母情偷當以文學顯庸也吾家待此者凡幾世矣既而爲邑諸生輒爲當道者所獎拔每聞之必曰汝實未嘗學何以躡此也每赴試都下必具舟楫與俱往迨辛酉之榜榜也乃指之曰汝偶在是退而泣泣曰恨筠松府君之不及

見也已而上南宮酌酒送之曰今吾倦游矣不能復去戒之深既陸走乃乘春漲復操舟而來壬戌下第忽從上東門入牽衣勞之曰吾固知有是也故復來來與俱歸耳乙丑成進士乃真不來而以吾母來戊辰之秋先妣見背扶襯南還明年當調官王事于南都待報欣然曰資顧高耳吾且近然籍籍得罪云何深跪謝無狀徐曰同汝者皆我聞天下賢者名也抑又何辭明年庚午權姦誅極得復被 詔起當馳封乃笑曰昔年吾行湖湘間日者計吾是歲當蒙 恩

狀二十

吾昨猶以爲不驗也今曠蕩若此真有命耶又明年辛未添入謝果成請留官翰林屢書速之曰汝節之闕也而信人太驟其放言也輕而力善或不終難乎免於世矣汝必歸毋以累吾也深是以有壬申之後既得便道與告歸居久之曰汝齒髮長矣似也達於事言將有擇也行將有畏也雖然不量力而居美又趨逸而冒之是造物之所惡也必爲人所指目乃持而泣曰汝必去毋以吾累也深是以有丙子之行既來供職獲與禮闈校文手書問取得士自後遺書但

勉以國事及官國子又戒之曰是亦責任也宜有以  
副人今縷縷猶在耳孰知其乃永訣耶嗚呼我府君  
之恩卽死無以報矣其他懿德遺行荒迷之中不能  
盡述救血具此以備采擇惟先生當世宗工儻賜筆  
削成篇則天下傳之萬世信之不肖孤亦死無以報  
矣

### 先孺人吳母行實

妣吳氏出嘉定舊族父諱士實以信義服其一鄉人  
母姜氏生孺人甫卅歲而卒同乳姊才長一齡耳相

狀三

儀而哭無時孺人長而寡言笑獨心乃通解知古列  
女傳孝經等書時或從姊氏講說姑姆輩聞之有告  
大父吳府君府君輒試之輒謝不敢言府君心喜語  
其子曰此孫女耶必歸禮門當昌其族攻勤女工不  
肯廢一隙悲痛其母乃數數茹蔬統綺鉛粉之飾不  
好也嘗冬夜風寒率羣婢紡木綿居旁有積薪燎于  
火孺人乃捐揮羣婢從下風墮其薪于塘中風熾而  
火熾事定一族長老皆驚年二十有二歸於竹坡府  
君爲繼室前孺人瞿有子沔孺人子愛之備極委曲

事筠松府君尤孺人謹甚府君孺人性極嚴亟稱孺  
人曰吳氏婦孝純而志慧惠博而性一是當有子有  
子必當大吾門矣是時孺人累舉不育如婢之子咸  
趨以爲母孺人撫之咸當或脫簪珥資之游學或聚  
而教之家塾館穀惟厚筠松府君嘗升堂拊掌曰鄉  
居有讀書聲與機杼之聲相聞作不已樂乎此吳婦  
之勤也沔子當受室悉推奩具與之竹坡府君時事  
遠遊或聞歲歸家務整整一不爲累年近三十始舉  
孫筠松府君尤孺人以孺人故愛過諸孫孺人未嘗

狀三

不嚴也兒時嬉弄必不與之錢貝與之食必藏去其  
肥旨服之澣濯之衣出入必謹澁不得孺人一語必  
不敢去左右也夜或張燈映月坐南軒手織作必坐  
之膝旁使讀書或背覆之不得遺一字迨長娶婦爲  
邑諸生猶未問所業聞售書者必售之不問有無曰  
爾不見爾祖之鍾愛乎不勤學無以酬也旣而筠松  
府君棄養孺人竭力喪葬事畢乃諭曰吾兒婦當自  
力吾且成吾幼子蓋孺人所爲置高氏出也辛酉之  
歲深舉鄉試從竹坡府君歸拜孺人于堂相向而泣

曰恨筠松府君之不及見也明年下第歸當携家入南雍乃辭于竹坡府君隨之以往在南雍見舉一孫命之曰繼恩喜甚致書速竹坡府君來視驩如也時深有課業或應酬入學爲文章孺人顧曰不常見汝讀書而常見汝操觚是不爲入者少而出者多乎君子以爲名言乙丑成進士是秋遂迎來京紡績之業尤勤于家間嘗勸之曰吾少自習此一旦舍之吾無難無以遣吾日也惟汝勤職事以報朝廷吾坐而養以祿不愈於往時因問乎有過從者必問其人賢

狀三

者曰汝獲與之遊此汝父之志也起從中饋治具惟恐後庚寅秋忽遘末疾終于旅舍享年六十云深扶柩南還闔族之人無不哭失聲道路奔迎者纍纍數十里外迨既葬猶有持紙錢裂而哭之曰吾某日受孺人某惠也葬之明年推恩封孺人賜勅命云嗚呼吾母之賢不孝孤無以盡述亦無以盡報也獨其鍾愛前子復憐庶生過於已出賙恤貧乏不問親疎至節口體從之猶恐不及若是者勉焉一二猶足以爲訓而勵世况吾孺人出於至誠無所希冀而爲之

者哉乃若教成不肖叨以文字起家雖曰至愛揆所由來殆若有相焉惜也辛勤於強健糟糠之時而不獲少一待于桑榆之暮是殆不肖之惡逆有以爲之累也痛惟吾母晚年也似有所悟脫然於死生之跡既將屬纊猶能了了知未來事平生尤好典文皆其天賦之厚有足傳世者惟先生念有門墻之義少見著述使得附于古賢母之列則不孝之罪藉以少逭矣伏惟矜哀與之

遺事

狀四

年五十時日中嘗見旗影自上下醫者以爲病既而深舉于鄉有司置錦標于門一見而失平生喜誦金剛經無間朝夕屬疾已甚時深適從慶賀還母卽曰吾兒來矣何今日衣緋也蓋深方歌馬于門云旣入與訣曰命也儻然而逝

少司寇一峰蘓公配王淑人行狀

公諱民字天秀別號一峯先世爲浙之遂昌人洪武初我太祖高皇帝大封親王博選東南巨族以昇侍御公曾大父良與焉時從一王之國遂爲秦人

籍儀衛司良生仁貴仁貴生鄂南公文通配趙氏實生公以公貴累贈奉直大夫吏部考功司署郎中事員外郎累封趙為太宜人嘉靖 年公以滿一考例得推恩由是燕氏之入秦者自仁貴文通皆贈為通議大夫南京兵部右侍郎而趙宜人為太淑人公自幼穎悟不凡稍長鄂南公訓以學即通文義突弁遺游鄉校師事宿儒柳先生學有進益會遂菴先生楊公時為憲副督學較諸弟子員公名在柳先生上當原食公以柳先生師怡然讓之白於楊公公曰讓美

秋二五

事也知讓必知孝與忠矣亟稱之一時鄉士大夫皆曰燕氏子賢能讓自是刻志向學舉弘治乙卯鄉薦累試禮部登乙丑進士第初授山西榆次知縣榆次健訟且善謗人難之公無懼色下車公以蒞事庶以律已於是訟息而謗弭邑大治鄰縣有訟於撫按者不之他而願之公取決焉賢聲藉藉徵為兵部職方司主事時故開巡簡素無狀過者必沮沮公不遂乃震怒方逆瑾擅權構公落職為四川棗梓驛丞公毅然就道在任盡職無悔時蠻夷叛撫按委公進剿公

承委獲功甚多撫按曰爾功也公辭不敢當亡何瑾誅復官為工部主事管理山東徂徠等處泉源改吏部考功司主事陞驗封司員外郎調考功文選兩司陞驗封司署郎中為諫止巡遊事奪俸六月再調考功司署郎中循資得實授為郎中時奉例凡諫止巡遊官跪廷受杖者得陞俸一級乃調文選司為郎中文選據銓曹要地多所嫌疑公處之特有清譽乃陞太常寺少卿以祭掃例請 上俞之畢事復任陞南京太僕寺卿馬政修舉召改光祿寺卿樽節財費歲

秋二五

以萬計陞太常寺卿提督四夷館尋陞工部右侍郎皆克修職務丁趙太宜人憂家居數載清修自持一毫不以干人眼關 欽改南京兵部右侍郎嘗署工部事八月餘司廳以直廳百金奉公公辭曰我自有應得之者此何以為南都人士服其燕且當也滿一考例當給繇道經榆次榆次公舊治縣也父老百姓至萬人要迎入縣則又挽留遮道不欲行甫入京適刑部右侍郎闕吏部疏名上 上即用之以南京工部修理 孝陵功 賞白金二十兩大紅織金紵絲

二表裏甫兩月卽得脾瀉疾偃卧者兩月題詩以見  
意怡然而逝寔戊戌冬十月之三日也距所生成化  
丙申之三月十四日得壽六十有三云配淑人王氏  
先公六年卒公自爲誌極稱其賢今 上皇帝修復  
古禮嘉靖九年 皇后親蠶于比郊有制公卿命婦  
從采桑淑人與焉鄉邦榮之嗚呼公以明敏之資剛  
大之氣通變之才堅定之守兼之以宏休之量歷轉  
官階凡廿有一顯晦近遠始終一節天下方望其大  
用而位不滿德人咸惜之深與公爲進士同年雅相

狀二七

知愛公方謫蜀時嘗從總制林公見素先生平藍鄙  
賊深昨入蜀道經江津瀘戎之間見孤城敗堞水聲  
嗚嗚然正公効力出奇之所土人猶能歷歷道公姓  
名深心甚偉之丁酉召還公適捧表入 覲獲與公  
握手談往事縷縷不能休戊戌之夏公內轉過從充  
數而詎意遽止於斯也予視殯歛哭之哀幼平亦向  
子哭不能已涕泗向予曰吾父之賢辱公之知而吾  
母之賢有可書而人未及知者吾母病屬纊時嘗撫  
幼方而屬之幼平曰此汝弟也莫作別視之又曰汝

父止汝一子吾爲蕪氏宗祀計二三年間爲置四女  
侍竟得一子一女如吾所生皆同氣也汝識之弗忘  
言已又哭訃聞 上悼惜之特賜葬祭皆如例人以  
爲榮遇云

先兄友琴先生行狀

先生諱沔字宗海封翰林編修竹坡府君長子也母  
瞿氏贈左軍都督府經歷晟之女祖筠松府君祖妣  
尤氏曾祖竹居府君曾祖妣章氏先生生浦東洋涇  
之里九歲而瞿孺人歿卽能哀毀思慕終身不替吳

狀二八

孺人繼室竹坡府君教之學文理蔚然將事科第以  
總家政遂棄去事筠松府君極其敬畏竹坡府君或  
遠出經歲先生應門戶課耕織事皆斬斬有條目事  
伯叔處兄弟務止於理每館穀名士以教子弟深少  
學時得今南京禮部郎中張約齋先生爲師先生時  
時至塾中視供帳致殷勤焉尤好賓客酒醴穀核非  
甚精索不以享至於用財未嘗妄費一金以上蓋其  
儉約天性也常居焚香掃地尤惡蕪穢故雖容膝之  
室必使光輝溢目左右圖史咸整然以理衣冠楚楚

澣濯之服亦燁如也好鼓琴時時閉戶撫弄風月之  
夕尋理古曲聲調清越有振木遏雲之趣嘗得名琴  
抱曰此吾友也人以友琴先生稱之暇日則澆花種  
竹治亭館修水邊林下之操架石爲山窟土爲池以  
自適世俗華利不問也或時啜菽飲水蔬糲者經旬  
或異之曰吾自安此吾欲使子孫讀書攻苦以勵志  
則此固傳家耳故其教子尤力節縮他用以資束修  
乙丑秋奉吳孺人就養來京邸留兩月接名士大夫  
必欲慕移時得所遺片紙隻字皆藏以爲寶先世所

狀二十九

藏法書名畫彝器掌視惟謹丙子之秋深起告時方  
病癰瘡涕泣爲別曰弟第去幸母以老親爲念吾且  
猶比來視弟爲我乞詞林諸名公詩歌爲吾壽持歸  
爲吾林壑光至巳卯春三月十九日竟不起云

### 顧府君遺事

顧府君者廣南知府顧公英也卒于正德戊辰將葬  
時予爲史官誌其墓迄今三十餘年矣嘉靖辛丑予  
在詹事府一日會同官少宗伯西園馬公汝驥閱邸  
報見有徐淮之間民饑盜起乞發帑銀遣大臣經畧

賑貸者公謂予曰此直有司身任之耳某幼時聞故  
老稱說吾延安成化間有同知顧某者上海人也在  
位最久多惠政當其視篆時值歲祲民饑死者枕藉  
顧見而惻然卽移文請賑于撫院相去千餘里計往  
返無及遂出粟賑濟全活者甚衆後自詣撫院白狀  
撫院責以不待報擅出粟若干公免冠謝曰某固知  
專擅特不忍坐視吾民轉死溝壑耳敢請伏罪撫院  
亦悟而嘉之九載滿去延民相率上書乞留會已擢  
守他郡此先生鄉人也亦聞之乎予因歎公善政綏

狀三十一

綏君鄉口不自言故後生多不能悉也往予按狀誌  
公今聞馬公之言不已失其大者乎因語其孫御醫  
定芳爲著顧府君遺事以補其闕

論曰史稱汲長孺使過河內見貧人傷于水旱便宜  
發倉粟以賑之歸請伏矯制之罪武帝賢而釋之小  
司馬贊曰河南矯制自古稱賢公亦其庶幾矣

五世從孫陸瀛齡重編補刊

從曾孫陸起龍謹編

銘贊

水和氏銘

昔卞和懷玉獻之楚王被刑者三至今人悲之自和氏廢而荆山之璞遂為世大寶或謂和氏急於求售以速禍非不幸也夫和氏知矣用以自全顧不易易哉予重悲之嘉靖己丑秋謫南劍道武夷天日清霽極登臨之勝既謁朱祠釋菜於五曲明日復為九曲

銘贊一

之遊回舟焉有古木出於沙際泉噬水嚙幻為人形俯首交臂抱一石當胸若有所獻然予嘆息曰此忠愛之化耶胡為乎來哉睨其下一足若蹠又類則者因目之曰水和氏手為洗剔以付王羽士藏之官中表異也復系之銘曰和氏懷寶或謂乃石三獻而則爾厲爾魄我行遲遲不索有獲知遇何難銘以勸百正齋銘為都諫俞國昌  
渴不飲泉息而擇木毋謂小閑罔敢弗稊負巖以朝兩觀斯戮秉德不回神明所福高山抑抑惠山之虞

於皇先訓配茲棟隆過焉必式君子之功蟻旋則折龍德乃中曲房禩閣以貯歌舞結綺臨春速釁召侮陋巷稱賢草廬頌武端居儼藏式是千古易云尚象書贊肯堂卓哉位置負陰面陽豈日室邇用表萬方太史勒詞以銘勿忘

綠雨樓銘

客有出安福巷者見岑樓突起有槐覆于北簷問曰此誰氏之居也應者曰松江陸子客乃紆轡訪焉及門主人肅容而升隙光出入溶溶洩洩猥若積翳回

銘贊二

薄衿佩涼爽霑若露若露望之可掇即之無物客曰美哉此槐之精也有似綠雨盍名其樓主人起謝曰善願揮厥旨客曰夫本滋者未茂蓄豐者施廣昔人擇其厚之壤時天寸之萌孰不滋其身論厥子孫然非十年不用非百年不成槐吾不知更若干主不知閱若干歲至于子之身而有之庸非天定乎且綠蒼勝黃之間色木土之中氣雨天之澤而氣之和也君子顧名思義以華國普施不亦可乎夫舍子其誰主人避席曰若是則吾豈敢客曰夫木值秋則零

非逆性也君子深藏若愚非貶行也草木榮枯以順  
令君子行藏以正命主人於是憮然若失矧然若獲  
請客識之于壁客既叙其事復繫之銘曰嘉樹巖巖  
安福之里有樓言言與厥樹峙誰其有之雲間陸氏  
古有哲士一衡一龍聯英闡葩光于家邦奕葉承之  
載構載堂巋哉斯樓層城爲屏西有玉泉山東有觀  
星陸仰瞻帝闈庶司在下屋瓦鱗次廣陌懸懸葺其  
上區以藏以修潛室素軒皆在斯樓名綠雨者厥掇  
其竒勿謂固弗培勿謂崇勿治平汝茂汝施我言如

銘贊三

香

### 娛永堂銘

進士范君韶作堂於范光湖之上軒豁爽塏  
抱負陰陽取歡娛永日之義命曰娛永爲之

銘曰

粵維先民觀象徵理上棟下宇奠厥攸處爰有堂構  
啓之述之克諧人紀是日孝慈伊其有作娛永之堂  
實維范氏濱于范光范子之考范翁之居其中休休  
其外舒舒澤國所匯天水空洞歲事維新日晷有年

志以適遂年以樂忘風斯引之而澤孔長翁來堂上  
擢歌漁唱蒲荷鷗鳧近遠趨向翁有孫子亦有詩書  
以手提攜以口吹噓纏纏問里衣冠杖屨憲德質疑  
周旋堂廡和明清夷翁寔備善乃勤人懷乃承天眷  
春酒登堂翁則楚楚風日載陽景物容與翁既醉止  
朱顏素領爛斑蒲庭或覲或請翁則撫之亦屢顧之  
有揚玉庭以樹德基德基維何黼黻雨露棟桀折衝  
取焉斯具孰啓之先譬彼流泉翁實夾之以會百川  
惟桑與榆繫繫丘園駟馬高蓋以大其門惟 皇需

銘贊四

恩章服有耀翁敬承之乃食厥報淮海攸鍾沃野千  
里有賁 奎文自天上下君子之澤君子之廬孰敢  
弗瞻有踧儼如惟德垂遠孝斯永世銘以介壽萬有  
千歲

### 筆屏銘

保障萬里卓立四山斂而用之在几案間

### 硯銘

文字之友毫楮爲耦獨此最壽賦質近厚坦腹而受  
以茲故久知自含垢君子之守君子之有壽

壽



縹乎玉黠乎綠用斯郁郁儼乎君子若內足而不以  
汗黑辱惟不辱壞不速幾哉福綠石

石銘

江之西海之東石爲林桂成叢歌小山味大風生有

涯樂無窮大象石

遠岫含雲平林過雨一屏盈尺中有萬里大理石屏

輒清坤靈茁此貞怪威鳳儀翔慶雲幻適堪卧陶醒

克任米拜雅與盟心未資過介卓秀石

鼓枰銘

銘贊五

員象天方效地一動一靜以闡斯義爾木斲之爾革  
張之無所用心將鳴而攻之

東方朔像贊

人中隱使中仙多聞博識所全者天吐故納新聊用  
引年微露編貝之齒驚倒一世之賢

夏桂州像贊

此公大宗伯時耶年幾耳順辱作心思伊周屬序夔  
龍鳳池歷試底績一節何疑玉攻全冶彫範愈奇角  
麟在藪海鶴同姿古稱骨鯁茲表風儀 天子若日

此朕之五臣士大夫望以百世之師

壽松贊

誰裁喬松是爲真龍曾充禹貢不汗秦封棟梁斯具  
冰雪傲從育苓化珀萬世之功有萬世功與天地同

朱允升像贊

紅日赤雲碧山如畫梧竹交加衣冠古雅殆居士遊  
遜於鳳崗之下耶欲覽德輝方歎龍馬文彩聯翩風  
神瀟灑豈居士校六書於既暇耶外臆中腴調高和  
寫圖書在行辭翰滿把乃居士歸自東海之野聽金

銘贊六

建琳瑯出其主苴鈞天虞廷以遂傾寫方將求居士  
於古之有道者也

李百朋像贊

前十年得子於文章之會後十年得子於冊書之外  
禍福無端愛憎叵柰服求厥衷道不下帶噫吾將與  
子浮沈於百年之內以靜觀天地之大

友梅李錦衣像贊

此何遜之東閣乎豈林逋之孤山也彼美君子心跡  
襲聞身依日月之上人在吏隱之間交結歲寒之契

座挹春風之還是其不特金石之貴而常有玉樹之  
顏當夫破輕煙於耿耿恍乎麗壽星之斑斑者耶

林母王氏贊

夫死君事婦死夫志事雖弗終志則靡愧有憑者箕  
孰仰罔迷陔降一致馭風騎箕道既粹矣風斯引矣  
子子孫孫涕惟隕矣有旌在門封典斯存惟家之範  
惟國之恩以慶于後昆

五世從孫陸瀛齡重編補刊

銘贊七

陸文階公行遠集

從曾孫陸起龍謹編

說引

學說

君子之道莫先于學夫器弗備不完事無法不成方  
員就于規矩射者存乎發率猶之于學也學之時義  
大矣哉繼往聖覺來裔察天地贊化育皆學之功也  
顧世之學亦多岐矣君子宜辨之早也彼其含華茹  
英雕肝鏤腎浸淫百家模擬六籍鏗鏘瓊玉宮商金

說一

不高辭與義連章累牘浮績積采傾耳炫目文詞而  
已焉者末也考證製作推合陰陽堯文舜治禹畫湯  
章禮容樂聲鍾畫斗量因襲沿革纖悉精詳上稽手  
古下辨百王制度而已焉者迹也腹貯載籍口含經  
史聖作賢述野纂國紀仰淹墳典俯囿諸子意象靡  
遺何文不理該洽通貫歷歷可數記誦而已焉者陋  
也若乃脫製文義凌躡等節灰心幾乎聖功速化類  
乎上達異端之道也耽于訓詁溺于言辭描寫摸擬  
之真依稀假借之似支離之徒也若是者匪弗學也

由前言之則不全由後言之則不正君子之學以全  
爲貴而要於正明諸心盡諸性以達諸天而已矣雖  
然泛而爲之無其序不可也且夫性者心所具也天  
者性之盡也心外無性性外無天學之者其始諸明  
心乎本之戒懼以求其密繼之體驗以止於是極之  
擴充以滿其量由是七情不鑿而五性具矣萬化出  
矣事天之功于是爲大所謂繼往覺來者不於斯而  
備之耶夫是之謂學難之者曰聖賢之學以致用也  
學而弗用焉用學應之曰事必有體用斯由焉不惟

說二

其體惟其用猶之室而無基步而不履難矣哉故心  
者身之體也身者家之體也家者國之體也國者天  
下之體也大學論脩齊治平必先之以格致誠正是  
固用之說也曰聖人作經詔告萬世正學門戶惟茲  
宵綮子知歛華以近裏美矣循子之說固將舉六經  
而盡棄之耶曰非是之謂也凡學以爲身也爲身以  
爲心也六經皆心學也豈曰聖人辨且博哉况古者  
誦詩讀書皆爲養心設也徒玩其土苴而忘其精粹  
反之此心不有得焉吾恐羣聖作經之志荒矣望于

天下後世者孤矣彼禪寂者吾固非之章句之儒亦  
所不取也曰名物度數古今事變不格其物曷窮其  
理徑約之患固子之說啓之矣曰不然物必有理理  
必有義雖變故不齊斯二者不易之論也誠使吾之  
靈室者無以具之絲棼蠅蠅與安所折衷哉物不爲吾  
用吾友爲物役矣况學之貴于全者亦非獨畧于是  
也顧末不先本後不加前自然之次也孔子曰志於  
道據於德依於仁游於藝夫是之謂善學於乎論學  
至于孔子萬古之法程卓乎不可尚也

說三

於戲三五靈灑誕毓爲人團顛方趾效法乾坤反身  
而取畢有萬備奄然存化遺物不遠斯廢學之過也  
學自羲黃以前遐哉漢乎斯文旣興列聖授受迨夫  
卅一執中之訓益有論說矣雖學無費詞而教以言  
剛運使之然也自周而下出孔而上則淵旨微義森  
石繁星洋洋乎總厥大成金聲而玉振之也孟氏而  
石學就絕統羸秦斷然棄之漢氏質而陋於聞道唐  
人華而不實風斯下焉皇天相宋聖學勃興濂溪潛  
其源伊洛助其流推而上之直追孟氏盛矣哉游揚

而往駟致未異譬之膏田美稗與之俱化矣考亭夫子實踵其後左排右駁口喻手補復求諸義理之中而得之知行命進內外交養文質彬彬稱君子矣不一再傳竟墮卑萎殆終末之世焉元處士劉因叙學博而寡要去之亦遠我 明純德靈嚶克享后皇糾和翁淑篤生哲人今耆宿在朝正學宣朗余小子忝際遭逢願吐曾臆敢就正焉作學說

五行說

水之生木也以濕潤薰蒸之氣木之生火也以鑽摩

說四

然灼之功火之生土也以煉燬變化之漸土之生金也以零星瑣屑之積是故 爲幾微次第至於以土尅水也以水尅火也以火尅木也以木尅土也則皆勇烈猛悍及覆在俄頃之間蓋生屬成尅屬敗天地間成難而敗易固有自哉  
火最剛土得中木剛過於柔體剛而用柔者金也體柔而用剛者水也動而能明者火也火之照物也有及有不及靜而能明者水也水能定萬物之形是以君子貴於慎動以致靜

海邦快觀詩引

莆田鄭侯令上海之三年會江南饑 天子用大臣議發內帑賑上海以銀萬兩至侯捧而喜曰 上之賜也吾民之命也自吾之領斯縣也一錢以上於民也不敢妄費已乃檢括諸庫得銀二千六百兩有奇自吾之社倉法成也散之有贏已乃發穀之在濟農者幾四萬斛 其在唐行者漢得米二千五百斛病有奇已乃集父老於庭諭之曰民矣吾若父母也徒有憂焉不給是懼惟 天子念遠民惟撫按贊之惟太守成之茲則有鑿有米有穀食

說五

費咸具吾之幸也諸父老皆拜舞曰是我侯之惠也徐勞之曰非吾所及雖然凡惠在速其以即日從事榜於通衢曰遠近皆集環縣以聽又曰凡惠在均其以三鄉之民下下者撮其戶三萬四千餘戶授銀三錢則又曰物析則寡其以吾民之強有力者任糜散則又曰凡物聚則壅其以地分處民之至者布而書之曰某鄉於此統以里老則又曰凡科擾者邀奪者論重罪整以僚吏由是煥若星布密若魚麗然後鼓以給之鐸以散之麾以進退之由是折若蟻封次若

雁序終事之頃幾日晷焉民欣欣然各滿所望探諸懷中得方函署曰戶某銀三錢人人無爽散穀法如之散米法亦如之觀者嘆息所未有也皆以手加額曰斯政也非侯之仁無以與此斯仁也非侯之才無以辦此諸生唐敞目覩其事颺於衆曰下有急而上弗問者亂之積也上有善而下弗知者薄之趨也或以養亂或以導薄是焉取於理焉侯之理海也敦本阜俗鄉約具焉訓飭勵戒課試嚴焉三年於茲善多矣惟是一舉也而數善集焉凡我鄉校其謂之何紛

說六

而止齊弗可以制軍政乎博而舉要弗可以馭萬里乎濟而守逸弗可以例後世乎不疾而速焉無爲而成焉古之卓異者耶而咏歌靡聞敞等之耻也奚其可乃請于諸博士博士曰引以長其比于風矣復論于鄉大夫大夫曰德惟功其晉於頌矣又徵之古作者作者之意既深且渥其式於雅之大矣僉曰可矣乃帥諸同志共裁爲若干篇用備觀采聯而什之以告於史官深深從二三子讀之曰稱哉乎情文之間也夫仁而無術與忍同宮其爲罔終賈怨一致是宜

傳遂題之曰海邦快觀以引

### 知命集引

以嘉靖十有二年春得江西右叅政明年冬十月有事浮梁之景德鎮望後四日聞陝西右布政之命又明年二月爲入關之役由京口濟江至維揚舍舟從陸曉徑蜀岡問之曰此維揚也而謂之蜀可乎有父老荅之曰自此可以通蜀也余識之前此三日而四川左布政之命下矣從泗渡淮過宿適汴抵大梁始獲報聞追數徵先爲之嘆息旋被部檄因改

說七

蜀裝遵黃河而西行成臯滎陽間入咸陽問前朝城郭觀龍門伊闕三門七津思大禹之功度函谷上潼關觀中條太華之奇峻秦晉宦遊感念今昔乃歷長安畧咸陽道岐豐徵文武之遺化終南太白高切雲霞涉汧渭出褒斜東望漢中見淮陰拜將之臺徘徊定軍山下悲先王之業不終拜孔明祠堂而去比入五丁峽山川偉麗之觀少償夙願而不知此身之遠適也亦云幸矣因檢澆稿次第之題曰知命夫一定之謂命顧知之有蚤有不蚤爾時年五十有九是歲

六月朔書于梓州中江之分司

讀老蘇文

嗟乎知人誠易哉諺云唾鳥事誠有之夫鳥惡聲也本以先儼人若或德之然人未有不唾焉者也王安石在宋時方其沈滯下僚天下人識與不識惟恐其不得為宰執蘇老泉深辯其姦至今以為刻薄論也似矣使所謂刻薄者當時得聞於上上之人姑聽不盡用安石後來豈有熙豐靖康之禍哉不為家國天下惜大計而為一布衣惜小嫌謬哉忘一己之私奮

說八

然為世發幾先吾於老泉有取焉蓋不謂其已中也

浦喻

陸子生於海瀕而家於黃浦之上浦故松江別流江堙而浦代志曰楚時春申君黃歇所鑿因姓其氏壯遊四方適吳觀五湖具區北渡大江逾于河達于呂梁然後知水之為理也海水際天浦水朝朝夕汐盈縮吞吐匯為汀洲帶以百里湖水汪洋渟泓萬頃一色漫流四溢而不見其涘也江水夾以連山源遠流盛蛟龍龜鼉變恠百出而獨力東注河與江埒而源

益遠流益盛濁悍若怒呂梁水搏山而行崖石鎖露

濺沫崩濤錙蕩出聲是故海至大也湖至澄也江至深也河至長也呂梁至奇也彼曰浦者大不能海澄不能湖深不能江長不能河奇不能呂梁奚取焉雖然被之以長風則驚濤雲奔亦似海天開浪恬其出無窮又似湖獨流勇赴似江與河至於潮頭秋壯排空倒嶽雖呂梁或不能及嗚呼水之觀盡於是矣余性好水常慕遠者大者奇者深且長者及東出海自北而歸復返浦上之舊廬歎曰天下有本同而末異

說九

者茲物是也又聞龍門砥柱瞿塘灩澦洞庭皆極天下之偉觀皆未及到今而後知到焉亦一覽而已也是故忽於近者非知遠者也易於小者非圖大者也作浦喻

家大人七十乞言述

家君名平字以和別號竹坡嘗以例授品服美髯覆胸長身玉立人皆望而偉之少好遠遊足跡幾遍天下嘗北走榆王之隘度遼水以觀山川之所極返而居于天子之都以遊游諸老之間出入齊楚秦晉

者三十餘年南遊荆襄頗愛其山水以自放於辰沅之間者又數年然後歎曰是亦可以息肩矣逕歸奉先大父以居課男耕作女績布種竹數畝因號以志晚節遣不肖深學于縉紳先生間乃日與農夫野老間時候談稼穡講醫卜暇則焚香燕坐披閱圖史類然以自適也天資宏博兼以涉歷多所熟識典故寔有經濟之具而人未之及知也深嘗侍側聽其言論若吳之水淮之鹽秦之馬兩浙之稅水之漕陸之運若西北之情籌其利害如指諸掌深時得其說之

說十

一二而出之人皆以爲奇顧其不試者尚多也家居尤有禮度諸父四人與家父而五同產也至頭白相友愛如童稚然其急于濟物殆若嗜欲諸族鄉鄰闕之雖屢屢不懈嘗寓臨清晨起獲白金兩鎰餘守其主來還之諸如此類者甚衆明年壽登七十二月廿五日其初度也不肖深尚未敢言歸爲奉觴之舉膝下雖賴有一兄一弟之侍然深之私其容已乎况深之不與壽觴者亦屢矣壬戌之春以計偕阻癸亥甲子之春以監期阻乙丑之春復以試事阻今歲來春

則徒以職守耳夫以人子而不得奉親壽六載其何能安又况古稀之年人子所願欲於其親而不可必得者也苟不得大人君子四海之所取以爲信者表而出之其何能子唯深出自門下茲敢百拜以請辱賜一言非特深之私賴以自抑亦傳家之寶也

序交

大江之西有士曰劉子某與江東陸深友數歲矣而未有合於時也往時劉子遊南雍深聞其人而願交焉辛酉之秋走金陵與劉子講相見之禮是歲深領

說十一

薦北上取道江淮會劉子於齊魯之間居京師與劉子隣寓間日輒會已而深南歸與劉子別劉子避暑燕堂乘秋而還觀鄒嶧望尼泗泝呂梁之波絕江南渡登黃茅諸峯經吳越而西再會于金陵歲暮歸眷入夫人於廬陵再別矣歲戊辰復會於京師然遂別別而又會是未可知也大抵每與劉子會必有言言必有合也每別劉子必有所得有所得必以告也故嘗樂與劉子會而悲其別雖然竟不能使劉子一日留何也始深之聞劉子也以壞翰麗藻既見得其人

焉方行古貌既交得其學焉弘放浩博及是京師再會為別最久而劉子所得深矣行益慎貌益充博者益以約而文章益工比聞劉子涉歷之餘剝落華飾獨趨本原浩然有求道之志夫學之於道若飲食然珍錯之雋不若穀粟之為用也造口之奇不若充腹之為味也深方俟焉未有所造將於劉子是賴而劉子去矣故叙以為別使有考焉

五世從孫陸瀛齡重編補刊

說十二

陸文裕公行遠集 卷十二

從曾孫陸起龍謹編

題跋

題高房山畫卷

此子同年張九苞所藏畫筆簡淡深遠無纖穠習氣房山以畫名元盛時其人品亦高極為趙松雪諸公推許是當為真蹟但後所題至正丁卯殊為可疑按松雪集跋題高彥敬畫詩一則曰堂堂侍郎公二則曰尚書雅有水霜操又曰與公携杖聽潺湲則房山

題跋一

當為松雪前輩矣松雪卒在元英宗至治壬戌時年六十有九後十九年順帝始以至正紀元不應此時房山尚在也况至正又無丁卯歲耶按史順帝以癸酉即位改元統又明年重紀至元後六年又改為至正是歲辛巳也訖于二十七年丁未而元亡後二十歲始得丁卯實我太祖高皇帝洪武之二十年也不應復以丁卯繫之至正此其可疑者也豈此畫舊無題識後人愛而或以意增書之耶

題七賢過關圖



右畫雪景谿山樹石間爲關門下自關門騎而乘者  
七人爲黃牛一爲騾凡五爲馬之蒼者一從人八各  
有所負持爲琴書囊箱之類皆日用所需物若移居  
然位置筆意頗有佳趣衣冠似魏晉間豈世傳所謂  
七賢過關圖耶今爲樗仙王公進德所藏公方供事  
章聖宮闈爲今上眷遇日向柄用其所嗜好者  
乃皆琴書圖史之屬有甲第在東華門外清整雅潔  
未嘗與俗人往來休沐之暇卽闔戶焚香彈琴讀書  
或展古名人墨妙臨寫不釋手故書法道麗遂成名

題跋

家與當代之張東海蕭海鈞輩可以並駕也无好接  
禮賢士大夫讓坐設榻皆欣然不厭煩予 召自蜀  
藩入掌大官適主其家每接緒論宛然一儒者乃於  
席間覽此圖亟爲稱賞非徒以其藝焉而已公卽裝  
池成卷求予題數字踰年而未有以復也按七賢過  
關事無所考豈竹林之人耶或曰卽作者七人爾蓋  
畫家多尚興致不屑屑形似要在得其意於筆墨蹊  
徑之外可也公遭遇 聖明榮與帷幄密勿之地以  
其愛畫之心而爲愛才之舉則天下必不至有遺才

如此圖中望望而去也予重以是望之

題蘿山集

潛溪宋先生景濂開國文人第一百五十年來博學  
洽聞未見其比也深讀先生文最早詩則無從得焉  
安意先生於此毋乃小有所讓抑亦昔人所謂難兼  
以長者近得蘿山吟藁五卷讀之鍛鍊之精工體裁  
之辨治氣韻之偉麗詞兼百家亦 國朝詩人之所  
未有也欣慰累日若還至寶於是歎前輩之高雅世  
未易盡知而又以愧深之寡陋徒相值於遲暮焉而

題跋三

未暇學也

題利路紀雨詩三首

嘉靖十有四年乙未予領益州自秦趨蜀以五月八  
日戊辰至廣元古利路也蓋行百有十里甫就館而  
雲雨交作入夜霑足明日南行一百三十里望栢林  
驛而雲氣盈涌命舁夫促步以至堂坐未畢而浙瀝  
四灑矣從官候吏與一時父老咸冒雨列庭中謹呼  
叩頭曰此方一早四十餘日公來而雨隨之某等小  
人有命矣舉手加額至再至三予慰而起之旣以爲

喜復以爲愧也因識以詩

是日東南有虹霓氣映以雨脚微成五色黑雲中神  
龍蟠蛇上下予行峻嶺西日未蔽光射之爛然身在  
天日雲雨之際又一奇也晚宿驛亭蓋古葭萌縣云  
明日復行百有十里至槐樹驛驛據七盤坡之麓時  
北雲閣雨適蒼谿令何繼來迂遂率之登山巔道觀  
致禱而下明日行八十里午抵閬中今之保寧府治  
也是日亦有雨意而物望尤切自顧六十老人千里  
棧道既窮日力兼抱慙憂與民俱病矣方當休偃市

題跋四

藥華醫不遇付之浩歎明日壬申晨興而天愈晴朗  
心愈惘惘乃命郡縣長吏合厥僚屬秉誠祈天予遂  
齋沐將以詰朝群望是夜三鼓雷雨大作簷溜如注  
約三四寸餘不覺失喜推枕次前韻一首

予復將有事於順慶爰自嘉陵曉渡因上錦屏登書  
閣北望盤龍玉臺諸山而罷循江南行入山山稍寬  
行人知瀕水畦稻桑桐栢竹藹藹有吳越風致古稱  
揚一益二正爲農桑論也八十里至南部縣問顏魯  
公離堆記無恙否云離堆瀕江去此尚五十餘里而

崖刻已漫滅久矣因歎金石之不足恃而忠義之氣  
則萬古如新有模致碑字并題名乃宋人書而亦既  
剝落矣入城西門有橋題曰狀元蓋爲宋陳堯叟堯  
咨及馬涓云按三狀元史稱俱閬中人今割地入南  
部得專之矣縣前有山若列陣名曰跨齋又云前連  
蓬萊後枕閬苑夫蓬萊閬苑道書所稱海上真仙靈  
異之境嘗有擬之中禁者不知此何以云蓬萊當指  
蓬州大蓬而言閬苑卽閬中本名隆中以避唐諱爾  
隆閬聲相近意蜀語爲然豈好事者遂附會其說如

題跋五

此又志稱閬中山水甲蜀遂將比於蓬萊閬苑也是  
夜宿城東分司明旦月望而望雨益甚姑命禱之而  
出西南行數里觀蓋井多在山麓有深至三十丈者  
人以竹木作高架汲出煎熬亦有水淡者復以竈灰  
雜土淋鹵煮之頗亦艱難顧利於旱爾所謂造化無  
全功者殆此類耶又百里至大寧公館已屬西充而  
保寧南界盡矣予所行總六百里而東西不與焉可  
謂大郡矣夫郡有田蠶鹽稻之利使有司勸課以時  
人皆力作爲益不小豈非保蜀而寧之哉此昔人命

名之深意也因併記之以備郡乘十六日丙子發大寧三十里至瀟溪館小憩有風從南來習習而雲片如簇須臾川谷冥蒙絕有雨意遂三疊韻冀終惠焉

題所書後赤鞮賦

國初書學吾松嘗甲天下大抵皆源流於宋仲溫陳文東至二沈先生特以毫翰際遇 文皇入官禁近屢遷爲翰林學士 復吾鄉有大學士小學士之稱民則不作行草而民望時習楷法不欲兄弟間爭能其所有有如此又聞之前輩言民則蚤年書甚瘦勁渡

題跋六

江以後務爲豐腴妍媚以合時尚 文皇每不喜歐體以爲纖竹編葦有衰颯氣象予家所有二沈手筆不少而以民則赤壁賦小楷爲第一惜乎止得前篇爲寫後賦以具蕪文之全非敢方駕於古人聊以示兒曹耳

書名藩至德詩後

深既題名藩至德之什復序次所以以道君臣之分嚴而雍睦之化大可以風四海傳百王無疑也顧詩人之言不自似於美盛德告成功之意有歎乃復申

爲之說曰先王之制禮凡以修德也先王之修德凡以永世也世之修短卜於德德之大小卜於敬敬之存忽卜於心心之出入卜於人人以檢心心以主敬敬以蓄德德以延世夫然後中氣應而和聲暢於是託之人文被之管絃薦之宗廟此帝王之業而味歌之至也周之先王蓋嘗卜世矣故其詩曰文王孫子本支百世周之德至文王止矣故其詩曰穆穆文王於緝熙敬止蓋言文王之子孫皆百世也百世之子孫皆修文王之德也恭惟我 太祖高皇帝神功聖

題跋七

德媲美文王磐石之宗屏翰皇室 晉王殿下孫則六世也文之昭也於今 天子分則君臣親則兄弟也一以世天下一以世其國帝德王道於是乎告成可謂以克末世者矣如此詩所歌玉芝白鶴有合於六義之旨趣此雅頌之道也將見前星有耀世府儲祥其世又豈特如周所卜而已則是冊者固將與河圖大訓同爲國之禎符豈但如周家所謂卜世而昏以彼弦歌薦清廟則是詩之義也深故不厭其禩而以是終焉

跋聖哲圖

右宣聖并十哲像為今太宰水村公所蓄既重裝為一册將錄史遷諸傳於右方深退考史記德行首科特少伯牛仲弓二傳而一時紀載多非實錄昔人謂子長踈而不學豈容辭哉適有浙刻宋高宗七十二賢贊墨本因為列寫雖辭乏雅淳然一時人君之所崇尚如此其功倍於章縫之士遠矣按高宗所書謚贈皆仍唐舊又為附錄開元褒表之制於後以備一家顛末復以孔子世家一論冠於首夫孔子以布衣

題跋八

終而遷知升之諸侯以啓萬世王祀之尊雖聖人之道不固是而為隆替遷於是乎有功矣水村公出入將相留情此圖固有深意至其鑒別古今圖書以考證史傳之訛闕殆今世之歐陽公劉原父米芾而下弗論也獨謂此圖乃宋人之筆卷尾磨滅數字當是重和元年寫真按重和宋徽宗紀年信然無容辨者深嘗見友人許誥廷綸所藏房杜小像真蹟與此行筆正同意為唐人所作而卷尾題字細加檢認墨新絹舊必一妄男子所汙復為識者去之而未盡也深

非知畫者請以理辨夫畫家之敷染粉墨雖極工秘決有承傳千載猶一日也乃若大賢君子之風神意度與夫步趨氣貌之精微所謂與其人俱往者此則流被於近而漸遺之於遠無疑也今是十一像氣韻典刑出於毫素之外此必近古之人能之而決非後世之所為也因留齋居叅校宋像朝夕瞻對如身遊海濱親接聖賢於唯諾之間取以為省躬修己之助者良多又不特區區識其器數而已古人謂書畫真有益者如是因併著鄙見且求是正於公云

題跋九

跋五賢像

深間居鄭侯思齋致二泉書院新刻五賢像書畫文跋皆在平生師友之間而五賢者又極力向往之地時一展閱為之悠然忘日而感亦係之矣忠武侯身逢末造業不迨志吾家宜公手拓中興罪踵功來范文正始進之日厄於時宰司馬公亦遭黨人之禍惟韓魏公始終被遇無少間隙而相業遂為近代之冠昔人論公不獨材德之全而福亦備焉嗚呼又安得僥福如韓公者濟世哉思齋其藏之

跋郭熙長江萬里圖

此卷爲張夏山大叅所藏予於京口見米元章澄心堂紙一卷筆力奇怪有意外象家居時吳人持至一卷夏圭墨氣古勁可愛此卷則規模郭熙而平遠清潤有不盡之趣宋室倚長江爲湯池故當時畫手多喜爲之卒不能守而鐵騎飛渡矣乃相與爲之浩歎夏山家金華山中景物絕勝而宦囊半貯此物將行住坐卧不離耶復相與爲之大笑

跋李昇出峽圖

題跋十

是卷雪景山頭皆襯金着色法度森整而筆墨清潤極爲精工心知爲唐人之作而卒未能定其名氏舊有籤題小李將軍紙最古而字畫草率因未之信予購得之京師間示知畫者以爲當出王摩詰予家所有王維雪溪圖并小幅鳳舟圖與此皆不類又曾見輞川圖與高士奕棋小幅惟奕圖用筆與此同因題爲王摩詰而褫去舊籤見者同聲以爲摩詰無疑聞居以來校勘頗勤遂定爲李昇出峽圖云昇唐末成都人初得法於李思訓思訓時號大李將軍其子昭

道號小李將軍皆唐宗室至昇畫與昭道並譽故亦名小李將軍載在宣和畫譜者論序如此乃知前人題識雖小亦未易輕也又按畫譜記御府所藏昇畫五十有二出峽圖在焉流傳數百載而完好如新或有神物呵護以至於子大抵法書名畫所貴收藏苟存憲古藝游之意其於檢心畜德未爲無助彼徒以文具玩物則喪心之戒攸在吾子孫其念之宜和書畫譜皆出恭京之手其識鑒自繫人品已難盡據至稱昇筆意幽閒清麗過於思訓徃徃誤爲王右丞者

題十一

殆有自來云觀於是卷可以神會矣

跋韓熙載夜燕圖

圖畫本以資游息至於事端波流之際則有鑒戒存焉故善惡之跡皆君子之所不廢也此卷所圖韓熙載夜燕其事至不足道其描寫景物意態備畫委曲一展閱間令人可喜可愕煩心滯思寧不一灑然耶介翁先生舊藏此圖今位秩宗佐 聖天子議禮制度身任繁劇當其繼日待旦之餘所以宣湮塞而通高明其亦有取於此也夫

跋月影辯

予道順德覽新志讀撒生月影辯而善之其謂非地影者三似矣而未盡蓋日中亦有影故也夫道體之全三有神有化有物不測之謂神無跡之謂化有形之謂物陰陽神也寒暑燥濕幾於化矣天地日月物也是故日月者水火之精也水火者陰陽之麤跡也水內涵火內暗液而為濁凝而為冰水體則然也蒸而為煙熄而成土火體則然也月中必有影日中亦然所謂查滓之未盡者故日月不離於物也狐兔者

題七

自下視之取象也猶觀遠山然近則否非地影者蓋月有魄而無質也故無所受與瞳鑑當異造化之理甚深有言語所不能盡者聊附此說於後以就正焉

跋鴈宕圖凡三十則

大龍湫之水自鴈湖合諸溪澗匯成巨淵淵側石檻如井檻中作四壁數百仞自下望之如懸布隨風作勢變態不一如散珠如驟雨如飛麪如煙如霧或飄轉而中斷或左右分而下或直落如注或屈曲象蜿蜒觀者每立於潭外相去數十步水忽轉舞向人衣

帽皆濕忽若轟雷或為風所過則盤桓而不下寔天下之奇觀也故鴈蕩之勝大龍湫第一雁山諸峰惟剪刀屹立澗水中旁無所倚高數百丈上分兩股如鱗螯自遠望之又若剪刀峰之最奇而秀者也第二筋竹澗能仁寺在焉謝靈運伐木開山之所最為奇跡有謝公嶺第三本覺寺山路所從入也第四靈巖寺能鼻泉在其後泉在大石龕內龕口高數十丈四圍皆石壁中山半橫石作鱗甲狀陷入石中從下視之獨見其脊隆然外露宛若龍形繞下勢十丈勢盡

題十三

乃垂入龕底作懸鼻如小瓠壺而稍長鼻端有孔出泉時時下滴最極幽勝第五靈峯寺石室如廣厦可居僧寮不設屋就室卧起冬溫夏涼幽深秀絕第六石門寺有兩崖對峙如門水從中出瀝為巨淵水底有井名龍井光怪夜出人時見之第七寶冠寺石梁在焉石梁拔起地上如大梯倚屋簷端檐下入空洞中可容千人地上石脚空嵌巖腐木第八羅漢寺以石羅漢得名緣溪有石船第九凌雲寺有崑崙圓白石望之如珠天柱石柱峯在焉有高簷峯並起如卓

嶺曰双鷹潭曰梅雨曰沐浴有駱駝洞在兩澤之間第十雙峰寺有東西兩高峰對峙森秀資深堂在焉十一淨明寺由白谿口入山水秀異誦經巖在焉歇空軒爽舊有維摩室十二瑞鹿寺今廢道松洞即其基也洞前有大石方正名方石巖其下有白雲庵朝陽峯在焉十三古塔寺有石龜谷口二巖之勝十四飛泉寺面飛泉相對曰雲峰其後爲火焰峰以形似名按山如筆架絕頂峰巒尤勝十五真濟寺白雲嶺在其下常有雲氣可俯而觀其上爲靈峰巖十六普

題十四

門寺山川環抱有兩溪會其前焦巖若案幽勝之境也十七華巖寺有長叫峯亦有火焰嶺十八天柱寺平霞嶂在焉溪山平遠徃徃遊人之所憇息十九江心寺在温州城外昔宋高宗航海時常駐蹕于此本江海間一勝處然無關於雁蕩圖之者以其近也故列爲二十

跋文與可畫竹

老可畫竹妙在與竹傳神余家吳中有竹數畝當萬竿搖月時余手持老莊書露坐其上四顧繁影每撫

掌笑曰此真一幅文與可也及來長安遂與竹絕忽擲此紙摩挲再三曰此余家園中分出一枝也不覺惘然

跋忠賢遺墨卷

右師山鄭先生遺令一首凡八十六言嗚呼其事至烈矣裔孫賜問以寄示陸深旣命其族人廉與佃裝演成卷并附以余忠宣公手柬一通元史列傳三通呂旭鄭忠歌詩三通篆其首曰忠賢遺墨按史師山先生名玉字子美歛大隱居教授徵召不起忠宣公

題十五

名闕字廷心廬人進士及第守安慶官至行省參政二先生鄉郡交好考之柬中語知爲莫逆也顧其死節適亦同時遺令所題戊戌者實至正之十有八年也忠宣死於是年之正月師山之死後六七月耳豈旣聞忠宣盡節與忠宣之妻耶卜氏實從以死而師山之妻亦自許不疑豈觀感者有素與何其道之相似也居嘗無事友朋麗澤豈惟相敬愛相激賞以流聲引譽於無窮至於變故之來死生之大而所以相信者益深使後之人跡其故而論之疑若素講而夙

諾焉者何其至也慨惟元氏以材力興非有豐功厚澤迨其季政弛縱不綱偏愛國族而中原仁義禮樂之懿素無躬履允蹈之實至於南士尤肆紙排醜成禍敗漫不可措忠宣眷深責重守當盜衝明大節於孤城俱碎之日心安義得於茲爲正而師山徒以布袍巖棲之士遭逢用夏變夷之師雅持定志從容自裁視軀命如捐弁髦可以爲難矣南士獨何負於元哉予既悼二先生之節而因以附著深慨云爾賜字廷賓受遺令者忠之世嫡也嗚呼尚慎藏之哉

題十六

跋石鼓詩

右石鼓詩先儒辨論至多蓋風雅之遺云鼓今在北監子爲司業奈酒時慮其日泐也欲扁鑰之而不果別有樹碑一元司業潘迪以今文寫之仍其舊闕潘碑與鼓積有存亡矣潘仕大德間虞文靖公集助教成均時嘗謂十鼓其一已無字其一惟存數字潘虞相去不遠其言如此今去之又將二百年石可知矣詩之存者頗賴諸家文字集錄以傳石顧足恃哉博洽之儒如王順伯鄭漁仲又好古而搜訪訓釋靡餘

方矣咸存斷闕焉歐陽公集古所錄才四百六十有五字胡世將資古所錄僅多九字乃稱先世藏本在集古錄之前孫巨源於佛龕中得唐人所錄古文乃有四百九十七字視資古又前矣又前之則韓文公所見紙本已謂毫髮備畫復有年深闕畫之歎常應物亦謂風雨闕訛而杜工部直云陳倉石鼓久已訛矣其上下世數如此近世吾衍子行尤號博雅自謂以甲秀堂譜圖隨鼓形補闕字列錢爲文以求章句又參以薛尚功款識諸作斯已勤矣亦僅得四百三

題十七

十餘字每鼓列行裁分爲十而章句次第又與諸家不同子行介士未嘗入燕止於畫中見鼓爾不知近日何緣得此十詩完好乃爾耶此詩出於修撰楊用修慎若所從來果有的據豈非千古之一快哉如以補綴爲奇固不若闕疑之爲愈也予方選四言詩不覺欣喜而錄之首簡

跋鄭文峯所藏劉松年赤壁圖

右赤壁圖宋劉松年所畫按赤壁之勝具於蕪子二賦一時景物復具於此圖當時一幅今釐而爲二爲



鄭司徒文峯先生所藏予家有鮮于伯機行書後賦因舉而歸之文峯遂裝成一卷相與賞歎以爲物必有合固龍劍也予謂合不合無足論惟物之得其所托似非偶然者文峯高雅所至有江山之助以爲廓廟之儲竹頭木屑猶在所錄况圖書也哉雖然黃州赤壁托東坡以傳樊口赤壁亦傳自曹瞞之攻戰後世忠憤之士多幸周瑜之有功至雪堂留滯皆以爲舒亶李定輩承附時宰故江漢間兩赤壁各繫漢宋之事覽斯圖也千載之真是非定矣此卷胡可少哉

題十八

文峰其寶文

跋石湖一曲卷

吳之石湖有二其一在闔閩城之西南上方山之麓朱范文穆公成大所居而因以名者也其一在吾松城之西南水之上吳氏居焉松湖大不及蕪而景物幽勝水壤清嘉亦一奧區也勝國時吳氏有字益之者仕以州別駕歸石湖修隱操抗志文雅陸居仁所爲作記者也益之幾世孫稷少有美質文名燁然起鄉邦舉甲戌進士爲郎理官來京師出此卷示予

受而讀焉夫人以地重人亦有自重者焉然後相爲不朽也始之微而終顯者繫其後始之顯而終微者繫其先先後相承有交重焉者然後爲世家爲舊族爲故國使江山生色間室起敬而世恒以是爲難也是故登臨古蹟則有興衰之感水木在顧未嘗不致考於本原焉舜弼亢宗嗣先鄉往未艾文章政事他日不難於文穆公之重石湖也特未知范氏之先與益之輔之輩竟何如哉舜弼宜珍襲此卷爲吳氏之河圖冊書可也按居仁字宅之文詞富艷與鐵崖楊

題十九

廉夫曲江錢惟善交游聲稱埒於一時旣其歿也同塋于山世謂之三高墓云此記文旣典贖書亦道麗可寶云

跋張碧溪詩

詩必窮而後工此特世俗論爾世俗以饑寒爲窮以富貴爲達殊不知舉一世之人尊衛大爵貫朽粟腐者不以也而詩人則或曠代而僅見雖以唐學之盛終三百年李杜兩人而止爾宋雖謂之無詩人可也山是論之則造物者於溫飽之具舉以與人也若不

暫而獨於此事若深吝若秘惜若不欲令人闖覘者故吾必以爲詩工而後謂之達爾石季倫潘安仁之詩非無工也終以富貴之極同蓋東市彼二人者使知勇退早散之方固將以詩人名在當時則以考終在後世則以免訾矣故吾又謂詩人非徒可謂之達謂之安且尊焉亦可也慈谿張碧溪先生字子威蓋近世詩人之工者也其所爲之累者正坐米鹽細事余愛其人賞其詩而不免悲其窮間嘗舉酒向碧溪願以此而易彼何如碧溪爲余笑而不答此卷爲鄭

題二十一

君宜重所書病起快讀因繫其說如此俟知者信焉

跋師子林圖

此卷師子林圖徐幼文作凡十二段段有題名以古篆隸寫之獨損其一按圖當是雪堂云各係以五言詩凡十二首不書名氏後有少師姚榮公跋尾想見一時之文雅可補後來之郡乘榮公稱余友幼文洪武間爲師林如海作十二景余嘗題其上頗有稱譽卷中之詩當出榮公無疑而詞翰畫皆簡健按幼文名貴仕至河南左布政工詩能畫吳門四傑其一也

師子林在吳城東北隅本元僧維則之道場最號奇勝則好聚奇石類狻猊故取佛語名庵首圖一石題獅子峰者是已或云則得法於本中峰本時住天目之獅子巖蓋以識授受之原也姑蘓新志維則字天如姓譚氏至正勅人而跋尾稱如海師豈卽其人與但榮公跋於未樂丁酉似爲其徒携至京師而作故有四十餘年之歎而興感於幼文如海之謝世矣嘗聞榮公以少師還吳訪其師於師子林爲所拒至夜漏深以微服往叩後門求見有僧瞑目端坐止以手

題廿一

捫其頂曰和尚留得此在蓋榮公功成貴顯猶本僧服故不曾蓄髮徐云和尚撤下自己事却去管別人家事恁麼榮公憮然而去可謂本教中之喝棒手乃大善知識豈卽維則與又聞榮公法名道衍嘗學於相城之靈應觀道士席應真者畫得其兵法機事執弟子禮豈還吳所見乃應真耶顧風旨巖峻批糠事功異學中自有之不必深求其人亦可也暇日偶閱此卷因重裝之聊記于此

跋遊三巖排律後

予詩無工卽事乃止惟和篇必欲韻自已出然亦卒不能工也草池自滇南傳予友升庵先生論予書點畫皆有法斯言誠過當然予自以爲知己方池當今詩人冠冕或能評予詩否予舊在翰林以詞翰爲職業所交游皆一世名士得聞緒論詩本性情書滇有韻度爲勝近從事吏文因而棄去然時一爲之未暇也此遊三巖徧觀宋元以來題識刻石具見古人高雅之蹟非今人所可及摩挲其下與方池昆季俯仰歎息不能已已乃由中巖登上方高閣爲草池結宇

題世三

賦詩以酬佳勝

書輯跋

書一藝也忌者至於嘔血以傷生吝者至於發塚以禍死貪者至於犯禮律而爲盜賊之行雖以唐之文至而猶有蘭亭之舉措無惑乎其他也近世趙文敏公孟頫每以已書倍易鮮于樞之書得卽焚去旣幸公早死又惡其有身後名信然噫嘻亦甚矣惟嘆嘆學士子山之於周伯琦可謂有大臣之度者昔至正間將改奎章閣爲宣文閣先聘子山每令伯琦日篆

宣文閣榜數十伯琦殊不省識一日有吉命子山書宣文閣榜子山上言臣能真書非古古莫如篆朝廷宣文閣宜用篆書伯琦篆書今世無過之者順帝如其言召伯琦書下筆稱旨由是伯琦益見柄用古人於一事之微其委曲成就有大體如此大抵君子之人其意遠其心仁知天下之大非一手足之所能備也是故小善必容若將趨之而卒以濟務斯不亦見者遠乎知器業之成非專工不至也是故一藝之微終身不變而卒以傳世斯不亦存者仁乎余輯書學

題世三

成偶有感焉因識之

張公從先公學書以常布位侍郎事與古人同轍起龍附記

跋宋人臨閣帖

右閣帖第九卷內大令書吳門沈辟之持示以爲宋高宗所臨蓋據印識云秋雨樓居得細閱之紙墨皆非近世所有但工力靜專而筆意婉媚殆顯閣閣之製蓋臨摹者手多羞澁故爾慨想思陵好文筆札爲帝王第一一時妃嬪多事毫翰若憲聖吳夫人輩各有攻繖此乃宮闈中習倣之作其佳者乃復傳世耶聊記于後以俟博雅君子

跋義獻六十帖

此帖予次平定白二守應衡鑑所既曰此出揚州高氏高少卿穎之滂得此石於京師時予嘗與王欽佩共閱之蓋金城黃廷臣先生所為石門端溪紫稜而潤模勒皆工先生究心字學別有從古正文行世帖中釋文跋語蓋手筆也夫篆生隸隸生草草生楷故楷為草草寫隸隸寫篆草草多有隸晉唐間人每於楷中兼草體雖不同而法各有辨也先生好以古偏旁附麗楷法不免過奇如此帖釋文於草書亦時誤

題廿四

讀間為校定數字然今世書學亦豈復有斯人哉為之感歎因跋其後

再跋六十帖

予復得此帖於應衡諺云琴聲難學而易忘予亦謂此寡好而易壞正不厭其多也歐陽文忠公跋雜法帖云老年病目不能讀書又艱於執筆惟此與集古錄可以把玩而不欲屢閱者留為歸穎銷日之樂也文忠大賢愚不敢望萬分之一而病日廢讀既已有之湖田精舍與長林修竹在三江之口者恐不減穎

上行將歸矣當有此樂又曰物維不足然後其樂無窮彼其力至於勞則有時而厭爾然內樂猶有待於外物則退之所謂著山水與著城郭何異宜為有道者所笑也則其言深遠矣因併記於此以自覽省

跋十七帖

右十七帖不全石刻在關中近有蔣待御伯宣亦刻石於吳下顧不若此刻猶存拙意也黃伯思亟稱此帖為書中龍蓋妙在行款耳此本行款當為模勒者展促亦失之矣昔唐太宗購二王書右軍書有三千

題廿五

餘紙取其迹以類相從率一丈二尺為卷此帖亦一丈二尺凡百七行九百二十三字余叔有淳熙修內司帖一卷行款正同後復得趙松雪對臨墨蹟皆神采煥然可寶也往時周府東書堂晉府寶賢堂各用入刻皆不復知此矣漫記於此

跋唐人雙鉤大令帖

書學至於臨摹鉤搨能事畢而藝斯下矣雖然其法亦漸不如古若雙鉤惟唐人最工嘗見歐虞褚薛皆為之此卷獻之諸帖是白麻紙紙盡處有御府法書

印蓋宋思陵時物也其爲唐人手筆無疑舊藏王寧  
駙馬家識以承恩堂駙馬都尉承春侯圖書二印按  
中述文間駙馬以罪幽于家永樂改元始封承春侯  
帖後跋云嘗購得唐人雙鉤義獻帖各一卷義帖下  
而此卷存付其長子藏去又囑以深寶愛之當時動  
感好尚如此予在長安愛其舊也收得之

跋張翰宸書

右小楷宋清傳一通行草玉連環歌一通張翰宸先  
生書姚文光炤所藏裝池成卷以示予二文皆醫家

題廿六

言而文光亦好書習醫故尤愛之翰宸嘗署嘉定校  
官 國初以能書名今觀其行筆用鋒楚楚有法夫  
書學必窮點畫波磔之妙方能成家其猶醫也必知  
聖問問切之道乃可濟世該云學書止於廢紙學醫  
將至於廢人嗚呼可不慎哉文光其實之

跋南牧稿

余論文嘗欲如觀海海水也然可江河可湖可淵  
可瀨可濤可澄不欲如澗溪汨瀨激折縱不可涸才  
一體耳讀斯稿可以償吾素也

跋邵二泉西涯哀詞

右戶侍邵二泉先生國賢詩一卷皆西涯李文正公  
卒後之作以哀哀慕者萃寄都諫俞正齋國昌國昌  
亦深讀之迂曲之情不可已敦厚之義不可窮實近  
世以來師生之所鮮有千載而下讀之猶將涕泗滿  
襟况於識西崖知二泉如吾國昌者徃歲丙子秋深  
忽告北來舟次廣川適聞文正之訃亦有一詩哭之  
日細推天運幾生賢又是山川五百年廊廟江湖今  
復少文章功業古難全重來東觀嗟何及再過西涯

題廿七

定惘然白髮門生傷往事每看憂國淚雙漣壬申二  
月嘗嘗與修撰何粹夫塘檢討盛希道端明謁文正  
公於私第議及 國事公手揮雙淚意甚悲愴落句  
蓋紀實也因附卷尾以誌於正齋云

跋秋錦堂卷

菊借四時之氣根歸於冬茁於春苗於夏有華於秋  
是故芬芳爛熳足歷晦明春妍之花則不俟旬日老  
圃云然君子聞之曰菊以秋芳畢俟時也學以推行  
思進德也時足於是乎有守德是於是乎有爲吾友

考已要之宣志叙事如自己出者爲快深少喜誦放翁詩卧病山堂適檢渭南集文學姚時望以此卷要予書懶惰之餘因相與共誦之每一篇稱快卽爲泚筆書之不覺滿卷昔人云莊周齊物故與蝴蝶相化果然正不必異同意見也

跋陽關圖

右唐王右丞詩世所傳陽關三疊詞也調存而疊法廢往在京師日與王陽明都南濠論此或以爲每句作三疊歌或以爲止歌蒸句三疊迄無定說而紀載

題三十

亦各不同意當時必有譜而今無所於考也或以爲每句一歌每歌一疊輒域二字至三疊則歌三言矣言皆成文頗有紆徐婉曲之調似盡離別縈繞之情殊爲有理而亦未知卒合於本詞否也此圖余所藏李嵩舊本思齋子命工模之西土景物藹藹有思致可備覽觀非徒以工爲也因錄本詞於左方并識是說以審於思齋子

跋范石湖辭

右宋范文穆公九日小辭題曰石湖燕山作當是隆

興議和失受書禮汎使金國時所書挂浪音備可寶也公此行危甚立後而行至金以附奏并夏人通書事屢瀕于危賴以重名爲金所敬信而免高宗臨遣時亦嘗勉以嚙雪食糲之事故落句云惟有平安信隨雁到南州蓋喜幸之辭自後一月歸矣公宦業文名爲南宋冠冕家在石湖之上故號石湖居士云此卷今爲歙黃子靜所藏嘉靖甲申秋携過江東山居相示觀賞者久之敬書其後

書戰國策後

題三十一

余家窮鄉又故農也素無遺書迨余又力薄故其致書比於他難也十五六時喜讀蘓氏書側聞先儒悉謂蘓實原於戰國因訪諸友人得一斷簡蓋齊策至楚策凡十卷受而讀之其事至不足道而其文則至奇時恨未覩其全也壬戌之春會試南宮始購得之猶非善本下第南還避谷亭者幾兩月始伏讀之然殘闕者多未免遺恨嘗作三論兩補亡十五擬代雖詞采無取當復棄去然於是書不可謂無意也正德改元余第進士之明年始於同館徐子容借得善本

手自袖較而余之所有戰國策者乃僅可讀於是竊歎夫學欲及時而淵源不可少云

竊以是書古昔大儒多以其縱橫之習鄙而棄之故視他古書舛錯尤甚中間雖經劉氏魯氏之手今所傳本則鮑彪氏吳師道氏所為校釋蓋因劉魯之舊而加密焉者鮑氏嘗詆高誘為陋儒然鮑之高論自專勸以聖賢律游談之士是其所短而吳氏主於攻擊鮑氏持論往往失之太過反有不若鮑之得其平者間因較讎之餘正其句讀通其訓詁而二家之言

復時折中之藏弄以便私覽尚冀他日之復讀也策首舊載諸序猥雜今定以劉序曾序為冠其餘別為一卷以附其末云

題七寶寺僧詩卷

嘉靖甲申六月晦秋之三日也予遊七寶寺入門考覽觀知寺舊為陸質院吳越錢氏以塗金經至遂易今名若加一寶云然陸質本以陸氏家山名非以寶數也其承傳又矣少烈方丈中颯颯有秋思僧靜菴焚香作供出此卷蓋張學政友山先生手筆初為

法忍寺作復作此以遺碧山僧豈其所自珍愛者耶友山名璞鎮人也有文翰名此作亦自清逸可詼因附記歲月于此付靜菴嗣碧山藝之

跋鮮于伯機草書千文

此卷千文字屢見之其一勒石于四川按察司後堂其一表弟領世安所收京師見一本乃臨書也與此卷編構行款俱同因學前元時書名與趙文敏松雪相埒或謂道勁過之好事者至云松雪每以已書二幅易困學一幅焚去以其軋已也斯言何謂而學書

家乃有發塚嘔血之事將後人之談柄耶顧松雪書法盛傳于時而升堂入室者往往有人其甚乃有奪胎亂真至不可辯詰而因學之法傳者落落此卷跋尾所云南方士大夫以予北人塵識點畫固是樞謙不妨重出若云雪寒晨起筆墨不調等語豈容一朝之頃為一任候連書三四本殊以為疑而未之解但筆力當以此卷為勝

跋蘭亭

昭陵永閔千年蹟定武猶存幾樣碑今人間定武又

闕不可見矣世遠則同歸於盡何物不爾近世蘭亭  
翻刻稱汗中絕佳金陵購得此本紙墨又佳也又安  
知後之歎此不如彼者耶

跋東園遺詩

東園十三景賦詩者涿郡陶宗儀吳郡楊基富春吳  
發大梁董昇 倪樞 邵煥上海馬琬天台李  
真嘉興郭亨江右謝俊凡十人人十三篇凡百三十  
篇所稱東園者蓋吾松陸氏景周云其人無所見觀  
之園池亭館幽絕雅致而風騷相流激討亦一時之

題三四

勝也是卷今藏王子貞中書皆當時手筆惜也紙墨  
焦弊首尾衡決一時藻翰之盛計亦不止於此也因  
錄次爲一編以備郡中故事在勝國時浙西人士沿  
季宋晏安之習務以亭館相高而吾松尤號樂土四  
方各碩咸指爲避影託足之區故衣冠文獻爲江南  
冠按十人楊基字孟載陶宗儀字九成二人最知名  
餘詩皆有典刑可誦誦獨邵煥者題曰里人意復孺  
之子弟群從云按復孺名貞亨復孺之祖桂子字德  
芳號玄同自淳安來家小蒸後復孺徙居橫泖之上

於青谿若士詩中往往有青谿語則東園者豈當橫  
泖小蒸之間與異日東還扁舟杖藜徘徊其地時歌  
佳句慰昔人於山光水色之間而故家文獻倘有無  
恙而幸存者豈非一快事哉

跋家藏韓幹畫馬

右八馬深家太史公竹坡先生購得之以呈先大父  
筠松翁翁目之曰八駿圖最所欣賞長兄友琴先生  
受而藏之深兒時影略記其如此蓋吾邑一士夫家  
故物倉卒流落後有題識甚富尚藏其家正德戊辰

題三五

南歸明年理先世舊物友琴先生持以見畀是時筠  
松府君卽世餘一紀矣相與捧泣裝爲橫卷每以自  
隨因誦東坡所題韓幹十四馬詩按圖而索正爲是  
作是殆韓畫也惜自後涉而下亡其六馬庚辰之歲  
因有損脫付之重裝而先兄友琴亦復小祥矣感悼  
之餘乃錄蘓文忠公詩跋其後以示子孫夫法書名  
畫果入神妙猶爲無益於世而巧偷豪奪胎禍以累  
德者不少君子之所爲殷鑒也徒以是卷繫吾家世  
澤所以重者有不在區區藝能之末亦復以示子孫



跋所贈沈子龍詩

子龍自為諸生時予識於一見蓋不特以其文也頃年果能脫穎名場鄉里頗以予為知人予他無所長獨於鑒識天下士歷歷有奇驗豈多言偶中重予不幸耶今歲庚辰會試予為鄉郡士預下呼盧成梟擬招至成均東署聽捷廿六日為會吾門有廖生道南者逕至遂留與會予心賞廖然私望尚在鄉邦也既張燈小燕賦聚奎亭詩各持片紙觴翰雜飛以候漏下三十刻各心動有從座逸去者予諦視子龍意度

間推若不介懷方與客圍碁決勝既乃出古琴為鼓一弄行已而報至廖生果以詩經魁天下吳君與成亦占前列吾邑李君廷鳳繼之子龍氣益和周旋益整飭余心益重之乃送廖與去赴公事復呼酒與子龍飲劇談古人道德之高懿文章之升降與吾鄉風俗之轉移不覺曙光已動候吏速予晨班矣遂與之別上之出處固自有時一第豈足為子龍多哉因贈以詩

五世孫陸瀛齡重編補刊

陸文裕公行遠集

卷十三

從曾孫陸起龍謹編

書啓

與夏公謹都諫

足下受知 聖主大行所學往在延平嘗奉教翰比日拜手書奏議顧罪戾之人不即裁謝亦恃吾公諱有以亮之也夏初入晉勉強供事頗喜此方朴野若可以展布者而上下物情亦復懽然令人頓忘其孤遠也近時頗有大難處者別當奉聞且僕之去國

也重負者 聖恩耳然於事幾之微未為無見不自量亦亦欲效馳驅於其間詎意輟方發而軸先折矣秋來一闕頗得洗脫與老妻弱子在谿山佳絕處以自慶殆天所擬此意未易與他人言也但當日與見山形迹不過謂之公事不和而已兩無私怨予奪之權 朝廷實主之公論在士大夫在萬世一身之去就甚輕也僕雖萬里之行意甚安之自此來悠悠之談乃皆謂見山將甘心於僕而僕嘗併得罪於羅峯此言喧傳於是人人始以僕為奇貨而競欲賣之矣

但恐積微成著致誤時賢此非筆墨可盡也昔柳子厚與蕭思謙書云飾知求仕者更言僕以悅讐人之心日爲新奇務相喜可自以速援引之路而僕輩坐益困辱萬罪橫生意嘗非之宗元喜功名不自愛重在八司馬列若其黨就勢成誤國不淺宜天下之所深讐也無復悔悟而乃深文以委罪厚已以薄人眞天下之險躁士也及觀陳師道問訊黃魯直便至仕者不相陵否僕始疑魯直文人不過以言語詞章取怒時宰耳仕者同類何至相陵至於舒賈李定之於

書二

蘇子瞻然後知天下之物情變態其所繇來者非一日矣意又憐之竊傷今之人去古之人又遠矣義命之說僕蓋聞之自顧在再歲年便已五十有五矣精神氣血等是六七十老人桑榆之日無復再中蒲柳之姿自應早落徒以先隴猶荒丁男當娶此心未嘗不一日南望悲傷也人情不遠公謹宜有以體之且夫君臣之交方固朋友之好未携當斯時也豈不能待乎偶以褊心與之較文義之微許毫釐之分坐成蹉跌如此者雖敗猶榮乃若蓄憂疑隱忍之心以須

浮雲飄風之會縱復奇中如此者以榮爲辱千里之謬古人所以瘖也僕自先人見背祿不逮養已辦終焉之計秉志不堅妄謂用之則行今鑄此大錯矣嘗愛歐陽公兩言有所不爲之謂耻有所不取之謂廉賤年未路誓當守此由今觀之亦可謂無所不爲無所不取矣又嘗自惟性好潔高難堪再辱此宜公謹之所知也古人有言感恩則有之知己則未也今知己非公謹而誰哉聊因人便附此不盡

與方叔賢家宰

書三

深自先人背違旋遭擠毀結廬田中已有終焉之志自外 朝籍者餘四五年矣辱公薦揚遂承 召命中途聞擢附驥趨 廷豈勝感激思奮深爲祭酒公在禮部深謫延平公在吏部山西之 命又辱吹噓是皆愛深之至者矣雖然愛之至又不若知之深也此有陳乞 命下之日只煩早賜成全之則知己之恩大矣譬如奕棋滿局皆敗尚須廬山老此一着也意難言盡感與淚俱

與王荆山都憲

伏惟明公德政威望風行江南者儼如神明二十年猶一日也深當是時初入仕途每覘候一言一行以爲師法私自念曰此非近代人物自是先後叨同朝班雖雲泥路迥未獲朝夕親炙以慰素心每一過明公館寓未嘗不停馬致敬爲之啓關而授刺也亦非一日矣所願執鞭投效以復報於明公者嘗恐無地此心訂當適於神明豈敢飾說於左右近者叨官國子深愧非薄有負君相委託之重不意令器汝梅來遊僑門此雖職事亦深所以求報於明公之萬

書四

一也但在稠人之中未能遂爲之賞識爾昨蒙督過捧讀之餘寢食不暇晨入國學細檢科條自祖宗以來舊規成憲試爲明公言之每日坐堂抽籤點班若遇背書日期堂友長捧籤率領班生送過博士廳挨名驗背坐堂班生背其所讀之書新入監生則按日分背監規各官所臨衆目共視若因令郎一人將遂免其一班乎瞻仰之地勢有不能將自今以往祇因令郎一人并與其抽籤背書者遂廢而不行乎條教之際法亦不敢僕欲有請於明公者久矣卽此一

事情法兩全必有善處亦幸有以教之況今聖駕在遠百事宜慎正賴宰輔之臣容庶僚之守法耳而法之行也必有公平正大之體不諂不賣然後可以當人心歷物論亦僕職事之所宜盡不敢有分毫加之意者而亦豈非明公之所爲贊襄彌縫以樂於羣王百僚之交修共勉者但恐汝梅久樂放縱一時不堪約束家庭之間稟說失實致明公之過聽耳故敢委曲道達兼布所以嚮慕之私如此伏惟亮之容上日請強聒之罪

書五

### 與康德海脩撰論樂

何桓齋曰今世詞曲與古樂同此言有理顧曲折細微古今須別爾何者古樂主聲詞所以譜其聲也孔子所刪刪其不合於管絃者如素絢不錄是已謂之爲逸詩者非也惟聲聒易亾三百篇之聲未及漢已亾今特傳其詞耳漢樂府名新聲故詞難詮次新聲又亾至魏晉之詞通解而聲又亾後周得江左樂工至隋唐聲又亾唐詞多今律詩而聲又亾宋歌詩餘聲又亾至金元時曲子盛行今所傳者南北調二聲

在耳謂此謂古樂深未敢信也大抵古人審聲以選字然後鍊字以摘文後世先結文字乃損益律呂以和之去元聲遠矣恐非古也卽今詞曲論之亦有聲意二端聲一定而意無窮凡聲急處是欲趕板意緩處是欲合索蓋有眼以度腔調絲在指撥遲速惟意若明皇遲玉笛以合霓裳是已是後聲傳節拍意傳義理此感通之妙古今無二謂卽此是古樂深亦不敢信也舊傳王蔡張飛等作傳奇俱含鍊鍛人才意所以鼓舞人精神不倦此却與詩之正變合不屬

音六

義理宋儒所失正風變風大雅小雅是剩語也深行旅疲憊漫浪及此何當而質爲樂願承教

答張君玉

深比方卧病杜門忽承令郎枉顧強起以野服奉見於寓樓追念長者二十年之遊從知遇豈夢寐耶及拜手教累幅委曲誠欵洞出肺肝具見長者風神精采無任欣慰深辱愛最早最深今老矣不自量力輕犯世故憂患頻仍心志衰耗賴先人之業足以自適近築一隱居當三江之合流頗有竹樹泉石之勝又

累上作三山過清溪景候可以望海其下葺退居之室傍曰菴勝今年四十有九矣因令其左齋曰知非右齋曰知還靜勝之後復作一堂度明年可成咸卽當題曰知命但不敢爾醫藥稍服時時燕處其中大懼以筆硯爲累卽辦一味椿坐耳何由得奉長者一經其處隨意點染悉成勝景豈想如何是中藏書滿架所欠者白齋集耳不深今日併與續集得之快事快事向晚到手自深若此令郎不能曲留方疾附此以代答居之深道保攝以躋上壽

音七

與曹茂勳

令伯至辱手教兼悉起甚善爲慰索令祖母墓誌已爲撰成顧卑陋之筆不足發揚先德是懼是愧行狀中有數處未安悉加潤色作誌乞知之殂字是不得正終之稱况是君后所用綱目凡例可考見也故只書卒繼聘二字義是再娶也祖堂恐不當稱之詳讀此節文字委曲反覆却是執事欲與祖堂詳其爲妄占人妻齊妾接乃是定分名正而言順此正不當爲之詳耳故僕起誌側室二字爲綱却用繼嗣一段

接之自見其爲不輕矣多材藝至通曉一段此雖是  
祖堂實事然婦人之職無非無儀欲以是爲盛德傳  
之後世恐不可况多材多藝四字尤不可施於閨門  
故僕却叙此事於誌尾以見其爲令祖堂之餘事而  
亦能如此精絕不滋重與中叙祖堂起家一段尤未  
安細讀文義却是當時曹氏凡百大小皆出自祖堂  
不復知有嫡矣古人嫡廢之分恐不如是其爲祖堂  
累甚爲不淺故僕盡用執事之文而小變法度見其  
若有承統而祖堂之功在曹氏者益顯嗚呼金石文

書八

字有天下萬世在後敢不慎重僕文雖下劣然却是  
字字較量過也更有未安處乞以書來尙當改定不  
敢憚勞也不識如何

與邑侯

深聞先人言吾邑風俗甚厚士大夫於鄉閭甚有惠  
澤鄉人極知尊敬士夫雖流寓異地一及鄉士夫之  
名甚有光榮每遇科第則闔邑雷動有助喜之意深  
少猶及見之後來此意漸微士夫惠澤之路漸狹而  
鄉人如無情矣近年以來則大不然士夫以鄉里爲

吐啖之具而鄉人遂懷恩怨之心此吐啖之不得則  
假勢附權以變亂其黑白必欲遂其欲則騙局開矣  
彼恩怨之不足則繼之以要望士夫欲廣利路則於  
彼要望之小小者亦或姑單籠之鄉人之黠慧習見  
如此要望之不足然後反誣士夫以謀害陽爲怨毒  
以陰遂其要望之心於是始爾弊也當道者悉其情  
狀如此故待士夫甚輕士夫不知猶欲掉口舌其間  
以爲文奸飾詐之計而當道者愈不平矣故今日士  
夫非惟不能免親厚者于難而并與身家亦受難矣

書九

嗚呼誰任其咎豈不大可哀耶

與沈西津方伯

緬惟執事擢科第時僕方束髮操筆爲科舉文字然  
與執事有通家之好聯姻之雅不可謂不相知也而  
亦不可以謂盡相知也當時執事之知僕謂可以至  
今日而已矣僕之知執事者若芝草若鳳凰若麒麟  
若隋珠和璧望其外而念其爲天下之奇寶也中間  
執事登朝爲天子近臣僕束縛校官聲與聞不  
相及者久之壬戌之歲竊與計偕來會於都門及下

第南還匆匆兩月而別去去冬北上會執事於常州道中蒙出高作見示讀之終快知執事之志於道進於文凡向之臆度料想者始窺見其槩矣雖然亦未敢自信也今年僕忝登第會執事以使事還京握手劇談於是芝草之祥瑞鳳凰之靈淑麒麟之仁厚隋珠之照夜而和璧之截肪者乃盡得之奇矣哉僕之知執事也僕遨遊兩都凡大人君子之側未嘗不奉贊往交之而當世之號爲大人君子者亦不以僕爲不肖而進之故聞人頗不少矣然能知文章如執事

書十一

盡言不諱如執事樂道人之善休休有容如執事求之大人君子之列固已難矣夫文章不患其不知患其知之而不肯盡言也盡言矣而患其以驕與忌乘之執事知而能言能言而能容僕又曷敢自失於執事也哉謹以所著雜文數首詩二卷伏惟一覽僕之能果盡於是乎否也謂盡於是是不盡於是是在執事而已矣僕何與焉

月餘不奉候昨獲瞻對風神清腴方與世安表弟慶慰問再辱手書似有不滿僕者讀未終篇不勝皇悚

恐執事偶未之察爾今世好盡言直道喜規人過者無過執事豈忍不爲執事盡之昨東所云平心者因來劄云自少至老於人了無嫉忌故特奉頌盛德非敢奉勸忘情也今爲執事盡之夫人心無形雖有形而難見故心不可以平不平言先儒嘗有平心之說蓋借衡平以爲此心喻耳衡今之稱梗鈞石銖兩各以星分推移以權重輕耳應初不容有一毫人爲之助今世稱等金銀之器至今俗謔謂之天平云衡之爲物也授以鈞石則應之以鈞石授以銖兩則應之

書十一

以銖兩夫是之謂平若本輕也而欲使之重則衡低本重也而欲使之輕則衡昂是之謂不平其於人也心具乎性性發乎情情之所向輕重生焉輕事而應之以輕重事而應之以重是之謂平若輕其所重而重其所輕是之謂不平此平心之本旨也執事似以寬縱爲平心豈誤耶精察而熟思之義理自見矣來論所引律文多未合何也准者但准其罪不在除名之例此是例分八字之義元不屬名例律內名例律自有稱與同罪一條是蓋據成案以再解以准之義

稱如呈稱俱稱之類若稱准盜則免刺若稱以盜與  
負犯用此爲合律若稱准而刺字稱以而免刺者合  
律官司出入人罪依律議擬似難使科律令重刑至  
於風聞言事未蒙施行者豈容深文必當有以服人  
之心方是法家若夫排陷裝誣別自有律執事嘗以  
漢廷老吏自居豈獨踰於此耶僕本書生不諳吏文  
試扣所疑如此願受教焉若謂深耶泛交而薄至也  
出姦人之下策則僕亦未敢以執事爲知己也病後  
荒絮惟不罪幸甚

### 與顧世安

世其甥來縷縷道起居之詳令人懷想慨然走自夏  
初入都門衰病之餘殊覺人事委積隨分應酬倦卽  
撥置世間榮辱毀譽事一毫不復動念但靜中別起  
一段思慮難遣卽釋氏之所謂魔也當持定力勝之  
賢弟能比來可共辦此功業如何

### 與楊東濱

唐橋夜別情感萬端深南行一行人皆賴尊庇粗適  
輕舟軟輿上下山水間如在畫圖不知身是遷客也

人言九勝大都丹崖碧嶺隨處而有至於深潭絕壁  
倚天卓立白雲英爽卷舒其下剗削點綴疑有神工  
是亦不可名狀每每忘返悔恨不强東濱來共此爲  
之慨然八月二十一日履任正當木犀盛開山中老  
樹有兩人合抱繁陰蔽天清香數十里愧無少酒量  
請之公屏在山椒四圍紫翠在一指領開後有小園  
有方亭流泉時時燕坐耳目清淨可以忘老於此矣  
展下文候何如世相日在念奈何無以振之也  
晚將有佳月別具畫船載鼓吹同汎何如拱候適得

書十三

和章辭翰雙絕令人爽然繼之以感歎也內典謂世  
界本闕陷奈何昨載至湖石數株西堂前添却一倍  
磊砢新涼得月能過我爲信宿留乎兼製隱居冠服  
待旦夕間命下便作山中無事老人矣

山居初就日有遊人每一躋攀東濱未嘗不在念也  
僕新置二畫舸只用四五人可行約載數客其一設  
繩牀偃卧其一具歌吹先驅風日妍美卽挾以出浦  
隨潮上下選勝而登或尋小卷溪訪故舊卽亭枕而  
去此或古人所未有也今秋稍健領念京師同輩多

入鬼錄不能不爲之嬰情耳娛老之計聊報知己

清明時節樓船簫鼓行江南道中亦復奇勝三月三

日渡江過儀真從陸抵環滁雨中望醉翁亭甚適自

此渡淮酒迥黃河登太行陟上黨涉沁橫汾入晉陽

即日將出鴈門入雲中歷覽長城之塞帥諸生較射

慨然有北向燕然之志每當意會處未嘗不念東濱

同之比來起居何似幸自愛

僕到此經遠出巡將及千里往返山川有極佳者大

率太行西麓爲山西高平中得一平曠有水處便立

書十四

州縣城堞外四面皆山真所謂萬疊雲屏也五臺尤

靈樞而長松喬木高下森矗如虬龍有輿只行樹梢

也六月須挾纜都無暑氣尚欲抵雲中觀漢武五將

軍出塞之地上醫巫閭然後南還耳

僕夜歸宿山中晨起觀初日散影遙田滿地皆白雲

以軟輿經過瀾漫霖霖俯見城郭此身真在天上須

吏扁舟亂流如汎瀛洲還坐南榮映日從兒子寫漢

書一兩段方啜新稻飯一盃此樂恨不與東濱共之

急足報去能乘輿來此一話如何

昨以田家事催我東渡西郊汎月伺重陽修故事也

花間與客坐水晶亭子得佳章累幅不覺滿座生香

晚桂將舒早菊欲放芙蓉映條柳在秋水兼葭之外

何當置東濱於其間讀道書也

此行只投石峯老先生足以濟事僕屏居一秃翁耳

何能爲何能爲况計筭迂拙不合時一應親知事皆

不敢與獨於東濱不能忘情大槩機會容易失議論

不可高務須靠着實地方有效驗處深老矣閱世頗

深每見一等用智之士陽沾美名陰規厚利豈惟爲

書十五

豪傑所笑犯物理多矣吾東濱慎之只此迂拙奉獻

耳

與瞿親家

昨承顧併示世明九臯寄到書併知近事頗以爲念

然此事豈深輩所可與力者哉瞿門自有尊屬畢竟

是他兄弟但此事深往年在家時親見伯翔臨終委

曲南山先生實主其事具有成說自深論之香火繼

承之意微而田宅產業之心重萬里九臯如出一轍

吾嘗兩笑之而不敢有所主也雖老舅見示一二吾



亦笑而不答但立嗣一節在今事例自有成法生而無後則聽立其所悅無後而死則當論其昭穆若生而有所不悅者猶得告官別立况既死之後而欲苦若以其所不悅者承之此豈立法制律之本意哉前年朱玉洲來京嘗及此事亦承外母太夫人萬里俱有書及彼時裁答特為婉辭深望其以仁義處之不意日新月盛以至於此此豈瞿氏門祚之福哉向時亦曾托吳敬之從中調停今聞其偏有所黨渠輩不過以愛憎之情視強弱之勢耳復如陳際時者亦親

書十六

時趨向之人本無定見萬里而聽信之又豈萬里之福哉况彼本弟兄雖成仇隙然自先尊長視之均為子孫必欲聞官須俟萬里先發禮律固在曲直必有所歸矣深輩不能為深遠之思惟盡目前勢力妄有厚薄致有所偏今縱恐為他日何以見死者於地下乎決難從命薄劣所見止此在親家必有感化之術深願觀其成焉

家書

十六日早入 太廟陪拜至午方出天氣晴明 聖

容登樓親見夏閣老手持 黃票似是 詔書條符 御製也此間事情盡出 聖意如我轉遞皆 朝廷自主張無能為力但覺 聖意眷注日加每 有文字坐名撰次具稿 進呈並無點竄即此恐無 以報答汝毋病餘我心亦欲一回南部闕亦可得但 朝廷聖明不敢言私近日品論廷臣各加優劣說 如今翰林都無人只陸深舉動好將來可以入閣且 遲些遲些前在山陵亦說陸深只是憊直 天語如 此聞之感懼

書十七

連得吾兒書皆與我論官級轉遷此是人間父子至 情但汝父自發身以來未嘗擇官而仕亦未嘗厚望 於人至於清階榮任固聽其自至耳况近日陞擢皆 受知 主上親為注擬雖吏部亦不得與聞此又希 世之遇顧衰鈍不能報稱爾雖然文名不如行名好 官不如好人勉之 吾兒論吾轉官事此自有定命斷非人謀可與也望 人薦引防人擠排此等意念一毫不可留置胸中便 成妬忌種子也吾一生官資十餘轉皆未嘗有所擇

今官清燕可以省事可以養生亦可以寒過吾未厭也知之

方在收束山陵之行黃驗封郎中親送改給追贈手本至 朝廷曠蕩之恩 祖宗豐厚之澤臣子希闕之遇友朋憐愛之情一時併具所謂喜極涕零不知為子孫者何以為報也寄回便可據此焚黃改題神主禮節讀龍江翁斟酌之

天子親饗 太廟行古禮 皇后亞獻 妃獻 列聖命婦助祭用幃幃列班於 廟廷一代禮文之盛

書十八

惜汝母之不及與也吾為之南望慨然

知均得事出銀想有司立法之初如此不必告乞饒免且隨衆納銀况我家三十年來蒙 朝廷恩澤甚多所謂秋毫皆帝力也只奉府縣出銀亦是忠 君報國一事知之

讀書學問大事在養心養心先須養氣元氣充足百事可辦接見人務要揀擇無益之事足以費日力害身心當畏之如蛇蝎可也

念吾兒獨學於家海濱少麗澤之益且經學尚未經

師講明大凡講學須明經明經以經世為大吾兒此行游諸老閒亦有所觀法乎讀書之暇亦須處置家事別辨男女灑掃室堂羞潔祭祀應接賓客鈴束婢僕問理園田之類畧畧經心但不可為利耳吾少時讀書亦只是隨世俗以圖榮華溫飽故不能大有為於天下兒當以遠大自期立志以明道希文為的勉之

聞吾兒面生紅瘡此是心火過勞傷肺金所致此等調攝自養當寬所謂寬者非弛縱頹靡之謂也凡事

書十九

從容順應無迫促急躁意思到此方是學問古人云愛身明道修己俟時此喫緊第一法也眼前不如意事亦須區處要令胸次灑然不可傷氣汝早有令名古人以為不幸須防造物忌之

處族之道當以孝弟為本而尊敬富施之賢者至於任用必量其才力過則有悔而思義於是不終矣須要泛愛親仁始得

初場七篇文字破題要整齊溜亮講股要分明切理繳束處要出新意以見精神切忌短弱作結老健有

沈道忌對澁中場作論於時文中作古文間架要  
雄深雅健忌熟爛與套子說理文字要鋪叙義理  
明潤成章與作史論立議論不同格表只要徑釘圓  
熟須看時代若唐表只看韓柳等作宋表要典則雅  
麗俱須照管題目用意措詞五判畧知律意便可周  
事與去以通暢爲上五策先要識策眼只在策間中  
已合此意了認得了大頭腦便縱橫說去大凡作文  
須要從胸次流出方成作家細看兩漢韓文當有自  
得處又須與自己合處用工切不可隨人贊毀也

書二十一

### 與潞郡公啓

推轂勸駕功莫大于薦賢懸車杜門義當揆于揣分  
旋求艾蓄深媿禮羅茲遇某官拔俊萬人專城千里  
當三年有成之日具八面受敵之才不遺孤遠之蹤  
仰承 天子備陳儀物之數近捧部符筐篚克庭果  
核惟旅朋專用享特牲致儀賁光增丘園之耀泰道  
成茅茹之風自顧匪人叨逢曠典於今爲盛振古希  
聞深早忝甲科粗通章句叨分藜火才何有于三長  
旋擁臯比敬未洽於五教徒傷風水遂中膏肓制禮

一本先王賢者雖不敢過涉險以奉遺體孝子其何  
忍安况當四五十之無聞願竊一丘一壑以自老  
忝承敦遣自分衰遲駕駘之足縱鞭策以誰施麋鹿  
之羣望山林而長往未效涓埃志雖存而力不逮若  
飲江海腹有限而味無窮晚節易訛盛名難副倘庇  
二天之幸聊藉一枝爲安所奉腆儀竟成完璧千金  
之價須令冀北空羣一飯之恩徒感王孫必報舊疴  
勿藥尚思歌詠于太平去日苦多欲事補裨于末路  
天惟可鑒言實由衷速望收回俯慰悚爰

書二十二

### 請沈西津小啓

微雨澹雲正是養花天氣輕舟短棹雅宜沽酒溪橋  
人生行樂春事將闌倘高益之惠臨見大川之利涉  
青芻白餈薄信具之茗枕爐薰聊復爾爾

五世從孫陸瀛齡重編補刊

從曾孫陸起龍謹編

賦

瑞麥賦

僕聞居田野多見瑞麥兩岐三岐至五六岐  
彼九岐者得于傳聞殆未之見感茲休禎造  
賦一篇有頌有美有風有刺義主勸戒附于  
古詩人之譎諷雖不足以希蹤相如子雲庶  
東京之流亞也示我同志靡得而布焉

天子正德五祀孟月維夏知子瘍發下體更朔新  
愈有客喧焉登堂三揖乃歛髯吐論曰夫物有異產  
事有奇遭談肉者不可與論味昧者不可與即文  
闕哉希乎今茲之所觀也子足良苦抑未之知乎知  
知子蹙然而起危襟橫几奉客下風曰唯唯願客詔  
之客曰走故農家五穀是理爰自弱齡勤厥四體今  
年逾知命而豐穰凡幾一畝三石稂莠吐米皆未若  
今歲之為瑞也麥苗芄芄穰岐為二揚芒含穎復為  
三四多者五六將將覆地東鄰一壘九岐尤異殆淳

和之所薰蒸而上帝用以錫類也周書異畝漢歌兩  
岐陋昔人之誇詡昭后皇之惠慈雖蒙白之翁負玄  
之老皆緣畝玩視相與嗟咨若走者齒髮猶盛涉歷  
未廣宜乎驚悸而夥顧也知知子仰屋太息索然久  
之曰否否客何談之鑿也夫緣物者貴質敷文者適  
用且夫麟鳳之希難以漆饒芝菌之祥難以充庖雲  
錦之爛難以禦寒蠨蛸之光難以續膏是以聖明抑  
難得之貨壅不稽之言誠以重本而緩末棄無益而  
即有用也客幸目觀岐麥洋洋稱瑞民瘼甚矣果誰

賦二

之致獨非客之所觀見者乎試為客語往歲已巳運  
厄元元夏耘被壑滂雨注天晝夕閔七颶風相牽海  
波怒而山立江湖噴以駿奔蛟龍舞於街衢岡阜淪  
為澹淵漂尸橫野浮畜菽川千里一壘萬竈絕煙於  
是百年之完聚連邑之生全化為魚鱉莖于鯨鱣者  
殆過半矣暨乎水退民失故居滄桑一變形勝都非  
朱門沉其閭閻碧瓦蕩為丘墟鳥窺巢而不下狐訪  
穴而重疑號哭振野提負沿途父棄其子妻別其夫  
相與轉徙乞丐奔逐接接若流星之逼曙如敗葉之

辭也於是強有力者牢朽材於古岸塞行潦以爲薪依濕林爲棟幹綴敗席爲閣閣潤燠無別卧食不分什併爲五業仇講鄰相依爲命枵腹連旬野無留菜樹不遺根微倖于萬一苟活於且昏爾乃積陰鬱結隆冬盛寒管冰于尺竹栢栢乾登祝融之故都爲玄冥之管驂何暖暖之陽國領風烈於塞垣民無風具冒不素安於是受凍而仆者又如于矣天子方軫念南服融照閣閣發德音大王言貸常賦關四門封簡書於芝檢勤使著於輔軒省太官之供調減司

賦三

寇之坐論賑倉廩之儲積獨通負之浩繁方將奪民命於溝壑續生氣於遊魂蓋三五之罕有而二氣所不能全之曠恩也良有司方憂經費之不足懼考課之曠後鴻澤持而不下限令疾於電走朝四莫三示一藏九使民破十家之產僅足以輸一家費數畝之田未足以賦一畝笳鼓盈村擾及豚狗爾乃制爲嚴刑迫及黃耆巨木囊頭重金繫肘臂無完膚指欲墮手然壑之填未厭伸暴之門何有於是子遺之民瘡痍之末斃於敲扑困於征科者蓋淪胥以盡漸不可

久矣戾氣醞釀蒸爲疫癘方且乘陽發騰衝不可制今枕藉而病卧者比比皆是招醫降巫若憤若醉是其凍餓餓於胃腸刑罰憐其心志發雙伏而並攻何方藥之能治厥禍方萌殆未知其所至也使壘畝之植一本而十岐其帶而百穗將安救之而客誇以爲瑞哉且菽粟所以貴於珍鼎布縷所以加於玄黃者爲其有用也今夫用者徒存而用者已亡是謂隆虛而病實忘遠而娛細矣僕竊爲客贊而不取也客聞而憮然曰噫嘻有是哉子之迂也信乎執一者未

賦四

足與權二泥彼者不可與適此子徒鑿於己已之變爲流而不止乎是殆滯於陰陽之迹而未深於斯理者也且夫於穆之化圜運不已剝終必復泰因於否吉凶互尋禍福相倚夫蟲之蠕蠕也不屈不廢地之隆隆也不伏不起數逆斯通氣順乃死是故九載之水或以成堯七年之旱終以啓禹子豈知夫凶儉之後繼之以豐稔登進之漸承之以君子耶然而氣機索篇必有攸始兆先於物發遠伊邇鍾鳴而隕霜礎潤而降雨走誠得於俯仰之餘是以釋近憂而崇遠

善也。三夫交僕，四氣實首，五穀詩人頌其於皇下氓。  
於以齊育，績歲功於繁春，函潛氣而多淑，是休嘉之  
先。保其理於將復，示帝心之仁愛，啓方來之祉福。  
言有闕而必繼，孰無徵而廼獲。走且與子託丘壑，以  
優游咏皇風之清穆，是故有取于麥岐。子何責之備  
而論之刻耶？知子之能離客乃躡屐而退曳杖，而  
歌歌日來秀兮，多岐履履兮，壘壘發其之子魯是兮。  
弗思於是，知知子更乎，潛室沈思，淵默締情，縈於渾  
淪抽端緒於開闢，推玄化之始終，考休咎於遺冊，覽

賦五

素秋之所書，測消長於三易，道有殊而歸同理，既契  
而心戚，然則客之言似亦未爲失也。將以厥明戒館  
密，爾胥陌辨麥岐之踈，數聽鄰鄭之損益，問勤勩於  
三時，弔疾苦於緩急，於時風輕景融，煙朗霧清，謝彫  
而却繁，纓被大練，策溪藤道以童子從，以經生指三  
汀以東鷺，遵龍江而緩征，瞻桑梓於原隰，拜松楸於  
佳城，睇海氛於極際，儼波浪之奔轟，感鈞游之舊踪，  
慨歲月之不停，萬里墟之蔓延，有孤物而屢更，亦浮  
雲之多態，何難樹而易傾，悵久寄於異土，心戀戀乎

故京方徘徊，以瞻眺，嘗彷徨而屏營，顧見道左麥穗  
岐，岐本同末，異旁無附枝，始戟戟以競秀，竟變變而  
莫攜，將神工之妙，合復化鈞之巧，持或雙昂以森，蓋  
或左右以紛披，或越岷而希挺，亦共房而駢垂，薄長  
駘以涸泮，照圓景而陸離，等比翼於異類，啞連理而  
不爲固，物薄而稟厚，騰衆喙以增奇，胡哲人之超軼  
隨所如，而見疑，昔宣尼之瑞魯，匡人怪而圖之比干，  
之忠，蔑巨不祥而戮尸，彼二聖且猶然，般懼此又何  
辭，抑軒輊之偶，致將彼蒼之有知，於是歷覽既倦，義

賦六

馭未疲，攬厥穎，異米掇以歸洵，皇澤之滲漉，拯黎民  
於阻饑，託子墨以宣秘，聊洋洋以陳詞。  
空同子陽明子同日去國作南征賦  
宣肅肅以宵征，兮悲往路之未央，懼中道之折軸，兮  
思改轍又惡夫無良，顧僕夫以先後兮，喟河廣之誰  
航，瞻桑梓之翳翳兮，孰云忍捐夫故鄉，方青春之駘  
蕩兮，何雨雪之縱橫，白日匿其耿光兮，鬱浮雲以翻  
揚，睇山川以無極兮，陵谷杳乎其孰明，叶祥狐嗥而  
風厲兮，何有於噦噦之鳳凰，昔宣尼之遑遑兮，回蒙

笑於楚狂展直躬以事人兮卒三黜乎舊邦慨廢室  
之多賢兮王子剖而信芳苟璞玉之終在兮雖屢削  
又何傷謀人之國兮焉有禍而彌藏觀巨盜之乘垣  
兮固將謁之以峻防謂余夢寐之顛倒兮豈敢幸其  
必當黑白之同體兮蓋昔焉之所常憚嬋娟之翹姬  
兮吾安忍利夫清揚彙絺綌以禦冬兮疇駕尤於寒  
涼狎逆鱗而批之固以不碎爲慶叶也斥虎之使逝  
兮遭反噬未爲殃也叩衷之詢安兮初未量乎得喪  
叶曩委羽於東海兮奚成功之可望矢貞心之不泯

賦七

今瀕九死吾猶懼昔淑媛之見背兮竟結髮之難忘  
悵恩情之中絕兮往將灑掃乎室堂彼良農之俶載  
兮力刈乎芳稟稔誕嘉穀之離離兮竟收功於千倉  
慶中流以失楫兮登俟共載而劬勩燕雀安於楚棟  
兮斯物知之不長服先哲之明訓兮希旁燭之煌煌  
神龍之淵天兮諒所乘之允臧步中夜以顧瞻兮皖  
牽牛與七襄永相望於咫尺兮庶精誠之可將仰天  
閣之九重兮冀義馭之回光魂怳怳以上征兮蹇徘徊  
以彷徨亂曰桂車蘭軒服騏驎兮登高臨深送征

人兮懷芳握馨遺心親兮瞻望弗及涕泗零兮

水聲賦

陸子北征困於道路日不數里而師隸崩廢  
數更告勞獻瘁蓄澁稍愆則舟膠于沙夜宿  
河次聞河水努睡而過者淙淙汨汨臥不成  
寐乃秉燭倚舷聽而賦之

轟轟乎蟄雷薄地軸與鷗鷗乎將颶風撼而砥柱折  
與喧喧乎龍嘯雲與哮哮乎長鯨之吼日與逢逢乎  
周庭鼉鼓何桴之不絕也呖呖乎蕭寺鳧鍾而廷又

賦八

無節也閔閔乎共工之首觝觸天柱與隱隱乎穆王  
之駿馭道馳掣與鏗鏘乎長平機發金革偕糜與烘  
烘乎咸陽火縱而玉石裂與南薰和兮調揚泰山頽  
兮響長洞庭奏兮未闕華州哭兮不傷將使褒姬輕  
裂帛巫山醒襄王胡騎解重圍而鍾生改聽乎宮商  
也陸子寤驚惕若心兵靜言審之何爲乎鳴舟人告  
予是曰水聲

五世從孫陸瀛齡重編補刊

從曾孫陸起龍謹編

四言古詩

修竹篇 孝子備物以奉親物取於備孝之至也

瞻彼修竹薄言瞻之依依庭除託植在茲我悅我親  
以况其儀竹之苞矣以慰我思

瞻彼修竹其色如玉眷言顧之豈曰空谷出則爾恭  
入則爾復君子之居清風穆穆

瞻彼脩竹鳳凰于飛歲聿云莫泥泥有輝崇是正言

四言古

以保中虛君子萬年神明所依

從曾孫陸起龍謹編

五言古詩

瀟湘夜雨

扁舟瀟湘上夜聽瀟湘雨回風度明璫叢篁各成塢  
欲起寄相思美人隔南浦

洞庭秋月

月光隨處好何况洞庭秋風露三千里金波上下流  
此時聞鐵笛天際一登樓

五言古

山市晴嵐

山以遠市珍山中復成市輕雲結浮嵐東風瀉清泚  
不辨往來人微喧隔林起

漁村落照

風波本無定漁家愛夕陽絲綸搖颺處多在瀼西傍  
清歌一曲竟天水共微茫

煙寺曉鐘

清曉坐聞鐘知是何朝寺微霜動商飈秋隨雁行至  
臨翻去鄉人豈無懷鄉意



江天暮雪

雪片大於手江空歲復寒幽人高卧處偏得畫圖看  
爲問梁王簡何如楚客冠

遠浦歸帆

孤帆自天際出沒見秋毫歸心同逝水飛度挾風濤  
臨流一帳望空覺此生勞

平沙落雁

雁陣驚寒早平沙襯水圓同懷稻梁意南下盡翩翩  
誰念關山遠猶有尺書傳

五言古三

白雲窩

雲來如有情雲歸本無跡歸去群山青來時林樹白  
窩中卧雲人偶值愛雲客

越王走馬埒

燕臺骨已朽滌洼種未生何年走馬埒尚帶越王名  
椽葉斜陽外坐看海雲輕

鶴舟

買得青田種相携共一舟碧簫吹夜月飛渡百花洲  
借問華亭喚何如赤壁遊

龍泉

瀑布下匡廬倚天垂玉柱瀟瀟六月寒坐對白龍舞  
幽人送日餘新添夜來雨

寺鐘

蒲牢吼蕭寺明星出東方動息各有會隨風遠飄颻  
喚起巫山夢縹緲賦高唐

漁歌

愛聽江湖調滄浪第一聲桃花新水浪搖動楚王城  
得魚沽酒處風雨更多情

五言古三

樵語

風暖鳥聲喧隔鳴聞人語盤雲拾墮樵晨昏自來去  
深山多虎狼同心邀伴侶

鷺嶺

白鷺邪行下青山百里長登高一以眺風物近瀟湘  
謝安如可起飛去逐鸞凰

寺煙

有寺隔東林人烟日中滿感此盈虛間沉吟坐來晚  
曠古達者心尋山不辭遠

風琴

陶令無絃趣未忘矯俗心退之聽穎師哀怨一何深  
伊余兩瑤琴因風調至音乍如落松濤復同驪龍吟  
掩抑竟何有斷續難自禁悅耳貴一適傳指勞千金  
乃知宇宙間喧寂寄所任大化本無迹至理不可尋  
以余踈慵姿置之風水林

聽雨

白髮日夜長青草綠階生江村荷時雨潮田愜耦耕  
稍稍辨遠樹依依見孤城魚鳥亦何意上下如有情

五言古四

撫已得良晤與物本同生遭逢百年間重陰幾開晴

贈別安鴻漸給舍

西馳萬里道送子不及遠萬里非所嗟覲子恐歲晚  
青青蠶叢山歷歷太行坂素冠集流塵客子中夜飯  
驅車當周行相顧各繾綣  
繾綣夫如何欲語不出口冥冥雲中禽苑苑道傍柳  
炎暑方載途客行日彌久山川氣候更風雨昏且有  
毋爲人所先寧爲人所後

青城多異境蛾眉隱新月巴江從中來紆曲如一髮

秋氣勁梗楠春陽長薇蕨地高魚鳥閒天近星斗淡

行歸及桑梓山川共輝發

君還江水源我去江水委江中多鯉魚尺素來萬里  
遙涉岷漢流復泳沅湘泄海門何浩蕩但恐風波起  
江干候鯉魚秋高水瀾瀾

留別南都諸君子

相知易東西嘉會每不文感此此離懷匆匆亦何有  
伊余本吳儂發身藉文數求友之四方修途畢奔走  
蒞荊河海闊千里一回首明明群賢開範模况顧藹

五言古五

高風諒所欽良契亦何負儻君青山隈短榻明窓牖

舊業異日朗虛懷期仰受所嗟兩春秋貧病互結糾  
翩哉懷故鄉雙淚迸及肘倦鳥思舊林窮猿悲羈守  
買馬出西門買舟須我友僕夫告登途問夜屢辨斗  
遙遙山水間骨肉携數口諸君濟時彥別意良獨厚  
殷勤古道傍再三猶執手余生一何艱良媿從君後  
時明會無難努力期不朽中道荷遺言同居而相醜

贈別徐昌國

北風被原野送子古郭下僕夫遠前途執轡柔如組

屏管復躑躅氣結不得語許身忘太炫榮名無多取

珠明蚤人心玉鎮良工苦寄言同心人蜂蠆多風雨

儼山西偏鑿方塘而未及泉四面窪空若壁適

春潮暴漲懸溜而下若珠璣萬斛水晶簾一段

逆空番舞噴射照耀奪人目睛而衝撞澎湃頃

焉出聲又若張樂洞庭之上信天下之奇觀也作詩紀之

九天落銀河一部喧水樂自昔飭奇聞于茲破塵濁

東風吹海門潮頭擁蛟鱷漫坡已鋪練溜崖遂懸瀑

雅音登鏗鈞天籟韻宮角橫開水晶簾亂殿珍珠電

五言古六

迴風拂漚沫落日漾澆潯排波濯水霜蕩空驚鶴鶴

雖慚達人觀緬希百川學無私埋則然盈科仰先覺

嗟予方寡陋昔賢何渺邈垂老卜此居偶爾期沆濯

林木日以繁茅蘅尚堪斲相要素心人文史事商確

儼山精舍晚意

林深暮煙紫海近秋月白稍稍神慮淡悠悠市喧隔

乾坤等逆旅誰非遠行客遣此百憂端棲我一畝宅

楚狂雖忘世湘纍竟何益寄情混漁樵託契友金石

理園

庭下石齒齒水際花冥冥宿病霽暑雨時還枕孤亭

百慮靜以遣世紛老旋經所存復餘幾兀然顧茲形

呼童理荒穢森爽出泉青宣父嘆後凋湘纍吞芳馨

孰云草木姿淹忽隨飄零持此遂久要庶以娛暮齡

晨起南牖納涼

庭柯含遠風時暑散煩襟豈乏華屋爽適我良所欽

頗愛陶彭澤五斗北窓陰南薰來前楹何必懷千金

野居自云樂俯仰遂素心素心亦何有息影瞻山林

歲月忽已邁在湖一以深手持一編書中有太古音

五言古七

誦言消永夏是非遺昨今

秋懷

仰觀流大火圓魄復西馳未覩凌霜葉先見隕風枝

羅幃闕清景瑤琴流哀思掩抑不成調清商汎朱絲

恐驚高樓婦蕩子阻歸期

我有平生人

我有平生人故被雲錦裳灼灼李顏娟娟饒清揚

婉婉吐麗辭纖纖素手長後宮選名姝三千一身當

遠從二妃遊歷覽周八荒膏車駕言邁使我潯澗滂

念君不能已，謳吟道巫陽。

吳人以巨艦載湖石至雨中閱之

濛濛江天雨，遙遙湖水船。誰施巨靈斧，擊此青數拳。  
縹緲呈夏雲，嬋娟隔春烟。雖乏武公識，偏懷米生顛。  
蹇予頗好奇，有癖在林泉。肩輿度壑暝，孤榜逐溪緣。  
品視剔苔蘚，摩挲計雕鐫。逆歸亦乘興，臥遊裁短篇。

西堙曉發

日出山霧黃，五月氣猶肅。溟濛十里餘，轅馬傷局縮。  
豈不憚馳驅，所欣恣余目。沈沈樹隱岑，稍稍黍抽陸。

五言古八

仰觀雲中岫，俯視澗底谷。境深工出奇，地古尚餘樸。  
駕言問民風，十稔九無熟。巖嵌時突煙，委襖閔土屋。  
行行重嗟咨，明光竟遺覆。予本登才賢，幽探事陶育。  
撫此晉陽區，孱綿愧食肉。

清河曉發

清霜肅晴野，秣馬乘暗發。長遠會淒風，疎林薄殘月。  
三五東方星，橫斜北斗沒。似聞度前陂，苦寒傷馬骨。  
移居寄子容

予本四方人，慷慨赴天路。幸託金蘭交，再蒙鹽車顧。

端懷索居憂，豈乏同袍賦。側身向長安，凝望幾朝暮。  
浮陰結死牆，年華落宮樹。是非金玉姿，安能磐石固。  
時欲往從之，駑馬不能步。相思在相知，因風寄情愫。

玉華山

海風吹海雨，飛過玉華山。山中人不見，窈窕翠微間。  
得月乘鸞度，開雲放鶴還。

春日行

大堤花欲然，芳郊草不歇。冶服誰家子，良人爭馳突。  
寶劍木侯家，金鞭自俠窟。共矜百金裝，相誇千里骨。

五言古九

雲散歡未終，月明還城闕。朱門徒御稀，青樓歌管發。  
倡女盡朱唇，貴主俱鬢髮。衣向草中更，燭從筵上沒。  
誰論牆東生，白面羞干謁。

坐月效古

蕭蕭迨秋夕，明明月流光。衆星燦若珠，三五正縱橫。  
居人不能寐，客子懷故鄉。大化無停運，弦望倏相當。  
鴻雁多哀思，庭柯變青黃。時往老將至，悲來夜何長。  
咏彼蒹葭詩，悵望宛中央。

擬西北有高樓

層樓一何絕亭亭切雲霄綺疏縹緲開欄檻匝周遭  
不知誰若中哀怨逐風飄爲言本却鄆關河望迢迢  
區區懷苦心三載非一朝援琴以寫之意重絲難調  
初爲陽春曲再行鼓山高妙音本絕世賞識何寥寥  
思爲雙黃鵠比翼與俱翔

釣臺

雙臺切高雲碧溪下長風本懷戀比鄰長嘯辭王公  
把釣已忘魚入夢猶非熊入境有舊廬客星動高穹  
江山自朝夕禽魚或西東朝市各取適出處俱自躬

豈曰萬戶侯非此一畝宮咄嗟保厥始優游慎所終

題苗蘭

滋蘭茂九畹靈雨苗其芽和氏抱荆璞以身明不瑕  
芳澤貴自保物色寧有涯但使臭味同歲晚何足嗟  
猗猗關西彥風流如謝家光輝媚幽巖旖旎揚芬華  
溫恭君子持令德戒紛姱豈乏桃李姿貞白世所嘉

閒居三首

壁月墮止水可翫不可親幽人俯闌曲羽扇一角巾  
語我真色相澹然忘此身

軒中何所有四壁微風發其大不盈畝納此一輪月  
嬋娟萬里情徘徊照短髮

書卷淨流雲餅月代秉燭上有梧桐枝下有寒泉綠  
夜深地復靜俯仰皆自足

儼山堂遲友

淡煙蘸朝冥細雨含秋姿獨立更延佇悵望遲所思  
麗容本絕代被服何陸離一爲經特別悲喜極感持  
徽音寄篇翰往往追四詩知己自曠遇佳會貴及時  
大業日云遠非子誰與期

碧雲寺觀泉

堂辭白玉前寺到碧峯下石幢挿諸波貝葉翻般若  
循除決晴泉此境極瀟灑琤琮金佩傳宛轉玉繩瀉  
緬懷川上心臨流歎不舍曾聞貂培雄揮金事游冶  
高臺相掩映松篁雜梧楨似議舟壑安寧知蕉鹿假  
止觀等股鑿洗酌泛周旋

五世從孫陸瀛齡重編補刊

澁曾孫陸起龍謹編

七言古詩上

大將北捷歌

弘治乙丑六月北 乘我大喪薄我大同今  
上握符正極之始神武雄斷發德音舉廟筭延  
命大將面授方略期於掃蕩而後已自古師  
出以喪禮處之存哀懼也天哀則多恩懼則  
必勝必勝之道也我師之出適逢大喪烈

七言古

烈行帥既哀既懼又是月也正周宣王勝儼  
稅之時耶夫兆必有先數不偶合空王庭於  
漠南繫單于於 闕下有不足言者矣 臣 忝  
以文字為職敢預作歌將以薦諸凱還之燕  
六月炎蒸如飢炊天驕合兵犯西陲腥風穢氣滌不  
解烽火告急明星馳 天子諒陰赫斯怒魄 自絕  
皇天慈黃麻夜草大將勅平明宣召當形擗大將身  
經數十戰虎視炯炯虬鬚吹 天子御門親授鉞自  
副以外卿便宜繫以金印大如斗許以能籠百萬師

大將舞龍移萬壽以少擊眾臣能為師行在練豈在  
况請以甲冑二萬隨 帝曰俞哉卿算勝大官宴錫  
黃金卮微醺擁出長安道白馬蹀躞挑青絲簇花錦  
袍紅的礫五尺佩劍光陸離皇皇大節出宣武誓師  
馮蘇盧溝涯啣枚疾走向雲朔雲朔地險胡天低疾  
雷殷殷動金鼓旭日晃晃搖旌旗部伍連連魚在貫  
馬首矯矯雲騰螭藜藜宵嚴帳外壁才斗復遶轅門  
池王師節制本無敵溝壑已定分雄雌指揮諸將搖  
白羽進戰以正接以奇先聲并得風鶴助大勢欲撼

七言古

河山移犬馬隊中夜相擾大酋嚙指驚還疑初傳漢  
兵卒未出何物神武速且治 所特在弓馬皇天  
効順霖雨贖牛筋弦解鵬羽溢豐泥塞道沈烏騅我  
師技長 技短昏昏殺氣天地悲奇兵更令出山後  
宜搆巢穴為糠糜 人聞之愈憂恐形魄故在神魂  
臚欲進不能退不敢三三五五成庭羸野草既清外  
援絕狼貪豨突將安施倉皇已同失穴鼠技窮有似  
臨江糜大將庚牌出麾下 覆滅當此時功名機  
會不可失須効奇節稱男兒我師呼聲震山谷氣吐

長虹吞赫曦手掄朱翁丈有二身掛犀甲輕鐵鎗棄  
糧却騎奮血前左馳右突春草靡爾軍旣合勝負見  
弱者伏地壯者尸竿杪鬪體懸骨填馬蹄腥血蹂闕  
氏腦肝狼籍膏平野脂肉糜飲鳥爲機噫噫枯骨雜  
沙礫星星鬼燐昏參差敗弓折矢絕北返委棄機械  
如京坻名駒宛馬驅入塞維繫老稚何纍繫吁嗟醜  
良不度漢家兵力雲天垂曠年侵軼付不較先  
帝欲示包荒私一朝遺孽蕩塵空大將文武誠兼資  
狼星夜墮天淨長城萬里鐵作基翻空露布叙戰

七言古三

績捷音曉入天顏怡武皇徒聞五出塞班超空勒  
燕然碑仁義之師若時雨暴亂即止休窮追開天  
武功今第一雪洗千古光神祇須譜饒歌薦樂府載  
拜稽首臣獻詩

紅白蓮歌白學士池亭

白家池館薰風裏恰在香山北深處池流曲曲暗通  
泉蓮葉亭亭齊覆水花紅花白相間開香風香氣四  
邊來乍比珊瑚出銀海還疑瓊蓋下瑤臺銀海瑤臺  
俱可憐仙舟一葉渡晴川素心飽露同秋月豔質凝

脂曉破煙歌罷江南不知暑渚平沙暖新添雨江妃  
映日試紅粧楚客因風搖白羽別有風光傍晚看遙  
山流翠入闌干四面畫屏相對立一機織錦亂交攏  
主人个時玉堂退執扇綸巾坐相對靜虛如此可論  
心芳韻于今應作佩論心作佩總堪誇不愧名稱君  
子花記得金鑾送歸夜分明一朵隔籠紗

寶應湖詠月

我生愛月仍愛奇着意欲到西湖西不然具區三萬  
六千頃坐此一色銀玻璃今宵寶應湖南路桂魄皎

七言古四

皎風淒淒水光四接上下合水柱一尺雲天低樓船  
不渡南北斷危橋密鎖烏鳶棲我携二客恣清賞試  
選南岸成攀躋弦光滿射白玉鏡斗柄倒浸青雲梯  
人間天上非還是翻疑海外聞天雞瑤華臺殿雲毋  
障水晶宮闕黃金泥胡床老子興不淺揮手弄影沿  
長隄菰蒲何心爛不起鮫鱷有恨蟠猶啼南中早暑  
不耐冷况復風雨尤難齊茲行所得差足慰未覺嚴  
泓欺袍緜人言春月勝秋月春月花柳空萋迷爭如  
冬月有勁氣復此淮海水連谿酒懷逸興俱浩蕩霜

明堂職工品題君不見漢家中郎持漢節風槩凜凜

海上世牧遊

竹齋歌

君不見仙尉齋前數竿竹勁於龍得嫩於玉向晚水  
霜如有情多時盤筋寧無肉一從手種春雨餘搖動  
青冥散炎燠未論留汗等琬琰先須截管諧琴筑會  
聞子猷傲山陰何如衛武歌其澳虛齋中含八面涼  
恍疑瀟湘秋萬斛軒窓隱隱見書檠枕簟飄蕭粉初  
撲堪擬封侯自千畝正春風空谷凍雷驚筍起

七言古八

卧龍推石蟠根解羣鹿遶簷日日報平安一歲清風

三百六齋中本是瀟灑人歲寒之交元有神當年隨

計赴上國尚書宰相俱心親人言松柏並奇操共愛

金玉尋芳鄰燕京爭誇見彷彿黃金別築高嶙峋劍

江回首舊隱地花縣拜命新行春竭來小試釣鼇手

東海晨晨垂絲綸九苞彩鳳下覽德千里青雲高致

身仇香枳棘昔同調蔣詡徑路今通津甍將形影照

南浦君比甘棠尤逼真我歌竹齋君試聽天子用

爾清風塵會須嶼谷逢伶倫

寶絲燈屏歌

故人夜織水蠶絲不數細滑鶯溪絹或云并州快剪  
刀剪此一良澄江總乃是雲南之南萬山中雲腴石  
髓蟠青蔥酒黃鴉紫羅丹綠復有無價桃花紅遠人  
不買車與服持此射利如射雉遂令長安富豪家下  
視隋珠賤和玉瓊屑瑤星宿同水碓火鎔俱有功  
短長曲折巧應手無乃以幻神爲工分經錯繅了不  
亂各以本色呈絢爛霞霧滂有無間遙看一道晴  
虹貫是中白膩若可食良工點染開林巒似嫌世上

七言古六

縑素弱頗有勁氣生毫端製成屏風向燈夕聊慰風

塵遠爲客壯心豈解隨物遷鄉書又送經年隔酒錢

不愛典衣償要與明月爭輝光但願明月長輝光

龍江歌 壽唐十問憲副

龍江東來萬里道遙接瀛州與蓬島三江有水剪不  
斷五湖無波淨於掃龍江先生江上生德器文章俱  
老成胸吞雲夢已八九量比汪波無濁清登科弱冠  
人如賈辭源倒挽銀河瀉砥柱中流力有餘扶搖九  
萬風斯下掖垣諫草避人焚憲節西持往校文多少



魚龍隨變化一天星斗浸寒雲雲間白愛歸來早蕚  
葉鱸魚舊盟好閒看秋影澄道心坐見紅塵揚碧草  
碧草紅塵閱歲年宣尼當日正知天終同渭水非熊  
兆會起浮空萬斛船

七峯歌

七峯主人家七峯七峯東來如七龍地當北斗星辰  
見派接南山雨露濃綠江亭館連雲起方丈瀛州天  
尺咫帆檣渺渺萬里船烟波日日東流水主人元是  
孫子荆漱石枕流非本情胸吞雲夢已八九眼視四

七言古七

海皆弟兄况有文章稱大手遠追建安成七友雲樹  
鶯花一萬重琳瑯金薤三千首選峯絕壑迥還孤窟  
蔽陰陽自有無寂寞可憐楊子宅丹青空事輞川圖  
觀國才華工好古別啓圖書羣玉府黃鐘大鑪序殷  
周大華長河儼賓主門外聯翩長者車峯頭縹緲列  
仙居青天白日常應爾金瑤珠樓總不如江南自昔  
多佳麗誰復豪華誇甲第桑梓依依見此心弓裘永  
承承先世天鍾形勝待公侯莫因風物重淹留願將  
郭隗千金價更起元龍百尺樓

鄭俠流氏圖

爲曹承之主事

近時書手數吳偉泰和郭詡差可擬良工位置着意  
深何但烟雲生筆底此幅淡淡頗有工描寫人物間  
關表骨肉牽聯老稚兼衣裳繼縷面目紫云是鄭俠  
流氏圖彷彿啼號聲滿耳風回草樹生書陰翠壁羣  
堂容有此雲間才曹濮陽習藏丘壑心如水竭來  
射策光明宮使欲飽煖同遐邇俸貲積月數不盈孽  
畫大半收書史時騎瘦馬向長安買得殘繖大小李  
會心論格不論錢袖來向我陳終始關開荆浩久已

七言古八

無馬遠夏珪呼不起郭生自是清狂人東抹西塗聊  
復爾太平有象雞狗肥世路無情鄉井徙君不見治  
亂興亾各一時憑仗調和與燮理民瘼寧知千百端  
君門空瞻一萬里摩挲此圖展轉不已荆文相公熙  
豐天子

枯木竹石圖

人間何處真不俗雨後山前兩竿竹雪村老人幽興  
多落筆龍孫削蒼玉離離亂石出澗底古木壓枝虬  
欲起相思天際望美人月明一片湘江水君不見丁

積雪開四牕夜靜金爐火猶燦是時相對擁青綾  
使煩襟坐來鏢中郎此意妙莫傳炊爨之餘尚堪擊  
看君幽興正得意我和險詩聊善詭須臾鼓罷陽春  
曲門外青山映寥廓

五世從孫陸灝齡重編補刊

七言古九

陸文裕公行遠集 卷十七

從曾孫陸起龍謹編

七言古詩下

題李蒲汀學士所藏趙千里射熊圖

王孫藻思錦繡紋點染青山縈白雲避雁霜高錦樹  
出射熊風勁角弓聞似是西原獵場下公子翩翩齊  
騁馬捷如流電氣十倍滿彎明月神瀟灑沙平草淺  
石徑長左馳右突不可當直前一發遂得雋豈但百  
步能穿揚古來妙傳誇絕藝此幅摩沙今幾世周詩

七言古一

萬萬歌夢祥漢館離離是何處瀟汀學士人中龍勒  
畫披圖載有工致身本在霄漢上雅興時落山林中  
武功文事亦素具細認丹青有奇趣尚父曾聞載後  
車宜尼尚且供先簿試看更兆掌中珠雄風駿骨頭  
角殊他年隔座屏風裏喚取良工搦此圖

雲山圖

美人別我還楚封遙望雲山如畫中憶昔燕市初相  
逢年少意氣雙飛鴻馬來射策披心胸五雲旭日蓬  
萊宮玉堂對榻聞曉鍾南郊獻賦追揚雄旁人忽忽

借借宗文彩往往驚相公過從莫限風雪衝十居長  
安家屢通眼見天日升潛龍石渠夜照藜火紅退食  
聯步時從容移書論道相磨碧豈徒握手期協恭自  
信肝膽摩蒼穹今我日月催衰慵近有白髮臨青銅  
世事浮雲無定蹤况子纒經儼在躬十年契誼蘿施  
松一旦慘袂成西東人言此圖千萬重我意試比應  
難窮

雪村晚酌圖 為溫宮論題

崆峒萬木凍不僵瓊瑤一片埋夕陽雲安道上少行

七言古

客百花潭西封草堂橋回谿轉疑無路前村依稀後  
村暮時見青帝獵獵招如聞白雁翩翩度天涯搖落  
空歲華翠微自有高人家林端紅葉飽茶竈梁上青  
蛭挑盡又一斗鷺黃正堪買拍拍好懷同北海不來  
租吏渾無諱風約溪翁如有待川源宵窳古人風幸  
際車書萬國同床頭何用紀歲曆門外但送郵詩筒  
憑誰致此好氣象必有明君與賢相託齋先生素心  
人懸此一幅高堂上畫家畫意不盡形當朝戴進景  
有聲未歌三白 道瑞先兆六符開太平

峽庭圖

峽庭管地風蕭蕭孤耶兔耶狂欲跳老拳未放輕一  
櫻側日政爾愁雙翹天空秋老闌寒曉落日孤林萬  
山遠覽圖令人氣滿膺荆榛匝地移蘭畹林生五嶺  
大平人何事落筆心先噴忠貞立朝奸伎懼貔虎負  
壑山林春錦衣周君人中傑意氣要與圖爭烈封侯  
萬里看下驂一灑乎蕪適毛血

雨中汎舟聞座客琵琶

蘭舟急雨橫銀塘水芳沙鳥滋暮涼烟雲彌望接蜃

七言古

氣樓閣失地含龍光于時披襟坐盤薄愛聽瀟瀟鳴  
艇艙座中有客偏好事獨把琵琶臨醉鄉一櫂一撻  
有古意欲彈未彈先斷腸四弦嘈嘈乍入手似與風  
雨隨低昂曾傳青衫泣司馬豈是紫塞啼王嬌孤臣  
忠憤重離別壯士感激多慨慷鵬弦鐵撥世希有此  
曲杳眇尤難當誰裁無價紫杪權乃有雙盤金鳳凰  
我生兩耳才具足妙解那得知中郎老懷政爾苦水  
炭試遣陶寫憑消詳須臾返棹更東下雲物一空江  
水長

和張子醇益梅園兼有南遊之約

高簷屋柱牀頭放睡起春寒弄春况憑將消息問梅  
花梅花為報春無恙情知粉署正含香復有張衡錦  
繡衣可惜不踏江南路千樹梅花一草堂草堂有客  
河刻玉細嚼梅花尚嫌俗聞君雅意欲東遊八月仙  
樓能共不揚州南去是蘇州莫向丹青畫裏求祇恐  
塵堂須柱石凌烟會上最高樓

丹青篇壽楊遠菴先生

今歲何歲辰何辰鶴書鸞駁往來顯仙家日月原無

七言古四

筆意象丹青俱有神海嶽千年生國士共美當時揚  
伯起南極光中上相星三台座下尚書復往歲燕然  
已勒銘別有胸藏百萬兵會看麟閣圖儀像復道金  
甌履姓名金甌永作邦家寶麟閣高臨風日好彩霞  
隨雨鳳凰笙綠波渺渺蓬瀛道觀國年年浮洞庭岳  
陽樓外度雲轡人誇墮地能千里天為贈文壽六經  
傳經堂上時橫几魯國顏生與會子陶鑄人才晉產  
奇吹噓文物秦川美師道何如濂洛尊相才猶似范  
韓存手攀北斗對元氣空嶺中流當海門三朝元老

今誰北八桂擎天更堪擬金紫身留霄漢間江湖夢  
遊烟霞裏北闕上書頻乞歸南山佳氣對朝暉中朝  
人士歌由斗天下蒼生候瘠肥和德先天天不老臘  
盡春風報春早瑤文擬獻翠虛篇瓊瓊一薦金光草  
曾有恩光照賜袍龍紋浮動紫絲條共祈國壽身同  
壽何但年高道愈高

南宮北郭踏雪

前夜維揚說寒月今望燕冀寒踏雪百年快事能幾  
迴誰料茲行兩奇絕漢漢郊原一掌平紛紛珠貝綴

七言古五

輝成玉堂瑤圃隨行上縞帶銀盃逐步生復有軟輿  
和蓋重何似漁翁一簑凍白馬翩翩千里驕紅旗閃  
閃長亭送臂鷹走狗誰家兒頗憶東原年少時雙飛  
一箭穿雲下九尾千年匝地馳壯氣老來餘白首熊  
裘貂帽鴨黃酒掃竹尋梅何事無柳絮梨花隨處有  
東方又動朝日紅耀色流光四望通矮屋欲理孤出  
棟遙山先映景高峯試問天公資發育前須巽二後  
滕六蒼生赤腹望豐年黃扉紫閣尤驚目誰持堅白  
攻異同燮理調和唯至公不見後視巧搏換消得東

皇一夜風

吳中新刻臨川集甚佳幾江聶文蔚持以見贈  
携之舟中開帙感懷寄詩為謝

少小有書未能讀暮年好書讀不得豈惟簿領少餘

閒而張冥蒙淚旋拭簾前見物私自憐霧裏看花慣

昔年憶昔家住東海濱世務耕農寡文墨勉勤誦習

起家門每事收藏節衣食一從觀國上 皇都十載

其官充史職長安朋輩心多同古典探搜事尤力荆

文丞相宋熙豐國監遺文舊嘗刻倚予謬司六館成

七言五十六

手許校磨工未即當今楔棗稱吳中唐模宋板俱奇

特是非本定空愛情報復何窮恣翻覆文章功業兩

難持浩亂興亡三太息蘇州太守古鄴侯貽我遠勝

黃金億樓船風雨滿章江把玩新編坐相憶

和王元章梅花

畫堂六月飛嚴霜客持此幅梅花芳乍窺疑浮初月

影細對忽麗繁星芒塞垣風高吹石裂嶺南天低不

受雪何似孤山處士家一段西湖弄華月梅花此時

殊有韻青鳥遙傳海山信度水盈盈玉雪膚含風象

景堪鴉鬢鴛鴦種心情春酒缸起為花神酌一觴誰憐

白賁元無價空復紅芳號假王會稽山農骨已冷夢

入梅花呼不醒巡檐且索屋三間負郭何須田二頃

其二

歲寒冉冉餘冰霜留此一樹先春芳山農能事數獨

步淨掃楮素搖兔芒龍池波騰鵬眼裂噴薄玄雲沁

蒼雪須臾樹梢送長弓掛此一片寒潭月賞心詩客

多風韻欲挽筆力回春信競搜奇事出枯腸亂掃繁

花向春鬢青錢沽酒白玉缸自勸一觴梅一觴調羹

七言五十七

有時會結實物色夢落商家王山林托交盟未冷衆

醉何須悲獨醒中分一頃養鶴田半頃種花泉半頃

題文徵明畫

筆下塵埃一點無開圖知是賀家湖秋光九月孤蒲

岸橫着溪丹看浴兒阿明此藝稱獨步前身妙絕元

姓顧安得置之水晶宮卧看雲烟落毫素

楊妃病齒圖

沈香亭畔催花鼓華清宮中翠盤舞舞犀半啓櫻桃

顚可是玉魚偏作伴似將一掛黛娥顰翻取三郎

賜譜歸來南內情更多一曲霓裳淚如雨

秋思

空庭蕭索簾櫳雨秋色漫漫四山裏開花不語傷朱  
落葉無聲風未起依稀三五少年遊鳳凰臺畔臨  
吳楚家書自恠滿紙題猶剩胸中數行語

子醇雨後陪宿道館有贈

春燈着花照春兩窈窕仙宮對床語龍池冥冥雜花  
寒魚書鴈信多愁緒一百五日又已過二十四橋何  
處所容臺美人錦繡腸能為楚歌歌白苧候我明光

七言古八

起草餘更約城南看花侶長安風塵細素衣故園蒐  
夢牽春渚三軍草露白鐵袍五侯宅第黃金炬聞鷄  
起擊珊瑚鞭共慰此身同逆旅

次韻黃如英聽管生彈琴

逸人最愛馬虛閣手弄絲桐自酬酢清安身世甘寂  
淡富貴交親供諛噓天空境靜初按譜掩抑悲凄更  
豐約淙淙巖背墮春泉歷歷林梢下秋籜緩揉急引  
大可憐含徵流商調相錯初聞古意三疊高旋見失  
勢千丈落勇如壯士提戈戟靜似佳人洗丹堊吳山

師才伶倫裁管兼收並蓄截長補短開圖識苦心  
聽我歌欵欵

贈別殷子

殷子有奇骨昂藏若駿馬康莊在遠道伏櫪甘土直  
長安一朝別我去再三挽留不能住潞河新有下灘  
船到家正及朱炎暮君家本在齊魯墟楓林瑟瑟臨  
前除小樓畫檻蔭林樾中有前世千卷書北窓慈母  
髮垂領倚門望兒悲短景小弟今年十四五弄筆時  
時學馳騁上奉母顏下課弟日有餘功擬叢桂病骨

七言古九

偏宜秋氣涼藥囊閒却參苓劑登高迴睇望泰山恍  
見仙人時往還翩翩白鶴不可借流光日夜凋朱顏  
朱顏一往那再復惟有功名留汗竹志士偏增日暮  
悲佳人易感窮途哭憶昔虛堂坐論文辭鋒往往追  
先秦談詩屈指數漢魏歎息六代何無人殷子奇氣  
鮮有匹人間八寶光耀日只郡徐子吾畏友每每到  
君賞高逸君不見九方臯胡能按譜求馬毛願子加  
餐善自愛天閑十二終當養爾曹

怡菊歌贈童相士

品菊如相馬不在驪黃間以此復相天下士伯夷陶  
令何爲顏維時日月俱逢九千山蕭森松柏後且看  
勝去三徑花况有生前一杯酒酒酣耳熱歌鳴嗚白  
驥仰觀雲天無虎頭燕頤祗俗輩爲肩火色誰丈夫  
拂衣起就菊花舞白頭童童風縷縷金錢若解買秋  
光更種明年一千樹

夜泊真州歌

前歲泊船真州江滿船明月搖船牕今年復向真州  
住黃昏待月月欲吐明月照人無醜好來來去去令

七言古十一

人老一杯船尾得月多聽我試唱真州歌真州歌將  
奈何大船如屋船船官離危檣插空飛不入鐵鎖鉤  
聯密如織語音嘈唧了不分同是經商異南北居民  
大半趨四壩倡女沿河晚粧罷短擔簷簷喚賣鮮小  
廟三槩輕如駕連樓夾巷簇簇新家家許住異鄉人  
共道今年生意少下客折本上客貧江南春山疊疊  
綠荆楚轉運遙聯屬南京供奉日日過金字黃旗去  
還續君不見文信公幾陷虎口中但願路日通不怨  
東西逢逆風

瀛海圖爲李宗易論德歌

天南咫尺帝城隅山靈水秀相盤紆中有瀛海接銀  
漢吞九雲夢滙五湖太行西來走其下排列七十二  
奈青瑤珊瑚微風吹波縠紋淨明月照影驪珠孤汪汪  
千頃蕩星斗上一一碧隨鷗鳧世傳神龍有窟宅霹  
靂驚起頭角殊化爲霖雨灑六合波濤壁立風雲轟  
須臾光霽變天地在苒花柳呈芳腴我聞弱流三萬  
里隔扶桑外六裔三島空傳呼玉堂學士李太白家  
住瀛海真蓬壺水心樓閣開雲母風外簾櫳撼浪珠

七言古十一

有時倚檻一長眺窈見雲中五色清虛都心胸已着  
秘書省 殿陛恭承子大夫青錢萬選絕代有白璧  
連城天下無頻年文場拔董賈昨歲武舉羅孫吳廟  
堂自當金玉器鼎角竟與鹽梅俱周家申甫嵩嶽降  
蘓氏軾轍眉山枯大賢應運重得地瀛海似也非其  
徒江南程生近好手點綴金碧工調朱經營意匠入  
宵眇翻卮商家舊典謨玉顏丈人古冠佩疑是退直  
金鑿趨手揮一籌探海水坐見青淺連桑榆魯連高  
蹈帶俠氣仲子汗漫甘乘桴君不見張子房借商管

爲漢驅請看此籌一下能奠萬古之皇圖

星月歌

大星無光月如水紫烟辟寒天萬里金吾木柝聲不  
驕火樹星橋接空起恭承休作上元滿目韶華帝  
城裏團圓三五宵可憐淺薄一分春奈爾胡床浩典  
空昔年秋色不似長安妍五鳳樓前迎萬乘六鼉海  
上擁羣仙歡遊祗厭春更短欲挽空壺涸百川機中  
紅雨催花落天上青娥妬扇圓九衢羅綺人如蟻五  
侯甲第黃金炬底用還鄉作畫行真堪窮漢經年煮

七言古上二

別有工夫巧奪天製成二八當腮女剋紋暈禾剪越  
綾五色含光漏湘楮雲母琉璃俱有神銀河牛渚恍  
通津常拋金彈誇豪俠獨抱明璫泣廢人火具時時  
聞戰伐飛流一一繞勾陳誰家簾幙留歡住幾處笙  
歌按拍新節物人情豈相待後夜遲遲出滄海每驚  
舊髮羞鸞鏡却倚新聲填欸乃仙人自古有美期書  
生妄意圖元愷但祈燈月兩相和歲歲年年常不改

西巖歌

君不見崑山產玉高嶙峋當年一片稱絕倫邇來幾

千載元氣醞藉含至淳乃有參天卓地壁立之西巖  
宮宿洞府棲仙真春色桃花誤流水秋清桂樹當月  
輪紫芝瑤草滿下界祥虹瑞藹往往早暮相鮮新箕  
山將讓許武陵聊避秦遠觀田變海昔傳戡降神自  
如先生古柱史甲第華堂住其趾少年風彩真玉人  
陸家兄弟安足齒滿門忠孝世所希江南數作鳴珂  
呈狀元宰相應黑頭季弟今爲天下士大兒文章早  
作畿輔師直言忠諫丹青裏小兒穎異似楊修已署  
門生拜天子有孫行年十六七一舉鄉書舉中起爨

七言古上三

朔與珠樹過眼紛可喜先生况是真仙才酒尊常對  
崑山開消除日月歸棋局舒卷絲綸有釣臺屨杖登  
山疾於駕有時登山望蓬萊玉耶人耶兩難辨但見  
秋容秀色遠與鸞鶴相徘徊五千道德圓常誦三度  
蟠桃手自栽只今七十逢初度剛是浮生第一回山  
中好風日天末負趨陪短篇選當長年頌願借澄湖  
作詩杯參天卓地之西巖永與朱顏黑髮相追隨

岐陽石屏歌謝喻守時子乾

岐陽之民像侯德遠致山中一片石依稀宛見城郭



面彷彿常帶山川迹一從乘驄換五馬霧渚烟村坐  
來鬪摩挲三渡如有情持麾從吏貽江濱長卿多病  
枕書卧驚起門外高嶙峋倒履相迎問來使開城再  
拜生陽春荷侯此惠百感集媿我家徒四壁立忽焉  
崖底開暮晴搖蕩虛無翠寒濕新恩舊惠俱在眼萬  
壑千巖互相入滇南大理空自珍江上數峯尤絕倫  
天然飛走肖麟鳳瑟爾瑩潤同瑤珉坐當保障屹不  
動豈免觀物終懷人自是侯家有餘積留待他年隔  
朝席泥金孔雀映芙蓉郎君近作乘龍客胡爲致之

七言古十四

向儒素恐使湘靈動深情君不見唐朝太宗重畿甸  
遍題姓字留宸眷天生異質當大用安得隨君獻入  
明光殿

秋日入余山觀昭慶三枯松

雲間山水稱絕奇簡遠開豁無不宜村村花柳足佳  
麗亦有落落蛟龍姿新秋晴日照古寺鳴絲偃蓋風  
離離閣前兩株疎且瘦左右拱揖如佳兒獨憐衆草  
沒曇院不見十尺圍桐皮稍偏一株在東麓翁驛拔  
起三虬枝擎空似欲擎雲雨匝地更與成漣漪我聞

佳樹以地貴豫章赤水非人爲雲間枯松重昭慶往  
往益益時見之此來得其恣幽賞山深谷暝何遲遲  
未嗟才大難爲用頗恨地僻稀相知摩挲風霜有在  
意指點時代多遐思東廡一僧崑朴野導我屋角開  
重籬爲言秋高八九月風前落子堪萌滋邇來區賦  
要往役此事久廢從先師山中歲月已如此世上風  
波紛路岐坐成三歎倚石壁欲別未別空猶夷蒼髯  
戟戟老髮秃白雲冉冉游絲垂比山九峯居第一誰  
謂姓余誰所遺或云種茶似陽羨吳歛楚調聊相隨

七言古十五

陸家放鶴還沙際張季思鱸今水涸他日青松能待  
我茯苓琥珀總宜詩

五世從孫陸瀛齡重編補刊

從曾孫陸起龍謹編

五言律詩

侍遊萬歲山

漢王鑾輿出笙歌閣道聞  
袞衣臨曙日閭闔覆春雲  
渠柳龍池合宮花雉扇分  
御爐香藹散淑氣正氛氲

其二

宸遊息萬機商輅坐垂衣  
丹壑臨朱旆紅雲護紫微  
花香浮露氣山翠謫晴暉  
恩解湯王網春風任鳥飛

孝廟挽詞

帝座宵沈彩皇祇晝嘯  
風人懷三代治天忌萬年功  
袞冕丹青裏山河涕泗中  
聖恩如可報精衛海濤

東

玉河烟柳

御堤新水上細柳織輕烟  
隱映金鑾外低回玉甃前  
曉容橫一抹春色試三眠  
地接天門近常霑雨露偏

過盧溝橋

野適意自愜逢春更可憐  
弄黃初試柳破碧已分泉

馬足騰晴霧雞聲隔午烟  
翠華巡幸日馳道直如弦

從驪山頂應制

天仗出彤闈鑿和上翠微  
飛流喧風吹空谷轉龍旂  
樹色連宮掖花香傍袞衣  
皇仁敷億兆賓從落餘暉

過清河烟霧不見山

春氣濃如酒沈沈醉遠山  
愛飛孤鳥沒隨意片雲閒  
與馬尋芳發塵襟撲面還  
石橋流水漫立馬聽潺湲

教巖暮發

向夕秋山紫西風吹白雲  
納涼移榻屢待月引杯勤

嶺樹參差出漁歌次第聞  
去留俱有適吏隱欲中分

萬載冒雨曉發

曉行隨落月細雨暗前山  
天地陰晴裏風雲變態間  
遠裝初覺重濕鳥並知還  
捲幔峯巒接丹青有好顏

登龍華塔

試倚危欄後身心一恍然  
俯窺從地狹翹望蒼雲連  
野鳥低鳴樹江潮接遠天  
曉來看浴日東海亦無邊

順慶真如寺宴集謝維三谷僉憲

古寺欣微雨朋僚慰客居  
郛筒酒易醉江水字難知

楚舞新臺節曾傳舊諫書蜀山青萬點一一使君車

過樂平

客裏重為客山中又過山地形隨步異心寄去雲間  
未識穿巖徑先依噬水灣有時凌絕頂唯見鳥飛還

望雲店

物外亦何有青山還白雲鶯花二三月道德五千文  
長嘯逢知己歸耕續舊聞本無傳世念疏草不須焚

其二

道遠山初近天長晚更晴水從星漢落舟在畫圖行

擊節吳郎計乘槎漢使情難將物外意空博世間名

看雲

筠簟瑩水紋開簾卧看雲隨風還作陣映水復成文  
出岫連綿起奇峯次第分更能呈五色持此獻 明

君

釋耕莊

伊尹來莘野南陽起卧龍林泉藏暇日禾黍助秋容  
雨過城如錦雲來畫正濃暫將廊廟意辛苦問三農

從丹陽樓前渡江

春色臨江閣年光遍海城東風吹又轉芳草望還生

天路青雲迥鷗波白羽輕平生濟川意野渡更分明

雨中宿觀瀾亭

潯雨江天暗通宵水氣多壯心驚歲月人語隔烟波  
舟楫供高枕江湖付短篷浮沉聊爾爾擊節自長歌

車廐驛乘潮順風北下

人生快心事風水送歸舟况復青山曲頻過碧樹洲  
草深藏乳鴨波遠沒輕鷗苦愛觀風地終慚為國謀

玉山西下換小舟乘月

平生愛山水清興此宵偏兩岸爭開畫中流獨進船

星河相隱映波月共嬋娟又向灘聲裏珠明練倒懸

井陘西上故關是日陰翳

雪豔騰騰長天容黯黯低千重無路入一望使人迷  
下午憑鷄唱雲生傍馬蹄山川分趙魏關路隔東西

濟淮

雲霞開曉色舟楫亂黃流千古濠梁意當年 帝業  
州地靈山繞闕天近水環樓壯志隨丹檢芳春感勝

游

過故城

燕薊日已遠薄行齊魯郊  
孔顏千古樂管鮑一生交  
無復歌長缺何心學解嘲  
舵樓風水急落日掛林坳

遊昭慶寺

秋風昭慶寺初日滿迴廊  
地古松能偃山深橋未霜  
移舟還傍麓著屐試登堂  
高閣凌雲表憑闌意自長

宿布金寺

宿宿俱投寺行行莫問津  
麥波搖落日花雨戀殘春  
水國攻農事禪房清世塵  
鄉心與野意從此往來頻

五言律五

宿建昌縣公館聽雨和周玉巖都憲

五月溪山路水深雲更深  
溪梁連近麓帆影掠長林  
巨浸愁農事重陰傷客心  
翻將經濟意時向簿書尋

自榮澤渡河

清曉輕塵濕長河新水通  
一宵花信雨兩岸麥秋風  
禹跡微茫外鴻溝指顧中  
七年三問渡南北更西東

自下邳晨渡

殘月曙猶上斷水寒更流  
風回青雀舫塵滿皂貂裘  
勲業險中鏡英雄水上樓  
行人連日夜陌上重回頭

西望太行諸山

白日如送客青山解迎人  
半空橫壘嶂萬里一孤臣  
瀾積過年雪風迴鬪歲春  
并州雖暫住難比故鄉親

大浪灘

江水清不澈秋容雨復晴  
捲簾聞瀑坐欵枕看山行  
密篠緣谿轉長松徑整平  
人家翠微裏時有白雲生

龍窩驛

遠道悲遊子春光滿驛亭  
幽花背巖發芳草上洲青  
帆影連銀海山形列翠屏  
何如張博望光動女牛星

五言律六

月下抵彭城

險中不覺險家近轉思家  
世路元無盡人生故有涯  
鄉書傳白苧秋事付黃花  
今夜彭城驛清尊對月華

峽江道中暮色

曉山南國麗中月復冬深  
輕露還蒸麓幽花尚滿林  
比風千疊恨西崦半帆陰  
何似湘江路常懸魏闕心

潞河發舟兩日夜始抵和合驛

快路日千里畏途腸九迴  
古難當蜀道今日下燕臺  
柳色連村暗波光映日開  
北山如有待猿鶴未應猜

人日雪

院深勤掃地簾靜愛焚香墜整隨風力穿雲逗目光

山城閣道迥松徑石衣長欲試煎茶水丁寧近竹房

人日過徐子容

積雪霽人日苦寒欺客襟相看一杯酒不負百年心

劉向俱中秘相如獨上林共君回首地十載賦春陰

春早

春訊今年早東風隔歲來弄黃初上柳試白已傳梅

高閣消殘雪重淵動蟄雷好花臨水背應惟未曾開

秋齋夜聽雨

林屋意自愜雨交羣息初氣通琴幌潤聲斷盡簷疎

獨火明深竹方牀滿舊書夜闌清更徹豈敢少吾廬

月下與張碧溪汎舟

微月墮止水空明漾淺沙放舟沿橋岸看竹過鄰家

林靜一枝鳥溪喧兩部蛙不應張轉望別有自仙槎

習池

襄樊戎馬地山簡愛高閒勝事傳千古江流抱一灣

君山羅戶牖翠條漾潏潏東望增鄉思宸遊正北

還

舟中

積雨時雨歇悠悠午夢醒知行史樂誰遣鬢成星

草長蛟龍窟風回鶴鶴腥滄浪聞孺子一棹過前汀

舟中晚景理琴

密葉隱日脚微風颭水紋客心隨路遠人語隔溪聞

過雨懸秋殺征旗颯晚雲匣琴多古意移調奏南薰

晚自西堤携樽兒散步

夕陽江水外曲曲帶沙堤生意隨汀草閒心付杖藜

漁舟天上人語瀼東西稚子偏憐我相携過竹谿

雨中步出西郊視塋先兄素菴

和淚北風雨傷心西郭墳江聲空逝水山色有浮雲

未起龍中卧先修地下文池塘春又到南雁不堪聞

寄李獻吉

客到梁園者仍煩致起居夜來新有夢春去久無書

綠野深花徑黃河抱草廬迢迢千里道目短鬢蕭疎

別朱升之

淡交多別語情極易忘言送客風生舵懷人月到門

夜長偏旅榻秋早是江村復向論心地何年共一樽

得劉子書

念子不能寐中宵鳴素琴近聞衡嶽去遙望楚江深  
人夢多岐路緘書有好音隔窻風雨橫愁絕故人心

次韻何仲默別鄭山人兼柬李獻吉

歲晚同為客衝寒對別樽獨憐辭帝闕不羨曳王  
門行計惟詩卷相思有夢魂南還逢李白悵望幾黃  
昏

酌別何仲默兼訊空同子

五言律九

年少誰如子他鄉怯病身春風滿歸路幾日罷征輪  
塵合青山遠河開碧樹新故園如見月應念未歸人

何舍人館中對雪

燕地春猶淺高城雪更明相逢為客處同有望鄉情  
棧閣因風積樓臺入夜清不知梁苑賦何似蔡州城

初從木壘渡水欣然忘危步入山菴小憩

病骨難為路春容半帶陰木壘初渡水山寺不藏林  
脫險初經險違心却真心楚雲天共遠聊復一登臨

直河晚泊

落日青山好舟行復見山楚天窮眺望河水正潺湲  
沙岸人爭渡柴扉夜不關向來戎馬地此夕且開顏

應制撰頌王悅歌

寶冊分茅土金旌擬奉常螽斯元有咏麟趾尚流芳  
勝地蟠龍虎高岡集鳳皇寢園鍾秀氣草樹有輝光

壽李封君棟塘

春日經行處高人下榻留好花開古棟勝地接滄洲  
湖面青山繞橋頭錦浪浮莊生有椿樹共擬八千秋

騎馬

五言律十

騎馬長安市遲迴日下春塵高驚獨客雪少望三農  
古栢寒猶綠浮陰晚更濃袖中懷尺素驛使幾時逢

白石城北行涉水頗險

新漲桃花水芳塵燕子泥齋心朝帝寢戒路候隣鷄  
地望今和嶽人聲古大堤漢江龍卧起舟楫更輪蹄

望日觀水

十里湖南路連空入望遲日華流寶氣風景接瑤池  
岸谷人間事水霜歲晚知揚雄工奏賦羽獵想當時

五世從孫陸瀛齡重編補刊

陸文裕公行遠集 卷十九

從曾孫陸起龍謹納

五言排律

詠雪 禁體

虛館都門裏遙空兩雪時雲同山受鎖霰集地承篩  
初對無還看徐看正復差霏霏旋布密陣陣漸成奇  
入瓦猶飛溜披墻故累基蒼皇忙宿旅鼓舞走群兒  
氣襲裘功劣光搖眼力衰撲階登陞級打戶閣戾屐  
勢倍初昏會威伸入夜期空林愁鳥雀曠野失狐狸

五言排

古屋深藏脊危城正沒俾臆腰明救紙字脚飽殘碑  
山勢勻肥瘠潮聲帶嘯悲贅厖瘡竹節擁腫病松枝  
池沼甘居下郊原苦厭卑當庭昏有影卧地險成夷  
田犬思馳逐鞞鷹欲奮追四簷迷一色獨榻下重幃  
風過梅苞瘦陽回麥穞宜墨池乾更掬茶鼎渴旋滋  
真足臨書卷應堪弄酒卮樓臺誇富貴歌調競嘯咿  
座擁嬌娥鬢杯分俠士髭生憐江上客因憶隴頭師  
帆濕楫迎棟堯膠馬礙馳豐年昭國瑞聊復一題詩  
子起 召承殿撰余方池先生贈詩二十韻仲

氏草池同送之江上為三品之遊夜坐水月樓  
上清言小酌漏下二十刻始各就寢詰旦微雨  
中為別因借韻聊敘景物併以為答

有美三品勝幽探俯斗樞澗泉和玉潤石笋倚雲孤  
地僻其仙宅功高大禹謨鶴歸巢古樹魚噴躍新蒲  
空殿諸天近嶽岑一徑迂抽書藏副本治水密靈符  
掃石留題字穿花出午厨依微綠鳥道空曠接瀉衢  
山月青霞映江流白練敷主人能愛客從者戒先驅  
風格方三謝文章似兩蘇高門誇接武昭代讓名儒

五言排

伯氏元中秘書方今大夫拔茅方用泰樂宴且當雷  
龍虎還相感豚魚信有孚聖神居大寶陶鑄啓洪鑪  
自是朝堂器終同曲鶴徒爨調通至理位育願良圖  
惜別知交誼披文識道腴鍾英自申浦躋世上唐虞  
送程靜夫歸省還績溪

鳳皇臺下路雪霽馬蹄輕對酒揮長鋏臨岐憶短檠  
官亭細柳綠客路舊袍青去去共人子勞勞念友生  
襟期俱磊砢遺贈乏瑤瓊座失春風力盟添夜雨聲  
心親身不遠別短恨偏羸山暗餘椒桂洲芳長桂蘅

無中道步有望洋情計日歌眉壽隨時愛令名  
薄懷摠鮑叔厚望副陽城申且青山遠意中人正行

挽王復菴錦

文藻王褒手年華賈誼才秘書天祿閣驄馬繡衣臺  
自許漢鯁化終成市虎猗節旄頒奉使松菊早歸來  
門雀無勞問巴猿益可哀大江流浩蕩勾曲聳崔嵬  
秦嶺重逢雪揚州更詠梅性靈院萬象魂夢繞三台  
鷗鳥悲斜日昆池起劫灰平生山嶽動身後簡編開  
駿骨千金價天章五色裁長拋綠野地高卧白雲隈

五言排三

掛劍人終到生芻首重回傳家今有子他日兆三槐

挽徐主事父母歿後膺封

疎雨欲昏黃蕭蕭打白楊孤兒兩行淚萬古一封堂  
急景沈黃度悲風怯孟光過庭遺澤杳投杼苦心長  
出海雙珠耀歸城一鶴翔人開梁木壞天闕紫泥香  
丘隴冠裳改山原草木芳來休仍未已餘獲故難忘  
碑碣人傳誦麒麟曉鬢蒼九京如有職含笑正相忘  
抵安德驛得家書

已附還家信應知去國心一身還我有雙鬢為誰侵

松葉如無恙琴尊或可尋刪經存相鶴臨帖課來禽  
小閣開蘆渚枯棋闕樵林遠山春雨靜新水夜湖深  
樂與客移棹素心朋盍簪野情偏浩蕩秋意正蕭森  
自覺忘人我何勞問昨今沙出綠海稔無藉雨為霖

挽薛司訓夫孀

聯璧玄堂莫雙珠井邇和合銘鑽玳瑁連理長松楸  
無復看間案徒懷地下修囊螢遺業在九膽舊方畱  
宦轍鹽車進寶筵剪髮羞赴漢先借路分鏡復同丘  
絳帳多遺淚荆釵範未流騏驎蕃後社苗裔足前修

五言排四

隱德書難盡高風掃未休獨憐寒食雨草色上眠牛

五世從孫陸瀛齡重編補刊



陸文裕公行遠集 卷二十

從魯孫陸起龍謹編

七言律詩

南郊駕出

南郊清禁鎖乾文時倚齋居望瑞雲 帝輦欲來香  
滿道宮門乍起曉初分芝房桂棟圍丘殿虎旅龍驤  
太乙軍昔日楊雄空麗藻唯將羽獵奏明君

駕入

龍旂日射九關開鳳輦風高 萬乘來皇國山川自

起空碧空雲物尚徘徊依微花柳迎春使次第王侯

獻壽萬歲時唐封俱鄙陋真書周典共昭回

長至侍班

白玉闌干動曉容鳳笙吹律應黃鍾侍臣躡屐趨金  
殿 天子垂衣覆袞龍雲裏雪花依仗落爐間香氣  
入簾濃却看下界羅星斗身在鈞天第幾重

林中觀雨

天連仙掌曙光分龍氣遙瞻五色文山勢淨依金殿  
轉蒼聲清報玉堂聞似知佳節催農事願比甘霖奉

聖君昔日侍臣憐家玉空將靈澤賦行雲

林中早春

重重臺殿護雕闌欲勒春聲鶯尚寒旗影漸隨風力  
軟凍痕初映日華乾雲依紫蓋和香度龍抱黃金帶  
雨盡世道正同陽道長午門朝下雜千官

南郊雪後齋宮候朝

雪片煙銷積漸和紫壇瑤殿接星河風行法駕塵颺  
盡雲護真龍雨意多萬乘旌旗環 御蹕千官綵繡  
濕恩波楊雄老獻河東賦何似明堂九德歌

登翠微恭望長陵形勝

春深王氣萬重身到中天望轉濃近接星辰看拱  
極遙從江漢識朝宗風回喬木千章合時有祥雲五  
色封一自鼎湖仙去後萬年弓劍闕真龍

郊祀分獻風雲雷雨壇

露冕垂紳午夜長瑤壇灑氣正蒼蒼靈飈不度松聲  
細端拜初來曙色涼願有風雷悟明主敢將雲雨賦  
襄王園丘禮樂今 皇盛萬騎千廬簇女牆

再出郊壇視牲於華蓋殿復命

九天風物麗春陽來自南郊後未央龍馭遙傳香裊  
負鶴行時送珮銜步依玉砌雕闌遠立近珠簾繡  
帶長華蓋極天懸法象此身真到白雲鄉

禮成下壇時天宇朗霽

星橋閣道倚層霄一徑天開紫翠遙合殿椒蘭含瑞

氣九重煙霧鎖春宵萬年天子調元化四海諸侯

奉大朝天意直教明主識風雲畫捲雪全消

候祭

神道如茲春月寒女城西畔第三壇樓臺始信中天

七言律三

起星斗翻從下界看五色龍蛇搖羽蓋九重煙霧繡

椒蘭君王合在清齋殿共聽鐘聲夜向闌

早朝

聖人勤政百工良鍾鼓聲嚴夜未央仗馬但聞嘶落

月朝鴉不見帶朝陽班成鴛鴦當堯陛影動雲霞

護舜裳緩步歸來綸閣靜尚添官燭校文章

宮井疎鐘曙色催五雲百和繞蓬萊優游萬國龍

顏動森列千官雉扇開寶階亦堦籠曉日玉音丹

陛隱春雷城鴉高拂扶桑景白玉橋頭待從回

遙望 秦陵有感

秦陵西望夕陽偏惆悵生成十八年今日不堪揮淚  
盡當時空着賜袍鮮萬山雲氣常爲雨三月風光又  
禁煙一去龍髯竟寥落只疑勤政向鈞天

茂陵

神宮靈寢倚雲層共識皇家第五陵山靜似聞雙鶴  
語風來如見六龍乘詩歌帝力康衢在詔遣祠官夜  
殿升二十四年仁厚澤至今涕淚尚難勝

初冬扈蹕同渭厓少保用川少宰謁長陵

七言律四

萬年王氣萬重山鳳舞龍蟠紫翠間日照芙蓉圖黼

宸雲開虎豹擁天關遙瞻玉殿題金榜想見神功識

聖顏從北來叨附驥齒湖雖遠尚能攀

扈從沙河宿煖閣中寄用川

十年世路長風波此日高眠托繭窩楮飾小軒殊爲明潔天傍

九重龍氣繞山開三面驚峰多人間容膝真餘地夢

裏還鄉亦笑歌輦路風清宮蹕遠頻將消息問如何

師相李序翁兩考書滿之期是日文淵閣前益

荷首作一花亭亭直上稱以爲瑞紀相業也

春明繪閣燧南風初試益蓮一朶紅佳兆已符中令  
考高標元代帝天工開從內在黃金闥地切深嚴白  
玉宮芍藥一春傳勝事何如六載表奇功

題石淙爲楊師相

人雲娟娟石泉流回首青山憶舊遊天柱雪消銀瀑  
下海門日照紫烟浮卽看烏背三台路疑有軍聲萬  
里秋此地到江龍窟近化爲霖雨滿神州

元日渡江

潮回沙際識春回遠見帆檣映雪開向晚中流空日

七言律五

月倚天隔岸有樓臺波濤東下元相逐鷗鷺群飛莫  
浪猜一望海雲俱不極令人遙憶濟川才

二日陰

江天不斷海雲生誰遣陰晴總未成苔片漸隨閒徑  
積梅花欲傍小橋橫占年法向山農問種樹書從老  
圃評幽興最關新節候莫教風雨妬春明

元宵赴白念憲東閣觀燈

凍石圍爐續補天滿城燒炬散輕烟中事此星河  
路迴虹橋接牛斗光侵火樹懸萬里未歸人漸老一

春今夜月初圓絃歌况有衣冠會共賞山中大有年  
十六夜張燈待月不得

滿城簫鼓隱樓臺火燭星橋接上台海月若知人意  
緒春風先爲我吹開試將豈稔占時歲應有歌謔動  
草萊十二闌干香霧裏夜深倚遍重徘徊

十七夜燈市陰

淡雲微雨上元天取次張燈夜似年好景尚須人少  
付浮雲如妬月長圓且教東閣開簾箔漫倚高城聞  
管絃試問六鰲何處是龍光常照海山前

七言律六

春興

天上歸來白玉京茅堂依舊帶江城安身已辨烏皮  
几晚食初嘗玉糝羹何用門前栽五柳祇須石上結  
三生東風又送催花雨起向花間次第行

寒食展墓

細雨東風曉未晴養花天氣近清明人間桃李俱生  
色望裏松楸獨繫情龍劔上騰星漢閣奎章遙映錦  
雲橫傷春不道春如許芳草年年滿路生

清明日半軒前丁香盛開

小院迴廊曲曲深爲誰頻結雨中心東風吹到第幾  
信節序俄驚百五臨簇簇紫茸如可嚙蕭蕭華髮豈  
勝簪故園買去開還早相伴溪梅水竹林

清明後一朝見桃花有感因誦楊孟載也無人  
折休相妬才有鶯啼更可憐之句

玄都觀裏到應遲前渡劉郎鬢已絲燕語鶯啼有何  
意石橋流水至今疑一枝帶雨比顏色千樹蒸霞勞  
夢思莫遺漁郎重問路此中元少外人知

春分日大風

七言律七

九十日春分一半四千里路長風沙寒衣欲變難爲  
客曉夢無憑數到家關塞每憐新過鴈山城深護未  
開花向陽賸有閒庭院滿意東來吹帳紗

大風

昨夜雨沙今大風美人高閣怨飛蓬柳條萬結渾欲  
斷梨花一株容易空豈是宋都過退鷁亦愁鄉信阻  
歸鴻江南茅屋吾所愛莫教吹掩瀼西東

送春

惜春心事比殘紅萬綠陰中一箇風失路書生偏有

波過時宮女若爲容欲留不住終成別已去還來總  
未窮何用憐芳倍惆悵好花多發舊年叢

初夏

桔槔聲裏送春歸乳燕新鶯接隊飛入視柳花還礙  
筆撲簾櫳雨欲霑衣月茶初碾金文餅團扇新裁白  
替機小閣正宜清潤候晝長消得往來稀  
翠塘新水鴨頭紋載酒浮花動午薰老圃養成三徑  
有野人耕破一溪雲廉纖雨脚晴不斷怯恰鶯聲遠  
更聞爲惜琴書妨溽暑自鋤苔砌辨香芸

七言律八

孟夏孟縣試諸生

關棘森森翠幄重清和時候日高春魚龍隊裏波濤  
關桃李陰中雨露濃未爲黃驪妨駿馬先從拱把養  
長松風傳筆陣春蠶細繞郭青山鎖萬峰

夏日樓居

小樓長日轉朱炎裝褻殘書手自籤性癖直成文字  
蠶官清擬辦水晶鹽白雲出岫來當戶綠樹搖風送  
入簾却喜到門塵事少始知吏隱信爲兼

夏日山居

綠陰樹水田田坐愛牛羊散遠天風送潮聲來別  
浦雲收雨脚過平川幾村茅屋青山外無數漁舟白  
鳥邊不信桃源是何處每將文字萬人傳

七月十三雨後夜渡

滿川烟月夜微明  
隱映江樓連海城  
舟楫有時行復  
住郊原無礙雨  
還晴  
仲由浮海心  
偏喜  
庾信逢秋賦  
已成  
願得波光常似鏡  
漁歌相和棹歌聲

秋興

細雨兼風若有情  
樹邊樓裏伴秋清  
候蟲燈火黃昏

七言律九

承客子衣裳白  
苧輕魂夢幾番偏  
故國襟期何處慰  
平生憊間更與悲  
團扇卧聽梧桐落  
葉聲

悵望西山宿雨晴  
新涼高閣夢魂清  
秋於景物三分  
變老覺功名一念  
輕日課就荒詩草  
少月支無補俸  
錢贏長安歲歲逢  
搖落宋玉情多鬢  
易星

茂苑長洲東復東  
江天森森夜含風  
誰家吹笛關山  
裏幾處征衣搗練  
中馬字未成雲又  
合魚書欲寄路  
難通不知宋玉才  
多少只賦悲秋已  
自工

半空涼籟撼千軍  
滿地秋光錦繡紋  
近水芙蓉先帶

露故園楊柳欲欺雲  
憑高萬里從今見  
行樂三秋自古聞  
堪嘆楊雄其寂寞  
一生空老太玄文

秋懷

風雨橫秋江上開  
江頭卧起獨登臺  
長空鳧鴈相交  
並清夜魚龍自嘯  
哀歲事未勞眼望  
年華如爲壯  
心催馬卿病久渾  
無賴宋玉愁多最  
有才  
曲徑孤亭盡日幽  
砧聲又動一年秋  
詩因才減頻留  
草老爲情多易得  
愁天上風雲金鼓  
迥江南鴻鴈稱  
梁稠陰晴却恐隨  
朝暮半月鄉書十  
度修

七言律十

景物逢秋老更成  
峽猿何必斷腸聲  
習家池上歌如  
沸  
庾亮樓頭月正明  
萬里山川催木葉  
五更鐘鼓動  
江城當年與賜金  
莖露夢斷空瞻白  
玉京  
天關風高秋意多  
青山如削水層波  
知歸玄鳥遙憐  
汝回晚黃花獨奈  
何故國笙歌遺玉  
樹前朝荆棘有  
銅駝興亡亦是浮  
雲事古往今來鬢  
自皤  
青燈挑雨不成眠  
愛聽芭蕉夜似年  
去日苦多無計  
欸浮生如寄定誰  
賢成功白髮馮唐  
老好事青山謝  
客偏他日向平粗  
畢願懶雲秋水淡  
沙洲

一翻風雨報園林岸柳汀蒲半不禁兔魄漸隨華月  
清風棲戀碧梧陰清商律應笙歌細白苧功多後  
管深起向推移占物候爲誰先有歲寒心  
總爲秋光滿葛中未應偏怪白頭新明珠本自能疑  
我沙鳥何心却避人一片雲輕終過眼百年論定不  
隨身草堂舊在三江上聽水聽風知幾巡  
病回門巷晝長扁留滯周南改歲星滿日秋容頻看  
鏡十年舊帶屢移釘高梧急雨聞金井柝火新涼照  
素屏深夜不眠緣底事自攜鉛槧校丹經

七律十二

六代三吳業已荒英雄遺恨水茫茫試量秋與愁多  
少始信年隨鬢短長江上野鳥爭得食山中叢桂早  
含霜長門本爲黃金賦賦就長門却自傷  
團扇情多咏未休并梧何事強知秋霜華先上雙蓬  
鬢壯氣生傳狗倚樓誰復常何工薦士徒聞李廣不  
封侯千尋鐵鎖如堪借借與人間鎖斷愁  
斜風細雨滿蕉窓蘆葉蘋花繞大江潮上水痕魚六  
六秋隨天遠鷹雙雙破除俗累還高卧翰卷談鋒願  
墜降物色若教供拈點青山合比鹿門龐

秋聲

高閣頻襟生遠興忽聞涼籟動羅幃隨風已去傳鴨  
桺傍月還來助持衣疑有波濤從地起獨憐烏鷓正  
南飛長安此夜悲秋客細數流年感是非

秋病

病裏逢秋愁轉多隔窓風雨滿庭柯寒衣欲授催砧  
杵鄉夢初成遠薛蘿天上樓臺真是好人間岐路竟  
如何山東兵氣看雲變何日王師奏凱歌

秋日會通河送客

七律十二

京國三年思故國黃花時節又登臺清江水冷魚龍  
伏落日天空鴻鴈來忽漫逢人渾似夢常因送客暫  
開懷鱸魚蓴菜江東地不爲蓴鱸也合回

七月四日與姚時望放舟過南浦

早秋煙水帶雲山江上扁舟信往還潮上漸隨青草  
短野心元共白鷗閒愛談舊事消殘暑賴有青尊破  
老慳四十年前釣遊地歸來雙鬢已成斑

八月二日至六日大潮成巨浸頗得奇觀

愛看秋水坐斜曛汗漫東來昔未聞風送潮頭噴積

雲波連天際，貼層雲高聲疑有蛟龍怒，遠影空迷鶴  
鶴群安得此心無一事，南華經裏老遺文

中秋夜同姜明叔王元家翫月

江瀛東望月華圓，咫尺煙霄萬里天，屏翳驅雲憐浩  
渺，銖衣和露闌嬋娟，良宵佳會俱難得，天上人間各  
有緣，十二闌干須遍倚，莫論風雨是何年

和楊東濱中秋之作

獨上江樓倚次寥，中秋况復是良宵，一年節序憑歌  
咏，大地山河入畫描，並起蛟龍時裊裊，南飛烏鵲正

七律十三

飄飄清光不照興，亡恨一曲霓裳舞細腰

八月十六夜渡江

天上金波影未闌，人間已作隔宵看，千家香霧籠銀  
兔，一派天風吹紫鸞，夜色分秋當二八，桂華作意讓  
團圓，不知高處還誰忌，偏倚幽人十二闌

中秋後二夜與姜蓉塘諸友登樓

月到中秋分外清，共登江閣俯空明，參差漁火遙通  
海，縹緲鸞笙欲近城，滿目星辰分上下，百年塵世半  
陰晴，一尊且盡今宵醉，鄉國賓朋倍有情

十七夜待月

紫閣黃扉切九霄，中秋待月第三宵，天高易識龍文  
動，海近偏憐蜃氣消，十幅秋光障雲母，一簾涼影弄  
冰綃，欲憑絃管吹雲散，忽有雲間起鳳簫

對月

庭樹扶疎月轉陰，煙銷畫燭候虫吟，隔簾秋色三千  
里，伴影離人一片心，門寂紅顏頻對鏡，帳寒清夢尚  
揮金，去年燕趙今吳楚，指點明年意更深

重見月

七律十四

淡雲烏鵲共飛飛，客子臨風悲未歸，庭院落花香陣  
細，園林交樹午陰肥，春杯不盡堂前意，夜墨空勞帳  
底輝，弦上樓頭今夕月，照人何日莫相違

和張秀卿卧月書懷

薄霧輕煙歛夜窓，客心見月未能降，如聞古塞人吹  
笛，忽憶揚州柳映缸，牛女多情悲遠漢，蛟龍有恨泣  
長江，麟遊鳳翥無消息，萬里滄浪媿釣艤

九日喜晴

斷酒暮年仍把酒，晉陽今日是重陽，貂裘救後猶餘

皇華並處前未破黃彭澤正慙陶令節龍山翻憶孟  
嘉狂每憐人事多風雨賴有晴光滿太行

九日臺中夜酌

六道陰陰刻古槐清霜蕭蕭是秋臺憶曾聽馬騎相  
防空把青鸞掃未開星斗中天懸法象風塵孤客笑  
衰顏因知九日群龍會共摘黃花浸酒杯

九月將望始對菊

遙憐佳節過重陽疊疊青山近短牆忽見黃花和我  
瘦不知白日爲誰忙買裁自嘆若無地欲插先憐鬢

有霜携向小齋風露背捲簾邀日伴秋光

十一月朔江門觀漲

渺渺煙波連海門長風吹浪晝爲昏磯頭錦樹隨船  
出天上銀河倒地喧便欲乘槎貫牛斗却愁斷梗失  
山村新寒十月登樓望岸草汀花半不存

雪後登平潭驛樓

面面峯巒一水通危樓正倚夕陽東自將短髮明殘  
雪閒看孤雲送斷鴻北斗地高天更遠巴人心苦調  
逾上南冠歲晚催歸客合讓元龍卧此中

雪後遊廣恩寺贈同遊張儀部

落日未落西城西孤亭曲徑遠水堤丹青合殿烟初  
暝紫翠千峰雪後低萬里旌旗聞戰伐一年風物遂  
攀躋回來苦愛張平子袖有琅玕錦繡題

歲暮風雨中發藏書示楫子

歲寒風雨合江樓燈火樓頭數夕留新命誤蒙吾  
已老舊書多在子須收星辰萬里趨關塞環佩三朝  
侍冕旒抱得寸心終許國未應猿鶴怨林丘

元年除夕

歲寒冉冉夜將除景物依依繞故廬大禹三江俱到  
海春王五始合教書山中日月從閒積天上風雲入  
望餘何用青銅看勳業自應愁鬢已蕭疎

丁丑除夕

門掩虛堂畫燭輝隔宵先自理朝衣冰霜遠道臨青  
鬢星斗中天護翠微豈有涓埃報知己且將身世付  
忘機物情自與流年換今昨無勞論是非

丁酉除夕

十年除夕總天涯帝里今宵鬢已華歷盡苦心難



報國撥殘燈火倍思家  
鳳樓繡綉回銀漢宮漏迢迢  
隔紫霞間尚畫屏清不寐  
獨將春信問梅花

除夜礙居對雪

誰遣天花白滿筵  
破除殘臘入新年  
江山萬里春猶淺  
煙火千家夜未眠  
馬援歸來空有累  
楊雄老去始知玄  
浮生踪跡元無定  
泥上飛鴻亦偶然

春日對雪

盡日風雲掃不開  
雪花如剪下高臺  
幾家菜麥春猶淺  
何處漁樵晚正來  
去路欲迷南過馬  
餘寒尚阻北

七律十七

梅病來辭賦渾忘却  
慚愧梁園授簡才

春雪和楊伯立

莫將名姓耻隨王  
冰雪相看自草堂  
梁苑賦成才獨俊  
山陰棹泛典何長  
肯隨湖上尋梅約  
來試江門煮茗方  
十里溪山堪入畫  
為開東閣對焚香

新鶯

花裏新鶯高復低  
逾身金縷養初齊  
自來幽谷偏求友  
慣領東風試學啼  
何處王孫停柳外  
十年征戍憶途西  
上林喬木知多少  
他日一枝應借棲

白鴈

波澄照影度瀟湘  
回鴈風高近帝鄉  
星陣望窮雲半沒  
雪翎風急字斜行  
蘆花深處驚遙火  
木葉催時護曉霜  
記得上林棲宿處  
每因影矢識君王  
秋深池館似江湖  
白鴈馴來即故鄉  
留取碧波頻照影  
暫辭雲路舊排行  
風光最好連宵雨  
月色渾疑滿地霜  
敢向劬勞怨憔悴  
且將詩句頌宣王  
頌宣王 頌中興也  
秋傳孤鴈過瀟湘  
人在高樓望故鄉  
顏色猶疑新變態  
羽毛錯認舊隨行  
關山雪後寒無影  
黍稷風前夜

七律十八

有霜贏得光輝照  
塵世久從靈沼近  
文王

來從星漢下瀟湘  
粧點楓林入醉鄉  
錦字傳情通萬里  
銀箏移柱送斜行  
溶溶月色憐孤影  
耿耿歸心滯晚霜  
堪嘆楊雄頭盡白  
惟將羽獵奏君王

來鶴

海天逸思寄籠中  
飲啄秋來每在東  
可是千年愛城郭  
憑將六翮度雲空  
暫來只隔三江水  
不去終隨萬里風  
病骨一癯應戀我  
莫將來去世情同  
翩翩一鶴下雲中  
正倚高樓落日東  
憶得羽毛如昨

夢不教心力破長空呼童護足防秋雨看汝梳翎颯  
晚風赤壁青田是何處忘機聊與海鷗同

虎丘

江鄉蕭颯不禁秋古剎名山占此丘雲護龍池迷雁  
塔兩平虎跡上漁舟聲傳清梵疎鐘出衣妥紅蓮極  
浦流千古宛然渾在眼越王臺畔女牆頭

東昌懷古

旌旄蕭鼓畫船過風送長河渺渺波水報郵籤朱夏  
晚岸繁官柳綠雲和聊城不下遺書在秦休乾封往

七律十九

事多七十二君空有錄莫因秦漢問如何

秦淮漁笛

桃花新水滿江流一棹波連自鷺洲網趁夕陽魚在  
貫酒隨村店蟻初驚高懷閒弄江梅曉古調遙翻鱗  
竹秋幾度曲終潮正落有人指點說東遊

雨後登儼然亭

蕭蕭竹樹夾溪深一雨初晴長綠陰真意  
遣空老大野芳雖少亦山林好風似舊穿高楊流水如知繞  
素琴東去大江知到海為誰煙浪送歸心

遊歸宗巖

巖境靈源閱後開真從二水接三台關山形態何如  
此册華登臨有幾回危石隕空風出洞孤松架壑畫  
閣俯白雲已滿層臺下雲裏更寺高處臺

遊烏尤寺

挿天一柱障東南高下僧房共佛龕壑啞地靈勞鑽  
鑰峩肖天險隔煙嵐常驚虎豹蹲蒼莽疑有蛟龍起  
碧潭爲問魚蟲等爾雅景純曾此事幽探

秋日慧昭寺訪舊迷道

七律二十

不是桃源路亦迷客心隨馬自東西蕭疎榆柳如前  
歲依約樓臺記隔籬入寺緒風秋較早照窓斜日鳥  
偏啼憑誰指點還歸去頭白山僧有杖藜

戲馬臺登眺

土氣蕭條伯業收彭城依舊碣山秋山連青郡兼齊  
連水合黃河入海流漠漠雲低度鳥踈踈樹杪送  
行舟凌空臺閣宜春望尚及西風半日遊

四月八日再遊龍華

六日龍華兩度遊陸行騎馬水行舟風雲塔院松將

曠煙火村家麥已秋  
病到靜餘初減藥  
望窮天際更  
樓桑榆苦愛清江曲  
常愧山僧半日留

暮山曉發經行福泉過青龍

山船春盡水雲和  
曉夢中間十里過  
山色擁螺澄海  
沙溪流如帶  
縮江波逢人每問三三徑  
對酒遙聞欸  
歌敢愛凌空凭雁塔  
何妨此地有漁蓑

蘭谿易舟愈小而北望愈遙

山峯疊疊水潭潭  
欲斷還開去始清  
淨照波光深見  
月遠分秋色  
半成嵐夢魂總不離  
天上身世虛憐是

上卷二

上南買得溪船如一葉  
茶煙頻颺酒微酣

遊武夷

武夷宮前九曲溪  
好峯多在夕陽西  
仙人飛度無行  
徑過客躋攀有杖藜  
草樹陰連碧落風  
煙裊裊引  
屏梯相傳亦是秦人隱  
何必桃源路始迷

日日溪頭風日清  
權歌裏鏡中行  
千巖萬壑不知  
處芳草幽花苦問名  
照影碧潭憐我老  
分秋華月向  
誰明山川如畫人如玉  
望闕懷鄉無限情

清遊妙得此山中  
一度來過一不同  
泉石煙霞時上

下陰陽昏曉自西東  
溪流九曲層層去  
雲鎖千峰面  
面通向晚天風墮  
仙樂月明知是武夷宮

秋曉汎九曲

縹緲煙霞曙色分  
蓬壺玄圃只徒聞  
丹崖倒射潭心  
影錦浪初生水底  
紋合有仙靈  
藏蛻骨寧無富貴等  
浮雲懼歌九曲應誰和  
獨倚秋風弔二君

離陽禮月

金鼓聲繁夜向闌  
叩天無計路漫漫  
埋將桂樹三千  
丈失却姮娥十二闌  
后昇鸞  
弧空嬰鑠玉川流涕正

上卷二

沈瀾由來天上成  
廚事付與人間仔細看

行經隋堤有感

端委猶堪致太平  
龍舟錦纜竟何成  
空餘細水綠堤  
曲別有垂楊帶晚晴  
社燕歸來如有恨  
閒花開遍不  
知名行人誰管興亡事  
但說揚州接汴京

遊五臺

五雲常覆五臺端  
天近清都特地寒  
澗道千年冰未  
化林梢一夜雨  
初乾黃河紫塞依  
依見碧殿朱樓面  
面看萬壑千巖青  
未了更從高處望長安

陰日平潭道中

陽和鶯鶯度郊墟鳳曆枯來歲又除萬事可齊終有  
盡一生能幾苦求餘菲茨人靜雞聲早關塞天高雁  
影跡欲寄封書東海上藥闌花塢近何如

桐江舟行沿月

錦帆明月舵樓風逝水澄鮮復映空萬里鶴歸迷近  
遠一谿人語隔西東廣寒金粟秋香動碧落銀槎海  
氣通漫向桐江論往事客星原是釣魚翁

白鹿洞遊眺

七律三

亭臺高下恣登臨泉石松篁處處尋一徑梅苔無俗  
轍四時弦誦有清音人逢勝境功名薄山到斜陽紫  
翠深五老不隨雲雨變卜鄰初見古人心

虹縣曉發是日清明

拂曙星河擁使旌隋堤花柳報清明人家煙火寒猶  
禁客子衣裳暖漸輕夾岸露華添細水浮雲春色抱  
孤城東風滿地皆芳草一為多情盡日行

謁諸葛廟

武侯祠廟已千年過客何心盡可憐百里營留鳴鼓

後兩函表上出師前江流不轉餘灘石峽鎖舊聞哭

杜鵑自信英雄終有氣風雲常護舊山川

謁潛溪宋先生祠

華國文章報國身青山萬疊未歸人高皇最愛才無  
敵學士應誇酒有神不向東方戀桑梓至今南斗避  
星辰楊雄杜甫俱鄰傍落日祠堂禾澗蘋

冬日回渚川過范浣溪

曲徑疎籬路欲迷草堂歲晚浣花溪槐柯倒影醒殘  
夢竹汗留青滿舊題暇日偶從南郭隱好山多在小

七律四

颶西高人未用逃名跡江上天空北斗低

春雨遊岑公祠

石門泉竇境尤奇紫暈蒼痕雨更宜信有神仙住人  
世何妨遊宦向天涯盤崖一線通銀漢滴乳千年長  
芝流水高山俱望眼柳條花萼繫春思

龜峰晚興

度壑穿巖興未適更從燈火數奇遊風高八月寒先  
到地僻千年事轉幽碧澗每逢春漲合卅崖疑共暮  
雲稠平臨北斗長安近身在天南重倚樓

白澤山取道過玄墓

盡日湖山不厭多，畫船初泊綠輿過。  
路從鳥道衝黃葉，浪打魚磯濕綠蓑。  
閒處風光巖壑占，望中天氣水雲和。  
相逢莫問鴟夷事，愛聽滄浪隔樹歌。

過清風嶺謁王烈婦祠

桂鷓聲裏滿干戈，苦愛清風不肯過。  
五夜獨驚塵夢短，一生不慣別離多。  
自應廟食當軒冕，空復烟花艷綺羅。  
歲歲山頭寒食雨，血痕墳起碧差栽。

權店驛覽舊題

七律三五

春風昔日題詩寺，重到其如歲月何。  
世上紅塵無處少，鏡中白髮為誰多。  
有山似畫催人去，何術能仙縮地過。  
惆悵東西又岐路，江天慚愧舊漁蓑。

經天姥

天姥峯頭雲日開，欲臨東海望蓬萊。  
不辭謝客登山後，遠愧孫郎作賦才。  
秀色南來連五嶺，星文高處接三台。  
何人更有凌空手，為築黃金萬里臺。

錦江

浪花如織遠黏天，濯錦溪邊勝可憐。  
五色文章初日

裏一川綺綵午風前，東流到海通蓬島。  
南浦逢春送酒船，若問琴檣霄漢事，支機抱得已多年。

出故關

四川關門紫氣迎，萬山從此坦途行。  
絕憐一片斜陽裏，却望中原似掌平。  
客久每驚新物色，地分初覺異人情。  
離鳴虎踞皆陳迹，滿眼桑麻笑語聲。

登千山絕頂

高處青山暮氣微，登登無礙葛為衣。  
澄湖碧海看逾遠，絕壁孤雲頽不違。  
天馬多情偏北走，鳳皇何惜更

七律三六

東飛人家最好垂楊裏，一片水田雙板扉。

鹿山道院和舊韻

西來乘夜過平山，十月霜天未放寒。  
碧海迢遙書借鶴，紫簫縹緲調參鸞。  
兩行環珮因風轉，四壁雲山入座看。  
似有前期吾得赴，舊題重展墨花乾。

南康分司禱雨

城臨大澤坐侯封，座擁冲霄五老峰。  
白浪風多常八面，青山雲鎖自千重。  
人憐雨意占鳴鶴，我欲波心起卧龍。  
慚愧棠陰下，南園清齋十日傍長松。

利路紀雨

欹枕無眠萬里心  
濟時須仗傅巖霖  
三更忽送千山雨  
五月難逢半日陰  
禾黍攏頭新水漲  
芭蕉聲裏大江深  
起來欲着蓑衣舞  
細聽聽前斷續音

歌風臺

徙倚江山今幾回  
長陵蘋藻有人來  
鴻門高會空揮劍  
相國佳猷獨薦材  
秦虛一朝信約法  
楚羨千古痛分杯  
故園留得歌風處  
不見歌聲風滿臺

發平潭

七律二七

流年如水客程遙  
又是王正第二朝  
關塞極天三晉國  
風烟入望五雲霄  
名山有副藏遷史  
擊壤無功頌帝堯  
千里不妨隨鸞屐  
一枝終自負鵝鷄

宿常山集真觀

病懷自愛尋山憇  
面面芙蓉映遠峰  
向晚樓臺棲宿霧  
報晴鐘鼓動秋風  
千重地脉閑關北  
八月星槎浙水東  
懷罔望鄉俱不極  
一龕燈火翠微中

潞河候水次張石川韻

心同野鶴恣高飛  
學得屠龍與鶴遊  
魂夢九天雙鳳

關江湖滿地一漁磯  
安身已辦烏皮几  
稱體新裁白苧衣  
賴有河邊同載客  
不應林下見猶稀

大盈北泛吳淞東下

江流曲曲抱沙隄  
波濤當時逐拍天  
季子遺風三百里  
鷓鴣更餘恨幾千年  
東吳地僻尊絲王  
八月秋高桂魄鮮  
本是一舟無伴侶  
傍人錯比李膺船

荆門自三泉上塔山

峯巒如畫玉為泉  
春晝風光特地偏  
花柳向人如舊識  
文章作牧有前賢  
望窮天外巴山雪  
散起雲間郭

七律二八

樹烟更喜太平無  
戰伐千年城郭故依然

落花

蝶粉蜂黃冷浣溪  
真顏無主畫樓西  
情緣偏戀鴛鴦水  
煎藥多留燕子泥  
荏苒芳塵湘魄化  
飄搖紅雨蜀魂迷  
池塘倍覺朝來勝  
新綠成陰護鳥啼

八月晦日卧病山堂木槿一株白花千葉為賦

玉舜

曾聞鄭女詠同車  
更愛丰標淡有華  
欲傍苔蘚橫野渡  
似將鉛粉闌朝霞  
品題從此添高價  
物色仍煩築

燈沙漫道春來李能白秋風一種玉無瑕

風雨無端懶稅車坐當秋水影南華花開一樹臨重

九人倚高樓望少霞顏色不隨游女盡心情常近狎

臨沙絕情何用頻携酒霜醉姿容玉帶瑕

王舜尊東濱四和再疊自况

其拜將軍李左車曾同研席感年華人間變態空翻

當天際輕陰是落霞未用對花傷酒釵且來卜築傍

溪沙丈夫百碎寧爲玉爲石寧須銜不取

緩步林阜已當車小園先與報霜華聊成隱映當樊

七律九

御欲采芳馨擬瓊霞不似金花寒綵勝羞將紈扇怨

鴛沙上人自去榆關老漢殿丹青空指瑕

世路羊腸上坂車物情空復雨中華何如籬下三秋

月照見花開一抹霞白璧似將終報主黃金欲鑄且

披沙不知世上誰青眼辨得無瑕與有瑕

錢國輔爲予作儼山玉舜圖數客繼集而世安

具扁舟西去卽席賦之

歌聲雷動七香車總爲山若詠舜華江上白蘋同飽

露日邊紅杏自蒸霞虛煩惆悵經籬落木有推移變

岸沙人共惜花花似玉不如人似玉無瑕

有草名鴈來紅俗呼老少年經霜更絢

老去誰能更少年此來相對亦欣然人間白日無繩

繫帶裏金罍有訣傳秋水蘆花三畝宅西風鶴唳五

更天曉來霜重紅於染伴我檢花紙帳眠

看花風約東濱以他適爲瀟湖橋之遊賦舟久

候聞又有樂地相妨走筆次韻聊爲解嘲

何心傲世卧蒿萊曲曲流泉山亂堆地亦有靈元自

勝花如無主爲誰開瑤池虛負青鸞信松院空留白

七律三

鶴陪自是凡心戀鄉郭劉郎何苦怨天台

食菱

一曲菱歌江上秋畫船歸近望江樓比來物色渾如

玉南望鄉關第幾州風味疑從仙掌墮水芳曾傍錦

雲潭歲寒獨在佳人惠消得相如一片愁

食酥

瓊花凝露拂高秋琥珀筵前十二樓軟滑不須論比

寒溫茶元自出南州夜寒錦帳笙歌細春煖金尊琥

珀浮慚愧清寒玉堂客得聞風味破新愁

謝頌永齋惠蓮實

長卿病肺幾經秋藥餌頻須正倚樓忽枉新篇題玉  
井渾如高誼借荆州細傾圓實珠璣亂尚帶清香玉  
露浮見說功多心獨苦采蓮歌罷使人愁

疊韻答柴德美黃門

灑思芙蓉露下秋遠過玉祭賦登樓時焚左掖三千  
躡寶定山東一百州獨客琴書殘臘盡中天臺殿瑞  
烟浮夕陽無限憑高興與汝同懷比頌愁

疊和俞國昌貧鱸

鱸魚誰送海門秋遠客思歸正倚樓張翰因風辭洛  
下東坡乘月向黃州鱸成飛雪銀絲細日斷煙波釣  
艇浮曠有詩筒報知已且憑丰酒慰羈愁

寄王天則

檢化歲歲憑君折折盡梅花第幾枝樹杪暮雲看去  
遠江湖海鯉到來進詩今點窠成于首路已經過孰  
九疑坐對惠連談往事夜來應夢草生池

雪夜聽沈仁甫談鄉事

鄉事連牀話未休春寒寂寂送春愁素衣憐子客千

里書輝耀八風滿樓燕地雪花偏入暮故園揚柳幾  
絲多特為問吳淞水猶迷儂家日夜流

夜坐念東征將士

黃河乘夜渡貔貅兵氣如雲擁上游大將能揮白羽  
將軍王不受紫貂裘十二關山齊故國百年疆域漢  
神州不眠霜月聞才斗自啓茅堂望斗牛

月下自懷王存約都諫倪本端祠部

雪後樓臺闌月明懷人咫尺最關情心無機事如君  
少時有詩篇過我評琪樹夜寒巢鶴怨紫簫聲遠彩

七律三

寄懷應正草回戀疏倚遍闌干臥未成

歲晚相思雪滿庭也知祠部亦冰廳心期許我俱頭  
白雪歸何人獨眼青落盡燈花收夜局寄來詩草帶  
春星長安客舍多如許每過門時馬自停

郊行還贈同行余副郎

貝闕珠宮上帝居月華夜氣闌清虛西來步出天門  
迤東望春隨斗柄初粉署仙郎時並馬禁城銀鑰尚  
留魚御街風色香塵細吟過南郊十里餘

寄懷



獨上滄江百尺臺夕陽無數鳥飛回寒暄氣候隨時  
變翻覆人情祇自猜白髮有期和我長黃花着意爲  
誰開壁間團扇尋常事空後班娘最有才

題松泉號

藤杖芒鞋白疊巾松泉隨處是知音半空素練懸秋  
色十里青山蕩午陰坐愛團團當偃蓋卧聽嗚咽替  
彈琴道人綠葉何相問聲色中間未了心

和郁潮州

欲從東海望蓬萊試上江頭百尺臺春色送將拚獨

七律三三

醉好懷留取爲君開詩成滿砌翻紅藥客去閒門長  
綠苔青語桃花休折盡劉郎應是不重來

五十生朝自壽

行年五十鬢猶青浪許前身是歲星三別尚存和氏  
璧一區初築子雲亭人間好景中秋月世上浮名五  
夜螢偏愛江山圖故國欲將非是問蒼冥

贈別尤宗陽南還

臨岐莫恠恨暗暗投贈天涯紙半函澤國鄉音三泖  
比江湖夜雨一燈南浮蹤去住僧留偈世味寒溫佛

已攀歸去若逢人問信文章何用學春蠶

送劉德徵赴夔州

昔從夔府望京華今去江南萬里賒亦有詩篇如杜  
甫莫因辭賦弔長沙人從五馬憐春色地接三巴切  
暮笳 天子正思甦遠郡長城時見倚雲斜

次太平驛見梅花和謝愈憲邦正壁間韻

山雲黯黯復冥冥釀雪爲霖總未成忽見梅花如着  
意即看詩草可憐生月來粉蝶渾無影風度黃昏似  
有聲况與歲寒期更早玉人消息最分明

七律三四

壽顧東川

春明祭服錦衣鮮近捧丹符下九天標柱舊題酬駟  
馬繡筵新啓集群仙人如白玉臨風樹袖有黃庭煉  
石篇無限韶光正明媚杖藜携酒過東川

和姚尚美龍山會詩

金錢片瓦籬邊疊買得天家一段秋橙橘飽霜黃樹  
頂芙蓉印水茜江漚縱橫數陣飛歸雁欸乃一聲歌  
牧牛人世都來能幾日床頭詩債會須酬

書扇贈何子元武選

春風吹墮洞庭舟春日來從鸚鵡洲萬國風塵隨獨  
客五更烟月下中流天邊城闕身重到箇裏關山鬢  
已秋坐憶五年江海別楚雲與樹各登樓

聽馬一首寄沈御史子公

長安驄馬鐵連錢新賜黃金鑄作鞭千里共看皮骨  
好五花應入畫圖圓昭王築罷燕臺下桓典騎來御  
苑邊已見過都頻歷塊最憐神駿鬪春妍

王昭君

昭君出塞自是漢人禦戎失策却與尋常婦

七律三五

人失身不同斬毛延壽正是潘其色耳殊不  
成誅賞昭君既去亦不見有思漢思歸之意  
後來受彼潘蒸已化其俗矣古今詩人咏昭  
君多是題蔡琰耳與文姬事頗不同此亦史  
傳疑義因華泉有作次韻

却抱琵琶別漢官長城萬里戍樓空一身遠嫁從明  
主半向新羅付畫工雲外不殊青瑣月塞前初繫黑  
山風異鄉景物新相識無限悲歡曉角中

遂李獻吉不至

幾日都門長者車風塵不見正愁予只今對面還千  
里何處相思有尺書秋色天涯催客暮山光梅外爲  
誰舒空歌杖杜回長嘯終愧緇衣嘆索居

和汪有之園亭之作

一區猶愧子雲才薄有茅堂傍水開遠信經秋憑鴈  
到問奇長日有人來好花隔岸飛紅雨新筍穿籬迸  
綠苔同上玉堂俱出牧却從湖海望蓬萊

次韻答鄒文淵

久客寧忘地主賢每勞移步出花前川園風日春難

七律三六

老山抱樓臺月又圓燕子暖泥低掠水王孫芳草遠  
連天行藏未定頻看鏡獨羨君歸及壯年

贈劉都闕

闕海煙雲雜凱歌將星先已動鯨波春來江上常輕  
騎夜半淮西復混鵝山有石幢銘縛虜家留芝簡備  
征倭一門五世傳勲業又見仙郎起大科

奕勝張西峯詩以金華酒謝教戲成速之

上將星隨慶月孤夜來共氣走全胡螭螭臂弱悲車  
激鴻雁行高識陣圖金酒價多煩賭堵黔驢技短怨

於菟受降城向長安築須信人間有丈夫

題楊時明瀛洲餘景

水石參差竹樹幽從人呼作小瀛洲天連東極元通海月到前溪早得秋書札遠從三鳥度樓臺疑有六鰲浮主人八面才無敵廊廟江湖得共酬

和都憲張大經顯靈之作

春明朝下偶尋幽紫府琳宮續勝遊仙去不須人境外靜來真覺世緣浮鳳吹別院簫聲遠龍起前陂竹杖技見說臺端多暇日願陪冠蓋復淹留

七律三七

送尹子貞令崑山

清舍山水畫難如片玉吾家舊有居春水經濟

手福星常候斗牛墟花陰夜永唯龐乳江上秋橫有

鷓書慣識穿楊能百步即看滿縣種桃初

和宗道用途中韻

甕把羈愁付醉鄉壁間題字且昂藏十年別去人如玉一夜詩成雨帶霜門戶尚依楊子宅襟期不比次公狂春風只隔都門柳擬傍金臺對舉觴

哭梓兒

午睡多饒夜不眠見時無賴記時憐未容人世同浮梗真向塵寰有謫仙泪去始知情是海愁來方信月

為年此生已分緣難了休問來生未了緣

客舍并州背苑牆獨纒愁緒鬢絲蒼三千里外拋中差四十年餘哭下殤院靜風簾隨日動城高霜角共

更長可能會得探環事來續衰翁未斷腸

歲暮逢春寄陳魯山

迢迢天際雁書稀冉冉緇塵化客衣約略一閒隨我老商量百計不如歸藥因久病多知性心與時違漸

七律三八

少機落日都門頻悵望一年行李又春暉

閒居遣興

兩都蹤跡波隨月十日生涯絮帶煙虛館屢裁求米

帖殘燈閒了乞詩箋南鵬身世輕風後北雁卿關落

照前短髮一奩搔不盡欲憑春酒遣流年

送林利瞻職方奉使還京

司馬勳名高斗岱禮闈文藻振瓊瑤九重春滿皇華宴期月功成尺伍書時錄東上袞衣人有賦南都

絲袖夢無虛官河簫鼓樓船下兩岸新秋萬草廬

喬白巖太宰家山留題在適亭

晉陽文物上卿家小作江山殿  
茂華望到白巖明玉雪  
山來綠野鎖煙霞  
雲窓覆奕傳仙譜  
石室藏書帶  
相麻同是登臨還  
在適遠尋何用訪  
冊砂

懷白巖

一出南來只渡江湖山  
空自望塵幢侯巴獨抱玄經  
老副博優將鐵馬降黃鳥  
愛才身願百青山埋玉世  
無雙因公復墮西州淚  
酒徧秋風倚北窓

雨中宴莊氏東園留題山亭

七律三九

洞中山石俯澹光  
窓外林花薦野芳  
况有管絃相映  
發儘教風雨佐清狂  
虛疑四老烟霞地  
正是三江雲水鄉  
我欲卜鄰酬望想  
自應團社寄篇章

次韻楊伯立

幕府詩壇共策勳  
向來能武更能文  
何須絕藝誇獫臂  
自有高標寄鶴群  
青鳥瑤池新使者  
伏波銅柱老將軍  
王春詩域多佳氣  
六十年來兩鬢雲

談命

我生南斗居磨蝎  
第一宮中值月烏  
倚伏信能成禍

福才名安敢望  
韓蕪早稜幸免  
逢奇繳末路  
應須慎畏途  
怕已愁丁竟  
前定且憑信  
步任榮枯

西樓夜雨贈秦元甫

仙舟兩到一經過  
不共通宵奈樂何  
好雨似知留客住  
花燈偏覺向人多  
十年舊事談猶縷  
一曲清歌酒半醅  
莫更今朝又離別  
流光不借魯陽戈

舟中與倪本端夜話

新月西江清可憐  
美人况復共樓船  
雲高星漢浮濱  
海風送潮門  
海烟喜極逢時翻  
似夢細尋別處是

七律四十一

何年不知情話深  
多少頻報銀河滿  
暗泉

贈別鄭宜簡

仙舟五月大江東  
鮑管千年見古風  
天北天南三十載  
聽風聽雨幾宵同  
閒來只愛青山好  
老去方知白髮公  
我已倦游君作別  
相思多在月明中

萬壽節出齋兩宿還庭下風仙花盛開

兩宿別來庭下草  
偶然微雨印開花  
秋傳小艷憐羅綺  
紅學新稚擁幔紗  
烟破曉離如有恨  
泥連淡竹自成家  
幽居愛爾添佳勝  
為怕涼風手漫遮

寄王瑩中

定山風景近何如江月江湖送故廬龍洞舊遊春服  
就大玄新著夜窓虛滿川花柳三杯裏隔岸樓臺六  
代餘我獨長安經歲晚南來目斷數行書

夜集夏桂洲宅送崔後渠

無限高懷付酒邊燭花如爲吐紅蓮雨餘殘暑消簾  
幕月轉微風裊篆烟東閣大開留別客玳筵高啓列  
群仙不知今夕爲何夕疑在珠林玉樹前

送楊石淙都憲陝西馬政

七律四

文章出典西邊政恩詔遙從北極來靈雨載將三  
輔去房星明處片雲開馬蹄春遠紫陰舊劍氣天高  
梓葉猜別恨欲憑飛雁渡望塵更上幾層臺

送陸良弼調楚雄

長沙不調賈生同古郡滇南楚更雄萬里驛程山共  
水五更心事雨兼風極知駿骨臺堪築未爲齊門瑟  
易工交契十年情不盡長安幾度別離中

送方矯亭赴南祠部

詞人南國古來多又渡秋江渺渺波兩地客懷俱復

離十年心契奈愁何鳥啼一省常封印簾捲鍾山且  
對歌後夜黃金臺上路雁書頻望下星河

遊儲子西園池乘月夜汎

峯巒巖壑俯中流何處三山與十洲新雨不妨泥滑  
滑好風先送水悠悠鷗無機事迎人下客有高懷盡  
日留向晚星河迷上下笙歌燈火木蘭舟

送何文徵赴開州

江東文藻竟誰如新綰銅章左佩魚天上風雲元咫  
尺兵前草木正蕭疎烟樓夜遠三刁夢露冕春行五

七律四

馬車便欲修成循吏傳即看名滿薦賢書

送石文衡令漢陽

要識使君清似水漢陽江上接天流有人遙指鸞鳳  
棘往事空傳鸚鵡洲千里鸚書頻貯望萬方民力苦  
征求風雲咫尺長安道一上江頭黃鶴樓

送長沙劉生偉教聊縣

洞庭湖水接三巴幾日扁舟擬載家劉向有經傳漢  
室賈生遺事滿長沙門前雪擁人獨立壇上春來杏  
已花相對錦官城上月詩成須向杜陵誇

寄姚玉厓

十度書來九不酬  
蓬傳賓館是蘄州  
文章合動羣公賞  
山水真當萬戶侯  
未見故知能薦馬  
但聞東道暫依劉  
相思又上金臺路  
滿地西風吹暮愁

送皇甫子循謫黃州

雪堂舊路君重到  
赤壁文章五百年  
一向東曹分郡檄  
却從南斗望台躔  
流塵遠道征袍上  
宿雨清秋客鬢前  
明發大江過夏日  
中流應有濟川船

送王世美赴承天寫碑

七律四三

江漢星分本上游  
中天一統帝王州  
時瞻王氣蟠龍虎  
實有文章貫斗牛  
詞客曉從三殿下  
筆端人擬五雲留  
丹青琬琰俱能事  
延攬登臨總勝遊

曉發權店

山花紅映石泉流  
初見牛羊散古丘  
秦晉河山俱重鎮  
唐虞風土此中州  
彫殘極目知生計  
慷慨何能與國謀  
頭白官僚半文字  
東風又上阜貂裘

南谿甫後取道上五臺

六月蕭然似晚秋  
登高重整木綿裘  
卽看浦瀾泉初

出知是前巖雨乍收  
碧嶂旋隨孤鳥沒  
白雲常傍古松留  
幽芳一路無人采  
何處三山更十洲

嘉山次韻鄒文淵

尋山問水約同行  
嫩柳初勻花欲明  
正及人間修禊節  
更堪林外踏歌聲  
病嚴酒戒三分量  
清愛茶烟一縷縈  
韋杜去天元尺五  
不辭歸路暮雲平

南陵王望雲樓

五色雲中本帝州  
梁園更起望雲樓  
太行西去天逾近  
華表歸來鶴鬢留  
貝闕珠宮元渺渺  
白衣蒼狗自悠悠

七律四四

悠悠憑將一掬思  
親淚灑向朱闌最上頭

南郊視牲

法駕初回西出師  
圓丘大饗中春時  
天心自愛吾皇武  
雲氣常留上帝祠  
瑤樹棲烏三見月  
玉橋渡馬驟開漸  
已瞻風物俱生色  
玉帛承冠覩漢儀

湖石一株高大幾尋有  
嵌而無斧鑿置江

門名目纜石

飛來雲外自三天  
剛稱閑人纜酒船  
海嶽定應當虎拜  
菱谿空復費牛牽  
壯心欲試低昂射  
入妙手須煩

甲乙錯世路一生吾老烟波從此事高眠

送杜魯瞻令故城

遊絲落絮春無定對酒放歌聊送君滿縣桃花紅勝錦一雙鳧鳥曉凌雲平安題字還家近小試絃歌隔岸分見說官衙清似水日長還擬送窮文

和伯立山寺即事試借禪語言懷

曹溪曾憶是前身襍穢今生笑未神一壁風霜枯坐漢千重雲水飽參人拈花機透終傳鉢巢鵲深功不交塵見說盤陀君占住相從何日訪靈真

七律四五

寄汪綺

客心南望幾思君併日晴空一段雲春雨梨花塵候吏午風槐市罷論文傳家聞有騏驎子摘句時驚錦繡紋為報楊雄猶執戟紫髯青鬢各紛紛

留題凌雲

凌雲亭館倚雲開此日登臨選勝來春信每占魚出隊茶烟常避鶴飛回滂勞擇勝過青嶂欲認題名破綠苔天地只今靈氣在山川鍾秀付英材

未齋顧諭德邀野遠樓詠雪

不上雲梯已隔秋賞心况負雪中樓靜披文字五千

卷逢見河山百二州野遠何妨金馬隱朝回時有御香浮春風正欲吹殘鴈簾捲浮雲消客愁

壽溫大紫菊庄

菊花潭上午橋東聞道殮英長碧瞳萬疊好山供隱几三巴流水送詩筒絲綸人愛高堂日禁殿香傳舞袖風南極夜來多瑞氣文星光映壽星紅

北橋泊舟

明心寺前寒月宵忍聽鳴鶴重題橋舊家文獻餘子

七律四六

拾浮世勲名等鹿蕉黃葉碧柯霜後樹淺沙高岸夜初潮舟行不斷人行急水自長流路自遙

月下念舊

新月窺人夜氣清頭顱如許感吾生青宮直罷催宣賜紫閣詩成報署名海內舊游三館富座中雄辯四筵傾于今縱起相如渴一為秋風每自驚

荅王良弼邑博

靜海城邊落日明宣王官前聞弄兵飄零書劍吾憐子問訊衣冠誰有情莫似風塵空老淚謾將經術付

諸生夔州亦有當年恨杜甫能成蓋世名

舟次別閑齋太史有之大魁兼呈石潭翰學

清溪曉下四十里搖動千林仲月秋人境烟霞藏福地  
君家兄弟共仙舟感時鬢在搔還短別路情多去  
更留天上夔龍方有待他年猿鶴未須愁

阻風京口遊甘露寺

山寺山各舊日聞偶從登眺迥塵氛秋高落水平遙  
岸日夕青山碍白雲一水金焦懷佛印三峯高下望  
茅君扁舟昨日渡江去夢繞天涯幾夜分

七律四七

遊廣恩寺

春日忻逢水西寺入門無數香烟旋鄉園千里遠作  
客塵土十年終愧僧風光每向開邊見山色試憑高  
處登未問西來栢子樹可憐清沼玉壺冰

五世從孫陸瀛齡重編補刊

陸文裕公行遠集卷二十一

從曾孫陸起龍謹編

五言絕句

初夏

野曠孤亭迥晝長花影遲蒹葭飛白鳥楊柳轉黃鸝

其二

芍藥花初謝芭蕉葉已斜窻前一夜雨浮綠漲文紗

其三

林日不到地溪風常滿船雨餘黃犢健天際白鷗眠

五言絕句

其四

細草綠層砌幽禽語盡梁好風排戶入吹散午時香

其五

雨打蝸牛篆水回科斗文辛夷花正發咄咄欲書雲

其六

行蟻醒槐夢游蜂靜蜜衙嫣然成一笑更愛雨中花

其七

雨歇鳩鳴午風行麥送秋村村鷄犬裏疑有故時侯

其八



散策常依樹高眠且枕流北窓陶令宅南國庾公樓

其九

拂石坐清夜臨流憶往年菱花堪寫境荷葉不成錢

其十

茱萸梅子雨水國棟花風何如滄海曲空復鑑湖東

和安鴻漸登樓曲

登樓覽春暉春暉可憐晚所思在天涯欲往道路遠

其二

日夕倚樓望行人歸未歸斷魂與殘夢相逐鴈南飛

五言絕三

其三

雪後樓偏好青山破白看客衣無奈薄高處許多寒

其四

樓頭紅粉雉樓下紫駟馬兩處總相思無言淚成把

成晉驛庭槐繁陰戲爲一絕

用意將雲白山光隱樹青總看行蟻夢何日報雞醒

辛丑歸途

高鳥依依沒長河森森流風塵隨短髮去住任扁舟

其二

弱柳風前轉新涼水際浮尊鱸如有待歸日正逢秋

其三

日落山烟紫林深暝色寒殷勤問前路今夜宿新安

其四

曉行不知程夢醒聞細浪曙月逐鷄聲擢歌來枕上

其五

水色拖蒼玉槐雲墮綠雲會心詩半屬得意酒微醺

其六

忽憶乘高躡因知遡急流陶潛初罷令李廣不封侯

五言絕三

其七

四十年前路三千里外心人生幾兩屐閒處萬黃金

其八

畏影常依樹尋盟每問鷗天邊孤竹國雲裏仲宣樓

過叢臺

青山不改色綠樹有新姿昔人歌舞地今見草離離

題小景

箬葉舟能大桃花水正新了知魚有樂袖手捲絲綸

其二

自愛看秋水鷗閒我更閒蓼花洲渚裏隨意弄潏潏

詠呂公石 二窠如呂

呂公本俠士詭稱回道人黃金亦可變誰云非法身

簑衣真人 石縷若簑

真人已忘我猶著雨簑衣一朝塵劫盡風雪不知歸

麻衣道者 皴若簑積

當年錢若水寒夜撥爐灰若是公侯骨定應期不來

邁邇仙 形骨皆後

古來神仙侶均爲柱石材得志有廊廟有時居草萊

劍石

葛坡化爲龍八公亦練石借身遠報讐疑血今成碧

紫雲

積翠競萬壑孤頑自離羣因風欲吹墮夕陽明夏雲

紫芝峯

采芝堪療饑煮石亦可餐悵望商山老浩歌蜀道難

過淮陰 六言絕

故堞初驚雨歇古祠高枕江流一抹霏微輕靄片帆

歸去清秋

陸文裕公行遠集 卷二十二

從曾孫陸起龍謹編

七言絕句

館中

天上文章白玉堂日華浮動鬱金香詞頭封罷渾無

事獨步花磚繞畫廊

西苑

剪綵爲花艷綺羅離宮仙女覓春多不知四海凋零

盡猶唱新詞玉樹歌

粵王城

寂寞荒臺背北城萋萋芳草暮烟生當年歌舞人何

在唯有空山月自明

瑞應堂留別

四面有山皆入座一年無日不看花如何又踏朝天

路春水樓船漾淺沙

龍窟

江南澤國水風秋彭蠡西來是上游百尺樓船簫鼓

發和雲衝過百花洲

白鳥斜飛水拍天，隔湖樹色見風船。  
網波只許漁鷗慣，一任蓑衣枕月眠。

臨流茅屋間，漁梁渺渺西風吹。  
野航一向江河心，更遠閑將雲夢比鄱陽。

長城

秦民已作無窮計，萬里城成白骨多。  
胡馬未來秦鹿去，可憐徒壯漢山河。

春日雜興

臨池草閣背山堂，乳燕泥融補畫梁。  
按却茶經試江

七百九

水自開陽羨，閣旗槍

種成修竹倚雲看，新築方塘漾翠寒。  
一夜落花風信急，隔溪吹折釣魚竿。

隔江樓閣鬱岩峩，掩映繁花更柳條。  
紅日半廳春睡足，獨携藤杖過溪橋。

湘簾面面擁孤亭，雨弄春晴草更青。  
山靜日長無一事，倚闌閒看鶴梳翎。

寂寂春陰江閣閒，綠浮新雨漲潺湲。  
隔花一犬足高門外，借書人未還。

花傍高樓半掩扉，河豚風起釣魚磯。  
沙鷗似解閒人意，時向蒹葭深處飛。

春江一曲遠孤村，鶴有雙雛竹有孫。  
愛聽滄浪臨水坐，背人新月弄黃昏。

一溪一曲大江東，細柳新蒲窈窕通。  
寒食樓臺三日雨，捲簾庭浣百花風。

春園怨

落花庭院草萋萋，雨鵲晴鳩各自啼。  
倦繡一春長閉閣，忽得清夢過遼西。

七百九

魚書欲寄轉多情，錦字回文織不成。  
落盡桃花飛燕

子一番風雨，又清明

閨人

曉起行吟江上村，西風落葉滿閒門。  
微霜昨夜香閣冷，獨枕情知有淚痕。

漫興

東風成陣落紅稀，日日溪頭坐釣磯。  
傳語白鷗休避我，此心雖在已忘機。

好山多在夕陽西，十曲清溪護石隄。  
臨水草堂春事

晚爐香金墮燕御泥

網柳新蒲已滿谿獨尋春過小橋西奚囊佩得詩多

少欲寄相思手自題

水郭江村不受塵惟將石竹伴閒身玲瓏漏月看雲

骨瀟灑舍風對玉人

春日遊龍華寺

散步蒼苔過鴈堂竹林斜轉老僧房隔花啼鳥聲初

歇又見新枝帶夕陽

春日送客卽事

春陰漠漠晝沉沉度嶺穿林深復深關路望窮人正

去野花 烏能吟

重陽後六日登鏡光閣

秋日秋風暮欲寒山形如帶走三韓東望海門招白

鶴平臨北斗借青鸞

層層樓閣俯京畿一帶清溪白鳥飛直北長城千萬

蝶江山如此美人稀

天涯秋色倍思家南雁歸來萬里沙今是重陽第幾

日登高無處問黃花

城外光陰日易斜城中車馬足風沙此時極日登臨  
意舊有雲山幾片遮

題畫

溪山疊疊雪初寒江水悠悠一釣竿着得羊裘竟何

益箕衣和月下前灘

舊時肌格試新粧猩染宮袍蜀錦裳莫共桃花論通

語獨傳春令出東皇紅梅

碧梢新雨闌輕寒斜拂方塘疊細瀾深夜老龍眠不

穩却疑馬手弄長竿竹

蕭蕭雲物滿堂寒屈老風神向筆端帶雪琅玕三百

箇蔣家徑裏見袁安屈處賦雪竹

裊裊風情雪後多盈盈羅襪曉凌波陽春成陣癡蜂

蝶紅紫綠深獨奈何水態

素練秋高草樹枯來從東海勢應孤印看一擊還千

里更愛凌風不受呼書態

聞道滄浪力負山桃花春水此池間若爲寄得相思

信貝闕珠宮總不關書角

紙帳

玉壁寒消月一枝梅花香入夢中詩西風昨夜銀河  
合試問山僧總不知

竹樹

竹樹高眠一几輕紫微香冷露華清虛庭無人月獨  
照風葉打窻秋有聲

梅憲

空齋藍綺去路賒中天月色與梅花十年世慮消清  
夢一覺寒香隔釋紗

松隱

何須苦費買山錢隱向松門別有緣十二朱闌聽午

籟華陽空好洞中天

謝何登之惠玉蘭

揚州何遜最能文江水東流隔暮雲我有好峯三十  
六玉蘭花發正思君

芙蓉

輕紅淺綠殿芳晨野水凌寒避軟塵一曲楚詞漁子  
去隔江愁殺采花人

柳外風前生晚烟一江秋水碧於天吳娃越女相思

湖只愛銀塘歌采蓮

黃河南岸見梨花

粉痕香暈雨初乾惆悵芳心怯曉寒憶向小樓吹鐵  
笛湘簾十二捲朱闌

秋江釣舟圖

西風吹滿荻蘆花釀作霜寒啼亂鴉買得釣船如屋  
裏只將秋水老南華

丙子除夕

一枝銀燭坐更闌小几攤書只自看家在淮南四千

里有人今夜說長安

滿林風雨圖

山林何處無風雨不似人情翻覆間我有一區江上  
宅幾回簑笠夜深還

買得一小舟往來江上

三江西下五湖東風月烟波四望中我買一舟輕似  
葉分明搖動水晶宮

野航

身世元同不繫舟落花時節雨初收束書一枕江湖

夢流過江南杜若洲

病起獨坐東堂

斜倚繩床落照東一簾秋意捲西風金丹換骨誰曾  
見欲起衰顏借酒紅

病起出遊

病起光陰伴帳紗不知春滿幾人家短驢獨跨探消  
息紅遍街頭買杏花

新野道中

隆中迢遞漢江濱輦路風吹陣陣春二十四翻今第

七言絕八

幾莫將花信寄閨人

山居

水雲烟月市橋西菱角荷錢已滿溪讀罷黃庭三百  
首人間茅屋午時鷄

背山亭館跨山橋楊柳風多當舞腰一榻夜涼人不  
寐隔窻疎雨滴芭蕉

無題

燕山雪裏玉陂陀憶向黃昏魂夢多五月江樓吹鐵  
笛梅花滋味近如何

寄姚鶴村

天末遙山鎖翠痕野烟踪跡斷孤村傳心欲向秋波  
語祇恐江湖不到門

陳春泉醫士

採芝曾渡石梁津洞口桃花水散春流出桃花剛一  
片至今疑是有秦人

寄龔錦子

春風三月滿汀洲來看瓊花憶壯遊二十年前文墨  
社思君不見過揚州

七言絕九

贈沈西津

百子池頭別館開洞天深處小蓬萊憑君折取珊瑚  
樹種向藍田產異材

紫微省中錦繡雲鳳凰池頭五色文不知此處春多  
少寶氣珠光俱十分

架石

標排甲乙位高低愛殺山翁手自題多少黃金教歌  
舞落紅空濺雨中泥

南曉試筆

紫閣花深吏散衙  
肘懸金印淨胡沙  
山中亦有開敷  
業場得蘭亭上白麻

穢却塵緣六十餘  
背山花木面山居  
爐烟茗枕春風  
裏龍尾鸚睛自著書

卽景

江門日日弄扁舟  
雨雨風風得自由  
昨夜桃花新水  
漲鯨魚多在碧沙洲

曉過鹹寨

壁間黯黯路漫漫  
茅舍鷄聲夜向闌  
浮世無端渾似

夢春來客夢更無端

寄南莊

相看無限故園情  
獨倚西樓向晚晴  
秋水一奩天上  
下秋花楓葉隔江城

人持元史至用二十陌得之

囊中恰減三旬用  
架上新添一束書  
但使典墳常在  
手未嫌茅舍食無魚

壽陽公署次韻

無心隨處夢魂安  
古栢臺深五月寒  
自笑青山老居

士松廳開殺舊蒲團

疎慵聊與拙相安  
華髮蕭蕭鏡裏寒  
門掩萬山深院

靜古髡成蓋綠陰團

登望湖亭追和東坡先生韻

湖亭對面見匡山  
續續風帆渺渺船  
六十老人垂白  
髮正從直北望鈞天

坡公行盡嶺南山  
一上孤亭雨滿船  
東水西風常不  
定莫將身世問湖天

貽謝霍渭崖

七絕十一

人皆欲殺徧憐我  
老更何求敢負君  
憶自西川下三  
峽嶺猿山鳥不堪聞

隋宮詞

金鎖黃昏知幾重  
夢回疎影月簾櫳  
笙歌別殿承恩  
寵半露春衫漸場紅

步虛詞

晴日暖風吹紫霞  
西巖開遍碧桃花  
仙家只住巖西  
畔水水山山遮又遮

風露滿山深翠微  
暗塵不上芟荷衣  
夜來拄杖成龍

去斜倚枯籐送落暉

芙蓉月下石闌干茅屋空山生早寒養得一雙朱頂

鶴有時騎向碧雲端

鶯後谿前路百盤白雲常護禮星壇麻姑使者傳書  
到一派簫聲雙紫鸞

楊白花

江上風多楊白花隨風飛去落誰家惜花戀花渾無  
賴攪亂春風空自嗟

節婦吟

七絕十二

深閨獨抱舊分銅淚逐黃昏怨曉風惟有五更孤枕  
夢尚將膏沐到飛蓬

閨詞

晚粧重枕翠花鈿滿指蘭膏試碧泉欲向姮娥訴恩  
怨人間天上共孤眠  
薰籠百合晚粧殘起探陰晴遶石闌折得梅花無寄  
處自憐纖指怨深寒  
庭鏤繁花畫影長繡針刻骨記春光行人嫌殺金烏  
懶到得黃昏怯上床

憑館殘粧坐晚涼自將金彈打鴛鴦打得鴛鴦各飛  
去白蓮花度並頭香

贈張雲川

春堤柳深鶯亂啼客心如醉白雲迷溪風忽爾斷舟  
纜流過桃花村岸西

草萍道中

草萍驛傍白雲深石嶺高低烏柏林一上不遮千里  
目行人重起望鄉心

靖江別殷廷夫

七絕十三

縣名聽喚小瀛洲瀛洲使君來勝遊蜃氣常看擊海  
日漁榔却愛近高秋

五世從孫陸瀛齡重編補刊



陸文裕公行遠集

卷三十三

詩雜體

從曾孫陸起

春山辭 贈別何舍人仲默

登長坂望故都辭帝閣兮南驚渡河梁兮春波時一  
去兮難再怨芳歲兮蹉跎赴山靈兮夙約返初服兮  
苧羅林深兮春暮草靡兮雲和猿避席兮空谷樹開  
障兮崇阿左蘭兮右芷攀芙蓉兮攀蘿聊徜徉兮寤  
歎澹容與兮嘯歌望佳人兮不可即耿千里兮傷如  
何

風泉竹石圖

為楊夢羽正郎賦

啓玄圃兮纈群芳淡容與兮翔翔望帝子兮極浦思  
美人兮瀟湘幽篁兮惟石泉激風兮鳴璫神舒兮境  
寂閒葯房兮蘭堂冠切雲兮瑤珮殫沆瀣兮夜未央  
抱貞節兮自媚日夏烈兮秋霜秀色兮可攬邈江  
山兮蒼蒼遊夫君兮太清跨虎豹兮騎鳳凰

東家行

東家有女嫁西家不羞白璧倚蕙葭結髮初疑連理  
樹牽情復比並頭花並頭連理頰千秋夫婿今年輕

薄遊闕離遠過夷門市繫馬時從白下樓闌雞繫馬  
聊應爾可憐年華付流水月離三五弓下弦春當九  
十花成子千疊關山音信稀傳言絕塞寄征衣身騎  
大宛烏龍去手取將軍金印歸烏龍金印兩難成邊  
境蕭條不可行黃沙萬里雙睛暗白雪千山五月明  
風月空閨難獨守團扇絺衣豈堪久瑩篋弦上公渡  
河羌笛聲中折楊柳楊柳秋來滿故園良人何日返  
東門黃金繞身久離別不如貧賤暫溫存

擬飲馬長城窟行

密密牆頭柳淒淒野中露徘徊念遠人即日不成睹  
別離誰不然相思逐流年日短願夜長夢中得相憐  
食荼知味苦登高知路長耿耿懷隱憂雙輪繞柔腸  
客來異鄉縣遺我一疋絹雙手認封題中有夫婿書  
上言紫貂敝下言近瘦肥持刀欲裁衣仍將比殘機  
芳樹篇求友也三四五  
六七言  
瞻芳樹渺何許本在海濱發育時雨秋風不可期流  
光日夜馳歎息復歎息為樂當及時若有美人江湄  
贈我瑤草一束臨流不度徘徊望紅顏如玉人生

聚散那有常白日苦短夜何長明月可以代秉燭清  
風可以薦素觴丈夫四海皆兄弟何況對面同肝腸  
咄嗟胡爲乎東復西君不見青松女籬自相依  
登泰山望滄海俯視九州一何慷慨仙人王子喬飄  
然遇雲端手把十尺芙蓉灑氣六月生寒嗟彼下  
何啾啾昨日綠髮今白頭胡不服食求大道永與元  
氣相爲仇海風蕭蕭吹海雨海若揚旗靈鼉擊鼓仙  
人一去冉冉今不可攀遺我一粒之金丹

對鏡見白髮

得一日過一日鬢邊白髮參參出有個知音教我染  
有個知音教我摘摘染有何益世間多少少年郎要  
白不得白

風木圖爲施可大題

母生兒兒啼饑母乳兒兒未知兒今有知母何之悲  
號形影覓不得却寫風木憑噓噓畫圖意有盡孝子  
心無涯時復一轉展聊以慰所思白頭風微日抱珥  
柄烏無聲待哺子落葉深深井邊埋萱花魂銷招不  
起高臺鸞去秋復春寒食新燼蝶飛縵孝子引領情

內傷辛勤只望揚姓氏鄉書甲榜次第來提攜此圖  
悲不止生綃半是血淚痕不是丹青點山水

行路難

行路難江南道何況十八灘江南何所難我試言請  
君聽之勿復驚歎東南風吹舶艣信五湖白浪排銀  
山欲度不能前欲住不遑安有方不得出帆檣空好  
看船中輓轡轉船尾撥刺翻淺處豺虎多深恐蛟螭  
蟠昏黃復月黑四顧何漫漫乘風巨艦快如馬相呼  
相喚不可攀茫茫家何處萬里在寸端我言尚未竟

君淚揮潏潏嗚呼行路之難只如此仕路之難難未  
已

豫章臺

豫章臺使君來銅符五馬春風回春風先傍誰門戶  
破屋蕭蕭四邊土吹開陰沍見陽和散盡呻吟到歌  
舞洪都風土古不薄唐宋雄藩漢各落南州猶存徐  
孺祠西山遙映滕王閣豫章臺前秋日晴豫章臺下  
秋水清年年歲歲送人去送君今去獨含情

望夫石

望夫處近青天，天高高山連連。妾身化爲石，夫歸是  
何年。夫不歸，妾誰憐。夫歸石能前，夫有父與母，高堂  
意雙懸。妾不能前，誰吹爨煙。

楊白花

楊白花隨風起，春風吹江隔江水。楊花飛度江水東，  
綺房繡闥珠簾櫳。不恨花無主，但恨花無力。一夜風  
來留不得。

畏虎

君畏浦，我畏虎。兩情慙慙，各不武。浦有舟，航虎不可

辭五

主叢牙雪白，舌有火利爪。中人如拉土，東村西落豚。  
天空山前老，發淚如雨浦。頭潮落水不波，浦兒五歲  
能搖櫓。白蘋芳芷，鴻鴈高樓頭。橫濟鳴簫鼓，我歌君  
莫嗔。君還聽我語，未聞虎渡河。但見君渡浦。

詩餘

南柳子四闕

細雨濕流光，芳草年年與恨長。煙瑣鳳樓無限事，茫  
茫鷺鏡鴛衾兩斷腸。魂夢轉悠揚，睡起楊花滿繡  
床。薄倖不來門半掩，斜陽負你殘生淚幾行。  
細雨濕黃梅，深院閒階處處苔。抱得鈿箏防泥損，慵

開爲誰擲，取早歸來。有路到天台，欲寄封書沒處。  
媒窗外，芭蕉聲作陣，可猜那有相如。秦賦才

細雨濕秋風，金鳳花殘滿地紅。聞聲感舊情，不語情  
濃。舊恨新愁知幾重。飛雁過，空靈月如流，只向

東簾捲，曲房誰共醉。匆匆惆悵，秦樓憑窗。

細雨濕同雲，繡倦鴛鴦五色紋。凝望天涯音信杳，微  
晴打窗風雪不堪聞。倚徧舊籠薰，淚痕空沁石榴  
裙。自拾腰圍，約準東君，莫比今宵減幾分。

青杏兒

辭六一

爐燼更枯香，小窻裏百結柔腸。天涯踏遍塵千里，仲  
宣樓遠，正平刺沒，薄行襄王。默然護新葦，堪憐處  
花老，釀蜂忙。萬事轉頭供一笑，蕭蕭紙帳圓圓燈暈。  
短短藤床。

蝶戀花

長安回首香塵香，紅日迢迢，偏愛無情惱病鶻。高風  
看去鳥欲奮，雲霄無利爪。柳暗溪頭荷葉小，淑景  
方濃，燕子雕梁遠。彈缺計程何日了，羨妻官路王孫  
草。

長相思

山悠悠水悠悠山水中間一段秋扁舟古渡頭 過  
芳洲又芳洲更好登臨散遠愁誰家竹裏樓  
日悠悠月悠悠光景驅人春復秋終看白了頭 憶  
沙洲夢沙洲無數鄉心無數愁天邊王粲樓

五世從孫陸瀛齡重編補刊

陸文裕公行遠外集 卷二十四

從曾孫陸起龍謹編

洪武二年三月 上與翰林待制秦裕伯等論學術  
上曰為學之道志不可滿量不可極意不可矜志  
滿則盈量極則驕意矜則小盈則損驕則惰小則陋  
故聖人之學以天為準賢人之學以聖為則苟局於  
狹小拘於凡近則亦豈能克廣其學哉裕伯對曰誠  
如 聖諭 豫章漫抄

揭文安公僖斯嘗為元宗室作長明燈記有曰夫燈

外集一

者所以繼日月之明也日雖至明而不能恆乎夜月  
雖至明而不能燭乎晝故必假膏火以濟其明日月  
之明不可已而膏火之明亦不可已譬猶人君之治  
天下雖極明盛不能編觀必假乎臣以達乎明而被  
乎物故天下不可一日無明君亦不可一日無賢臣  
其文暢達可法 續傳錄  
天下之治也宰相求士於天下天下之亂也天下之  
士有求於宰相宰相求士將以任天下之事也則因  
事以量士士盡其才而事理矣天下安得而不治士

求於宰相志於爵祿也宰相以天子之爵祿私於士  
士之求愈多而爵祿不足以應之天下安得而治中  
和室隨筆  
將相之材尤貴度量足以鎮物若謝安石度量已先  
勝矣而將材尤難宋稱秋青偉甚只如却從行者一  
節亦真不可及嘗觀曾南豐所記云有因貴望求從  
青行者青延見謂之曰君欲從青行此青之所求也  
何必因人言乎然智高小寇至遣青行可以知事急  
矣從青之士能擊賊有功朝廷有厚賞青不敢不為  
之請也若往而不能擊賊軍中法重青不敢私也君

外集三

其思之願行則奏取君矣非獨君也君之親戚交遊  
之士幸皆以青之此言告之苟欲行者皆青之所求  
也於是聞者大駭無復敢言求從青行者河汾燕閒  
錄  
予爲庶吉士時謁東山先生劉公誨予曰初入仕不  
可受人知知已多難立朝矣只如朋友若兩三人得  
力者自可了一生過多則晚年受累嘗見周密公謹  
所記趙德莊誨趙忠定曰今日於上前得一二語獎  
諭明日於宰相處得一二語褒拂往往喪其所守者  
多矣乃知古人造就後進者每如此停驂錄

宋制御史入臺滿十旬無章疏者有辱臺之罰此意  
雖善而不圓使十旬之內無事可言須強聒耶夫御  
史之言當考其當否與大小不當拘其疏數也  
夫史之有紀也紀綱庶品網羅萬象篇目之大無過  
於此司馬遷之著史記也始列天子行事以本紀名  
篇後世因之守而弗失至紀項羽則名實乖矣蓋紀  
之爲體猶春秋之經繫日月以成歲時書君上以顯  
國號如陸機晉書列紀三祖竟不編年何紀之有夫  
紀者義以編年爲主惟叙天子一人有大事則書之

外集三

於年月其瑣屑委曲付之列傳而已近代魏齊二史  
於諸帝篇或雜載臣下或兼言他事巨細畢書全類  
傳體何哉迷而不悟也  
夫史之有世家也豈不以開國承家世代相續如古  
諸侯乎古之諸侯皆卽位建元有世可傳有家可宅  
周之東遷王制大壞五伯七雄至於楚漢其事異矣  
司馬遷之記諸國也編次之體與本紀殊蓋欲抑彼  
諸侯異乎天子故假以他名爾至如陳涉世家可謂  
自相矛盾者矣

夫史之有傳傳者列事也列事者錄人臣之行狀猶春秋之有傳也春秋則傳以解經史漢則傳以釋紀茲例草創始自子長迨于孟堅益以精密夫傳之爲體大抵相同有時而異耳如二人行事首尾相隨則同書一傳合體成篇陳勝胡廣是也亦有事跡雖寡各行可崇雖寄在他篇爲其標冠商山四皓事列王陽之首廬江毛義名在劉平之上是也自茲以後史氏相承或曰傳者傳也古人以傳之不朽爲難也夫史之有表也所以標記時事春秋戰國之世天下

外集四

無王羣雄錯峙各統世年申之於表以統其時則諸國分張一目盡見若兩漢御曆四海一家矣又表用表厥王侯者哉班氏之表人物也則又異矣區別九品網羅千年論世則間語姓不同亦何藉而爲表乎且不關漢事而編入漢書可謂贅疣之甚矣何法盛雖改爲注蕪累亦多晉氏播遷五胡鼎沸崔鴻著表頗有甄明比於史漢有切要矣夫史之有志也其昉於太史公之八書乎班氏則曰志東觀曰記華嶠曰典張勃曰錄何法盛曰說魚豢

曰畧其名殊其實一也析而論之則有禮樂刑法律曆郊廟食貨天文藝文五行百官輿服地理符瑞祥瑞釋老六抵其流十有五六而已通其因革之宜彙以名物之數信作者之淵海也至於名實之際有可議者矣天文志體分濛澗色著青蒼月會星占渾天禮龜之說施於國史何代不可藝文志篇目多同類煩互出四部七錄中經秘閣之流萃於一代頗垂節文畫蛇添足豈類是與凡作史者宜除此篇必欲爲志但書其時尋字氣稜晦明薄蝕如癸或退舍月犯

外集五

少微之類是已名賢撰述文儒略在一時所宜收拾如宋孝王關東風俗記唯志鄴中之類是已大抵史所可志其最有三一曰都邑二曰氏族三曰方物何者宮闕制度朝廷軌範前王所爲後王取則是故宜撰都邑志列于輿服之上五材所需百貨饒布任上作貢會計職方是故宜撰方物志列于食貨之首帝王苗裔公侯子孫餘慶所鍾自世未斬是故宜撰氏族志列於百官之下諸如此類並從騰揚故曰編傳易而志難信哉

夫史之有例猶國之有法也昔夫子修經始發凡例左氏立傳顯其科條若干令升之勒成晉紀可謂史例中典矣雖然凡天子廟號書于卷末而晉孝武不曰烈宗凡人以字行者並書其名而齊斛律不言明月豈踐言之難乎

夫史之有別也蓋以職分左右紀有事言古者言爲尚書事爲春秋是故桓文盟會專之大者也而尚書闕絕終公誠誓言之大者也而春秋無錄其斷可識矣左氏爲書文兼乎事史漢則不能然如賈誼鼂錯

外集七

董仲舒東方朔等傳唯尚錄言而已後史相承不改其轍至于實議撰晉史以爲宜準左氏其臣下委曲仍爲譜注頗爲時所宗焉

夫史之有斷限也蓋以正厥疆里別其源流爾昔尼父之定書也以舜爲始而云稽古帝克左氏之傳經也以隱爲先而云惠公元妃此皆文理於義非濫軼也若漢書之立表志其始侵官離篇者乎何者馬記以史制名故載數千年之事無所不容班書特漢標曰但紀十二帝之時有限雖極過此以往不其駭與

宋史則上括魏朝隋書則仰包梁代豈非濫與亦有一代之史上下相交若已見他說則無宜重述故子嬰降沛其詳取驗於秦紀伯符死漢其事斷入於吳書矣沈錄金行上羈劉主魏刊水運下列高王惟覽與齊各有國史越次而載孰曰攸宜

夫史之有題目也婉而成章先出義例上古墳典其來遠矣逮於史漢頗有條理姑舉列傳論之有文少者具出姓名若司馬相如東方朔是已有字繁者惟書姓氏若毋將蓋陳衛諸葛是已又有人多而姓同

外集七

者則定數以結之若二袁四張二公孫是已降及蔚宗始全錄姓名歷短行於卷中叢細字於標內子孫代出附之祖先魏收因之則又甚矣題司馬以僭晉目劉宋爲島夷萬世之公其寃安在

夫史之有論也蓋從省文如太史公曰觀張良貌如美婦人耳項羽重瞳豈舜苗裔耶班孟堅曰萬石君之爲父浣衣君子非之王楊孫裸墓賢於始皇遠矣皆以補書本傳事無重出者也後來作者每卷立論篇終有贊曰序曰銓曰評曰議曰述曰讓曰奏或自

顯姓名或列其所號或通稱史臣咸矜術文采豈知  
裁削之有哉

夫史之有附出也攀附他傳以顯名稱若紀季入齊  
顯史事魯咸託附庸所謂青雲驥尾是也今夫邵平  
紀信沮授陳容或運一異謀樹一奇節得以傳之不  
朽者豈有假於編名作傳哉

夫史之有補注蓋古之傳也傳取其轉注取其流義  
則一也觀夫授衆史之異詞補前書之所闕若裴松  
之三國志陸澄劉昭之兩漢書劉彤晉紀劉孝標之

外集八

世說頗有補裨焉至於拾厥棄捐務爲容澤殆其失  
也

傳曰言之無文行之不遠信哉詞命專對古之所重  
也若尚書所載伊尹之訓臯陶之謨洛誥康誥牧誓  
秦誓春秋所載呂相絕秦子產獻捷滅孫諫君納鼎  
魏絳對戮揚于史記所載蘇秦合從張儀連衡范雎  
反間以相秦魯連解紛而全趙則世隨文降矣是以  
選言布策者雖有潤色討論終存體質梗槩夫後之  
視今亦猶今之視昔而作者皆快書今語勇効昔言

不其惑乎是以好丘明者則簡模左傳愛子長者則  
全學史公用使周秦言詞見於魏晉之代楚漢應對  
行乎宋齊之日故裴少期譏孫盛錄曹公平素之語  
而全作夫差滅亡之辭雖言則似而事殊乖矣世之  
議者又以北朝衆作周史爲王蓋賞其記言之體多  
同於古故也殊不知善爲政者不擇人而理故俗無  
所鑒成彼其化工爲史者不選事而書故言無美惡  
盡傳于後若事皆不謬言必近真何止得古人之糟  
粕而已

外集八

夫史以叙事爲本而史之叙事以簡爲工故尚書所  
載務於寡事春秋變體貴於省文若文約而事豐尤  
述作之美者也自漢而降斯文日煩可謂費矣蓋叙  
史之體有四有直紀才行有唯書事跡有因言而知  
有假論而顯尚書稱堯標以允恭克讓左傳之叙大  
叔日以美秀而文所謂直紀其才行者左氏載申生  
爲驪姬所譖自縊而亾漢書稱紀信爲項籍所圍代  
君而死所謂唯書其事跡者武王之聲罪獨夫也但  
曰焚炙忠良剝剔孕婦隨會之論楚事也才曰箠籛



藍縷以啓山林所謂因言而知者史記衛青傳後曰蘇建嘗責大將軍不薦賢待士漢書孝文紀末曰吳王詐病不朝賜以几杖所謂因論而顯者若四者相兼而畢書其費尤廣矣簡約之中復有二類一曰省句二曰省字左傳書華耦稱先人得罪於宋魯人以爲敏夫以睿爲敏此省句也春秋書隕石於宋五夫聞之隕視之石數之五此省字也大抵省句易省字難洞識此心始可與言史矣

外集十一

何以言之古者命官有別卿與大夫各爲名秩此春秋之例也秦有天下列爲帝王譙周撰古史書李斯之棄市也云秦殺其大夫以天子之丞相名諸侯之大夫此與春秋所謂親同而心異也當春秋之世列國分書至於魯國直云我而已如典午旣嘗統一干寶留紀每莖必云莖我某皇帝且無二君何我之有此與春秋又所謂親同而心異也齊桓繼絕左傳云邢遷如歸衛國忘亡言上下安堵不失舊物也如孫陪之成擒也干寶亦云吳國旣滅江外忘亡豈司馬

氏之所能致與此與左氏又所謂親同而心異也春秋諸國皆用夏正魯以行天子禮樂故獨用周正至如書元年春王正月者年則魯君之年月則周王之月如曹馬受命躬爲帝王非是以諸侯守藩行天子班曆如孫盛魏晉二陽秋每年必書某年春帝正月夫年旣編帝紀而月又列帝名此與春秋又所謂親同而心異也春秋三傳各釋義如公羊屢云何以書記其事也此則先引經語而繼以釋辭勢使之然非史體也如吳均齊春秋每書災變亦曰何以書記

外集十一

異也夫事無他議言從以出輒自問答者豈叙事之體耶此與公羊又所謂親同而心異也史漢每於列傳首書人名字至傳內有呼字處則於傳首已詳而漢書李陵傳稱隴西任立政陵字立政曰少公歸易耳夫上不言立政之字而輒言字立政曰少公者此省文從可知也至今派德茶周書於伊婁穆傳首云伊婁穆字奴于旣而續云太祖字之曰奴于作儀同面向我也夫上書其字而下復曰字豈是事從簡易文去重複者耶此與漢書又所謂親同而心異也世

之述者其編次古文撰叙今事可謂宋人守株者矣  
語曰世異則事異事異則治異求其偶中亦有可言  
者焉是故君父見害臣子所不忿言故左叙桓公之  
在齊也而云彭生乘公薨於車而于寶晉紀叙愍帝  
殺于平陽而云晉人見者多哭賊懼帝崩此與左氏  
實所謂貌異而心同也一時所記詳其始末若左成  
七年鄭獲楚鐘儀以獻晉至九年晉歸鐘儀於楚以  
求平是也至表子野宋畧叙索虜歸江太子劬使力  
主排徐湛江湛偃仆於是始與劬有隙其後三年有

列集三

徐江爲元凶所殺事此與左氏亦所謂貌異而心同  
也凡列姓名罕兼其字如左傳上言羊斟則下曰臧  
孫前稱子產則次是國僑是也至表子野宋畧亦然  
上書桓玄則下有敬道後叙殷鐵則先著景仁此與  
左氏又所謂貌異而心同也左氏論語叙人酬對或  
去其對曰問曰等字如表子野宋畧云李孝伯問張  
暢卿何姓曰姓張張長史乎此與論左又所謂貌異  
而心同也附見者如左稱楚武欲伐隋熊率且比曰  
季榮在何益蕭方三十國春秋說朝廷聞慕容嵩死

曰中原可圖矣桓溫曰慕容恪在其憂方大此與左  
氏又所謂貌異而心同也事應者如左稱叔輒聞目  
蝕而哭昭子曰叔其將死乎秋八月叔輒卒王邵齊  
志稱張伯德夢山上掛絲占者曰其爲幽州乎秋七  
月拜爲幽州刺史此與左氏又所謂貌異而心同也  
至如左叙晉敗於鄭先濟者賞而云上軍下軍爭舟  
舟中之指可掬夫不言攀舟亂以刃斷指而但曰舟  
指可掬則讀者自觀其事矣王邵述高季式破敵於  
韓陵追奔逐北而云夜半方歸梁血滿袖夫不言奪

列集三

梁深入擊刺甚多而但稱梁血滿袖則聞者亦知其  
義矣此與左氏又所謂貌異而心同也  
夫文章之變化無窮矣必有餘音足句爲其始末是  
以伊惟夫蓋發語之端也焉哉矣今斷句之助也去  
之則不足加之則有餘厥有定理而史之叙事時亦  
類此故將述晉靈公厚斂彫牆則且以不君爲稱欲  
云司馬安四至九卿而先以爲宣標曰所謂說事之  
端也書重耳伐原示信而續以一戰而霸文之教也  
古句奴爲偶人象祁祁令馳射莫能中則云其見憚

如此所謂論事之助也寄抑揚於凡言隻字之間有  
馮永者矣

貴州金竺長官司有僧寺曰羅水菴有一僧題二詩  
於壁間曰風塵一夕忽南侵天命潛移四海心鳳返  
丹山紅日遠龍歸滄海碧雲深紫微有象星還拱山  
滴無聲水自沈遙想禁城今夜月六宮猶望翠華臨  
閱罷楞嚴磬懶敲笑看黃屋寄團標南來瘴嶺千層  
迥北望天門萬里遙欵段久忘飛鳳輦袈裟新換袞  
龍袍百官此日知何處惟有翠鳥早晚朝人知爲建

外集五

文帝僧遂避去其詩至今留菴中蜀都雜抄

甲午冬日雪中舟行塘栖與張秋厓談元末事秋厓  
口誦一詩云金陵使者過江來漠漠風塵一道開王  
氣有時還自息皇恩無處不周回莫言率土皆王化  
且喜江南有俊才歸去丁寧頻祝付春風先到鳳凰  
臺此順帝贈我 太祖者 豫章漫抄  
唐庚子西眉州人冬日旅舍五言云殘歲無多日此  
身猶旅人客情安枕少天色舉杯頻桂玉黃金盡風  
埃白髮新異鄉梅信遠誰寄一枝春又次留別七言

云白頭重踏軟紅塵獨立鴛鴦行覺異倫往事已空誰  
叙舊好詩乍見且嘗新細思寂寂門羅雀猶勝紫纒  
家卧麟力請宮詞如意否漸謀歸老錦江濱其文筆  
尤勝 中和堂隨筆

中山劉禹錫叙韋處厚文集曰公未爲近臣以前所  
著詞賦贊論記述名志皆文士之詞也以才麗爲主  
自入爲學士至宰相以往所執筆皆經綸制置財成  
潤色之詞也以識度爲宗觀其發德音福生人沛然  
如時雨褒元老論功臣穆然如景風命相之册和而

外集十五

莊命將之詰昭而毅薦賢能其氣似孔文舉論經學  
其博似劉子駿發十難以推言利其辯似管夷吾其  
推賞甚盛矣今處厚之集人間少見然跡其所論次  
者亦可爲搢文之典要也 續傳錄

予嘗謂後世文章之快暢者若阿房亂辭陽冰篆贊  
可謂千古如新百過不厭者也贊曰斯去千載水生  
唐時水今又去後來者誰後千年有人吾誰能待之  
後千年無人篆止於斯嗚呼郡人爲吾寶之此劉中  
山禹錫之作姚鉉文粹所編有之歐陽公集古錄乃

謂不知作者爲誰蓋公偶未之考爾

汴梁程尚書瑀記漫吾亭曰夫達名利之畏途而從事於谿山之勝是舍世間之桎梏就物外之羈馬不近以五步笑百步也其言似有見者

豫章漫抄

東白先生張公元禎以道學名世嘗爲予言自小子登朝見士大夫凡三變初登朝見士大夫多講政事遂有好政事意蓋指李文達公輩也再登朝見士大夫多講文章遂有好文章蓋指李文正公輩也及今次登朝見士大夫多講命爲之微笑是時漸少卿貴

列傳上

字充道徐侍讀穆字舜和皆好推星而翰林諸先生每會晤間皆喜談五星三命故術士遊京師者多獲名利亦一時之風尚也予素不信其術嘗有數說以闢之同年間每以爲拘顧學士鼎臣字九和素善此以爲汝不信自不信命自是有范文正公有言士之進退多言命運而不言行業明君居上固當使人以行業而進多言命運是善惡不辨而歸諸天地豈國家之美事哉其論則正大矣

河洛燕閒錄

戶部尚書杏岡李公贊嘗爲兵部主事言東山劉公

大夏當孝宗之朝最爲得君公亦以天下爲任議汰冗食凡軍職皆以軍功爲準通查裁革既得旨行之而一時侍衛將軍力士之流皆以才藝選初無軍功該司失於照詳類行報罷一時闕然時駙馬都尉樊凱管紅盔將軍特過兵部爲言此輩不宜裁革東山槩拒之凱積不平適當駕陞殿凱立午門外語諸人曰爾輩不用了昨已奉旨裁革雖我亦無地位矣蓋激之也衆人遂散出孝宗上殿平昔執瓜帶刀之人皆不在儀衛簡寂恐不安屢顧左右

列傳十七

開故既遜遂宣樊駙馬而究凱奏昨兵部已行裁革矣 孝宗大聲曰劉大夏敢如此 玉色不怡復宣兵部東山至走急氣促不能了了而裁革之事悉罷 聖眷遂衰矣夫以東山之公忠與 孝廟之有爲事機一失乃至於此信乎臣不密則失身一時疎略甚可惜也諺云偉門如鼠穴此言可以喻 餘語 李文達公云今之士大夫不求做好人只求好官風俗如此蓋以當道者使然也何則有一人焉平日仕末顯時士林鄙之一旦乞求得好官人皆以爲榮向

之鄙之者今則敬之愛之矣欲人不求做好官難矣  
有一人焉位未顯時士林重之介然自守耻於干人  
好官未必得也若所鄙之人一旦得好官人反重之  
而向之重者今反輕之欲人之求做好人難矣今欲  
回此風俗在當道者留意若不由公論而得好官者  
不變前日之所鄙不得好官而為好人者不變前日  
之所重庶乎其可也

敬重

公毅文法悉著何字嘗與汪簡討器之論及必當時  
口相講授作答問語而其徒錄之者也故其間文有

外集十九

極拙者非必如左氏操觚為之近見元儒郝文忠經  
猶常三傳折衷序亦云公毅二氏口授其義而為之  
傳故其文約其辭切其辨精反復曲折使聖人微婉  
之旨可推而見云乃知古人先有以此求之者文忠  
又有與友人論文法書亦前人所未道者其書曰古  
之為文法在文成之後辭由理出文自辭生法以文  
著相因而成也非先求法而作之也後世之為文也  
則不然先求法度然後措辭以求理若握杆軸求人  
之緣泉而織之經營比次絡繹接續以求端緒未措

一辭一制天關惟恐其不工而無法故後之為文法  
在文成之前以理從辭以辭從文以文從法資於人  
而無我是以愈工而愈不工愈有法而愈無法祇為  
近世之文弗逮乎古矣

宋林艾軒先生名光朝字謙之謚文節與朱晦庵張  
南軒呂東萊陸象山皆在乾淳間以道學名而艾軒  
年最長平生不喜著述喜讀書以解會為樂嘗曰每  
一開卷便覺眼明又曰終日在案頭翻故書以此為  
實歷日子又曰某老去無他念惟讀書緣想過如廿

外集十九

準前時不候枵飯足不啻他兒女之累但見空屋數  
椽去城稍遠便可讀書又有東與友人論葺屋云百  
刻中得過半對書卷有時枵飯且放過如何得心情  
及此事空山聽雨是入生如意事聽雨須是空山破  
寺中可以燒生柴煨雜芋觀此尚可想見其清嚴也  
亦喜作詩以自豪論詩極有卓識文集十卷近刻在

莆田

谿山錄話

張文潛以水喻作文之法至謂激溝瀆而求水之奇  
此無見於理而欲以言語句讀為奇反覆咀嚼卒亦

無有文之陋也此言切中今日之弊

以下玉堂漫筆

富韓公嚴重每言辭皆厲邵氏聞見錄記其一則曰  
彌嘗病今之作文字無所發明但模稜依違而已人  
之爲善不易人之爲惡必用奸謀以逃刑戮君子爲  
小人所勝不過祿位耳惟有三四寸竹管子向口角  
頭褒善貶惡使善者貴惡者賤須是由我始得不可  
更有畏怯也

文章貴簡明王伯厚甫嘗稱歐陽公劉桀無稱於事  
業姚宋不見於文章過於唐人所云周勃霍光雖有

列集三

勲伐而不知儒術枚臯嚴忌善爲文章而不知嚴廊  
終不若漢人所謂絳灌無文隨陸無武尤爲痛快也  
陸務觀有言詩至晚唐五季氣格卑陋千人一律而  
長短句獨精巧富麗後世莫及蓋指温廷筠而下云  
然長短句始於李太白菩薩蠻等作蓋後世倚聲填  
詞之祖大抵事之始者後必難過豈氣運然耶故左  
氏莊列之後而文章莫及屈原宋玉之後而騷賦莫  
及李斯程邈之後而篆隸莫及李陵蘇武之後而五  
言莫及司馬遷班固之後而史書莫及鍾繇王羲之

之後而楷法莫及沈佺期宋之問之後而律詩莫及

宋人之小詞元人已不及元人之曲調百餘年來亦

未有能及之者但不知今世之所作後來亦有不能

及者果何事耶

中和堂隨筆

商周之先有無端典禮若玄鳥闕宮之詩是已按姜

嫫帝嚳元妃簡狄爲次妃則稷稷皆帝子也後人追

隆之祀乃有取於玄鳥巨人使稷稷有母而無父謂

之何哉

以下傳疑錄

古今說春秋者只於春王正月皆不得聖人之旨夫

列集三

四時定歲天道無忒時冬也而謂之春故書曰春實

非春也東遷陵遲政教不綱無王矣而謂之王故書

曰王實非王也本十月也而謂之正故書曰正月實

非正也所謂據事直書而其義自見褒貶之說恐後

來穿鑿耳葵丘首止皆非美詞

杜詩風吹滄江樹雨洗石壁來自是以實字作虛字

用樹樹立之樹晦翁以爲誤字欲更爲去對來字恐

未然東坡有美堂詩云天外黑風吹海立浙東飛雨

過江來祖此但長公不若老杜之簡雅遠

蘇詩 滄燕

漢詔死者不可復生蠲者不可復續字書及繼爲絕後乃更爲斷失初意矣

綱目凡例曰凡以國與人者子弟曰傳他人曰讓此義恐未精孔子稱泰伯三以天下讓豈他人乎堯傳之舜舜傳之禹豈子弟乎予謂以國與人者有正有變當具二義乃備

張文潛舉板蕩詩篇名其義不同非也板蕩之詩同一亂世也若單舉一字爲義如堯稱蕩蕩云則板豈可訓亂也 知命錄

外集三

有同事同意而措詞各有工拙如唐人云請君試問東流水別意與之誰短長可謂痛快矣不如大江流日夜客心悲未央爲沉着又不如恰似一江春水向東流尤覺深婉予行章江過武寧觀漲頗悟 其古諫章浸拙 易曰君不密則失臣臣不密則失身幾事不密則害成竊詳密具數義有縝密有秘密此之謂密對疎而言蓋謂君臣事幾之間皆須密密而行令無滲漏罅隙可乘非專主於隱秘也語云有天德便可行王道其要只在慎獨慎獨云者正密之謂也趙清獻公畫

之所爲夜必焚香以告天不敢告者不敢爲也乃所謂密也其密在不敢爲非在不敢告 河汾遺訓錄

土圭之法六尺爲步步百爲畝秦廢井田漢興始以二百四十步爲畝唐開元二十五年令田廣一步長二百四十步爲畝畝百爲頃至今版圖皆準 之以下傳疑錄 立製制畝經土設井使八家同之自黃帝始世儒多謂難行予行東西南北皆萬里自吳越外田多荒廢水利不修故也井田亦徒擾昔在山西按察時嘗與于布政湛議欲於京城外做菜園之制每二三十畝

外集三

鑿井一區用以澆灌黍麥庶歲獲可期而亦不失井田之名欲上其事於朝而不果漢時龍首渠田亦鑿井有深四十餘丈者往往井不相通行水蓋古法也 民出力以養兵兵出力以衛農此兩言似是而實害天下之大端也其害至於兵農兩弊而後已何則農之所養者兵或不得用而農之所賴者兵何嘗槩及耶古者兵出於農而役出於民五口之家當有一人為兵而二十歲之男子歲有三日之役今聞邊兵半

皆執役而京師之禁旅亦且占役矣馬糶歸曰兵與農共此民也故無事則驅之爲農而力稼穡有事則調之爲兵而任爭戰唐府兵之法猶存至兵農既制不獨農疲於養兵而兵且耻於爲農則屯田之策不可不講也

深聞之先師章文懿公懋至金陵道遇白鬚眉輒下馬問國初遺事有告之曰太祖最留意屯田嘗曰京師養兵百萬要令不廢百姓一粒米每以遠田三畝易城外民田一畝爲屯田不足則移數衛於江北

外集四

今江浦六合諸屯是已其法每一軍撥田三十六畝歲收一十八石爲子粒除與月糧歲十二石閏加一石餘六石上倉其分番宿衛上直并打差應役一應軍人於數內支給口糧又餘以充倉廩之費行之數年倉廩苦蓋完備而儲備豐足自後屯田悉爲勢豪所侵其法漸廢而江北諸屯荒蕪者亦多今制民出力以養軍軍出力以衛民二分而後兩弊沿邊諸鎮則歲運府藏以給之騎兵值帥天下之民有不勝其困矣今日之屯田恐不可不講也 同異錄

洪武二十八年戶部節奉 太祖聖旨山東河南民入除已入額田地照舊徵外新闢荒的田地不問冬少永遠不要起科有氣力的儘他種按此可爲各邊屯田之法 玉堂漫筆

三年耕必有一年之蓄以三十年之通制國用自商周謂之王制法莫善於此者矣自今更可有論者蓋古者建都皆在西北其地高亢可以益藏又卽其地之所出者亦少轉輸之費今京師比莫經費咸仰給於東南東南旱濕再歲無糧漕輓以來每石必倍雖

外集五

使力耕常稔泥爛之餘與船運之費亦已再倍矣求一年之餘於三年之內比古尤難愚謂冗食不可以不汰而廢田不可以不開區區徒事於東南其未形之變可勝道哉 續停驂錄

嘗記宋時漕運自荆湖南北米至真揚交卸舟人皆市私鹽以歸每得厚利故舟人以船爲家一有損漏旋即補葺久而不壞運道亦通太宗嘗謂侍臣曰篙工舵師有少販鬻但無妨公不必究問真帝王之度哉 谿山餘話



塞因地形制險最爲上策近有栽柳之法尤便易於  
榆按古人之成法可用於三邊者若趙克國之屯田  
李牧用軍吏之租日椎牛享士趙奢爲將所得賞賜  
盡與軍吏魏尚守雲中出私養錢以享賓客軍吏皆  
要策也宋田錫亦謂厚賜將帥使之賞用足克供倍  
若在今日能使將帥不尅減軍士抑亦可矣清得勝  
世間糜費惟黃金最自釋老之教日盛而寺觀裝  
飾之侈靡已數倍於上下之制用凡金作薄皆一往  
不可復者天地所產有限甚可慮也東坡號知事者

外集三七

見後世金少以爲寶貨神變不可知復歸山澤此何  
言與按王莽敗時省中黃金尚有六十萬斤莽藉漢  
基富有天下固應有之梁孝王死亦有金四十萬斤  
彼藩封亦乃爾至燕王劉澤諸侯也一賜田生金亦  
二百斤何漢世之多金耶二百斤當今之三千二百  
兩使在今日雖人主一時亦有難者河汾燕開  
吾鄉姚氏所藏錢譜盡哀歷代之錢完紙譜之奇形  
異狀無所不有而各疏時代由來前輩楊鐵崖維禎  
錢艾衲齋俱有論撰予嘗閱之亦傳古之清玩也或

謂錢之通塞頗繫人倫予少時見民間所用皆宋錢  
雜以金元錢謂之好錢唐錢間有開通元寶偶忽不  
用新鑄者謂之低錢每以二文當好錢一文人亦兩  
用之弘治末京師好錢復不行而惟行新錢謂之倒  
好正德中則有倒三倒四而益鑄者蜂起矣嘉靖以  
來有五六一至九十者而裁紙幣之濫極矣夫錢之  
用本以權輕重而世終難廢若開元寶爲輕重之中  
鼓鑄者宜以爲準然自賈誼通達大體而錢議爲得  
要領至南齊孔顓則曰鑄錢不可以惜銅愛工若不

外集三六

惜銅則鑄錢無利若不得利則私鑄不敢起私鑄不  
敢起則歛散歸公上鼓鑄權不下分此其利之大者  
斯乃不易之論而伊川程子亦有權歸公上而民不  
犯罪之說其變通之道亦畧可觀矣河汾燕開錄  
江南放債一事滋豪右兼併之權重貧民抑勒之氣  
頗爲弊孔然亦有不可廢者何則富者貧之毋貧者  
一旦有緩急必資於富而富者以歲月取贏要在有  
司者處之得其道耳只依今律例子母之說而行各  
爲其主張不使有偏亦是救荒一策正如人有兩手

貧富猶左右手也養右以助左足以便事一等好功  
名官府往往嚴禁放債之家善如武吉以均左則爲  
廢人矣宋高宗紹興二十三年温州布衣萬春上書  
言乞將民間有私債欠還息與未還息及本與不及  
本者並除放高宗謂輔臣曰若止債本則上戶不肯  
放債反爲細民害乃詔私債還利過本者並與依條  
除放此最得公正之道

管前章云本 朝國體與前代不同者三事其一  
指 以爲不可一日忘備漢唐故事但驅出境外

列傳九

而已近得戶部移文開稱宣府歲用銀九十二萬五  
千九百餘兩大同歲用銀九十九萬二千四百六十  
餘兩遼東歲用銀三十九萬四千八百七十餘兩延  
綏送用糧料五十二萬一千三十六石零寧夏歲用  
糧料五十三萬四千二百五石草三百九十三萬九  
千六百餘束甘肅送用糧料六十九萬七千六百零  
草五百二十萬三千八百五十四束大約歲費四百  
餘萬而隨時用兵不與焉 今上大工之費近得工  
部總計九百餘萬只大木一項四川已用九十萬尚

須九十萬可足川之民力可念也

王政謹權量聖人於粗迹皆有精義存焉證曰大秤  
小斗用以括勉聚歛高下其手亂之始也故謹之亦  
在於始所謂探賾索隱鈎深致遠者是物也以下傳疑錄  
按黃鍾爲萬事根本其要在中氣黃鐘而已但繫黍  
候氣之法無授受之真必當有神解熱悟者此禮樂  
之本也

按通典以應鍾爲變宮蕤賓爲變徵淮南子曰姑洗  
生應鍾比於正音故爲和應鍾生蕤賓不比於正音

列傳九

故爲繆按二變不得爲調以其非正聲也所謂和繆  
者蓋以繆和之取濟助耳醫家有誤刺左病則鍼右  
恐其意亦當然

按六律六呂律屬陽呂屬陰通謂之十二律古稱黃  
帝所作其名必亦黃帝所命有理有象大抵取諸聲  
氣云夫聲以器出氣由物形非可臆論也國語是先  
秦古書但言其義與其用耳史記所叙兼及歷卦而  
義衍居多亦未指名其體爾二書未詳本始果出於  
何人也若毛鄭以義說詩而聲氣遂亾漢儒之失大

槩俱然又按黃帝初斷十二筭以置律蓋竹管也淮南子謂律之數六分爲雌雄此與嶰谷之事合又曰十二鍾以副十二月則非徒取於義而實有其器木律名鍾者亦四但古器毀闕遂生後來紛紛之論河源于星宿海匯爲二澤流合三水岐爲九渡行二千餘里經崑崙山由山南又合三水北流折而西復過崑崙之北又轉而東又北行二千餘里至漢儒十二辰解蓋依月令而傅會之若推之歲辰又推之日辰則窒礙矣大撓作甲子本於周天度數以

日爲主故因日生時積時爲日積日爲月積月爲歲以其餘四分度之一推則盈虛置閏焉用以起曆冬至夜半乃曆元也十二辰爲十二宮蓋周天之位次耳字書日之所寺爲時因日之所寺以紀昏明陰陽之候如日在子宮爲子在午宮爲午餘以類推未必可以義解也漏水之製以銅作四櫃一夜天池二日入池三平壺四方分壺自上而下一層低一層以次注水入海浮箭刻分而上每刻計水二斤八兩二箭當一氣每氣

率差二分半四十八箭周二十四氣其漏箭以百刻分十二時每時八刻二十分每刻六十分初初正初各十時故每時共五百分十二時總計六千分歲統二百一十六萬分悉刻之於箭以今尺度箭之刻分寸之一分準刻之十分初初正初如尺之一分初一正一如尺之六分此其大畧也漢者謂冬寒水澁不能如法流行近有以鐵丸圍轉代流水者亦一法也又元朝立簡儀爲圓室一間中置地盤二十四位於其下屋背中間作圓窠以漏日光可以不出戶而知

天運此與日晷之用正同才可施之晴晝爾此外別有燈漏沙漏色日人又有玲瓏儀皆巧製也續傳曆家大抵以漏刻極長於六十極短於四十嘗聞前輩言惟正統己巳官曆晝刻三十九夜刻六十一以爲陰過故有土木之變元授時曆則長極於六十二刻短極於三十八刻以爲驗於燕地稍偏北故然外國有蒸羊脾未熟而天明者則短又不止於三十八刻而已豈漏刻隨日因地有不同者如此初不全繫於陰陽之消長也河汾燕巖

洪武四年廢圖譜局得非以靡文太盛乎魏晉置中正以門第官人李唐論相惟重八姓自秦不師古焚毀典籍聖賢之世系湮沒而姓氏遂不辨後世婦人一例稱氏何所本與傳曰別生分類蓋姓之爲言生也氏之爲言類也此姓氏之說漢室去古未遠凌烟圖畫題曰大將軍傅陸侯霍氏以氏代名蓋男子之美稱爾豈有姓有氏男女通稱與左傳天子建德因生以賜姓胙之土而命之氏義各有取難以混稱也若堯舜姬姓稱陶唐氏有虞氏大禹姬姓稱有夏氏

成湯子姓稱有商氏呂東萊祖謙云三代之時曰姓者統其祖考之所自出也百世而不變曰氏者則其子孫之所自分也數世而一變竊恐氏亦難以自分而隨變也按姜姓爲呂氏至于今不變若國氏爲子國之後駟氏爲子駟之後所謂以字爲氏者也有以郡爲世者齊魯秦吳是已以謚爲氏者文武成宣是已以官爲氏者司馬司徒是已以爵爲氏者王孫公孫是已以居爲氏者東門北郭是已至於巫乙氏匠陶氏又以所有事爲氏皆不容變如吾陸姓宜稱

吳氏所謂朱張顧陸吳郡四大姓也漢制侯爵凡五等國邑關內鄉亭陸以鄉侯爲氏裴陸龐閻是也復有以國以邑以鄉以亭以地以姓以名以次以族以技以吉德以凶德以爵系國系族系邑系之類凡二十餘有複姓三字姓四字姓之類具見鄭氏通志故曰三代以前姓氏分而爲二男子稱氏婦人稱姓氏別貴賤姓別婚姻貴者有氏賤者有名三代以後姓氏合而爲一大抵姓可呼爲氏氏不可呼爲姓姓也傳峨眉山本以兩山相對如峨眉故名字當久虫不當

久山以下蜀都雜抄峨眉山周廻千里高八十里中有光惟每天晴雲湧浩若銀濤其光五采如輪俗云佛見是已夜半有光熠熠來自天際者又謂之聖燈光相寺在大峨絕頂登其處遙望西天見雪山一云有小鳥如鶴鶴鳴類人云一云自白水躡其巔六十里峨眉古今之勝境也山中光惟若虹蜺然每見於雲日暎射之際俗所謂佛光者是已予自陝入川巡撫陝西黃都憲臣伯鄰爲予言襄陽川轄時親登其上

觀佛光光未發時有鳥先飛過若言施主發心菩薩  
來到光既散復來作聲施主布施菩薩去了又拾藏  
山中白石大小皆六稜照耀有光采疑光惟卽此石  
所爲也理當或然但鳥聲何爲者耶近余編修承助  
懋昭爲余言嘗從揚修撰慎用修兩宿其上登絕頂  
亦見光具五色俯視在雲壑中其言白石與黃都憲  
同惟云鳥聲只三字若言佛現了其鳥類雀而稍大  
只有三枚別無種類三鳥飛入佛殿中嘗就僧食但  
不見有長育耳佛殿自西望見三峯挿天皆積雪如

外集五

銀每目下峯頭則殿中燃燈云此西域崑崙山豈所  
謂日月相掩映爲晝夜者耶夏日從北峯西下冬日  
從南峯惟春秋之間從中峯下不爽云西域去此尚  
遠恐日力難及今省城西望亦有雪山聳出晴霽時  
可見疊茂才三百里爾宋錫賦詩云高高百里作  
一盤八十四盤青雲端豈以至高求至高耶東坡亦  
云峨眉山西雪千里今峨眉當省城南東三百餘里  
而城樓登望不及要之言八十里六十里者近是  
蜀中山水稱嘉定自古名人寓居其間漢則揚子雲

晉則郭景純唐則李太白宋則蘇東坡黃山谷晁公  
武州有鳥一名山和尚一名兩道士堪作對偶有龕  
言施主佛現施主請回州產月竹每月生笋  
夾江縣之伏龜山有仙掌洞今稱紫府洞是已其山  
雲常五色黃色居其中亦佛光之類耶  
五塊石在今萬里橋之西其一入地上疊四石俱方  
或云其下有一井相傳以爲海眼其南卽漢昭烈陵  
予疑是當時作陵時所餘嘉定州之金銀岡亦有所  
謂五塊石

外集六

支機石在蜀城西南隅石牛寺之側出土而立高可  
五尺餘石色微紫近土有一窩傍刻支機石三篆文  
似是唐人書跡想曾橫置故刻字如之事本荒唐此  
石蓋出傳會然亦舊物也  
天涯石在城東門內寶光寺東之側有亭覆之舊志  
以爲在寧州衛李小旗家問之蜀人莫詳所始意亦  
萬里橋之類行旅之人志遠也石首銳而微頽爾  
成都學宮前綽模題曰神禹鄉邦予始至視學見而  
疑之昔堯舜禹嗣興董爲中州兩河之間聲教暨焉

而輿地尚未拓也後千餘年而周始有江漢之化至秦盛強蜀始通焉彼所謂蠶叢魚鼈靈望帝者文物未備且在衰周之世蜀之先可知也禹都在今之安邑縣實四嶽封爲崇伯崇今之鄂縣其地遠絕何得禹生於此乎新志亦以此爲疑問之人士皆曰禹生於紋川之石紐村禹穴在焉檢舊志稱唐元和志廣柔縣有石紐村禹所生也以六月六日爲降誕云是蓋幾於巫覡之談至宋計有功作禹廟碑始大書曰崇伯得有莘氏女治水行天下而禹生於此其言

列傳三

頗爲無據有莘氏於緜亦不經見按莘今之陳留與崇近緜娶當或有之緜爲諸侯厥有封守九載弗績多在河北今諸處之緜城是已安得治水行天下乎又安得以室家自隨荒裔之地如石紐者乎予益疑之雖有功亦曰稽諸人事理或宜然蓋疑詞也此必承元和志之誤而後說益紛紛矣此雖於事無所損益而蜀故不可以不辨按楊雄蜀都賦止云禹治其江左思三都所賦人物奇若相如君平文若王褒楊雄惟若長弘杜宇偕若公孫劉璋皆列獨不及禹生

耶至宋王騰不平左詞作賦致辨頗極辭鋒亦云岷山導江歷經營於禹蹟其後云緜爲父而禹子此巢人倫之辨爾亦不言禹所生也又按華陽國志載禹治水命巴蜀以屬梁州禹娶於塗山辛壬癸甲而去生子啟呱呱啼不及視三過其門而不入室務在救時今江州之塗山是也帝禹之廟銘存焉志作於晉常璩可謂博雅矣况留意蜀之材賢然亦不云禹所生也今徒以石紐有禹穴二字證之又安知非後人所爲耶禹穴實在今會稽窆石在焉古稱穴居衆詞

列傳三

也禹平水土時已爲司空恐不穴居今言穴蓋塋處非生處也古今集記則云岷山水源分二派正南入溢村至石紐過汶川則禹之所導江也由是言之石紐蓋禹蹟之始而非謂禹所生也又按塗山亦有數說江州今重慶之巴縣有山曰塗鳳陽之懷遠古鍾離也自有塗山啟母石在焉江州治水所經鍾離帝都爲近未知孰是蘇鶩又云塗山有四皆禹跡也併指會稽與當塗云宋景濂遊山記甚詳然亦不能決孔安國曰塗山國名非山也史記所載啟禹之子其

毋塗山氏之女又似姓氏猶今司馬氏歐陽氏之謂  
恐亦非國名也聊附所疑於此

今衢州古之太末其石與武夷山石理大類予未能  
周履其地觀其起伏脉絡意即一山所分也會子固  
記道山亭亦謂粵之太末吳之豫章爲其迤路今廣  
信古之豫章上饒諸山自武夷發而龜峯尤類武夷  
登其左右臂耶記曰路闕者陸出則阨於兩山之間  
山偪屬無間斷累數驛乃一得平地小爲縣大爲州  
然其四顧亦山也其塗或逆坂如緣絙或垂崖如一

勿集元

髮或側徑鈎出於不測之谿上皆石芒峭發擇地然  
後可投少負戴者雖其土人猶側足然後能進非其  
上人罕不躓也其谿行則水皆自高瀉下石錯出其  
間如林森立如士騎滿野千里上下不見首尾水行  
其隙間或衝縮膠縠或逆走旁射其狀若蚓結若蟲  
錢其旋若輪其激若矢舟泝者投便利失豪分輒  
破溺予入閩然後知其文之工也

河汾燕開錄

郿縣河灘上有亂石隨手碎之中有石魚長可二三  
寸天然鱗鬣或雙或隻不等云藏衣筒中能辟蠹魚

又平陽府侯馬驛滄河兩所反土上皆婦人手跡或  
掌或拳儼然若印削去之其中復然大同山中有  
人骨在山之腰上下五六寸皆石耳惟中間一帶  
可四五丈皆髑髏脛節疑是中之一山數處亦爾  
造化變幻何所不有也

金臺紀聞

武康石色黑而潤文如波浪武康縣山溪間多產此  
石予行江南山中亦見此類或云出海島中水洗而  
成文往年入蜀自棧道過鳳縣嶺純是此石指皺成  
文而方整可坐其品格頗多惟疊雪者爲甲橫文疊

勿集四十一

起如謂有黑白層疊相間者有白石作腰帶圍者曰  
三帶流水其文皆疑是犀紅黃色相間成文虎皮大  
文圓狀作黃黑色海石蒼黑色面作礬頭紋鬼面石  
紋突出而獐狼有透漏如太湖石謂之湖石武康嘗  
欲聚而作譜恐未能悉其品也粗記如此

春風堂隨筆

予登華山蓋至青柯坪焉自此以上則攀緣鐵索矣  
小憩希夷峽供菜飯啓觀希夷蛻骨作黯淡黃色入  
手堅實而骨節頗長大惟顛骨頂有二竅爲異世云  
作粉紅色與異香咸無之時叙州守趙儒字廷文在

傍拈骨一板云亦漸輕矣蓋亦經歷五百餘年信  
異人也崔銑子鍾嘗謂余云劉晦菴少師為庶子時  
奉命祭告以六月登絕頂顧其下白霧漲如大海時  
見霧中作烟突狀高低不一而仰視赤日當天同行  
亦有兩司言下山始至大雷霹靂驟雨如注山所見  
烟突即雷也而不聞聲古云山頭只作小兒知命錄  
此耶凡聲自上下者也

靈柱宮在江西省城東南隅宮之東南隅方丈楚池  
作石闌檻鐵柱在焉相傳為許旌陽治蛟之物甲午

外集四

冬初予與同僚偶往俯觀焉微露其端乃石爾非鐵  
也亦不作柱形豈厭勝所為與豫章漫抄

天妃宮江淮間濱海多有之其神為女子三人俗傳  
神姓林氏遂實以為靈素三女太虛之中惟天為大  
地次之故製字者謂一大為天二小為示故天稱皇  
地稱后海次於地者宜稱妃耳其數從三者亦因一  
大二小之文蓋所祀者海神也元用海運故其祀為  
重司馬溫公則謂水陰類也其神當為女子此理或  
然或云宋宣和中遣使高麗挾閩商以往中流遭風

賴神以免使者路允迪上其事於朝始有祀金臺犯

吾松姚蒙先生蓋醫時鄒公來學巡撫江南訪而召  
之以醫生見鄒公素嚴重姚有口眼歪斜發動疾公  
心輕之問曰汝亦有疾對曰有風疾目既有風疾何  
不醫之曰是胎風公即引手令其診脉姚退却不前  
再命之再却公始曰診脉須坐呼座坐之姚乃方脉  
既畢公問之姚叙病源一二公亦知醫領之最後姚  
曰大人根器上別有一竅出汗水公大驚曰此予隱  
疾甚秘汝何由知姚跪曰以脉得之左手關脉滑而

外集四

緩肝第四葉有漏洞下相通既久公始改容謝之乃  
求藥姚曰不須藥只到南京便好以手策之曰今是  
初七得十二日可到公曰知之矣即治行果十二日  
晨抵南京入會同館而卒吁亦神哉停驂錄  
史記高鵠傳飲以上池之水以上玉堂漫筆  
上池水竹木上未到地

古之言天者三家曰宣夜曰蓋天曰渾天宣夜無傳  
周髀蓋天考驗多失獨渾天近理其言曰天如雞卵  
地如卵黃天大地小天表裏有水天地各乘氣而立



載水而浮天轉如車轂之運

周天三百六十五度四分度之一天本無度因日一晝夜所躔闊狹而名蓋日之行也三百六十五日之外又行四分日之一一年而一周天以一日所行為一度故分為三百六十五度四分度之一星辰之相去月五星之行躔皆以其度度焉蓋天之有度猶地之有里也一度畧廣三千里周天太畧一百一十萬里上下四方徑各三十六萬里後漢地理志度各二千九百三十二里周天積一百七萬九百一十三里

列傳

徑三十五萬六千九百七十一里又按學林云地與星辰游升降於三萬里之中則地至天萬五千里爾按唐書一行梁令瓚候之度廣四百餘里上下四方徑各五萬餘里周天實一十六萬里地上地下各八萬里天道幽遠術家各持一說宜並存之天圓如倚蓋半覆地上半隱地下北極出地三十六度繞極七十二度常見者謂之上規南極入地三十六度繞極亦七十二度常隱者謂之下規文耀麗乎天其動者有七日月五星是也其不動者

二十八宿是也日為陽精月為陰精五行之精為五星布於四方二十八舍為宿咸列布於天運行經天用示吉凶焉

天地左旋七政右旋謂日月星辰之類天一晝一夜而一周又過一度日一晝一夜而行一度月行十三度十九分度之七云月行速一度有奇積二十七日後與日會

二十八宿之度本因日行所躔而名本無度也度之最多者莫如東井至有三十四度其最少者莫如觜

列傳

觜才一度何則井斗不與日躔相當其度不得不闕觜鬼與日躔纔相及其度不得不狹也

日所行謂之黃道本無道況色乎曆家入筭姑以色標識之黃色之中日道居中故也月行青朱白黑者春木夏火秋金冬水四方色也傳曰朱道一出黃道南蓋指南陸而名之不曰赤而曰朱何也赤道分南北之中古今不易南陸稱朱所以避之也黃道出入於赤道之內外赤道橫而黃道斜斜長於橫故黃道為之增若赤道居中黃道旁出旁狹於中故黃道為

之減此自然之數也

日行黃道七政循黃道左右而運行冬至日去北極最遠者百一十五度半弱夏至日去北極最近者六十七度半弱二分去北極九十一度半弱

日行黃道月行九道日月行相去最遠者二十四度最近者六度青道二出黃道東朱道二出黃道南白道二出黃道西黑道二出黃道北此其交也必由於黃道而出入故兼而言之曰九道也

月行黃道內謂之陰曆行黃道外謂之陽曆東方青

外集四十五

龍七宿謂之東陸西方白虎七宿謂之西陸南方朱雀七宿謂之南陸北方玄武七宿謂之北陸總之二十八宿而天體周矣

日行舒月行速當其同度謂之合朔舒先速後近一遠三謂之弦相與為衡分天之中謂之望以速及舒光盡體伏謂之晦

凡日月無光曰薄虧毀曰蝕虹蜺曰暈氣在日上曰戴旁對曰珥半環在旁向曰抱背曰背

凡五星所行同舍曰合變祲曰散五寸之內光芒相

及曰犯相冒而過曰陵掩之曰食自下往觸曰犯居其宿曰守經之曰歷相擊曰圍環之曰勾繞之曰紀早出曰贏晚出曰縮

凡星常明者百有二十四可名者三百二十為星二千五百微星之數蓋萬一千五百二十太史總廿石巫咸之星凡三百八十三官一千四百六十四星天文分野角亢氏屬鄭兗州東郡入角一度東平任城山陰入角六度濟北陳留入亢五度濟陰入氏一度東平入氏七度泰山入角十二度房心屬宋豫州

外集四十六

穎川入房一度汝南入房二度沛郡入房四度梁國入房五度淮陽入心一度魯國入心三度楚國入房四度尾箕屬燕幽州涼州入箕十度上谷入尾一度漁陽入尾三度右北平入尾七度西河上郡北地遠西東入尾十度涿郡入尾十六度渤海入箕一度樂浪入箕三度玄菟入箕六度廣陽入箕九度斗牽牛須女屬吳越揚州九江入斗一度廬江入斗六度豫章入斗十度丹陽入斗十六度會稽入牛一度臨淮入牛四度廣陵入牛八度泗水入女一度六安入女

六度虛危屬齊青州齊國入虛六度北海入虛九度  
濟南入危一度樂安入危四度東萊入危九度平原  
入危十一度菑州入危十四度營室東壁屬衛并州  
安定入營室一度天水入營室八度隴西入營室四  
度酒泉入營室十一度張掖入營室十二度武都入  
東壁一度金城入東壁四度武威入東壁六度燉煌  
入東壁八度奎樓胃屬魯徐州東海入奎一度哪哪  
入奎六度高密入婁一度城陽入婁九度膠東入胃  
一度昴畢屬趙冀州魏郡入昴一度鉅鹿入昴三度

外集四七

恒山入昴五度廣平入昴七度中山入昴八度清河  
入昴九度信都入畢三度趙郡入畢八度安平入畢  
四度河間入畢十度真定入畢十三度滹參屬魏益  
州廣漢入觜一度越嵩入觜三度蜀郡入參一度犍  
爲入參三度牂牁入參五度巴蜀入參八度漢中入  
參九度益州入參七度東井與鬼屬秦雍州雲中入  
東井一度定襄入東井八度鴈門入東井十六度代  
郡入東井二十八度太原入東井二十九度上黨入  
與鬼二度枹七星張屬周三輔弘農入枹一度河南

入七星三度河東入張一度河內入張九度冀軫屬  
楚荆州南陽入翼六度南郡入翼十度江夏入翼十  
二度零陵入軫十一度桂陽入軫六度武陵入軫十  
度長沙入軫十六度此二十八宿分屬十有二州星  
家相傳若此余每求其說而難通夫天常運而不息  
地一成而無變以至動求合至靜未易以齊此其難  
通者一也若以爲形象所主必有相當氣類之應乃  
出自然不應各有入度之限况天之一度當地之二  
千九百餘里則天大而地小九礙昭合此其難通者

外集四八

二也且以輿地言之閩粵交廣通謂之揚州實當中  
國之半而分星所屬止此此又地廣而天狹矣此其  
難通者三也姑記所疑以俟深明此學者辯焉中和  
天包地外水在地中恐名理亦未盡天包水外水包  
地外地水皆在天中晉志述黃帝書曰天在地外水  
在天外水浮天而載地恐亦難據使天果有外恐只  
是氣耳豈容有水耶氣無窮理亦無窮却倒說玉堂  
寒煖氣也寒屬天煖屬地西北高近天故多寒東南  
卑入地故恒煖大抵近天氣轉旋極急而極寒道家

謂之罡風莊生謂之羊角風 以下中和堂隨筆

大陽也其氣寒地陰也其氣緩緩中得寒則成故萬

實告成皆在寒涼之候寒中得暖則施為雨雪是也

陰陽和而雨澤降和者兩交之謂也氣上升天氣下

降交於其中則雨天氣健故降速地氣重故升遲是

故雲雨去地不遠若地氣升而天氣不下接則散而

為風天氣降而地氣不上承則雨而為霖

霜本露所為蓋水土輕清之氣上騰而薄天之氣則

不集四九

結而下降故有嚴霜必有烈日其氣清明也南方有

厚雷若花者土人又謂之毛頭霜是日立雨蓋氣升

而上逢和氣則不能結而早墜雪霰亦然山極高處

無霜露水土之氣微故也

儒先謂月中山河之影電為光於同雲之際皆非也

陰精之融而未盡者月也陽光之逆而成形者電也

故日中之烏亦陽精之融而未盡者也故日月物也

非神也詩曰上天之載無聲無臭

山陰也水陽也陰氣凝結於西北至東南而漸微陽

氣極盛於東南而融液浩蕩故崑崙在西北瀛海在

東南文王後天之作用也高行人澄與陳給事侃俱

使琉球高還會於廣陵與余言海中風甚大與中國

風不同湧浪有如山故後天巽位亦置東南 巽風也

域中輿地東西九千三百二里南北萬三千三百六

十六里此漢之極盛也唐之極盛東西九千五百十

里南北萬六千九百十八里本朝疆界予所行者

起自東海西至成都又西望威茂松潘約有千里蓋

萬里餘矣成都萬里橋蓋自長安迂道言之指南北

不集五

也非實南自延建北至鴈門予行蓋五千里餘 疑傳

河源出吐蕃朶甘思之西鄙有泉百餘泓水沮洳渙

散方可七八十里淖弱不勝物從高視之燦若列星

是之謂星宿海云夷言火敦惱兒火敦星惱兒海也

羣流奔湊近五七里匯二巨澤夷言阿刺憐兒也自

西來連屬吞噬迤邐而東行一日程始成川名赤賓

河又三三日程有水西南來名赤里出與赤賓合又

三四日程有水南來名忽蘭又有水東南來名也里

水合流會于赤賓其流寔大始曰黃河云然水清人

尚可涉又一二日程乃為九度河九度者水八九股

可度也廣六七里又四五日程水始連濁土人抱革囊或乘馬過之亦有象舟傳革以濟僅容二人繼是東以兩山廣可一里二里或半里深叵測矣柔甘思之東北鄰有大雪山自腹至頂積雪常不消山最高卽所謂崑崙也自八九股水至崑崙約計二十日程河行崑崙南半日程又四五日程至闕卽及闕提二地相屬又三日程始至四達之衢是謂哈刺別里赤兒崑崙之西人跡簡少多處山南其東山益高地益下岸亦益狹有狐可一躍過也又行五六日程有水

外集五

西南來名細黃河又兩日程有水南來名乞兒馬出二水合流入河河北行轉西至崑崙北二日程水過之比流少東又北流約行半月程至貴德州州隸河州元所置吐蕃宣慰司也又四五日程始至積石禹貢所謂導河自積石其地也又五日程至河州安鄉關又一日程至打羅坑東北行又一日程洮河水南來入河又一日程至蘭州過北下渡至鳴河州過應吉里州正東行至寧夏南又東行卽東勝州也世言黃河九折彼地有二折蓋乞兒馬出及貴德州必赤

里也言河源者惟此二說爲近周剛次元臣濟昂霄所志如此

豫章漫錄

晉水澗行類閩越而悍濁怒號特甚雖步可越處輒起濤頭作澎湃源至高故也夏秋間爲害不細以無堰馬之具爾予行三晉諸山間嘗欲命緣水之地聚諸亂石傲閩越間作灘自源而下審地高低以爲疎密則晉水皆利也閩越云水無一點不爲利誠然亦由其先有豪傑之士作興後來因而修舉之遂成永世之業故予謂閩水之爲利者盈科後進晉水之不

外集五

爲利者建瓴而下爾

河汾雜錄

大藏西域記云阿耨達池在香山之南大雪山北周八百里東南流入海者曰旻伽河西南流入海者曰縛芻河西北流入海者曰徙多河又潛流地下出積石山東北流入海者爲中國之河源阿耨達華言無煩惱似指所謂星宿海者旻伽華言天堂縛芻華言青徙多華言冷

以下蜀都雜抄

按華陽國志云漢有二源東源出武都氐道漾山因名漾禹貢流漾爲漢是也西源出隴西幡冢山會白

水經段萌人漢始源曰汚故曰漢汚

子所雅言詩書執禮執字當是執節藝字之誤隸書  
執執字相類執樂也是即春秋教以禮樂冬夏教以  
詩書與四教亦是四事以下傳疑  
為長者折枝枝肢古通用肢四支也腰亦口肢折枝  
猶折腰也古詩云折腰載拜跪陶淵明以五斗米折  
腰蓋言為長者揖拜耳

列第五

石炭即煤也東北人謂之楛南人謂之煤山西八  
謂之石炭平定所產尤勝堅黑而光極有火力史稱  
女媧氏煉五色石以補天今其遺龜在平定之東浮  
山予謂此即後世燒煤之始所謂天柱折地維闕者  
乃荒唐之說不足深辯天一氣爾豈有損壞可補謂  
之補天猶曰代明云予別自有記河汾燕閣錄  
恬松百年即有白衣如粉本草謂之艾衲香五鄉錢  
萬先生號艾衲蓋取諸此趙文敏公號松雪乃是一  
琴名若艾衲香亦可稱松雪

松雪翁妙解音律自言號復自貶於古琴名何耶  
至老不能琴而松雪之

得官淺白斷紋號百坂碎宋時有童生一生二兄弟  
皆處州人王龍泉之琉田窟生二所陶青器純粹如  
美玉為世所貴生一所陶者色淡故名哥窟  
少休寺有達磨面壁庵壁上有達磨身影透入人有  
屢磨之不能去宋仁宗嘗作一讚云坤之上乾之下  
中間一寶難酬價十萬里來作證明而壁九年不說  
話如何讚如何畫一回提起一回怕此金丹之說不  
知仁宗御製耶抑代言也詩話錄

列第五

余尚書靖慶曆中知桂州境窮僻處有林木延袤數  
十里每至月盈之夜輒有笛聲發于林中甚清遠土  
人云聞之已數十年矣詳其詳公遣人尋之  
見其殼自一大栢木中出乃伐取以為枕箎殼如期  
而發公甚寶惜凡數年公之季弟欲窮其性命工解  
視之但見木之文理正如人月下吹笛之像雖善畫  
者不能及重以膠合之則不復有聲矣  
古人書法皆由悟入若長史之舞劍器魯公之雜畫  
涉於天地山川得方圓流峙之形於日月星辰得經

緯帶回之度於雲霞草木得露而滋受之容於衣冠  
文物得揖遜周旋之體於鬚眉口鼻得喜怒舒慘之  
外於魚蟲禽獸得屈伸飛動之理乃知夏雲隨風擔  
夫爭道與觀盪漿聽江聲見蛇闢進於書也張伯英  
臨池學書池水盡墨鍾繇人抱犢山十年木石俱黑  
王羲之五十二歲而書成永禪師不下樓者四十餘  
年要非一朝一夕之故 以下書輯  
夫書執法猶若登陣變通並在腕前文武遺於筆下  
出沒須有倚伏開闔藉於陰陽每欲書字豫如下營

列集五

穩審思之方可落筆且筆者心也墨者手也言者意  
也故王右軍曰紙者陣也筆者刀槍也墨者鎗甲也  
水硯者城池也心意者將副也結構者謀畧也鬪筆  
之次吉凶之兆也出入者號令也屈折者殺戮也  
按點者字之眉目全在顧盼精神有向有背隨字異  
形畫者字之骨體欲其堅正身淨有起有止所貴長  
短合宜結束堅實入者字之手足伸縮異度變化  
多端要如鳥翼魚鱗有翩翩自得之態剔者字之  
步履欲其沈實晉人挑剔或帶斜拂或橫引向外至

顏柳始正鋒爲之轉折者方圓之法真多用折草多  
用轉折欲少駐駐則有力轉不欲滯滯則不道然真  
以轉而後通草以折而後勁不可不知也  
凡楷書之法如快馬斫陣草法欲左規右矩作楷墨  
欲乾不可太燥行草則燥潤相雜以潤取妍以燥取  
險夫草下筆之始須藏鋒轉腕前緩後急字體形執  
狀如蟲蛇意相鈎連莫令間斷仍須前緊爲上不貴  
繁冗至如稜側起伏隨勢所立大抵圓見壯妙其有  
誤發不可再舉恐失其筆執若有暇處須空中遙擲

列集六

下執猶高峯墜石下筆要如放箭箭不欲遲遲則中  
物不及雖則施於草迹亦須時時象其篆執八分草  
草古隸等體要相合雜發人意思若直取俗字則不  
能先發賤毫尤須靜思開雜發中於慮則得之  
凡筆運之欲其活也執之欲其緊也執之在手手不  
知運運之在腕腕不知執當以心主難以力求執筆  
之法貴淺而病深蓋筆在指端則掌虛運動適意騰  
躍頓挫生意在焉筆在指半則掌實如樞不轉制豈  
自由運動迴旋乃成稜角矣寧望生動哉用筆不欲

太肥肥則形濁不欲太瘦瘦則形枯不欲多露鋒鋦  
露鋒鋦則意不持重不欲深藏圭角藏圭角則體不  
精神肥不剩肉瘦不露骨正自爲佳爾

初學之士所貴臨摹蓋節度其手易於成就耳對書  
之謂臨覆書之謂摹夫臨書易失古人位置而多得  
古人筆意摹書易失古人筆意而多得古人位置是  
故臨書易進摹書易忘初學之際宜先筋骨筋骨不  
立肉何能瘦故曰多力豐筋者聖無力無筋者病  
凡書通御變音唐名書各變其體以傳世若徒執法

終非自立之體也必也旁通點畫之情博究始終之  
理心忘於筆手忘於書是謂求之不得考之即彰  
凡書在心正在氣和夫心不正筆則欹斜氣不和書  
必顛仆故曰陽氣明則華壁立陰氣大則風神生通  
乎道也先默坐靜思隨意所適言不出口氣不盈息  
沈密神采如對至尊蔑不善矣  
製筆之法策者居前竟者居後強者爲刃要者爲輔  
參之以彘束之以管固以漆液澤以海藻濡墨而試  
布中繩勾中鈎方圓中規矩終日握而不敗故曰筆

妙以下春風堂隨筆

唐開元間獵人葉氏得石於長城里塚爲硯遂聞天  
下山在羊崗嶺之巘兩水夾之水盡處乃產硯石有  
坑一曰紫足次曰羅紋今呼爲舊坑又次曰莊基三  
坑相去有餘步而石品曼異舊坑又自爲三曰泥漿  
曰棗心曰綠石去舊坑纔數尺而石品復異自莊基  
北行二里泝溪而上曰矸子坑則東坡所歌者今在  
水底不可斷矣

舊坑綠石爲上生在石中斷者先去頑石次得硯材

然極麤工人名曰麤麻石石心最紫處爲浪出至慢  
處爲絲愈慢處爲羅紋故曰紫處爲浪慢處爲絲如  
木理然

絲之品不一曰刷絲口內裏絲曰叢絲曰馬尾絲獨  
吐絲爲奇正視之疎疎見黑點如酒墨側視之刷絲  
粲然工人謂之硯寶蓋石之精云惟棗心坑或有之  
他產則劣故三衢絲石黑而頑南路絲石暗而黠綿  
潭絲石浮而滑夾路絲石紅而枯水池山絲石枯而  
燥皆不甚宜筆墨云



宋謝堅知徽州時嘗於舊坑取石貢理宗初坑上嘗  
有五色雲氣如錦余郡檄隨雲所覆處斲之得佳石  
有白文繞兩舷宛轉如二龍旣發爲硯而雲氣不復  
見矣一

洮河綠石出洮州衛土關西與西番接境唐以來名  
人多採之以製硯宋失其地故士夫尤貴重之色有  
淺深體有老嫩猿頭瓜皮黃垂子紋者爲佳雪花  
無景者不足貴今洮州亦產硯石似一類云續傳

五世從孫陸瀛齡重編補刊

文苑九

行遠集行遠外集

皆無卷數  
內府藏本

明陸深撰深有南巡錄已著錄其文集續集刻於  
嘉靖中此集則崇禎庚午其曾孫休寧縣知縣起  
龍所編前有起龍述言一篇稱深隨地著述散見  
四方者邈不可購所鑄正續集一百五十卷有奇  
十不得五迄今模糊散佚又十之二三起龍懷  
先澤多方搜購見輒筆之又積至二十餘卷以次  
校編又稱附以年譜重開生面云云今考此本所  
載皆文裕集所已收蓋其時舊刻散佚因掇拾所  
存重刻此板故稱搜購實則非續獲於正續二集  
之外也所稱年譜今亦不存或裝輯偶漏或歲久  
板又佚缺歟

霞城集二十四卷

〔明〕程誥撰

安徽省圖書館藏明天啓二年程于廷刻本

附《四庫全書總目·霞城集二

十四卷》提要

原缺第一葉前半葉

矣自邑為吾鄉嚆矢庶自成弘開  
其時作者固皆波靡乃先是一力  
挽回獨開正始謂宋元卑不足效  
也則進而取法乎先程謂新都一  
隅不甘園也則出而縱觀乎寓內  
今日秦明曰晉周流之轍跡無定

邇來之聲價有定時涉大梁謁李  
獻吉先生假游太華諸篇為介  
紹李先生一見稱奇頡賞不置曰此  
誠昭代美材也倘出而並驅中原我  
與若誰分頡頏竟欲以友禮：先  
生而先生自顧惟柴一布衣何敢  
與李先生抗衡退而願備弟子禮  
于門墻者數年夫士生此際運值  
中天方將人樹幟喙：爭鳴至擬諸  
先生似大有徑進夫何敢輕置喙  
又况詩學承宋元而來具曰入室主  
與之謂何什一由進什九由徑即蜂地

而履孰能不頡先生能不徑而進步  
履不愆以一布衣崛起壇坫之上在  
當日則允執詞盟在今時則共推鼻  
祖斯其人為何如倘所云文起百代之  
衰者非耶汪太函氏又言謂自邑能  
自得師直以黃土為桴鼓其真大始  
之希音也歷選而下大槩可知矣抑又  
聞先生：卒自期志在選長林臥大  
壑撰成一家言以託不朽故所列有霞  
城集若干卷師選則進摹唐即喜  
行見王駱不得絕美于前而李杜亦  
將繼起于後矣洋：乎名着天壤

尚何難聲施後世哉今先生澄矣  
 茲集似隨之與俱徃豈立言如先生  
 曾不足以垂不朽耶間有誦其詩想  
 見其人者又皆得于殘編斷簡之余  
 收于蠹魚鼯鼠之口彼非不倍加珍  
 賞依然若手握寸璧然而終非  
 完璧也其板向藏方皇父先生家  
 殘闕不全今歲予始購歸復搜遺  
 書補其闕略楚人失弓楚人得之  
 毋亦先生有靈呵護此寶故尔不容  
 沒耶抑亦珠還璧合信自有期耶  
 茲集一行不惟為我鄉吐奇益且為

我郡生色先生之志庶幾少酬先  
 生之名永託不朽矣談起九原于此日  
 不識欣然有喜色否時

啟歲在壬戌臘月八日族侄孫于廷惟

貞父頓首敬序



霞城山人傳

東嘉侯一麟舜昭撰

侯子曰昔士而為隱顯者曷嘗不并列天壤云  
隱者排下而顯者進上也排亦一無已進亦一  
無已也吾若此後役何哉是皆不貴其身而貴  
物馳其志而不盡志者也梗柙中規矩榑櫟棄  
繩墨中也者貴也棄也者賤也世之所謂貴者  
其不受尋尺者鮮矣而賤者以全雖然猶為一  
之見也苟循其本顯則大行不顯則龍潛升棧  
棟之鄉而不異老廣莫之野伏岷巖之下而不  
異處廟堂之上則奚貴奚賤哉以余所親程山  
人則隱而貴乎身盡其志者也有以自見於後  
世豈同乎枯槁沈冥無聞哉傳曰山人姓程氏  
新安歙人也世家臨河之上名誥字自邑幼負  
奇氣不肯從諸生後曰今仕道如吾身吾焉用  
是百骸臣妾我也去讀古諸書慨然曰適吾適  
自足且吾寧能萬斛之舟而浮乎江海不能也  
然則併木之泝以乘乎溪渚之間行且歌曰漢  
之廣矣不可沫思江之末矣不可方思真吾所  
宜人相從稱泝溪子云山人既自許顧念慮距

霞城集卷一

一

霞城集卷二

二

躍無聞以為昔賢遠遊其文力迺肆常寓諸山  
川於是泛錢塘道吳門趨淮南以歷魯宋之都  
返權荆鄧泝沅湘橫截廣閩以歸卧山中久之  
適沛而西抵秦晉登太華賦太華詩若干篇出  
大梁持謁空同李公李公稱山人詩華山公案  
是已一日從容對山人曰子之詩神境融會異  
時以散置名家子不後矣海內如黃省曾輩爭  
序論山人詩而山人亦益縱橫作者之場自反  
而縮又二年山人遊武當出漢襄漢襄棗陽王  
賢下士山人迺奉書踵門曰江左布衣某竊聞  
大王之高誼善文章且夫南面稱孤而不挾貴  
以卑天下之士迺天下士莫不願攜衣乘簞大  
王之門某服膺久矣以為男子生弧矢懸門示  
志四方故每聞奇山水輒不遠萬里命駕天下  
九州歷六迺其間文學之士必造討究指歸况  
躬際風雲之會乎伏謁待罪殿下昔梁孝於鄒  
枚陳思之儀粲賦詠宴語猶足耀當時駭後世  
大王盛德越梁陳儻不以長揖拒某或其人也  
王大賢之延山人虛左山人謝不敢當王迺三  
讓山人曰子文出侯生顧視予魏公子下耶山

人於是客上客之禮明年山人遊蜀瀘士王愈  
李庭堅禮敬山人有飛霞子韓懋者瀘之奇士  
也適自邛雅歸聞王李善山人喜曰程山人海  
內才也非二子識之人其謂吾屬爲王者何迺  
致書山人爲恭而山人荅其書畧曰某不羈人  
也放遊名山今二十稔自惟小局於管窺大拙  
乎瓠用計迺在選長林卧大壑撰一家言以託  
不朽則是隱聃窮卿不使絕美於前迺區區素  
抱也蜀中人於是益奇山人而益禮重之山人  
素饒遊既久盡散其囊金卧黃山中背落而窶

大德城集卷二

五

也山人顧益怡所善鄭玄撫十五人結社天都  
峯下詠愈豪天都黃山最高峯也有霞縈焉則  
又稱霞城山人居十六年而安平故人朱比部  
曰藩授書願割田資山人使耕射陽墟中山人  
嘆曰吾比者乃慵出戶而使我求田射陽墟至  
則延之涇上之園居九月會淮漲田半湛溺或  
曰害於耕曰吾志蓋如是也決謝去黃山中云  
山人性敦方與人語務自得不甚爲僞讓坐是  
寡偶獨深乎知山人與交山人乃爲之盡游幾  
海內屢數人可稱是而已集凡若干卷評者云

統攝諸家臻其室百世一旦暮也豈乏子雲哉  
論曰觀山人舍舟楫而汜汜又曰我猶有瓠之  
慮也其拙於用大明矣及讀其賦詠何憂憤之  
深也與語以上下古今又弘博實核此其於世  
故豈非知其大而守其小知其巧而守其拙者  
哉余家海上而獨不見之漁者之遠浮而厲風  
乎卽欲膠其舟而不得乃知山人靡蔑濟川之  
才而觀象玩占意念深矣嘉靖癸丑夏五月至  
日

大德城集卷二

四

霞城集卷之一

歎程誥自品

目錄賦十首

賦

鵲巢庭樹賦

蜘蛛賦

籠鶴賦

五九菊賦

傀儡賦

峒獠賦

經灑灑堆賦

感龜賦

謁漂母祠賦

吊韓信城賦

聽松賦

不霞城集卷一

五一

辭

迎陽

翠景山

雲谷

悲日夕

暮來歸詩梅

武當山迎送神辭三首

小孤山迎神曲

嗟旅窮

賦

鵲巢庭樹賦

王生中庭植樹有鵲巢焉泝溪子見而歎曰異哉吾聞崑山之人見鵲而惡之輒抵之以所懷

之壁廼鵲跡亦罕至其下今寄巢於下枝而無探殼挑卵之患鵲能審愛憎去就之道哉遂賦之其辭曰

夫何茲雛之媵異兮氣獨稟乎乾剛體金水之懿德兮被玄衣而素裳性靈慧而知來兮才巧捷而經營且其跣必擇木兮翔不迷方審崇卑以安處兮知水風而豫防當一陽之未復兮爰構巢而乳息背太歲以啓戶兮面至和之天乙不苟完以取枯兮亦橫梁而塗飾去林藪之幽闐兮依闕闥之令室冀免難於弋彈兮豈耽萃

不霞城集卷一

六一

而厭寂感君子之庇護兮或堦馴而罔怵仰飲喬柯之湛露兮俯啄卑枝之茂實昧接接之近諛兮每揚聲而報吉終舍去以資鳩兮匪王恩之不卒歌曰煙熅致祥神人和兮有斐君子德為家兮聖王之庭鳳來儀兮烏得氣先徵斯義兮家儀義并叶

蜘蛛賦

惟蜘蛛之多巧兮爰結網而放絲體崇卑以定位兮勢遠近而宅基廼其罔綱周設象天極也方日畢舉準地則也獨當一面示威力也守靜

俟時無苟得也弗羅織以盡取類湯祝之存仁  
審逆施以順受每補過而安身異蘭蠶之登用  
恒罪命于時人

籠鶴賦

求寧介戎瀘之間蓋古蘭州也其地險隘民夷  
雜居俗陋肆悍嘉靖中泃溪子久稽斯土衛解  
舍旁有孤鶴被繫于籠者見人輒伸頸長鳴若  
將欲狎舉者屢予心悲焉竊感夫子居夷之義  
作籠鶴賦以自廣云

余竊悲夫胎化之偉禽兮挺明迥之令姿稟陽

不靈賦

七一

剛之健質兮被霜雪之羽儀載崇華之疑丹兮  
挾穢穢之緣緇年七九而形變兮時十二而聲  
依性爽朗而內潔兮才逸瞻以自資故其含精  
獨立跡與道并洪憚脩趾毛豐肉輕行依芳嶼  
飛薄秦清後塵擅其舞警露揚其音雖託名於  
禽鳥抱超曠之異心等遐際於龜鹿耻為群於  
家禽嗟命數之窮阨毋捫膺而弗禁掩雲羅之  
一月俯籠檻以迨今且其委身順物遠害任智  
馴養閒暇棲跼簡易動無惰容靜無怠意何茲  
禽之野性能安然而逮繫爾乃境遺寥閔日感

喧卑長鳴如訴喪侶疇依思茂林之蒼蒼惟寒  
暑之載移子離鄉以逆旅臣去國而居夷彼明  
賢之坎壈亦寄詠於式微矧羽族之宗長容永  
久而拘縻望海天之恢廓悵九臯之願違枉軒  
車之每載匪予心之攸宜豈神容之可珎荷君  
子之明德雖垂盼於區區孰若曩時之自適顧  
昂然之介標與鷄鶩而競食感在陰之鳴和哀  
母子之離隔念赤霄之脩阻奚寵辱之足驚歎  
羈孤以失所苟默默以喪生循庭除以頓距睇  
天步而寄聲羨蒿緹之喬嶽徒嚮慕而效誠類

不靈賦

八

池魚之園圉想海逝而游行若迺金氣已肅海  
燕告歸風蕭蕭以淒緊月澄廓而流輝引圓吭  
以清唳鼓垂翅而安施幽士見之而感泣羈人  
聞之而增悲審生生之理足媿稻梁之秋肥恨  
識微之不先致負累於今日付踰躡之薄軀無  
懷寶而外飾何天壤之懸絕情愴怛而屢失窺  
池籞以散矚怨影獨而神遐結曠懷於絕徼冀  
一舉而風飄儻隆恩於垂被啓鑠鑰而見超逮  
四翎之罔斂矯雲際而遊遨序文鴈而接翅媿  
冥鴻之莫招謝時人而迺去適玄圃以逍遙



五九菊賦

當炎夏之中令既倚風而吐英在葦收之季律亦冒霜而敷榮何賦性之特異固開氣之所生火德蘊秀金精含靈色炎涼而不改德先後而俱馨

傀儡賦

攬品類之賦質資造化之生成雖氣稟之有異非智力之預營何茲物之瓌璋始作備於偃師出汗漬之捐樸飾粉繡之萃滋於是伶人張其廣幕一縷發其潛機藉音聲而悲喜著踪跡之

合離逞漢楚之爭戰肆儀秦之是非苟運用而

九

不息長任真以共嬉

峒獠賦

環永寧而居皆獠夷也予覽而駭焉於是作峒獠賦曰

原性命之所賦無不善而粹醇固率條之有道抑習俗之移人醜爾獠之汙染居憑嶮而洞潛軀體纏以絲帛矯捷類乎玉孫態橫施而獻出聲囁囁而信信種類九而雜處心狼戾而匪仁昧皇威之莫測惟劔戟之攸逞截要途而作劫

每嘯聚而成群雖統攝有酋長豈政教之克宣知黷貨以貿易集城闐而駭民觀儒紳之揖讓輒睨歷而見嘖忘固陋而賢已時摩撫而相憐

經艷瀕堆賦

嘉靖壬辰春二月程子自江陵泝江而西經瞿塘觀艷瀕石感象馬之戒爰造斯賦賦曰

瀕江波以西邁兮越楚塞而窮源驚三峽之瀾旋兮懷世途之嶮艱詎歸宗以東注兮瀆坤維而擅尊巨岷洋而絡貫之兮激湖澗之騰奔混瀕洞以押翕兮渦溢漚而輪困龜龍鱷鼉窟之

大震城集卷一

十

以泓棲兮逞攸鍾之怪神篙師相戒以靡懈兮經淫預而縱觀信目奪以臆駭兮精搖搖以陟天勢巋巋以嶽峙兮壯禹鑿之所存何榜人之蠢蠢兮謂傾覆而每因曩予指輿志之布敷兮淮漲涸之吐吞示象馬之昭鑒兮俾進止知是敦諒禍福之由已兮察伏倚而趨避懲垂堂以質行兮矧予用頰以佗條按注梓以為程兮羗胡為而遠遊去故鄉以遼遼兮形鞞鞞而寡仇昵萬變以按志兮吾寧砥礪而逢郵盍撫運以俟命兮究天理之昧幽幹陰陽以羸縮兮斯玄

化之所圍攬品形莫不然兮夫孰異道而獨厚  
遵孔訓以居易兮逝將更此駕也返初服于丘  
園兮審緣督之所舍也被貞亮之素衣兮循逸  
軌之康莊游藝死以逍遙兮願大德而相羊亂  
曰已矣哉孰貽斯頌頌兮文何事乎脩塗知天  
下而不出戶兮吾將討典墳而日娛

感龜賦

程子游于江陽之市見鬻龜甲者怛然有動於  
中作感龜賦云

感龜賦

十一

生兮或飛躍而為伍惟茲介之特異兮寔含靈  
而寧處豈乘居以匹遊兮顧弗飲而弗茹吸陰  
陽以調息兮每淵潛而容與夫既神韜以跡晦  
兮孰刀鋸之能斃女審貞吝之有數兮願叩夢  
而靡由遂見執於豫且兮信剝腸而奚愛竟焦  
灼以就爛兮媿屈上之不周並登庸於七劑兮  
疲癯庶乎以瘳魚豐肌以見醢兮禽珎羽而遭  
羅咸無辜以取斃兮疚予心良靡他若夫大人  
之抱璞兮弗矯枉以抗時寧行庸以立獨兮其  
智釋而神遺豈懼夫登用以費害兮豫取鑒於

茲龜

謁漂母祠賦

歲中呂之初律兮余背江而指淮揚風帆以北  
邁兮越重湖之激颺睇楚城之嶮嶮兮聊彌棹  
而徘徊慨漂母之不復作兮覩王孫而誰哀於  
是歷彌迤以謁祠兮思獨壹鬱而莫裁棟薨新  
以望飾兮垣道舊而傾頽簷群噪以聚雀兮碣  
厚積而封苔俯芳臯之廣衍兮注長河之邇廻  
漁人紛其釣吾兮行旅鶩以往來當其受辱以  
寄食兮固亦碌碌之庸才何茲母之洞鑒兮識  
智傑於塵埃豈一飯之嚙報兮寔乃周急之素  
懷苟謂千金為母榮兮曾曷足以知此哉

吊韓信城賦

野蕭森以寥閏兮雲翳夕而橫天飈感烈以滅  
靄兮蓬科轉而翩翮覽漕渠之蜿蜒兮空陞州  
而延歧惋長淮之東注兮歷故城之礧礧勢既  
斷以復屬兮隍壑莽沒而迷漫烏為下食以攫  
雉兔兮鴻鵠驚風而上于怒鬱邑以顧懷兮息  
予駕乎城之陽昔嬴氏之失御兮黔首四海其  
徬徨想勝廣以一呼兮壯夫子之鷹揚迺誦

以感暴兮享茅土於故鄉  
懷功成以志得兮又何為  
陳兵以巡行

聽松賦

惟其籟之所生兮于颺柯之蕩激體貞勁而養素兮韻斯應而清逸鼓霄漢而噴薄兮協宮羽之鬱律既累發而轉會兮亦五降而始息於是幽人貞士卧雲枕石洗巢父之耳暖宣尼之膳悠哉遐哉永年無斁

辭

迎陽

李集卷五

十一

臺高兮九重旌揭兮齋宮駢蚪兮駕龍迎陽兮郊東袂服兮佩璐蘭燎兮桂糝誠弗揜兮豫通靈格思兮杼予愁苦睇扶桑兮延歧吹參差兮巫舞景將升兮熹微忽廣溢兮寥廓啓幽昏兮八表來總總兮有脚聲聞關兮相求芳菲非兮沃若菑孽屏兮祥徵百工慶兮晉樂

望景山

景山春兮整雲流樹叢生兮桂巖幽芝為房兮鸞為儔若有人兮遙相求御颺輪兮駕兩蚪愛而不見兮蹇誰留未成言兮我心憂籍琪草兮

潔蘭羞君來歸兮暮安遊山巖巖兮雲悠悠

雲谷

層空兮萬里雲冥冥兮四起紛霏霏兮乘風忽靡靡兮渡水以六龍兮御極澤九垓兮為雨羗獨胡為乎谷中俾下民兮而來蘇聖女

悲日夕

浦儻徊兮一水墜佳人兮千里來不至兮去安之獨延歧兮疇侶理蘭權兮乘流將採芳兮枉渚風蕭蕭兮增波又冥冥兮吹雨悵佳期兮天涯日云夕兮興悲

暮來歸

莊翁

李集卷五

十四

天都蔚兮葱籠森複嶂兮峙穹窿霞為城兮闕靈異源蛇蜒兮溪流通境三州兮帶千里宅群仙兮開鬼工王芝兮紛錯琪樹兮丰茸絕陁兮萬仞鳥飛不到兮援度何從若有人兮居其中躡絕景兮追長風忽橫昵兮八極跡九州兮焉窮暮來歸兮觀復靈偃蹇兮芳桂之叢媿文鵠兮棲息挾二雛兮雍容玉髓兮飽食出無極兮入無終

武當山迎送神辭三首

理蘭榜兮溯江漢  
陟靈嶽兮顙飛觀  
金闕兮霞帷  
風泠泠兮薄之撞鐘  
兮伐鼓  
芝芬兮煙吐  
羞不來兮殛魔  
何所雲  
總總兮日欲暮  
心蹇產兮獨愁苦  
右迎神

紫光兮燭空  
帝忽降兮峯之中  
龍駕兮星旗  
撫長劍兮以蛇龜  
既容與兮周章  
復窈窕兮相羊  
念佳期兮別促  
愁愴兮傍徨  
右降神

聖靈脩兮龍從雲  
翼翼兮攢峯  
挾玄冥兮走巽二  
條而去兮天中  
閭闔兮九重  
遼遼兮憺憺  
心有愛兮言莫通  
願寒衣兮無所愴  
延睇兮誰

與右送神

小孤山迎神曲

列綺席兮湛清醑  
顙靈妃兮擊鼗鼓  
陟高丘兮眺極浦  
天一雲兮雪紛舞  
濤洶兮江中萬櫓  
集兮巫語通  
順流下兮夜迴  
風神之來兮  
忠我有終

嗟旅窮

嘉靖戊子泝溪子游闕輔  
值歲凶憫天道之肆  
青哀我行之多艱  
乃託聲楚人作嗟旅窮  
君行邁兮何之路阻  
修兮嶮巖風潦慄兮切骨

又雨纏兮霏霏  
截清渭以徑渡  
睇原隰之逶迤  
僕告憊兮頓息  
馬思秣兮頻嘶  
向居人兮索食  
室久空兮絕炊  
肉父兮魚子  
米玉兮薪芝  
壯山河之重固  
帶沃野之邦畿  
耕奚穀而弗食  
樹有桑而弗衣  
何天道之亢旱  
致歲功之告虧  
陟絕巘兮求水  
臨深淵兮採薇  
言若合兮跡已違  
然疑作兮將安歸  
無羽翼兮不能飛  
嗟哉旅窮兮我心悲

霞城集卷之一

十六

霞城集卷之二

欵程誥自邑撰

目錄 樂府八十四首

雜曲歌辭

出自薊北門行解

傷歌行解

枯魚過河泣

鳴鴈行

晨風行

遠遊篇

妾薄命

獨不見

春江行二首

俠客篇

少年行

僊人篇三首

霞城集卷二

當壚曲二首

古游俠

長干行三首

映水曲

結客少年場

愛妾換馬

春雨怨

相和歌辭琴瑟調曲

門有車馬客行

東門行

當來口大難

上留田

飲馬長城窟

豔歌行六首 代于氏贈子

野田有黃雀

折楊柳

相和歌辭相和曲

江上曲二首

對酒行

陌上行

嵩里曲

雙鴈篇答方山子

相和歌辭平調曲

銅雀伎

邯鄲才人嫁為厮

養卒婦

相和歌辭清調曲

長安有狹斜

青樓曲五首

相和歌辭楚調曲

班婕妤

霞城集卷二

相和歌辭吟歎曲

楚妃歎

橫吹曲歌辭

長安道二首

紫駟馬

出塞

隴頭水

關山月

鼓吹曲鏡歌

芳樹

若馬黃

清商曲歌辭西曲

莫愁樂二首

江陵樂

共戲樂

烏棲曲二首

襄陽歌三首

清商曲歌辭江南弄

遊女曲二首

橫塘曲

採蓮曲三

採菱歌二首

清商曲歌辭吳聲歌

四時子夜歌四首

琴曲歌辭

思歸引

樂府

雜曲歌辭

出自薊北門行

出薊門轅馬鳴嘶十里一煙墩何時會金微

塵蔽天起羽旆流車馳旁來虜卒舞

飲我城邑掠我貨財驅我男婦北去哭聲慟以

哀將軍結營守都門苦不聞天子聖明徒有黃

金臺解

百萬成羣殘掠所過嗟爾健兒構逆為內禍教

人叛父母不為歸根葉甘作燎原火解

傷歌行

翩翩者鵠振羽河洲百川東鴛魚孤上游解

被甲上馬羽書夜飛國讐未塞何論命微解

秋風蕭瑟鳩化為鵠公格闕死民寔相陵解

抱璞被刑懷珠見疑翁州姥嫁自古有之解

枯魚過河泣

神龍變服觸網且束身就縛困彼漁安能見夢

釋豫且鱖鮪腹目空愁予窟游泓棲怨離居登

君此俎苟不免雲霓延望增煩吁

鳴鴈行

噍噍三旅鴈迺在蘆洲畔渴飲江波流饑啄吳

田粲少小不相離志各緬霄漢一朝羽毛長南

北羣離亂一雛斃江濱二雛飛失伴泰山鐵羽

常獨棲安得啣爾吳雲歸

晨風行

鵠彼晨風向西飛低飛飽食高飛饑胡為懷此

北林棲天寒多風無安枝孤嗥聚羣肆其威晨

風晨風我心悲

遠遊篇

名山歷殆徧逝將遠行游風興駕白鵠左右駘

文蚪排霧凌金城翱翔十二樓丹雘祚閭闔白

榆擁道周僊人導我入上帝錫我留食以赤瓊  
英被之丹霞裘俯觀五神獄何具上一杯

妾薄命

娉婷者為誰託君奉帚綺羅被嬌體令色巧  
言辭婉變媚斯夕中心安得知一朝忽求去背  
面多詆訾君固非蕩子曷釋行路疑蒼蒼陰崖  
栢不瞻太陽輝獨在侍巾櫛君奚怒妾為

獨不見

朔風吹蘭房翠衾空象床篝燈半壁暗簷冰一  
丈長寶家工織錦盧妻怨流黃草頭無垂露作

大集卷之三

五

底見成霜

春江行二首

春江花月夜迢迢迎郎渡頭暗生潮石城女兒  
年十五住近倡家解歌舞  
墟頭新酒柘枝黃郎醉樽前不上床一聲烏啼  
天未曙東風催上巴船去

俠客篇

緒客三輔內往來邯鄲下四座推豪雄千金侈  
裘馬勢使大將軍貨通陽翟賈傾問平樂兒孰  
為守道者

少年行

白馬誰家子紈袴綺繡裳解鞍垂楊下調笑當  
壚倡手提碧玉壺索酒臨街嘗自言賣珠兒承  
恩埒諸王殺人鬧市中結客游俠場廷尉不敢  
捕天子借輝光出入掖庭內意氣何揚揚

僊人篇

巖廊坐伊傅煙鸞駕松喬功業雖云著孰與長  
道遙所以去來客冥鴻安能招蟬蛻萬物表健  
翩凌迅飈清都足遊盤賡歌白雲謠俯視簪紱  
榮錙銖何所嘉

大集卷之三

六

維三天子都江南諸山宗逸勢凌天日六六青  
芙蓉側聞軒轅氏于此乘六龍浮丘引鶴馭容  
成接星虹瑤草掇可食令人好顏容伊予託棲  
息曠世希令蹤

春華雖美好豈若歲寒姿嗟爾鴟結革不見秋  
風時至人抱玄牝脫屣世忽遺風輿綺黃鶴日  
嚮頓六螭揮手塵世人去去從此辭豈曰同歸  
盡履運不復疑

當壚曲二首

大婦金鳳梳小婦繡羅襦當壚出素手解絲繫

提壺

一斗索十千相將來數錢與酣何處客醉向阿誰邊

古游俠

相逢新豐道為壽千黃金與酣日夕酒攬轡長河陰雨雪臨關滿風雲按劍深報恩三尺水平生一片心

長干行三首

千艘集江滸一夜春水生相逢問行色若箇向淝城

七

萬里下瞿唐九派連瀟湘作底牽愁緒遙將一水長

中洲採芳杜南岸垂柳春一棹衝煙過嬌歌愁殺人

映水曲

鳥飛入密藻魚躍上高枝分明一鏡裏相見莫相疑

結客少年場

生平負奇氣結客五陵豪百寶為腰玦千金買佩刀突圍登陷陣假節擁旌旄功成拂衣去不

言征戰勞

愛妾換馬

男兒輕意氣所志在功名一朝捐夙愛萬里事橫行雪入單于壘星迴驃騎營安能守閨闈空復婉孌情

春雨怨

兀兀地主床晨興坐忽夕行人萬里心庭草長三尺

相和歌辭瑟調曲

門有車馬客行

門有車馬客意氣有餘閒本是丘園逸云自大都還橫金曳朱紫去家踰十年解鑰入中堂燒燭掩重關志義各相得晤言夜忘眠借問今何適息駕歸舊山含精嚼露草徵歌詠遊僊揮手謝城闕塵霧何拘牽

東門行

東方晨星稀往來紛路岐北邁吳越客南驚幽并兒一身去鄉土萬里各有為我行赴國難逝將靜邊陲徒御已載道兒女啼牽衣惠言多慰諭臨發復遲迴烽煙隔河起羽書且星馳杖劍



出門去紫駟行且嘶男兒重勳名離別安足悲

當來日大難

當來日大難今宵未共何不秉燭對鼓瑟與簧  
簧瑟叶以和共倒花下觴花下觴主賓稱壽樂  
無疆時鷄易鳴旭日耀扶桑出門即胡越欣戚  
異炎涼及時歡賞無相忘

上留田

上留田兄不字弟誰復憐名義至重古共然手  
足一體奚容偏漢謠斗粟詩詠鳩原克諧稱大  
舜管蔡有流言

飲馬長城窟

飲馬長城窟窈窕上窟水涓涓遂起會空此敵爭  
先馳據鞍寶劔動攬轡昔塵飛轉戰黑山下度  
幕解重圍追斬左賢首高懸太白旗朔風吹關  
山雨雪昏晝霏凱歌入漢塞論功當獨微但令  
射鵰騎識我飛將威

豔歌行六管代于氏贈子瞻

阿嬌生來年未多畫舫橫塘浮碧波高髻盤鴉  
裙曳茜與郎此日初相見

海棠含苞春向早十二樓中月長好蘭煤垂粟

堆銀缸收藏待郎拂眉雙

洞房逼歲暄風起寶帳流蘇隔江水蘆花遙送

奏曲新含宮咀羽翻陽春

寶箏柱促調不緩雙垂繡帶同心綰茂陵女兒

如花容齊眉舉案羞梁鴻

歲蕤卅華宵向月流光凝豔相傾結歲芳易歇

悲緒多郎心中移當奈何

鵲絃象管齊心諧教幃紈袖鬱徘徊含嬌聚態

結歡意承恩受憐良不易

野田有黃雀

黃雀何翩翩蓬蒿長周旋樂彼黍稷實群飛集  
于田城中盛豪貴擊鮮待筵筵用博媿質微况  
乃一網千傷生古有誠賈害在披綿

折楊柳

楊柳驛亭邊枝枝拂曙煙絲多春思亂黛重曉  
粧妍去影分鸞鏡離歌促馬鞭攀翻不忍別流  
淚玉盃前

相和歌辭相和曲

江上曲二首

結伴江上去蘭橈各自操生來水邊住誰怕涉

風濤

出浦趨歸潮聞歌心惜羨非是故相遠汀迴自  
不見

對酒行

天地一逆旅四時迭成功誰能久美好混然處  
其中蜚聲藝文苑致身巖桂叢安知軒冕貴所  
惜樽壘空故人有好懷要我青林東賓侶既閒  
暇禮數亦優崇醇醪駱駝陳後簌潔且豐放歌  
自同調劇談暢玄風

陌上行

雙眉闌盡長不是狹斜倡採桑官道上惱亂使  
君腸

蒿里曲

縈縈誰者塚蔓草相縈纏樵牧時自來狐兔左  
右穿嘆息泉下人安知愚與賢及時不為樂奄  
忽過百年泉扉一以閔何時見青天金玉不復  
有妻子長棄拍感彼蟋蟀詠不為後人憐

雙鴈篇答方山子

離離雙旅鴈薄暮東南飛豈謂道里遠况衝風  
雨歸雲汀忽相失鴛浦聊獨依顧影念儔侶中

宵漸月輝

相和歌辭平調曲

銅雀伎

深恩不再至遺令徒爾為如何含悽處復此望  
陵時日夕漳流急秋風艸樹悲餘香長繫臂安  
得襲君衣

邯鄲才人嫁為厮養卒婦

二八矜年少花顏奪春紅廁名妃嬪下寵冠叢  
臺宮君王脫俘虜賤色重賞功誰知厮役者才  
蓄萬夫雄

相和歌辭清調曲

長安有狹斜

君家五陵間往來馳道下相逢但熟視過門不  
下馬

青樓曲五首

梧桐碧月上吹簫洞房中鴛鴦隱繡褥蘭麝揚  
香風

水絃白粲粲疊被錦圍床門多揚州估擅名少  
年場

年少羽林郎聲譽傾都下裊裊黃金鞭嘶過紫

騮馬

大婦捧觴壽小婦揚妙聲黃金是何物能令君

重輕

銀箏鴈柱絃相見復相憐誰教風色起夜上豫

章船

相和歌辭楚調曲

班婕妤

夢斷增成舍愁深長信宮無勞怨團扇漸冷是

秋風

相和歌辭吟嘆曲

楚妃嘆

客有談王省姬事者賦詩悼之

楚郊奪春妍獨秀無眾草婉變翠襦裙相逢恨

不早一朝事君子百年矢借老人疏禍同歸英

雄古難保

橫吹曲歌辭

長安道二首

黃圖三輔地衣馬五陵兒相逢樂遊苑恰是春

風時雕鞍花底駐寶鈇光陸離傾心杯酒後山

嶽一言移

九衢引馳道軒蓋謁雲屯書成白虎觀詔下金

馬門公孫宏相業曼倚崇主恩董生獨不遇懷  
策返丘園

紫騮馬

千金紫騮馬萬里一旋風步出天街上來從大

宛中明堂今受獻大漠佇成功看取騰驤去誰

論冀野空

出塞

應募出居延隆冬駐北邊黃雲深漢塞白雪暗

胡天寶劍星文煥瑀弓月暈圓從來重王事會

是勒燕然

隴頭水

隴頭四面水注坂下崔嵬濺沫飛急雪揚聲轉

驚雷君看分流去愁腸同九迴

關山月

漢月秋頻滿關山愁殺人粧處如懸鏡行邊似

轉輪浮光動紫塞流影漾芳津南飛有烏鵲思

婦正含顰

鼓吹曲鏡歌

芳樹

方樹蔚葳蕤屯雲被中闈丹葩耀翠穎披拂春

風枝常恐屈寒江一朝變華滋念此易萎絕君心安得知

君馬黃

君馬雙耳黃臣馬白鼻騮聯翩躡流景千里揚風沙

清商曲歌辭西曲

莫愁樂二首

石城連百雉宮闕鬱相望作底歌聲好知是莫

愁鄉

儂作十幅帆歡作百尺檣若欲乘風去相隨安

得忘

江陵樂

渚宮花飛晝遲遲雙梁橫釵金鳳垂蹋歌倚聲低翠眉低翠眉人不見銜新泥下雙燕

共戲樂

相將採微芳春花袪豔婦郎列青竹皮妾採黃桑葉

烏棲曲二首

烏韉白哈真州估船頭惜繫前櫓絲紗銀燭護生花歡來今夜宿儂家

北斗杓低拂江水送郎江干風色起煙籠沙月不分明憶儂記取儂啼聲

襄陽歌三首

春風一曲蹋銅蹄寒壓勾欄花發遲儂送儂迎儂不厭郎來郎去定憐誰

幽州豪客紫貂裘大堤女兒豔春眸朱簾自捲半遮面百喚佯羞不下樓

襄陽城邊堤柳秋漢江江水不西流郎歸會有

東風送迴潮只過石城頭

清商曲歌辭江南弄

游女曲二首

年可十四五雲髻未曾盤自持團扇掩不肯受人看

三三五五結伴戲花朝學柳眉眉翠綠莎施

步嬌

橫塘曲

香風簇團綠露下芙蓉渚何處蕩舟人聽歌暮

延佇

採蓮曲三首

盛陽剡溪曲茵茵拂岸香不曾子心苦空復藕

延佇

延佇

絲長

輝輝橫塘浦荷露凝珠圓本來無眼孔着線那得穿

君家鑑湖曲妾住若耶口各自蕩舟來水深難得藕

採菱歌二首

蕪葭浦冷暮蒼蒼鳧鴨汀長月似霜邂逅舟迴忽相遇嬌歌一曲斷君腸

一雙癡小不曾愁同出同歸每自由日暮迴塘風色起大家並着採蓮舟

清商曲歌辭六聲歌

四時子夜歌四首

晴光淑氣傾花容意合歡阻各西東鋼刀斫水不可斷柳線穿針那得透

珍簾紗厨生畫涼紅衣半落蓮有房嫩嫩易汗愁殺我胡爲白紵昔而光

垂蘿團露流月色絡緯啼枝衆芳歇金昌亭下候湖生來不見形去空憶

雪深水泮且區畔誰家鳴鷓鷀日錦障翠衾不迴春博山夜長銷獸炭

琴曲歌辭

思歸引

思歸引思舊山駕螭馭萬里乘風還籍琪草佩芳蘭接辭吟侶承歡顏飛泉灑益翠團谷妻以風三伏寒永日相將樂游盤坐石上行松間招鶴伴綴鸞班人如玉顏渥丹

霞城集卷之三

歙程誥白邑撰

目錄古詩五言八十七首

投贈

贈許氏

贈方氏昆季

贈李于允伯

贈李文觀

宋中贈鮑氏

贈王子容

贈余元復

贈朱氏

贈汪方二生二首

贈徐伯生

言志贈方際明

贈吳思遠二首

霞城集卷三

乙

江上贈侯子舜昭

贈陸方伯

於錢塘贈許氏

四首

雜詩二首贈吳德徵

贈陸生

泊舟白河口贈同

行劉彭二妙

贈李徵君呈祥

贈黃勉之

贈靖陽子

瀘州贈程使君

贈胥宗學

贈楊玉如

酬答

荅社中十五子

荅方際明二首

荅客

訓商汪二文學

亦山子以和陶諸篇垂示和荅一首

荅春谷子

酬空同先生

酬鮑良濟

荅吳國脩見寄

懷思

夏夜懷鄭子思祈

發瀘州是夕宿松旣鎮東浦慕誼愴離

惓然有感於斯游還寄諸君子四首

夜懷鄭古民

泊五港口懷子才

懷思祈子金際明

泊荷葉港懷伯淵

霞城集卷三

二

憶秦中舊游因寄王天寵

蜀中秋懷

夜懷思祈

秋浦歲暮懷允伯

新春涇園病起得

思祈際明書

秋夜懷方為瀾

十子詠

寄遺

早春對酒寄思祈子金際明元復社友

淮上寄朱子价

定川書懷寄飛霞

子

秋浦寄元復思祈二文學

寄題岳東伯隱居

秋夜寄來鳳 夏日山中寄射陂

乘筏之郡城阻雨百花臺下寄詹生

岳陽城下寄峩石山人

宋中寄王鑣 永寧寄瀘陽知己

宿藏珠澤寄子价二晉

聞程來周至東原莊寄此

夜宿城溪口還寄二三知己四晉

湖上寄亦山子燕訊仲嘉

寄注有秋

古詩五言

八蠻城集卷三

投贈

贈許氏子春

美人挾瑤瑟絕絃久不彈道逢歌客竟此一  
日歡葳蕤朝陽鳳今觀鳴岐翰無爲已人唱徒  
使和者千相對忽不樂彌起離恨端山川闊良  
晤古音何由宣勗爾白雪調揚聲清廟篇

贈方氏昆季

大樸非質勝青黃迺木火如何向千載豫章不  
自材國風貴尚聚藝苑紛相猜方子志述作務  
在悉體裁駿骨本汗血歷塊驚駑駘相逢奏壘

篔簹聲徹蒿萊蘭室入自化綺靡徒爲哉

贈李子允伯

秋氣莽森颯宿鴈雲中過候蟲鳴暗壁籬菊粲  
其華撫物惜景邁懷哉當奈何君子崇明德志  
道矢靡他多士播周頌元首賡虞歌努力茂時  
猷徵此皇運嘉

贈李文觀

桐摧竹不實鳳凰安所之麒麟亦郊游無乃見  
者嗤君抱棟梁且亭榭楠枝豈不適世用時  
也無班倕涓涓江漢水朝宗日東馳曠懷古之

人慰汝長渴饑

宋中贈鮑氏敷

與君共鄉里瓜葛世相因半生未識面宛若隔  
胡秦世途自多岐天道豈遠人驅車入中原會  
晤睢水濱同聲喜相應物華及春新別離良亦  
屢燕婉復茲辰唯念當進脩榮名以爲珍幸有  
書萬卷可用慰我神

贈王子容

青陽弘敷化庶類麗以熙邇遐既無間巨細罔  
或遺哲人挺嘉運孜孜恒自持進脩固有階豈

徒攻文辭大羨須梅實孰謂南枝遲所志在致  
澤行行復奚疑

贈余元復

伯鸞貧賃春孺仲老力耕服後未遑息安用獨  
善稱余生志行道施帳靈金陽致君苦不早顯  
親在名揚授徒類王通對策擬董生物色待夢  
彌割烹恥要湯不愠豈獨昔德徵在明良豈曰  
事嘉遜山林長任情觚翰敦宿好廟堂遠不忘  
終當附驥尾萬里隨騰驥

安平贈朱氏

日藩

猗猗谷中蘭拂拂發天香遙遙隨東風飄飄聞  
我堂與子昔未遇知名天一方山川壯脩阻願  
見熱中腸豈徒燕婉情傾心有文章今來操手  
處舟車何傍徨淮吳孰云遠良晤安可常投契  
在皓管別遂無庸傷

贈汪方二生

大道夷且遠行迷戒中止願言更汝駕逍遙蹈  
今是膏車與秣馬萬里自茲始並驅藝文場馳  
驚風雲裏  
有形斯有化沒世須名稱所以古之人自見至

于今功德足樹立微言豈銷沉卓爾向下載先  
予得此心

贈徐伯生

鳳凰翔梧崗旭日炫羽儀顧茲具九苞豈伊見  
者疑聖王世云遠去去將疇依琅玕不結實念  
子其長饑

言志贈方際明

致身逍遙境游情藝文園聆論崇養生著書準

寓言

贈具思遠三首

飛蓬隨飄風浮萍聚流水主人重清讌感歎疇  
能已昔別阻河江十年異悲喜寄書屢弗達延  
望各萬里今逢顧不易歡樂良有以  
歡樂良未央愴懷念離居我今適江漢子當去  
勾吳整帆遲明發行行趁脩塗秋風下木葉洞  
庭天一隅興言念睽隔孰能察區區  
區區孰能察慙如渴與饑丈夫樹鴻業豈日百  
年期離菊紛已華松寒鬱多姿諒懷金石心行  
矣及良時輕裘侈車馬肯效五陵兒

江上贈侯子舜昭



易訓尚素履詩義首好速嗟爾四方人日暮將  
安之豈不以直諒文會良有由山川歷已遠獲  
遇寡所知何意傾蓋頃適然慰予私東嘉富才  
傑之子擘光儀泥蟠亦已久棘棲孰云宜撫運  
亮斯復審時會當隨去去千仞崗攬輝奚復疑

贈陸方伯深三晉

虞庭有儀鳥從來慎咏棲竹實匪不結椅梧有  
高枝顧茲聖王瑞朝陽鳴攸宜媿彼汗瀆流腐  
鼠嘶鸞鳴

承宣來蜀都志恤在元元孰云薇花省特異司

震城集卷三

七

成門時哉復斯及道存俗彌敦藝園有徵士十  
載窺籬藩

振鐸河汾曲天意良在茲士風以丕變爐錘荷  
恩私灼若陽和煦物華粲其姿至今弓劍俗射  
策有光輝

於錢塘贈許氏應元四晉

摘辭貴見志與義在許心所以延陵子見稱至  
于今晉別各有之雲泥異浮沉君膺專城寄予  
歸戀空林悠悠二十載不忘有瑤音今逢接嘉  
晤允矣披幽襟

湖山擅奇勝旂觀樂名都適來朱夏屆奄忽素  
秋徂黃華殿衆芳寒露飄庭隅遊子顧獨返理  
舟逝遵塗持歸喜完璧見投媿明珠非君惠予  
好疇能察區區

君行覲冊闕首途飭比轅朔風吹剡野玄雲蔽  
河原亮懷拯濟心倒懸有元元達人貴行道賤  
十懷立言自見非窮愁侮誚異漆園浮游載籍  
間迥源三千年

公夙抱明德獨行羞雷同衆口空鑠金于焉見  
陶鎔握符擁使節責重墜已隆書香屬後人天

震城集卷三

八

衢待登庸附鳳會庭儀攀龍佇雲從一丘足養  
高周道無終窮

雜詩二晉贈吳德微

少小負奇氣結交當世賢許心在一諾排難談  
笑間七貴慕高誼爲壽恐不先那知魯連子棄  
金若浮煙

伯鸞東出關陟印墜京師噫歌動天聽晦跡窮  
海湄賃舂變名姓齊眉挾其雌所貴不苟得微  
勞非所嗤

贈陸生

李公大篆刻吾宗八分書君看立太學石經其  
緒餘石鼓不復作鐘鼎紛自如汨汨競後塵孰  
謂非其徒矯矯雲間子能事與之俱聖朝勒功  
德東帛待安車

泊舟白河口贈同行劉彭二妙

遡漢二十日曾謂途路久風滿信遲留帆楫或  
先後晨枉唱和篇夕沽村巷酒歡洽既云屢殷  
勤無不有明當各有適愴懷重分手歎曲洲渚  
言泊舟白河口

贈李徵君呈祥

霞坡集卷三

世俗薄草澤李公何考槃淹留小山桂採擷中  
洲蘭無營戶罕出讀書祿弗于爭羨耀軒蓋煌  
煌京洛間埋輪北上書持節東出關路人盡辟  
易誰能舉頭看檻車一朝至危機履其端安知  
樂道者薇蕨日加餐塊然木石居高枕終日安

贈黃子勉之

卜氏抱荆璞舉國無相知平生齊門瑟笑殺吹  
竽兒古音豈絕絃玉人久吾欺吳下遇黃子天  
平歌紫芝天平吳中山名餘響振林木行雲無東馳團  
團出海日照耀扶桑枝由來不羈人異體同襟

期海鰲負地軸雲鵬運天池何時登五嶽成爾  
煙霞姿

贈靖陽子

慕道二十載尋真徧名山攀躋歷崖險幾度凌  
雲關至人不我見悵憶摧心顏今來遇夫子大  
隱在鄆市妙用奪造化谷神久不死世人安得  
窺溟海浩無涘屢欲叩真詮卜鄰豈徒然大還  
如可問拜手懸壺前

瀘州贈鎮雄程使君洸

洸德興廬口人與子同出僕同  
公後嘉靖中改若部為鎮雄洸為知  
府尋少寶亂奪其印後坐繫德瀘州

霞坡集卷三

方鳩別彩鳳東歸歛浦湄遲迴江陽島豈是岐  
山陲九苞耀赤日一鳴世人疑狂風薄暮起忽  
斷梧桐枝本同丹穴族翻飛各人涯時無琅玕  
實何以充朝饑豈與斥鴳輩棲啄在藩籬

贈胥宗學

騶虞不踐草鳳食唯琅玕富貴匪道得未若幾  
與寒胥生迷孔業貧居樂瓢簞工瑟不求齊絕  
絃為誰彈遇我淮陰城羞稱漂母餐身被百結  
衣所志非求安雲雨時未遇蛟龍且泥蟠

贈楊玉如

我本賞春者放遊八極間千金重買笑一諾輕  
丘山秉燭繼白日舉觴對紅顏狂歌二十載綠  
鬢羞成斑今來秦淮上見汝青絲髮姿容既絕  
代琵琶爲我彈上絃金縷衣下絃雙飛鸞曲竟  
三歎息行雲中天還

酬答

荅社中十五子

簪紱性非薄適與丘園宜無聞媿友生高卧慙  
明時曰予秉薄劣勵脩昧前期荏苒藝文場玄  
髮成素絲諸君富年筭各抱貞瑩姿所志在不  
朽立言盛光儀謬枉同聲招風之三歎辭石也  
可爲錯玉兮無瑕疵

荅方際明二首

隋侯夜光珠卞氏連城璞多君弱冠時已抱經  
世畧竭來訪君門九關嚴鑿鑰天衢終騰驥豈  
曰無伯樂  
靈巖開白社諸君盍歸來攜懷千載上容與浮  
丘臺大藥啓九還六符陵秦階風積汝斯厚圖  
南何有哉

荅客

李耳去流沙方朔隱金馬道以神並超形將圓  
自舍伊予懷名山任情在閒野翺翔率律巔偃  
息蒼薈下白雲自怡瑤華若堪把遲迴藝文  
場出入高僧社不識平津閣何謝北山駕

酬尚汪二文學

野夫看雲去一筇暮歸來驚看有轍跡交錯門  
前苔迺云青雲客相將訪蒿萊及門各言返題  
字俱徘徊氣色餘華藻迂踈枉大才流塵暗去  
躅遺恨憐悠哉

亦山子以和陶諸篇見示和荅一首

大樸不雕斲傾耳爲希聲卓哉柴桑翁千年擅  
英名誰令惠州和綺靡非緣情看君繼絕響良  
足慰生平

荅春谷子

久枉碧山招農務苦勸束茲當歲功成新酒亦  
旣熟携壺合長往况復折簡速緘縷倚鄰人棊  
糧戒僮僕與劇轉飛動雲崖落吾目明當躡後  
塵待旦須秉燭

酬空同先生

積陰散原野霽景湛天宇驅車大梁郊快此披

霧觀河流瀉九曲嶽秀亭一柱緬懷義利言類  
風激千古

酬鮑子良濟

與君相逢處宋州沁水涓桃花不肯放尚待春  
風吹積雪明曠野遷鶯上高枝要知漫遊地非  
是少年時

答吳國脩見寄

一水隔歡晤相思輒寄書秋風生枕簟卧病近  
何如我欲携新酒還來就煮魚泥塘湖上墅儻  
許問離居

懷思

夏夜懷思祈

長憶暮春時溪頭與君別海燕不西飛音書成  
阻絕熠燿勿宵流關步及秋極乘興僅來尋何  
待山陰雪

發瀘州東歸是夕宿松旣鎮東浦慕詎

愴離惓然有感於斯游還寄諸君子  
四首

雨聲曉已歇雲氣猶霽鬱忍令遽茲違怛然熱  
五內巍巍五峯高君室死相對征途方邈脩解

維發深慨

踟躕傷願違判袂暮江側道言惋同聲條爾異  
南北白日變雨霾天平為動色望遠津忽迷淚  
下沾我臆

良晤殆天假歲月亦已多豈曰終弗別別去當  
如何燕婉及今茲把袂聊復歌轉盼各悽悵已

隔山與河

雷靄汀暝合江深夜無喧地阻夢攸越契深誼  
終存昨晤惜景邁有酒今盈樽對之不能飲回  
矚雲西奔

夜懷鄭古民

朔氣凝積陰客意晚不適悄悄人跡絕寘寘夜  
向寂龕燈耿微光簷雨響餘滴披卷破孤悶疑  
義誰與析相去咫尺爾思君不可即

泊五港口懷夏子才

且發長淮浦夕次五港涓野色昏渚雷村燈獨  
輝輝吐沙壘涸汐張席揚順颺已協滄洲趣徒  
欽猷啟期農事逮今日懷人念多違何當效沮  
溺耦耕茲水湄

懷思祈子金際明

千里通精誠室邇難面見時月積懷思雲天極  
瞻戀始愁冒炎蒸今歸集霜霰誰令爾負痾宛  
若異鄉縣

泊荷葉港懷伯淵

慘澹江波雲微茫淮浦樹何來片片帆齊挂東  
風去艤舟此時客坐惜汀日暮引領望所思瓜  
洲在何處

憶秦中舊遊因寄王天寵

昔爲三原客曾泛涇渭舟徘徊五陵間幾醉長  
安樓浩歌駭同舍秀句驚時流此地與君別驢

雙我集卷三

五

驢向中州餞我城東原冠蓋如雲浮離筵對急  
雨日夕停征輶今來射陽道悵然悲舊遊因聲  
寄高蹈飛夢終南秋

蜀中秋懷

西風吹錦水木落巴山秋心懸夜月影入平  
羌流孤飛何處鶴清唳寒雲愁細迥初平羊石  
卧金華丘青城特咫尺目斷煙巒稠名山思徧  
歷歸路方悠悠驚波連七澤重湖渺滄洲五峯  
壓彭蠡九江倒天浮夢寐黃山巔手挾雙蒼蚪  
左拍浮丘袂右接容成游尚憐灑瀕堆如馬戒

行舟

夜懷思祈

浮光溢寥廓雪後月色佳迢迢此清夜照我溪  
上齋優游芳樽興繼繼平生懷離居不可並幽  
賞何因偕

秋浦歲暮有懷允伯

大人志行道劣士願無營如何異趣向歡愛傾  
平生離居十四春愁心不可道朔風吹夕波野  
火燒原草一水隔楚澤雙崖鎖瞿塘相思不相  
見延望雲天長前年下荆門獻策向丹闕寄我

雙我集卷三

六

尺素書關山未阻越小弟亦北上相逢問音徽  
春風不得意各望青山歸江南半月雨薊北千  
里雪君行復此時懷役理車轍馳道直於矢馬  
驕行且嘶杏香飄錫宴柳汁染新衣瑟瑟寒江  
水依依遙天樹雲長無鳥飛何地逢君處

新春涇園病起得思祈際明書

巢由老箕穎孺仲逝海濱此心終弗渝何忝七  
尺身我耕射陽田農事已及春油油二百畝想  
見良苗新獨憐天都鶴宛接浮丘鄰玉芝不同  
採麋鹿當復馴八月桂花發天香溢丹闕報道

同來看金陵待秋月

秋夜懷方為瀾

庭風散髮鬢空月涵虛明菊莖法餘露夜色垂  
晶英孤吟倚前楹樽酒時自傾美人杳何許相  
思銀漢橫

十子詠

叙曰窮者士之常君子斯固之矣是十人者  
負振世之才皆非登庸于時僕竊有感焉歲  
月如流存亡殆半懷賢愴別申臆撰文

藍公生民秀懿德寔物則守道秘玄牝摛文出

懷城集卷三

十一

胷臆廬墓屢致祥檄無喜色晚節益固窮衣  
食或不給江陵

方君性不汙監教每至屢遠遊方史遷品泉契

茶羽冥搜義無蘊流寓上寧故文奇行亦獨流

俗固多迂右金華方寔

汪子事高尚雅志在丹壑散金購海方服食燒

竈藥行奇闕時譽文逸邁古作田廬况密邇日

予幸棲託右邑人汪雪林

太初本秦產浪跡吳越間月笛弄湖舫雪簞倚

梅山苦吟晝或卧空談宵不閒茗溪晚卜築擊

學探孔顏右關中孫太白

雙橋固多士鄭子獨傑出馳聲梁宋間雄豪古

無匹弓慚羿徒名劔惜軻無術才高天實忌中

歲遽嬰疾右邑人鄭方

左生英特姿聲譽藹州里鶚薦挺國賓棘棲混

屠市書傲琅琊顏詩逼青蓮李對客時醉歌投

壺不遺矢右謝氏左中川

勉之抱遐介興寄五嶽雲採芳採靈窟風御超

世氛曷云婚嫁畢長往麋鹿羣蹉跎年歲晚據

懷撰英文右吳郡黃五岳

懷城集卷三

十一

伯生幼就學經義講舉子處囊既穎脫乘流亦

坎止屢試不釋褐一醉卧慵起霜蹄晚雖蹶壯

志在千里右常山徐伯

子齊樂山水萬里間暉遙秋發凌嶽嶽雪槎遡

江潮望歸匪游倦寄傲誰憐招仙巖秘九曲夜

弄赤鸞簫右閩中陳武夷

王生本世胄隱居慈我菴樂道貴躬耕明經耻

干祿懸崖既構亭閒雲亦送目時從田父飲或

造禪居宿右三原王渭濱

寄遺

對酒寄元復思祈子金際明四社友  
早春多暇日賞游限西東還持一樽滿追念昨  
朝同林壑變霽景草木吹暄風晤言不能即尺  
素徒相通

淮上寄子价

遙遙涇上墅相望百里餘廣湖捍脩堰日晏安  
可踰浦圻遲南檝儻來射陂書索居念朋好旅  
食慙菑畲飛蝗雨弗斃側目空愁予

定川書懷寄飛霞子

少年事章句廁名儒紳間鑽研向編簡使人摧

八寶城集卷三

十九

心顏江湖乃浪跡探奇訪名山尋真躡崧華衡  
霍捫雲關觀化來峩岷萬里忘嶮巖峯巒歷合  
沓藤蔦窮躋攀巴南有異士妙用與天通借問  
何能爲真訣傳青童大易鼓橐籥周流象昭融  
河車運朱雀金花粲芳叢恍惚關君子望氣西  
來翁白日信可駐死名落羅鄴著書如我授拜  
手藥珠宮

寄題岳東伯陽山隱居

夫子雲卧久高尚無人知春去種湖稻寒來製  
牛衣架上把書帙床頭傾酒卮晴波與虛豁盈

盈照鷗飛島深浸螺碧浦明浮蚌輝有時馮小  
景彩筆醉一揮眼下城市遠天邊風月歸自喜  
無物累執云與時遠羨君得真樂我心不復疑

秋浦寄元復思祈二文學

憶昔論文初過我溪上宅定交至于今相看真  
莫逆一別各天末道言阻斯夕君居白下門我  
在池陽澤秋風桂子香廣寒月色白寄聲北溟  
鯤奮爾圖南翮

秋夜寄來鳳

交游秋浦士夫子動憐才見善如弗及衆人無

八寶城集卷三

二十

此懷如何久離析垂露凝芳亥坐待東月上愁  
心向誰開

夏日山中寄射陂秋卿

獨坐一片石寄情三尺桐悠然向千載時奏南  
薰風灑灑巖泉下泠泠冰壺中進憐小山桂指  
日當來同

乘筏之郡城阻雨百花臺下寄詹生

趣此新水生乘流去不緩市遠倏已踰雲生望  
中蒲何處風雨來吹予寸心斷美人東路深青  
陽未應晚

岳陽城下寄我石山人

念別忽踰歲悲懷值高秋  
清風吹大葉夜下巴陵舟  
夢後眠峨遠仙人隔舟  
直思君見江水萬里挹清流

宋中寄王鍊

淮水別君處涼風九月初  
携琴過梁宋獨馭玄雲車  
夢後望兩服關河重愁予  
偶逢隨陽鴈聊寄千里書

永寧秋夜寄瀘陽一二知己

北斗層城上中宵屬望勞  
君家瀘水曲夢寐越

八雲坡集卷三

江濤覺後關山遠秋風正怒號  
相思明月滿上瀨見征舸

宿藏珠澤寄子价二晉

弱齡志登涉壯即遠行游山川豈徧歷  
書劔多遲留久闊淹海嶠暫逢湘舟實  
心隔歡愛悵望蒼雲流

雲流藹幽晦下覆湖東陂懷新念  
良稼農務今其時每患歎土窄躬耕  
不救饑夷墟樂汝楚卜鄰葵前期

聞程來周至東庄寄此詩

伊予適和濟音筮擬相造青鳥從東來  
得君還山報東原咫尺地可望不可到  
當免龍池泉塢登鶴田稻所幸鳴鑣旋  
明當訊高蹈積雨滿閒堵苔深不須掃

宿城溪口還寄瀘陽故人四首時予有

岷峨之遊

牽役迫歲晚駕言循川途  
祖餞在朋知鳴橈促征夫贈言各有章  
豈管明月珠含悽不能別佇立野踟蹰

踟蹰寒江渚注目行雲馳長風暮不息  
雲返當

八雲坡集卷三

何時去去驚洪濤愴然念多岐舟疾岸已轉  
忽在天一涯

天涯豈云遠咫尺關塞隔粵胡非異  
區德音聞昕夕冥冥孤飛鴻日暮安所適  
眷言惜離群拊膺三太息

太息多殷憂殷憂令人老十年遠行遊  
長生恭仙道誰令歷名山雲卧苦不早  
念汝平生親選期撥繁草

湖上寄汪子靜兼訊其姪仲嘉

溪山一為別經過失比鄰東風吹海樹  
斗柄三



迴春念爾不得見離憂難具陳相思東湖月夜  
夜窺人新我行向吳會挂席阻風瀨塞鴈却南  
飛江豚復東拜神馳雲遙夢越楚天大阮公  
坐竹林仲容相追尋清風灑丘壑想見平生心  
遺落塵世事詠歌風雅音何當見青眼爲撫龍  
唇琴

寄汪有秋

自爲金陵客經春復踰秋一書不曾寄思君日  
悠悠幾看江月滿延望停雲愁八月發石城西  
沂鄱揚旆忽逢江上使云向巖溪遊宛對月齋

晤因聲訊交游

新屯十景爲戴子京賦

屯山旭日

萬國夢已覺桃都既鳴鷄晨光燭東峯赫然上  
朱曦豈不憺分陰勤哉念在茲

隆阜薰風

世德積斯久肇基自忠恭光輝黃金紫至今揚  
其風新居百桑梓迎薰詠而翁

藍田耕雲

擊壤忘帝力滿車期歲功鳴鷄趁晨興飯牛向

宵中樂道志伊尹遺安景龐公

新溪釣月

文漪漾秋籟碧月被芳臯鼻上一絲風悠然見  
爾曹任公獨何事海上引連鰲

朗原牧笛

朗原秋氣蕭橫笛見歸牛一曲梅花落閑山無  
奈愁長風吹落日倚徧水西樓

資嶺樵歌

資嶺層雲外青林倚旋深高風時度曲疑是鳳  
凰音何處尋幽躅千峯滿綠陰

半林春事

沾濡足膏雨大塊迴冲融萬物各懷新蔚然半  
林中将隨二三子高詠舞雲風

前村夜讀

禮詩叨庭訓誨提亦師承兀然前村夜坐對篝  
燈青泥蟠待神變簪組見雲仍

雲蓋鐘韻

蓮宮據雲蓋持鉢見歸僧諸天下鐘鼓層棟麗  
丹青驚破閭浮夢黎明百八聲

硃里灘聲

長灘三百尺涸漲無春冬潛龍吟水底  
地中夢迴高枕處傾耳西來風

霞城集卷三

七

霞城集卷之四

歙程誥自邑撰

目錄 古詩五言六十三首

送別

別宗和二文學

資上別王李二子

昨上別鮑氏

二月八日發永寧

諸友追餞志別四首

鳳山門外別汪生四首庚戌初冬作

贈別鄭子思祈

安平別朱氏四首

送李安甫之京

曉發綿州彭之年

大霞城集卷四

一

王錫夫相送至潯亭贈別

汴上送鮑世重歸歙

贈別吳德徵

髦田舖西送陳達

甫

漣上別汪子翰二

晉

大梁城東別族弟

思濟

送詹縣丞

送黃子遊五嶽五首

送吳二之廣陵

金陵送胡處士儼

歸黃山

淮上送鮑丈若瑚

之汝寧

送白野子入武當

山

謁其師青峰公

山中送方子時湘

遊金陵

送程宗和遊泰山

采中送王韜還金陵

安平驛下送族弟思繹南歸

送王子宣之三茅山

發蜀中東歸黃山乃述南北游歷留別

雲巢王子

尋訪

璋上人見過

穎陽東溪覓許由

大霞城集卷四

二

洗耳處

入鹿門山尋龍公

舊隱

嘉州北山訪飛霞

子

過寧福寺璋公方

丈

元日喜族弟思繹

族孫植過涇上園居

由煙村過溪南行尋愛溪朱隱君西坑

幽居

鄭信之晚過郊居

屬雨留宿

同苟處士過胥子

林居

過紫極宮訪安元

分韻賦詩待雨字

過子石山齋

過李處士逸

於泥塘湖訪時澤

會遇

於紫極宮遇劉安元

百步洪上逢胡郎時芳

江上逢洪二復送之吳

岳州遇杜道士歸衡山

逢洪大遊武當山因訊畢鍊師元春

漢州會黃鐸賦贈 次京口逢李上舍

江上遇尚子

逢華山沈鍊師

大霞城集卷四

五

上

古詩五言

送別

別宗和二文學

雲鵠振其羽千里獨南翔徘徊江陽者念汝雙

頡頏聯翩倏來至游戲水中央水中無萍實何

以充饑腸長風薄暮起去去不得將願懷霄漢

志無爲駕與鴛

資上別王李二子

飄飄木葉下風氣條已涼百川亦復涸賓鴈紛

南翔旅客悵時邁理舟旋舊暵念離不能發佇  
立以傍徨君子宜今德惠言淺瑜觴驪駒一以  
奏良宵猶未火俯視白露泫仰瞻明月光蜀吳  
既云遠惻愴摧中腸嘉晤曷由再解佩雙玉鑑

睢上別鮑氏

別離豈不惡聚會安可常驅車適梁野悵望睢  
水勞子獨留茲土鬢髮日以蒼遊人多故懷歸  
鴈時北翔柔條媚高風朱華耀青陽物色漸向  
深惻愴情內傷後期杳難即舊歡耿不忘晤言  
發深省慰我饑渴腸

大霞城集卷四

四

二月八日發永寧諸友追餞志別四首  
每恨不即歸駕舟沿流東臨津羨征人自春仍  
徂冬昂然不群鶴被羈在樊籠今也空願諸如  
何多憂悵

良晤不易再踟躕暮江濱含悽對樽酒告別在  
茲辰子抱貞逸安于爲倦遊人去去異鄉縣  
然平生親

性拙昧矜諛忤俗非我心諒哉諸君子有錢踰  
湍潯川途且迢迢白日忽已沉勉旃在進脩允

副金玉音

別筵調易促行舫去不緩靄靄層洲氛已隔城  
闌晚回橈遡奔濤歸人顧應返相思浦淑春芳  
華爲君攬

鳳山門外別汪生四首

庚戌初冬作

淒淒風氣厲冉冉駒光馳與子携手處非復青  
春時芳蘭久萎絕黃華已變衰榮悴無定在念  
之予心悲  
心悲曷云已行邁予當歸顧茲湖山勝爲樂君  
奚疑一別二十載鬢髮成素絲明發重回首追  
遊定何時

大霞城集卷四

五

何時邁良晤山川念睽隔况復羽檄飛黃塵慘  
邊色盧溝飲胡馬廟堂無中策還山拾橡栗相  
從汝莫逆

莫逆吾與汝同病復同聲踟躕鳳山渚婉變空  
復情江湖應晚信苑樹懷春榮惠言水爲好良  
足慰平生

贈別鄭子思祈

結交不在衆所貴相知心自從開白社七年至  
于今雲壑賞既協藝文游共林時在溪上過或  
奏丘中琴顧茲多士藪念子愛獨深意氣良已

多聚散無殊襟去秋長洲苑寄我瑤華音宛然  
對面語孰云隔崙嶽復此遠行邁婉孌芳棹陰  
昨會鵲始巢今聆鸞迴吟物候倏已變感歎誰  
能任山川信阻越夢寐當來尋

安平別朱氏四首

山川越遐緬駕言遠從游及秋抵園館徂暑旋  
湖舟浩浩浸流潦悵彼射陽丘歲功命難俟人  
也何豫謀

見招意彌洽惠言誼敦茲拜嘉慙薄劣汗流倏  
交頤夫子足三益夙挺超曠姿搞辭軼前哲策

入霞城集卷四

六

勲乘清時

嘉晤難復屢懷哉愴離居子今適京國予當歸  
敞廬長風下薊門奔雲天一隅道言發深慨疇  
能致區區

此別傷如何綢繆悵中絕德音矢無忘悠悠邁  
時月流景倏駿奔時芳互錯敬精誠亮有通山  
川自胡越

送李安甫之京

聖代網羅密草澤無遺才遂令池中物乘時起  
雲雷龍門行且登熊夢何當來西京畫麟閣東

都起雲臺同心請我別置酒長河隈征車已載  
道去去凌九垓股肱力斯竭元首詠明哉魏爾  
下里士端居守蒿萊

曉發綿州彭之年王錫夫相送至潺亭

贈別

士有高士志未肯受羈縛本家歛浦濱世業事  
耕鑿如何厭凡近且欲遊廣漠西來與君遇論  
心重一諾得覩超曠姿屢出新製作契合老莊  
談情踈帝王畧諸君足與義而我欣有託涪江  
望三峽百川正歸壑將理東榜片帆從天落

入霞城集卷四

七

鳴鑣戒行色相送勸杯酌旭日出高岑丹霞照  
寥廓擘然挹光儀管途慰離索黃石有教言范  
公豈違約終從騎予同採我眉藥

汴上送鮑世重歸歛

塗龜欣曳尾籠鳥思奮飛同爲異鄉客顧乃送  
子歸逶迤大梁嗚亦上流朱暉去住意不釋追  
隨願俱違故山盛雲木高蔭聚荆扉泉石有餘  
樂猿鶴無是非子行事高尚我留親舊稀胡爲  
久稽此化盡縑塵衣

贈別吳德徵

委蛇雙白鷗往來江之涯睽遠忽一見振羽遙  
相隨同棲澤蘭渚或憇江離陂充腸啄萍實並  
翼破漣漪日暮各飛去願言長相思冷波有餘  
樂皓晉以爲期

髦田舖西送陳達甫

朔氣慘初暘遙峯昏積霧逢君又送君情佇亭  
臯樹離樽既易空征騾難久駐長揖向寒山揚  
鞭望西去

連上別汪子翰二首

大梁城東別族弟思齋

君是故鄉親故鄉不相見高秋此傾蓋初識鄰  
南面載書剛一車賦詩凡幾卷行看下吳門一  
水度天塹

前江圩南曲有地數千畝買牛治耕具區畫良  
已久君抱求田心耦耕當共有一別異雲泥寄  
書肯來否

大梁城東別族弟思齋

令弟挈樽酒餞我故城阿城荒氣森颯經行感  
人多况茲別離日秋風汴河波去住各寧忘歲  
月無蹉跎

送詹縣丞手

爾從星源來還向星源去五嶺凌穹窿歸途出  
雲霧冰霜薄歲晏夷門忽相遇塵蔽車易失離  
魂藹原樹

送黃子遊五嶽五首

初平訪名山管策向嵩少蜿蜒遡河洛遠陟三  
花嶠仙人吹鳳笙控鶴待臨眺採蒲發長詿振  
爾希世調

蓮嶽五千仞峯高落鴈巔君行攀鐵鎖獨上問  
青天別我携詩去盤雲訪列仙應逢博石者長  
跪叩真詮

大梁城東別族弟思齋

恒山鎮北極秩禮崇百王根盤礴石遠勢厯燕  
雲長此地炎蒸絕早秋颯飛霜行當謁黑帝飲  
汝沆瀣漿

羅磴五十盤岱宗華雲漢俯聆風雷吼平世列  
宿絜未鳴桃都鷄峰陟臨日觀朝霞饑可餐金  
骨於此換

回車指衡霍知卧石門松丹籙青瓊杖靈光燭  
五峯想見魏夫人四仙此相從玉髓儻分贈雲  
天馳赤龍

送吳二之廣陵

延陵吳季子邂逅即許心山來多意氣不在歲  
月深裝昔客淮南遇我縶江陰天寒白日速朔  
氣何蕭森狂叶常墟倡聽歌解囊金論交杯酒  
間一笑開塵襟此地遽分袂雲天異登臨我行  
向蜀門君卧黃山曲煙霞掩茂姿丘園媚幽獨  
家傳有一經課子夜秉燭而我亦求田射耕臨  
河喚相聞鷄犬聲蒼然接巖煙往來豈不數魂  
夢猶相牽况復遠行邁阻隔山與川去去廣陵  
道重湖浸遙天相思明月夜二十四橋邊

金陵送胡處士儼歸黃山

大霞城集卷四

黃山吾舊隱最勝軒轅峰浮丘鍊藥處龜白餘  
芳蹤時有列仙子手挾蒼龍道遙紫雲崩往  
往樵人逢借問別幾時春風變嚴冬漫遊來白  
下幾聽鷄鳴鐘拓落水雪晚見爾年來容何日  
拂衣歸相將採苓松

淮上送鮑丈若瑚之汝寧

卜玉昔隱石舉世無人知會勞獻明主將謂爾  
爲欺夫子儒門彥遨遊五湖湄且無資身策貽  
笑屠沽兒春風渡淮水過我憶襟期捧觴各獻  
壽却話秦遊時君行向燉煌我歸黃山隱此地

不相值今來接雄辭陳蔡穎川北西望令心悲  
儻經絕糧處爲子吊宣尼

送白野子入武當山

君去尋靈藥名山入武當奇峰七十二羅磴盤  
空蒼子昔陟天柱俯窺襄鄧鄉丹霞啓洞府五  
雲吐光芒恍疑天台上標度赤城梁躬謁上帝  
后五龍授奇方石髓等金液肉芝如股長經行  
儻相值馭鶴當翱翔

送王生昆季入楚謁其師青峰公

大霞城集卷四

青峰鬱巖嶠尊聳如岱宗萬山俯其下秀出凌  
穹窿大人資挺生體道與天通振鐸運元化成  
物開始終二生何感激負笈遙相從心馳九江  
雲影驚雙飛鴻君看歸桃李鑪錘荷春風

山中送方子時湘遊金陵

醞鷄不出甕終身伍蟻蝶豈知九萬里奮異天  
池風方子志無外縱觀八極空場來虛門其語  
帝明光宮廟名冠多士長毋遊王公文采耀春  
華意氣凌秋壑噦噦千仞禽攬輝下倚桐笑殺  
張仲蔚埋沒隨蒿蓬暄風入開歲遇我霞城中  
青袍映芳草邂逅金樽同指點鍾山雲五色天

東東書戒明發卒業趨辟雍去去佳麗都煙  
花暮重重層城擁雙闕萬戶喧歌鐘學擅鄒魯  
有豈曰顏謝宗多君負青笈此日遙相從

送程宗和遊泰山

汝去遊東嶽緣蘿五十盤三更上月觀海色明  
波瀾笑撫秦時松杖倚青琅玕儻得青童秘歸  
來借我看

宋中送王韜還金陵

君辭梁王苑言上黃河舟及此初冬日乘流過  
楚州淮水應未合海樹會先秋後夜月輪滿遙

知到石頭

安平驛下送族弟思繹南歸

君歸新安去予爲射陽農明日春雲外相望隔  
幾重高秋新秫熟釀酒儻來同

送王子宣之三茅山

三月淮南道風花處處香看君飛鳥去幾日到  
華陽稽首三峰下須傳餌木方歸來汜湖上惠  
我莫相忘

發蜀中東歸黃山乃述南北游歷留別

雲巢王子

夙抱山水志八極馳神遊間棲五嶽雲渴飲四  
瀆流歷覽徧遐曠豈云跡九州冲年弄篇翰經  
史事校讐詩禮聞庭訓素業承箕裘下筆驚哲  
匠耻爲祿仕謀清秋抱琴劔首泛錢塘舟溟濛  
衝海氣奔騰駭潮頭蘇臺眺震澤茂苑趨長洲  
闔閭鑄劔所煙樹環荒丘騎驢入建業雙闕紅  
雲浮地壯龍虎勢天高鳩鵲樓簪纓二族盡顏  
謝詩名留迴橈遡歛浦高卧黃山幽躬耕儼鄭  
谷丘壑娛藏脩草木我爲伍著書非窮愁大昧  
海驚樂多爲井蛙羞緬懷漢太史採奇禹穴裏

入霞城集卷四

三

標明赤城霞影弄耶溪水岸拂荷花香湖深櫂  
歌起草青藏書地樵風暮帆駛閩區訪仙山慢  
亭九曲溪悵憶武夷君曾孫曾宴此踰嶺躡羅  
浮丹丘尋葛子竹葉留仙符問空泥色紫山登  
尉佗臺石識五羊址炎嶺騰瘴煙茶氣嘯海市  
度嶺度梅關沿流放舸還灘深章貢水城峙鬱  
孤山帆趁南風便洪都路不艱緬懷赤松子想  
像松門問湖波冒彭蠡廬阜躋孱顏雲開石鏡  
潭蘇積屏風斑書院白鹿古御碑天池劔橋經  
三笑處高風逸難攀及棹向沅湘盧溪越萍鄉



五峰挹嶽秀九井餐靈漿竹痕妃淚紫蘭氣楚  
騷香褚公洗筆水池色猶輝光却載籃輿去秋  
風上都梁金聲擊石磬草衣謁岷王醴筵醉一  
月詞筆叨擅場揚舲過洞庭九月下巴陵范老  
先憂處登樓見儀刑水天遙不辨風度魚龍腥  
軒轅張樂地漁歌中夜聽七澤鴛雲夢遙遙至  
南荆鼓柁霜月白濯纓滄浪清閒尋絳帳臺垆  
草霜自榮遲迴莊鳥吟誰見登樓情花光渚宮  
麗柳色章華輕忽憶中原遊枉道淮南城淹留  
攀桂枝劉安有賢名重湖越甓社射陽趁宵征

大震集卷四

十一

一飯德漂母猶說勝下生觀海陟孔望一槎泛  
澄瀛夜濤翻火光島風振鯨聲圯上懷一編下  
邛屨經行壑窺呂梁險郊歷中都平二陵瞻王  
氣帝業壯生成驅車適徐沛翩然向鄒魯郁郁  
禮樂區光燄燭萬古回首苦碣山浮雲萬煙莽  
三山陟宋嶽廢苑登梁臺授簡憶司馬延召鄒  
與枚唯見金明池禾黍青長垓塵沙日暮起萬  
里長風來時無赴死者誰貴抱關才涉洛度嶠  
南二華倚雲開携詩問青天足底吼風雷泰宮  
接漢時霜色森蒿萊悵望二閣峰終南但崔嵬

攀躋積雨阻歸夢停雲催黃河沿積凌挂席踰  
江淮除夕拜家慶繞膝兒女借把酒賦新詩行  
山辦青鞋在苜蓿時換遠興縈幽懷盛暑遡清  
漢飛霜過郢門楚王宮殿盡霸業餘荒原盤空  
陟人獄峭壁垂鏤拔金闕闕紫城披霞叩天閣  
郊平俯鄧宛城遠見襄樊窟窟食有魚彈缺非  
徒喧喧陽王殿下青陽入三峽花鳥雙崖繁  
攢峰蔽天日絕壁啼猿猿危灘斷石積亘古禹  
功存江流一萬里雨漲桃花渾蜀道豈不險渝  
歌斷入魂五月抵瀘陽僑居北巖麓石磴延松

大震集卷四

十二

門川華照雲木三伏炎蒸清風午枕足行將  
陟大峩踏徧煙樹綠蓮憐佛現光五色墮吾目  
雷洞即須叩鳳歌會當續更有名山與青城與  
瓦屋此時遇夫子契投投幽躡宵吟每見日晝  
飲繼秉燭君抱丘壑姿晶晶荆山玉紙裝或無  
錢瓶儲僅有粟榮辱非所驚毀譽信流俗身  
屋數椽漉酒巾一幅有時得佳句往往似皮陸  
我本不羈人憐君如骨肉鳴橈發汶東征途值  
上冬青天出茵苔岩迤西來峰草堂浣溪曲名  
城接芙蓉去去江水遠飄飄轉飛蓬重來寶山

麓握手桃花紅遽爾一判袂離憂無終窮逝將  
適恒岱大荒驚鴻濛歸來天都下樓城蘭葱籠  
選松構雲巢爲橋駕星虹翩翩引鶴馭來往浮  
丘公舍精鍊金液說世容成宮嚴程下荆鄂趣  
裝僕君同我爲東道主並作採芝翁

尋訪

璋上人見過

分與俗士絕屏居長閉門虛懷向萬卷遣興開  
一樽藉此終日夕詎期過高軒有美禪林秀清  
晨叩中園負暄卷四下道言坐松根形忘物自

契心得妙斯存幽懷庶云協歲晏當來敦

穎陽東溪覓許由洗耳處

希聲不傾耳安用臨流洗所以大隱人飲牛上  
流水源清穎陽溪我來訪遺址居民問不知感  
歎疇能已

入鹿門山尋龐公舊隱

嘗讀耆舊傳久欽鹿門山何知泊雲島今得事  
躋巖龍轉見孤刹竹門清晝關空懷床下拜延  
望塚頭還

嘉州北上訪飛霞子

早聞道玩世茲山陽朱顏老不變眉宇日  
以長九州曾徧歷著書延景光聖主錫雲遊時  
人并路旁紫芝何旖旎白雲日飛揚遂令參玄  
者涉江理舟航

過寧福寺璋公方丈

晴谷變氣候寒沍回春暉浮光溢融東幽馥揚  
舍輝泉新旣傾耳梅暗已蘂衣稍隨樵徑轉却  
望禪林歸杖策信所適入門禮瑤席高僧初出  
定下床自迎客午齋集鳴鐘空梵度飛錫法堂  
憶會至茗甌留日夕安知棲鳥盡明月映東巖

元日喜族弟思繹族孫楨過溼上園居

徹夕寢未安黎明睡正熟何來剝啄聲驚起床  
下僕遙遙見前林晃晃動初旭聯翩忽儀斯云  
是丹丘族

由煙村過溪南行尋愛溪朱隱君西坑  
幽居

宿雨蹊徑歇巖岫開溟濛遠勢出石耳石耳積  
翠搖高空飛霞耀初旭噴瀑垂長虹新流出亂  
石仄徑迷幽叢始疑迴嶂阻稍喜來源通心得  
若有遇賞孤將無同籃輿度谷口壑氣吹寒風

逢樵問居處鷄聲出雲中崇構倚峻峭奇峰蘭  
玲瓏若人抱玄牝明心外無從妙合著景象二  
烝收奇功碧海湛凝神玉髓瑩還童再尋戒迷  
失回望森龍從相逢顧不易從游入無窮

鄭信之晚過郊居屬雨留宿

蒸熱不出戶散髮連昏晨頽然風牖下遠契羲  
皇人藉此郊居僻因之見吾真有客忽相過乃  
是夙心親既已識踈放安能復冠巾茗盃亦屢  
設高論時一新所欣暮雨急為我留嘉賓抗言  
兩忘寐達旦驚比鄰

大霞城集卷甲

六

同苟處士過胥子林居

野性殆天假市居非我心偶遂丘中叟獲於  
外音巢鶴識松茂潛鱗樂淵深誰謂擁飛蓋無  
如此披襟

過紫極宮訪安元分韻賦詩得雨字

遠入南山雲覓汝長嘯侶坐久借龕燈賦聽  
松雨同聲即相應此心非徒與何日叩霞城迭  
為東道主

過子石山齋

丹磴轉攢翠芽齋倚雲偏我來叩扉竹火吹環

厨煙主人北窓下卧遊五嶽巔相看但一笑握  
手長松前

過李處士逸

多君作者流雅志在丘壑幾年事尋幽卜居此  
耕鑿五車久載書二口近添鶴要予過山齋鷄  
黍元有約

於泥塘湖訪時澤

柴門湖水滿終日寡相與三徑秋葦中四鄰抱  
鷓渚地出種蕎麥日晴曬網罟客至命僮僕拏  
舟取魚煮只此足充腹猶言具鷄黍南風胡為

大霞城集卷甲

七

來吹送過江雨

會遇

於紫極宮遇劉安元

玩志在林藪游情聖人篇逍遙百氏間頗有朋  
儔賢尋壑歷窈窕臨流弄滄浚忽逢海上友脩  
文懋崇巔金石振嘉調煙雲爛牙籤騏驎且千  
里駕駘安得前駕言振予策隨君長周旋

百步洪上逢胡郎時芳

與君有夙契青歲游江關故鄉無厚業車馬誰  
能閒一別隔燕宋風塵變容顏相逢問名姓斜

日彭城間

江上逢洪二復送之吳

七年遊楚客此日到龍關借問章臺柳別來誰  
共攀西風吹遠思東落吳門間送君斷洲口歎  
息凋朱顏

岳州遇杜道士歸衡山

禮師授真籙歸自上清山夜遡九江水過予巴  
陵問鶴軒倏已駕袂拍宸風還指點五峯碧靈  
氛闕重圍手批衝星劍環佩聲珊珊遙知舊童  
子預啓彤雲關

木屨集卷四

十一

逢洪大遊武當山因訊畢鍊師元春

送君長洲苑買權向華亭三月閨門柳煙拖兩  
岸青長掛別我去挂帆雲島冥月灘頻喚鶴應  
恨不同聽我行沂江漢君亦浮洞庭七澤渺雲  
夢天風各揚舫秋登大嶽貫手弄孤雲影七十  
二蓮花森然亭玉井恍惚太華峰碧霞洲半嶺  
蘿帷子久旋半履爾初整隆冬下荆門蹇驢出  
襄樊雪戴一笠重風隨雙袂翻尚憐玉虛宮松  
月延開樽想見望僊樓飛霓碧雲端別來秋月  
好幾度倚闌干

漢州會黃鐸賦贈

下馬金鴈橋問酒誰家樓相逢故鄉親百錢解  
杖頭黯黯殘照沒娟娟新月流坐久進杯酌醉  
來擁衾稠沉沉銅壺漏二鼓傳更壽明當先我  
去惆悵東歸舟

次京口逢李上舍

君為貴公子少年負才雄讀書十行下吐氣成  
彩虹屢試不釋褐薄遊來江東衣濕丹陽雨面  
黎滄海風相逢曲阿夕話舊一樽同

江上遇尚子

木屨集卷四

十一

相知天下士羨君挺高姿如何獨不偶守道老  
明時疇昔蜀門外舍悲生別離豈知十年後復  
此吳江湄塵心快一沃蓬蒿隣雙垂落日照深  
巷朔風撼茅茨開帙誦新製宛然見襟期百篇  
足不朽時俗安得知解囊且沽酒稱壽黃金卮  
浮生樂天命衆人自蚩蚩

逢華山沈鍊師漢上

近郭川路繞停舟風及時沽酒向村舍談玄得  
吾師蒼蒼遠山色嘒嘒寒蟬悲掃地黃葉落  
簾林日窺袖中短七管囊裏常無幾言從南

返歸卧蓮峰睡儻登落鴈嶺覓我留題詩青天  
難更問白日繫相思

入霞城集卷四

五

霞城集卷之五

目錄 古詩五言共六十六首

登覽

秋陟靈金之巔由范坑過舍頭至靈陽

懋方氏山館二首

入金華山 杭州遊野鶴仙洞

遊齊山 遊法相洞天二首

登大樓山 泊舟湖上登九老

諸峯不果因詣白鹿洞宿亦同遊李

不霞城集卷五

生二首 自秀山溪入陟嶽

重至齊雲山 觀底柱

途中望衡山 同黃勉之登虎丘

三首 環南游眺

遊華山四十首 七月十八日始入

山遇武夷陳山人汝賢遂與攀陟

過玉泉院徑狹林木低翳逾時達上方

攀第一關至青柯

平 攀錄過百尺撞千

尺撞老君離垢三首

度蒼龍嶺三晉 登西峯二晉

孫真師山房二晉 希夷避詔巖

懋朝元洞 賀師避靜處

全真巖坐園道人 登南峯

宿峯下神祠三晉 水簾洞

過東峯二晉 石室

玉女峯 洗頭盆

贈華鍊師 仙掌

重九雨峰 西峰別孫師

毛女峰 下蒼龍嶺德甚

下山及青柯平 希夷睡洞與陳山

人談武夷之勝 宿玉泉院二晉

出山二晉 舟中望嶽

遊嵩山八晉

古詩五言

登覽

秋陟靈金之巔由范坑過舍頭至靈陽

懋方氏山館二晉

入山恨不深採芳思凌緬戒嚴事初程憑虛散

前峴氣逼日始熾光滿露猶法奔峭既崖陟盤

曲亦確情步迅險易踰懋頻陰難選俯晒巢枝

奇仰吟吹風天想像巖居人于焉傲軒冕翠

若堪把白雲况在眼撫物興猶致觀化理誰遣

試語同懷人竭來此棲衍

既近境漸勝稍深林已翳鷄鳴村知午霜染景

向麗瞻彼達士居巍然白雲際樓臺據層巖窓

戶流積翠峰望倏已踰崖歧若有蓮蘿垂息磴

捫橋越免澗厲進迴慳素心招尋見高誼會符

鷄黍約情投魚水契琪草贈可投卅丘賞斯締

終期列仙山益見高世志

入金華山

探竒入幽邃躋峻凌峭巖羅溢援峭垂松門啓

開敞後群動成百瀑挂几幾夫負綠背嶂轉容

與迴磴上邈矣霞賞與梵然谷音響想見牧羊

兒雲石春應長洞文若堪前鶴馭徒此仰請從

藏脩人於茲謝塵鞅

杭州遊野鶴仙洞

結髮志登涉覽圖輒徵名云探野鶴勝果協嘉

遐情喬柯擁攢石迴磴延脩楹橋橫控幽邃河

敞涵虛明仙院歲月古塞帷儼如生顧茲神物

護庶類罔敢嬰虛空豈別道妙用固罕并挹此  
若可遺觸端抱徒繁駕言天都隱小楮歸當營

遊齊山

城市意弗適煙霞夙所尚道遙越崇堤徙倚對  
層嶂峽存巨人跡亭紀使君創洞入身暫屈產  
陟首屢仰雲竇疑不開石門屹相向寄隱固我  
慚集仙竟誰當尋覓集仙地尋覓集仙地遺跡歷覽訝  
殊狀來頻心有得典至情益放留連暮未返引  
領月欲上

遊法相洞天二晉

蕭徒探幽異杖策凌翠律往昏岫雷深谷滑磴  
泉溢洞轉書忽曠始來少難疾前即詎可捫後  
却如有桎怪石攬崖懸形似訝匪一潤重炬弗  
熾洞隘而暗遊者辨之疇能悉行進獨成迷距  
遠兩疑失旣賞既無並呼竟孰追伏駕言循迴  
蹊興寄誰云畢

更延道知際極合用以坎習便虛明入石室一  
罅窺雲天昔聞井觀謫今叩穴處詮墊痕感龍  
之奕勢徵棋連門裏諒有得撫志竟誰宜好遊

方靈運真棲異焦先徒歛靜者意猶媿垂堂言

登大樓山

晨起浩興發履幽凌翠微岡巒互迴複竹木森  
成園獲吟空巖靜雉起衝人飛漸與繁劇遠豈  
茲奇勝遣攢簇九萃高羅列衆山早遠近碧一  
色依微接煙霏安知秋露白濕我松蘿衣

泊湖上登五老諸峯不果因詣白鹿

洞宿示同遊李生二晉

族宿多滯滯川途信遐緬推篷落星灣快觀匡  
廬峴浮光沉澄鮮積翠森婉變飛虹瀑懸壘

不靈峯

五

疊錦屏展松苓若堪撥苔石印可踐想見白衣  
人長往興非淺

蘿祗早已拔裝糧暮發峰往阻崖歌磴迴戒  
冰積幽事悵成違後期念徒結安知會心處復  
有携手客浩歌入洞天周覽拾海月蚤緣遂至  
曙茲遊庶云適

自秀山深入陟巘

自我客秋浦秀山亦屢入顧茲奇勝多悵未徧  
探歷今晨興忽動捫葛復危岌石拂旣久坐崖  
倚亦暫立香氣暗忽度碧光深可挹行迷儔侶

遙喜溢僕御及飄飄驚風來陣陣吹雨急瓊履  
早已着蘿衣不妨濕

重至齊雲山

茲山跡若遺夢寐時領畧勝多靈奇尊崇並  
名嶽壁峻俯奔峭徑仄入迴視瑤館忽已臨丹  
丘宛如昨道者侍我游可喜亦可愕千龕指崖  
碧赤日耀丹矚如何離斷時周知虧大樸去去  
勿重陳式瞻非所欲

觀底柱

撥石峙嶂踣怒濤爭噴薄混混控源長沸騰猶  
雷無時作陽侯收自遠海若見亦勝行舟絕利  
涉浮槎戒漂泊安宜滑與視眩暈過鵝慈山  
著奇蹟式瞻壯禹鑿三門啓空洞千仞立峻削  
想當運斧時百役安所託滔天疏渭澤遵道引  
沁洛湍息謝巢居地平乃城郭永頓向萬世民  
生自宏博

途中望衡山

銜駕望衡霍最高祝融峰青插百里日霞散五  
芙蓉胸煥燭九井巍嶠聳萬重我欲於此地卧

雲息塵蹤靈藥拾壑草龜苓斷崖松妙契天通  
秘行空騎赤龍寄書魏夫人歲晏當相從

同黃勉之登虎丘三首

山遊預期日異道泛舟往越市循峻岫乃抵青  
霞嶂松麓沿濃蔭雲巘攬異狀已驚地脉斷益  
見海湧壯拔磴未及陟逢樵問所向知爾明水  
子先我絕嶺上虎丘一名  
聯袂下崇峻登舟舉吾樽榜人解予意解維繫  
柳根清風四座發炎日失午曠酒飲無巡次浦  
空絕擾喧此意向誰道可與達者論

城南游眺

穿雲復登陟緣磴轉深僻蓮宇駭遊觀事已既  
往蹟巍巍大吳軒百里見咫尺城村莽森錯欲  
辨不可悉劔池夜光滅講臺春草碧尹子讀書  
處載瞻忘日夕

遊華山四十首

草綠長千里水深桃葉渡如聆跕歌聲緩步城  
南路莎徑引暄風花林汎香霧聞登說法臺想  
見天花雨何物掉頭人折蘆渡江去

夫遊情貴適乎興發興必藉于言宣言在止

夫遊情貴適乎興發興必藉于言宣言在止



乎義三者具張萬象森著予登太極之峰賦  
詩而哦評者謂其詞羅選曠神境融會可為  
茲山公察同存永久因而錄之以藏于家

七月十八日始入山遇武夷陳山人汝  
賢遂與攀陟

嘗觀西嶽圖夢寐蓮花峯今來履茲麓踴躍孤  
雲蹤獨往予信勇豈期君與逢願言凌絕嶺容

與金帝宮

過玉泉院徑狹林木低翳逾時達上方  
峯

不

運行愜視聽越險前屢却茲地人罕過仙蹟迺  
棲託洞秘悵陳蛻石鏤駭唐鑿冷冷風泉聲噴  
壁下幽壑由希夷而至玄門帶金仙宮也

踰第一關至青柯亭

百折盤樹杪石豁開重關坦然層峰上快此杖  
屨閒暫憩若有得即物多奇觀注意落鴈頂鐵  
鏢未即攀

攀鑲道百尺撞千尺撞老君離垢三晉

峯巒綠被峻拔巖屐仰視坎鑲翠甃間坎鑲  
鑲者鑲鑲索也 連雲互相似緬想作者心何

階此經始遂令探奇人恃之試微趾

葱芊松翠積蕩鬱屏映青風迴壑滄溟徑散步  
鈴竚恍疑及前侶猶隔烟霧冥仰瞻日月崖赤  
白駭宵形

崖磴忽中斷橫木當其間顧茲泉脉通日厚蒼  
鮮玩握鏢以寸進股慄松濤端踰時抵山祠始  
得開心頻

度蒼龍嶺三晉

五磴跨嶺春中突旁且垂雖多坎鏢設中心愁  
攀躋目送上下折嶺九兩折至按僕捷成先馳安

不

得吾未能匍匐斯乃宜

履危心怵然敬事敢求速尺寸崎嶇間踵者無  
相促既習氣稍蘇如火身輒伏惡風胡為來未  
始有傍矚指設度嶺傍視

仰瞻西風頂俯視青柯平崇卑既異勢繞勞豈  
同情坐久崖石側形神灑然清因知會心處初  
不在有名

登西峯三晉

芙蓉峰高處芙蓉西峯也古有嶽帝宮卅青巖亦  
日堯棟壓峯巒傳聞軒轅氏封禪昭厥工唐皇

殊繼美杜賦徒能工杜少陵有詩

地險森高松境靈易風雨信茲金氣歸頻遺失

煩暑僕夫請衣袂循廊廡宜女叩帝白雲深塞

帷散鼯鼠

孫真師山房二晉

真師越中士何年住茲山構室萬松裏棲身倚

雲間顧予亦南客乃啓柴荆關因之叩所養高

蹈不可攀

陳子出肴酒師但供茗甌氣酣發清嘯奔雲亦

停留眷言南峰晚悵然動離憂心期畢婚嫁相

從此葺脩

希夷遊詔巖

養高在右道馳譽豈其心當特對宋帝出虛言

已深拂衣竟歸來熟睡西峯陰至今避詔處過

客能賞音

懋朝元洞

曲磴轉絕谷崖削俯欹仄危哉此石闢惕然動

我色入洞日猶眩倚石聊假息僕夫不鮮事頻

語奉日晏

贊師避靜處

關處驅不入靜處避迺得塵市居大隱其跡亦  
不或何能峻崖上架版安鑠杙我來越深險想  
見師癖極

全真巖坐園道人

道人絕粒久寒暑亦不侵自無衣食累寧復城

市心拜手問真訣遲迴煙雲深兀然無一語歎

息誰知音

登南峯

大華五千仞最高云此峯倚風輒八極吐氣超

鴻濛闔闔去應近雲車會相逢因懷列仙子何

處乘茅龍

韓衆衛叔卿乘白虎駕雲車往來嵩  
華二山間呼子先者將仙去命酒家  
姻急裝有仙人持一茅狗來各乘其一迤  
龍也上華嶽嘗大呼曰子先酒母在此

宿峯下神祠三晉

雲翁峯日暝投宿峯下祠道士笑相語攀躋客

非時夏秋草木長崖磴迷險夷當春始闢遊

者盛於斯

汲水黑龍潭掃葉蒼松根聊就燒藥爐炊黍充

夕殮夜久萬籟息眷然倚雲門前峯露氣白月

蕩洗頭盆

祠前下女峯  
故云前峯  
睡覺松日赤起視露未晞心馳東峰雲豈惜沾

爰衣辭師叩執窟窟黃香夢適遊仙歸因知  
羽靜者不畜司焚鷄

水簾洞

徑平草木深幽碧日以積遂使水簾勝咫尺千  
里隔真源不可問惆悵爭色白窟石冷秋根何  
由漱雲液

過東峰二首

吾聞東峰頂四更見日出自耽雲房睡致此偉  
觀失黃緣貞白側東峰在東步驟松林落迤東  
望中條異狀攬莫悉中條山名也

大東峰

志

秋氣湛天宇目極動千里奔衝見黃河肘運以  
東指想像底柱屹中立中流裏行雷駕浮槎回  
沿集津水底柱在河東

石室

石室殆天成疑亦藉人力澹然空洞中乃見有  
容德孰者五六輩聞此久棲息採藥向何峰跡  
之不可得

玉女峰

盤嶺四峰徧幽事良已多仙人韓衛流側聞此  
過鹿不可見奇鷲亦蹉跎徘徊蒼莽裏延

望當如何

洗頭盆

峰頭一石窟傳是洗頭盆恰對玉女殿湛然終  
古存淺水旱不涸未信來無源喬柯覆其上接  
飲時有猿

贈葉鍊師

鍊師住石室十年不下山弟子二三人饑即松  
栢餐知得枕中訣丹砂今幾還何時可服食高  
舉辭人間

仙掌

大東峰

志

巨靈啓地脉掌拓此高懸歷茲幾千劫厥蹟乃  
獨全竊意大塊間形似多偶然嗟爾獨孤銘獨  
及有仙斯事遂謬傳

重上南峰

未盡望遠興更陟落鴈峰天橫浮雲去影落龍  
門松蘿翳秋曠氣易爽山深翠多重何當結茅  
屋於此寄微躬

西峰別孫師

盤雲遠詣別叩此松關遠剝啄師不聞斯足驗  
所事起我遺世情敢問第一義重來許結隣羅

衣豫當製

毛女峰

窮躋兪毛女雲樹迷旋所憶當入山時唯知有  
漢楚欲問阿房灰歎息誰共語不及樵獵人往  
來能見汝毛女秦宮人也秦亡入華山食松  
相遂不復歸體生毛行步如飛

下蒼龍嶺憶甚

假息松石上夢逢二老人授我一丸藥色奪珊  
瑚新嚙之瀑布水可以延千春載拜承惠言斜  
日一欠伸

下山及青柯平

大隱集卷五

南

暮及青柯平峰日漸向微雖喜即夷坦每復奇  
勝遠亟行多熱渴藤蘿復牽衣聞泉不得獨羽  
翮聊一揮

希夷睡洞與陳山人談武夷之勝

我昔躋武夷未遡九曲水怡值夕洞時舟擦竟  
中止空傳說骨巖武夷有仙繩絕可至此他日  
賦詩更闕遊從君浦雲溪

宿玉泉院二首

幽閨玉泉院峰暝日沒初道士延遠客設榻巢  
雲居炎茗石泉列燃燈松牖虛復此一樓宿山

靈重留予

夙聞總仙勝道書以太華為總仙洞天想像亦既久巖洞歷  
殆備茲遊固不苟神奇與怪妄類推理或有安  
得致知者一一相與剖

出山二首

名嶽豈常到半生始尋遊今當遽離別臨岐悵  
悠悠回望紛霧靄立馬重夷猶會須高風發盡  
放峰翠浮

客行何遲遲三步一回首茲山名勝多履歷曾  
未有已恨畏糧少不得復留久重來能豫謀未

大隱集卷五

車

厭勞脚手

舟中望嶽

浮舟清渭上風渚屢迴繞仰瞻三峰高益見衆  
山小宮祠擁攢翠巖洞隱深杳憶當倚絕頂迥  
出雲霧表

遊高山八首

予懷尚少舊矣積有登眺之志戊子季秋返  
自秦隴道出山下屬霖雨弗克徧探名勝而  
遐矚默契綴詩八首山靈何資予哉

急雨中道作遊人停征輒溪橋斷新張坐對蒼

雲深月夕... 峭然... 固有待洗

耳將何尤... 材... 雙... 是折蓋人

三花近少室... 峻嶒雲巘... 憶峰雲興

松雨響不歇... 雲賒夢覺... 色搖飛霞

新月忽揚輝... 復雨從違... 笑忘吾汝

恍瞻峰日明... 可踐納履... 緬跡莫展

太室號中嶽... 雲中間有石... 聯當何從

雲中聞有石... 聯當何從

聯當何從

聯當何從

吾聞飲牛者... 斯人遁耕... 夢臨河濱

大... 七

歙程詰自邑撰

目錄古詩五言六十六首

登覽

登鷄足山

登大慈寺閣

登鼓角樓覽吳都

重遊薦福寺

遊焦山

經七里瀨遂登釣

臺望謝臯羽許劒處

還企山中同湛塘王子用太白韻六首

登釣魚臺

遊九華山五十四

本集卷六

晉

將陟九華之巔

程來鳳二首

秋浦逢金上人却

送還山二首

九月十六日金上

人走价見招二首

發秋浦越石山道中

至老田贈同遊三子

周子仲文查生  
子德宗人來鳳

十月二十日始入山經翠松亭觀九華

廟遂至伏龍橋三首

定心石

會仙峰下逢蜀僧

越半霄亭臨天仙橋遲仲文

金光洞師地戲會  
居此洞

慰望江亭

至迎仙橋贈三子

謁李太白贊堂三

首

宿怡公方丈三首

化城寺四首

地藏塔二首

五釵松

相傳師自  
新羅移來

與諸君子坐天香

嶺談太華之游因懷武夷山人

端上人房

寺夜二首

集祖師巖呈怡公

登中峰二首

登寺樓示金上人

對酒贈金上人

別怡公二首

下山及懷賢亭二

本集卷六

晉

飲金沙泉

出山別金上人兼送仲文子德

玩華亭下別來鳳三首

程若虛擬同登山以病未至因寄此詩

與諸遊侶別後獨宿村夜作

古詩五言

登覽

登鷄丸山

遠尋問道處晚上鷄足山葱芊無積翠石斷路

孱顏仙風遂不競古蹟迷躋攀李洞蒼榛塞漢

登嶺巔峴緬懷河上公高舉振雲翰嗟爾名利人瑣瑣長途間

登大慈寺閣

我登大慈閣觀化諸天開開雲霧白揮袂隨風來側身霄漢上極目廣野垓石鏡耀曉月玉壘明冰厓江流抱郭合激湍吼奔雷王霸有異圖春風但蒿萊逝將拂衣去採藥峨眉隈行隨馭象子逸駕超塵埃

登鼓角樓覽吳郡

我登鼓角樓覽古吳王宮草青蘇臺雨濤白胥

江風側聞越山子憶眉於此中只今綺羅色唯

對春花叢

重遊薦福寺

蹇拙昧嘉遯旅途殊少歡薄言探往蹟而得重遊盤定入僧已寂文闕碑久殘求願歸淨域庶辭塵務干

遊焦山

徑深擁繁露蘿垂光巖巖亭臺木末上巖峒水聲裏客艇此初來僧齋共隨喜竹外煮茶鑪燒藤白煙起

經七里瀨遂登釣臺望謝臯羽許劭處

行投重覽古一繫灘頭舟山色深紫翠煙波正悠悠謁祠景高尚卷臺挹清流遠人乘貞固心與造物遊加足猶平生任性在無求復有憤世士擊竹歌未已黯黯燕雲愁哀聲一萬里謝臯謝臯名翺閩粵人也嘗參文丞相軍事丞相死翺結社登嚴陵西臺哭之有西臺勸哭記云云翺為許貴晚信翺與方畧等結為許劭有遺址翺停于此蓋痛季札死後世無許劭之公臨風懷二公獨立青龍從節義見先後衣冠存始終遲迴不能去漁火明江楓

靈金山中同湛塘玉子用太白韻六首

靈金何崔嵬蓮宮倚天開飛泉瀉百丈海濱盤千迴石刻半漫滅年深委蒼苔山秋木葉落月夕猿聲哀中有藏脩士離君冷心摧龍岡待雲雨何時起春雷而我凌險絕仰瞻比丘臺天空一鳥度地曠長風來遊侶八九人放歌青雲咳飄飄引素袂激灑接行杯要予止瓊館地主深憐才任情無拘束吐論真奇哉側身層霄上舉目小衆山道逢東谷子一笑開朱顏指點大士宮青霞啓重關老鶴引雛舞相

迎出松間童子候遠客掃雲猶未閒終隨學仙  
侶於此鍊大還

盤頓陟蘿磴幽深叩松關追隨鸞鶴羣末願辭  
人間想像滄海上差我三神山飄飄列仙子意

氣何其閒雙成獻桃實金母垂綠髮服食千歲  
藥輕身好容顏緬懷不一見風馭何由攀

道人忘物我菴居唯誦經在山四十年無營似  
遺形我來叩真詮遙指新月生清光益寥廓白

氣浮滄溟麒麟不在岡鳳凰曠世鳴地軸運巨  
鰲海波鍛長鯨終當謝人世去去棲蓬瀛

俯視明月光醉卧松下石頽然苔苔間影倒數  
株碧舉手捫清都白榆何歷歷十二樓五城仙

人杳無跡吐氣超鴻濛帝座通咫尺斗杓轉招  
搖雲門啓斜白八翼何時生引滿漱瓊液

仙人吹玉笛獨倚柴荆關九月梅花落風吹度  
雲間夜靜海氣白天空萬籟歇劇然何處聲龍

吟水中發月蕩露華輝寒光滿翠微仙翁逸興  
發舞破松蘿衣孤鶴天南來還向松門歸狂歌

對樽酒爾我俱忘機坐待金烏翁紅雲天際飛

登釣魚臺在玉鏡潭之南土人云梁  
明太子其鎮荆襄道出秋

浦嘗釣  
魚于此

名蹟動泉脉浦寒積風色輦路失煙莎臺虛倚  
深碧猶有觀瀾人時來坐崖石

遊九華山五十四首

叙曰九華為池之巨鎮舊名九子山唐李白

更定今名予往來江上望之見其峰巒聳拔

秀出雲表屢謀一登而未能也及卧病家居

十有二載每念及之心輒嚮往已酉孟冬始

與宗人來鳳周子尚文查生子德登之凡四

閱日得詩若干首而歸雖所歷不過數峰而

山之大都已歸橫睫之際矣夫望之而不能

即登之而不能徧身從而嫌於中耶山有集

刻具圖無經觀者病焉因錄陟籍馳寄寺僧

藏之山中後之君子遊茲山者或有取于斯

焉

將陟九華之巔簡程來鳳二首

少小志探歷臨年興增劇夙飲九華勝逝將凌

峻極盤磴引迴丹穿雲度深碧駕言協心賞行

矣此莫逆

畏暑此棲寓逢秋得攀躋朗吟紫芝曲飛步青



雲梯境佳宜有待山深自成蹊爾其抽秘思予  
當綴新題

秋浦逢金上人却送還山二首

我思九華遊汝自九華至過訪溪上居問訊山  
中事青鞋早已辦丹崖不妨跛儻許巢雲松一  
枝此棲寄

歸雲一何速名山望非遙朱光流畏日疊出飛  
霞標幽期詎云淺勝事不待招君看涼風起俟  
予迎仙橋

九月十六日金上人走价見招二首

桂苒秋向暮客行尚踟躕高僧念及此馳寄江  
干書峰月既頻滿榻雲久應虛緬懷成  
我今何如

晨興望葱蔚夜夢凌厓屐興飛自不羣神往誰  
能持氣清天宇曠縱觀今其特無今歲芳歇坐  
對玄雲垂

發秋浦遊石山道中

爭上翠伊邇初釋杖成嚴幽綠一徑曲高凌幾  
時交寒長白浩浩松遠青織緘行間看不做苔  
石坐湏淹

至老田贈同游三子周子仲文查生  
德宗人來鳳

名山久見招良友如期至情傾鸞鶴游思結觚  
翰事弋獵百氏苑撥拾九子翠想見桂樹枝琬  
璣此授契

勝遊不易得越秋及今茲蘿衽君即曳雲車我  
當道山晴峯盡出林寒樹初知唯應碧霞賞允  
慰丹丘姿

十月二十日始入山經翠松亭觀九華  
廟遂至伏龍橋三首

遠遠霞標起紅光燭半嶺始訝晨炊遲猶憚風

遡冷漸近翠松亭橫橋通絕境溪流清且深寫  
我盤雲影

赫赫九華廟熒熒燈火繁已有賽社人簫鼓來  
近村喧聲振林谷羅拜神君尊英靈儼如在至  
誠諒斯存

葛引崖湏捫榛披雲已入奇峯九十九幾日可  
徧歷畏糧戒從者事豫乃克立行侶時相喚磴  
轉恍如失

定心石

大人抱寔寂塊然無視聽觸之不可轉所以昭

印證誰令爾磐石立當山遊徑何物命名者定  
石字朱芝山氏所書至此心未定

會仙峯下逢蜀僧

茲山一飛錫更向何山棲飄然無心雲片片下  
峯西乘風萬里去相隨度東溪逢師乞作偈支  
拄一枯藜

越半臂亭臨天仙橋遲仲文

勇往雙履捷不知山路遙盤盤出樹杪迅步凌  
丹青揮手招青童雲中下簫韶獨先義所劣遲  
爾臨仙橋

金光洞師地藏曾

九

披雲覓古洞苔磴轉崖曲何人先我來馳揖一  
痕綠師昔此觀空幾年坐跌足往往人見之金  
光騰丈六

憇望江亭

遲行足心賞一物肯教違奇多倦應接坐久非  
忘歸共指遠天際江流漾晴暉盈盈一水碧隱  
隱孤帆飛

至迎仙橋贈三子

山入最深處詩當偶成時此樂君共有孰謂人

皆知且復照清影臨流倚枯藜仙人湏我輩相  
迎顧在茲

謁李太白書堂三首

夫子不偶世本自天仙才文光一萬丈吐氣何  
雄哉鵬搏擊天池驥奔絕塵埃終慙斥鴳輩翻  
翻在蒿萊

巖穴不終匿薄遊向畿甸醉即酒家眠天子忽  
召見徵歌賜錦袍直上金鑾殿學士如堵墻仄  
目空相羨

一言沮恩倖却放江南歸萬里冥冥影雲孤縱

鴻飛名山標秀句太白既定山名有祠宇有光

十

輝應同羊叔子峴背此瞻依

宿怡公方丈三首

遠投上方宿及此雲房幽興居若無人應門但  
蒼頭案積經數卷龕明燈一筭松深初結暝梧  
盡久知秋

坐榻客欲穩持鉢僧何歸野風翩翩來吹我松  
蘿衣晤言虛堂夕傳飯踈鐘遲卧石籍雲白煮  
茶引泉飛

雲寂鐘梵歇衆僧已向定皎月入靜觀鳴泉傳

遠聽遲遲漏聲疎始始空色淨夜中鶴歸來翻影亂松徑

化城寺四晉

空翠度霏微奄至化城寺世界誦大手法門啓不二行者進茗甌向予道往事師昔度海來乞此袈裟地地祇者新羅國王子也度海來中興晶晶瑤壇靜輝輝卅殿啓隨喜來上方參禪禮大士松古色自蒼雲閒臥不起幽磬時一聲僧房翠微裏

迴杳若環堵碧幽山四圍飛甍出雲構懸影連

文震城集卷六

十一

參差木魚報僧齋列炬正輝輝華鶴何處來接飯時不違

昔登翫翠亭亭在宛對芙蓉面今我來山中好峯不得見碧光隱森錯芳氣逗葱蘢會當倚絕頂一覽八表徧

地藏塔二晉

幾年鑿混沌開山建塔始金光何處來廣照迷方子教尊地藏王名並三大士時有祈靈人志心遠似禮

高僧有道泰少小絕六根往年此觀化一齋度

晨昏焚香行塔底朔望見世尊結趺未寂滅綿綿若長存道泰者有戒行自金陵來居此寺

五叙松

相傳師自新羅移來

塔前五叙松秀出青雲柯風歸勢飛動日弄影婆娑漁陽兩岐麥兩頰九穗禾從來表瑞應安知訛傳訛

武夷山人

與諸君子坐天香嶺談太華之游因懷茲山信靈奇嚮往亦已久相從此游觀天假良不偶敬事預為期爾我俱不後因懷武夷逸奇

文震城集卷六

十一

遇出邂逅戊子秋遇于齊于玉泉之麓遂同擊

想見陳夫子追隨陟嶽時興高憐晉策別久違心期夢寐多迷失山川遠聞之今來翹管望念別一興悲

端上人房

松鳩度幽深偶來此投跡坐忘疎簾捲室虛自生白香清蘭未煙影斜日將夕不信前峰遙禪床久留客

寺夜二晉

鈴風靜宵塔露白盈垂蘿珠輝儼旒綴凝睇巖

之阿羣帝端冕趨詵詵儻來過宛聆空外音仙  
樂流雲和

氣清沁肌骨而我寐不能顧非人間世醉夢多  
骨騰起坐思秉燭未晨安用興旋聞擊杖語知  
有鍊魔僧僧人習定則主者時以戒杖擊其首痛使不寐謂之鍊魔

集祖師巖呈怡公

丹巖啓洞空游侶集五四促席近諸天談空即  
初地泉暗浮遠脉鮮明積幽翠儻因一宿覺頓  
悟三生事

登中峰二首

本霞城集卷末

十一

九十九芙蓉此峰居其中碧光溢四圍靈氣騰  
鬱葱天清無宿霧山寒易來風儻遇列仙子携  
手游無窮  
憑高望諸峰歷歷皆可見豈無濟勝具共踏巖  
嶮徧斜光曳朱暉照耀蒼翠而浮雲半點無爾  
態應不變

登寺樓示金上人

名山日探討已是遠人寰况出鸞鶴上騁望雲  
霞間闌干倚空曠筇鳥寄高閒誰云苦攀陟自  
異抗塵顏

白光浮峰瀑靈氛暮巖宮幽深不可即嶮絕將  
何從日極身若臨心往神已通班班橫馳繫靜  
觀與君同

對酒贈金上人

不齋過一日已是弗思食如何不御酒通宵寐  
未得凄風吹衾寒月色過窻白一壺何處來慰  
我攢眉客

別怡公二首

會心爲佳境得句是勝遊五字足驚人千言輕  
封侯山靈幸我至天冷不可留悔不當盛夏早  
來事宜搜

本霞城集卷末

十四

清興浩方發健步誰云疲玄雲倏已晦朔風故  
吹衣一別暫當去重來共爲期春華儻相待遊  
遊及芳時

下山及懷賢亭二首

久矣懷名山到來凡幾處不見神仙人千峰但  
煙霧未暖一片石空倚幾株樹如何懷賢亭惆  
悵未能去

遊山不能徧愛山不能住嗟爾泝溪子安得有  
所遇千載李供奉歌詩推獨步誰知汝

是驚人句

飲金沙泉

淨土湧金沙靈泉湛寒碧軟之清我心津津漱  
香液却憶登山時渴思不可得梵王有甘露何  
如此一滴

出山別金上人兼送仲文子德

山中幾日住却送清溪歸一片峰頭月通宵照  
掩扉淨生未有定幽事悵多違思君舉亭夕還  
望孤雲飛

玩華亭下別來鳳三晉

與君非異姓系出自跡公族鶴旣疏遠位亦  
西東久矣為路人今也尋遊同去去懋爾德所  
志在亢宗

予望臨河歸君環率水濱相去一舍地晤言時  
無因我社黃山下大雅多芳鄰汝心旣嚮往何  
日當來臻

天都聳萬仞黃山三十六峯天都其一也茲山勢相向適來  
登絕嶺誰遺失引望回首見諸峰森森擬其狀  
與君頓足處高出飛鳥上

程若虛擬同登山以病未至因寄此詩

原缺

霞城集卷之七

目錄 古詩五言其六十九首

歙程詒自邑

游泛

同黃勉之自閭門泛舟荷花蕩

泛萬山潭 泊渚宮宋玉故宅在渚宮

北溪夜泛 沿渭入黃河至陝

州五晉 渡江四晉丁酉秋作

浮江東下至夷陵 江干夜歸

溯呂梁洪 曉發錢塘由半邊

山田野間取道達富陽時江水暴漲

由江家灘泛舟觀玉鏡潭抵金燈洞登

陸覓陳半州故址四晉

安平同射陂朱憲部舫齋吳外史由涇

上園泛舟出東門眺望二晉

嚴州灘行 沂淮二晉正德癸酉夏作

下銅柱灘

感述

有鳥 晨片

凜凜歲云暮

廢城歎

已卯夏旱田稼向稿

感懷八首

冬雨篇

井河行

秋後鬱蒸愈熾時

予卧病三原移居城南禪寺

武崗旅懷二首

橫江行

述懷二首集陶句

宴集

同鄭古民宴三賢祠

三賢者李白杜甫高適也

飲竹林下貽宗人應才

夏宴江樓贈魏氏昆季兼呈尚子

卷七

與安元飲酒村肆中

行旅

湖上待風避暑林數間

夜過渠壩

發瓜洲赴金陵道中

中

宿張家澗

桐廬道中五平仄體

連上遲同旅

樵舍道中

晚過豐縣

夜次荻港

入湖至左蠡憶同旅萬十

湖州道中示安元

自苕溪歸次北關

市店

昌江道中別子謙

漢陽旅次

曉發荆山趨壽州

道中

歸次溪口望黃山

宿村家

古詩五言

游泛

同黃勉之自閩門泛舟荷花蕩

興居苦蒸溽復此繁劇鄺緬懷汎澄碧浮光墮

我前酒殺載僕御文翰招高賢命舟金昌下蕩

漾清泠淵森森鷺鷥無涯深深入芳鮮紅香匝四

座翠蓋張高天朱暉既隱曜清風來灑然賦詠

足摹擬壺觴更留連鄰船載越女玉指調鳴絃

新聲傾我耳來去橫塘邊

泛萬山潭

漢臯宿潦盡潭波池東注山色墮蒼蒼蕩搖幾

株樹槎頭縮項鱸見之安得御蘭楫信泗沿照

影碧深處沉碑想深癖解佩感奇遇

泊渚宮

迢迢青楓塞下有江水碧沙頭五兩輕幾朝候

風色猿叫三更哀蘆花九秋白誰知停舟人同

是悲秋客

北溪夜泛

虛舟受明月短棹揚輕波夜色一樽滿清光四座多雙溪更澄澈萬象自森羅灘激疑飛雪巖響應漁歌金烏莫東翥此樂君云何

沿渭入黃河至陝州五晉

操舟脚浮下山俗循流適陝郊駕言踰關河回矚涇渭交百川入新潦二水俱混肴誰能控上游投以一寸膠

沿渭三百里咄哉無漁人豈云乏魴鯉况復雨

長安集卷二

四一

漲新感彼太公望避地兹水濱鷹揚待秋風歎息為沾巾

急流湧驚瀨輕橈回渦暗言對舟子不知入黃河茲遊興未愜秦途漸無多行行潼津近延

望吾奈何

潼函信天險崗隴重縈紆長河擬絕壁戰守古相頌列騎詎能越當關僅一夫如何四十萬此

地降歌舒

山盤厭踰嶺河涉愁驚滿河山互脩阻客行詎云安日夕望東邑道里浩且漫野鶴乃鷄伍神

龍合泥蟠

渡江四晉打酒

一從內斯道今也二十年西抵岷山浹東至滄海填海山既綿邈歲月亦徂遷驅馳竟何成幽抱誰為宣

運屯信多阻理勝乃見夷滔滔大江流遊子歸何遲迤東望滄海切怛心孔悲持蠶竟莫測乘桴將疇依

少行山水癖中心忘險艱適來踰高河陟嶠驚狂瀾人情多念故喟然歌考槃感彼鷓鴣喻一

長安集卷七

五

枝亦云安

閒登北固山回望淮甯城春鳩方北向立念隨陽征物我靡有異歸途不遠寧慨言詠招隱桂樹徒含榮

浮江東至夷陵

巫山至夷陵峽路一百里日午始見雲蒸飛不起經過多古懷地既貴址險夷豈同勢乎攻有殊枝由暗荆上堂煙消白帶壘夷道且矣困梯歸哀漢燬灘高役使君道遠悲遊噴瀑下撒漩啼猿裏去矣向楚都南

已疎觚翰情漸遠交游士紉佩思寄將中洲採  
蘭芷

江干夜歸

落日漾舟好江風散餘暑主人揖予別沙上獨  
延佇合沓前峰雲依微極浦樹煙遠村已迷江  
昏路疑阻漁市列炬輝歸人待渡語安知新水  
生西山大雷雨

遡呂梁洪

混淆注攢石天地險斯設春沒迷泝沿夜激訝  
嗚咽蟠龍喜蟄藏浮鷗畏牽掣當年尉遲公持

六錢集卷二

斧此鏵截渭汴疏上游淮海尾閘洩遂令千載  
後往來競帆楫

曉發錢塘山半邊山田野間取道達富

陽時江水暴漲

黎明踰江干初陽上返鰲孤枕遡洪濤川路屢  
迴遶徑造未能前迴瞻條已菟重雲吐曾標芳  
樹迷絕嶠城闌沒氣氤人煙混蒼脊海門天共  
遙三山一拳小殘潮下騰湃橫流上浩漭收帆  
轉林隩取道緣樹杪行行費扳捫役役接藤蒿  
鷗輕故自如魚得尾或掉民蘆蕩無幾物情想

驚擾望望富春山近岸青繚繞

由江家難泛舟觀玉鏡潭抵金燈洞登

陸覓陳半州故址四首

李白客秋浦賦詩一何多斯人不遊死浩波向  
煙波解纜倉埠潭回矚龍舒河行行信所適涼  
風灑輕羅

嘗聞玉鏡潭未始覩其狀波氣生白光倒照半  
崖上顯晦不可期世人豈吾誰移文傲陽侯擊  
之出海藏

六錢集卷二

金燈猶故洞勝事傳千年我來採奇蹟蘭楫空  
泗沿高秋浸白水莫覩虛明天陳氏向蕪沒七  
枝何當然

夕陽過新雨斷磴浸流潦伊昔全盛時安知不  
常保禍福互伏倚豪華勿復道夜中氣成虹人  
來發金寶

安平同射陂朱憲部舫齋吳外史由涇

上園泛舟出東門眺望二首

園居契幽寂病臥厭仰偃言追達士游果得素  
抱展操舟泛滌泓貫市越遐緬曉駿天雲馳休  
依城樹轉橋度低若阻郊望浸非淺駕言焉無



涯牛馬疇能辨

霜降水未涸積寒鴈隨陽得噉臨渚曲縱觀倚  
風長天心亮難測歲功安可望廬沒沉其竈城  
摧復于隍百役時未息三農業已荒惕然返吾  
權念茲熱中腸

嚴州灘行

三百六十灘一灘一延佇平生草木儔今復魚  
鰈侶萬壑來清風三伏不知著野花間無名幽  
禽自相語波濤鑿游鱗枝折墮奔鼠人家枕煙  
巒漁舟集沙渚穿雲樵薪翁坐石浣沙女寺遠

入夏集卷七

只聞鐘林疎微見野溪山樂事多吾將事巢許

沂淮二首

凌晨理舟楫逝將沂長淮借問爾何之梁遊嬰  
我懷驚流遵北渚返顧臨南涯城林藹紛錯湍  
瀨奔激飈龜龜向人吼交游愴已乖沈思鬱遠  
別即物寡所借

梁游歷艱險卸泗水天漣千里無乾上百丈何  
山牽黍稷浸流潦郊野無人煙宵征越風往晝  
阻不得前俯窺媿遊魚仰睇慙飛鳶顧影長太  
息捫襟悽自憐

下銅柱灘

上灘撐折篙下灘漂去櫓驚波無時定過客誰  
奈苦灘濕就晨炊日暄何處浦

感述

有鳥

有鳥西南飛萬里一徘徊羽毛麗文采必瑤  
圃芝道里阻且長終歲獨苦饑安能飽腐鼠同  
彼鳶與鷓擇木無椅梧盍返故林棲出入將二  
雛和鳴挾其其雌

晨月

入夏集卷七

晨月流西窗清光一何多中有感秋士含悲正  
商歌歌聲愴以疾隨風振林柯所惜知者寡中  
心良靡他嗷嗷雙黃鸝接翼雲間過引領忽不  
見愁思當如何

凜凜歲云暮

凜凜歲云暮兀然坐幽齋嚴霜被村野百卉紛  
枯荻流漸堅河冰積雪皎絕厓夸者貴苟得致  
身各有階達人洞物鑒於道自不攜陽氣會潛  
復慰我幽曠懷

廢城歎

陳迹漫且滅，路人不知名。愁雲日中起，怪禽等  
閒鳴。芳池久已涸，靈臺變其盈。徒悲昔人有，延  
睇此空城。

己卯夏旱田稼向槁

倦游依畝畝，三稔及今茲。旱魃忽爲虐，歲功乃  
告虧。瓶儲旣已罄，吾願固多違。赫赫聲利區，營  
營厭奔馳。一噎肯廢食，力耕有深期。

感懷八首

續塗烜煩燠，川原黯無光。鷓鴣號深林，聞之我  
心傷。緬然睇霄漢，鵬健凌風翔。豈無九苞禽，何

由鳴朝陽

趨陸無良驥，浮川泛輕舟。道遠竟安適，端居多  
繁憂。登高望中原，慨言念綢繆。天命固有期，人  
生誰豫謀。

美人隔江水，閒居理素琴。上絃彈別鶴，曲奏有  
餘音。鶯瀾無輕楫，騁望翔北岑。翩翩南去鴈，寒  
暑孰違心。

萬木以夏長，靡草乃獨萎。丘原一何懸，悵然我  
心悲。含悲奏瑤瑟，曲竟知者稀。鳳凰不苟食，介

十廿長饑

盈盈南國姝，自小不下堂。工繅復織素，哲哲豔  
容光。黃金飾雲鬢，翠佩鳴琅璫。擇對同德耀，盛  
年處空房。

客乘四牡，駢身被綺繡。裳我冠曳廣，帶纒控百  
寶。粧豈徒服飾，美馳驟。由周行，荷歎德。容盛夜  
遊良，可傷。

秋氣厲以凄，寒蟬鳴嘒嘒。大人樹世業，時哉慎  
所諦。豈無椅梧枝，鳳鳥邈而逝。歸來橫海鯨，無  
爲鑿鑿制。

大人志敦脩，豈必在求爲。窮通信有命，生得疇  
能知。冥初兆，既定聖哲終。不移如何繩，樞子戚  
戚多憂思。

冬雨篇

積陰晦城野，雲遙接煙霏。流潦沒脛深，居人出  
門稀。中宵大雷雨，赫然暹天威。萬物聽出入，魑  
魅安所歸。暄暖如二月，達人炳先幾。吾聞上林  
苑，桃李紛芳菲。松栢且仆死，道路有是非。調燮  
望台岳，時哉願無違。

甘河行

暮行甘河上，延望九嶷山。落日照遠樹，浮雲棲

其間唐陵尚差義唐太宗昭陵年七歲不隨桑海遷重是  
古英主拜手原南阡停驂未忍去墟落深暝煙  
西來一老父牽衣向予言此地多盜賊剽掠乘  
凶年客子無踟躕尚聞夜輒關因憶貞觀末斗  
米三四錢民戶且不閉豈虞道里艱只今聖明  
世爾輩胡騷然長安况密邇守巡多才賢投宿  
至村舍徹夕耿不眠

秋後鬱蒸愈熾時予卧病三原移居城

南禪寺

秋後轉煩促殘暑迴溫風道暍負病久復此蒸

鬱中微軀付庸醫未獲七劑功裝糧束書劍僑

土一

居來梵宮雖云炎毒感未釋憂愁衷黃埃起良  
田饑雀啄斷蓬踈踈走赤日憐用憐村翁早闌  
尚格戰長城復役工况聞轉餉急吏下催租庸  
禾死草向枯鬻馬何匆匆嗟爾三輔民心折此  
歲凶安得深一犁率上物澤通

武崗旅懷二首

少懷丘壑志棲遲以將老操中失允執翻涉萬  
里道扶策陟崇崗徑危一何小荆棘牽我衣欲  
往何由造回矚白雲飛悵然傷懷抱舊業青山

深稅駕苦不早優游朋舊情兼得事幽討  
平租草木稀足跡日交錯豈惟村郭近况復樵  
採數雖沐雨露恩條枚不可作我來值炎燬朱  
暉見凌虐思欲憇清蔭麗然沉痾却北山高且  
深層冰積幽壑

橫江行

江水日東流張帆誰上游紅衣擁高蓋麾旗坐  
船頭四舸忽雲集往來不少休殺人祭厲鬼哨  
衆擊非儔邏舟不敢逼估客見之愁相迫忽相  
及風利不得留寄謝橫江兒天命各有由

述懷二首集陶句

志一

衰榮無定在久游幾所生詩書收宿好遂與塵  
事冥涼風起將夕氣徹天宇明嘯傲東軒下中  
觴縱遙情  
素襟不可易胡事乃躊躇自我抱茲獨誰謂形  
跡拘窮通靡攸慮屢空常安如寄意一言外過  
此奚所須

宴集

同鄭古民宴三賢祠三賢者李白杜甫高適也

與君客梁死幾度登吹臺平蕪渺無際一鴈遙

天來名賢豈淪沒  
嗣宇今崔嵬  
長歌對樽酒  
曲盡令心哀

飲竹林下貽宗人應才

草堂三間後種竹  
四五畝常時勿剪伐  
多年密成藪  
斜日不能窺  
過雨無滲漏  
寒聲起盛夏  
碧光落窻牖  
主人宗同姓  
召飲新熟酒  
移樽坐其下  
於我誼甚厚  
眷此清幽地  
忽已盡數斗  
三徑今始開  
二仲子何有  
既醉當告歸  
明朝許來否  
夏宴江樓贈魏氏昆季兼呈尚子  
早魃久為虐  
出門如探湯  
火雲燭炎海  
燠氣蒸

不復登臺

古

朝陽思接霏雪  
談忽在飛雲  
章掃榻江上閣  
對傾黃金觴  
清風灑天地  
萬象回清涼  
甘雨應時至  
歲計寬饑腸  
魏侯柳廟姿  
馳聲藝文場  
許身等稷契  
作賦踰班揚  
令弟似小陸  
奇跡諸生庠  
所志在霄漢  
奮翼將翔翔  
昔年有尚子  
星聚同斯堂  
巍洋倚蘭操  
重此王者香  
我本棲霞人  
放遊無何鄉  
萍鳥聚茲水  
嘉晤非庸常  
從茲契金石  
皓管無相忘  
尚子名嶠  
潞州高平人

與安元飲酒村肆中

花陰寫酒香  
宛轉青絲鞦  
粲粲青春子  
我我紅

粉粧招要作賦客  
不是當壚倡  
便醉何須勸  
劉郎已斷腸

行旅

湖上待風避暑林藪間

風波遠去程  
兀坐心不懌  
矮篷迫炎曦  
流汗未遑息  
披卷析疑義  
竟日無所得  
解維近長陸  
散策煙景夕  
白衣誰氏吏  
相見若夙識  
雖非故鄉親  
言笑亦莫逆  
買酒村巷中  
拉飲問奚適  
雲飛暮何依  
客行困  
茲役備緣  
遂忘返  
為春林藪  
碎夜過渠壩

不復登臺

古

月黑渠壩堡  
我行舟雪新  
難明石可數  
沙疊波粼粼  
心馳南雲嶠  
貌得紅崖真  
東風來早晚  
香透梅花春  
紅崖山名

發瓜洲赴金陵道中

宿雨曉未霽  
東風天亦慳  
陰雲下覆地  
南岸疑無山  
猶見望江樓  
未轉花源灣  
真州在何處  
舟子不應聞

宿張家湖

江上波濤湧  
行舟莫解維  
東風暮更急  
豈是順流時  
咫尺斷洲口  
悵望令人悲  
三河水雪蒲  
萬

里爾何爲

桐廬道中五平仄體

歸帆揚天風凌晨循江涯遙瞻脩篁深馳神山  
人家林端孤煙生茅厨誰烹茶因悲征途勞翻  
爲浮生嗟

弭棹七里瀨陟磴轉曲塢聚足遇老父少小不  
出戶樹短莫掩肘導氣坐子午見客輒下榻慰  
問水宿苦

連上灘同旅

解鞍村日午隔浦望來舟黃荻伊盧渚湖波溢

不流歸雲沒遠樹過鴈橫高秋蒼蒼煙景暮日

斷令人愁

樵舍道中

行舟競曉發中道風色及湖近水不流櫂亦費  
推挽曲岸隱重洲吳城尚云遠崖巒紛浦煙白  
浪雪袞袞篙師豈不勞日暮未餐飯

晚過豐縣

挂席中夜發白氣迷浦洲舟子識所向取道城  
北阪穿樹轉幽隕避淺澗急流豈不憚艱險先  
後多行舟

夜次菰巷

際曉發清溪薄暮驚江鳥風色漸向微帆腹安  
得飽市樓上山月野燒延岸草如何目所及菰  
港到不單

入湖至左蠡憶同旅萬十

貴速信舟子中夜挂海月夢中青雀帆千里坐  
超越回脊石頭城君來幾時發

湖州道中示安元

伏枕每思動久矣不可得渴來此何時與君共  
爲客湖水霜後清蘆花月中白一壺安得來沉

酣詠終夕

自茗溪歸次北關市店

北關湖州市遙望深煙霏樹頭初暘影倒映寒  
塘輝鳴枕迓前侶抵岸忽如歸稚子識舊客掛  
子牽裳衣

昌江道中別子謙

帆檝趁利涉行行驚湖波長途自不息此生能  
幾何停舟暮不發念子意氣多歸當重携手林  
館相經過

漢陽旅次

斜光照墟落霜空城樹色江漢逝如斯帆檣暮  
不息遙遙浮三相森綠浸七澤何限往來人孰  
是知津客

曉發荆山趨壽州道中

挂席候曉發解維辭荆島遙村漸起煙近岸初  
辨草霞高標已建雲淨跡如掃丘阜鬱盤盤濤  
波漫浩浩期念梅標及心傾桃夭好凝睇黃茅  
崗長風苦不早

歸次溪口望黃山

灘行下溪口兩岸嘉木色戲鯉似江春哀猿疑  
不歸

峽夕浦深度莽蒼石轉出欹仄遙見錦霞居歸  
遲白柱客

宿村家

村舍投宿早豈為徒御疲墟頭窮酒香娟娟來  
輕颺夕陽在窻牖流水臨柴扉醉即攤衾卧覺  
來已辰炊

宣城集卷之八

歙程詰自邑撰

目錄古詩五言共六十七首

閒適

初冬言懷

南畝秋日作

歸田廬作六首

春日田家二首

病起書懷

書卧

避暑于定水寺三首

同余元復鄭思祈二社友岑山游讌夜  
歸  
立春日東郊游贈

贈葉子

雜詠

雜詩二十六首

嘲狸奴

鄰叟三首

里媪

觀餉漁者

數詩應教

十二辰詩呈藍半村先生

南安寶界寺觀東坡所畫墨竹

王將軍

贈東溪漁父

懷古

過睢陽懷古

艮獄

緱山

過秦始皇墓

朱遷鎮廟

蔡中郎墓

觀御教場

烏江廟

謁浣溪草堂

哀悼

悼亡已亥初冬作

過豐縣悼鄭宜述

聞洪大客死播州

古詩五言

閒適

初冬言懷

賦質大塊間所貴在意適林麓映衡宇雲物媚  
昕夕驅馳翰墨場玩志在古昔忽近始末真探  
曠晚逾力從人借異書二復不可得有客謁我  
飲且復至日夕

南畝秋日作

養拙向南畝孰云耕蝶與始懷在歲功負未非  
所歎穰穰既滿家稼登良足歡斗酒召鄰父慰  
情展盤餐王租及早輸無復憂患干莘野志樂  
道鹿門誠遺安

歸田廬作六首

去家遠行邁九年始歸旋鄰地構葦屋崇麓  
為田稚子共母長歡呼出堂前長揖向我拜不  
知愚與賢

九域歷殆徧倦游返初服佳木蔭我廬藹然媚  
幽獨田園已向蕪猶存幾株菊躬耕不任勞疇  
能酒貲足

衣冠百餘家村居無異姓農談藉諸昆坦率見  
真性禮讓久成俗相安由分定牛羊雜牧耕且  
暮識歸徑

架帙半鼠啮補輯輟復完居閒將盡讀一丘足

盤桓田父每造我興言及游觀因知達者意不  
在具盤餐

疇昔耻端居飽食以終日所志在大觀孰云厭  
安佚王化况在被書軌六合一蠻貊非異區忠  
信乃莫逆

少小弗泥俗遠遊非好奇曰予昧知識友善士  
攸希多聞固其端輔仁良在茲豈徒豁幽囑山  
山緬心期

春日田家二首

西疇時雨足注念農事歸相率築堤堰時哉願

無違倉庚早已鳴村杏亦復飛豈曰荷鋤倦未

夕還荆扉

桑葉漸向黃草色久回綠命婦視蚕筐呼兒放  
牛牧茗芽雨前摘酒漿夜來足客至便留飲醉  
即甕下宿

病起書懷

廢吟久無趣因病始得閒游侶二三人彌旬斷  
往還蕭蕭風吹竹黯黯雲藏山舊方按不效沉  
憂每忘餐誰云五字句不解開心顏援筆灑觚  
翰詠歌遂成歡

晝卧  
曉風扇清淑霽景烜煩燠頽然一枕夢夢到南  
山曲松葉低亂雲蘭花覆幽谷鳥道鬱迴紆吾  
廬俯脩陸

避暑于定水寺二首

淹棲困暑潯斲寡朋游時蛸聒林響早稼登  
場秋感此農務勤披卷念前修豈不惜寸陰質  
疑乏良倚况乃苦汗積杖策遵林丘

娟娟溪上石灑灑谷中風會心即佳境雲木森  
葱蘢游魴逗文藻鳴禽戀芳叢物情亦既協後

來誰當同蚤綠日忽夕下榻依蓮宮  
叢林迥幽絕松壑揚遠聲前峰吐巖月後露輝  
輝盈道心與禪寂自諧塵外情颯然清秋後雨  
餘新寒生攬衣啓扃闈延睇以循行

同余元復鄭思祈二社友岑山游無夜

朝尋岑山去問渡溪邊舟相逢高陽侶酌我黃  
金甌酒酣問所適落日西峰頭坐待明月上鳴  
橈泛中流長揖向煙渚淒風生別愁

歸

明月代秉燭照我西歸途僮子二三人遠迎立  
丘隅長松入靈籟絕勝鳴笙管長歌谷聲應繞  
樹飛驚鳥行行轉絕鳴

丘隅長松入靈籟絕勝鳴笙管長歌谷聲應繞  
樹飛驚鳥行行轉絕鳴

立春日東郊游攜贈葉子  
郊游遊嘉節應候來暄風適與賞公會後此幽  
人同天霽景初媚土融泉已通浮生及強健為  
樂當無窮

雜詠

雜詩二十六首  
氤氳運元化庶類斯陶形曰才參天地人也獨  
淑靈日月迅流轉誰哉閱千齡所貴在不朽焉

雜詠

淑靈日月迅流轉誰哉閱千齡所貴在不朽焉



猷垂汗青

邈哉藝文死衆善鮮有并脩短昧自見古人每  
相輕才難感聖歎德業非徒名心希作者途翻  
歸誰安行

崇臺由一簣廣廈須衆材益謙乃天道易詡君  
無猜昌言既拜禹服膺亦稱回善小苟不爲至  
德何胚胎

大道夷且長捷徑自窘步借問漫遊人胡爲此  
中路行迷及未遠豈不以君故我馬亦既秣風  
雲戒馳騫安得指南車更駕循軌度

不

六

粲粲吳中娥生長閨閣裏十年工刺繡繡出花  
相似千葩與萬莖綺麗傾都市無向老圃誇春  
風盛桃李

學究天人際江都世稱賢哀哉賦不遇幽抱徒  
此宜由來益車驥萬里何當前如何田千秋取  
相僅一言

皇皇長安都赫赫金張第車馬競奔趨窮達在  
片議寥寥子雲若無人問奇字自晉太玄經蓬  
門耐幽閑

客有丘雲錦裁爲隱居服豈不盛文采啣煥驚

時日盛年處空山腐耻同草木補袞徒有心商  
歌悲局促

昔有玩世士偶鍛於下邑所賞超曠懷孰云泥  
形跡演莊暢玄風吐論著仙籍曰予眷私淑深  
衷探幽蹟

樞驥淹捷足驪鷹奮高飛壯士苟失所寶劍無  
光輝登高望雲海喟然傷式微眷彼考槃詠幽  
思忽若迷

忠奸不兩立魚目羞明珠譏疑一相問禍變在  
斯須咄哉吳宰詬國滅身亦誅天道固常爾世  
途良足吁

不

七

北客挈重寶遙遙適炎方光彩耀衆目觀者如  
堵壻市道貴荷得豈不慎所將素心重然諾久  
要在不忘孰云致隨聲遠城不見償

森森南山木鬱鬱挺良材各具象天姿居然等  
蒿萊豈不適世用徑路隔崔嵬遂令桐與梓竟  
作爨下灰

卹刑昭虞訓除苛著漢章一言生睡眊謹直罹  
天殃冤哉棘林鬼夜哭聞者傷何如改祝網惠  
化流四方

侯生真國士抱關老夷門竟遇賢公子能酬一  
顧恩我行大梁道覽古臨高原極目送秋草悵  
憶傷心苑

石氏金谷園乃在洛水濤停驂一臨眺野氣寒  
蕭森樵牧散落日臺榭久銷沉空餘宴集詠千  
載揚其音

閒觀逸民傳獨愛鹿門老上塚亦携家城市未  
嘗到床下拜卧龍畝終身好遺安一時言千  
古仰高蹈

買金償同舍還牛乃徒歸所亡苟不獲此心誰  
竟知拾塵聖亦感况彼庸俗兒太息荆山璧能  
令和氏悲

野人得美芹謂儔千金璆獻君君弗顧詎知非  
君羞微誠既已達浩歌還舊丘本無璞中質寧  
冀連城酬

蒼蠅棲驥尾糞壤日以遠千里特咫尺萬里謂  
可期駟駢太行道歛若流電飛驥兮儻失足蠅  
矣其誰歸

五交啓三巖白刃忽相仇嗚呼友道絕耳餘乃  
其尤代木徒興歎把臂契斯投一言託妻子朱

生誠異流

亭亭絕壑松乃是棟梁其夕風一何厲摧折什  
中路豈無絲與蘿蔓延安所附匠者嘆嗟嚙向  
來不蒙顧

停車清渭上回瞻龍晉崗村原環繚繞雲物森  
蒼茫問爾操舟于斯歲月長繼有垂綸者誰  
哉更待璜

杖劍千里道報士來韓城許身與刺面大義存  
死生當讀俠客傳久欽並政名人生感意氣寧  
論金重輕

禍福相伏倚君子慎幾微孰知霜霰集却是嗚  
生時天道有通塞人命亮如斯顧無擇風質雲  
路安可希

幼佩依方訓庭趨爾禮時後命每居易旬時無  
隨隨疑鑿夏蠶計川燧魏氣誠勉旃無或食庶  
六協幽則

嘲狸奴

養爾為捕鼠多年食我糜畏寒擁爐坐有技不  
肯施眼看五千卷嚙盡無子遺

鄰叟三晉

村酒飲既罷鄰人聚已稀治犁到城市庶事各有歸新雨晚未霽野青草初肥所欣足牛食當此躬耕時

府帖已下縣縣牌將下鄉點夫運皇木差撥隨丁糧憶昨九廟災民心夕徬徨一身無弟姪行矣早趣裝

田園十餘畝鄰舍四五家耕穫幸有託安得長歎嗟稚子廢讀書荆妻罷緝麻胥吏早已至張威肆誼譁

里媪

里媪醜且黑負擔多臂力子幼夫遠戍存亡斷消息律身既以禮耕種足木食有時操杵日盡夜事紡織里胥不到門官租知例則豈不貴綺羅分甘謝粧飾東家有少艾自矜好顏色繡出百般花不肯守婦德

觀餉漁者

霜落楓葉川水寒慘已密漁父要看此但恐夜雨溢魚逸則貴酒且鷄黍餉爾及旭日網圍且重重魚也安能逸往風從東來怒濤起倉猝天意若暫違我心未為失顧謂二三子所得不在

疾

數詩應 教

一氣鑿混沌二儀乃肇基三才曰予與四業士攸希五穀既播殖六藝亦頗知七人作者列八公豈吾欺九重白玉樓十洲隨所之

十二辰詩呈藍平村先生

從來不殺鼠吾生值子年近傳相牛法為農藝茲全虎符佩印綬骨相豈不然平生守株兔志非丘壑便莫探驪龍珠怒時將安旋古人蛇足喻進止可鑒焉所以馬伏波跼跼感飛鳶亡羊

南安寶界寺觀東坡所畫墨竹

以多岐世故誠堪憐不見棘端猴詎為嗜慾牽閒詳木鷄說因閱達生篇萬物本芻狗伯羊豈徒言吹竽牧猪者信乃全其天

蘇公昔度嶺寫此琅玕真墨色久無漾爽氣森

通人淡濃各有態瀟灑迥出塵餘節挺高古籜葉垂斑新歲蕤翠鳳羽錯落錦龍鱗游觀自今古呵護有鬼神君看歲寒操不同艷陽春

上將軍

將軍儒家子少小膽氣奮生來鄙章句

區區信義 素所蓄誓力乃其餘獨涉萬里道應  
募詣大都名隸羽林部宿衛承明廬奇兵五百  
人出塞北擊胡手刀三百斤決戰走萬夫所向  
盡辟易成功在斯頃灌公本負敗舞陽出屠沽  
乃知古奇士不在盡讀書

贈東溪漁父

多君東溪漁適意東溪水緯蕭時截港積慘投  
潭底取之每恨盡所得良在此彼魚何其多一  
網出千尾圍登涸轍無論魴與鯉沽酒爭割  
鮮刀落雪靡靡盡室歡且歌羨殺臨淵子

懷古

過睢陽懷古

行邁日向夕承眺睢陽川風沙眯廣野孤城當  
馬前伊昔天寶末中原滿腥羶重圍困六烈百  
萬爭控弦外援待不至羽書竟空傳食士殺愛  
妾分守何其堅天道幽且遠人倫臣當金路遠  
孟諸蕞城深商丘煙愴然鳴笳夕咄哉寶劍篇  
更悲示信者斷指臨霞天

良嶽

積水深廢死良嶽迷處所欲問無行人徘徊立

幽者但見鳧與鷺集彼一拳上當年遊幸地嘉  
木森禁籞君看金明池居民種禾黍

緱山

緱嶺仙祠古雲蘿雨屐新笙臺一攀眺花悵碧  
桃春風馭思翔鶴浮丘尚隔塵安能共遐舉揮  
手謝時人

過秦始皇墓

關河固重險咸陽帝王都可憐一炬盡茲墓亦  
空虛草色積萬古落日悲豎儒君看燎原火莫  
是阿房餘

朱遷鎮廟

風沙去路阻謁廟渡河水落日滿中原愁雲深  
故壘父老泣壺漿軍還鼓聲死內附本遺民叩  
馬亦養士

蔡中郎墓

離離帶禾黍簇簇擁荆杞伊人擅才華舉世無  
知已石經立太學擗本今不毀一死泣燃臍物  
議非耶是

觀御教場

東京久不守二聖無處所君王志復讐于此躬

校武訓練走嬪御會謂太勞苦摧却鐵浮屠  
金不聲鼓

烏江廟

江東無面見遺廟背沙浦過客奠壺漿居人賽  
簫鼓國讐悲至今霸圖恨終古已廢板山功君  
王本力取

謁沅溪草堂

昔賢去已久草堂誰當窺深清沅花溪滄波日  
東馳依人豈安居去國遭時危帶甲滿天地故  
鄉安所歸我來拜遺像瓣香有餘悲悽愴出塞

哀悼

古

曲激切北征詩雪山正崢嶸錦城復遠逸飛雨  
通窻風苔幽碧光滋回舟向夕渚感歎此孤祠

哀悼

悼亡紀物

暮景迫屯運凄風薄中閨蕭蕭雨聲合黯黯雲  
氣垂若人遽傾逝疚心恒涕洟愁聞烏夜啼羞  
見雉朝飛音容日以邈鏡塵徒自揮篋衣誰爲  
理中饋不復時稚子倚堂壁向我云寒饑

過豐縣悼鄭宜述

我行過豐流蘆葦渚風秋礪山無王氣汴水有

東流勿憶方山子易簣此停舟平生走馬地嗟  
爾少年遊

聞洪大客死播州

生離長相憶夢寐無間然夜郎萬里道幾宵越  
山川疇昔一樽酒對酌秦淮天同舟下吳閭人  
中識君賢春風一判袂秋月空嬋娟睽違二十  
載廷望心旌懸豈意咫尺書翻爲哀訃傳旅櫬  
寄絕域妻孥何當還白日忽已曛黃金長棄捐  
人生貴止足身外何須憐

霞城集卷之八終

哀悼

古

霞城集卷之九

歛程誥自邑撰

目錄古詩七十四首

按贈

襄陽客舍歌贈徐南

胡郎行

贈楊山人

方子時相際明遊金焦二山歸贈歌

鶴溪篇贈李弘

贈程若虛

鳳山臺下逢古民詠贈

贈寫真羅松一

霞城集卷九

一

汶濱子歌贈王宗厚

贈鮑丈良濟

海上贈汪子敬

贈吳郎

伊廬山歌贈程山人

天都峯歌贈社中諸友

姑蘇臺歌贈程東之吳遊

黃山行壽璞庄余丈七十

石溪方子舉孫賀歌

紫髯仙歌贈汪郎

風林書屋歌贈朱仲周

仲周風林學士朱公升九世孫

贈鄭子木 辛亥春

燈夕贈方為瀾

贈九松子

白門行贈侯舜昭

贈汝承

酬答

答程來周

答王亮卿

答方為瀾

金昌亭下答黃勉之

答射陂製綿衣見遺

游燕

寒夜寓來鳳館查子德携酒殺至

霞城集卷九

二

飲村肆戲贈江大

登覽

九日同方子瞻登黃羅峯

望廬山瀑布水

雜詠

吳郎所藏小李將軍畫列仙圖歌

張路畫山水圖歌 宿聽濤軒

玉卿許惠茶不至短歌促之

江上聞析聲

桂月詞

峽夕

夜下靈金山至裏塘嶺聞山上放歌

獨夜詞 新濤篇為王生賦

古詩七言

投贈

襄陽客舍歌贈徐南

樊城城邊多宿草客來驅馬古時道虹梁橫截  
漢江流日暮經過何處好青樓翠幙大堤前女  
兒如花競春妍與君相逢不得醉恰值囊空無  
酒錢

胡郎行

公集卷九

三十一

嗚呼麒麟鸞鳳代間出世人希覩每致疑豈知  
九苞慎棲喙魯郊西狩傷仲尼君不見漢皇播  
歌詠天馬楚人重價求山鷄荆璞抱獻友獲罪  
於菟固懼黔驢蹄吾觀胡郎古奇士與世相遠  
每如此意氣山來凌五侯黃金不吝酬知已有  
時大呼過友生索酒辟易驚衢市道逢貴兒向  
郎揖唾面輒罵不為禮生來嫉惡如嫉讐一言  
義合飲醇醴除害曾聞去州吏懷策行當獻  
天子豫生終遭國士遇韓侯暫受餓夫詆郎乎  
郎乎麟鳳儔在園儀庭斯汝止

贈楊山人

楊山人汝胡為來須彌東下三萬里捉脉走歛  
凌崖崑黃山秀拔萬山上三十六峯如筭迸出  
青雲隈針憑子午定方位五行內外之秘真奇  
哉孰云獨任倒杖法星卦不得推週廻山人貌  
寢不外飾術奇寧免庸師猜土俗信耳輒訾詆  
楚璞未許終塵埃刑家者流予早究逢君一笑  
朱顏開聖氣共上黃羅預曉日照耀浮丘臺三  
天子都青弟鬱兩乳俯視天目連天台大江之  
陰幹斯盡隴耶支耶變幻萬狀誰胚胎鬼神呵  
護苟有待神功天命或屬君安排楊山人尺求  
山寸求水識龍識虎非形似山水產貴亦產賢  
公孫孰與為童子小練之東頗本星一峯卓出  
天外青崗巒迴複護垣草木蒼蔚藏英靈道  
眼獨察氣所聚圖形界寸意寸注吾翁淺土寄  
枯骸此日名山償夙志黃冠道士啓神符白鶴  
仙人留地記寧神足慰後人心微福固非君子  
事青鞋忽去不可留西壘匡廬紫翠淨不待陶  
公生八翼時人爭羨指眠牛

方子時湘際明遊金焦二山歸贈歌

大江蜿蜒游白龍兩角金焦戴礫石壯觀流傳  
溢九州二子探奇泛江舸是時風濤怒拍空蘭  
棹嘖嘖掀騰中任情犯險古有誠孰與洞視開  
心胃江豚拜人迎彩鶴老翁掃徑開琳宮金耶  
塚有無愛呼白盞公公子一詩稱絕唱處士三  
詔揚高風憶昔我陟此山嶺八風吹衣長夏冷  
森森波光接大荒亭亭樓勢呈多景往來利涉  
舳艫爭縱橫出沒魚龍逞禪心悟入水晶庵茶  
功汲試中冷井君不見從來地勝每因人况此

蘇軾集卷九

五一

屹直當要津豈得能賦無繼者子也茲遊真絕  
倫一亭一石品題編日唱日酬誰與鄰浦花汀  
草足思致沙鷗野鴛時相親極目不盡岸雲碧  
側耳忽有漁歌新既藉詩聲發天巧更須盡手  
傳神真半幅一金定不惜緡面會見開嶼岫

鶴溪篇贈李弘

爾鶴爾鶴何絕絕挺出高標皎霜雪有時奮起  
赤霄雲中宵唳徹青田月浮丘仙馭安能驅醉  
公寫真何大殊自愛照衣溪水上誰期出入載  
宮車

贈程若虛

吾宗間庵老詩伯半生苦吟頭早白十首真輕  
萬戶侯五字能驚過海客不期獻賦甘泉宮豈  
識驅車洛陽陌林間獨鶴伴支筇溪上清風吹  
散髮早年高卧山中雲盡夜長歌杯裏月大士  
交游支道林名家出入王摩詰遠來訪我臨河  
濱朗吟數聯駭時人君有高才足不朽眼前簪  
紱等埃塵

鳳山臺下逢古民詠贈

二十餘年不相見逢君未及朱顏變一樽沃我

蘇軾集卷九

六一

渴心塵風流宛接平臺讌兩行垂柳大堤前飛  
花糝徑白於綿隨風歷亂東西去何異梁園雪  
裏天

贈寫真羅松一

秋浦秀山下春潭玉鏡濱相逢羅伯子援筆寫  
我真一斗與酬發毫素密措意象凝風神滿堂  
觀者皆動色莫不避席起歎息手中寶鏡明月  
光照見氣骨爭低昂似清而瘦態度逸欲老未  
衰特乃強乃爾肌膚不復實若為鬚鬢飛秋霜  
今年屈指五十九後來悠悠誰耐守桃李春風



君何術能長久傳世應存數卷詩侯  
天還伏一壺酒羅伯子爾亦奇為我  
更著紫翠  
之芝三秀炳發紛陸離安得食之與  
世遺鼎  
湖龍去不相待遼海鶴歸當共騎

汶瀨子歌贈王宗厚

汶瀨子汝何為乎汶之瀨滄洲瀾迤帶雲麓蕭  
然門巷此致身短籬又徑自鷄犬明窓淨几無  
埃塵詩書既與聖賢對情話亦樂漁樵真一琴  
斷絃久不整無乃未遇知音人君不見南陽龍  
固終相漢季子貂敝曾游秦乘時奮起在孫濟

割烹鼓刀非隱淪五湖范蠡在名遂孰謂坎壈  
其賤貧只今天子重儒學何不擬出管嬰津  
驂騑騰驥在萬里豈得世之九方歎鳳池夢龍  
會並集恩波浩蕩金門春汶瀨子汝何為乎汶  
之瀨

贈鮑丈良濟

巖石巷口相逢論文把樽酒篇章半餉  
機心神蹈舞幾迴忘脚手丁今時俗重黃金羨  
君結交能許心探珠採玉各努力海澗山高煙  
霧深

海上贈汪子敬

憶昔在荆南送君如雅州悵望九折坂使我增  
離憂仲宣樓前判袂後豈意一別踰九秋我客  
梁王吹臺下草色春風生古愁風沙黯黯白日  
暗煙樹浩蕩黃雲浮可憐羸馬不得意囊金垂  
罄唯貂裘却來東海上吾道付滄洲振衣蒼山  
嶺投竿萬里流邂逅相逢不相識塵埃怪爾無  
顏色黃公壚頭新酒香鷓鴣便典澆胃臆君今  
更何適云向金陵迴停舟且莫發撫劍令心哀  
獨不見兩疏舊宅迷處所于公高門今草萊人

生所貴在適意身後虛名何有哉

贈吳郎

楚王城下西來客尋芳惜香舊時陌重門深鎖  
一枝春不見天紅墻外色帶二娘家新酒香一  
樽為澆愁人腸寒露滿天沙月白南飛塞鴈秋  
茫茫

伊廬山歌贈程山人

伊廬山高見千里亭亭柱立青霄裏峭嶇晴飛  
五色雲懸崖瀑漲東溟水拋毬紅望海日生堆  
盤翠挹蓬丘峙王芝瑤草森葳蕤驪鹿車時

駐此山人採藥夜壑氣往往獨躡丹丘履忽憶  
去年二月中羽節爲我淮壘拜拍霞飛袂度嵩  
少鳳笙幾聽其傾耳歸來結廬山之巔鼎砂伏  
火河車紫傳聞早禱雨卽應幽窟泥蟠有龍子  
山人胡爲卧不起

天都峯歌貽社中諸友

黃山頓起萬山之巔不知其幾千萬仞兮根盤  
數州控千里三十六峯攢簇如蓮花中有天都  
嶺屹挺出層霄裏游人望之輒奔氣安能勇曳  
丹丘履琪花瑤草自秋春丹膏玉脂至今貯于

此浮丘鶴馭不能將容成星虹未嘗接引躡其  
趾山靈久秘若有待人文孔昭殆天啓儲精應  
時產豪英藝林巨古騰芳聲僕奴命馳走叱咤  
氣勢浩蕩風雲征伊予直擊風流有悔不十年  
早結社五嶽尋真骨未仙數椽上築山應假所  
啗忽近務遠大探奇足跡半天下竹林竹溪相  
後先賦詩縱酒非徒然境因人勝我何有仁以  
友輔君俱賢舉羅拔祗便長往倒凌絕景捫青  
天霞城深鎖恣探討豈無累牘連新篇謳歌  
聖代仗公等筦爾一笑忘形年

姑蘇臺歌贈程東之吳遊

吾聞震澤之上有土高崔嵬乃是吳王所築臺  
館娃簾廊帶巖崗當時歌管聲喧壓麋鹿只今  
有行跡越人臣妾安在哉由來歡樂亦有極鐘  
梵青山送斜日君行南去遊其間荒臺儻上羅  
堪拔胥濤滾雪暮浩浩春風一鴈南天還

黃山行壽璞屋余丈七十

黃山萬仞開雲屏琪草瑤花紛絕陁溢翠流光  
來戶庭名踪仙蹟誰勒銘丈人無乃鍾其靈賔  
筵初屆古稀齡浮丘騎鶴來青冥膝前羅拜森

寧馨謝堦玉樹環葱菁傳家裕後唯一經君不  
見籌添海屋自茲始少微星是老人星

石溪方子舉孫賀歌

石溪王人吾畏友曾中耿耿羅星斗芸閣藏書  
過五車草堂種菊剛三畝解紛魯連不受金詠  
懷阮公時縱酒于時羞上明光書翰光酷似丘  
中叟有子聰慧更業儒少年獻策長安都交游  
紛紛來長者聲譽籍籍驚吾徒青雲要使耀隱  
德名駒倏忽無長途門闌喜氣朝來見華筵湯  
餅開顏面生兒如此復舉孫福慶獨萃多君門

我歌彩鳳將雛曲  
提出庭階盛蘭玉  
既識英物非開聲  
錯寫弄磨何泥俗  
靈龍頰下抱明珠  
早見噴噴頭角殊  
熊兆定符漁獵十  
龍光長射斗牛墟

紫髯仙歌贈汪郎

碧霄峯頭凌紫霞  
綠溪上浮仙槎  
東歸道出松蘿下  
忽過紫髯仙子家  
紫髯仙子風骨殊  
我冠博帶頰玉姿  
採藥不賣成都市  
放歌真如商山芝  
中宵酒酣撫長劍  
神物終合君無唾  
飄飄太空駕風馭  
馭春山石乳流丹脂  
子晉終為騎鶴

客初平

客初平豈是牧羊兒  
霓裳舞步虛辭白  
榆歷歷清都陪浮丘  
鳳笙會接引碧桃開  
徧春風枝

風林書屋歌贈宋仲周仲周風林學士

百年冠履悉倒置  
碎倫亂習俗移上天  
勃然赫斯怒解懸  
搦勸當其時方徐擬  
戈獨先起陳劉  
探甲紛繼之蜂屯  
蟻聚競割據  
狼貪梟視空爾為  
高皇按劍下江左  
六月宣歙躬視師  
晉訪遺賢詣草澤  
嘗厚幣無卑辭  
是時君家學士公  
藏脩高卧風林中  
書堂蕭颯白日冷  
石榻陰翳松雲籠  
致君堯舜固其事  
出處自許伊呂

同草廬果枉三顧  
駕運籌帷幄增英  
風車書六合甫已  
一名教萬世陶成  
功制誥頗亦出公  
手簡古豈特詞翰  
工只今桑梓仰文  
采梅花初月樓安  
在梅花初月四字高廟祭翰也  
御書粉壁蟠蚪龍  
夜夜光芒護真宰  
回溪派遠碧縈紆  
石門山深青磬礪  
吾聞大賢古有後  
奕葉光輝今有待  
寥寥百五十年間  
始有芳聲播環海

贈鄭子木辛亥春

憶昔蕪湖口逢君  
江上樓東風吹花  
向人笑邂逅對酒  
澆春愁我挂孤帆  
白下去君望青山  
歸

舊丘別君

舊丘別君憶君令人  
老此時悲劇何足  
道水遠江魚不  
上書天長寒鳥  
難到且風飄雪上  
吳天子亦西浮  
歛浦船天以鷓鴣  
鳴如昨日我廬君  
室接炊煙把袂鶯  
花春爛熳通家瓜  
葛世纏綿著書圃  
內君應得伏枕在  
中我自憐君不見  
去年秋烽塵自書  
飛皇州胡兒飲馬  
窟若漁九門不聞  
廊廟憂驅我男婦  
盡比徙哭聲轉天  
壯士耻只今羽檄  
日徵兵征賦徵求  
何日已安得三千  
夜出奇直搗陰山  
報天子與君高卧  
老于此

燈夕贈方爲淵

石不見我龍六馭不暫息昨朝元日今燈夕輝  
燈火樹綴銀花駱驛香車轉油壁共看萬戶與  
千門忽過東門又南陌南陌東門帶狹斜千門  
萬戶向誰家少婦當壚臨不夜點絃奏曲勸流  
霞可憐寶帶同 請更愛王釵雙唇了王釵寶  
帶香簾下千金 刻春宵價驚轉結引流蘇  
猊曲香飄凝暗麝洞簫奏女鳳凰來高枕莊生  
蝴蝶化聚態含顰側席邊天台真信有神仙何  
枝不宿雙樓鳥有水俱栽並蒂蓮誰信青樓當

金瓶梅卷九

三

此夕繡衾寒壓不成眠

贈九松子

九松子在整姿曩年跋上湖陰眉春風昂然見  
標格冷遊不近軒車兒此時桃李競紅白鶯喉  
宛轉城東陌歲寒心事無人知只今唯有狂歌  
客

白門行贈侯舜貽

白門柳花如雪飛千樹萬樹爭春歸天涯草深  
迷轍跡零風何處催成衣帝里逢君一把手招  
尋未載城南酒洞口幾迴花笑人枝頭再見鶯

求友君不見城園萬井喧歌鐘紅雲長擁大明  
宮梯航山海萬國集文軌車書六合同詩騰顏  
謝盛才俊學擅魯鄒開辟雅青衿翩翩走多士  
致身有階豈徒爾登庸台鼎儲賢良立德立功  
屬吾子九衢車馬馳西東幾人長揖遊王公羨  
君吐氣一萬丈落筆五色輝長虹君家伯氏陸  
機伍辭賦洛中誰比數雙雙威鳳翔丹丘顆顆  
明珠出合浦又聞馳驛來江東萬里揚鞭覲天  
府安得論文邂逅同慰我三年別離苦

贈汝承

金瓶梅卷九

四下

羅子讀書破萬卷懷策未獻黃金殿北顧曾空  
冀馬群南圖未遂漢鵬變肉芝似股幾回採石  
髓如泥曾否見幾年飛鳥游名山蓬瀛三點鯨  
潛問親授茅君餌木法獲親金卵如花顏島內  
定知龍虎伏籠中排得參差選靈臺來自下停  
策北山駕半七能回生已多種杏者有君自是  
秦越人學聞知病捷有神安得餽我入五內蟠  
桃再見三千春

酬答

荅程來周

采石江頭李謫仙錦袍坐月載酒船清溪網下  
夜割鮮興來一斗詩百篇揚眉吐氣驚四筵已  
成故事今千年玉鏡潭西秋可憐黃花晚香霜  
滿天逢君豈無沽酒錢

荅王亮卿

暄風被野繁花朵流鶯繞枝飛箇箇床頭麴米  
正醺人賞心况值王郎過贈我一幅錦不如朗  
誦氣談凌子虛仲宣既倒中郎屣陳平亦多長  
者車神交十年自不淺禮法一見何其踈初筵  
杯巡亦太緩乃知意氣便樗散得句始訝子安

東坡先生

五十一

奇任情肯許儒生頗多君胸中有整丘同盤不  
遠來相求裝時海內業復古李何崛起雄中州  
邇來藝苑體亦變豈特數子馳橫流神融境會  
貫志實掇花剪錦終成虛語也結髮志登涉足  
跡山海窮遐陬管窺豈當一斑見文會早覺諸  
公優虛名久已落筆硯風志不欲干王侯文章  
耻爲西第頌賓客故倦梁園遊黃金不似粵使  
橐黑貂自故秦歸裘鄉人盡日東丘笑五陵衣  
馬矜年少爭知問術向陶朱不說驚人携謝朓  
感時日有梁甫吟隱居自發蘇門嘯報士空餘

短劍存非賢敢盟安車到遲迴三徑苦無督修  
忽百年何足道淮濶子抵爾青雲姿高軒乃肯  
臨茅茨鳳凰竹實苦不結麒麟郊遊非所唾及  
時一笑且爲樂有酒盡飲須盡酌墻頭漸覺綠  
陰多今日花枝不如昨身後悠悠數百篇人生  
何必揚州鶴相逢貴在相知心君門九重煙霧  
深明朝爾際變龍會不道青州有傅霖

荅方爲淵

愛爾黃南子少年志經史不逐鬪鷄游俠兒交  
游盡是文章士於菟三日已食牛蜃小吐氣爲  
重樓况復相承家學久乃知枝茂由培厚秋崖  
虛谷吾所師石溪九池俱畏友三軍赴敵重圍  
入一劍當關萬夫後寄我金陵數千篇驚人  
有句落衆口早已流傳滿帝鄉宗師鍾儒盡垂賞  
異時品人汝莫疑今日看君我何有多君自是  
風骨奇千里修名物馳方駕曹劉在奮迅追  
風絕塵今其時

金昌亭下荅黃勉之

萬里遠遊西蜀客四年採藥岷峨側竈火紅飛  
日月羣囊詩錦奪江山色飄然泛舟返吳門江

流雨漲桃花，渾論文復得。明水子金昌亭，下同  
開樽傾倒甕，春三百斛。安知身外有乾坤。

答射陂製綿衣見韻

吳綾研光新出練，裁縫為裘見者羨。王恭鶴擎  
未足多，范叔袍同戀。願屈鼓寒行，半空梅  
梢裹凍溼。橋東嗅尋幾度試，索笑益然坐我春  
風中。

游燕

寒夜寓來鳳館，查子德携酒殺至。

龍舒河上水，堅久卿山崖。下雪積厚燒燭，春迴

卷之九

十一

上苑花載散，夜過西鄰酒。一斗澆愁得我心，幾  
迴發笑開君口。歡來徹夕不成眠，事大如天復  
何有。君放歌我拍手，不知明月生空牖。主人舊  
甕不曾開，問君明朝肯重來。

飲村肆戲贈江大

玉鏡潭西倉埠邊，誰家酒旗懸暮煙。當爐少婦  
喚客飲，杖頭共解青銅錢。一壺未盡輒就醉，隱  
几無言但欲睡。琥珀光浮意氣多，勸君更飲真  
能事。

登覽

九日同方子瞻登黃羅峯

峯律黃羅峯，屹立半空中。四山讓出色，不敢與  
爭雄。我生五十有五歲，未始一至凌穹窿。今晨  
興劇忽飛動，高情更喜多。君同披榛絕嶺，傲八  
極長嘯萬里來。悲風城連萬雉，晃亦日地坵雙  
江游白龍，孤雲往來浮。步嶺列嶂迴，沓延支節  
俯視萬物盡，麼何異螻蟻。與螭紫萸囊，黃  
菊觴及時一笑輸。肝腸峴山人名久，不泯彭城  
戲馬舊臺荒。孟公作荅嘲落帽，少陵老去唯詩  
章。邂逅此生還，此日但將酩酊酬清狂。他年故

事須我輩爾，峯爾峯無相忘。

學廬山瀑布水

石冷秋根漱雲液，巖翠霏微界斜白。天孫河漢  
濯霞綃，賤沫淋漓潤客聞。有神龍護靈源，復  
有蒼龜守幽宅。仙子臨流洗心胃，山鬼不敢窺  
其側。漢皇空伐淇園竹，瓠子決河竟莫塞。

雜詠

吳郡所藏小李將軍畫列仙圖歌

碧海蒼山石敬久，飛甍戔戔幕雲白。君家堂壁  
展丹丘，仙子于焉此窟宅。云是李將軍寫此半

幅帛吮筆求精毫髮間意匠奪天回彩色蓬萊  
髣髴金銀宮十洲群島遙相通虹梁橫駕鳥道  
接王芝琪樹森葱龍松下翔舞雙白鶴宛如浮  
丘下寥廓筌臺何日碧桃開揮手時人良不惡  
草間疑是初平叱石競起金華崗黃家兄弟  
有仙骨至今巖壑留鼎光蟠桃一熟六千歲漢  
家偷兒三得計水邊橫瑟閣瑤觴雲謠唱徹人  
間世翩然忽馭青鸞車坐接雲中紫霞袂韓衆  
白鹿跨獨穩流沙青牛會當返顏童莫駐紫金  
丹盤餐膳有青精飯地軸六鰲負不輕天門八  
翼等閒生披圖吾意忽飛動十二樓高出五城  
張路畫山水圖歌

江南畫手稱名筆衆口共許周舜卿大幅小幅  
盡繁細吮筆彩色求研精張生寫畫祗用墨素  
練塗抹雲煙橫一木一石盡氣槩茅屋俯瞰滄  
波明其中更有展卷者下帷無乃藏脩生風江  
瀾迤旆片沙嶼岷嶠秋盈盈諦觀此幅豈草  
率意到遠近皆天成胡爲乎山子海內尚無名  
可憐所貴任工似無論賤目爭向聲

宿聽詩評

聽濤軒下何來客覓句不成眠未得窺人窓月  
十分明照見吟髭幾莖白午夜崩騰怒撼船九  
江五湖勢洶然夢裏不知松整吼長風吹下沈  
寥天

玉卿許惠茶不至短歌促之

床頭甕釀朝來熟賞心醉卧籬邊菊夢回渴憶  
煮龍團一夜峯頭春雨綠月落柴門手自開相  
如愁墜倚琴臺瓦鎗水火聲空戰白絹斜封久  
不來

江上聞柝聲

馬當山頭飛玉兔白苧芙蓉枝上露林風蕭蕭  
烏鵲鳴激烈忽傳何處聲殺波微動牽水荇赤  
鯉誰騎波上影龍宮無人夜迢迢小姑將赴彭  
郎邀郎待不來尋睡去姑至門前敲橘樹

桂月詞

霜光寒蟾泣秋影伏觀曠清宵來仙人夾道  
種白榆桂露珠輝月華空闔闔此時隨不開婦  
娥孤閨清輝靜九華卅缺無輝光淮王夜遊燭  
羞秉檠枝借問誰淹留小山愁絕歌招隱

峽夕

楚塞青楓繞萬山  
滄江流出白雲間  
巴兒齊唱櫂歌還  
聽盡猿聲何處客  
湘妃竹上淚痕斑

夜下靈金山至裏塘嶺聞山上放歌

松桂團陰月華滿  
草深迴磴迷崖斷  
遠盤瘦影下中峯  
仰望琳宮倚天半  
仙壇縹緲紫雲生  
夜靜杓低轉玉衡  
忽奏長謡千仞上  
阮郎真作鳳凰聲

獨夜詞

彩雲絢空溢蟾魄  
疑疑光團草露白  
錦襜翠袖紅氍毹  
越女玩華桂香陌  
九門漏未明星遲  
雙

霞城集卷九

三一

眉蹙損春山窄

許濤篇為王生賦

戈迴三舍日火返  
一時風天也于斯  
在誠哉不偶同漢  
之水與天通昔乎  
如展鏡今也怒拍  
空野炊絕煙火津  
濟無鱖鱗魚龍出  
沒恣林數狐兔失  
穴傷途窮遙遙荆  
襄許壘憂心忡濤  
乎汝莫劇何不學  
彼風迴而日中

霞城集卷之九

霞城集卷之十

敬程誥自色撰

目錄

寄遺

天都吟寄岳東伯  
將發秋浦東歸馳

喜雨東方際明乙

山中寄方子澄兼

秋夜寄程時嚴

行旅

次瓜洲聞思祈已

至吳中

早春登隋堤示蔡

蜀門老父行

臘日次威遠縣

感述

春風曲

夷門行呈空同公

客過肥田王卿見

塞上曲

祈雨篇

荆門行

江上風雨吟

雷雨行

秋夜長

紀夢



夏旱贈鄭子金 春夜宿亮卿家同

鄭注二子觀鳥程朱明府新製歌詩

愴離申誼述以長句

君不見簡思祈 對酒贈吳靜夫

清溪夜別來鳳 清溪觀叉魚

送別

送左應振歸涇川 贈方道本入九華

山 大樓山歌送程來

周 代送客

別注有秋 送無礙山人歸九

華

新林浦東別吳子

國望 儀真夜別余子陳

留別許郎中子夏 嵩山歌送顧雲卿

歸嵩陽 春風歌送徐醫士

之京 送鄭信之還山

彭城送鮑世重歸歙

送許使君 浮梁縣南別伯茂

古詩七言

寄遺

天都吟寄岳東伯

我昔遠行游足跡徧九州相逢吐氣向知己

肯懷刺干諸侯西陟岷峨不憚險窮源直邇長

江流青羊宮中尋李耳歌鳳臺前笑孔丘歸來

五湖挂片席欲泛溟渤趨蓬丘金銀樓臺路緬

邈天吳九首令人愁回看峻極出雲表芙蓉參

差青不了三十六峰搖縹緲金烏照耀千厓曉

萬壑無聲迴磴香層巒杳嶂連蒼鷲晴黛浮光

溢遐嶮樞衣直上綠樹杪海氣入荒浮浩漭表

裏楚吳青裊裊我棲天都雲與發天都吟軒轅

襲嶽墮何處夜鶴曉猿驚我心早服還丹鍊骨

一囊城集卷十

輟爐中日月九迴并星虹鶴馭遙相待遲爾翔

翔游泰清

將發秋浦東歸馳寄社中知己

案上積萬卷床頭卧一甕為儒不自給徒欲事

耕種心存筆硯安能舍手把犁鋤難任重在家

頭白身未達過眼書多口空誦多年杜門累雙

足有時靜極却思動適來為客向江津故人重

見偏情親相從未肯違造次一念何曾忘賤貧

雖然義合分當去問君更欲游何處雲中寒影

度歸鴻江上晴光動芳樹居室春還谷口家挂

帆早出天門霧迷貧自守子雲玄閒情欣豔陶  
公賦

喜雨東方際明乙巳秋作

甘雨應時飛沃泉流過田聲淙淙已見泥濘  
妨過客即教米賤不傷農君不見郡侯罷宴纔  
數日山人絕糧自去冬

山中寄方子澄兼訊培元子

西郭山人意甚適頻年寄食不暖席南鄉亭長  
豈憐才北海使君真好客蹇予此地巢雲松伏  
枕圖書蒼翠重幾迴欲掇金光草遲爾尋遊六

全靈城集卷十

四十一

六峰

秋夜寄程時嚴

梁園遊倦歸來客松竹猶存三畝宅甕裏時醺  
麴米春床頭不減黃金色東風幾度對鶯花梁  
鴻今寄伯通家神交五嶺煙霞碧明月高天照  
鬢華

行旅

歸至鄭州

鄭州城上彤雲布鄭州城邊風撼樹雪片初飛  
策蹇歸早秋却憶驅車去他鄉孤客無相知問

酒還尋舊宿處土人生業重耕桑却笑爲儒事

章句

次瓜洲聞思祈已至吳中

花月吳門遊冶處故人久待哦新句所欣地主  
得君賢莫遣春風先我去具區森森帶蘇臺畫  
舫笙歌一水迴報道東書携嘯侶挂帆明日度  
江來

早春登隋堤示蔡五

蓬沙飛飛孟諸數凌開塞斷黃河口風狂野曠  
少行人逢君解囊且沽酒隋堤千里勢雄哉旅

全靈城集卷十

五

客驅車此日來春色年年楊柳綠錦帆東下幾  
時迴

蜀門老父行

蜀門江邊雲氣昏竹木蔽芾居民村村中老父  
能楚語自言結髮遊荆門歸來十年事耕植桑  
稠稻登足衣食淳樸但覬還民風作息何知有  
帝力回思少小逐風波流轉使我無顏色津迷  
屢被達士笑俗隘豈免庸夫抑汝歸有家業有  
田何如深掩柴門煙一經課子夜秉燭豈必徧  
歷山與川

臘日次威遠縣

去年臘日峴山陰今年臘日我眉麓遙憶漢皇  
江水清復憐吳地梅花馥吳地梅花雪片飛感  
舊傷時歌式微馬首明朝向何處猿聲此夕淚  
沾衣

感述

夕風行

夕風坼堦天忽暝平地拔木吹倒人深憐此木  
手所植已見氣勢凌蒼旻所期大用棟梁具忍  
使摧作農下薪山中魑魅作人語夜半逞威撼

一靈城集卷十

木

茅宇 上帝板板德有容孰遣汝為欺乃公豈  
無迅雷驅落電殄爾醜類無遺蹤君看旭日扶  
桑紅

春風行

上祿花開海霞色長安城中日速客九衢鞍馬  
不曾停春風只在五侯宅玉笙相管鳴冰絃酒  
池肉林不論錢氣酣耳熱城月白笑殺楊雄守  
太玄

秋夜長

秋夜長蓮燈吐艷飄蘭香釵抽翠鳳髮雲驪劍

脫金螭臂玉光鴻鴈寶筆斜促柱鴛鴦繡被層

圍床遙憐天上稀相見何似人間不暫忘人間  
天上情何已千門萬戶砧聲裏簌簌金風利似  
刀冷冷白露寒於水幾家蟬翠寄衣裳若箇流  
黃怨機杼寒草積南白應盡吳楓江上丹餘幾  
吳楓塞草暗凋傷萬里燕雲路渺茫肘繫黃金  
他自得手持錦字遠誰將飛狐嶺北音書絕倒  
馬關西羽檄忙君不見牽牛與織女盈盈一水  
永相望

夷門行呈空同公

一靈城集卷十

七

飛塵曉暗夷門路車馬喧闐競來去征西不說  
重諸侯虛左盡知叨禮數從來慕義非徇名意  
氣誰論金重輕江南倦客停驂久蔡河東畔高  
迴首

紀夢

奔崖石墮瓜來大濕翠裘苔捫忽破如泥迸出  
紫瓊漿飽溢口頰流涎香何來老人不相識風  
馭翩翩鶴一隻數聲清唳海天秋夢迴旭日松  
梢赤

客過 乙巳冬十一月  
玉卿見過作此

霞城山人程自邑書卷終日手不釋幸際明時  
祿弗干頻逢凶歲家難給九重有詔免催科中  
饋無人漸過客安能吐氣豎眉毛誰復貰酒澆  
胷臆道體年來認既真詩篇早覺工無益仰瞻  
列宿繫成行玄朔回風天動色

塞上曲

烽塵蔽天暗原野健兒身不離鞍馬匣中雄劍  
幾迴鳴胡兒豕突長城下青海城頭明月輝閨  
人好爲寄寒衣黃金謬取封侯印未報君恩那  
得歸

金叢集卷十

雷雨行

春孟之九夜二更雷霆先時乃發聲風狂雨橫  
天地怒河翻海沸龍蛇驚入出萬物固在汝通  
宵不寐耿客子衡門曉倚待晴暉二氣相薄何  
當已

祈雨篇

宋中三月久不雨火雲灼地紫煙吐黍稷向枯  
愁爾氓拜迎老巫祈土神柳條人人手中把跣  
足踈體赤日下劃然雷霆頃刻興甘霖只向西  
郊灑城東踟躕望雲霓那知咫尺陰晴分巫言

有物此爲祟急打旱魃尋新墳

江上風雨吟

山霧空濛叫青兕濕壓額雲飛不起土花半染  
滄江紫新漲驟添三尺水洲蘆風急拜不已行  
舟爭向蘆根艤巨鼉橫走岸忽圯瘦蛟跳波挾  
龍子潯陽咫尺踰萬里芳蕙含凄雨中死

薊門行

薊門四月風氣別一片蘆溝水未裂十斗酒  
不迴春腰下寒生三尺鐵兩行高柳驛亭津秣  
馬驅車昏復晨擊筑悲歌雙淚墮平生肝膽向  
何人

金叢集卷十

九

夏旱贈鄭子金

熖氣低流火雲色扶桑照耀蒸輝飛砂廣陌  
轉蓬科欽鴉鼓翅卅丘側琅玕不實鳳凰饑腐  
鼠烏爲故相嚇君不見泥蟠銜是池中物安得  
雨雲起倉卒

春夜宿旁卿家同鄭注二子觀烏程朱

明府新製歌詩愴離申誼述以長句  
王郎氣岸太突兀眼中早已無溟渤三江觀潮  
不稱心九河窮源遶明發經秋挂席無長風萬

里還山卧松月二豪感激遙相求拉我早春過  
林樾雙扉半啓白日靜一徑通幽芳草沒峰雲  
黯黯擁樓入溪雨灑風起倉卒泥深沒脛斷人  
行寒氣痒痒砭我骨誰能呼酒引巨羅自喜圍  
爐煨楮生丁丁歌伐木鄭子索被但欲宿  
王郎憑几披一幅朗吟詫予三過讀初疑燒天  
霞五色墮吾目雷霆奔迅劃爭迴雲煙聯綿條  
翻覆商周古製見彝器巖巖幽馨挹蘭菊寒潭  
潦盡徹底清春林藹然一樹綠滄江挽迴有萬  
牛金鼎鑄成無九牧明庭忽覩鳳麟集深夜恐  
動神鬼哭云是故人朱明府興酣寫此慰羈獨  
却憶明府未第時同舟南下邗江湄北風揚帆  
指京口明月下榻連天涯江山論文對一老香  
色殊好唾羣兒躬鸞從來不並龍龍驥孰云終  
受羈及聞宮袍奪春錦姓名晚達黃金墀寇君  
一年可暫借士元百里非所治龍卧曾聞方管  
樂鳳池會見集羣夔聞訊茗溪溪上路春花秋  
月應如故何處水嬉逢麗人誰家詩社傳新句  
王孫畫筆猶高價相國池碑凡幾樹隱逸今稱  
太白孫風流舊說樊川杜安能命駕即追遊吁

囊城集卷十

嗟王郎何幸此遘遇

君不見簡思新

君不見西市兒不讀半行書與詩姓名四十無  
人識屠狗攘鷄無不為一朝金多鄉里畏人生  
何必英雄姿君不見西市兒

對酒贈吳靜夫

當年別我郢城東一笑桃花雙頰紅今日逢君  
練溪上蕭蕭巾髮亂飛蓬勸君盡飲樽中酒舊  
遊誰在君知否

清溪夜別來鳳

弱冠不解事任情肆猖狂束書挾琴劍浪迹走  
四方郭外二頃何曾種竹間三徑久就荒陳平  
無心事產業膠鬲混跡魚鹽商交游盡是當世  
傑翰墨遊戲名家場斗酒十千肯惜費五馬萬  
言待成章學士彩箋看落筆主人金縷勸傳觴  
玉笋低按翻新譜蠟炬高烧照豔粧榜浦大咭  
六博局蹴鞠更逐羽林郎三十長生慕倦道路  
偏名山兌瑤草出真九州蹟渺莽苑封五嶽心  
傾倒駕鹿空聞韓衆車如瓜未遇安期棗爐中  
丹砂不伏火鏡裏朱顏豈長好囊金已罄却歸

囊城集卷十

來一病三年鬢雪催蒿萊盛擁仲蔚宅賓客寂  
冥梁王臺高齋清晝長垂暮伏枕經時自攬鬢  
養生久任嵇生嬾能賦偏生成信裏自從晚結  
天都社鞭揚撻馬趨風雅氣骨爭馳漢魏先浮  
華早甌齊梁下自信心輕萬戶侯誰期骨貫千  
金馬謬以虛名遠見招多君本是同聲者去年  
我過率濱亭六水粼粼列嶂青世家流澤傾時  
譽文物芳猷表地靈意氣百年看挺出風流一  
代仰儀刑忽然避地來秋浦衙若千山日卓午  
故人一見眼偏青相依便作東道主更愛幽居  
芳樹林涼颯颯來庭宇秋盡冬還且未歸有  
約採芳凌翠微九華山色晴浮几三峽江聲夜  
撼扉桂樹無勞招隱士桃花會見天漁磯君不  
見青蓮李書堂千古凌霄起久知名譽仗高賢  
虛詆文章爲小技却悔從來曠蕩多忽驚老至  
何能已呼兒買村酒夜叩黃公爐引君金叵羅  
坐我紅氍毹一斗襟懷豁十斗膽氣麓清風吹  
而下木末明月流彩當庭隅但令貧居能樂道  
莫問出門坐無車着屐春期探禹穴揚帆明發  
向吳趨與君別去各努力還家杜門多著書

全靈城集卷十

七

清溪觀又魚

清溪水清深見底薄文蕩搖紛旖旎魚郎持叉  
伺岸傍一發應手得巨鯉吾聞河流出崑崙九  
派盡染土花紫爾魚化作鷓中糜何不置身濁  
流裏

送別

送左應振歸涇川

金竺巖邊採芝客隄居南溪溪上宅瓢中藥餌  
一丸余袖裏劍光三尺白相逢幾度亂雲堆千  
仞萬仞凌崔嵬一夜歸心春草綠東風吹過百

花臺

贈方道本入九華山

九十九峯青插天勢壓吳楚標雲煙吐華森立  
挺異狀唐賢命名至今傳上千六竈西奔之日  
馭下俯萬派東逝之源泉飛流噴瀑不知數驅  
雷吼壑翻龍淵六月水崖懸礫礫三冬琪樹蔚  
葱芊昭回河漢低霞靄錯落星辰近斗躔地藏  
塔中窺寶相天花隊裏現金仙君慕名山恣幽  
討巢松應向此中老白牽一線引巴江青擁三  
螺列蓬島絕嶺攀登送睇寬終身恨不移家早

爭上棲遲不二門  
異人授受長生道  
石髓涎流日頰香  
金砂霧散顏容好  
淹留桂樹漸成叢  
路入雲深翠自重  
已是無人知任處  
相尋安得易相逢

大樓山歌送程來周

秋浦之東大樓山  
吐雲吸霧幽且閑  
年深蹊徑半蕪沒  
幾度欲往愁躋攀  
聞君談勝槩使我開  
心顏寺古有僧住  
門設無時關有田  
不知其幾千百頃  
芳徃徃春耕秋獲於  
其間雲松芳蔚蔚  
雨瀑芳潺湲石髓溢  
芳可食玉芝秀芳堪  
拔大

大霞集卷十

齒

江蜿蜒兮西來走其下  
群峰偃僕兮翕集而廻  
環徑可斷兮人不可到  
避地於此兮吾將老而  
盤桓風塵瀕洞兮白日  
欲暝君胡爲兮去此遵  
東路之漫漫

代送客

西風吹荻花兩岸飛  
雪白誰家江上舟  
獨作遠行客江流夜上  
石城潮郎去心將萬里  
遙明月哀猿何處峽  
翠樓珠箔可憐宵

別汪有秋

暖風谷口遷鶯處  
好花開徧城南樹  
相逢好是

讌遊時却載扁舟  
千里去杏花村中新  
酒香費來澆我醉  
人腸爲君醉倒挂  
席下贏得不愁江路長

送無礙山人歸九華

無礙山人縱天游  
一身不繫如虛舟  
青箱輿圖挾五嶽  
足跡環海徧九州  
夙聞懷策上明王  
何曾彈缺干諸侯  
振衣塵飛洛陽陌  
濯足水溢長江流  
袖裏青囊書一卷  
天星四垣知貴賤  
西極崑崙勢挿天  
隴峙支分君悉辨  
去年望氣上九華  
龍樓突兀南天涯  
地勢兩隅包楚越  
崗形

大霞集卷十

七

千里起龍蛇從游  
鹿豕爲侶偃卧煙霞  
卽寄家洞秘七箴  
採寶爇爐蟠九鼎  
問丹砂火中旣識  
無根樹海上何勞  
似棗瓜捉脉東來  
度白嶽飛秋天都  
觀地絡九十九變  
十一星先天後天  
歸用作奪盡神功  
救世人挽迴天命  
何揮霍翩然忽駕  
鶴西歸名利何曾  
受算縛

新林浦東別吳子國望

揮筆灑觚翰吐氣  
五色成放遊窮禹蹟  
交結盡知名先皇  
御極獨好武集賢  
學士何曾數揚旌  
不得獻甘泉霍家  
子都健於虎久矣  
青雲有

故人至今無策于 明王採溪把釣不救饑力  
田負未愁辛 苦偶然避地江上來衆人碌碌同  
塵埃白龍魚服目 傲射麒麟遊人見猜梁鴻  
自是質春者周黨元非用世才與君傾蓋即如  
故而我絕絃良可哀尋村買酒何由得搖筆題  
詩幾度開如何握手忽分去不能數日相將住  
江風挂席促歸舟津霧披春出芳樹欲爲醉別  
倒一觴黃公壚頭在何處

儀貞夜別余子陳

白沙津南江月白故人張筵夜速客盃玉清浮

全震集卷十

七

麴米春顏紅深映桃花色嬌歌一曲斷人魂翠  
袖雙擎湮淚痕北斗轉杓君別去東風挂席出

天門天門山在蕪湖東四十里

留別許郎中子夏

憶昔君年一十五吐氣人前誰比數藝文才子  
不成章詞賦吳中推獨步三場決科早奏捷數  
載爲郎向南部自公退食不曾閒簿書案頭太  
勞苦何時謝病歸園田昨日逢君論今古鎮海  
高樓暮雨天西湖短棹秋風浦匆匆聚散本無  
期兩鬢伊予已素絲碧山歸去臥松石三秀雲

中斷紫芝明朝爾觀黃金闕應並夔龍集鳳池

嵩山歌送顧雲卿歸嵩陽

崧高三十六芙蓉一室獨秀出諸峰我昔攀躋  
積雨阻悵憶萬壑蒼雲籠鳳笙特奏王子晉鶴  
馭並引浮丘公雲車韓衆駕白鹿夙聞來往茲  
山中山中近有沈鍊師年可十八好顏容時人  
求見不可得或游海外騎飛龍君家舊業山之  
麓此地相逢話衷曲賣卜豈乏成都錢養拙又  
賃溪西屋歸途棧轉劔閣險入關出關春草綠  
三花樹下穎陽田去耕及青陽天避喧莫倚  
掛瓢樹守貞合覓面壁處石蒲九節紫茸花食  
之即仙吾所嘉他時採取儻寄贈天都峰下野  
人家

全震集卷十

七

春風歌送徐醫士之京

太乙壇前三十度春風綠徧城東路隨意山邊  
與水涯人間容有未開花上林苑中無限樹吹  
噓待君君莫住

送鄭信之還山

淮陰道遇松南子顏面黧黧髮被耳自言十載  
工爲詩邇乃追跡青蓮李去年爲客古大梁醉



歌每向侯嬴里塵埃未免鬼揶揄行路翻慚直  
於矢君才落落邁等倫何得局促如衆人熊魚  
自古難兼取人生豈在賤與貧田郎一言即相  
漢尼父七日曾厄陳窮達非今獨如此還山穩  
卧蒲亭春

彭城送鮑世重歸歙

去年送子菟園東途深積雪傷離衷晤言策蹇  
返南國卧病踰月歸計空今春買舟各東下偶  
爾見面徐州洪郊樹遙連孟諸晚渚花亂落黃  
樓風大浮橋邊呼酒處燒殘蠟炬金蓮紅多君  
本是幽棲者世路坎壈隨飛蓬塗龜豈藏巾笥  
裏海鷗合擊天池中追風願逐輕車便巢松早  
向軒轅宮

送許使君

安平驛前打鼓聲使君發船中夜行秋風挂席  
度淮水朔雪驅車過薊城去去誰爲侶愛  
君才名徧寰宇三十腰金異衆人一時抱璞遭  
明主別來怪我鬢毛斑此地重逢一解顏却憶  
相期集慶寺春風湖嶺共躋攀

浮梁縣南別伯茂

湖水吹風白浩浩湖天垂雲愁不掃到來十日  
出門稀邂逅逢君顛倒抽毫灑翰逸興發宴  
晤立談無不好紛紛衢市非吾徒何必平生相  
識早君青年吾首皓肯遣歡娛成草草別君夜  
上秣陵船千里情馳一水連應有尺書寬遠憶  
春波雙鯉下昌川

長安長安

霞城集卷之十一

欽程誥自邑撰

目錄律詩五言 七十七首

登覽

九日黃山四首

登巖嶺新塔同余元復方際明

陝州登西樓 登吳山

登上方寺鐵塔同鄭古民

登北固山 遊耳露寺

上齊雲山 登碧霄峯

霞城集卷十一

登南源山望長垓

遊樓霞寺和王憲副欽佩

登寶石山閣在西 登淨居菴

江亭秋望 登鼓樓崗

登慈姥山麓大悲閣

登天池山 經山寺

遊古巖寺

遊峒山寺時在徐州山下有石室

渡江遂登金山寺

之峩肩行嘉陵道中

初春同方承德宴巖溪亭

巖溪亭遊子敬 登吹臺

登鳳凰臺 登東海城

遊靈隱寺 靈山寺遊

發勝果寺絕頂 雨晴遊闕政山

晚登重慶城 遊武夷山三首

同率濱社諸友登上湖山出資口至屯

溪作三首 登浙嶺

遊萬壽寺

早春同鄭信之登鳳山臺

霞城集卷十一

登靈金山絕頂

同楊山人入黟坑至高山坪

入武當山八首

歲暮偕楊左王三山人暨汪執中虞中

由分龍嶺越嶂而東登南山絕頂至

許宜平築室處二首

冬夜同遊侶七人宿銅坑山家

登峴山

同率濱社諸友遊齊祈寺

九日同社中諸友登靈金山

登池州城

江上同方二步至吉祥寺遂登毘盧閣

遊惠山寺同汪二 遊紫陽庵

早春安平借博支上舍射陂刑曹東城

游矚二首

同吳懷梅靈谷寺遊作

登金山寺同吳文學二首

望海

麻姑山

登雙清亭葉三棧酒殺繼至

遊富樂寺寺在豫州劉豫州據

本霞城集卷二 三

同葉子遊薦福寺

過朝天宮沈道士館

游泛

峽中縱目

萬派驛西峽行

渡湘江

同諸族彥浮筏至岳城

由金沙灘過湖至許公新塋

三月三日射陂于官庄省墓歸至澤上

園同泛舟西壕作

至海上

華清宮

白帝城春望

楚王故城

泉磯廊

經五丈原

寶子山武侯祠

謁隆中祠

夔州諸葛武侯祠

龐士元祠

富春山嚴先生祠

岳武穆王墓

謁秀山梁昭明太子廟

律詩五言

登覽

本霞城集卷二

四一

九日黃山四首

峯樹鬱蒼蒼雲盤鳥道長樓城開絕境陰火沸

靈湯神室黃金液卅砂白石床長生如可學于

此事暫呈

鳥健鳧疑化冠軟鴨欲飛石梯叢桂擁卅洞危

雲歸金剎標三界青霞匝四圍招提開覺路結

社願相依

卅霄懸萬仞碧玉削芙蓉地軸超群囿天鄒步

一峯白光浮雨濈青靄積崖松裊裊垂蘿裏樞

衣此日從

曳杖峯雲碧浮樽野菊黃八風飄道氣九日集  
仙鄉石室青霞古壺天白日長踟躕來鶴馭  
尺度虹梁

登巖鎮新塔同余元復方際明

風袂接翩翩憑高望八埏四山平倚檻萬竈俯  
炊煙吐氣雲霄上摘辭奎壁聯清都應不遠携  
手詠遊仙

陝州登西樓

河山陝服分千里靜郊氛望已便秋曠閒堪送  
夕曛峭函雄地勢鬼柳煥天文載誦甘棠詠臨

靈城集卷十一

風憶召君

登吳山

蘿磴凌晨上松門倚杖孤風煙攬吳越表裏見  
江湖水遠雲俱白峯高日易晡賞心延縱目避  
近此山隅

登上方寺鐵塔同鄭古民

高磴盤雲曲飛甍捧日標人煙  
層霄地勢傾淮盡河流控陝遙  
迴愜心賞歸路歷塵鏹

登北固山

松林度幽僻蘿磴轉屏顏眺望堪千里東南有  
此山江流包楚激地勢控吳關萬古登臨意風  
櫓不暫閒

遊甘露寺

停舟傍菰渚問寺到松門地古煙霞積春晴花  
木繁鈴風時振塔刹日晚移旛狼石前朝蹟蒼  
苔翳雨痕

上齊雲山

尋遊三十載幾度到山中投契煙霞侶攀翻桂  
樹叢五峯爭秀出一徑自幽通邂逅玄同子要

靈城集卷十一

予宿嶽宮

登碧霄峯

已出齊雲上盤盤轉碧霄八荒窺浩蕩一氣倚  
虛寥帝座行應近仙游手可招飄飄空翠外側  
耳赤鸞簫

登南源山望長垓

仄磴迴峯外孤村曲澗西瑤花非世有琳館與  
雲齊猿捷特相引鶯慵暖不啼秦人逢易識當  
是武陵溪

遊棲霞寺和王憲副欽佩

夙慕千龕勝今來尚宛然像新金曠現苔古紫  
錢述僧老門稀出城遙地易偏使君亦暫至隨  
喜大羅天

登寶石山閣遊

山閣憑危夕天然對畫圖浮螺出島嶼夾鏡入  
江湖珠樹慈雲擁金沙慧日鋪高僧供茗盃不  
遺賞心孤

登淨居卷

錦石森相倚青霞擁半層棧懸高過樹崖出倒  
垂藤啼鳥驚人至參禪記我曾我我千仞上更

靈城集卷十一

七一

陟碧峻嶒

江亭秋望

霜樹分寒色煙蕪合暝陰帆來蜀門險路入郢  
城深群盜爭雲擾諸公任陸沉秋風憶歸客撫  
景泣南音

登鼓樓崗

崗形拔地起樓勢倚天椎杖屨重來處江山四  
舉通紅雲雙闕上芳樹半城中千載秦淮水隨  
潮日向東

登慈姥山麓大悲閣

仄磴懸崖曲驚濤撼閣虛龍疑排岸始人似逐  
舟餘客席時窺鷺僧齋日飲魚坐忘何處客世  
慮本來疎

登天池山

盡舫阻溪橋藍輿度嶺遙花春千嶂麗水暖一  
池嬌入寺齋鐘徹尋村酒旆招山遊不至醉容  
易客魂消

經山寺

山寺無僧住雲深擁碧杉禪床鼠綠走佛供鳥  
窺嘶蘿幌搖廊壁苔花覆截函經行眷幽寂竟

靈城集卷十一

八一

日此停驂

遊古巖寺

石曲走清泉巖深控紫煙風花飄杏磴雲葉翳  
芝田碑刻多名筆僧齋之施錢三車如可御覺  
路禮金仙

遊峒山寺

街沙涉波路十里訪名林捫磴煙蘿滑鳴琴石  
室深鳥吟山雨霽僧飯樵雲陰千載桓司馬能  
傷此日心

渡江遂登金山寺

江深不見寺忽聽霧天鐘過客乘舟覓歸僧杖  
錫同盤盤鷗聚石門掩鶴巢松此境隔人世絕  
無樵牧蹤

之我竹行嘉陵道中

叱馭轉崖懸征途出半天青林標錦樹丹壑絡  
蒼煙絕境攢峯外奔雲噴瀑前三我竹行可陟佛  
現爾應賢

初春同方承德宴巖溪亭

高亭開絕巘迴磴俯脩鄧巷陌雙溪抱雲霄一  
塔懸傳觴留晚興與觚翰奪春妍歸路梅香裏林

靈城集卷十一

九

雷翠連

巖溪亭遲子敬

蘿磴曲盤盤蒼松覆短欄高亭窺萬井虛席倚  
層巒超曠延孤賞登臨近所歡頻聞屐聲近延  
望碧雲端

登吹臺

苑廢名猶在臺荒漫草萊登臨曾李杜宴集幾  
郢枝旭日平原迥層城宿霧開放歌今日客不  
盡雍門哀

登鳳凰臺

十里尋幽勝支筇此獨來重遊龍虎國一上鳳  
凰臺落日蒼茫裏遙山紫翠開大江流晝夜東  
下勢雄哉

登東海城

麓斷群峯會波通四海圍城危依壁立島黑有  
龍歸周覽憑雲堞長吟送浦暉乘桴遲明發風  
色莫相違

遊靈隱寺

覺路空門啓龍宮蒼嶺迴天花飄法席石竹擁  
香臺禮佛青蓮見翻經貝葉開更憐歌吹入延

靈城集卷十一

十一

賞獨徘徊

靈山寺遊

雨墜羅蒼靄風巖曳紫煙寶花獅座擁舍利鳳  
旌懸廊影搖初日池聲逗暗泉願言歸淨域從  
此度迷川

發勝果寺絕頂

境出中峯勝江湖表裏開嶼盤雙鶴下潮掣六  
鰲迴地濕風全冷山空月早來孤城迥煙霧燈  
火動樓臺

雨晴遊問政山

春期淹雨徑宵興  
爽雲岑晴景搖芳氣  
遊人開賞心  
花丘行曲折  
竹塢度幽深  
况值榭如渴  
酒家何處尋

晚登重慶城

城壁依崖峻  
層雲出市樓  
高低隨嶺勢  
環帶夾江流  
割據初憑險  
登臨自結愁  
渝歌不可聽  
沿月下蘋洲

遊武夷山三首

攀蘿曳竹杖  
來謁武夷君  
峯壁緣空翠  
松門啓洞雲  
臺荒餘漢祀  
石墮失唐文  
底事宿雲曲  
曾

全叢城集卷十一

十一

孫不復聞

聞見符今昔  
窮躋一徑賒  
竹抽霜後筴  
茶放臘前花  
入洞探靈異  
盤崗歷曲斜  
幔亭開宴處  
芝木長青霞

峯降初拋屐  
溪浮乃問舟  
澗迴灘石大  
深憇桂嶽幽  
精舍在何處  
昔賢曾此遊  
空餘九曲水  
源

同率濱社諸友登上湖山出資口至屯

溪作三首

積翠高高處  
春雲萬壑旋  
綺筵臨險絕  
珉刻寄

幽偏秀句山靈護  
深杯地主傳  
後期君儻續  
應念此留連

返策遵林麓  
村扉叩始開  
竹風寒痺痺  
苔露白皚皚  
澤雉衝人過  
村鳥伺食來  
茗甌消酒渴  
搖筆更登臺

結伴青春子  
行歌挾市倡  
步移沙草緩  
聲入浦雲長  
嶺日驚遲暮  
花天趁艷陽  
逢場共爲戲  
無

訝鬢毛蒼

登浙嶺

峯迴仍峭拔  
徑窄有摧殘  
藤蔓橫牽袂  
松枝低

全叢城集卷十一

十一

礙冠息陰危  
坐久度險疾  
行難想見吾廬好  
雲中拭目看

遊萬壽寺

覓寺紆雲曲  
依橋取路平  
入門松雨急  
倚杖竹風清  
寒意先秋肅  
虹光映日成  
高僧不相值  
誰爲煮茶鐺

早春同鄭信之登鳳山臺

臺壘倚龍提  
溪山杳靄中  
客遊當勝日  
花信動初風  
梅凍枝猶裹  
雲流壑已通  
早春心賞洽  
猶喜故人同

登靈金山絕頂

日招三界人煙暗四圍樹深方氣合泉動白  
光飛遊賞群情洽瞻依萬象歸百年今始到四

同揚山人入黠坑至高山坪

愛山又成癖長往入雲深况接高閒侶偶諧超  
曠心垂蘿捫絕巖落木見遙岑更上高坪望佳  
城闕至今

入武當山八首

漠漠煙林暝蕭蕭風徑秋松聲振壑動霞氣抱

靈城集卷十一

十一

峯流境入仙關勝山連洞府幽後期君莫訝先  
夢此曾遊

投宿王虛宮紆餘一徑通雲房松塢側石榻茗  
煙中鶴警宵分露猿吟嶽頂風所欣臨絕境延

賞對壺公

陟嶠越崇巔鐘聲破曙煙青林紅日外攢石亂  
雲邊山禁無樵採崖題有字銷深憐汝草木咸  
得盡天年

靄翠擁週遭崖樓紫殿高泉流石壁破樹色嶺  
雲包滄與幽奇接肯辭登頓勞松蘿如可服吾

此謝青袍

路轉懸崖半行驚從者疲却憐雙屐健不用二  
筇支興入雲俱逸詩將境並奇雲峯七十二編  
歷獨安之

磴鑿接升降三天轉洞門千盤不到頂屢憇自

驚魂漸近聞仙樂纔通見帝閣巍巍雙闕峙整  
絜五雲屯

天柱中峯嶺城深闕紫霞翩翩駐羽節片片散  
天花上帝端居又遊人屬望賒我來叩金闕不

為問丹砂

靈城集卷十一

十四

房仙種杉處遙控五龍宮洞濕歸龍雨巢危  
鶴風雲根搖白石霜葉下丹楓悵憶希夷子神

馳太華中

歲暮偕揚左王三山人暨汪執中虞中

曲分龍嶺越嶂而東登南山絕頂至

許宣平築室處二首

南山最高嶺仰壘出層雲拔袵登非易蹇蘿興  
不群迴峯凌峻極積翠入清芬倚杖氤氳上蒼

蒼俯八垠

浩蕩連雲海縈迴控水源雨飛高作雪煙起



知村不見來歸鶴徒聞叫嘯猿尋真此時侶延  
壁壁霞軒

冬夜同遊侶七人宿銅坑山家

探奇千仞嶽投宿一家村稚子驚看客居人促  
閉門風生疑過虎月落不聞猿僮僕謀沽酒燃  
燈共舉樽

登峴山

憑高臨峴首引睇極雲天斜日巴山外高風塞  
鴈前人歸皎浦月帆驚鹿門煙不墮看碑淚誰  
知叔子賢

靈城集卷十一 十五

同率濱社諸友遊齊祈寺

蓮宮出蒼莽蘿磴轉深幽茗盃淹僧話松門快  
客遊輕雲非宿霧盛暑似深秋翻訝薰風冷絳  
衣不可留

九日同社中諸友登靈金山二首

探奇結伴遊挿社此峯頭煙白村村午霜黃樹  
樹秋千盤凌絕嶺百丈漱飛流佳節延心賞清  
樽未易酬

曳杖憑雲慣張筵席地便一樽延倒景九日集  
群賢芳菊黃華令新詩白雪篇聊將一特興疑

睇蔚藍天

登池州城

異國春為客高城暮倚樓風雲忽變色天地迥  
含愁木盡山全出潮平水逆流遙空有歸鴈  
侶叫相求

江上同方二步至吉祥寺遂登毘盧閣

經丘欣共賞入寺記曾遊覺路從來近恒河不  
斷流晴莎一色淨古樹半身留更縱諸天目終  
湏到上頭

遊惠山寺同汪二

靈城集卷十一 十六

綠水臨初地青山啓化城尋遊二客到出定一  
僧迎樹古增苔碧泉春帶雨聲瓢分漱耳列香  
試煮茶鐺

遊紫陽庵

盤磴飛鳧舄登亭訪鶴仙蛻存經幾劫市近出  
孤煙墮石崖相倚飛泉雨獨懸歸來定何日城  
郭想依然

早春安平借博支上舍射陂刑曹東城

游矚二首

趁得春遊早鶯花爾未知何人曾載酒我輩共

尋詩目涉多成趣心裁擬吐奇誰家紅袖女爭  
唱踏青詞

勝日招携黍芳樽暢飲同地卑滄海接村迥自  
煙通冠蓋追遊處江淮指顧中酣歌延落景縱  
步受吹風

同吳懷梅靈谷寺遊作

靈谷重來好高僧一見親萬松森夾徑群鹿近  
看人半偈知真諦三生話舊因君看功德木泉  
咽雨流新

登金山寺同吳文學

靈城集卷十一

十一

大江浮碧裏柱立出峻嶒遠致探奇客閒居入  
定僧樓臺疑蜃吐鐘梵起龍聽試軟中冷水枯  
勝喜自勝

松膜團陰翳江空積氣通秋生四水上暑散八  
風中盡日能留我茲山不負公夕陽鳴櫂急呼  
酒浦雲東

聖海

秦壘倚岩巖南溟引睇遙拋毬紅出日滾雪白  
飛潮雲遠龍雙挂樓空蜃半消樓船徐市去不  
見駕歸橈

麻姑山

一爪仰神功奔流噴玉虹田秋二稻熟泉古半  
崖通靈觀高霞上丹丘壘巖中不曾桑海變此  
地有遺縱

登雙清亭葉三載酒散繼至

路出丹厓半亭臨碧水幽坐忘三伏暑倚快一  
天秋擊石金聲振開樽臘味浮載殺來好事沙  
上覓漁舟

遊富樂寺寺在綿州劉豫州據  
當時曾遊若于此

靈城集卷十一

十一

出郭剛三里入山深幾重碑殘多積蘚寺大不  
藏松地僻遊人少僧閒對客慵英雄誰復問禪  
寂自為宗

同葉子游薦福寺

名寺尋宜速先春到亦遲堤盤夾湖路梅折向  
陽枝佛壞居人慢亭新過客疑雷轟幾百載猶  
有魯公碑

過朝天宮沈道士館

子徑重門啓雲長九曲連院留楸局對竹倚茗  
杯傳鶴瘦行相並驚異轉未圓偶來隨所適元  
不為談玄

游泛

峽中縱目

峽路七百里游觀何奇哉楚塞哀後斷巫山香  
雨來雲流白帝樹風到荆王臺客心非欲速無  
假片帆催

萬流驛西峽行

巴江沂一水楚塞繞千山濕霧濛濛合垂蘿  
裊裊風來虎嘯崖石墮猿攀愁絕青楓外陽  
臺引領間

渡湘江

靈城集卷十一

九

拋履盧溪嶺揚帆八折河渡臨湘水曲回望楚  
雲多竹雨清樵徑蘭風起權歌蒼梧秋色遠遺  
恨泣英娥

同諸族彥浮筏至郡城

輕風颺竹筏綠水開華樽村市相縈帶磯潭互  
寂喧山遊興未已客醉默無言明日紫霞路藤  
蘿還共捫

由金沙灘過湖至許公新墅

旭日金沙麗晴雲碧樹稠庵迴瞻上利湖溢引  
輕舟取路遵堤近登亭瞰浦幽使君多道氣別

紫似瀛洲

三月三日射陂于官庄省幕歸至涇上

園同泛舟西壕作

上塚龐公返浮觴逸少同招尋酬今節歌詠暢  
春風岸曲迎舟轉壕深仰雨道桃花休笑客看  
取醉顏紅

至海上

夙慕滄洲好今來願不違波澄宿潦盡蘆老亂  
花飛夢想三山近行看四瀆歸相親白鷗鳥早  
識我忘機

靈城集卷十一

二十

懷古

萃清宮

斷竊披迴磴丹臺俯翠岑雲封松殿寂雨積薜  
墀深想像鳴鑾處遲迴古碣陰溫泉罷臨幸天  
寶至于今

白帝城春壘

峯壁隱斜曛城高出斷雲繁花獨樹見哀伏半  
空聞故壘憐稱帝新宮痛敗軍英雄前後事不  
泯一時勳

楚王故城

荒塚穿狐兔閒花較白紅雨餘春錯莫原迥草  
手茸樹勢猶環郢江流自繞宮城隈一引領感  
古思無窮

泉磯廟

吳女何年廟吞雲覆島幽舳舻無數過鷗鳥一  
雙浮賈客增花籃歌巫掣寶鞞劉郎去不返唯  
見蜀江流

經五丈原

風色高秋暮荒原落日悲猶連雜耕處想見出  
師時積草填空壑頽雲覆古祠從知星隕後歐  
血至今疑

血至今疑

寶子山武侯祠

雲碧樹參差山深漢相祠秋霖墻舊塌寒幄鳥  
新窺禮樂興無日明良會有時猶餘出師表千  
載接雄辭

謁隆中祠

山碧古隆中雲深竹木豐陰廊晴貯雪午谷騰  
面風伸毅功名異伊姜出處同空期保巖阻魚  
水荷成功

夔州諸葛武侯祠

祠據層城上衢連一徑斜陣圖猶聚石江水自  
衝砂征伐紆籌策安危繫國家至今臣節著日  
月並光華

龐士元祠

地著英雄蹟關傳白馬名新祠昭不朽遺像儼  
如生雨草迷殘碣春山入亂耕當時上計用應  
見益州平

富春山嚴先生祠

伊昔年裘隱高風激至今釣耕遺址在祠宇此  
江濤出處干天象徵求切帝心雲臺應草莽無  
跡可追尋

跡可追尋

岳武穆王墓

岳王埋骨處喬木蔚參天忽墮南枝淚猶悲北  
伐年遲迴立丘壠惆悵對山川南望宮蕪碧蒼  
蒼接浦煙

謁秀山梁昭明太子廟

福地標丹殿名區俯碧津寶籙長挂壁玉座久  
生塵祀典崇終古坐歌奏令辰選文昭作者來  
學荷陶甄

霞城集卷之十一終

霞城集卷之十二

歙程誥自邑撰

目錄 律詩五言共九十七首

感述

喜車駕還京 辛巳年

寇至婺源移家郡城

春愁

聞邸報

駕幸承天府

巴南舟中始見白

髮

還山後作

舊業

夜坐寄思祈

歲暮述懷簡際明

書懷

蜀中得家書三首

經舊館有懷

倦遊

至會里

秋懷故山

觀新雨

冬曉偶述

同吳思遠登陰山

序

六月八日率口遇

江廷榮謂予春暮已死因戲為短句

獨往

秋浦對雨感懷

宿姜良父舊居今易主為旅店

宿居侯樓

塞上

經揚子灣與吳德微別處

一室

吳門春暮寄子石

歲暮得朱刑部子价書二首

秋後五日作

簡許憲使

吳文學道南朱憲部子价集飲四照亭

上予卧病不與聊示此詩

九日見菊思家

旅夕聞鴈

尋訪

冬夜張子言見過

南山尋許宣平故居

江陵過李濮州

登書樓

過北巖寺聰公方丈

北巖寺居李高二子携酒微見過

歲暮王亮卿孫貢甫過草堂

陳達甫王亮卿過訪僕適卧疾不得延

歎于其歸後作詩寄意

歲暮郡城寓居許惟賢王亮卿過訪

過鄭廉夫

閔之行見過北巖寺居

諸友將結社天都峰下余子元復鄭子

過新過溪上見招適值子山遊歸

魯上惟端過訪溪上

易上俊見訪錦里館居不遇

左舜齊過訪夷門市居

同鄭宜述過左舜齊宅

過洪真師山居

冬日鄰父過茅堂述贈

過潘處士傲莊時予有關西之游

同尚二過伍山人江檻納涼

過汪伯淵江上館

大懷集卷五

三

紅崖山中尋張逸人

過鄭伯真雲思山房

宿王處士翕濟上草堂

飛霞子過訪濟上草堂

忠州同王山人尋仙將軍山居二首

青城尋韓道士隱巴蜀山

過鎮雄程使君洗時生紫瀘州獄

訪李海州枝於淮北淨名寺留宿

訪徐伯生高塔書屋

過雲巢子

濟中尋孫處士貴

山居二首

過鄭伯梁幽居

過西山草堂

夏日過余子敬

過小竹林赴王亮卿山行之約

重過時瑞

思祈書報童劉二

子見尋

過多竹居

紫極宮訪劉安元

汜口宗人賜率口宗人現實過訪溪上

赴率濱社隨披嶺諸君子來迎

過擇墅訪元復思祈

客至山堂

夏夜宿擇墅呈梧野

過北溪口尋李處士

寧福寺尋璋和尚不遇

同江大過方氏山居題壁

尋耿逸士不遇

吳門杜氏園亭訪宗伯昭

雪蓬子過訪溼上園

張尚寶過園上

過楊干寺宿海上

入房

宿靈金菴中

過童憲部鍾山印第

大懷集卷五

四

過羅汝丞新河寓居

報恩寺紹璇上人房

吳石過訪客舍

過仇本和江上 過潯山別業賦贈方鍊

律詩五言

感述

喜車駕還京 辛巳年

輦道廻清蹕 天門赫九閭 春風萬象麗 日馭六

龍歸虎衛 元丹禁鷄鳴 更紫微頌 頌聲歡萬國

帝德本垂衣

大集卷三

五

寇至婺源移家郡城

反側新開縣 姚源歲月深 招安隆 帝勅效

墮軍心 到處張黃纛 爲辟走綠林 旋聞

擔立對沾襟 謝靈運詩

春愁

歲計田園廢 春愁草木華 風塵思學劍 江海夢

浮家 寇邏遮移牒 軍糧困運車 一丘蕪穢久

斷邵平瓜

聞邱報

胡虜春徭徼 徵兵羽檄飛 星馳已徵報 烏合大

同圍短劍心 猶壯扁舟願 故違將軍誰 汗馬

天子自宮衣

駕幸承天府

南幸馳皇旅 春風入郢畿 途驚八駿速 陵憶五

雲飛 邱日承花麗 爐煙駐柏微 聖心襄事重

歌頌報春暉

巴南舟中始見白髮

經傳三千卷 光陰四十年 已成頭種種 空爾腹

便便 巴蜀行將半 荆吳夢即旋 真慙名未立 虛

歷禹山川

大集卷三

六

還山後作

萬里還山後 幽棲獨避喧 自甘倚草木 誰擬

丘園 國士銘肝報 山妻笑舌存 依然舊蓬門

掩歛西村

舊業

舊業臨河上 青林面翠巒 出處先世有 花鳥早

春繁地 近千家 市溪連七里 灘非熊 不遇獵終

是 把漁竿

夜坐寄思祈

觀星夜不眠 熒熒犯天回 病骨疑將雨 貧心望

有年回風吹斷柳衝席度驚蟬漫有移家計江湖夢釣船

歲暮述懷簡際明

子桑多病後回也屢空時嘗水知高味增年逼老期過門慙長者中饋任癡兒紙裹錢應在春來足酒費

書懷

舊業今餘幾閒心已負初持掄悲鷓鴣蚌舍取歎熊魚貧喜無干刺歸應有敞廬時情元自好吾病獨何如

蜀中得家書三首

七

久客依江邑書傳故國新歡騰簷鵲曉愁破砌花春未白親雙鬢俱安族有人萬金真自慰醉酒肯辭頻

婦病拋衾枕春能力骨憊應憐未歸客預擬製寒衣武仲行當事龐公願莫違耕耘吾共汝生計未全微

兒嬌從失學女嫁漫愛貧鬻火期他日和熊羆昔人向平終畢願季路尚迷津何日歸丹壑林棲寄此身

經舊館有懷

荆花游處今來花下尋佳人獨不見落木一何深月滿偏窺牖風高故撼林相思猶一縷長繫到來心

倦遊

垂柳迴溪上飛花曲岸邊蛟龍遇淺水鷹隼恣高天阮籍宜長醉陳三不受憐殘春倦遊者心折落花前

至會里

故里西來日伊予感慨深源長有流水樹少不成林相府雙池在民田四境侵悽然一下淚非為聽鳴琴

秋懷故山

蕭蕭十日雨秋館似嚴冬爐暖初圍坐衾寒欲就烘病軀愁偃卧鄉信怯聞封舊業黃山下茅堂對壑松

觀祈雨

旱劇郊雲赤天心禱莫迴有風翻颺暑不雨但鳴雷稼穡何多難蓬萊未始栽感時吾欲賦媿乏質生才



冬曉偶述

簷溜殘宵滴庭霜蕭曉晴泉流出石潔風響入  
松清久病憐妻子無聞媿友生著書聊自見不  
是擬窮卿

同吳思遠登蔭山亭

短杖高雲上孤亭列嶂中相逢如昨日一笑各  
成翁花弱難支雨松喬易入風明年春更好心  
賞與君同

六月八日率口遇江廷整謂予春暮已

死因戲為短句

不復賦卷五

九

一笑吾猶我空傳骨已仙再生今日得忽見故  
人憐綠水浮舟處青山拄杖前途君是異世詩  
酒應前緣

獨往

層巘澄溪上中心樂考槃漁樵自為伍微嚴易  
加餐獨往從吾好長貧失友歡天都傳吟社緬  
邈五雲端

秋浦對雨感懷

漠漠初霽幕飄飄忽近床登樓見風雨開篔簹理  
衣裳乘燭看裁剪題書憶寄將十年驚死別孤

客此江鄉已亥秋七月室人告逝距今已酉  
後及十年念離傷甚為之愴然

宿姜良父舊居今易主為旅店

荆扉扃已盡庭館迥深幽四壁蛩聲夜半窻風  
葉秋鸞儔宛丹穴鶴夢隔青丘依舊鄰人酒沽  
來不解愁

宿居俟樓

驅馬征途夕樓深假榻樓浦雲依棟暗窻月墮  
江低揚彩將儀鳳先聲已報鷄朱暉會杲杲垂  
照萬方迷

塞上

不復賦卷五

十

黃雲幾千里白草覆龍堆落日孤煙外飛塵數  
騎來胡兒空歎寒漢將早登臺千古琵琶怨和  
親事可哀

經揚子灣與吳德徵別處

舊路分携處今來十九年合悽望雲樹念別間  
山川萬死迴恩澤全生出瘴煙如何臨此地不  
見爾歸旋

一室

一室白日暗屏居久無營眠多隻履失寐少一  
燈明客况寬歸計醫方昧病情同聲白社客應

怪我寒盟

吳門春慕寄子石

叢篠高齋次迴汀曲岸東垂雲陰不雨積氣熱  
生風滾浪翻深碧吹花墮亂紅傷春江上客不  
與去年同

歲暮得朱刑部子价書二首

一丘欣有託十口笑無資星士從談命山人索  
贈詩病深臨老境吟苦少閒時未即填溝壑何  
辭困路歧

別久朱夫子書來慰暮年各天如對面負郭許

求田溫飽慙初志

招尋荷大賢躬耕合長往將

老射陽天

秋後五日作

秋風吹病起村午葦門開骨力形容變情踈故  
舊猜年侵扶杖得寒早授衣催種秫年無望唯  
應罷舉杯

簡許憲使

伏枕卧終日雙扉闕午煙高風下朔氣細雨入  
簷天病益穠生懶貧知孺仲賢深秋倦游客歸  
夢歛西田

吳文學道南朱憲部子价集飲四照亭

上予卧病不與聊示此詩

上客高軒過同聲詣我遊壺觴終日樂觚翰總  
風流賓主于斯美亭臺不外求忍看螭蟬月獨  
負菊花秋

九日見菊思家

寒露團叢菊高雲色竝奇陶公盈把日杜子再  
逢時卧病愁看汝閒居醉對誰一觴酬令節高  
詠落英辭

旅夕聞鴈

怪爾隨陽鴈中宵且獨飛驚風鳴不定衝雨去

安歸浦失行初斷江涵影漸稀天涯有令弟淚  
濕別時衣

尋訪

冬夜張子言見過

曳杖君敲戶收書我下床剪燈花更笑炮火栗  
初香陋巷貧何有中途興不忘茗甌延夜未清  
晤意俱長

南山尋許宣平故居

心期撥瑤草扶杖陟崔嵬徑狹緣雲密禽喧

客來猶疑沽酒出未即賁新回何處尋高跡碧  
桃雲外開

江陵過李漢州登書樓

愛爾樓居勝闌干俯碧空獨超羣囿外屹立八  
風中典籍存周監河山挹楚雄著書何日畢更  
進杜門功

過北巖寺聽公方丈

久不踐斯境重來風物清巖雲濕更白江日墮  
偷明暗語淹禪衲招尋仗友生廂西舊樓榻幾  
度聽鐘聲

北巖寺居李高二子携酒散見過

十三

道跡巖阿客君能狂顧頻才構慙汎愛地僻稱  
翰真臥室纔容榻張筵故假鄰徒勞載殺酒不  
是草玄人

歲暮王亮卿孫貞甫過草堂

火燈麥香滑茅堂一妙道論文增藻思擊節賞  
樵歌聞嘯初疑鳳能書不換爲愧無兼品僕投  
轄欲如何

陳達甫王亮卿訪僕適臥疾不得延

款于其歸後作詩寄意

疾疴幾年劇經旬獨閉門無人主中饋有客過  
高軒室暗燈常照厨空鼠自喧悵然到二妙心  
賞共誰言

歲暮郡城寓居許惟賢王亮卿過訪

車馬交馳處紅飛十丈塵偶來扶稚子寡按惱  
北鄰原憲元非病嵇生嬾是真多君憐野逸相  
過問松筠

過鄭廉夫

君居長林里我住臨河濱村徑相望近經過不  
覺頻形忘虎溪笑逸逼竹林真每得留連久誰

云甕釀醇

十四

閔之行見過北巖寺居

磴雨增苔滑林風攪樹寒校衣驚節換著屐杆  
山盤匱韞將完壁居同久化蘭論文須信宿莫  
厭蕨薇餐

諸友將結社天都峰下余子元復鄭子

思祈過溪上見招適值子山遊歸  
雲嶠初回駕煙莎引睇餘斷橋紆步屣投刺及  
歸廬松翠推窗入溪光側席虛天都眞結社長  
往束琴書

詹生惟端過訪溪上

貧病且鰥居多君過敞廬比鄰供茗盃中饋罄  
移疏難下高人榻空勞長者車更憐垂索返真  
擬解嘲書

易士俊見訪錦里館居不遇

聞道過江邊揚鞭耀錦韉尋詩衝溽暑立馬向  
脩郵而我投山寺依僧漱石泉晚涼旋杖屨吟  
望悵高賢易為蜀上侯

左舜齊過訪夷門市居

樓居暑氣逼赤日轉西堂後此塵鷲雜憐君迢  
近來裁詩頻促席說劍一停杯忽漫森秋氣高

風下綠槐

同鄭宜述過左舜齊宅

聞隨廣文老來訪素臣家庭雨深留客街泥想  
沒車盤餐燕野味詩語接烟花歸路何嫌遠高  
賦任暮鴉

過洪真師山居

盡日掩柴閤天資隱者閒無名鷺白眼有缺駝  
朱顏雲宿依簷下泉流出石間鶴鷄三兩隻相  
趣啄苔班

冬日鄰父過茅堂述贈

暗麝逗梅香新苞綴海棠暖多春故早歲近日  
微長舊敵誇棋進新知恕酒狂鄰翁重幽賞日  
月過茅堂

過潘處士傲莊時予有閩西之游

秋風洛下墜落葉滿丘園羨汝事高尚伊予駐  
遠軒嶽雲浮太室關樹擁輶轅後夜西遊返還  
同諷道言

同尚二過伍山人江檻納涼

虛閣錦江濱閒情寄水雲看鷗沒浩蕩下榻接  
氛氳暑氣無三伏秋光足十分相從有詞客雙  
賞到斜曛

賞到斜曛

過汪伯淵江上館

江上尋君處茅堂據地偏斷垣歌岸側曲徑延  
鷗前灑翰搖斑管浮杯敞玳筵宋能尉客益  
見主人賢

紅崖山中尋張逸人

衝暑度嶙峋山遙訪逸人院松蘿蒼翠崖瀑漱  
飛瓊磴潤侵携屨溪涼趁脫巾相逢話幽事却  
悔住城闌

過伯真雲息山房

丹崖擁翠峯一徑入雲深梅古多高格禽春自  
好音洗樽臨濕瀉敞席俯林陰不有高人遇胡  
為酬賞心

宿王處士愈濱上草堂

嚴風靜草堂中夜攬衣裳病廢樽罍久談消箭  
漏長四屏張兩牖一榻下懸梁獨有幽居念憐  
君道氣昌

飛霞子過訪濱上草堂

控鶴仙人駕潛蚪處士居繁壺沽市酒檢卷問  
方書質義沉痾釋徵言拱壁如醉歌淹暝策江

白月沙虛

忠州同王山人尋陶將軍山居二首

迴梳遡湍浪步巘越烟霞遠挈雙鳧鳥來尋五  
柳家不醫無白髮可化有丹砂誰道來轅絕天  
河有漢槎

相逢非偶爾萬里對談心勁竹扶風直重雲隱  
日深白圭輕一玷散帚重千金何物寒蟬小知  
時嘒嘒吟

青城尋韓道士聞已出山

尋師棲隱處松靄碧依依日暝峯背路樵歌天  
外歸藥成令虎守鳥去化鳧飛不陟雲巒貴空  
期欵竹扉

過鎮雄程使君光時坐繫瀘州獄

為有宗祧好頻來欵禁扉鞞鱗猶抱泣籠鳥欲  
高飛暑氣披衣入天光捲幔歸覆盆終自舉會  
燭太陽輝

訪李海州枝於淮北淨名寺留宿

渡遠青蓮宇相尋浦日曛我來簷鷓噪僧飯木  
魚聞葉擁堦同步雲棲榻半分蕭然寒月色茶  
話對爐薰

訪徐伯生高堦書屋

經時不接見畏暑慵出行車對高堦酒懸知此  
日情翠團松蓋密黃覆稻雲平預有中秋約還  
來共月明

過雲巢子

好客似君無家貧媿所須鄰壻過新酒瓊饌出  
中厨德潤真忘暑談深忽及晡山橋路不遠歸  
醉杖能扶

濱中尋孫處士貴山居二首

西京盛文物茲地有王褒今古才非乏山川氣  
足豪閒居宜暮景芳譽進時髦後代看今日前  
賢見汝曹

郭外幽居遠行歌到竹林啓扉山鳥諫敞席野  
雲深新論超流俗清齋見道心醉歸江許晚月  
送過岑陰

過鄭伯梁幽居

卜築此身潛幽棲歲已淹月窺橫竹牖雲宿刺  
藤簷山菓垂枝熟溪魚取價廉客來知不厭相  
過意何嫌

過西山草堂

綠樹重雲外青山十里餘行過楊子宅借看鄰  
侯書架帙清芸蠹盤餐間圃蔬任情無檢束真  
稱野人居

夏日過余子敬

握手丘園暮還傷久別心逢君十載後怪我二  
毛侵席及通荷氣杯長倒樹陰何慙襍穢子衝  
熱此相尋

過小竹林赴王亮卿山行之約

重來小竹林有約此追尋境出迴峯上雲盤曲

磴深垂蘿侵曳屐芳樹起披襟漸近幽奇窟君  
先得我心

重過時瑞

石磴蒼松下茅堂碧水濱入門籬菊粲倚檻甫  
鷗馴童子看人喜多君好客真茗甌相對意絕  
勝甕頭春

思祈書報童劉二子見尋

經春不出門兀坐對昏晨苔積蒼崖古花驕白  
屋貧案香芸帙滿杯紫莧蕘新信有同聲客尋  
詩到野人

過多竹居

村徑衝殘暑山堂轉麓斜主人要看竹童子職  
供茶架瓠延青蔓垣薇著紫花儻留予僕住愛  
此榻雲賒

紫極宮訪劉安元

爾迦嚴陵瀨來為飲浦遊戔昔經水磔下榻借  
山樓霧變初晴雨蟬吟未夏秋高高翠微裏而  
我此相求

漢口宗人陽率口宗人祀曾過訪溪上

鷓鴣元鳳族梧竹世林棲接盞來溪上齊鳴下

西乘軒羞衛鶴照水失山鷄五色揚朝彩丹  
丘路不迷

赴率濱社至隨披嶺諸君子來迎

社約將馳赴山遊忽見尋同聽紫芝曲獨契白  
雲心鄴下群賢讌香山九老吟重來率溪上灑  
翰意何深

過樺墅訪元復思祈

複嶂層雲外丁丁伐木聞地偏真隔世墅遠獨  
尋君鵠志存霄漢龍蟠待雨雲按圖誰索驥曾  
謂已空群

客至山堂

谷口蝸廬小雲根鳥道斜招尋來上客供給媿  
貧家野齋晨登膳山泉夜煮茶猶存一樽酒留  
醉海棠花

夏夜宿樺墅呈梧野

窻虛受月光氣白露濛濛夙約敦松徑幽襟靜  
夜堂檢書螢火耀煮茗石泉香騰可延清賞無  
勞卧上床

過北溪口尋李處士

斷峴臨深壑迴汀倚絕垠泉聲聽漸近山色望

如新竹徑從遊蔣桃源覓避秦欲隨流水入谷  
口問居人

寧福寺尋璋和尚不遇

名山尋上刹松遠色蒼蒼斷峴迷叢篠高雲覆  
翼廊梁新經雨洗佛壞變金粧茗盃供童子要  
予坐法堂

同江大過方氏山居題壁

農務高秋畢山莊一事無田租豐歲足國賦及  
時輸城郭歸何晚盃盤興不孤細若知效客鷄  
黍出中厨

尋耿逸士不遇

白雲萬重裏翠巘四圍中寂寂雙扉寒微微一  
徑通爐溫猶宿火帙亂自翻風何處歸來晚山  
山桂樹叢

吳門杜氏園亭訪宗伯昭

林繁千門裏舟航一水通樹深全擁碧花盡不  
留紅同是傷春客居然避地翁行看破巨浪萬  
里駕長風

雪蓬子過訪涇上園

疾病踈人事羈孤念友生偶來通短刺久晤見

高情竹翠浮衣桁泉香出茗鑪長晴春氣早谷  
口有遷鶯

張尚質過園上

淺色青窺草新香玉破梅涇西宿館啓天上使  
搓迴園夕鳴駒過湖風挂席催成言即別去萍  
水易興哀

過楊干寺宿海上人房

一百八聲鐘黎明警寓公功超一宿覺夢斷六  
根空窻曙初疑月衾寒不禦風山遊未歸客禪  
榻此宵同

本霞城集卷之三

二十三

宿靈金菴中

青山此鬱盤夜氣白漫漫片月依松靜孤英綴  
露團放歌千仞上投宿五雲端九月峯頭客重  
裘不奈寒

過童憲部鍾山邸第

鳳闕青山麓仙郎解守鄰談玄多羽士衣白着  
山人吏隱寰中久神遊物外真相逢如昨日獨  
髮髮毛新

過羅汝水新河寓居

尋君江上館不憚郭西遙杏酪更新火柴門對

落潮論文剛盡日下榻忽分宵不寐聞橫笛何  
人驛浦燒

報恩寺紹璇上人房

坐久已公房松陰轉翼廊初程超彼岸覺地詣  
何鄉老去嬰奇疾閒來問秘方茶瓜留晤語禪  
榻對焚香

吳君過訪客舍

主病僕偶出高軒適見過馬鞍君即卸鷄黍我  
云何厨饌鄰墻接朋游酒伴多招邀當繼至共  
飲籍筵莎

本霞城集卷之三

廿四

過仇本和江上新居

艤櫂尋幽隱君家菰菴南渚花秋晶晶門柳雨  
氤氳既見燒茶竈相追挈酒甌篙師不暫往隔  
浦接高談

過潯山別業賦贈方采貞

青山俯碧潯雲物鬱森森玉髓春崖足滄波暮  
雨深游魚逗芳藻啼鳥韻幽林衆妙遊觀處悠  
然會此心

霞城集卷之十二終



霞城集卷之十三

欽定四庫全書

目錄律詩五言 九十四首

送別

送內江湖明府巨卿

送馬山人遊泰山 送方時湘遊淮南

送王啓明僉憲赴蜀

送王處士歸蜀 送江進士宰高安

送楚秀才從軍

津上送王都統昌赴宣府

本霞城集卷之十三

送魏侯謫城南中

蜀門送余傲之歸邵陽

巴南送張大之許州

求寧送王道士入武當山

送李胤夫赴中書選

章臺臺下餞桂侯 送梁太

送祁道士入武當山

暮春夷門李公席上送胡仲陽歸蒲圻

送鄭子冲北游

送冷子鳴叔下第還蜀

送穀二之武陵

送柳書記從叅將胡公南征

送耿處士歸華山

漢上送袁大歸剡中

送陳山人歸皂閣山

送族叔暉赴試 送春谷子遊沛中

送方子良吳遊

送族弟思文遊宋中

淮上送余宗參還歙

送王卿之蘇州

本霞城集卷之十三

送孫宏弼還資中兼訊其從父龍谷翁

黃州城西送方 送陳時中歸

大梁城北樓餞鄭明府溥

送楊將軍赴援雲中

送海印子 送安元歸錢塘

送汪古脩之襄中 送程子均之吳中

送汪子石之吳 送余郎遊宋中

送東平方太守 送孫二之荊州

送桂子實之武夷

蕪湖江口送汪仲思兼訊張熙中

別胡仲翔

錢塘送傅木虛

送施將軍赴京

贈別汪仲思

曉過溪上送四子不及

赴淮南方為瀾汪有秋餞送至沙溪橋

過方城山人叙別

元日江上別劉典膳城

發江陵東歸留別藍半村先生

清江關口別余汝

南雄別吳德微

宋中與鮑世重別且有遊松少之約

蜀中別王方伯忠

別吳郡

發瀘陽之成都雲巢子挈汝厚追餞

未寧贈別黃道士 淮上別張巽卿

別于德

別栢子貞

白下別方時湘

園夜送別陸丈歸淮陰二首

送方兵曹赴京

石頭城下別汝敬

安平送姚贊府還海門二首

送鄭思行之遂昌省其兄邑博公

白沙逢余子陳却送之金陵

山中送時瑞遊錢塘

鷄鳴山下別吳生

赴吳中諸子追餞江上

送泉州童使君

會遇

金陵偶遇羅汝承

夜泊新河逢馬君

瓦子灣西逢林二

江上逢顧雲卿

逢吳郎歸吳覲省

荆南逢張虞卿

思祈元復歸自天都過溪上見遺紫芝

旅次饒州遇江叟留飲菊下

遊崧華歸逢左舜齊

逢劉安元游齊雲山歸

童侍御遊白嶽歸遇予歙浦之南賦詩

為贈

逢練溪子

襄陽贈何郎自武昌歸秦成親

蕪湖遇方時湘

山中寒夜贈吳叟

喜思祈歸

暮春溪上逢王亮卿

逢石厓張丈賦贈

鎮海樓下遇汪然水

本齋集卷十三

三

本齋集卷十三

四

律詩五言

送別

送內江胡明府巨卿

故人內江宰，傍駕重西行。楚驛鳴騶盡，巴船候吏迎。途經白帝壘，邑近錦官城。舊憇棠陰在，遙知有頌聲。

送馬山人遊泰山

名山尋泰嶽，海色引霞旌。松樹秦封在，云亭漢禪成。峯頭觀日出，空裏御風行。佇看雙飛去，飄飄鳧鳥輕。

大復城集卷十三

五

送方時湘遊淮南

行衝暑氣溽，坐戀午陰涼。汝向小山遠，予牽興日長。大江揚子渡，東柱入公堂。去去如招隱，詩筒幸不忘。

送王啓明僉憲赴蜀

萬里井垣西，春風入馬蹄。星辰辭帝闕，斧鉞下蠻谿。驛轉千峯上，城看百雉低。蒼生聖趙抃，琴鶴去須携。

送王處士歸蜀

囊琴曳杖藜，長揖別相知。去去孤雲外，山山落

木時谷深龍卧穩，林遠鶴歸遲。應念江門月，重來未有期。

送江進士宰高安

舊錦奪宮袍，新花種縣桃。幾年棲豹霧，今日試牛刀。衝暑携家去，經時變俗勞。好音予側耳，長劄慰衡茅。

送楚秀才從軍

烽火暗三城，邊聲動北平。胡人復深入，漢將始專征。才子輕投筆，天王重請纓。行看萬人敵，竟出一書生。

大復城集卷五

六

汴上送王都統昌赴宣府

戎裝秋冒雨，塞檄日徵兵。胡虜輕南下，將軍奮北征。陰雲覆梁野，流水動邊城。儻勒燕然石，無辭萬里行。

送魏侯謫戍南中

盡室委舟中，雕鞍解玉駝。山行禹蹟外，海度鬼門東。道路經重譯，衣冠拜下風。懸知懸闕意，應鑒子牟忠。

蜀門送余倣之歸邵陽

一見成知己，相過若比鄰。江山隨指顧，觚翰擬

心神雨雪逢君日鶯花別我春去其游鹿豕不  
作畫麒麟

巴南送張大之詩

雲斂暗春愁行舟急雨流相逢吠日處獨向聚  
星州峽霧晨峯夕江風暑路秋誰知萬里道伏  
櫪有驂駟

求寧送王道士入武當山

躡躡白羽衣遙自日南歸青鬢年如少丹砂火  
不飛舊山臨漢水征路出荆圻好結茅亭子于  
茲住翠微

不復載集卷三

七

送李胤夫赴中書選

春風動睢水柳色變新煙送爾京華去長誰博  
酒前停車對落日征路指遙天聞道開東閣平  
津久渴賢

章華臺下錢桂侯

萬里向神京鳴橈下蜀城春亭淹判袂曠日進  
離觥樹勢浮襄遠江流過楚平知君負奇志不  
為逐浮名

送梁大

途邁無騶從從來騰氣豪秋風渡淮水何日到

臨洮控馬飛黃速瞻星太白高封侯當自取關  
塞豈徒勞

送和道士入武當山

七十二嶙峋山靈物物春寄生多異草不死有  
高人別我尋遊去何峯卜築新南巖最奇勝誰  
共爾為鄰

暮春夷門李公席上送胡仲陽歸蒲圻

塵騎夷山外雲帆漢水前歸心輕跋涉征路憂  
風煙絮送隋堤柳花迎鄂渚蓮龍門分袂後延  
望各茫然

不復載集卷三

八

送鄭子冲北將

江亭歲杪酒送爾漫遊人短推自茲去寸心何  
所陳為玆須待價懷寶豈憂貧去去聞歌鳳無  
勞更問津

送冷子鳴叔下第還蜀

西風下木葉歸客洞庭舟峽路啼猿夕湖天過  
鴈秋還家樂故舊接策卧林丘莫擬聞居賦春  
花待狀頭

送谷二之武陵

聞道桃源去遙知不問津好遊追謝客避世覓

秦人別渚荆雲曠征途澧樹春此中民俗古宜  
爾共為鄰

送柳書記從參將胡公南征

書記幾經年從戎久在邊征途除夕逼許國寸  
心堅瘴寨憑山險軍營列地偏南平宣露布君  
筆大於椽

送耿處士歸萃山

蓮花峯絕頂君去躡嶙峋崖石穿芒屨林枝罨  
葛巾入山非避世住洞即韜真僮跨茅龍去題  
書報故人

漢上送袁大歸剡中

江將漢水通森森向吳中客路蒼江外君行更  
向東雪拋玉繁宅花過闔閭宮耶溪近禹穴歸  
席挂樵風

送陳山人歸皂閣山

皂閣鬱岩崑層雲出楚標黃精侵雪長石髓入  
春饒肥遯宜高士謳歌荷 聖朝松門亦松子  
應有鶴書招

送族叔暉赴試

楚璞逢君日燕金致士年秋香桂枝上春色杏

花前懷策馳楓陛嚴程進馬鞭吳公多識鑒曾  
薦賈生賢

送春谷子遊沛中

傾蓋即相知逢君自恨遲丘園遽為別弧矢獨  
何之雲指真人氣風歌猛士詞荒臺如更上莫  
及暮秋時

送方子良吳遊

碧山樓未穩却與白雲違客路煙波繞船歌月  
夜歸魚蝦村飯羨菱芡水鄉肥樂事吳閭勝親  
知到不稀

送族弟思文遊宋中

搖落驚桑梓重逢鬢已絲田園我將老兵甲爾  
何之悵別關河遠言歸歲月遲舊遊誰最健好  
為致相思

淮上送宗參還歙

深秋下幽薊單舸渡淮圻征路隨賓鴈還家戲  
綠衣一經期祿養十載此心違霜菊潛荆麓留  
香待汝歸

送王卿之蘇州

江楓落欲盡籬菊紫苞多秋色已如此人生其

李何離愁渺雲樹去路浩煙波想見蘇臺月同  
誰子夜歌

送孫宏弼還資中兼訊其從父龍谷翁

聯棹無多日征途遽各天初黔墨氏突遽冷廣  
文氈明月誰津酒長風上瀨船遙知竹林好因  
識仲賢

黃州城西送方二

渡遠三江口鳴橈趁祖筵津途出楚傲雲島向  
吳天山月寒愁客汀風晚進船家書醉強作千  
里仗君傳

送陳時中西歸

逢君練溪上逐策向林丘客路馳彭蠡花時過  
歛州斗間瞻劔氣天末迺江流賦及愧軒夏涼  
風颯早秋

大梁城北樓餞鄭明府傳

樓觀高秋曠川原向晚旋飛塵數騎過落日半  
帆懸別路長林引衝波古市遷慈心墜正剗無  
李堠烽連

送楊將軍赴援雲中

祖帳引河津軍麾發洛濱專征孤塞遠分閩虎

符新卷甲風生騎鳴笳月向人看君擬一劔  
去靜胡塵

送海印子

脩文方伯子挹秀遠之吳雨雪殘年逼圖書一  
舸俱豔欣厝四傑價重注三都悵別天都月生  
憎照影孤

送安元歸錢塘

五百難頭客歸舟不暫留雲陰松易暝風冷水  
先秋地勝宜重到交深莫倦游天都最高處遲  
爾駕靈蚪

送汪古脩之襄中

襄中多勝事君去事宜搜平野巴山盡遙天漢  
水流龐公鹿門上山簡習池頭寄謝南園舊伊  
予未倦游

送程子均之吳中

山齋一把手江島遽離群水宿玄冬啓村歌子  
夜聞孤帆挂海月別業傍湖雲雨麓春歸早尋  
梅更待君

送汪子石之吳

地近稀相見春深獨遠行鶯花不載酒岐路此

名情漁飯汀煙白菱歌浦月明送君五溪上一  
水暮盈盈

送余郎游宋中

睢上春光暮三農蠶麥歸隋堤風色起萬樹柳  
花飛雪賦名王苑塵緇久客衣從游授簡地之  
子有光輝

送東平方太守

北闕除書下東平拜命還胡塵避旬日漢驛轉  
江煙厚祿承恩始名州委任專叨從白社未早  
識使君賢

送孫二之荊州

挂席荆門去東風半月程章臺看走馬秋浦別  
遷鶯村店民租賃江橋估市爭送君池口驛江  
草喚愁生

送桂子實之武夷

汝謁武夷君乘春挹翠芬晴天蝶竦見花月鷓  
鴒聞地產千年藥溪流九曲雲幔亭峯絕頂巖  
鶴好為群

蕪湖江口送汪仲思兼訊張熙中

忘年予取友累世汝通家短劍重逢處孤帆一

水涯吳雲低浦樹淮月隱平沙神物行當合延  
津壘不賒

別胡仲翔

茂苑金昌北新亭白下東相逢春酒熟况對早  
花紅山遠凝煙紫江深入雪融明朝別君去暫  
喜一樽同

錢塘送傅木虛

汝自南華至東浮海上船三山求大藥八洞禮  
真仙聖引霓旌遠歸將鶴駕旋重來及相見莫  
作動千年

送施將軍赴京

平胡懷上策世祿爾名家去觀黃金闕行騎白  
鼻駝三城趨鴈塞五道出龍沙歸繫名王頸封  
侯鬢未華

贈別汪仲思

衝雨請予別繫壺贈君行輕橈去不緩新水坐  
來生谷暝煙雲合洲春並蕙榮劍門霜霰早應  
切壘歸情

曉過溪上送四子不及

走送候鳴鷄凌晨曳杖藜雲深蔣子徑花失武

陵溪綠水移槎遠青林隱柳低望餘煙裊裊偏

出浦橋西

赴淮南方為潤江有秋餞送至沙溪橋

二子携樽俎浮槎故別筵遲迴沙浦夕悵望海

門天疊嶂飛鴻外重湖泛鷁前不能長聚首判

袂一泮然

過方城山人叙別

郊扉掩朔風斜日轉幽叢木榻重雲裏匏樽薄

暮同澗泉依石凍原雪近城融何處通巖信春

風有塞鴻

元日江上別劉典膳盛

新桃輝病目送別一凄然聚首無多日驚心又

隔年君歸雲夢澤我上豫章船明發望滄海萍

踪重可憐

發江陵東歸留別藍半村先生二首

樽酒論文夕江亭覽勝時藍輿或先出藜杖輒

追隨嘉會何由再幽期不自知荆門煙樹夢到

處是相思

落帽空臺在章華碧草芳臨岐猶悵望何日更

相將葭樹慙同倚年形久見忘不知風雨夕何

虞憶連床半村長子三十八歲

清江開口別余汝一

同為南下客故國獨先歸得意囊金重還家鬢

雪稀冰催渡淮棹春入過江衣回首梁王苑馳

情北鴈飛

南樵別吳德徵

赴海江流急藏山嵐氣深一杯此分袂何處更

論心已許徐君劔慙無鮑子金鄭公臺下石遲

爾卧松陰德徵居近鄭子美詩臺

宋中與鮑世重別且有遊崧山之約

長途擁深雪送子悵如何朔氣浮川動陰雲傍

暮多側身向吳越矯首望高河預有尋遊約春

風振玉珂

蜀中別王方伯忠

別棹艤江干賓筵此罄歡人生未絳貴交到布

衣難忽去煙霞僻重來道里漫知公樂在整不

擬更彈冠

別吳郎

科第新安始相傳自少微文章留琬琰桑梓有

光輝後進今誰繼聞孫似汝稀盃符能幾日忍



此遽相違

發瀘陽之成都雲巢子挈汝厚追餞

夜饒阻江泥晨舟酒重携征途已微外分野井垣西天屬生民秀時名作者齊北巖他日過應續舊遊題

永寧贈別黃道士

物外雲遊客松根石卧身化金曾得訣賣藥不凋貧此地無人識離津判袂新碧鷄更遠去日南春

淮上別張翼卿

半載操觚翰追隨我不辭劇談宵易曙後會日難期歸鴈湘天動融水楚澤知春風來早晚是汝看花時

別于德

逆旅重逢處憐君意氣新一樽留費酒四日緩征輪沙草江橋雪山梅野店春如何同是客獨作未歸人

別栢子貞

市上初逢我人中偶識君昂然挺標格野鶴立鷄群城樹流晴碧宮花逗午薰無因一日住安

得細論文

白下別方時湘

同來不同去獨汧石城湖翠袖招壚酒驪歌促浦棹離樽應恨淺歸路豈辭遙惆悵長干下相將折柳條

園夜送別陸丈歸淮陰二首

政爾遊情好胡為忽去茲命觴猶泛菊對局未終棋龍劔行當贈風帆挂不遲徒悲一水隔長繫兩鄉思

長淮控隄州濤浪蹴天浮菰飯湖鄉早菱歌月

舟秋醴忘無楚傳金報有韓侯望望雙城遠因君憶舊遊

送方兵曹赴京

泉石丘中侶歌詩海內英一朝拋蕪苑萬里赴神京城邑殘驕虜君王問上卿匡時才抗疏臺閣正論兵

石頭城下別汝敬

短劔相逢處俱為遊旅人分穗賓館夕並轡帝城春樂事方無已離愁忽爾新揚帆暮不去戀故鄉親

七載今相見春風入冶城花游曾並轡文會復  
同聲明日扁舟去經時下榻情重來秋色好離  
菊及含榮

赴吳中諸子追餞江上

征帆挂島煙祖席敞江天楊柳迴津斷蘆花極  
浦連離聲橫瑟後晚信候潮前暫別還當集詩  
筒不待傳

送泉州童使君

繡衣三晋使熊軾八閩行喬木遷鶯早新波去  
鷁輕含情江樹遠極目浦雲生別恨同潮水相

隨到海城

會遇

金陵偶遇羅汝承

帝里逢君處春風二月時相將一樽酒  
年詩龍劍淹行色鶯花笑綠絲  
醉木無期

夜泊新河逢馬君

藏棹蒹花洲論文鳥嶼幽開樽碧月滿  
手流驥足淹龐統  
動帝王州

瓦子灣西逢林二

午泊風汀曲川迴渚壘分整浮巖溢翠沙  
海文跳鯉驚牽符歸鴻鶩斷雲誰期漁浦  
從此逢君

江上逢顧雲卿

汀風泊野航念子滯江鄉  
易登途窮增氣節身賤累文章  
舊業嵩陽下閒雲巖石床

逢吳郎歸吳觀省

萬里相逢處梅花照早春  
風塵路轉荆門比天長漢水濱  
不言征路苦若為倚門親

荆南逢張虞卿

歲杪相逢處江梅試楚春  
歸吳予倦客  
歸汝係人取友慚無益為儒不救貧  
採藥日失差

加舊藏珍

思祈元復歸自天都過溪上見遺紫芝

萬仞天都嶺樞天並上時七義探寶笈三秀  
靈芝分贈憐同病尋遊媿後期碧雲秋  
夜登羅雷

旅次饒州遇江叟留飲詩下

昔盧歸未得世路苦相催彭蠡湖波滿芝山夜  
雨來一時萍聚客九日菊浮杯偶覓江中賞逢  
君醉滌階

遊松事歸逢左舜齊

漢漢書雲野蕭蕭落木天行歌良岳下笑倚吹  
簫巖石上三花樹峯頭十丈蓮撥來詩卷裏披  
誦壽觴前

逢劉安元遊齊雲山歸

伯兄吾畏友難弟又逢君謁帝馳金闕遊仙駐

本集卷之三

三十一

白雲石門千仞上天樂半空聞想見翔鶴外翻  
翩興不群

童侍御遊白嶽歸遇子歛浦之南賦詩

爲贈

轡轡雲中返塞蘿谷口來紫陽迎道氣白嶽接  
仙才松日團傾蓋花春照舉軒東舟不肯住潮  
汐自西廻

逢練溪子

逢君上瀨船挂席驚紅煙路遠荆門外楓青楚  
壘前鄉愁關月夕旅病入霜天耐可論心處傾

囊無酒錢

襄陽贈何郎自武昌歸秦成親

鳳臺歸騎促蛟浦客帆收去路猶千里鄉心在  
一丘樓題識黃鶴關氣望青牛明月吹簫後知  
君無旅愁

蕪湖遇方時相

天涯重把手江口此停舟垂柳通衢外迴汀古  
渡頭稻香鱸美日酒綠蟹黃秋一笑相將處都  
忘是客遊

山中寒夜贈吳叟

老結碧山緣閒情拄杖前源頭洗藥水竹外煮  
茶煙瘦影秋潭照長歌夜谷傳偶來成信宿相  
對爾應賢

喜思祈歸

白下秋風去黃山歲暮歸櫪淹馳足蕭引鳳  
凰飛太華逢韓衆天台見子微相將白鶴鹿玩  
弄薛蘿衣

暮春溪上逢王亮卿

半載不相見一春何處忙尋山到天目觀海過  
錢塘採藥鑄金鼎賦詩攜錦囊歸來溪上路新

竹似人長

逢石庄張文賦贈

南庄盤渡下西郭鳳湖濱白屋論心舊滄江握  
手新苦吟雙雪鬢未達百年身一笑同今日唯  
應杯酒親

鎮海樓下遇汪然水

瞻昔歡娛地追隨無問然憶看三竺月同繫六  
橋船市午逢行藥湖秋過採蓮同城不相見虛

此芳年

霞城集卷之十三

本集卷之十三

五

霞城集卷之十四

歌程語自邑撰

目錄律詩五言八十五首

行旅

次陽邏堡

泊彭蠡湖口

旅宿村店口號

客夜

未寧春懷故園

灤西旅次

入潼關

晚發左蠡道中

雪夕南安舟中

南雄阻雨

四月五日番禺作

赴大梁道中晚發

晚次益陽縣

元日下竹筒河寄鄭子

東風

夜接小市

舟次鄞門

昨雨道中

洛陽道中

歸渡洛水

旅泊

巴東舟中

泊黃家渡

入日新道中

晚發南安舟中

晚發南安舟中

晚發南安舟中

晚發南安舟中

晚發南安舟中

晚發南安舟中

晚發南安舟中

晚發南安舟中

晚發南安舟中

自益陽抵岳州十月間無日不雨二首

夜泊監利江口越林二不及

宿塔石驛西浦 上使君難

峽中旅懷

江上待洪二不果行乃先進舟

入水峽沂新大諸灘投宿江門堡不及

宿新津客舍 峽夕

夔州阻雨憇開元寺

泊郝穴口

入京口關至丹陽道中

峽中阻水 又雨

自龍門趨洛口入黃河

發秋浦 出池口

艤舟江寧港口待風發三山寄際明

次烏石灘口 舟阻

石門驛沂江道中二首

臨鄱陽湖憶大中 發溘上南歸作

度石門山

閒適

家居二首

山居春日書懷

早秋村舍 初夏即事

寺夜 海夜

黔坑山家 溪上集句

早春簡社中諸友四首

寡接 初冬山中寄允伯

偶述

與查子德避暑竹林之下二首

同應吉至江上

雨晴步林下喜子德適至

夜坐效賈浪仙 有客

雨晴 過山家

四照亭即景 燈夕紀遊

靜坐

律詩五首

行旅

次陽邏堡

征騎晚駁波湖驛路侵見山思隱計投館得

歸心市近春風軟江遠暮雨深提壺問村酒誰

惜解囊金

舟次鄂門

野門秋色遠川路引煙蕪霜冷鷓鴣咽雲長挂  
席孤猿裏村向暮魚白水全枯尚想吳三戰猶  
存楚故都

泊彭蠡湖口

泊舟彭蠡口延眺匡廬峯瀑布浮空下香爐噴  
霧深流通九派遠氣結二儀陰日暮迴汀外驚  
波愁我心

睢南道中

驛路貫州城鳴鑣人獨行入春風不冷夾雨雪  
難晴梁苑故池溢隋堤新柳輕坐枝何處鳥愁

本集卷之四

四

濕不遑鳴

旅宿村店口號

孤館將歸客空山欲暮年但驟停雨雪去路隔  
雲天故國飛鴻外遠心林馬前盤頭新酒熟取  
醉不論錢

洛陽道中

斜陽京洛道車馬擁西征伊水街灑石上城帶  
野平殘山猶禹鑿故邑自周營功業俱陳跡踟  
躕一愴情

客夜

新晴夜氣清羈客忽心驚戍遠風傳析山空月  
到城交游隨土俗僮僕話鄉情舊業天都麓今  
春又不耕

歸渡洛水

積雨嵩丘麓秋風灑澗涓忽驚行路遠轉覺到  
家遲世遠名園廢城荒過客疑如何遊賞地不  
值看花時

永寧春懷故園

絕徼烏巒北春風動地來三年客鬢改一夜桃  
花開買棹浮新水看雲上古臺歸耕予意决布

本集卷之四

五

穀莫相催

旅泊

旅泊高秋夜江深月色寒芳蘭忽已變白苧不  
勝單歸路學家近老懷悲歲闌鄰舟獨不息挂  
席遡前灘

灤西旅次

杜公昔賃屋養拙灤西濱孤權我來日此鄉農  
事春上風多好客村禮簡宜人何必天都麓歸  
來始卜鄰

巴東舟中

江水流無盡，梁岷路尚遙。峯攢如列戟，沱轉似生潮。花午枝枝豔，鶯春箇箇嬌。年華竟虛擲，樽酒不堪譙。

入潼關

清渭輕煙外，終南落日邊。河山望秦處，霜露入關前。市酒迎風柳，津亭進馬鞭。安仁空有賦，不

葉繡賢

泊黃家渡

野曠渚雲黃，江昏島路長。烽青遙似火，月白冷於霜。疊浪淘沙戟，迴風什浦檣。相傳伍太守，于

本震城集卷十四

木

此獲寧王

晚發左蠡道中

湖望南天迥，舟行暮解維。山移星子縣，樹出水神祠。岸已明樵火，磯應罷釣絲。忽驚牽遠後，不似在家時。

入日發新河二首

雪殘牛首白，草創鷺洲青。遠道逢人日，浮槎媿客星。江愁渺煙水，山思結雲屏。借問閩南翮，行將化北溟。

川華播舜色，此日喜逢晴。思難心應泰，推移夢

厚為帝城憐，久住客路厭。遐征回首新，林浦鍾山霧靄生。

雪夕南安舟中二首

江路三千里，南行一月餘。頻聞柁樓笛，未跨雪橋驢。忽憶橫枝好，遙憐瘦影疎。江梅無近信，煙水隔吾廬。

羨慕北風急，飄飄舟雪飛。蓬低推較重，徑狹擁應微。牽惜僕夫倦，任愁村舍稀。早花已成誤，幽賞此心違。

南樵阻雨

本震城集卷十四

七

潤氣層城合，寒聲萬壑連。雲昏大庾嶺，水漲下江船。枕屢驚歸夢，燈猶帶客氈。孤懷漫恐絕，雙鬢轉蕭然。

晚發南安宿東峽

入峽天形窄，停舟日影斜。客行驚物變，別思惜年華。螢出草應腐，魚跳浪自花。折梅亭下路，相望隔天涯。

四月五日番禺作

春去又五日，我來剛四旬。未詳知土俗，初盡識鄰人。市菓楊梅舊，盆花茉莉新。鄉園萬里外，歸

夢結松筠

發廣州北歸

蒲帆衝霧雨促促越潮還樹勢移平楚江流破  
亂山鵬搏雲嶠黑鸞卧蓼洲閒笑爾泝溪子何  
為到百蠻

赴大梁道中曉發

中夜起餐飯驅車向旅途北愁遙結宋南夢未  
拋吳朔氣流城角霞光動樹鳥漸看西月沒的  
近梁都

宿河上

夜行萬安道中

天勢近河低村孤夜氣淒風腥水神近月黑山  
鬼啼夢斷楚丘北情馳梁苑西夾池脩竹畔枚  
馬幾鷓棲

晚次益陽縣

湖迥波光白山平野墜低鴈來湘浦北人到洞  
庭西殘照孤帆遠秋聲萬木齊煙波八百里吾  
道付鳧鷖

次岳州

沙色引津船山光擁麓牽飛帆出蜀道歸鴈驚  
裏煙遠戍屯雲密重湖積水連望鄉千里目揮

袂白雲天

元日下竹筒河寄鄭子

解纜晨光豁揚帆浦色旋迴汀出絕島橫樹截  
遙川蒸氣騰初日炊煙積廣鄧終身耕谷口吾  
慕子真賢

東風

南郡非吾土東風慰久稽看花中酒後羸馬故  
城西郢樹連襄遠心山到楚低王孫歸未得芳  
草自萋萋

夜行萬安道中

夜行萬安道中

日落千峯暝孤征昔詎曾石陵鈎收復螢火誤  
來燈倦路行逾遠吾廬到未能荒祠畔小艇搔  
首待晨興

夜投小市

野曠墜弗及所思難與期霞天無定色風葉有  
餘悲愁暮路偏遠行迷心自疑忽接荒市宿渾  
似到家時

霸橋旅次

風雨霸橋邊羸驂駐晚天陰雲連古道新漲入  
高田農務猶未畢客行今甫旋故鄉煙樹外歸



夢越江煙

自益陽抵岳州半月間無日不雨二首

半月湖陂路驚濤似雪飛汀濱屢棲泊風雨互乖違相水寒應劇巴陵到是歸我行萬餘里猶自未成衣

歲事行邊盡愁懷醉後舒祗應成老大未辨了艱虞好夢不終夕他鄉非久居江湖魚鴈冷親舊少來書

夜泊監利江口越林二不及

風江朝挂席暮島異西東浦路驚波香汀沙落

日空望來雲影黑愁劇火光紅不隔相思夢唯應兩地同

宿塔石驛西浦

寒渚依村曲風江艤棹齊地包雲夢澤川接武陵溪楓樹林如在桃花路不迷古懷當旅宿衰欲不堪啼

上使君灘

萬里冒灘險桃花雨漲紅驚櫂撇漩下鳴鼓翅流中牽斷頻摧石帆懸獨受風垂堂虛奉誠先夢繞巴甲

峽中旅懷

歸心不易裁旦夕嶺猿哀况值飛花候江昏驟雨來垂幃明落電欹枕轉轟雷望望行雲影依稀下楚臺

江上待洪二不果行乃先進舟

十日沙頭待同浮錦水舟不知成間阻更作獨遲留江近邛岷窄山通越雋幽遙心將夜月還到水邊樓

入水峽泝新大諸灘投宿江門堡不及

水峽灘連北江門岸轉西萬篙撐不上咫尺壘

全迷及石奔濤急崇峯壓霧低絕厓今夜月猿飲故湏啼

宿新津客舍

孤館殘燈夜鄉心耿夢中間居白屋在行色寶力雄山鬼啼寒月津人報曉風滄波一萬里挂席五湖東

峽夕

楚塞連三峽巴雲暗五溪鄉心春鴈過客淚夜猿啼百丈緣崖險雙崖壓樹低孤城丹嶽麓江白露淒淒

瓊州阻水憇憇元寺

江上開元寺憑軒數散愁  
峯雲有礙難水待  
安流自不妨僧定誰能伴  
客遊坐來秋色曠  
三  
老促登舟

泊郝穴口

野迥氣凄凄村鷄午亂啼  
漲沙新渚大萌草舊  
亥齊寺霽聞鐘響江空見  
樹低東風吹別思忽  
到渚宮西

入京口閘至卅陽道中

江險厭風濤安行覓小艇  
涸潮灘石出凍樹浦  
雲包度堰拖沙淺膽村仰  
樹高吳歌雖鄙俚義  
近楚人騷

峽中阻水

山險臨衝激江迴抱鬱紆  
魏魏下梁蜀森森帶  
荆吳鹿乳卅崖半猿啼岩  
月孤客愁連日暮舟  
楫困樵蘇

又雨

巴山雨不止八月至初冬  
道險泥增滑江平整  
似容移床避屋漏炮栗趁  
鄰春怪爾淹棲者尋  
常出戶慵

自龍門趨洛口入黃河

擾擾拋征騎遑遑逐去舟  
猶憶三室樹獨驚九  
河流浦暗雲垂夕霞明月  
映秋浮槎從此去何  
處犯牽牛

發秋浦

曙色明村戍歌聲動浦橈  
歸途望日近別島引  
江遙重霧多成雨回風易  
上潮清溪舉網處猶  
見白魚跳

出池口

廣陌引遙岑迴汀瞰碧潯  
衝沙出浦盡流水入  
江深不雨春長冷無雲晝  
自陰經過感疇昔脉  
脉百年心

艤舟江寧港口行風急三山奇際明

騁望憑雲島遙天送斷鴻  
泥迴日之夕惆悵石  
尤風鳳闕層城上鶯花二  
月中朋游虛計日挂  
席順流東

次烏石灘口

亘古新安道舟行幾日程  
雲中青嶂出竹裏白  
煙生百丈千崖度危灘亂  
石迎倦遊今日客歸  
去卧霞城

舟阻

石立狼牙出溪乾欲斷流半途千里客九日一  
灘舟歸計淹行色勞歌動旅愁泥蟠待雲雨誰  
道有滯蚪

石門驛泝肝江道中二首

江漢踰重險雲天指一涯近瞻閩嶺樹獨倚楚  
人槎浦溢迷迴渚灘虛瀉走沙麻姑泉味勝村  
酒借誰賒

農務登時稼村居抵劇鄧人稠多著姓土沃易  
豐年水竹緣溪密雲林引路偏歸心疑到舍風

景故依然

臨鄱陽湖憶大中

解纜辭沙驛鳴橈出浦潯光風汎島碧融雪進  
波深道得終吾事春還遲爾首往來湖上路同  
切望歸心

發涇上南歸作

吳山復楚水跋涉不辭艱詎謂同荃化徒勞擬  
桂攀浦深芳草暗津遠白鷗閒舊業臨河上歸  
歎合閉關

度石門山

兩崖如對壘屹立控東西海道龍時挂山椒鬼  
畫啼去帆藏島樹過雨斷雲霓歸路行行近猶  
疑嶺壘迷

閒適

家居二首

谷口風煙麗衣冠自一村農談無異姓文事有  
諸昆混跡桑麻徑蜚聲藝藻園相將足寄傲誰  
復問桃源

山色森森靜溪流活活清魚深不自晦鳥得豈  
須聲卜築從先世棲遲信此生他年論出處村

合以愚名

山居春日書懷

碧樹開三徑清溪抱一家女嘯耽筆硯客笑吐  
煙霞戲鯉依文藻啼鶯憚落花時從方外友服  
食問丹砂

早秋村舍

閒居增野癖草色映書堂延學川原迥幽尋石  
徑迴秋聲風自動菊意雨初催晚節東籬下金  
英照酒盃

初夏卽事

沂浴初曾服風薰又舜琴花猶獨樹麗水故一  
溪鮎馳逗文藻蟬奏韻幽林此時北窓卧彌  
酒正整心

寺夜

吐月明峯夜驚風颯浦秋巖雲衝棟起江水倒  
天流畏客居宜僻依僧興覺幽蕪無蒸鬱氣行  
李任淹留

海夜

涼風襲葛衣白露下荆扉積水浮天閑居人近  
海稀夜寒金氣入濤濺火光飛自愛滄洲好魚

鮫秋正肥

黔坑山家

崖險帶深村征驂不到門與屋唯木石牧養自  
鷄豚俗儉賓宜久情真禮廢繁寄言避地者此  
即是桃源

溪上集句

長誦朝復暝策杖還西廬已到雲林境何殊山  
岫居巖潭相映媚沙岸歷紆餘勝跡都無限何  
人伴釣魚

早春簡社中諸友四首

勝地開新社終年擬寄家真同一丘整長卧此  
煙霞石對高人榻溪回長者車經時不相見何  
處寄梅花

步屨西原上風煙麗歲初鴉群窺社祭獺竄避  
溪漁扶醉多行杖藏脩有載書山村民俗古真  
慰野人居

冠裳融雪通泉脉晴莎動浦光遙空有歸鴈避  
弋翅風翔

花信變初風墻梅樹半空孤亭脩竹下三徑亂

雲中野色雙橋合溪流一榜通山翁拾酒伴拈  
簡走家僮

寡接

輝輝桂露團庭夜鳥飛還月色全臨水秋聲半  
在山長貧增道勝寡接稱身閒一枕南窓下經  
旬不啓關

初冬山中寄允伯

絕境幽深處雲紆鳥道迴輪蹄曾不到鹿豕自  
然來三徑徵君菊孤山處士梅優游一樽酒耐  
可歲時催

偶述

山深稱隱居徑又不容車客怪談天命兒鏡相  
地書苔堦經雨厚松牖過雲虛誰笑謀生拙從  
來世慮踈

與查子德避暑竹林之下二首

窈窕廻汀外煙波絕四鄰移床煩地主折簡致  
山人隱日廻張蓋來風趁脫巾陰深修竹下觚  
翰爾相親

閒情細帙展秘思彩毫抽冬嶺孤松秀春雲萬  
壑流出奇君拔幟採秀我經丘文雅風流地前

爲避暑遊

同應吉至江上

村路依卑濕林扉啓碧幽因君多逸興而我得  
清遊借馬衝泥濘臨江看水流滄波來滾滾坐  
石狎馴鷗

雨晴步林下喜子德適至

已息秋浦雨漸散大樓雲江空挂席見寺遠櫂  
鐘聞竹下行三徑樽前誅五君何如牛渚月空  
憶謝將軍

夜坐效賈浪仙

高齋依麓僻坐久夜寒饒杉影過庭月池聲入  
浦潮風殘分陣歌露重引光遙早有巢松約移  
書不待招

有客

有客深辭翰謳歌吞聖朝不忌同病好遂有遠  
書招戀土耕田窄携家去路遙穉應成獨往隨  
分老漁樵

雨晴

新水碧盈盈浮鷗箇箇輕郊春芳樹合村午白  
煙生閒過丘中飲初過谷口耕群嬉何處女堤

上踏莎行

過山家

柴扉脩竹裏犬吠出煙霞借斧來樵客提壺問  
酒家藤蘿依樹暗籬輕引溪斜回看谷口路夾  
岸尖桃花

四照亭卽景

四照芳亭上風光自一家游觀淹我輩紅白媚  
時華色映連雙檜香圍和百花何能幽意愜長  
此送生涯

燈夕紀遊

百巧爭燈手千門樂早春  
天街片月白火樹萬  
花新聽曲憐新譜隨香入  
暗塵不知城漏盡猶  
逐少年人

靜坐

一室此靜坐兀然無所為  
綿綿若存處混混未  
分時今日方知命終身  
合守雌致虛吾自得斯  
與病情宜

霞城集卷之十四

大德秋集卷十四

十一

霞城集卷之十五

目錄律詩五言 八十四首

歛程誥自色撰

投贈

王卿書齋贈程新甫限韻作

海會寺對雨贈傅木虛

淮上贈吳靜夫別 贈戴子明

永寧贈劉丈德學之烏蒙

贈武當錢真師 永寧贈吳才仲

贈嚴棲道人 贈丁逸人

贈白山人

瀘州北巖寺贈聰公

贈西塞山陳道士 贈馮都成

贈鄭明府 贈歌妓

艷詞贈梁園美人 歲暮贈靖陽子

贈星士王玄學 贈王亮卿

贈古愚丈人 贈程來徵

秦淮月夜有贈 贈顧大有

贈博支子

酬荅

和思祈浯田春集二首

荅子石見贈 荅余元復

荅李功甫春暮見懷

次韻荅余子敬

玉泉亭荅方為瀾汪有秋二子

次韻荅陽谷吳丈登鎮東亭見寄

荅石岫山人見贈二首

病起荅雲巢子次其韻

次韻雲巢子雨中觀菊

荅謝余子敬見訪不值之作

次韻荅允伯

荅鄭古民汴上見寄

訓李進士伯孝吳門見寄時省親還蜀

雨中荅許子春

荅王處士資上秋暮見寄

荅月坡家叔二首

訓俞處士時寓秋浦

訓侯二谷刑部兼送赴京二首

園居初夕荅朱憲部子价

荅射陂屠禁戲東之什

荅朱子敬 荅鄭思行

和射陂池上聖南園梅花

和射陂同集梅下

旅館寒甚喜伯茂惠炭至賦詩奉訓

宴集

綿州同高使君第集東山書院

漢上集張公別業 飲盧氏園亭

春宴鄭氏溪堂

同諸公宴觀音山閣

人月郊飲

元夕偕鄭谷鄭子雲嶽汪子九池方子

集為瀾宅兼呈思泉賓山二難

岷王席觀伎

揚州同吳德徵張子言宴遇樂園三首

奉和園遊二首 早春村燕

虎丘春集 秋集李將軍莊

宴西湖寶石山閣

同胡仲陽宴李公園亭

伍園春集

宴巖溪亭同鄭伯馨

儀真同吳靜夫飲盛氏園亭

夏日同魏子廷璽對酒江上

同謝安國遊黃園

人日從鮑子良濟宴李鳴岐宅

同謝進士寵集遵教堂

宴方仲潛巖泉小隱二首

岳陽樓集贈詩丈 岳陽樓夜飲

求志園游讌二首

律詩五言

投贈

王卿書齋贈程新甫限韻作

展紙抽瑤詠探懷出彩毫才名君早擅文會我

初叨綠竹森淇澳芳蘭馥楚臯二豪今表見真

信鳳凰毛

海會寺對雨贈傅木虛

飄風下木末過雨灑庭隅驟入秋聲早長驅暑

氣無齋遲剛報午坐久忽侵晡促席仍談劔憐

君膽氣龐

淮上贈吳靜夫別

我遠遊者逢君故鄉親風煙一把手去住各

驚神淮月壕梁夜照雲墮草春何當釋孤矢歸  
作耦耕民

贈戴子明

軒車高士駕木石野人居一徑重雲外孤村落

日餘相逢憐歲晚一笑定交初頭白溪陽曲歸

來好著書

未寧贈劉丈德學之烏蒙

遠自秦中到金牛路舊通扶雲度棧道指日開

烏蒙覓弟奔馳苦知君孝友隆連床他夕話委

被會相同

贈武當錢真師

七十峯高處師居最上層為垣重疊石葺屋密

牽藤日月簷楹馭霞几榻承終期豹霧隱寧

待鶴書徵

未寧贈吳才仲

懸棹南來日春風古蘭州江濤翻整乳峯翠抱

城流酒氣薰賓席花光艷伎樓留君不肯任夜

上汶東舟

贈巖樓道人

巖樓道人者不知其姓名居紫霄宮北崖



晨出採藥暮歸則引繩梯而上

採藥何峯返翩翩一羽衣雲携半筐返崖引一  
繩歸石榻黃茅薦松房翠靄扉何時騎鶴去長  
與世人違

贈丁逸人

天門入杳冥層磴轉幽陁羽衛森螭陛虹梁俯  
翠屏洞香浮石乳松古積苔青羨爾食霞子先  
予此構亭

贈白山人

匹馬巴山麓翩然此遇君崖衝棘人雪江入夜

不盡

六一

郎雲憂國時看劍離山久廢文中條家史遠鶴  
信幾時聞

瀘州北巖寺贈聰公

持齋自少小茲寺有聰公昔行趨其覺律心悟  
色空秋江臨瘦影雪徑印孤蹤不任上方久如  
師那得逢

贈西塞山陳道士

峯迴攢樹合絕境少人知鳳巢垂金闕螭頭控  
上墀崖丹懸縹緲霞碧擁參差羨爾冥樓子長  
歌茹紫芝

贈馮都成

冠蓋三瀘地多君挺俊姿塵埃識面日稜契許  
身特貞菊經霜茂神龍得雨滄鵬圖終九萬奮  
翼向天池

贈鄭明府

翩翩兩鳧鳥遙自日邊來為政芳聲舊憂民白  
髮催一官頻改邑百里豈容才又向河陽去桃  
花春正開

贈歌妓

瑤瑟豔春羅蘭缸拂黛蛾避風知體弱愛月覺

不盡

七一

情多學士茶爐擁將軍戰馬馱莫言無和者試  
聽變聲歌

艷詞贈梁園美人

生來小玉街服御等宮娃臂重金螭釧髮低上  
燕釵蘭煙香寢室花月影行跡頗訝苔前潤痕  
青沁紫鞋

歲暮贈靖陽子

採藥紅崖麓樓雲歲已殘薇餐腹易飽石枕夢  
偏安符驗山精避形忘野老看鼎砂真伏火春  
色待還丹

贈星士王玄學

學士焚銀魚相如獻子虛從來審出處不復問  
何如露葉催梧盡霜英報菊舒因君驗榮瘁一  
得本冥初

贈王亮卿

籍甚青雲器芳年志雅騷藝園資麗澤鄉舉動  
英髦忽枉衡門駕驚看彩鳳毛任公亦高視海  
上釣連鰲

贈古愚丈人

逢君長林里對語碧山深應俗無餘韻孤雲會  
此心高松下宿霧壘嶂積重陰期我屯溪上齋  
糧過五岑

贈程來徵

張翰東歸日劉蕡下第年秋懷尊萊後春色杏  
花前望氣曾知劔超群不假鞭鵬圖終九萬年  
角奮高天

秦淮月夜有贈

草木已含榮尋芳到帝城若蘭初識面桃葉舊  
知名月下頻呼酒花間共聽鶯闌干一十二留  
醉可憐聲

贈顧大有

詩畫王摩詰江湖張志和名兼夫子有才并古  
人多夜雨鳴橈發天風挂席過雲山與煙水興  
寄近如何

贈博支子

端居久閉關鬢髮不曾斑病屈青雲志形忘白  
日閒重湖觀智水三島夢仙山儻載安車去翹  
翹不可攀

酬荅

和思祈浯田春集二首

浯田春集者鄭子思祈王侍御德仁暨諸  
賢文會也佳篇示及輒用繼響焉

門巷青春寂鶯花自社遺聞君歌古調宛爾接  
清輝灑翰抽瑤詠移樽駐翠微恣情歡賞洽應  
向月中歸

呼酒山花笑遙知興不孤側聽黃鳥語前并玉  
驄驅時也當成服風乎詠舞雩自慚踈遠跡安  
得廁文儒

荅子石見贈

野外少經營松間絕送迎榻雲依舊下徑草等

開生道勝貧心恭交踈老境清草玄其寂莫守  
黑待神明

荅余元復

東谷非愚谷巖溪異阮溪霞城百里繞羅磴萬  
峯低鶴怨經時別猿驚徹夜啼星虹陁峴接白  
社不應迷

荅李功甫春暮見懷

王喬御飛鳥西下松蘿岑雲錦遙相寄霞城許  
見尋日長黃道近山遠碧光深白社歸來晚從  
知訝此心

次韻荅余子敬

尺素遙相寄高情獨見君心懸松嶂月夢斷藻  
溪雲花氣初晴馥鶯聲徹曉聞五年仍藥餌誰  
念病休文

玉泉亭荅方為瀾汪有秋二子

亭深消溽暑風冷動先秋啜茗知泉勝棲松愜  
院幽嘯歌淹日夕興味喜僧投覓句酬心賞從  
知二妙優

次韻荅陽谷吳丈登鎮東亭見寄

郊疇秋穫後亭榭晚登時談劔心飛動抽毫思

嶠奇四山環對酒群從總能詩擊節酬清賞高  
歌動四維

荅石岫山人見贈二首

石岫白沙上夜上白沙船不共持盃酒徒勞挂  
杖錢海濤晴亦雪堤柳暖初煙一別江門月經  
秋夢寐牽

二載臨河上歸歟卧草萊一丘容棄物二豎不  
隣才久病淹黎杖長歌失酒盃石溪聞枉駕幾  
度望君來

病起荅雲巢子次其韻

病起驚時改秋風昨夜歸扶行植竹杖延壘  
荆扉塲穫初登稻鄰砧又搗衣東舟吾意決獨  
恨與君違

次韻雲巢子雨中觀菊

十載臨河上辛勤時菊花忽聞歌古調遙想對  
寒葩輕泛觴須辨歌扶篠不斜遲開亦遲謝肯  
作後時嗟

荅謝余子敬見訪不值之作

被酒卧終日陶潛不畏巾重來聞國士垂問到  
山人徑僻環蒼蘚齋深隔翠筠應門慚稚子不

是故韜其

次韻答允伯

別汝南浮日桃花雨漲初愁於索居劇計向治  
生疎山岩崇城歷溪雲側席虛相思勞夢寐淚  
盡北來書

答鄭古民汴上見寄

別久雙泉子情多枉寄書不忌千里遠况隔十  
年餘入蜀離群後遊梁識面初何時貞白里間  
字子雲居

訓李進士伯孝吳門見寄時省親還蜀

東坡集卷十五 十一

枉寄吳門札知迴蜀道船暮雲楓寒外春色綠  
衣前家慶迎西顧王程遲北旋何時虎丘上把  
袂月明天

雨中答許子春

一夜雨如注途深沒履泥如何地咫尺宛隔漢  
東西壘裏茶煙近吟邊竹牖低無人共清景壻  
曉欲鷄樓

答王處士資上秋暮見寄

峯麓亘長雲君家近水潰心期賃屋任目斷寄  
書聞沙白鷗長占山青樹不分相思籬菊繁悵

望北鴻群

答月坡家叔二首

聚散元無定行藏在有為寄來河水句不盡竹  
林期舊業青氈冷初心白鳥知吳門春色滿千  
里問征岐

近得杭州信西歸欲挈家灘行侵歲暮綵戲及

春華庭卉晴相向溪魚凍可叉對松軒下酒應  
念隔天涯

訓俞處士時寓秋浦

孤懷易為感樓月又團團江碧清秋暮山黃白  
露寒淡交知已少孝友別家難枉寄瑤華詠知  
子樂考槃

東坡集卷十五

訓侯二谷刑部兼送赴京二首

古道循風雅君行據要津獨先千里足自見百  
年身振玉朝 天子投珠駭路人誰期此傾蓋

刮目夜光新

北首方巖駕前驅早抗旌湖山一為別雲樹重  
含情去見燕山雪歸聞嶠鶯龍湫期不與還

擬繼同聲公有遊鴈湖之約故云

園居初夕答朱憲部子价

蟹肥新釀美復此可憐宵秉簞風清道迎人月  
過橋館扉臨曲沼臺榭倚層霄地主憐才者移  
書久見招

荅射陂屠禁戲東之什

藜藿野人餐先生首荷盤何慚日給薄况值歲  
功難交味真宜淡儒風不厭酸春舍應不緩負  
未此湖干

荅朱子敬

三徑夾松筠名園次水濱載殺來好事促席對  
幽人秉燭傳觴屢摘辭染翰新謝庭森玉樹群

荅朱子敬

五

從總儒

荅鄭思行

十月涇園上清霜菊正芬一樽思把千咫尺悵  
離群不過談秋水相壘隔暮雲詩筒忽見寄真  
慰病休文

和射陂池上壘南園梅花

獨樹亭南徑疎枝照眼明相看情脉脉况隔水  
盈盈半向墻頭出全勝竹外橫聞君歌古調予

泰繼同聲

和射陂同集梅下

駘蕩春光裏雙扉啓日中側身依玉樹仰面沃  
香風徑僻千廻繞亭虛四照通從知看未足明  
日復來同

旅館寒甚喜伯茂惠炭至賦詩奉詔

百頭頽鏤獸馳惠過南隣寒失江干夜陽生雪  
裏春當仁同挾纒懷德已晉紳忽漫相逢處看  
君到古人

宴集

綿州同高使君第集東山書院

探奇歷巖巖臨曠出風雲禮樂瞻諸子壺觴對

荅朱子敬

五

使君天空森物色地勝煥人文載誦仙遊詠清  
辭迥不群

漢上集張公別業

臘日宜椒醑賓觴汝忽傳謝公巖北面王紫井  
東邊屋潤多閒日山寒少積煙偶來成一醉不  
假杖頭錢

飲盧氏園亭

野草荒幽徑名花豔小園王驚初到客自發舊  
藏樽門巷春長駐條枚午更繁虛亭俯脩竹半  
醉倚華軒

春宴鄭氏溪堂

華堂練水瀕側席浦鷗親良晤還今日高情見  
占人壺觴開意氣觚翰灑心神異日夔龍會非  
予沮溺倫

同諸公安觀音山閣

寶閣滄江上芳筵向晚同自浮蘋渚月香墜桂  
巖風纖手傳瓊饌嬌歌駐玉驄相逢須盡醉旭  
日等閒紅

人日郊飲

霽景開春甸陰雲散午天花風梅信到人口客  
心懸公子青絲騎佳人碧玉鈿相逢易至解遊

賞樂芳年

元夕借鄭谷鄭子雲與王子九池方子

集為瀾宅無星思泉石山二難

麗景陳嘉宴高樓滿月華溫風迴絳蠟春色簇  
銀花灑翰徵文會聽歌失市譁相看此燈夕幾  
度醉君家

岷王席觀伎

列殿宏賓席分屏儼伎行鳳釵金縷細翠袖麝  
薰香妙舞徵辭筆清歌進睿觴誰云日向暮蓮

燿正輝煌

揚州同吳德微張子言宴遇樂園三首

故人多野興邀我賞名園援磴盤雲嶂行花到  
洞門兩吟巖瀑瀉樹憇野禽喧碧蘚鳥亭路新  
來試履痕

境勝由人力談深覺主賢竹涼侵倚檻苔潤沁  
分穗崦曲迴崗抱橋危及石懸移樽更留酌佇  
立斷雲邊

徑返憐陳迹亭昏促賞心留連紫霞路悵望碧  
溪潯自愛松門月誰調石几琴何時重載酒話  
舊最高岑

奉和園遊二首

中林恣探賞勝日枉招携柳芳遷鶯怯花深過  
蝶迷春開金谷障世隔武陵溪別有蒼瀛館遙  
通碧玉梯

靈園名王有芳筵賤子叨洗樽停吠吟垂釣引  
連鰲沙鳥義皇畫臯蘭楚客騷青春多藻思睿  
製冠時髦

早春村讌

風急雨瀟瀟溪雲接暮朝池深還舊碧鶯蒞減

新嬌鄰酒兼魚饋詩朋走馬邀相將歌萬壽酣  
誄聖明朝

虎丘春集

佛日邀歡舊人天發興新竹寒初過雨花晚自  
藏春浮蟻香盈甕啼鶯巧向人啣杯不歸去暝  
色滿西津

秋集李將軍莊

別墅將軍有招尋古道存黃雲平覆野白水遠  
沙村看竹遙携友乘舟直到門琴樽剛盡興舩  
翰未忘言

震城集卷五

十一

宴西湖寶石山閣

絕境懸崖半閒情倚檻前湖山延落景樽俎屬  
殘年春暗催梅柳城遙起霧煙六橋漁笛徹歸  
棹月明天

同胡仲陽宴李公園亭

堦色殘紅藥庭陰溢綠槐清風四座至初夏一  
亭開賓客逢梁苑壺觴對楚才侯家金屋近歌  
吹隔仙臺

伍園春集

晴日芳園麗虛亭積水南座談村父接盤釘野

疏參堤柳垂垂弱林花閃閃酣一春多勝賞數  
醉我猶堪

宴巖溪亭同鄭伯馨

物色山亭勝題詩屬縉紳茗饌供地主客席着  
山人坐久松陰合談深野况真巖溪多樂事留  
醉與綸巾

儀真同吳靜夫飲盛氏園亭

招尋仗故人亭夏啓筵新荷氣深宜晚鶯聲巧  
駐春紅裙前席舞環菓雜敍陳更送牆頭酒憐  
君好客真

震城集卷五

十九

夏日同魏千廷璽對酒江上

脫巾俯林樾灑髮水邊風芳氣飄荷遠重陰積  
日中籍莎憐淨綠引菱得沉紅河朔當年飲樽  
壘不放空

同謝安國遊黃園

素心重遊賞龍命忽見招逶迤度村畝屈曲緣  
浦橋列席芳亭敞聽歌翠袖嬌義輪不停馭歸  
路任迢遙

人日從鮑子良濟宴李鳴岐宅

暖日催春色芳筵溢酒卮狂歌對人日離思惜

花時我向梁王苑君留沁水涓相逢復相別况復鬢毛衰

同謝進士寵集遵教堂

絳蠟輝朱邸瓊漿溢王卮與君游宴夕復此別離時周道嚴駟從虞庭佇鳳儀無疑是夢寐相對重凄其

宴方仲潛穀泉小隱二首

宴會堪終日朋游偶聚星主人初識面客子總忘形朔氣深杯斝溪光淨戶庭君看萬木槁擬出一松青

劉水通泉

細爲山疊石高笑談淹暝色題詠感時髦隣父携樽過山人畏酒逃溪橋沙月白追送出林臯

岳陽樓集贈許丈

旅客此登樓東風綺席留朱絃張伎琴影鶴仙舟雲嶠環湖遠鯨濤蹴地浮擷芳思解佩後贈杜蘭洲

岳陽樓夜飲

樓晚更登臨人間足賞心煙生孤榜火月湧半湖金天霽增雲麗春寒及夜深鄰舟有酒伴挈

橋重相尋

求志園游讌二首

曲徑通橋直虛亭俯檻斜晴流八窓翠看駐四時花洞闕雲長鎖峯留樹半遮自堪遺世累滾說有仙家

夜遊真秉燭雨到正留人潤逼鷗絃慢深露翠袂新光臨花映媚影動竹搖頻呼酒山南路村鷄已報晨

題汪子靜龍山書院

師友相資地書院一脉存藏脩自先世續續有聞孫供職為行道湏名合立言橋

達信乾坤

贈龍山汪處士

別業亦山隅閒情厭荷鋤圖書先世積游翫幾時俱霜粟三千樹雲松百萬株謀生君自足機械桔槔無

霞城集卷之十五



霞城集卷之十六

歙程誥自邑撰

目錄 律詩五言九十三首

寄遺

寄鮑世重

泊七里瀨寄鄭古

民

廣州寄仲蘇

睢上寄班孔玉

曹南旅次寄勉之

夜次乾灘寄肇之

閔鄉道中寄鄭克

光

永寧春暮寄杲卿

威遠客舍寄李九伯

霞城集卷十六

學舍新移密邇茅堂簡塾師吳君

春夜寄鄭信之

寄海鹽魏明府廷

璽

溪漲簡鮑丈

秋寄張進士巽卿

寄左舜齊

寄張子言

宿鹿門灘下寄上

棗陽王殿下

寄冷鳴叔

江陽逢子木因寄子金四韻

秋夜寄亮卿

寄岳東伯

寄李功甫

初冬簡思祈特思

恭新張

寄江民瑩

寄飛霞子二晉 簡袁永之

瓜洲寄朱子子价二晉

寄易君

寄李進士良伯

寄蒲澗方子

成都客夜夢信之

期允伯不至

江子期過茅堂不

至

秋浦得來鳳書

寄羅逸人

三原客舍柬王處

士天寵

寄汪禹乂

寄烏程朱明府子价

寄宗人煥

寄晉江張明府敏

寄毅齋吳丈

寄題戴子京涵山別業

寄上 棗陽王殿下二晉

雨中簡方生大汶

初冬寄元復思祈

時讀書吳門

寄鄭子金予特寓

秋浦

寄程若虛

九日鎮上伯茂携酒登東山僕病弗預

聊寄此什

簡吳國脩

寄响巖將軍

簡仲泰安言永

懷思

南浦驛下懷王處士

昨上懷子春 旅次華陰懷空同

先生 懷瓦屋高使君

歲暮懷雲巢王處士

永寧秋夜懷雲巢子

山中有懷李允伯 懷鮑丈良濟

雨中登樓有懷王天寵

懷武崗州判官兄 泊墟溝城下懷子

敬 懷月坡家叔

秋夜懷李子允伯時赴成都

家居得允伯荊州書

海上卧病懷故園 懷王道士

河水解聞二弟舟阻鄭家口

雪夜懷弟 秋夜懷靖陽子

月夜懷際明 環山道中憶文瑞

雨中憶思祈 汪子石歸自蜀中

得王李二子消息二晉

雨懷安元 懷湛塘侍御

程用達自隨州歸寄普溪上

宿九里坑夢從化 高秋雨後登樓懷

思祈子金際明赴試金陵

雨夜懷思祈 懷錫山葉道士

憶彭隱君 懷宗伯昭

別大中後登鎮海樓作

懷吳思遠 憶秋月禪師

懷朱晉卿時寓涇園

聞汪大繫獄鎮江 至景德鎮懷伯茂

鄭君 雨懷方際明

律詩五言

寄遺

寄鮑世重

彭澤官元亮遼東客幼安行藏古如此懷抱爾

應寬獨寄江城僻三春花鳥殘新詩莫徒作人

即布衣看

泊七里瀨寄鄭古民

白水浮天下青山趁岸迴地臨嚴子瀨川接鄭

公臺浦路風留客江城雨送梅機心予久息未

信海鷗猜

廣州寄仲蘇

嶺南風候異晴雨變寒暄細葛時揮篋重裘忽

掩門漫遊漸直道久住識方言憶爾西湖上青

山對舉樽

昨上寄班孔玉

中原行轉迥北斗望疑高不似滇江上韻江在  
杓低拂樹梢年殘還適遠水宿秣增勞夜倚睢

南權端居憶爾曹

曹南旅次寄勉之

昔別渚蓮發只今庭菊輝如何秋色暮忍爾賞  
心違雨雪征途遠追隨昨夢非相思有佳句好  
寄塞鴻歸

夜寄乾灘寄肇之

江迥月娟娟蘆花渚路連暝沙團宿鷺風樹曳  
驚蟬廟祭傳鼙鼓津喧索渡錢愁心付漢水遙  
寄秣陵天

閩鄉道中寄鄭克光

壯觀聞秦久西遊乃素心此行秋色裏古意暮  
雲深帝業金城固仙關紫氣沉更回梁苑晉立  
馬鼎湖陰

永寧春暮寄杲卿

郊館浦雲邊薰風入絕絃雨聲三月盡心事十  
年前叢桂誰招隱飄蓬不受憐江流一萬里夢

載白沙船

威遠客舍寄李允伯

十載工齊瑟三千豔綺羅不期蒙一笑安用盡  
雙蛾客路春陽逼鄉心日暮多思君絃欲絕腸

斷郢人歌

學舍新移密邇茅堂簡塾師吳君

學舍新移近書聲老圃西苔深連徑曲竹小出  
墻低奇字容相問清樽過即携無言日向暮太  
乙有青藜

春夜寄鄭信之

病骨疲衾枕三年不下床山房春夢斷溪碓夜  
春長舊約尋嵩嶽征途出大梁昌陽生九節採  
寄莫相忘

寄海鹽魏明府廷璽

小試牛刀手今年起謝安價沽難韞玉香化不  
知蘭驥足時當展龍光夜獨看終慚汎汭者溪  
上守漁竿

溪漲簡鮑夫

十日梅黃雨攤書不下樓徑低隨岸小橋斷帶  
槎流暫過無賓騎相忘有狎鷗淒風吹病骨延

望攬貂裘

秋寄張進士巽卿

靜室延丹嶂長松擁碧雲一丘真老我三徑不  
逢君天遠湖波隔風高木葉紛短書憑鴈足千  
里幸相聞

寄左舜齊

綠水蓬池上平臺良獄東金蘭承化日玉樹倚  
光風接席花游麗聽歌劍氣雄關河別餘恨空  
復此心同

寄張子言

大寒集卷之六

七

雪賦梁王苑花游小玉街別來芳歲改夢往故  
人借淮水淹行跡崧嶽動遠懷昌陽不共採虛  
擬辦青鞋

宿鹿門灘下寄上 棗陽王殿下

三峴峰頭月鹿門灘外天含悽一分手良晤更  
何年龍劍神終合魚書恨莫傳右文堂上榻留  
醉甕頭眠

寄冷鳴叔

潛身葦巖桂瞥眼怪園花借箸空籌漢為歌豈  
和巴楚臣矜下蔡賈傳泣長沙莫言工織素時

俗重鉛華

江陽逢子木因寄子金四韻

玉樹巖溪上連枝仲氏賢相逢憶結社一別忽  
經年谷口耕應得丘中醉即眠平生鄭伯子翹  
望隔山川

秋夜寄亮卿

中夜秋風起高天肅泐寥先聲歸蟋蟀涼意集  
芭蕉不見浮丘鶴長懷子晉簫高塘來早晚松  
月滿溪橋

寄岳東伯

大寒集卷之六

八

習俗矜攀靡君詩迥不羣秋波澄鑿石矚谷暖  
生雲摩詰兼能畫中郎舊習文秦餘高時處  
想接清芬

寄李功甫

相逢淮孺子輒誦李生詩小竹林邊路孤村日  
暮時雲棲東麓遠梅倚北枝遙漫有松蘿約從  
君採玉芝

初冬簡思祈特思恭新喪

關別三秋暮雲山憶共尋苔深一徑碧菊散萬  
錢金時邁違長往宵分費獨吟鴉原風雨惡君

切急難心

寄江民瑩

草市牛沙前君家一水連相思鴻鴈夕獨望碧  
雲天溪澗舟迴石山遙樹積煙春風第一度來  
醉看花筵

寄飛霞子

我憶韓夫子經時不入城山潛與世隔日久著  
書成鑿洞長爲主升雲即定名心知陳處士跡  
異董先生

沈師南征日雲緘枉寄書竹風溪曠夕松雨院

大庚次集卷十六

九

晴初嬾性冠裳曠閒身木石居因君重往拜不  
恨出無輿

簡袁求之

何處尋遊好橫塘二月中羣峰排闥入一水放  
舟通月夕天翻雨花時樹易風思君春欲暮力

疾寄詩筒

瓜洲寄朱子子价二首

湖舟夜別後明發忽驚瀾行色淹洲渚文談擬  
肺肝城深衝雨易陂急遡風難嘉會眞成阻仙  
居隔水看

解纜湖風反停橈江雪飛鴈疑南下盡書悵北  
來稀歲故傷心暮春應照眼歸吳門花月好遲  
爾翫清輝

寄易君

多君挾仁術過我子桑居寒江消冰漸陽和入  
燒餘報功思種杏蒟素待烹魚定藉回生力重  
停谷口車

寄李進士良伯

傳道皇華使春看故里花九重歸報命萬里去  
携家北夢荆門繞東行江路賒會趨青瑣闥待

大庚次集卷十六

十一

草玉堂麻

寄蒲澗方子

憶汝當炎夏携家返故鄉琴隨孤鶴去雲繞萬  
山長而我浮江漢清秋客邛邛今來巴峽路念  
別怨青陽

成都客夜夢信之

鄭子平生友別來今四秋關山杳難見書札寄  
何由玉壘西江側黃河北極頭茲宵接顏色眞  
作夢中求

期允伯不至

寒氣蕭巖扉煙光靜翠微上方鳴磬徹中夜一  
僧歸雨嶂啼猿寂風林宿鳥飛雲巒心賞共忍  
遣此宵違

江子期過茅堂不至

山中春欲半陌上雨來初濕壓茶煙合光搖木  
榻虛望餘松鶴下愁劇砌花踈不見高軒過空  
勞歎尺書

秋浦得來鳳書

衡暑東歸客西來寄數行秋風今日冷夜雨滴  
堦長道路千峰外奔馳一騎忙深知篤交誼無

用說肝腸

寄羅逸人

歸來羅仲子長往契予心石髓逢應識桃花香  
莫尋仙源流水遠鳥道亂雲深儻覓浮丘侶肯  
鸞遞爾音

三原客舍柬王處士天寵

霜葉飛秦樹寒雲覆隴陰百憂攻向夕一病到  
于今城雨懸河下街泥沒膠深可人期不至愁  
絕伯牙琴

寄汪禹乂

君住蘿山麓從來木石居不忘經世略真擬解  
嘲書桑梓瞻依遠煙霞問訊初留連風雅地精  
爽近何如

寄烏程朱明府子价

聞說淮南郡春來水拍天村藏沽酒肆戶有打  
魚船黃草堪爲布青尊不取錢終期買牛具來  
種射陂田

寄宗人煥

送汝還山去初秋發白沙相思見月色一別隔  
年華鸞出丹丘族龍宜滄海家誰令久魚服延

許悵雲涯

寄晉江張明府文宿

黑頭拋墨綬青眼向雲林更結西湖社縣知夫  
子心鷗飛動海色鶴立下蘿陰賸有新成句相  
逢足賞音

寄毅齋吳丈

君家楊川上門巷蔚青林客席涼風入歸途暮  
雨侵相過憶疇昔一別到于今六六朱塘汙浮  
舟會夙心

寄題戴子京涵山別業

一水開明鏡寒光寫碧深遊魚上木末棲鳥坐  
波心吾子欣投契人文暢賞音何時重過汝照  
影最高岑

寄上 棗陽王殿下二首

一別三千里相思十六年錦書長不達青鬢各  
皤然有地依王粲無纜坐鄭虔裁詩寄春色早  
到隴梅邊

芳園臨漢峴平野眺荆樊簪蓋煙霞侶形忘軒  
冕尊峰奇多列石泉縈有來源淒涼舊遊侶卧  
病老文園

雨中柬方生 大汶

黃華初有菊落葉已空林况對秋霖積其如客  
思深揚雄空識字莊鳥正悲吟獨坐溪堂夕誰  
能載酒尋

初冬寄元復思祈時讀書吳門

經時不入市消息北來稀奇字無人問高軒與  
我違雲松寒獨翠霜半晚俱肥問訊天都侶今  
年歸不歸

寄鄭子金予時寓秋浦

北去江波濶東還嶺路高含愁行色獨延望此

心勞歲逼雙吟鬢寒翅一緼袍春風谷口早鷹  
上小梅梢

寄程若虛

蔣子開三徑班生賦雨都麟遊不在囿驥志且  
長途豈嶺玄雲胸清溪白水枯思君歲聿暮松  
菊未荒蕪

九日鎮上伯茂携酒登東山僕病弗預

聊寄此什

高高蒼翠上想見倚風時長嘯雲天豁沉酣水  
石奇招要見高誼疾病負幽期泛泛樽中菊遙

憐對阿誰

簡吳國脩

客舍臨江迥泥深出未能朔風寒作雪夜雨來  
成水同病憐吾子無家類野僧愁看一水隔而  
我興難乘

寄响嶼將軍

別業北關外香風吹稻秋樹深通曲徑村小出  
孤樓白杜爲才子青門是故侯歲功何日畢從  
事舊交游

簡仲泰安言永

經時思一見蕩漿擬重來野燒初延草湖春早  
到梅北枝開不緩東望思悠哉報遺橫愈月相  
尋定幾迴

懷思

南浦驛下懷王處士

縹緲暮城邊樓高出浦煙客愁吹笛外秋色憐  
衣前早覺莊生遠今思孺仲賢田園歸夢遠倚  
櫂月明天

唯上懷子春

挂席踰睢水鳴鏹入宋中雲低梁苑夕水涸孟

大夏

五

諸空馬渴頻餐雪裘輕不歷風遙心將夜月同

浦上湖東

旅次華陰懷空同先生

落木來關內春花憶宋中平堂幾迴曾長路獨  
飄蓬霜磴蒼龍北雲峯落鴈東此時簇鞍馬望  
嶽遠懷公

懷瓦屋高使君

夙昔懷經濟于今卧薜蘿河清時不俟髮白日  
應多楓樹紫荆塞雲山擁蜀我相思空有夢萬  
里越江波

歲暮懷雲巢王處士

卧病三年後懷賢萬里心止同元亮酒聽異子  
期琴飲浦棲烟岷山積雪深傳巖甘版築無  
夢作商霖

永寧秋夜懷雲巢子

秋色肅寒余疎燈耿客心哀猿啼月黑積雨構  
秋深悵憶花時別生憎菊節臨泛觴誰對汝飛  
夢汶東岑

山中有懷李允伯

大夏

五

桂樹攀翻處居然鹿豕群高松萬壑雨新水半  
溪雲儼鼓巫歌集漁燈客饗分狎鷗亭下路惆  
悵不逢君

懷鮑丈良濟

鮑子清川隱詩名四十年一裘行帶索半榻坐  
無種久別驚時改孤懷落日牽澄溪融雪後望  
斷子猷船

雨中登樓有懷王天寵

西風吹暮雨延望倚闌千山遠增煙霧溪深菰  
石灘熊宜遭滑獵鰲待掣任竿病骨增蕭瑟真  
慙白苧單



懷武崗州判官兄

州當百粵衝解宇面雲峰績茂多年著才通異  
俗從挈家寧念土微祿勝為農愛棗春花粲相  
思恨易重

泊墟溝城下懷子敬

瀟漫大夷浦嶼嶼墟溝城連東溟水地控蒼  
山營望洋豈徒嘆持螯孰為情美人渺何許悵  
憶星河橫

懷月波家叔

淮陰南下路十里送歸舟悵別湖波晚遲迴振

懷李愁

渚秋城雲深北極龍月浦中流念此經時月江

山誰李愁

秋夜懷李子允伯時赴成都

沃野開天府攢峰塞蜀門流花子愈寐桂樹爾  
飛翻矯捷凌風翻淒清嘯月後何時北巖麓重  
對月亭樽

家居得允伯荆州書

忽寄荆門信遙知度漢津間緘如對面念別自  
驚神楓塞逢歸使霞城訊逸民行看覲丹陛三  
策動天人

海上卧病懷故園

卧病三春暮風花一愴神聲傳塔滴雨愁到枕  
歎人久乏籠中物空為席上玳舊山叢挂窗門  
巷接芳鄰

懷王道士

七十峰深處黃龍洞最奇君行鍊金液我夢掇  
靈芝襄漢心長往戎瀘去莫遲紅崖松麓雨終  
夕結相思

河水解聞二弟舟阻鄭家口

凌積黃河壅北人謂斷水為凌迴流溢宋中遙傳二弟

懷李愁

阻安得一書通舟楫歸無計填笮夢屢回春風  
動池草天際有征鴻

雪夜懷弟

歲傍孤城暮寒從午夜生愁深染苑雪曉阻未  
州行孤兔潛踪遠鷹鷂得食爭定知相馬隔那  
慰北來情

秋夜懷靖陽子

秋深氣易清風色颯江城藥減能扶病醫良不  
在名流螢輝綺閣綴露冷桃笙尚想金丹熟從  
君鍊骨輕

月夜懷際明

輕陰散初霽明月出林端欲引芳榭對何辭盡  
夜看故人千里別樓烏一枝寒風露凄然下布  
袍清且單

環山道中憶文瑞

歲杪荷塘路千峰雪霽時松高猿獨挂池涸鷺  
羣窺掾栗林應盡蛟龍雨莫遲春風何意緒先  
集向陽枝

雨中憶思祈

離羣思一見春雨阻相過幽抱時俱積新詩日  
益多琪花空旖旎丹嶽隔滄海不惜堦苔破衝  
泥到薜蘿

汪子石歸自蜀中得王李二子消息

歸來汪伯子遠自蜀門西棧道盤行李雲山曳  
杖藜再經歌鳳處幾遡浣花溪夢寐遲留地因  
君問舊棲

強健誇王子才名畏李生別離難聚首問訊復

舍情松變春巖色猿增夜壑聲何當理西榜書  
寄見生平

雨懷安元

雨懷安元

芸閣圍春雨茅厨壓暝煙栗香傳宿火茗味試  
新泉隱几思廣句燒燈閱贈篇劉楨公燕詠冠  
絕鄴中賢

懷湛塘侍御

揚揚耀閭里飛蓋策高勳抗志皆如此憐才獨  
有君名山秋載酒寒月夜論文一別溪堂雪相  
望幾暮雲

程用遠自隨州歸寄書溪上

短策重來處春風率水湄暑軒尋下榻秋寺和  
題詩吳楚嗟離隔煙霞積夢思歸來不即見豈

是寄書時

是寄書時

宿九里坑夢從化

異地嗟離隔中宵入夢思牽衣登坐鬢索笑然  
吟髭九里山深處三更月上時悠哉不成寐念  
汝小孫兒

高秋雨後登樓懷思祈子金陵明赴試

金陵

樓望倚斜曛天長野色分雨深秋浦水風散大  
樓雲岫樓晚信潮應到寒聲鴈早聞月明桃葉  
渡今夕不逢君

雨夜懷思祈

已負登臺約中秋予與思祈別時有登  
靈觴難把手風雨遠含情契闊天都社文騰藝  
苑英先聲真慰我翹首鳳凰城

懷錫山葉道士

海上携青友人間住錫山柱門回俗轍鍊藥駐  
童顏神室全華秘仙關紫氣遠傳聞無定所飛  
錫杳難攀

憶彭隱君

三年別隱君巖信阻相聞碎穀傳丹訣携家住

懷宗伯昭

白雲江潮通估舶崖棧遠樵斤不復遊城市應  
多鸞鶴羣

懷宗伯昭

十日沙頭待仙舟與我蓮望迷煙水關心逐鳥  
雲歸拂樹冥冥合飄風片片飛平生宗伯子夢  
寐接光輝

別大中後登鎮海樓作

汝來因父病予望念兒歸路出千山外雲連一  
鴈飛秋風吹客鬢暮雨濕征衣漁火迴汀夢相  
尋定不違

懷吳思遠

江干一分手天畔幾登樓浦草傷吳別皋蘭賦  
楚遊章華臺下路雲夢澤中州日夕涼風起思  
君重隱憂

憶秋月禪師

遙憐趺坐處門對北高峰禪榻何曾下時人那  
得逢饑餒窺供菓怖鴿散齋鐘期我三天竺行  
穿九里松

懷朱晉卿時寓涇園

相思不相見相望隔城煙孤館離居夕殘年旅

聞汪大繫獄鎮江

况天鴈迴挽雪後梅發及春先八寶庭前路經  
時夢寐牽

聞汪大繫獄鎮江

倏爾玄雲合遙憐作計踈鬼車今日載湯網幾  
時除茂苑分携後高沙悵望餘白頭交龍者淚  
盡北來書

至景德鎮懷伯茂鄭君

萬戶蒼然裏人煙暗曉炊重來為客處却憶過  
君時溪澗灘高早山深雪霽遲敢憐遺炭夕避  
近荷相知

雨懷方際明

相去只數里經時不見君中心蕉欲展新語鳥  
初聞津漲千山雨扉扃一壑雲沙眠雙白鳥羨  
爾自為群

霞城集卷之十六

卷之十六

霞城集卷之十七

歎程誥自邑撰

目錄律詩五言六十二首

詠物

詠鶴

夜飲子同席上分賦一物得蠟燭

庭栢

早梅

蟬

新笋

一夫紅

梅花

盆菊八月着花

籬菊

卷之十七

歎墻下菊

詠菊分韻得萃字

新泉

詠泉

鶯

缸

螢火

感燕

歸鴈

鴈

聞鴈

林媪宅賞水仙花

沐上見萱花

十八夜月

九月十五夜月

峽月

詠葵

吳公甫席上詠牡丹

詠綵花

海棠

集慶寺夜同茗山憲使沂江上舍聽雨

分韻得樓字

集慶寺對雨同前人分韻得微字

二月見梅

湖上雪

雜詠

本齋文集卷七

十一

明妃怨

觀送客

題陳鳴楚曲池山堂

思筠軒

讀弘德集

山中送春

秦淮待潮書所見

題康長卿滇南餞別卷後

時序

立春郊外

夷門上元

巖鎮上元

清明日儀真郊行過北山寺

守歲作

戊戌除夕

哀悼

哭吳靜夫

培菴鄭丈哀輓

哭葉果卿

族祖樂莘翁哀輓二首

本齋文集卷七

五

悼亡第謨

藍半村先生哀辭二首

聞鄭古民卒于汴

哭族叔白坡先生

族叔大方伯羅山先生哀輓三首

渡淮聞鮑子良濟訃哭之

方石溪先生哀輓二首

大參雙溪鄭公哀辭二首

哭鄭克夫

山陰方侯哀辭

律詩五言

詠物

詠鶴

寄跡依芳嶼清標挺化胎雲長盤獨遠風疾引  
俱迴名驥由來久群鷄不受猜綠山看謝去遼  
海待歸來

夜飲子同席上分賦一物得蠟燭

絳蠟輝宵燭當筵照舉杯玉調初順序蘭麝漸  
成煤蛾暗投明入花寒向暖開無令早見跋徒  
促衆賓迴

庭栢

手植庭前栢多年出屋長霜皮將蠹盡空腹易  
蛇藏高蓋團猶密卑枝偃不妨自堪持晚節誰  
擬競春暘

早梅

草色初延燒梅梢已綴春香傳一綫暗玉出五  
痕新雪徑幽尋少溪橋表見真曾勞林處士八  
詠寫風神

蟬

一枝棲未穩曳響忽辭林落日橫塘夕垂楊幾

樹深驚風無定跡應候自長吟何物草蟲輩長  
懷襲汝心

新笋

新笋八九箇出泥春已殘入風聲未振指日翠  
成團爲整宜加護登盤幸免餐狂兒不解事擬  
作釣魚竿

一丈紅

春深忽見汝崛起並庭柯晴日開無數鄰牆出  
漸多輝輝張畫錦疊疊豔春羅陌上誰家子行  
看駐玉珂

梅花

朔氣曉駸駸踈枝雪故侵不知春色早猶畏凍  
痕深徑僻風微逗窓虛月半臨山人重標格時  
策杖藜尋

盆菊八月着花

盆土春栽後池泉夏灌時神全無病葉力到足  
高枝始見花開早終憐色變遲傲霜知有素綴  
露總相宜

籬菊

肅殺嚴金氣清霜百草摧可憐存獨秀不敢怨

遲開雲疊重樓出風和暗麝來披宜村徑僻蜂  
蝶莫驚猜

歎墻下菊

叢菊南墻下秋來見日難篠扶才免什露濕幾  
曾乾僻處無人賞遲開得自完終憐隨衆草不  
媿伍幽蘭

詠菊分韻得華字

寒菊燈前見宿遙此夜誇光清色不晦榦直影  
堪斜天與金行秀時徵月令華相逢遲暮景不  
是豔陽花

新泉

泱泱聲初振涓涓勢欲奔跳珠出石罅漱玉匣  
雲根科進知遵道流清信有源如斯終不舎此  
樂共誰言

詠泉

飛流下崖壁灑迥出雲門忽入飄風遠長隨激  
石喧宵分供茗盃時飲接松猿自喜春來溢何  
嫌雨後渾

鶯

淑氣轉芳蕙春風欲半時嬌啼出谷早流影度

花遲閨夢驚何數丘隅止不疑上林多弋彈莫  
坐道傍枝

虹

截雨生成速橫天變滅遲分明因釀日顯晦亦  
隨時醉欲纏頭舞歌應擊筑悲農家憂旱久汝  
見詎相宜

螢火

螢火何輝映今宵照眼新紛紛來院落聚聚亂  
星辰側席衝人過臨書鑿字其無言出腐朽甘  
作易沉淪

感燕

海天霜氣滿汝燕尚于飛豈戀雕梁好猶穿翠  
幙歸將離辭主數偶語恨時違何異殊鄉客經  
年詠式微

歸鴈

木落來南國花開返北門路遙頻失伴江迥一  
銷冤度月迷津暝眠沙愜浦喧寒垣天萬里鍛  
羽莫高騫

鴈

萬里來賓鴈高秋度漢臺影翻關月亂聲入嶽

雲哀避弋飛常疾將書去莫猜上林春色早遲  
爾楚江迴

聞鴈

旅鴈來何處今宵始一聞聲傳遙度積群失定  
迷雲海黑看難見天長去不分遠書誰遲汝飛

夢越江濱

林媪宅賞水仙花

芳名聞自昔識面女郎家粲粲黃金葉英英白  
玉花倚風偏旖旎立雪不欹斜為爾懷清操天  
留殿歲華

蘇東坡詩集卷之七

沐上見萱花

夏卉壹差早居然挺茂姿况當南陸日遙憶北  
堂時倚檻看難足為籬護莫遲他鄉兒女態見  
爾轉興悲

十八夜月

城月魏魏白臨除已二更不嫌輪影仄猶傍桂  
香清熠燿疑光掩蠓螟趨魄生相看終夕客獨  
切倚樓情

九月十五夜月

萬里驚秋暮三更對月明吐華成五采如鏡表

孤清色益江濤白光團菊露盈洞庭應落木歸  
客五湖情

峽月

峽月落船明懸空已四更雙崖影樹直一道鑿  
波清鳥鵲棲難定皎龍蟄不驚沿流有征榜烟  
外唱歌聲

詠葵

園葵已自榮向日轉分明衛足寧非智傾心不  
掩誠亭亭元自直燁燁可憐生一笑成孤賞無  
論世重輕宋人詠葵云得  
人如葵多

蘇東坡詩集卷之七

吳公甫席上詠牡丹

雕欄儼伎行名卉媚行觴秀出群芳類香浮百  
寶光玉顏矜絕代紅粉試新粧宛對沉香北徵  
歌樂未央

詠綠花

點綴傳纖手連枝媚綺筵朔風吹不落宵燭照  
俱然挑發爭梅早春歸在臘先自多妖冶態何  
忝豔陽天

海棠

簇簇雕欄曲輝輝錦幄張婉孌生百媚容易失



群芳寤覺饒春睡塗成出曉粧風前傾一顧不  
獨斷鶯腸

集慶寺夜同茗山憲使浙江上舍聽雨

分韻得樓字

偶來湖上寺共卧夜深樓何處蕭蕭雨無端忽  
送秋驟衝松壑怒儘破竹窓幽靜聽還歇枕山  
僧爾亦愁

集慶寺對雨同前人分韻得微字

漠漠倚風微遙遙拂檻歸山深真自晦雲重不  
成飛延聖空齋又來尋別院稀相從觚前事於

集慶寺對雨

十一

我願無違

二月見梅

紛然紅紫裏尚有一枝梅雪後誰相覓風前未  
盡開丘園看出色蜂蝶不須媒車馬郊南路遲  
遲莫見猜

湖上雪

萬樹風初定孤蓬雪已輝冥冥迷浦闊片片趁  
帆歸鴈斷蘆應失魚深藻自依不知沽酒遠虛  
擬款村扉

雜詠

明妃怨

漢甲防秋急胡笳徹曉聞蛾眉作公主侯骨屬  
將軍寶鏡懸宮月毳毼拂塞雲烽塵行可息持  
此報明君

觀送客

都門楊柳春驛道帶通津琵琶如泣白車騎似  
遊秦扇底翻歌豔壚頭勸酒頻一雙腸斷淚持  
送可憐人

題陳鳴楚曲池山堂

君家曲池好曲曲抱山迴比屋居人接桃花夾

集慶寺對雨

十一

岸栽衣冠非避世徑路本無媒漁父知津者相  
尋幾度來

思筠軒

端居白日靜對坐碧雲深一徑午風裏萬竿秋  
氣森因風疑曳佩當夏此披襟手植懷遺澤悠  
悠直至今

讀弘德集

歸來李夫子中歲山林臯直以詩為史真能賦  
繼騷青天出層巘滄海渺飛濤讀罷雲鴻句應  
知有鳳毛

山中送春

逢君疾病時清賞負金卮醒眼看花盡愁心畏  
鳥知游塵清谷口芳草徧天涯去去陰濃裏無  
勞叫子規

秦淮待潮書所見

陂色紆迴岸沙稜疊澗潮蘭汀留艤棹花檻坐  
聞簫腕玉紅縮映肌香翠袂飄只疑銀漢隔負  
此女牛宵

題康長卿滇南餞別卷後

小遊三十載白首賦歸來冠蓋追真錢文章著

蜀才

蜀才所文揚升髮蓬迎棧轉心矢急年催馳念

交游好知君首重回

特序

立春郊外

春新物色輝步屨此郊圻馥已舒梅暗青猶拂  
柳稀廣阡狂客騎晴日飛人衣行樂東郊晚村  
醪取醉歸

夷門上元

月向通衢暗燈於此夜新遊塵迷巷陌起火亂  
星辰忽過名王輦偏驚外郎人衫雲仙杖

吹動芳鄰

巖嶼上元

寶月星樓滿銀花火樹橫橫梁通綺陌夾道擁  
雕欄難鼓迎村賽闐粧競市觀誰家少年子狂  
走耀金鞍

清明日儀真郊行過北山寺

細草沙南路輕雲雨後天殘潮半郭水新火幾  
家烟鶯語寒猶澁花林濕未燃相從散幽躅不  
問野狐禪

守歲作

爆竹催寒盡椒花頌歲新味羨傳玉饌坐累接

文衲窓氣梅先馥原光草暗仲兒童喧竹馬拂

曙共迓春

戊戌除夕

三年仍卧病門巷浦橋西檢藥囊題逸收書架  
帙齊風梅晴易馥雪竹暖猶低拂拭看雲眼春  
來倚杖藜

哀悼

哭吳靜夫

汝竭中丞去真輕蜀道難花辭帝王國水遡使

君難失意還鄉井，潛身戢羽翰。誰知廣陵散，愁絕日中彈。

培菴鄭丈哀輓

門巷雙橋上，光陰七十中。名高人列才，擅萬夫雄。絳帳諸生老，青瑣坐客空。平生一千首，絃絕泣枯桐。

哭葉某卿

杲也才超絕，驂駒迥不群。縱觀空海岱，能賦小機雲。天奪何其速，琴亡不復聞。百篇雖可述，終未過斯文。

夏寄淮南觀冬歸海上船田閣無厚業妻子值凶年墓草春含雨山松日積烟平生知已淚灑向海陽阡

族祖樂莘翁哀輓二首

結髮懷高韻，中年事遠遊。懋遷宏業，概濟盛英謀。浪跡收江海，閒情寄壑丘。九原無起日，緜引向松楸。

華堂悽末別，祖道引靈輿。白日翻蕭索，青山重鬱紆。緜謳喧綺駟，度積靜扉魚。松檟蒼蒼夕，相望涕淚餘。

悼亡弟謨

死別吞聲後，羸軀抱病前。荆門歸悼急，白下計書傳。草夢春頻入，床虛雨自連。淒涼身後事，愁劇栢舟篇。

藍半村先生哀辭三晉

零落辰星後，悲風動杳冥。愁雲隨緜引，落日照林扃。二氣浮精爽，諸公失典刑。未湏悲速朽，著德是遐齡。

一夢俄觀化，那堪永別情。天乎宜福善，公也不壽主。百歲遐齡近，諸孫令器成。飄飄瞻素幔，鬱鬱指佳城。

聞鄭古民卒于汴

悵憶雲橋淚，靈車一徑通。烟雲深未宅，松柏動悲風。流水偏趨下，斜陽不再中。德音猶在耳，揮涕欲何從。

哭族叔白坡先生

七載丘園別，傳聞鬢已皤。故人日漸少，新塚草應多。谷口無由見，溪頭不復過。並遊騎馬處，揮淚隔關河。

病亟焚詩草錢塘易簣秋老親收旅櫬故舊莫

病亟焚詩草，錢塘易簣秋。老親收旅櫬，故舊莫

歸舟墓土春燕碧村田  
雨水流空勞昔學稼門  
巷對荒丘

族叔大方伯羅山先生哀輓三首

廉謹敦儒素勤勞  
荅任專口碑存令德  
頭地出多賢瘴癘行邊日  
龍蛇厄士年羅山讀書處揮

淚夕陽天甲辰年二月初

得歸趨改命載始遷今秩 嬰疾阻之官雨露

新汗滿水霜滿鎮寒倅  
金空宦橐延火駭停棺

朔雪炎風地平生見肺肝

素旋靈車引青山  
隧道連泉扉一以閱雲檜日

震城集卷十七

十六

森然棋局何由對  
詩筒不復傳淒涼  
竹林地空憶嗣宗賢

渡淮聞鮑子良濟計哭之

醴筵曾設楚老去倦游梁  
又逐丘中叟今為地

下即高名存氣節  
後事斷書香此日淮陰路悲

君淚萬行

方石溪先生哀輓二首

交游同甲子厭世獨登仙  
鄰笛秋風外篝燈夜雨前  
憶看巖鎮月共泛石溪船  
屈指歡娛地驚心二十年

哲人今已矣世路失津梁  
白日泉扉掩青山  
隧道長書香承令子  
祿養慟高堂零落交游地偏令季重傷

大叅雙溪鄭公哀辭二首

悲風摧玉樹涼露下芳陔  
桑梓愁雲滿丘原落  
日來鄉人崇正氣時宰  
忌高才一抗歸田疏經時卧草萊

賢郎吾畏友藝苑早蜚聲  
家學由來舊時流孰與并  
風塵看迅驟天路待徂征  
足慰重泉下終當繼世榮

震城集卷十七

十七

哭鄭克夫

度嶺南來日還家北望情  
中途傳求訣萬事見平生  
逝水時俱往悲風夜未平  
鳳雛猶在巖何日九苞成

山陰方侯京辭

早歲魁多士芳聲溢帝畿  
一官淹展驥萬事早忘機  
疑化雙鳧去空翔駟馬歸  
南岑舊棲麓長掩翠筠扉

震城集卷之十七

霞城集卷之十八

欽程詣自邑撰

目錄排律五言 五十六首

登覽

早春登齊雲山

遊徐公子西園遂登鳳凰臺

早春齊山登壘

同李少府登黃鶴樓

夏日同鄞劉二丈登鎮海樓

登大別山遂謁禹廟

度黃草峽

登岳陽樓

登長干報恩寺塔

許郎中新亭登眺

宴集

紅崖山亭夏集

西湖夏泛同方丈

同黎合州西津夜集

集姜處士良父別業

陪諸公宴求志園遂泛舟澄潭

秋日同諸子泛西湖二首

投贈

贈塾師午谷宗文

贈鄭郎

贈孫隱君

西山草堂

壽大司馬幸菴彭公

近溪樓對雨贈思祈子金

王德仁侍御誕子賦贈

贈耕樂盛處士

酬答

歲暮荅金在衡

酬侯舜昭

荅葉杲卿

次韻荅李山人

懷思

讀西嶽集因憶舊游

對雪憶杲卿

錢塘憶勉之

得吳德徵嶺表消息

得允伯薊門書

尋訪

過方仲潛山房

宿齊雲山吳真師山房

過汪仲嘉幽居

過白潭叔新宅

送別

送沈處士歸荆門

送屈使君之嶺南

送晴坡叔會試年巳卯

蜀中書懷贈別李子允伯五十韻

率口別諸宗人

送金在衡歸金陵江上新居

別汪氏二難

行旅

泊瞿唐峽東浦 上峽次魚復浦

冬至夜宿夷門隱者家

過洞庭湖

或本

大震秋集卷八

三

高橋道中望孝陵

入新安江書懷寄余子元復

懷古

雲陽謁張桓侯飛祠

白螺山吳大帝廟

題詠

同射陂子詠雪

哀悼

悼方性初

律詩五言六句二首

感述

塞上曲八首 苦雨

雜詠

溪上孤松

新城郭西桃花盛開

行旅

舟行出劉埭口宿溼頭二首

律詩六言三首

閒適

山石題壁

大震秋集卷八

四

尋訪

溪北訪方為瀾不遇

排律五言

登覽

早春登齊雲山

垂蔦丹崖側危亭碧樹巔蛇盤峯徑曲猿引峴

雲偏曳杖疑無地懸壺忽有天門高丹洞啓壁

峻石梯連泉響初通雪松青暗積煙谷幽聞磬

發宮近掃香傳仗外星旂卓空巾羽蓋旂道人

當院值相與詠遊仙

遊徐公子西園遂登鳳凰臺

暖風吹雨霽問酒杏花來  
車馬村南競山林郭裏  
開翠亭脩竹徑錦石亂  
雲堆岸曲盤駕渚江空  
倚鳳臺晚煙迎樹合春  
浪蹴天迴縱目斜陽裏  
歌鐘不用催

早春齊山登學

出郭剛三里行山已數盤  
入門松日午坐石壑風  
寒亭榭延清賞江山入  
縱觀風帆飛片片雲高  
碧團團選勝移樽數  
搜奇得句難巖空多積  
翠司午下蒲舟興劇幽  
閒境情傾故舊歡鑄崖

未復城集卷十八

五十一

多製作留眼後來看

同李少府登黃鶴樓

城磴緣山峻樓天矯  
煙三楚逾襟帶九江  
雄翼軫臨野梯航著  
禹功故人乘暇日携  
客倚高穹逸駕追黃鶴  
飛梁挹彩虹關下過  
鳥上杖屨御風中能賦  
傳崔嵬筆有帶公闔浮  
趨堀堞閭闔叩鴻濛  
不有靈秘終成日髮翁  
往來驚歲月跡跡限  
西東飯果同萍水將  
歸興塞鴻遙心將去  
舫汨汨向吳宮

夏日同鄧劉二丈登鎮海樓

樓觀延虛敞登臨二老俱  
蒼蒼引於越森森帶

勾吳蜃氣騰環海龍蟠壯  
故都夕潮聲勢接溝  
血尾閭輸南鎮瞻秦壘  
東遊憶孔杼一天秋暗  
入三伏暑全無進爵拈  
鸚鵡徵歌詠鷓鴣君看  
河朔飲千載亦吾徒

登大別山遂謁禹廟

名山昭禹蹟分野壯荆畿  
白日高亭迥蒼煙廣  
野微郊晴花與麗風濕  
木俱飛江漢春還碧帆  
檣暮不稀載瞻忱每罄  
求賴願無違忽動龍旂  
影疑乘四載歸

未復城集卷十八

六十一

度黃草峽

黃草涪西峽舟行畫裏看  
一江兩雨碧千嶂擁  
霞丹複嶺紆樵徑危磯  
激釣滿漪文驚鯉躍風  
色快鵬搏浴鷺娟娟淨  
眠鷗箇箇安氣衝紅者  
熱潤逼瀑崖寒旅泊雖  
云遠奇多亦足歡因聲  
後來者蜀道不全難

登岳陽樓

湖迥三湘接江平七澤通  
冥冥連廣漠浩浩混  
鴻濛落日橫秋壘危檣  
進晚風未瞻晴雨態知  
擅古今樵客子憑危夕  
漁歌互答中圖書殊俗

老廊廟此心同憂樂情何極登臨興未窮南遊  
如可即兼得吊重瞳

登長干報恩寺塔

寺遊當雨霽塔倚快秋清霄漢側身處風煙觸  
望生天形低遠樹地勢敞全城市井人煙暗宮  
陵王氣明法臺花舊雨輦路草新平游侶乘閒  
暇憑高適性情酒樽携亦屢世累晚能輕禪衲  
翻多事松門管送迎

遊章臺

羨花門外路百卉競青春浦霽川華媚沙暄草  
色勻孤臺標寶刹並轡騫香塵霸業煙銷盡空  
門雨過新君看舊垂柳曾開細腰人

去歲秋集卷八

七一

許郎中新亭登眺

吳山最勝處虛豁一亭開空翠霏霏入天風  
嬌來孤高標日月環杳俯樓臺海闊鵬鵬運雲  
長鶴鶴迴縱觀多逸興能賦有高才邂逅丹崖  
上談深進茗杯

宴集

紅崖山亭夏集

畏日棲雲巘清風坐竹林連聲銷劇暑積氣藹

重陰苔磴青霞溢花垣錦幄深玉甌傳茗香  
几拭鳴琴嘶麓催歸騎爭枝待宿禽莫教茶日  
曠吾此契遐心

西湖夏泛同方丈

小徑縈山曲危城壓水樵岸迴空騎盡湖之一  
舟同進漿荷香破釣簾浦望通暑消青行雨涼  
起白蘋風狂客捫璫瑟佳人勸碧簫百壺猶送  
酒留醉月明中

同黎合州西津夜集

解鞍臨北渚泛舸過西津載酒花聯席冷風月  
趣人鳥聲遙轉石陂色驟開蘋岸艤情彌逸洲  
綠興乃新叩舷迴過鴈舉網得潛鱗曲引歌喉  
並歡開笑口頻清樽須竟夕良晤况逢辰歸路  
愁明發飄飄逐馬塵

去歲秋集卷八

八一

集姜處士良父別業

丈人幽隱處密邈郭西原山暮雲依榻江春水  
到門小僮爲網罟老婢牧鷄豚酒甕新漿溢茶  
爐宿火溫歲登饒黍稷家給足饗殮容我頻來  
往相從諷道言

陪諸公宴求志園遂泛舟澄潭



天上鷓鴣侶山中草木儔從將三徑僻宴賞一  
亭幽灑翰春葩繁傳觴臘蟻浮芳蘭聞獨遠別  
鶴叫相求移席行携伎沿流改治舟村迴迷繫  
馬沙近起眠鷗浦日蒸朱夏潭風變素秋月明  
不歸去留醉杜蘅洲

秋日同諸子泛西湖二首

風氣蕭蕭爽湖光瑟瑟幽高城一以合疊嶂四  
圍周雲澹看無色波平泛不流山哦詠梅句浦  
并採菱舟歌闕鳴桃去那知聽者愁  
蓮落紅水盡荷留翠蓋殘勢盤松麓遠光出水

天宮集卷之十

九

笑寬進伎歌金縷行杯度玉盤幾回風倚醉一  
笑月留歡不信城頭柝歸途促促馬鞍

投贈

贈塾師午谷宗丈

午谷吾宗彦名高海內傳驪駒騰廣道鴻鵠鶩  
高天跡寄儒林久聲馳士類先幾年施絳帳竟  
日坐青氈韓子推原道楊雄守太玄陶鎔成小  
子歌頌奏多賢伯王知非日宣尼學易年能占  
將獵渭金筵會趨燕奎壁臨初度衣冠集慶筵  
中宵望南斗光彩燭龍淵

贈鄭郎

多士雙橋里郎君挺妙才為駒驚汗血在蚌見  
珠胎賦雪遊梁久歌風入沛來青山環倚檻綠  
水引行杯沙雨潛通草江春早到梅層臺由一  
簣廣廈仗群材水自盈科進鋒看對壘摧驅馳  
風雅地展驥不須猜

贈孫隱君

夏策遵雅龍端居桂樹叢無人招隱士夫子擅  
高風几榻雲長擁軒車路不通谷風時嘯虎寶  
氣夜騰虹蠟夜承靈運丹砂事葛洪明時仰獨

天宮集卷之十

十

善不是避秦翁

西山草堂

愛汝西山好蜿蜒帶草堂尚留宜爽氣巖谷受  
朝陽玉樹連枝秀金蘭奕葉光從游麋鹿伴被  
服薜蘿裳矧闕衝星氣書騰辟靈香自非龍卧  
穩誰訝鳳歌狂

壽大司馬幸庵彭公

拄笏歸田里明公獨黑頭情怡今草木夢擁舊  
貔貅節制紆邊策精誠挺廟猷功名多治郡特  
校半封侯五袴歌廉久其棠憇召留壽筵思獻

頌西路越岐周公舊守徽故云

近溪樓對雨贈思祈子金

涼風動浦樹井雨下溪樓漠漠初疑暝蕭蕭忽  
送秋田園生意勃叢薄碧光浮早慰三農望貧  
寬一歲憂途深思借屐難淺未勝舟煙火歸人  
近林塘淑景幽風流逢二阮不為酒樽留

王德仁侍御誕子賦贈

奕葉三槐喬連枝王樹春時流恢海嶽聯屬繁  
星辰世胃非徒爾雲仍信有人義文來鳳鳥孔  
釋送麒麟趙壁連城舊隋珠照乘新從知有奇

大霞集卷十八

十一

骨安用識前身跨竈期他日追風見絕塵獨慙  
湯餅後不得預諸賓

贈耕樂盛處士

丈人何嬰鑠已過古稀年能事長留客談玄不  
學仙三間湖上屋三頃郭東田釀酒多新林拿  
魚有小船幾回陪我坐徹夕不成眠

謝答

歲暮答金仁衡

名都耀冠蓋之子盛交著奮跡詞人死知名作  
者流舟車馳驛傳雨雪過林丘好事尋楊子中

途異子敲璞深無善價珠暗肯輕投歲晚論文  
地相逢媿白頭

酬侯舜昭

家學推侯氏東海內聞賢郎蘇氏轍難弟陸  
家雲嘉晤從游藝多才見屬文驥樓欣附尾鶴  
病未離群對酒花饒笑常歌日向腫不能長接  
祗徒此抱清芬

答葉某卿

十載工詩賦憐君思岫奇美名終莫掩同病卽  
相和棋與千金骨珊瑚百寶枝益簪能幾日頌

大霞集卷十八

十一

蓋本無期周賀鍾師費公輸不下階一舟他夕  
夢吳楚各天涯

次韻答李山人

萬里羈縻處秋風動發絲黃深田稻粒碧盡井  
梧枝歸思慙瓜代時名笑黍炊峽深猿嘯夕川  
洵鴈飛時屏跡非違俗全生合守雌誰言同碌  
碌獨作處囊錡

懷思

讀西嶽集因憶舊遊

太嶽靈奇窟攀躋憶昔年鑠垂崖絕磴門啓洞

虛天飛鳥不到處異人高卧邊有峯皆倬詭無  
草不芳妍王溢蒼崖髓芝深紫壑煙雲浮步屨  
底瀑落倚筇前酒母騎茅狗詩人誅井蓮安能  
割妻子長往共夤緣

對雪憶杲卿

闊別三年後相逢問勝遊  
剡門天北極秦嶽海  
西頭日觀中宵上風門首夏留金臺燕致士紫  
塞漢封侯世路淹長策時人笑敝裘雪飛梁死  
夕木落洞庭秋老我空三徑思君共一丘積深  
如有素隙滿肯輕投入幕疑相及連珪媿不侔  
誰知閉門者僵卧獨無求

錢塘憶勉之

黃生久不見鄙吝此心萌  
獨寄西湖上頗有北  
鴈征山深和靖宅水閣闌  
闌城樓樂懸先進文  
章畏後生偶同蘇季子  
忽老鄭康成色豈黃金  
減頭俄白髮驚水霜迫  
杪歲書札遠含情為報  
關門柳春風待眼明

得吳德徵領表消息

汝繫燕臺獄爭傳市虎新  
一身倏遠戍萬里作  
流人嶺廟祈鴉鬼村徃  
問鴈臣圖書拋舊宅冠

蓋失芳鄰雪憶三河夜花經百粵春  
遙將荒徼信還慰故園親

得允伯剡門書

錦里西歸客金臺下第人  
馳神雲樹夕失意香園春  
當路無知己明時作逐臣  
藩籬疑斥鷃郊藪信麒麟  
棧引巴山旆花辭帝里春  
寄來書咫尺何限故情親

尋訪

過方仲潛山居

山水高深處棲遲隱者宜  
高吟無客和幽事少  
人知荷沼通泉入花屏  
結蔓為芸香辟蠹簡鳥  
篆印沙埤遠俗寧醫竹  
無疑不決著淡深日向  
曠促席對書帷

宿齊雲山吳真師山房

山深氣自清雨過夜寒新  
枕簟無三伏松篁足  
四鄰厚衣承地主温酒  
酌山人奏曲聞仙樂迎  
神叩帝闈談深忽至曙  
非為守庚申

過汪仲嘉幽居

盤雲二十里薄暮叩松筠  
物色開三徑書聲沸  
四鄰能詩知令弟側席  
對幽人牖月來深夜風

梅逗小春堂漿陳臘味山菓薦時新信宿仍留  
我多君好客真

過白潭叔新宅

阮公竹林逸卜築傍林臯拓地規模大掄材結  
構牢居安當國泰過訪盛時髦一顧知龍骨三  
雛有鳳毛鵬圖風積厚魚守夜肩勞信是多流  
澤看君奕世豪

送別

送沈處士歸荆門

溪山一隱淪相見即相親暑服辭荆徼春花到

大雅集卷八

十五

海濱旅途頻賣卜儒術亦凋貧身賤無知己憂  
空莫何人賈生悲鵬鳥宣父哭麒麟舊業丘園  
厚高情草木真一犁耕後雨半甕醉餘春忽去  
帆風利離愁爲爾新

送周使君之嶺南

斧鉞驅炎瘴冰霜值上冬寒帷元此地憑軾更  
南邕銅柱鄰交趾朱崖引賈胷使君當重寄天  
子豈先容祖席陳新霽王程促下春嶺梅如見  
寄驛使會相逢

送晴坡叔會試

年巳卯

西江鯨浪息北極赭雲移吾叔觀光日天王自  
將時行辭草堂去遠避杏園期秋色丹楓盡時  
名赤子知獨憐安石起底慰阿咸私詩酒從寥  
落關河惜別離盤頭看獨占驕足可容追悵望  
燕山月悠悠費夢思

蜀中書懷贈別李子允伯五十韻

平生五千卷一字不資身萬里來巴蜀三年客  
文瀆鬱蒸經海著霜露既濡旬草木英華變衣  
冠道義伸山深絕塞水濶帶通津詞賦推能  
者塵埃似衆人生涯其落莫途路備艱辛伊昔

大雅集卷八

十六

拋鄉井經年寄海垠任鯨鈞不易下璞獻何因  
暫與魚鰕侶真將木石鄰李邕初好客張翰固  
思尊隱豹斑誰見神龍性莫馴回舟適吳楚策  
蹇過周秦山水昭題詠聲名播縉紳重將燕石  
診疑釋廣蛇真病似相如渴高非孺子倫南州  
叩下榻北海亦出綸避地民風古順生道氣新  
川砂問既久白石莫非貧華宿秋晴夕松翠雨  
積宸河流衝九派天象壓三辰馭鶴思高舉食  
松遂隱淪巖樓其間寂峯陟徧嶙峋屢集苑園  
雪重麾鄂渚塵三湘浮七澤越嶠跨梁岷賓館

稽襄漢王門引白申醴筵終不怠簡授一何頻  
禮樂河間盛文章鄴下醇棘麟丹穴鳳園泣魯  
郊麟邈矣風雲會居然骨相屯遠遊如漢史蠻  
語異溫賓市虎多成誘家鷄少見珎抵應行踴  
躡寧復誘循循浪跡江湖大忘形魚鳥親蠅樓  
終附驥貂敵信懸鴉借問披裘者何如歌鳳民  
迷津悲邁楚樂道憶耕莘豈是非能望欣逢相  
馬歎七篇後誦孟五賦或符荀曾謂風騷繼誰  
將義利陳德全德論不著錢神麗預舟猶  
戒相臯佩欲緜如君難別去而我益遂巡政化

天寶集卷十八 上七

文翁舊才華馬令振哲人今挺出末學荷陶甄  
始擅褒雄美終為周召臣幾時磨桂摧三策觀  
楓宸整翠瀛松晚涼花刺杏春終期合神物會  
是吐車裊桂樹如招隱霞城接帝闈

率口別諸宗人

過我臨河上逢君率水陰地看三舍近雲隔幾  
重深絕壁蒼藤絡迴蹊碧篠侵宗盟追契關詩  
社在招尋館月窺搥筆池花照盞簪遲迴不能  
去真為子期琴

送金在衡歸金陵江上新居

君家五陵上常杜世稱豪舊業拋應久長遊氣  
益高輿圖探海嶽藝苑涉風騷枚馬追方駕義  
繇侍握毫霞城尋我輩風馭接仙曹累日談無  
厭通宵坐不勞驚疑傳市虎投報媿瓊桃忽去  
辭雲嶠將歸趁雪濤新居江上勝馳譽接英髦

別汪氏二難

交游天下士伯仲早稱賢國士收名後山人洗  
耳前穿雲叢桂窟傾蓋杪秋天白雪哦新句金  
樽啓慶筵栗香傳野飯鱸美割溪鮮宴坐銷銀  
燭賡歌耀錦箋松雲留信宿蘭渚思芳年別後

天寶集卷十八

空愁我琅溪月正圓琅溪出山口

行旅

泊瞿唐峽東浦

對壘兩岸懸青長一線天權聲傳谷遠牽路引  
雲偏蔓弱垂青帶苔圓綴紫錢午時纔見日雨  
夕只聞泉客思搥芳草歸心急逝川明朝經灩  
澦蓬鬢轉蕭然

上峽次魚復浦

渝歌夜進船挂席客心懸楚塞青楓外巴山玉  
壘前哀猿明月峽歸鴈暮春天紅漲桃花水青

羅薛荔煙雨雲神女夢蘭蕙逐臣篇割據餘形  
勝經過一惘然

冬至夜宿夷門隱者家

汴水水初合湘雲鴈欲歸相看兩蓬鬢同掩一  
柴扉歲月長為客風塵未振衣已行萬里遠轉  
覺寸心違山水懷吾土星辰望少微一燈今夜  
夢應逐瑤殿飛

過洞庭湖

湖平望不極漁唱浩難聞小櫂行依岸飛鳥遠  
似雲亂流翻落日孤嶼沒遙氛雨氣虹光散川  
壘露色分巴陵欣入目湘水惜離群登樓明日  
作應憶范希文

續集卷八

十九

感述

高橋道中望孝陵

天運昭名教人心厭孽胡英雄爭效命征伐不  
寧軀禮樂基王迹綱常擴聖圖腥臊歸蕩滌都  
邑盛規模制度三朝備梯航萬國趨濠梁豐沛  
接一劍布衣俱虎衛瞻鍾阜龍髯悵鼎湖五雲  
虛殿擁幽恨燭征途

入新安江書懷寄余元復

為客鶯花暮還家嶺路遙真懸徐孺榻自棄許  
由瓢徑掃神羊跡雲期野鶴招點蠅辭黑白伍  
草失蘭蕭橘性誰云化桐材不害焦練溪今夜  
月留影照歸橈

懷古

雲陽謁張桓侯飛祠

漢業中崩日維持仗虎臣時危歸大義志屈痛  
斯人帳下俄傳變江東晚益親雄威元不泯正  
氣恍如伸雲散巴山曉灘深閩水春終存萬人  
敬朝食比江濱

續集卷八

二十

白螺山吳大帝廟

神器傾歌日窺覩各有人途窮淹捷足駭浪少  
恬鱗伊昔荊州破鏖兵赤壁春艱難驅一戰宗  
社不無神遂有東風勝剛令漢業新吳江元控  
楚蜀道豈通秦孰使關張殞終慙吳魏親青山  
存古廟血食有居民簫鼓喧童穉鷄豚競令辰  
維舟紛過客誰為薦溪蘋

題詠

同射陂子誅雪

初見今年雪先傳昨夜風暗投鴛瓦滿寒逼翠

惟通鼎鼎飄初密微積漸豐流光挫戶牖浮  
氣混虛空鷗失存精爽鯉深表歲功茶鑄如卽  
煮此樂與君同

哀悼

悼方性初

識汝昔髫日聳聲藝藻場青錢頻中選寶劍不  
韜光遠道騰騏驎明庭集鳳凰律身元禮樂華  
國更文章家世封廷伯諸昆馬季常山中方告  
別江上忽傳亡謝樹摧庭王相蘭失畹香唯餘  
色賦下煙霽暮蒼蒼

大震我集卷八

七

律詩五言六句

感述

塞上曲八首

胡沙連白草漢塞覆黃雲雪霰春猶下關山夜  
不分諸軍迷失道不獨李將軍  
六郡驚傳檄將軍出武威短兵親接戰堅壁受  
重圍援絕全軍沒空鞍一馬歸  
潛蹤掩不備劫寨夜縱城間道邀亡虜搜山得  
伏兵單于未繫頸徒事請長纓

三邊開幕府六郡選材良訓練通神鬼謀猷仗

廟堂前軍飛砲火已殪左賢王

矯捷幽并子全勝曳落河背城爭一戰掠陣挺

長戈勅敵誰云弱奇兵不在多

異議生臺閣流言起萬端檻車千里至勅命九

重頒將士俱流涕奇功建立難

黃河千里套舊是漢封疆今日宜恢復諸公荷

贊襄孤忠不見祭誰復陣堂堂

鴈門南下郡烽火接金微漢謀驚傳箭胡兒競

打圍將軍空按劍天子正垂衣

苦雨四首

大震我集卷八

七

閨後春歸早燈時下震雷途深驚蟄雨客散上  
元杯怪爾拏魚艇鳴橈樹底來

懸河勢不止田水入門流孀婦憂沉竈津人請

治舟瓶儲亦復罄洋墜轉增悲

浩浩浸原野霏霏暗里閭土崩傳什樹屋漏汚

攤書愁見簷楹外陰雲時卷舒

同心不即晤猶自阻河津遠懷黃鵠舉俯對白

鷗馴忽念誰如我悠然見若人

雜詠

溪上孤松

波明擘清影獨出乃爲奇萬壑風來處通宵月  
照時蒼然水雪裏蜂蝶不曾知

新城郭西桃花盛開

笑方冬不雪十月已桃花幾樹臨官道連枝綯  
浦霞堪嗟不結實徒此競年華

行旅

舟行出劉埭口宿滌頭二首

旅客驚春早征途畏日斜溪分半入港舟淺屢

拖沙自笑勞歌者袂寒問酒家

雲低全覆水江近漸無山廟賽遙聞敲村居盡

大霞集卷十八

二五二

掩關行看列炬近扶醉數翁還

律詩六言

閒適

山居題壁

偃卧煙霞一丘杜門息交絕游窓前日足高枕  
甕下時引新筍紙裹無錢樹怨瓶儲有粟何求  
家藏自樂萬卷鼎食誰矜五侯

春曉溪堂即事

啼鶯清曉簷端一枕遊仙夢關擊壤不知帝力  
垂綸也著偏冠新水鷗群泛泛遠山松翠團團

自樂堯天舜日誰論渭水嚴灘

尋訪

溪北訪方爲澗不遇

村墅桑麻暮天高松曲徑遙連談劍別來幾日  
抱琴重到經年芸案香浮散帙茶爐青起炊煙  
應門童子解事留客宴坐花前

霞城集卷之十八終

大霞集卷十八

二五三



霞城集卷之十九

歛程誥自居

目錄律詩七言八十一首

登覽

登三秦雄鎮樓

望終南山

登鼓樓崗望宮闕因載酒出城南有作

登齊雲山

入龍舒山行

望九華山

望伊廬山

金竺山遊同楊左二山人會宿吳叟山

居

二月十三日同汪

大霞城集卷十九

山人至林蔭山

九日江山登高

九日登南山有懷蜀中諸友

七月三日登郡城西樓乙巳年

登宜春臺予時赴都梁

瀘州天壇廟登望

九日同王宗善吳思遠登巖溪亭

九日至涇上園與射陂秋鄉登臺

重登齊雲山

遊泛

湖南舟中

閒適

秋日山中

買山

山中二首

獨行溪上

山行憇村家

靈屏山行

紅厓山居

夏日郊墅

睡起

杜門

春日山居

春日至方朝萬別

墅

步至水邊同鮑七

巖鎮觀賽神戲呈安元

游燕

大霞城集卷十九

春日賞遊園宴應

教

春集憑虛閣與諸子分韻賦詩得爭字

元夕立春宴梧野書堂

率口與若虛來鳳步至屯溪飲村肆中

作

同江大入秀山南

行飲馬草深村家

春夜宴程應壁宅

雨後遊獻花巖

遊杏花村

與姜良父携酒登

牛管絕頂

赭山春眺贈項子

靈

集江氏別墅酬羅

鳴和

虎丘春日

湖上贈項子擗

晚秋山游欲登金

竺不果遂飲黃氏溪樓作

野老

過自適亭詠贈

九月與田父飲籬下

遊謝公巖同鍾二

由靈隱寺越澗行

眺至湖上

感述

清明步至象山

已酉生日

小孫

登一碧樓懷方子

金陵聞賊陷上海縣

時威

涇園卧病呈射陂

自壽

自壽

漕運

懷古

錢塘覽古

荊州古懷

樊城關羽廟

三閭大夫廟

姑蘇臺

時序

丙午元日

已酉除夕懷寄思

祈

夏至移居北巖寺

秋日商丘客舍

除夕淮陰客舍喜

曾叔遠至

行旅

宿海根

野泊沽酒不得

漢口旅次逢鄉人

郢門道中

漢上秋暮

長安道中

盤塘阻風

舟次鄂渚寄吳克

全

泊小孤山下

建陽山行

律詩七言

登覽

登三秦雄鎮樓

四

高樓引望倚晴空

千里金城四塞中  
渭水清流來滾滾  
終南佳氣鬱葱葱  
關門上月迎寒杵  
邊

堠飛烟報夕烽  
此日自堪投筆去  
異時誰見勒

銘功

望終南山

南山晴望出嶙峋  
丹曳飛霞片片新  
氣散秋陰開二閣  
光搖曙色照三秦  
披榛屢入探奇客  
辟

穀長棲有道人  
秬合相從居洞裏  
碧桃花下度

穀長棲有道人  
秬合相從居洞裏  
碧桃花下度

長春

登鼓樓崗望宮闕因載酒出城南有作

錦樹朱光動曉暉春風颭颭樂成衣重城宮闕  
皇都壯萬國梯航禹貢歸遊騎盡從南郭集選  
鶯偏傍上林飛相逢日夕多扶醉誰道郊圻勝  
事稀

登齊雲山

紫宮丹洞倚層巒路啓天門到不難靈境烟霞  
無定色多年松桂蔚成團半崖飛瀑留晴雨萬  
壑吹風變夏寒聞道此中多異草合携長鏡五

不復城集卷九

五一

雲端

入龍舒山行

陟巘迥臨千仞上穿雲直入幾重深茅厨炊黍  
村烟午石室棲松壑日陰蘭氣襲衣薰暗簾泉  
聲傾耳瀉鳴琴相逢樂事為佳境早信名山會  
此心

望九華山

高亭秋曠玩華來閣道晴登百尺臺氣溢金光  
騰地葳標明霞色認天台青蓮攢簇丹丘繞珠  
樹玲瓏寶殿開最愛書堂臨絕巘千年獨擅謫

仙才

望伊廬山

海上峩峩卓一峯霏微晴翠八垠通高凌霄漢  
孤標迥倒挂東南半壁雄崖倚迴丹連鳥道泉  
澄幽碧俯龍宮傳聞夜半中峯頂早見扶桑出  
日紅

金竺山遊同楊左二山人會宿吳叟山

居

翠崖懸絕構茅茨為探幽竒險不辭棧俯層霄  
支樹穩磴扶弱蔓轉峯危一枰石上棋留我半

不復城集卷九

六一

席雲中榻對誰問俗欲成將老計卜鄰安用買  
山貲

二月十三日同汪山人至林蔭山

林蔭崗南春可憐迴峰複嶂迥森聯白流雲氣  
蒼崖溢紅蘸桃花碧水妍來慣村家知捷徑坐  
淹禪榻問諸天幽竒尚出藤蘿外只在雙携蠟  
屐前

九日江上登高

九日江風駐浦槎茅厨烟火近漁沙樽前黃菊  
思盈把杖底青山欲到家細認崖題磨碧鮮偶

從僧飯殿胡麻一聲長笛亭臯暮散盡高天幾片霞

九日登南山有懷蜀中諸友

重陽約客始冠裳病起登高嶺磴長綺席平臨青嶂上玉笋低按紫芝傍俯窺巢鳥捫松翠滿引飛觴愛菊黃何處哀鴻忽離思遠書欲寄峽山陽

七月三日登郡城西樓乙巳年

雲霓不肯下西峯負我樓頭立晚風秋色四山殘照裏蟬聲幾樹半城中涸灘駢石迴歸舫廣野飛砂轉斷蓬聞道郡侯躬廟禱幾時簫鼓報年豐

登宜春臺予時赴都梁

宜春臺拔城中起一徑幽深雨薜重室倚丹霄窺萬井城圍碧樹抱千峯楚途欲逐炎氛盡湘色先歸秋望濃迴鴈峯頭最高處飛泉行見灑雲松

瀘州天壇廟登望

天壇祠宇北巖邊歌舞靈衣不記年日曷鬼啼依草裏歲豐巫醉禱筵前鷄豚時賽村翁社香

幣風迴賈客船向晚何來簫鼓沸蓮燈爭繼七枝然

九日同王宗善吳思遠登巖溪亭

縱觀山水孤亭迥有約攀躋九日來霜磴穩供芒草履晚香清泛菊花杯光浮白練雙溪合黛拂青螺疊嶂開表見雲霄亭一塔競飛薨棟峙三臺風烟自足歡心洽歲月誰禁客髮催海內交游吳質健漢南詞賦仲宣才龍山千古風流地縱落烏紗不用猜

九日至涇上園與射陂秋鄉登臺

池亭登眺屬仙郎搥筆憑高引興長千里從游萍水客萬年稱慶菊花觴林疎落木翻靈籟湖遠浮波浸大荒勝事異時徵徃蹟此生今日是重陽

重登齊雲山

千仞登登不憚勞清秋遊興望山豪丹崖俯出簾泉下金闕遙連閣道高天外風聲傳帝樂洞中春色闕仙桃懸知迥異人間世欲就雲松寄一巢

遊泛

湖南舟中

叢祠簫鼓賽湘君，別有龍舟吊楚臣。  
點漬竹痕揮淚在，飄來蘭氣擬騷新。  
亂雲深處清猿嘯，新水生時白鳥馴。  
忽見桃花深片片，祇疑舟入武陵津。

閒適

秋日山中

桂枝蜿蜒秋日輝，迴峯復嶂森烟霏。  
隨行庭鶴啄苔碧，接飲嶺猿窺瀑飛。  
淮南八公自招隱，漢陰丈人今息機。  
釀成白酒每獨酌，一曲浩歌君不違。

不違

九

買山

買山久擬結茅茨，擁褐貧居我不辭。  
種樹谷中宜土沃，負暄簷下仰天慈。  
勿安避亂將歸日，瑞仲懷慚偃卧時。  
誰羨時名成豎子，自堪身事了痴兒。

山中二首

境隔塵鷺鷺嶺斜石，溪水淺不勝槎。  
靈源香液飄紅木，仙洞祥光灼錦霞。  
隱士淹留攀桂樹，漁人惆悵失桃花。  
數椽歲晚思成室，十口春歸擬

挈家

雲破諸峰爭出竒，欲沒未沒青參差。  
一壺質得誰共有，雙屐借來吾適宜。  
羨芹不博鍾鼎味，翹車肯戴丘園姿。  
秋風吹我髮種種，一笑白日天西馳。

獨行溪上

十年游倦病相如，歸卧青山舊草廬。  
久不出門勞廐馬，何曾結網羨淵魚。  
還舟無訣空飛火，沒世須名合著書。  
翠竹碧梧溪上路，偶來植杖扶晴初。

十一

山中憇村家

谷口風烟麗上春，幾家茅屋倚嶙峋。  
驚疑客過渾無語，蝶撲花香不避人。  
流水自隨村徑曲，卜鄰預喜土風淳。  
王租輸畢無喧吏，爭似桃源故避秦。

靈屏山行

山林長往足高情，尋壑經丘不計程。  
匙稻白翻村飲軟，鑪茶香沸石泉清。  
丹崖不處通人過，碧樹陰中聽鳥鳴。  
安用如泥逢石髓，且隨長鑿斲黃精。

紅厓山居

村帘裊裊趣溪斜一抹青烟羃浦陵靈藥採歸  
樵子徑胡麻炊熟野人家苓絲曳霧縈松蓋蕙  
氣和風逗曉花學道十年頭早白還童空待昂  
中砂

夏日郊墅

場麥已登農事隙草堂樽酒對高天馴除鳥雀  
時雙下映日葵榴午更妍豈有鄰翁來往數喜  
於村墅起居偏年豐幸自饒新釀安用區區挂  
杖錢

睡起

長松移日上堦楹石枕支雲曉夢清睡起八傳  
同學士歸來五柳異先生著書篇裏江山助鍊  
藥爐中日月并得一本來須識一無名非是故  
逃名

杜門

兀然終日坐書齋萬卷何曾手暫開九鼎火溫  
神室藥一枝春駐膽瓶梅懸榻座深高士闔杜  
門日又俗人猜誰遣巢松一雙鶴寺閒飛下啄  
庭苔

春日山居

棲遲已分老衡門萬里還山守故園豈為相如  
多渴病共知郭泰少危言花前勸酒鶯調曲松  
下哦詩鶴共軒獨處自堪儔草木閒行蕪得牧  
鷄豚

春日至方朝萬別墅

迴汀叢篠繫蘭舟為愛漁人島嶼幽雪後梅香  
浮壑動鷗邊雲氣拂槎流高松滴露初疑雨病  
葉摧風不道秋誰擬逢君村墅勝談深花下得  
新筍

步至水邊同鮑七

縱步春郊風日美偶然臨水興俱清花重暗蝶  
微微透浪猿脩鱗細細生已有鷗群殊可鉅儘  
多釣石豈須爭相從我欲頻來此野老無勞問  
姓名

巖鎮觀賽神戲呈安元

紫陌塵飛十丈長春風狂殺冶遊郎一時廟賽  
驚初見两市樓觀出豔粧宮扇結綉遙引隊鑿  
旂翔鳳儼分行只今里社崇裡祀圭壁猶瞻日  
月光竹坡呂公午歸田後思其君  
刻像祀之神即宋帝也

游燕

春日賞遊園宴應教

彤幃晴日麗宮霞  
賓騎從游賞物華  
馴鹿乳嚼丹砌草  
遷鶯啼戀寶欄花  
羽觴飛促摘辭筆香  
輦行隨載伎車禮樂  
雍容昭代盛河間  
元屬獻王家

春集憑虛閣與諸子分韻賦詩得爭字

上國花光豔雨晴  
燕遊高閣樂同聲  
半城芳樹春風入  
九陌鳴騶曉日爭  
共展鸞牋看落筆  
更聞鼙鼓促飛觥  
賞心趁得詩成早  
不待東山上

本集卷九

十三

月明

元夕立春宴梧野書堂

故人文會整交惟  
張宴華堂失夜寒  
絳蠟攢花圍火樹  
青絲傳菜送春盤  
星迴北斗天樞柄  
風到東皇太乙壇  
誰道春歸多樂事  
對君容易酒杯乾

率口與若虛來鳳步至屯溪飲村肆中作

率野西來春可憐  
東風吹草碧芊芊  
半溪新水鷓鴣浦  
一雨初晴鰈鯨天  
力疾老翁藜杖得  
踏歌游女茜裙鮮  
旗亭西畔隨披下  
嶺徼村酒留

人癡下眼

同江大入秀山南行飲馬草深村家

梁帝廟南山可憐  
一筇雙屐興飄然  
楓丹早見霜前樹  
雲白如行雪裏天  
牛背晚風橫笛處  
槎頭新水斷橋邊  
夫人邂逅真能事  
麩米醪人不取錢

春夜宴程應壁宅

燈月交輝到捲簾  
寶箏調曲奏水絃  
兩行並列珠圍裏  
百巧爭呈綵勝前  
衣趁舞腰欺柳軟  
剪催春色出花先  
若為浮世黃金貴  
爭得纏頭媚

本集卷九

十四

綺筵

雨後遊獻花巖

雨徑朝乘蠟屐來  
春筵晴趁碧山開  
一襟怡翠披叢篠  
雙袖携香拂落梅  
風外寶幡標梵剎  
雲中丹洞轉仙臺  
不煩驢背馱行伎  
自有鶯歌侑舉杯

遊杏花村

問酒尋村來杏花  
香風嫋嫋隨車  
豈無甕下皆可醉  
自有杖頭安用賒  
城頭月上不留客  
谷口春歸好到家  
高陽舊徒吾憶汝  
白雲長夜送

生涯

與姜良父携酒登牛背絕頂

移席引杯頻選勝，追隨載酒上崔嵬。風飄奏曲空中下，烟引行舸鶴背來。客袂仰流松上翠，伎粧巧學壽陽梅。不辭勸飲紅雙頰，醉沃春風亦快哉。

赭山春眺贈項子靈

浦雲村霧啓空濛，盡放遙山紫翠重。萬里風檣馳楚蜀，一江春水動魚龍。故人樽俎延傾蓋，勝日烟花入倚筇。共道市朝矜利祿，無如林壑縱

金華集卷九

十五

踈慵

集江氏別墅酬羅鳴和

故人郊墅及春臨，繞屋清溪控碧岑。流水自然成雅調，白雲相對契閒心。松門排霧雙峰合，竹塢披風一徑深。自是遷鶯知喚友，併留歡賞坐花陰。

虎丘春日

名山晴望暢春妍，花柳娟娟拂玳筵。夜雨暗通潮信到，早霞明見海標懸。鶯啼故傍徵歌處，虎踞猶傳逐劍年。隔浦誰家簫鼓沸，刺船呼酒夕

陽天

湖上贈項子靈

湖上秋光深可憐，壺觥酣飲對君賢。招帘隔浦狂呼酒，舉網中流快擊鮮。頗訝芙蓉新照水，最宜鷗鳥近隨船。主人自是高情者，一斗何曾惜十千。

晚秋山游欲登金竺不果遂飲黃氏溪

樓作

載箬携侶此乘閒，雨後游觀興不慳。崖瀑亂飛芳樹杪，巖猿獨嘯白雲間。道傍花好勝三月，溪

金華集卷九

十六

上樓虛見四山最，恨幽竒探不盡青鞋坐廢足

踈跚

野老

野老携壺慰苦吟，偶逢途次坐班荆。少陵酒債尋常有，高適詩名五十年。醉禮相忘元有節，狂歌無調自同聲。花前柳畔招尋興，幽賞從知得此生。

過自適亭詠贈

屏居郊外分無營，喜有為魚見物情。壘石成山橫嶂出，鑿池引水入溪清。為農種秫年常有，對



客談棊道不爭自愛杜門遵養晦時人疑有著  
書成

九日與田父飲籬下

九日閒居縱飲宜南山獨對碧巖狹山人日給  
無兼味田父時來有夙期下榻不妨雲卧穩泛  
觴誰訝菊開遲清霜粲粲輝天地歲晚金英會  
滿枝

遊謝公巖同鍾二

一筇支醉入巖烟遊席侵沙晚更聯洞白晴雲  
浮片片磴蒼露竹擁娟娟推談傾耳真移日石

本集卷九

七

刻封苔莫辨年豈謂謝公曾憇此遂令清賞繼  
多賢

由靈隱寺越澗行眺至湖上

落木蕭蕭下浦天發家離落斷雲邊初寒鹿乳  
依崖日卓午鷄聲出嶺州一水平湖開浦鏡雙  
峰標塔吐高蓮誰憐日孤山下來去笙歌送  
畫船

感述

清明步至象山

青鞋小試步晴沙病起聊携上塚家早有遷鶯

流木末不勝芳草徧天涯雙溪夜雨來新水萬  
樹春風動落花苦被流年侵綠髮却從何地覓  
金砂

巳酉生日

叢桂孤雲見在身蒼崖翠壁媚芳辰已多白髮  
難辭老可化丹砂未信貧二歲再加週甲子幾  
宵獨坐守庚申不驚神鬼搜奇句肯驚塵埃逐  
眾人

小孫

小孫半歲解呼爺趨食初驚出齒牙學人調舌

本集卷九

八

如鸚鵡翻墨塗書似老鴉夜聽鼓聲知踴躍曉  
看花朵競紛拏願言黠慧長如此不負家藏有  
五車

登一碧樓懷方子時威

珠簾畫棟接蒼茫獨倚闌干望八荒彩筆半空  
標遠塔玉虹雙度競飛梁森草樹千峯合光  
閃漪連一水長遂使向生多感慨數聲鄰笛似  
山陽

涇園卧病呈射陂

一軒風日重愁予伏枕經旬不下除傾耳風清

來竹後當窓日麗上花初載殺門外回携酒散  
帙堂中廢讀書太覺起居拙子嬾却慙禮法阮  
公疎

金陵聞賊陷上海縣

十二都門曉不開埃烽何處報倭來江天風雨  
貂裘入海邑兵戈羽檄催負郭蘇生無厚產悲  
秋楚客謾多才傳聞百里空廬舍誰暇棲棲戀  
草萊

自壽時寓滬

兩鬢蓬飛颯已秋世間甲子一週周苦吟燃髭  
不復城集卷九 五十一

意已得自隨荷鋪身何憂楚眺幽蘭足紉佩淮  
南桂樹聊淹留聞道有田堪養鶴卜居吾愛射  
陽丘

漕運

漕運東南歲萬艘涉江踰濟不曾休盡知奔走  
供臣職敢謂瘡痍切主憂近報田租增戶額遙  
聞河決斷淮流壬子秋河決邳徐之間水遂散  
漫淮泗而淺由是漕運艱阻  
挽輸北上三千里借問何時達帝州

懷古

錢塘覽古

宋柳遺址儼宮墻平綴松雲宛宛蒼苑夕彩虹  
騰寶氣巖春膏雨長芝房海潮倒掣江濤上家  
鶴群隨野鷺翔住院一僧差會理栢香蓮燭禮  
空王

荊州古懷

故城日暮起輕颺浦色侵沙改市朝夢澤雲迷  
天共遠荆門霜落樹初凋仲宣貌寢依無地屈  
子魂沉賦莫招最是者宮明月夜漁人歌徹箭  
蕭蕭

樊城關羽廟

廣陌吹沙晝忽冥行人下馬古祠陰寒烟積草  
孤城斷殘日棲鴉幾樹深百戰許南遙應後一  
時西蜀走還心可憐三國俱禾黍獨爾英雄跡  
未沉

三閭大夫廟

楚臣遺廟楚江頭客子獨來悲昔遊采采秋風  
想蘭佩年年午日競龍舟土人時薦椒漿紫山  
鬼偏依薜荔幽仰既餘膏千載下郢雲湘水使  
人愁

姑蘇臺

鹿遊臺上翫春暉  
花氣飄風度翠微  
雲遠蛟龍無數挂  
浦空瀉瀉一雙飛  
故宮爲寺僧居久  
不徑侵莎客過稀  
最是君王頓冒早  
扁舟不見五湖歸

時序

丙午元日

飛飛霞彩耀川光  
拂拂梅風送浦香  
晴日丘園饒氣色  
世家文物盛冠裳  
村翁植杖能相過  
田舍比鄰醉不妨  
况是甕頭春拍塞  
椒花同獻萬年觴

金華集卷九

五

巳酉除夕懷寄思祈

獨來秋浦逢歲除  
誰伴一燈今夜居  
椒花奏頌想見汝  
竹葉滿樽愁對予  
可憐杜子老爲客  
却笑庾卿窮著書  
已擬春還買歸棹  
虛疑隴梅消息疎

夏至移居北巖寺

火雲灼空騰紫光  
劇壓鬱蒸不可當  
每愁午後逼氣色  
無奈汗濕沾衣裳  
何處喬林翳濃蔭  
匡床高枕便清涼  
北巖舊遊吾愛汝  
移居今借高僧堂

秋日商丘客舍

三河旅舍驚心處  
一葉飛飛下井梧  
愁裏芭蕉偏夜雨  
夢中蓴菜又秋風  
將軍征伐從天下  
賓客遲留老宋中  
聞道襄南新接戰  
一軍直擣向江東

除夕淮陰客舍喜曾叔遠至

已分索居天畔獨  
一燈守歲頌盤椒  
豈期車騎來千里  
共倒壺觴慰此宵  
歡極相看疑夢寐  
歸遲常恐負漁樵  
馬枚梁苑遊應倦  
詞賦淮南隱孰招

金華集卷九

五

行旅

宿梅根

瀟瀟蘆葦此江頭  
又爲梅根一夕留  
顏色已深村外樹  
月初上水邊樓  
十年來往唯孤劍  
萬事從違有一舟  
更倚蒼茫望南服  
春風疑是夢中遊

野泊沽酒不得

川途南去碧迢迢  
津順山人此駐桡  
僧飯鼓鐘傳浦寺  
酒家灯火隔村橋  
風秋海樹初經雨  
月午江門正上潮  
誰笑攢眉迂處上  
遠公蓮社不

能招

漢口旅次逢鄉人

一天飛雪暝途中獨擁綈袍遡北風種秫年豐  
村釀少燒金術誤客囊空白鷺峰遠孤雲外黃  
鶴樓高積水東傾耳鄉音一樽酒今宵停權喜  
君同

郢門道中

一騎紅塵兩鬢星憤時按劍土花腥未干明主  
懷三策空作書生老一經十里河堤春草綠幾  
家茅屋晚烟青郢城南畔章臺北苑杏宮桃笑

不震城集卷九

五

獨醒

漢上秋暮

萬山潭秋水澄鮮漢南霜前鴈飛旋帆櫂片片  
客行夕禾黍村村農穫天故人書札荆雲外歸  
夢園田歎浦邊鹿門龐公正憶汝下瀨誰衝雙  
槳烟

長安道中

雕鞍獨跨五陵東馬首沙飛萬里蓬二華峰懸  
西嶽月三門濤動大河風窮源久暮乘槎使陟  
巘真隨採藥翁借問路傍耕穫者黍離何處漢

王宮

盤塘阻風

秋深山寒木葉稀梵宮何處鐘聲微江豚吹浪  
向人拜神鴉接飯隨船飛誰家荒犬隔雲吠野  
徑一僧挑鋤歸武昌西望不可到坐令黃鶴與  
我違

舟次鄂渚寄吳克全

鄂渚秋風吹荻花越鄉思客惜年華青楓江上  
霜初結黃鶴樓邊日欲斜雲夢浦烟迷落鴈漢  
陽城樹亂鳴鴉愁心值此繁霜髮歸夢因君繞

不震城集卷九

五

白沙

建陽山行

風淳俗朴古閩州耆老鄉民不畏頭山木經霜  
無病葉巖泉過雨自飛流烟蘿谷口村村密水  
竹溪邊岸岸幽更有高人好奇勝茅齋獨構碧  
峯頭

泊小孤山下

小孤山下獨撐篷千里歸心一劍雄蘅杜搖春  
欣向日魚龍吹浪競乘風浮光融雪重湖滋積  
氣流雲萬壑通屈指故園桃李月家人應念挂

帆東

東歸途中寄余元復

豐林暮轉出巖阿伐木誰家未息柯猿挂松高  
相接飲鳥啼風暖自成歌果能終臥青山在應  
笑遲歸白髮多悔學江湖張處士半生浪跡寄  
烟波

常山汪丈池亭

丈人自愛水邊居高棟層軒歟浦虛開學龍蟠  
高卧穩久知魚樂靜觀餘群鷗下近無機事雙  
鯉東來有素書好是渡頭新雨過榜人歌動月

霞城集卷九

匡一

明初

霞城集卷之十九

霞城集卷之二十

欽程詩自邑撰

目錄律詩七言八十首

投贈

贈謝真師

贈環湖李氏

侯公談大龍湫之勝詠贈

漱芳園秋集贈際明

淮上贈宋處士 贈璞厓翁

院夕贈鐵道士 偶成贈陳侯

贈方山子 小練山中贈何山

霞城集卷十

十一

人 歲暮贈徐子華

慰社中諸友下第 畢將軍書齋賦贈

酬答

答盧山人登黃樓見寄

答黃得之下第見寄

山中酬許汪二子 五嶽之勝太華為

冠詹子斗文乃寄詩訊及予時將有

天台之行遊興增劇臨風灑翰寄答

此詩

江上次韻答方際明秋日山中見寄之

作

答李文觀

次韻荅方際明夏集洪郎中池亭見寄

求寧荅勝之資上見寄次其韻

次韻朱憲部池上夕眺

會遇

逢陳山人汝賢二晉

江上逢方時湘 喜汪郎自滇南回

至巴中兼贈遂欵

巴中逢陶公使諭松藩

寄遺

大集卷之三

歲暮簡培菴鄭丈 除夕得葉杲卿書

却寄此詩

寄江民瑩

移居溪上簡信之 還山後寄李海州

寄程瀘州兼訊時嚴

山中春暮寄李功甫

寄鮑丈良濟

聞南衡憲部遷泉

州寄贈

寄瓦屋山人

長安雨懷二晉簡陳山人

元夕湖上寄杲卿 登樓寄王子勝之

聞邵使君阻水夔州僑居山寺寄此

嘉州得王李二子書

吳郎至襄陽得方信之書

簡閔德卿

雨不絕簡趙惠卿

寄思祈時讀書虎丘山寺

鳳山臺待信之不至因寄此詩

初夏簡汪有秋

汪古脩過草堂得

棗陽王殿下寄書

寄安元

春壘懷寄錢塘諸

友

歲暮得許夔州書

寄荅此什

寄汪仲嘉戴子京

大集卷之三

次韻雲巢子見寄

簡安元時寓錢塘

寄揚州張尚寶

寄藍德輝

求寧秋夕寄謝真師

歸次高郵却寄安平諸友

懷思

春夜懷羅山憲使叔

夔二友

雨懷方朝萬

懷雪林汪丈

已卯秋 宋中作

甲午生日懷雲巢

子

秋日蜀中懷故山

早春有懷錢塘舊游

峽中春暮憶大梁舊遊

懷武當畢真師 雪夜懷宋中舊遊

諸子 淮水暴漲有懷夷

門舊遊寄鄭子 夜懷山中人

晚步溪上懷思祈 懷仙效元人

所思 金陵旅懷呈同舍

樂十九 過寶賽磯憶來鳳

懷道南 有懷童泉州因寄

之 懷梅

律詩七言

投贈

贈謝真師

白鷺峰下學僊家洞口秋風見異花碎穀引

餐白石燒金駐世化丹砂千章繞屋栽松木一

道連筒引瀑斜手植自知龍是杖性靈曾食棗

如瓜

贈環湖李氏

一水盈盈碧光淨羨君方寸涵空虛過門求謝

俗士駕接境獨有漁人結絲雪白蓮花下藕鱸

割清溪潭底魚最愛涼風清几榻自堪長日樂

琴書

侯公談大龍湫之勝詠贈

四山晴翠濕空濛聞道幽奇不可窮地坼雷奔

丹壑底風迴霧散碧霄中雙崖神斧何年鑿八

月仙槎此路通有約裘糧應待我不辭借屐遠

隨公

漱芳園秋集贈際明

襟山帶水漱芳園霽景高秋啓華門翠蓋摧風

荷已盡青苞綴露菊初繁山舍靈氣偏饒色水

溢清流別有源獨是游情文藝事對君終日未

忘言

淮上贈宋處士

東鄰處士白綸巾冒雪衝流過我頻微酒每携

綠好客詩篇間出足驚人湖春冰散玻璃草點

霽花輝錦繡新策寒放舟隨所適更期同醉射

陽春

贈璞崖翁

璞崖丈人風骨殊歲晚用拙歸田廬不作光騰

斗間劔肯如穎脫囊中錐山輝往往駭魑魅石

類磊磊多砒砒連城高價君弗售匠者拭目徒

增吁

院夕贈鐵道士

尋真獨上碧山頭  
院夕談玄草榻留  
嶽頂哀猿傳谷應  
潭心朗月倒天流  
胎仙汝卧三峯穩  
骨相予當八極遊  
風馭何年同跨鶴  
泥蟠隨處且潛針

偶成贈陳侯

濯錦江邊花惱人大  
樹小樹紛爭春深  
杯幾處醉不厭豔  
曲誰家聲較新  
賣酒壚頭且滌器  
草玄亭中方逐貧  
獨有君平能棄世  
閉門棲息任天真

天真

贈方山子

一冬無雨兼無雪  
臘近轉較風日清  
袖有詩篇唱酬數  
履無泥滓往來輕  
旅食中州俱老大  
憂歸南國獨分明  
相從動輒至日夕  
時復對談楸木枰

小練山中贈何山人

杳嶂迴峰縹緲分  
摳衣拄杖偶逢君  
龍樓指點雲霓氣  
鳥道從游鸞鶴羣  
楚璞砥應和氏識  
青囊空嘆趙生焚  
如何村酒留人處  
笑殺桃花日

又曠

歲暮贈徐子華

我眉山下古嘉州  
水石清佳足勝遊  
即有高入分卧榻  
豈無童子學操舟  
交峰翠溢排雲動  
拍岸波濤漲雪流  
共貰一樽江上去  
醉歌潭月不驚鷗

慰社中諸友下第

天留大雅起山人  
故遣龍光蔽劔塵  
染翰抽毫還白社  
露桃雲杏自青春  
會心佳境重携酒  
照影澄溪一岸巾  
楚客漫勞歌鳳鳥  
漢家終要畫麒麟

麒麟

畢將軍書齋賦贈

清時拋甲此閒居  
新構松齋似石渠  
半榻樓東支枕穩  
一窻峯翠捲簾虛  
宅邊學種先生柳  
門外時停長者車  
一日不忘三尺劔  
幾年更足五車書

酬答

答盧山人登黃樓見寄

徐市三山採藥迴  
彭城樓觀倚崔嵬  
九河水涸魚龍伏  
三澤秋深鴈鷺來  
雲飛故傍歌風處  
草



碧倚深戲馬臺開道蟠桃三結實金門曼倩隱

仙才

峇黃得之下第見寄

東書早見上燕雲猶是使使虛澤潯和氏璞中  
無自確郭生臺上有黃金一箱擲地金盤振三  
尺衝星紫氣深獻賦論兵頭尚黑如君安得卧  
雲林

山中酬許汪二子

雙鬢鬢鬢一幅巾苦吟天縱百年身定名命我  
爲迂叟得句看君失古人丹穴應天鳴鳳鳥渥

注驚代出駟麟兩高峰下林居夕快親明珠照

乘新

五嶽之勝太華爲冠序子十文乃寄詩

訊及予時將有天台之行游興增劇  
臨風灑翰寄答此詩

三峰照耀五雲光鏤磁盤盤若箇長忽有鶴書  
來問訊即看鳧馬去羽翔側身日月雙崖上吐  
氣蓮花十丈傍遲爾歸旋應不緩霞標同度赤  
城梁

江上次韻峇方際明秋日山中見寄之

作

三尸瑤琴一束書乾坤到處果吾廬萬山家遠  
後圍裏一葉霜飛鴈到初尺素何來催入社雙  
扉長掩憶懸車未敦夙約真慙汝忽寄新聲足  
慰予

峇李文觀

津館羈棲襄漢秋槎編味美足淹留青楓放舸  
江雲繞碧嶂開窻峴月流諸葛功名方管樂仲  
宣詞賦邁曹劉思君敢厭經過屢况復明珠肯  
暗投

次韻峇方際明夏集洪郎中池亭見寄

仙郎別業枕雲岑影落高松十丈陰  
撒紫陌賓筵長夏啓青林池虛早覺通荷氣泉  
靜時聞瀉壑音何處詩成勞遠寄閒身春暮憶  
會臨

永寧峇勝之資上見寄次其韻

居夷卧疾炎蒸候萬里懷歸見客心忽漫傳書  
青嶂僻恍然鼓柁碧江深火雲旱魃秋逾熾野  
店山魃夜故侵翹首望君天北極素琴幾度泣  
南音

次韻朱憲部池上夕眺

白雲池上四株花不斷生香自一家信有好風吹倚杖更宜新水照浮槎賦詩早已成公案奏曲無勞載伎車聞道行吟時繞樹不知幾度散樓鴉

會遇

逢陳山人汝賢二首

長安陌上重逢處太華峰頭竝上時丹壑別來雖有約世途病後况多岐未央霜葉催宮樹仙掌雲臺護石芝更往願分雙蠟屐相從能杖一

大集卷之十

十一

青藜

汝上終南紫閣峰靈奇窈窕寄幽蹤羨陂水入秋陰直太乙山連霧翠重絕頂側聞猿月住異人即有幾回逢新題定破崖崖蘚徧倚應憐處處松

江上逢方時淵

我應君室接歡離相送動隔年汀草岸花行色好酒樽詞筆賞心延暖風吹樹遷鶯後新水浮江泛鷁前總是當年遊冶處故人應笑鬢皤然

書在軍自漢南回至巴中兼贈還欽

碧鷁在馬日南天雲騎翩翩汝北旋已出烏蠻衝嶺壘將之白帝驚江煙坐消來夜談龍劍祖饒長途啓戰筵歸興春濤應不淺桃花潭上月始始

巴中逢陶公使諭松藩

使星夜聚臨東井晨節翩翩指百蠻六月王師勞轉戰三年民瘼待調艱塞門暑溽經秦甸棧道秋陰轉蜀山檄諭固知先父老九重深眷注龍顏

大集卷之十

十一

寄遺

歲暮簡寄卷鄭丈

鄭公不見十年餘練水屏山間索居雙屐履痕秋雨後一竿澗影夜晴初曾無俠氣虛談劍不為窮愁亦著書江路梅花開較早相尋儻跨雪橋驢

除夕得葉某卿書却寄此詩

一札先春到草廬椒盤猶及頌花初故人天末勞招隱多病年來懶著書叢桂山幽長念汝孤英歲晚重愁予真傳消息遷鶯後谷口鳴騶定

不虛

寄江民瑩

詩刻天都奎壁聯別來巖壑故依然梅香雪後  
催扶杖沙色篁南待放船吟社不虛名下士醉  
鄉真作飲中仙經時不寄霞城信洞口春雲碧  
暮天

移居溪上簡信之

溪上移居足地偏絕無車騎過高賢晴天松翠  
浮衣上午夜灘聲到枕邊老圃鶯花時載酒鄰  
家魚蟹不論錢沙溪舊侶如相覓歎浦西來好

放船

還山後寄李海州

大鄣山前練水瀆歸來獨茹紫芝芬草堂徑曲  
通芝塢木樹溪虛傍浦雲江夏肯容狂處士霸  
陵誰問故將軍思君夜夜蒿緜月花發筆臺鶴  
不聞

寄程瀘州兼訊時嚴

巴徼相逢已十年至今音問各茫然武陵即許  
漁郎入灩澦如連鳥道牽似夢舊遊楓塞外有  
懷良晤菊花前遙知九月稱觴處羣從能詩有

惠連

山中春暮寄李功甫

白鷺峰前處士家院風不動落松花歸雲谷口  
無窮馭洗滌溪邊有釣槎庭草日深迷舊徑鐘  
泉夜汲試新茶杜門東麓君應得肯向天都呼  
錦霞

寄鮑丈良濟

東望龍山青可憐夫人不見動經年溪堂雪異  
山陰夜春樹雲同渭北天何日論文重對酒中  
途乘興莫廻船梁園賓客淹留地脩竹團欒若

箇邊

閩南衡靈部遷泉州寄贈

摘辭冠絕藝林英抗疏芳聲動二京歲月忽驚  
遷客久江山真助著書成獨憐緋紫金魚貴早  
見兒童竹馬迎按郡何時憑畫幟看君不減綉  
衣榮

寄瓦屋山人

十年夢寐錦江槎萬里西遊歲載華綿竹關南  
春欲透荒花溪北路非賒老聃道德推玄奧高  
適詩名得大家此日聞君解朱紱何時許我問

金砂

長安雨懷二管簡陳山人

去歲江門屬暮秋虎丘昇列遠當樓亭臺翠擁  
雲松亂浦淑紅連岸蓼幽臨眺賦詩能載客往  
來待步有輕舟孤城風雨還今日設對終南暮  
靄浮

尋遊屢廢衝泥怯風雨輕旬各掩關覆野城雲  
連北斗當門峰翠失南山聯鑣草柱幽期阻伏  
枕圖書清晝閒遙憶梁園秋色好清霜應放菊  
花斑

元夕湖上寄杲卿

彩雲麗景散晴標梅浦香風送畫橈雲夢澤南  
垂老客洞庭湖上可憐宵貪看明月惜余懷思  
卧青山遠市朝歸去煙霞多逸興游魂不用故  
人招

登樓寄王子勝之

山晴雨足漲江秋旅客思歸暮倚樓蜀國江山  
新錦繡晉家人物舊風流談深四座推夷甫興  
盡中途憶子猷豈謂吳中多勝事扁舟吾意欲  
東遊

聞邵使君阻水夔州僑居山寺寄此

五馬西來鬢已秋平生齊相幾多哀歸帆將趁  
樵風使假榻聊從佛日留越舊年來非陋俗蜀  
江霜後是安流溪堂想見梅花發索笑巡簷足  
散愁

嘉州得王李二子書

汶上相逢梧葉秋早涼松寺汝追游騷人蘭佩  
懷相晚驛使梅花到壠頭瀘水霜催沙渚出嘉  
山春動壑雲流空傳携手河梁句不見山陰雪  
夜舟

吳郎至襄陽得方信之書

汝從吳下至襄中千里高懸一席風解佩難道  
覓交甫釋耕壠上問龐公霜原黍色飛蓬雨煙  
渚蘭芳宿莽空何處相思勞短札柳雲秋石五  
湖東

簡閔德卿

江陽盛夏一帆迴郊館遙臨得暫陪臭味芝蘭  
授一見光輝蓬藜待重來門慚長者無車轍所  
幸隣翁有酒杯肯冒鬱蒸携杖屨即同酣飲倒  
莓苔

雨不絕簡趙惠卿

簷雨經旬聲不絕案頭漸覺著書多灑風寒故  
欺惟入濕礎時能阻客過倒屣中郎長閉戶載  
肴好事絕鳴珂閒來一覺憑瑤几夢到漁村擁  
綠簑漁村地名趙所居也

寄思祈時讀書虎丘山寺

蘭櫂秋深未擬回載書君上尹公臺四屏展畫  
青山繞一鏡浮光碧海開爇火夜寒吹負羸桃  
花春漲待雲雷琳宮窈窕人天迥肯念棲棲獨  
草萊

鳳山臺待信之不至因寄此詩

鳳山臺待信之不至因寄此詩

鳳臺薨棟倚雲飛久立東風送日時新碧暗深  
融雪水小紅先着向陽枝江山文物風流地歲  
月神遊汗漫期遲爾安排雙蠟屐紫雲三秀撥  
瓊芝

初夏簡汪有秋

一庭苔雨濕淋漓雙屐無痕破碧滋起着接離  
欹枕後靜披細帙捲簾時鶯花老圃留春住鷄  
黍厨人出午炊不厭貧居時枉駕綈袍還抵酒  
家貲

汪古脩過草堂得棗陽王殿下寄書

文園憔悴病相如已分門無長者車剝啄忽傳  
千里使歡呼遙致五雲書不忘禮數存交舊重  
憶從游授簡初借問南園吟嘯侶盍簪今日幾  
人俱

寄安元

紫極宮高俯翠鸞思君別後幾憑欄每從吟侶  
觀題壁曾禮真師問坐圜草閣自同聽雨後楸  
枰誰對奕松間未能一赴東遊約虛擬西湖共  
看山

春望懷寄錢塘諸友

春望懷寄錢塘諸友

草色攙青出燒痕東風已到水西原酒蕩綠  
春浮甕書帙薰香畫掩門五柳煙中三徑僻萬  
山雨後半溪渾滄波淼淼堪乘興會仙槎過  
海垠

歲暮得許夔州書寄答此什

巫峽西江天際頭書來歲晚慰離憂魚龍吹浪  
三千里林薄飛霜十二秋海內交游吳季重郡  
中讌集韋蘇州無因接席乘公暇能賦憐君尚  
黑頭

寄汪仲嘉戴子京

拙毫半餉擬心神立待成章促酒頻  
雪夜舟中訪安道桃花潭上遇汪倫  
丘園一別黃花暮海嶽重逢碧樹春  
報道新屯好風月金樽留醉向來人

次韻雲巢子見寄

蜀雪初融峽水新雙魚東下汶江津  
到來楊柳樓頭月問訊桃花谷口春  
久誤還丹無秘訣不緣守道尚迷津  
停雲西望相阜暮欲採蘭芳寄遠人

大鑿鑿集卷手

大

簡安元時馬錢塘

忽漫相逢已半年薰風開漏上湖蓮  
芳樽醉過黃花候敗履行歌白雪天  
甫里龍塚長浪迹鄴中公幹舊稱賢  
力耕合是終身事歸去元無負郭田

寄揚州張尚寶

涇園詞客病休文夢落邗江一舸雲  
藥裹通宵愁對我梅梢融雪憶逢君  
斗牛夜半長瞻氣鸞鶴年來苦戀羣  
二十四橋何處月鳳簫吹徹不相聞

寄藍德輝

春山一別碧巖蕤天末涼風動遠思  
小摘園蔬留我夕靜談秋水對君時  
高齋松麓虛疑遠長路風波豈預期  
聞道芳蘭滋九畹願言紉佩不應遲

永寧秋夕寄謝真師

露白風寒欲授衣千門砧杵月輝輝  
九江天遠雙魚斷一鴈秋高萬木飛  
久客况當遲暮景扁舟應待順流歸  
錦霞洞接鷺峰近秣合相將賦採薇

大鑿鑿集卷手

九

歸次高郵却寄安平諸友

高沙回首射陽天森森湖波浸渚田  
涇月自窺懸榻處懸雲先落挂帆前  
遠馳尺素慙知己暫別青山遂隔年  
懷刺未投從漫城終身吾與稱公賢

懷思

春夜懷蘿山憲使叔

下里端居有所思一庭涼露白離離  
丘園向夕風煙迥樓閣憑虛象緯垂  
劍履星及天北極山川瘴癘日南陲  
如何竹馬嬉遊地不及鶯花翫

賞時

夢二友

蜀人雲巢王子勝之大我李生允伯竝負不  
羈之才與僕為莫逆交別幾十載書僅一通  
良晤既疎幽懷莫寫甲辰元夕夢中如或見  
之因紀以詩云爾

逸少揮毫換白鷺李侯佳句似陰何羊羣石在

會觀化鳳德臺高幾放歌黃初平羊石在金華

我眉俱屬蜀境一別九秋懸夜月相逢萬里涉江波不

知楚塞經行遠猶是巴山夢寐過

大集卷之三

雨懷方朝萬

欲晴不晴時倚門眼中物色變朝昏霏霏羅  
積雲覆滾滾松濤怒察翻病客淒風增被樹故  
人今雨絕來轅丁丁伐木山寒夜愁劇西軒酒  
一樽

懷雪林汪丈卯秋

峰翠軒轅松桂窟丈人居處半崖陰石林三伏  
森留雪竈藥多年熟化金鴻寶枕書知久得浮  
丘鶴馭憶曾臨相從儻許分雲榻塞鴈春歸遲  
爾音

甲午生日懷雲巢子

雲巢山人興不羣一榻南山槎白雲霽景半空  
懸曉日光風三徑散陰氛名齊洞隱丘子心  
醉仙幽玉檢文今日壽杯成獨把長吟北望重  
思君

秋日蜀中懷故山

三峽驚濤驚素秋五湖涼露湛滄洲畏行蜀道  
思迴馭遙憶吳門欲放舟忽去莫留巢父住將  
歸真切宋生愁最憐別後天都真誰作容成駕  
赤蚪

大集卷之三

早春有懷錢塘舊游

湖山樂事早春饒輿紡相從度六橋靈隱寺邊  
行載酒雷峰塔下坐聞簫林杳梅冰和羅綺岸  
碧苔光趁翠翹一別經年勞夢想幾回愁倚漢  
江橈

峽中春暮憶大梁舊游

懷舊望春春可憐峽猿江樹共風煙筆床茶竈  
孤吟畔汴水夷山若箇邊蹴鞠香塵看花處鞦  
韆紅紛賣飴天願將此夕霽巾淚還用他年揮  
怨絃

懷武當山真師

七十蓮峰霧翠攢紫城金闕靜宮煙老松陰座  
青霞積靈藥叢塔玉露團指日輪輝翔白鶴何  
年竈火熟金丹暮途晚泊巴江客憶宿秋堂午  
夢寒

雪夜懷宋中舊遊諸子

水闊天長東海濱朔風一夜撼柴扉所思道遠  
難乘興旋覺寒生欲覆衣始訝籬櫺穿片片稍  
看窻牖映輝輝梁園賓客知誰健又見今年臘  
雪飛

大鑿鑿集卷十

五

淮水暴漲有懷夷門舊遊寄鄭子

庭除流水深且渾客子十日難出門桑田直幾  
變滄海黃河真見來崑崙詩書受困賢聖凡  
席對坐連朝昏忽憶騎驢逐鄭蔡放歌狂走夷  
梁原

夜懷山中人

三更林吹沸風滿一枕高齋夢向殘季子黑貂  
塵已化豐城紫氣夜誰看芙蓉江上清秋暮鴻  
鴈天邊白露寒誰遣含愁望不見幾回明月倚  
闌干

晚步溪上懷思祈

霜後溪光似鏡明沙堤閒步見魚行隊分魴鯉  
清堪數影出林巒畫不成兩岸丹楓寒一色北  
來鴻鴈暮南征詩筒欲寄同聲客不到吳閭海  
上城

懷仙效元人

夢寐三山碧海深金銀臺觀彩雲生青鸞信報  
西王母白鹿車迎衛叔卿日午成行賣藥月  
明緱嶺坐吹笙相逢莫待桑田變乞我金丹鍊  
骨輕

大鑿鑿集卷十

五

所思

月明深夜照支願獨坐空齋有所思道左班荆  
傾蓋處峰頭迴鴈寄書時菟園脩竹梁遊賦湘  
晚芳蘭楚客詞翹首可憐天一畔幾人今在鬢  
成絲

金陵旅懷呈同舍樂十九

廣陌春風振玉珂出山常念住巖阿桑麻世業  
居人有桃李芳園樂事多游詠祇應羣從得羈  
縻其奈二毛何杏花村酒誰家好取醉相携莫  
厭過



過寶賽磯憶來鳳

寶賽磯南桂樹叢美人歲晚縱踪慵九臯天遠  
聞鳴鶴一壑泥蟠想卧龍率野秋高登黍稷清  
溪水涸出鯽鱖經行翹望虛相憶江上春雲暮  
幾重

懷道南

自從送客范公庄不見題詩遠寄將苦憶東來  
雙鯉杏生憎西馭六螭忙湖南秋水盈盈碧海  
上雲山點點蒼肯信涇園臺上客幾回翹望立  
不陽

大德集卷之三

五

有懷章泉州因寄之

使君五馬去東溟春樹今看玉露零豪右早聞  
潜虺虎疲癯須用起參苓傅公大旱為霖雨曼  
倩前身是歲星誰道丹丘待仙隱從來金馬足  
遺形

懷梅

一樹溪邊憶手栽玉容清映水雲隈祗疑夜月  
窻前度尚想春風雪後開霸上幽尋安得見龐  
頭遠寄不曾來何郎東閣多詩興幾度長吟廢

蘇子

霞城集卷之二十一

歎程諾自邑撰

目錄律詩七言三十九首  
絕句七言七十五首

送別

古城西浦別杲卿

送江民璞赴進士

舉

江陵別南宗上人

且約偕隱黃山

汴上別鄭宜述

送趙參將赴邊

送社中諸友赴試

送曉川叔越遊

送方定之進士舉

送許憲使入蜀

顧處士發錢塘歸

大德集卷之三

吳陽山舊居僕病不能走餞賦詩馳  
發浦口之安平別

送

社中諸友

尋訪

過容嶺汪山人家

清溪谷口訪劉徵

君

過王處士別業

吳思遠過溪堂

吳元孝方定之過

訪

胡郎過北巖談峩

眉之勝

同李允伯王勝之

過飛霞韓道人居

過長松山人 海上喜周處士見

過 淮上過沈浦之

過方際明訊其病苦

雨後過方為瀾獨嘯園

渚宮春日王儀賓天章過訪

江民瑩過溪上不相值

訪思祈周流僧舍 暮秋重過西山草

堂 過方乘貞山居

尋彭隱君幽居 普福寺訪如淵禪

師 病愈胡戶部巨卿

過問 過石溪精舍呈際

明思祈子金 金陵客舍喜周君

過訪

詠物

匾茨 春雪

哀悼

聞吳德徵被赦歸至黃州道卒

汴上聞鄭宜述訃 哀方郎 大法

過吳門悼方勉之

絕句七言

懷古

關西雜詠十首 瓊花觀

汴上作 范蠡祠下作

咸陽道中

贈荅

贈湯將軍 山遊歸至莘墟贈

子容 贈秋浦主人

關西贈孟二 贈葉鍊師二首

春遊有贈二首 贈蜀地佳人

南坡席上贈勉之 花林歌贈同遊者

方朔偷桃圖贈韓光祿

聽舊妓王小卿歌 代虞中贈董文煥

贈秋月禪師 贈王真師

南市樓遊贈

酬荅

荅李功甫 劉娘席上荅康太

史

荅方時相惠筆 訓前人惠棉布

溪上夜歸荅魏子 訓馬君駿見遺穗

蘭 和射陂杏花二首

會遇

逢侯舜昭四首

林蔭山中逢汪山人談地理二首

歲暮髦田道中逢方子澄

歸至長齡里遇廉夫飲

登覽

遊紫極宮十首同劉安元作

峩眉山遊七首 望高唐

游泛

雪後放舟西湖四首

大雅堂集卷五

四

巴江晚眺集句 春登靈金山余元

復留宿菴中因懷同遊諸公

魯公亭秋望

律詩七言

送別

古城西浦別杲卿

漸見遙峰沒白煙歸人猶隔海陽阡離樽多戀  
斜陽浦客路偏驚落木天洞口瑤花空倚旄溪  
南秋月隔嬋娟夢中風雅追遊地方駕荀揚早  
着鞭

送江民璞赴進士舉

阮溪新漲動仙槎去去天都闕錦霞天上新衣  
將染柳懷中舊筆久生花碧空漸遠孤帆影明  
月長懸兩地華誰遣江淹工別賦只今南浦是  
天涯

江陵別南宗上人且約偕隱黃山

何來入定一袈裟幾見荆梅破臘花頗訝及門  
多杖屨爭如飛錫向煙霞峰巒奇著仙人蹟草  
木深宜靜者家擬結茅茨同住此藥爐經卷送  
生涯

大雅堂集卷五

五

汴上別鄭宜述

湖海才名鄭子多天涯流寓興如何詩盟老去  
渝花草隱服歸來製芰荷此地風煙聯杖屨殘  
年雨雪隔關河澄潭東接沙溪近濯足應同白  
鳥波

送趙參將赴邊

紫泥書下九重朝千里專征夜渡遼奉使夙期  
班定遠無家今似霍嫖姚尋常被甲能調馬十  
萬彎弓盡射鵰獻捷歸來報 明主東山幽詠  
繼新謠

送社中諸友赴試

輪蹄不到碧崔嵬誰引閒雲出岫來香溢官墻  
將動桂花黃官道暗催槐斗間紫氣豐城劍  
北黃金郭隗臺遂使山王甘用世乘時表見竹  
林才

送曉川叔越遊

練溪春漲沒漁磯阮籍乘流向會稽蓮舫聽歌  
鏡湖曲樵風挂席若耶溪潮聲出島如雷吼樹  
勢浮天趁浦低何日著書追太史竹林歸伴阿  
咸樓

大隱集卷五

送方定之進士舉

十載菰車困太行一朝騰踏見飛黃鵬圖快觀  
雲霄翮鳳闕瞻依日月光臺上千金登樂劇竹  
間三徑失求羊不忘白社同聲舊定有賡歌寄  
草堂

送許憲使入蜀

使君歲晚事王程萬里浮江彩鷁輕瓜渚雪風  
吹挂席荆門霜月照懸旌桃花水漲經巫峽杜  
宇春歸到蜀城想見登臨懷古處浣花溪上最  
關情

顧處士發錢塘歸吳陽山舊居僕病不能走錢賦詩馳送

鳴鷄江上候潮平報道津人促去程伏枕自驚  
為客久繫壺虛擬贈君行姑蘇臺古煙迷草震  
澤湖秋水浸城不得披衣起相送河橋煙樹重  
舍情

發浦口之安平別社中諸友

西風吹雨五溪邊夜趁誰家下瀨船極浦孤煙  
還水宿短籬叢菊自霜妍真違送酒重陽節空  
復觀濤八月天應笑尋常慵出戶射陽湖上遠

大隱集卷五

求田

尋訪

過容嶺江山人家

虛堂促席俯秋岑對語茶甌夜向深白露高松  
雙鶴宿丹崖落月一猿吟難逢石髓煎仙骨  
奈雲謠待我心問訊星虹相接引容成臺下  
鸞音容成子鍊丹臺在嶺西山人住居近焉

清溪谷口訪劉徵君

谷口逢人問姓名樵夫相引叩柴荆木犀香  
我詩過瀉瀉群邊取路行白水澗時溪出石碧

山迴處樹藏城忘形自是多情者不在區區倒  
徒迎

過王處士別業

翫世深居渭上村  
終南山色滿柴門  
遺書自教諸兒讀  
幽事時從老圃言  
簷下白雲連榻上  
漢陵芳草似秦原  
何處種瓜能五色  
因君試問邵平園

吳思遠過溪堂

多病年來守故園  
藥爐經卷對朝昏  
獨行熊磴青山僻  
頻過漁舟碧水渾  
今雨遂來三徑屐  
各

吳元孝方定之過訪

天重對十年樽  
所欣弱冠論交地  
聊復衰顏笑溫

吳元孝方定之過訪

雙峰雲霧開松磴  
二寺軒車過草堂  
午日槐書忙杖履  
涼風麗座肅冠裳  
聲連谷遠搖秋氣  
影轉林遲駐夕陽  
一室汝來游翰墨  
兩都予待覩文章

胡郎過北巖談我眉之勝

江霽陂霞散綺飛  
雙峰交翠晚依依  
高樓獨倚看松色  
有客相過欵竹扉  
偃卧閒雲深下榻  
聆

談霏雪冷侵衣行  
當共爾三我去佛  
現光中住翠微

同李允伯王勝之過飛霞韓道人居

玉郎風骨本來殊  
李白文章錦不如  
蘭橈一舟從水涉  
竹林三徑到霞居  
羅雀門前通刺後  
卧龍榻畔啓筵初  
靜談秋水唵河伯  
果信凌雲有子虛

過長松山人

長松山人久負病  
白日偃卧違相過  
冠裳即防送迎嫌  
篇什不辭賡和多  
城頭山色出青嶂  
屋

海上喜周處士見過

後江流翻白波  
憶若幽居饒勝槩  
乘興偶來云我何

海上喜周處士見過

投刺茅堂訪隱淪  
伊盧山下葛天民  
姓名耳熟相聞久  
道誼情孚一見真  
饒笑桃花偏照眼  
于飛燕子故依人  
海槎擬把任公釣  
儻可重來此卜鄰

淮上過沈浦之

相尋十里越湖煙  
雨歇陂塘雪滿天  
城入舍舟行着屐  
堂留下榻坐分氈  
淮陰文物推枚叔  
漢

上才名有仲宣誰遣相逢今較晚北途征騎又  
翩翩

過方際明訊其病苦

旭日慘澹飛霜晨山人獨行衝市塵廣文先生  
不對客造物小兒直苦人風色一天紅葉亂  
香三徑黃花新應門童子問名姓不記我來溪  
上頻

雨後過方爲淵獨囑園

村雨經旬灑翠筠途泥借後過芳鄰應門歡喜  
忙童子倒屣殷勤有主人榻下懸梁須信宿杯  
行到手肯辭頻誰期西牖梅花夜趁得橫窓月  
色新

渚宮春日王儀賓天章詩訪

斜日章臺枉駐車郊春花夕開  
虛王瑟窮似虞卿合著書交誼百年重  
章一代劇談餘月衡不道歸驂促  
榻虛

江民瑩過溪上不相值

天末涼風下華門經時音信阻相聞  
循幽澗長往青山入白雲谷口斜陽空  
避我窺

一月正思君不逢值杖行三徑爭觀揮毫掃  
一軍

訪思祈周流僧舍

十里春山照眼明來書遙訪鄭康成來宜信宿  
聊分榻住喜經時不入城雷火舊燒松頂禿雨  
苔新補石痕平獨憐有約經過數早覺無營夢  
寐清

暮秋重過西山草堂

衝風十里叩柴荆涼入新衫白苧輕客子載殺  
綠好事主人倒屣見高情香凝散帙浮芸案黃  
綴新苞上菊莖願借家藏十萬卷三冬盡讀足  
平生

過方秉貞山居

巘北原南練水濱衙門晴望引青嶺客來路熟  
披榛慣僮試泉香茗著新爐裏藥壺堪貯世床  
頭酒熟每呼鄰明時自信終高卧此地從來足  
隱淪

尋彭隱君幽居

隱君居處岩葱籠高擬層巖出半空雲浮几席  
疑天上水露鱗鱗似鏡中敗葉可書蕉尚綠垂

杉小摘棗初紅攀崖獨有探奇客金輅雕鞍道  
不通

普福寺訪如淵禪師

輕舟獨越上湖潯九里青蒼入午陰隱隱寺鐘  
登陸近丁丁樵斧隔雲深虛疑雨過迴松瀑實  
愛風生到竹林幾欲從師問真諦將循覺路見  
予心

病愈胡戶部巨卿過問

初秋雲物沆澄鮮一榻涼生雨過天真味黑甜  
安枕後老期黃菊壽杯前新蔬適口勝兼饌小

大集卷之三

三

語言懷偶命籍何處慰情來上客優游朋得爾  
應賢

過石溪精舍呈際明思祈子金

尋遊久約過中園此日剛來試履痕衣帶關懷  
同出岫槎浮新水遠臨軒江門風暖魚初白谷  
口花飛鳥不言自是經時長卧病幾迴清興負  
琴樽

金陵客舍喜周君過訪

早春曾寄綠溪書報道高人訪寓居久矣城南  
期載酒不孤花外望來車雲中辨樹三山近谷

口聞鶯二月初自有上床留客厨肯辭前脣為  
君虛

詠物

匾茨

匾茨畦乾氣不伸秋來雨足莫延新護持籬塹  
憑厨婢取給盤食餉野人騰有幽花供照眼更  
分清蔭與比鄰吳中採擷良同調洛下游觀小  
稱貧

春雪

幕府山前春雪飛片片爭赴東風歸已驚撲面

大集卷之三

三

縱任態漸見沉沙融素輝霸橋詩思入策蹇高  
陽酒徒愁典衣幸不裝梅并壓竹翠明香暗還  
相依

哀悼

聞吳德徵被救歸至黃州道卒

五年瘴癘南遷客萬里關山北晉時雨露普天  
空澤物丘原長夜此興悲歸裝遂伴投村店旅  
櫬依僧寄野祠忽憶論心一樽酒招魂虛擬楚  
人辭

汴上聞鄭宜述訃

昨聞歸卧方山廬旅櫬今傳滯沛徐松雲桂月  
那對眼嶽色河聲空寓居鄰人莫奏山陽笛舊  
遊愁報朝歌書束芻路遠不可致悵望過鴈夷  
梁墟

哀方郎大法

三日於菟氣食牛藝林聲價已無儔子安蚤世  
時人惜居實秋風識者憂談劍舊多燕市客觀  
濤誰戴海門舟脩文何處覓旌遠天上真成白  
玉樓

過吳門悼黃勉之

大鑿鑿集卷三

古

倚棹吳門首重回虎丘山色故崔嵬與誰同坐  
松根石邊爾長停月下杯吳質交游多喪逝尚  
平婚嫁好歸來孤雲五嶽無消息怨鶴驚猿不  
盡哀

絕句七言

懷古

關西雜詠十首

皇帝帝霸舊關河四塞由來鞏固多秦恨已消  
三月火漢人空誦大風歌  
百二山河指顧中探丸擊劍古來雄豪窟五陵

消俠氣黃圖三輔變儒風

咸陽西上是秦都法網由來舊不踈坑盡儒生

三百輩沛公安敢事詩書

千年迴磴絕鳴鑿太乙祈靈有漢壇一夜悲風

銅柱折仙人垂淚下金盤

渭水鷹揚振羽翰人生出處古來難當時不入

非態夢秣合終身把釣竿

漢家飛將盛邊籌結髮從軍到白頭百戰論功

無厚賞田公獨拜富民侯

六出祁山捷有神平生魚水見君臣大星忽爾

營中墮成事從來不在人

閒憑北斗散高壙靜對南山紫翠重華柱長臨

天尺五嶠函不用一丸封

葦曲東連古狹斜蒺藜風滾觸骸沙便典春衣

君合門資豈無復滿蹊花

繡嶺空傳繡作堆翠華臨幸事堪哀唐宮自枕

溫泉水周墩猶存舉火臺

瓊花觀

石闌千古護空臺草色侵凌雪色迴即使此花

今尚在江都誰更錦帆來



汴上作

直北風沙撲面來九河濤浪捲江淮  
山前月會照當年小玉街

范蠡祠下作

雙雙白鳥越人飛爭信煙波有是非  
一舸功成載西子至今人羨五湖歸

咸陽道中

千里金城舊帝京夕陽征路帶郊坰  
阿房灰似書坑冷草色東風一樣青

贈答

不盡

七

贈湯將軍

將軍亂髯頰玉顏手挽三石弓  
馬武寨射鵰更何須關山

山遊歸至莘野贈丁容

一路寒光度翠微莘墟投館恨相違  
從歛帽帶得雲歸莫惜衣

贈秋浦主人

霜前縮項炊鱸白霜後團臍擘蟹黃  
三十甕秋來幸住此江鄉

關西贈孟二

陌頭楊柳搖風光新豐市中蕪酒香  
各上馬塞草江雲俱路長

贈葉鍊師二首

總仙洞真鳧鳥輕御風東下楚州城  
蓮花嶺博石曾同衛叔卿

南遊借問幾時迴石室丹書秘不開  
採藥尋山臨海嶠拍霞飛袂度天台

春遊有贈二首

東風初上小桃枝映日蒸霞漸逞姿  
即使此花貪結子遊人今覩未開時

不盡

七

西園花遲開即飛獨樹却愁從此稀  
夜看合把銀缸照風打湏栽錦障圍

贈蜀地佳人

幾度樽前惱使君錦官花色豔綃裙  
平生入眼誰堪比十二峰頭一片雲

南坡席上贈勉之

銀箏鴈柱石榴裙一曲嬌歌倚醉聞  
龍化去海棠花下不逢君

花林歌贈同遊者

花林花開霞錦明江流有沱太多情  
何來賈郎

愛惜費不道巴兒能送迎

方朔偷桃圖贈韓光祿

蟠桃海上結靈根  
曼倩詼諧承主恩  
不是三偷太無賴  
歲星爭識隱金門

聽舊妓王小卿歌

深杯花下勸卿卿  
良夜歡多醉不成  
十二年來一傾耳  
春風新囀上林鶯

代虞中贈董文煥

桃花扇底奏新聲  
聚態含嬌掌上輕  
誰遣相逢看未足  
銀缸高照到天明

大集卷之三

贈秋月禪師

九里松邊普福寺  
中有高僧支道林  
莫把禪心比秋月  
却憐秋月似禪心

贈王真師

多年鬢髻變形骸  
行步如飛不動埃  
聞道中宮藏祖炁  
便從今日結仙胎

南市樓遊贈

高擎翠袖抱箜篌  
年小嬌多不是羞  
記得陳侯新譜曲  
一聲低唱上南樓

訓答

答李功甫

青鳥西來銜素書  
訊予遙致霞城居  
天都峰上今宵月  
猶照秋雲半榻虛

劉娘席上答康太史

阮公一醉六十日  
夫子泥跡世莫知  
自是神筆不可見  
魯麟郊出仲尼悲

答方時湘惠筆

毛生馳傳下中山  
破我溪堂百日閒  
表見平生五千首  
絕勝生入玉門關

訓前人惠棉布

大集卷之三

荒村日暮亂砧聞  
羞覩狂書舊練裙  
擬製芰荷秋色晚  
白光飛墮九華雲

溪上夜歸答魏子二首

萬里橋西月色新一  
舟輕度浣花津  
我來不為依嚴武  
誰恨逢迎少主人

荷風香動幕江撈  
十里歌聲一水遙  
忽憶闔閭城下路  
半塘煙暝趁歸潮

訓馬君駿見遺穗蘭

穗蘭香名未始聞  
一朶首夏開漸繁  
他日吳中見延蔓  
肯忘分自馬家園

和射陂杏花二首

靜春堂前杏早開，  
朵生香拂面來果是暖風。  
燕得透四株池上欠詩催。  
白雲池上植杏時尚未着花

東風益益下林臯，  
斷送行吟着我曹。  
聞道南宮飄錫宴，  
暖香曾戀舊宮袍。

會遇

逢侯舜昭四首

一路香風小苑邊，  
柳枝搖拽白門煙。  
逢君忽憶錢塘上，  
夢落觀濤八月天。

樓遲二谷多新句，  
問訊煙霞興不孤。  
一卧三年猶未起，  
及知伯氏宦情無。

大書

主

海內文章有美名，  
連枝玉樹並含榮。  
可憐白日相輝映，  
誰道區區十五城。

帝京游宴樂春華，  
欲問村沽隔杏花。  
何日繫壺花外去，  
與君同醉莫愁家。

林蔭山中逢汪山人談地理二首

松齋宴晤忽分宵，  
倒轉中天北斗杓。  
何處雲霓生絕嶺，  
龍樓應見海陽標。

青鞋踏徧碧峻嶒，  
虛事仙人白鶴經。  
儘把山川推理氣，  
不知天紀本無形。

歲暮髦田道中逢方子澄

翩翩不肯駐鳴珂，  
雨雪征途歲暮多。  
獨載錦囊三百首，  
一鞭西指出松蘿。

歸至長齡里遇廉夫飲

一路寒山滿夕暉，  
飛塵偏集旅人衣。  
拂衣便飲君家酒，  
肯遣相逢不醉歸。

登覽

遊紫極宮十首同劉安元作

叢薄幽深擁翠微，  
廊迴磴俯雲飛輝。  
煌金碧標三界，  
攢簇芙蓉匝四圍。

大書

主

緙殿憑虛嘯八風，  
紅雲晴滿日華東。  
萬家樓閣煙花繞，  
十里笙歌錦繡中。

伊予西下錦霞關，  
東望君將滄海還。  
共寄一機千仞上，  
更分半榻五雲間。

灑面松風午檻涼，  
綠蘿纏繞坐相忘。  
絕勝仙女天台上，  
洗出胡麻蘸二郎。

鍊師新鑿紫衣寮，  
雷篆朱符玉檢明。  
禮罷星壇宵夜永，  
天風吹下步虛聲。

雲物森森綺閣幽，  
仙人鶴此為倚火飛金鷗。  
卅砂伏雨足蒼崖，  
石髓流

掃盡塵緣事若何人多走愛樓居長房早見

懸壺隱幃泉無勞駕鹿車

葱青琪樹蔚春榮禽絕丹崖耀日明石上楸枰

看對奕花陰洞管聽吹笙

瑤臺珠館控飛龍別有瓊樓出五城日馭六龍

追不及天門八鼠幾將生

洞裏桃花頰玉顏空中鷄犬紫鸞班老聃函谷

青牛至子晉嶺山白鶴還

峩眉山遊七首

迴巒杏嶂躡巖從鳥冷然曉御風虎跡磴開

松下雪泉流崖噴雨前虹

歌鳳臺春草木新楚狂千載此知津白雲丹壑

還今日避世誰為採桂人

放歌聲入碧峻嶒雷洞坪春草木馨豈有怒雷

驅雨雹誰將荒謬枉山靈

胡孫梯峻接天關雲樹陰團蘚石斑八十四盤

崖絕處藤垂懸棧幾人攀

每恨入山雲不深雲深春望不分明暫開樹色

呈初殿便合峰陰落化城

仄徑斜陽入紫煙閒雲下榻大羅天禪餘老樹

來看客茗盃蕪羨應信緣

萬峰攢翠轉蒼茫五色心馳佛現光太士即教

瞻馭象異人應許遇騎竿

望高唐

十二芙蓉靄翠重楚王宮殿杳無蹤舟人指點

行雲處神女祠前第一峰

游泛

雪後放舟西湖四首

雪寒風急此措蓬西崦南屏一水通若待看山

當日暖畫船應是滿湖中

槳輕蕩過六橋灣岸轉孤城隱約間鐘磬亂敲

三百寺雲霞疊出四圍山

風溯波沿可疾遲橋低浦淺總相宜樓船獨是

容歌舞不似輕舸隨所之

湖村夕照暝煙微松寺寒深半掩扉雙鶴唳雲

盤嶼下一僧持鉢遡風歸

巴江晚眺集句

雲來氣接巫峽長影動倒景搖瀟湘江天漠漠

鳥飛去打鼓發船何郡郎

春登靈金山余元復留宿菴中因懷同

遊諸公三首

盤盤羅磴出層巔萬壑風雲足下旋丹殿半開  
霞縹緲白榆何處更青天

午夜松風吼怒濤夢迴疑載下江舫豈知萬仞

丹崖上一榻懸雲俯鶴巢

疇昔峰頭倚碧松放歌明月有諸公村童送酒

青林杪野老班荆白露中

魯公亭秋望

高亭獨倚次寥天東望龍從出暮煙虛樹道傍

陶母碣青山何處問牛眠

大震集卷之三十一

十一

霞城集卷之二十二

歛程誥自邑撰

目錄絕句七言

一百二十二

感述

南征行十首

羅山叔歸自滇南

曉行示同旅

冬夜作

溪漲二首

梅遲

大水到門述以短句三首

二月見梅花

江上聞吳歌

余舜音至自大梁夜話二首

胡寇四首

大震集卷之三十一

十一

尋訪

過田真和隱居

風雪舟阻白河口喜李鍾二文學見尋

除夕宿張鶚宅

送別

金陵送吳大

送余子敬之金陵

綿州別瓦屋山人

歡喜舖歌送詹大

漢州送呂大

送吳靜夫三首

華亭別方信之

江上送思遠之江陵

送朱本大歸下邳二首

送后谷子入匡廬山二首

送鄭思祈越遊五首

送胡二入蜀兼訊巴中友人

送后谷子漢遊四首

將登九華留別思祈且訂金陵之約

送芸上人 水西門外別虞中

安平送子敬之茅山二首

行旅

震城集卷五十一

二十一

淮上歲暮二首 沂沭歌

秋日次洛陽集句 渡江至儀真

八月二十一日次饒州

商丘道中 春夜宿坊仲落葉

發盱江北歸 章江道中

江上除夕

發石頭城寄元復子金

寄遺

雨中簡思祈際明子金二首

喜王李二子自蜀中寄詩到

寄汪用周

海州道中寄李屋山兄

寄思祈乞筆

均州道中寄畢真師

懷思

青羊宮懷仙三首

簡翁少叅

釀酒從雲巢子乞菊

聞思祈携二妾自金陵移居吳門有寄

寄亦山子 寄童次公二首

震城集卷五十一

三十一

懷程用達

見鴈憶孫 懷武夷山人四首

游燕

常州吳中書園宴集二首

邃菴楊相公南園同張文學賞李海州

枝楊舍人紹芳泛舟三首

遊園簡主人 過山家

山遊集古巖寺六首

雜詠

閨情四景圖三首

賦得塘蓮半房贈同遊者

食橘 雪中觀迎春

哀悼

悼湛塘王侍御

悼自牧

絕句七言

感述

南征行十首

高牙大纛照清秋共載乘輿擁道周車騎縱橫

趨涿鹿舳舻首尾接揚州

秦蠶奸兇恣不臣親勞百萬奮南征中軍更着

江提督牽制還須許總兵

待戮鯨鯢自不遲千艘半餉濟師時迎鑿鎮遠

江濤靜早見風雲殺氣隨

石頭城下水增波暖日輕風送權歌萬艇中流

齊舉網黃龍船上得魚多

新河命將出屯營畫戟瑠戈耀日明洗馬真臨

江漢水擒蛟虛擣豫章城

天門初日上蓬萊綵仗迎春隊隊來馳道傳呼

龍騎過百工爭看打毬迴

變懸日月建旌旗此日都民駭出師司馬匡時

真柱石肆威誰說朔方兒

銀花少樹照千門寶馬香車競上元一曲昇平

稱萬壽不勞卷甲奪崑崙

金印將軍早拜侯中宵一箭落旄頭燉煌早斷

匈奴臂北顧真寬聖主憂

虎踞龍蟠舊帝畿滿城桃李樂春輝黃旗紫蓋

東南見航海梯山次第歸

蘿山叔歸自滇南

褰帷杖鉞不曾閒握手丘園鬢已斑冀北日南

書咫尺別來二十二年間

曉行示同旅

朔風豈是出門時愁殺沙場征戍兒不見天山

三丈雪聞人那覺寄衣遲

冬夜作

布褐禁寒過一冬竹爐深夜擁龍鍾五陵年少

矜裘馬爭笑梁鴻老賃舂

溪漲二首

高原忽漫變深陂千里乘槎快健兒沙上歸人

猶待渡不知隔岸是天涯

泥蟠何處起潛蛟望望桑田滾浪沙雙婦樓中

安金龜曾入市上捉魚鰕

梅遲

陰崖踈梅開較遲一朶此日迴春姿更無積雪  
重重歷清愛和風鼎鼎吹

大水到門述以短句三首

大河一夜秋水漲翻塔濤浪蹴天迴即教鷗鳥  
相親傍莫遺舟航數往來

籬根已失舊行徑不問湖上秬糯秋西家農夫  
狂太劇典田便買拳魚舟

幸不窺沉猶火煙魚鰕市賣有來船到門十日

大震城集卷五

六

無賓客豈怕津人橫索錢

二月見梅花

香倚東風暗不開一枝清瘦傍溪雲輪蹄競逐  
城南陌豈識林陰有此君

江上聞吳歌

數聲中夜起江東一枕歸人夢不通解道關山  
無限恨至情多是出閨中

余舜音至自大梁夜話二首

邊村搖落是空園東郭樓東宅不存一代登龍  
風雅地不堪回首李膺門

汝浮汴水下江東一席輕懸八日風二十五年  
分手客相逢今日各成翁

胡寇四首

聞道關門盡倒戈胡兒飲馬傍三河橫行真入  
無人境烏合爭傳百萬多

九重天子自宵衣塞草青青塞馬肥一日再傳  
宣府報三軍誰救太原圍

公卿側耳捷書聞汗馬誰當第一勳奮出殺身  
臣節盡只今唯有李將軍

十萬連營傍險安經時固守立功難將軍已佩

大震城集卷五

七

封侯印不用陰山縛克汗

尋訪

過田真和隱居

尋君暑徑午風微流水聲中欵竹扉山上飛泉  
松下石釀成秋色到絺衣

風雪舟阻白河口喜李鍾二文學見尋

十日北風吹雪飛行舟淹泊畏湍磯故人重見  
緣天假三老休言逆浪歸

樓垂繡幕閣重闌金帳春多笑語温缸度飛梁  
三百尺可能一水隔襄樊



除夕宿張鶚宅

踏雪東來鄭綮驢  
逐貧偶過子雲居  
一壺共飲沽來酒  
不信今宵是歲除

送別

金陵送吳大

相逢曾典鸕鷀裘  
三月鶯花滿帝州  
送別江樓秋色晚  
思君他日此登樓

送余子敬之金陵

青鞋半月待天晴  
有約看山載酒行  
一夜雕鞍戒行色  
彩雲先傍鳳臺生

金陵集卷五

八

綿州別瓦屋山人

向來策杖入岷山  
為有高人長閉關  
大藥未飛荆竈火  
蘿衣空帶白雲還

歡喜舖歌送詹大

歡喜舖前春雨聲  
大山小山雲暮生  
聞郎欲度赤水嶺  
石滑崖欹不可行

漢州送吳大

廣漢驛前春水生  
小舟撇漩雙槳鳴  
金鴈橋南酒新熟  
買將百斛贈君行

送吳靜夫三首

帝鳥催春上百花  
東風無計駐年華  
青絲絡酒

橋南陌留君不住  
向誰家

白沙江上舊停舟  
同倚朱闌十二樓  
怪殺琵琶

多別調樽前不散  
旅人愁

田廬密邇不逢君  
只隔青山一片雲  
明日風煙

異南北相思空仗  
寄書聞

華亭別方信之

蕉雨聲踈攪夢寒  
海天雲物字袍單  
秋風別後思鱸客  
明月愁連唳鶴灘

江上送思遠之江陵

金陵集卷五

九

東風正是厚衣時  
夜挂征帆去不遲  
君到江陵春正好  
美花門外渚宮湄

送朱本大歸下邳二首

南下君浮淮浦槎  
北遊予駕魯雲車  
相逢韓信城邊路  
不向南鄉亭長家

踏徧春風數十家  
歸帆忽去楚雲賒  
東湖城西行見月  
揚家溝北憶看花

送后谷子入匡廬山二首

后谷山人汪長公  
別予西陟匡廬峯  
王泉亭中剛一見  
錦霞洞口不相逢

五老峻嶒躡紫虛松令採得寄閒居紫桑處士攢眉舊蓮社高僧莫致書

送鄭思祈越遊五首

三十六峯生別愁送君應典鸚鵡麥多情獨愛天都月千里長隨旅泊舟

五百灘連碧水深兩行峯樹照青春臺高想見垂綸者亭在招尋許劍人

鏡水芙蓉五月花聽歌知近越兒家卽看壽靈臨滄海便挂樵風遡若耶

會稽泰望世稱雄海闊天遙禹甸中聞道儒紳

本集卷之三十一

十一

盛鄒魯三千勾踐變遺風

土沃泉甘轍跡踈霞城地勝足閒居南探禹穴歸來後合愛山深好著書

送胡二入蜀兼訊巴中友人二首

蜀門煙樹鎖瞿塘一水滄牽萬里長咫尺鴈書何日達三聲猿叫斷君腸

挂席空江暮雨新浣花西望一沾巾風騷壇上同聲士君到巴中見幾人

送后谷子漢遊四首

襄中形勢古來奇陵谷于今未改移山在易尋

王粲井水深誰見杜公碑

楊柳垂煙覆漢津虹梁橫照渚花春南園賓客

臥龍祠據古隆中躍馬溪將漢水通暇日徧觀者舊傳鹿門真隱有龐公

天柱峯高出衆峯祈靈臺觀碧宵中仙人鸞鶴翩翩至遲爾鵬搏九萬風

將登九華留別思祈且訂金陵之約

叢桂蜿蜒足閉關從來癖性愛名山九華去去捫崖葛應笑臨年獨未閒

本集卷之三十一

十一

大江東下一帆風秋浦金陵瞬息中屈指鳳凰臺上月十分秋色與君同

送芸上人

行盡春山翠萬重新林浦月坐聞鐘橫江東去長鳴鶴巢寄南朝第幾松

水西門外別虛中

昨宵對酒董家樓羅綺香中勸莫愁今日石頭城下路北風吹雪送行舟

安平送子敬之茅山二首

東風一夜下江門旭暈遙瞻五色雲

親抱送三峯天外禮茅君

白下春多到不遲村酣恰值杏花時鳳凰臺上

簫聲好學得歸來月下吹

行旅

淮上歲暮二首

臘盡春風動地迴淮陰城下見梅開東皇第一

番花信又度江南雪裏來

冰融川路促征岐南下江門雪霰稀雨色漸深

南浦草雲芽應長比山薇

泝流歌二首

囊我集卷五十一

清河縣前是黃河東湖城下行舟多日暮大家

牽不上河狹水緊柁君何

暮秋天氣無南風橫河浩浩斜陽中篙師莫言

力已盡猶有徐州百步洪

秋日次洛陽集句

此生飄泊任西東獻賦論兵命未通歸向陵陽

釣魚晚洛陽城裏見秋風

渡江至儀真

蒙頭布被曉寒多百里江愁起睡魔誰遣迴腸

開百結西風吹過鑰匙河

八月二十一日次饒州

揚子津春憶北還百川融雪碧相涵芝山驛下

沿流客又挂西風上瀨帆

商丘道中

賈魯新河已燒灰梁王故苑有平臺日中估市

千人集天遠飛塵一騎來

春夜宿方仲潛葉有山左

復嶂迴蹊靜葦門數家鷄犬此成村主人醉卧

軒西榻自繞梨花認月痕

發盱江北歸

囊我集卷五十一

自愛盱江解北流回瞻南斗發南樓多情夜雨

資新水相趁鳴橈下撫州

章江道中

彭蠡湖春鴈未歸豫章郊暮見花稀東風不道

征衫薄三月天南雪尚飛

江上除夕

計程今夕到家中千里歸期一札通遙念倚門

空望我安知江上石尤風

發石頭城寄元復子金

白下門邊風葉秋天都峯月夜援愁有雲可歸

芝堪如何事山人更遠遊

寄遺

雨中簡思祈際明子金二首

郊原冬旱劇於焚一雨朝來喜策勳未溢溪流  
資放舸早深泥滓阻逢君

四十年間五千首風雲月露足閒情酌量已擬  
虛前席儻許通宵對短檠

喜王李二子自蜀中寄書到

江水東來雙鯉魚秋風何日下巴渝憑將萬里  
相思字問訊高陽舊酒徒

大震城集卷五

七

寄汪用周

疇昔相逢倒一樽齊祈鐘鼓報黃昏春風指日  
楊川渡新水浮槎直到門

海州道中寄李屋山兄

潮落晴沙島嶼連一帆高挂海門煙數家鷄犬  
雲中市百里桑麻雨後天

寄思祈乞筆

嘔出心肝自不勞掄觚幾度想抽毫五雲未見  
春機錦瀨紋楊公披一毛

均州道中寄畢真師

一路寒山落木風馬頭獨挂夕陽紅孤城今夜  
遊仙夢七十峯頭碧月中

懷思

青羊宮懷仙三首

通明高閣五雲中空翠蒼蒼倚八風仙馭不來  
閭闔遠人間何處有壺公

萬松森翠擁虛寒望氣真人駐節朝若道流沙  
長不返此中安得遇仙橋

久知玄牝是根源誰說長生別有門一自猶龍  
興歎後至今師事五千言

大震城集卷五

五

簡翁少參

名山十載影孤雲覓伴行游鸞鶴群白洞仙人  
剛一見虎龍真秘七籤文

釀酒從雲巢子乞菊

潭飲胡公舊愈風晚登何處賞心同黃公壚酒  
將新釀徵士籬花乞一叢宋人前賦云早植晚登君子德也

聞思祈携二妾自金陵移居吳門有寄

蕭聲清沸鳳凰臺翠被春生合盃杯一水倒牽  
千里碧吳門真載二喬迴

十二闌干羃彩雲玉容鴉鬢石榴裙寄聲七子

樓頭月岳照今年乞巧文

寄亦山子

長策歸來萬里餘，猶存松菊映吾廬。  
願將客饌新筍酒，待煮君家活水魚。

寄童次公二首

南衡仙人童次公，去年別我軒轅宮。  
十洲琅菜春堪摘，九鼎金華月正中。  
須彌束下三條山，秀出南條不等閒。  
擬向錢塘訪天市，寄聲青鳥海東還。

懷程用達

楚臺春色促征鞍，獨背巴雲下七盤。  
雲夢澤南波瀾瀟穆陵關外路漫漫。

懷武夷山人四首

羅垂磴轉翠縉紛，憶爾翻興不群。  
睡洞劇談峯日暝，雲床飛夢五龍君。  
曾倚金天墜八荒，千峯含霧鬱蒼蒼。  
仙人何處騎茅狗，王女真逢捧玉漿。

側身霄漢俯松雲，復嶂迴峯縹緲分。  
帝座想通呼吸氣，仙函悵闕洞玄文。

陝郊一別阻相聞，東壘遙山起霧氛。  
何日幔亭

峯絕頂賓雲同宴武夷君

見鴈憶孫

小孫別來百日餘，秋風秋浦鴈飛初。  
堂前學步今能否，不見新題一紙書。

過南山懷劉安元二首

碧霄樓觀叩仙家，依舊松廊倚磴斜。  
何處鳳笙猶按曲，春風重放碧桃花。  
彩雲片片下瑤臺，又立蒼茫夕照來。  
江水東連灘五百，仙槎何日却西迴。

游燕

常州吳中書園宴集二首

丹洞蒼崖俯曲臺，繁絃急管迥相催。  
鶯花灑翰青春媚，泉石移樽白日迴。  
拂拂幽香度信風，栢屏花徑月明中。  
可憐中夜湖亭上，送酒舟迴一水通。

遠菴楊相公南園同張文學實李海州

枝楊舍人紹芳泛舟三首

亭宴酣歌白日長，晚陂移席並舟航。  
使君豈是鳧鷖侶，自有雲霄鷓鴣行。

香氣遙傳放艇初，橫塘風色動蓮蒲。  
共言相國

歸來日不向君王乞鑑湖  
坐月亭虛四水深酒船  
匝岸綠雲森橋橫不礙  
鳴橈過魚躍誰爲結網心

遊園簡主人

曲池脩徑擁高臺門鎖鶯花午不開地主何須  
愁歎客遊人目載酒殺來

過山家

來禽花下翠雲亭鳴鶴松陰龍耳鐺自有石泉  
供茗茗還將野菽助調羹

山遊集古巖寺六首

復載集卷五

六

春雨山人不出門苦吟劇飲送朝昏虛疑疊嶂  
渡雲氣實恐新苔翳雨痕  
竹簷晴日耀晨光石潤全收徑草長忽載酒殺  
來好事便携杖屐出草堂  
最愛松寒古色多春工疑木布陽和枝團宿霧  
擎苓蓋幹曳輕風上女蘿  
照眼梅花樹樹明倚風楊柳未全輕山深莫訝  
春來晚來晚歸遲自有情  
肯向春遊惜費金幾人髮短不勝簪屢聞鶯語  
真傾耳一軟泉流便洗心

徑轉廻崗絕境通樓臺迥出白雲中入門暫接  
高僧話栢火香傳一縷風

雜詠

閨情四景圖四首

江南日麗白蘋洲翠袂誰家結伴遊砂磧自無  
芳草色春風誰識落花愁

相紋水簾晚涼輕一枕遼西夢不成何處採菱  
明月浦中宵一道唱歌聲

一夜西風下玉墀芭蕉涼露白離離隨陽不返  
湘雲鴈借問題書寄阿誰

復載集卷五

九

萬里彤雲轉戰深健兒侯印佩黃金可憐三丈  
天山雪長繫閨人一寸心

賦得塘蓮半房贈同遊者

若耶溪上採蓮歸薄暮水雲寒濕衣明日有房  
花自落不是狂風故打稀

食橘

垂枝自摘破芳馨霜落金分暎霧輕南國託根  
曾受命荔支龍眼總虛生

雪中觀迎春

臘雪呈祥拂曙氛絳花香隊出彤雲土牛挽得

東風轉竹馬還來逐使君

哀悼

悼湛塘王侍御

幾度雲中載酒行  
曉猿夜鶴識高情  
虛期五嶽追仙隱  
婚嫁何曾待向平

悼自牧

一從都下計書聞  
樹斷連枝泣故園  
孤影江秋初見鴈  
哀聲整夜更聞猿

霞城集卷之二十二

大霞城集卷之二十二

帝

霞城集卷之二十三

欽程誥自邑撰

目錄絕句五言

一百三十一首

感述

秋壘

歸來

泊兜兒洲

蜀中見鴈

春日對松軒卽事

李坪驛下作

抱孫二首

詠史

秋浦書事寄余元復

聞來鳳將至秋浦  
正月見菊

不霞城集卷之二十三

十一

染鬚

江上遣大中歸

夜發錢塘

還家二首

行旅

旅次鄧門

夜投村店

南雄逢鄉人

市汊驛下阻風

泊傍湖灣

阻水白帶城下

次昭化鎮

泝石人磯

德陽至羅江道中二首

宿舊館

歸次潯陽

秋日次瓦子灣

溯十八灘

曉行孟諸澤 饒發曹南赴汴

晚過夔州 上九盤灘

函谷道中四首 澠池道中

渭南趨三原道中二首

雪憇村店 月夜江行

齊雲山下遇雨 次蕪湖

上綠港灘二首 夜泊茶園

閒適

宿山家 聽尚二彈琴

過石際精舍 湘鄉泛舟

溪齋二首 春曉

時序

立春 守歲

冬至夜 元宵

中秋泊舟安慶城下

九日飲菊下

懷古

挂劍臺 琵琶亭

過未央宮遺址 神女廟

後贈

贈江郎

早春山齋贈汪有秋方為瀾二妙

贈禹又二首 贈吳懷梅二首

贈率濱社諸友 雪東二溪方君

會遇

洛下逢汪子明 江上遇張子淳

早起值方承德過

山江逢張公作襄於楊道士野雲居

登覽

登大硤嶺 金燈厓

登籍嶺望黃山

遊泛

淳安難行入歙八首

江上夕眺 均州沿流至襄陽

詠物

詠黃鸝 簪菊三首

靈鳥 江濱梅花

蚊 瑞香花

撲蒲 詠雙梧

尋訪

尋訪



過謝處士山居 訪汪有秋不遇

同孫遜之鄭伯高宿羅克威宅

懷思

憶吳思遠 夜憶閨二

次登往吳氏外家二日矣憶之

九月二十日得家書

園夜憶直夫 江上遲鄭子本

泊石頭城下憶虞中

送別

瓜洲送鮑世重 送潘子

大震城集卷五 四

送吳郎會試

江陵送吳介夫還歙

送來鳳之池州

發肝江赴新城別大中二首

雜詠

浦口曲二首 雪得

從際明乞新曆 雪情二首

九月八日即事 徐園四詠四首

揚都統家小青衣

哀悼

悼蔡淑卿

絕句五言

感述

秋望

盜賊三河滿瘡痍百戰餘此時三尺劔翻勝五

車書

歸來

歸來見在身三徑是通津貞菊孤松下留香待

主人

泊兔兒洲

大震城集卷五 五

歲晚漢南來征途客鬢催東風非不利江勢自

西廻洲乃西折楚塔石

蜀中見鷺

入峽群初失涵江影亦踈堪嗟南下鴈不得北

來書

春日對松軒即事

軒下三松樹連枝出曉煙誰將蒼古色對此艷

陽天

李坪驛下作

秋月蘆花路春風又圃桃重來江水澗錯認地

形高

抱孫二首

襁褓初踰月提携未出門九朝生養日何以報  
深恩

知命今踰五生孫足慰情何言頭角異早已識  
啼聲

詠史

易水長虹白將軍首入秦荆軻無劍術不是報

讐人

秋浦書事寄余元復

不復秋浦書事寄余元復

六一

金徽七絃琴龍光三尺劍異好不同心誰令數  
相見

聞來鳳將至秋浦

衝暑東歸日西來冒雨行江山一引領途路遠

含情

正月見菊

叢生短籬下棘密人罕見猶存傲霜姿春風吹  
不變

染鬚

百杵搗玄汁變此雪霜色終能守我黑眾人未

知白

江上遣犬中歸

浦送停予棹途征厚汝衣相隨數千里携手不  
同歸

夜發錢塘

歸路滄江舊交情白首新多情沙上月太覺影  
隨人

還家二首

月落山崦黑到來看未真僅痴迷熟路犬慧識  
歸人

不復秋浦書事寄余元復

七一

學語小孫子道翁鬚鬢皓朝來看鏡裏應比去  
時多

行旅

旅次郢門

漢水溶溶碧郢門春又歸五雲晴更麗獨傍顯  
陵飛

夜投村店

村扉叩始聞草榻信所遇尚有驚飛禽哀鳴向  
東去

南雄逢鄉人

齋到凌江驛何時別故園殷勤問親舊不暇叙  
寒暄

市汊驛下阻風

江干日色黃北風怒不已君看上水船一日三

百里

泊傍湖灣

岸圻江迴處帆收午泊同翻令滌涸者快意北

來風

阻水白帝城下二首

江勢曉如何灩澦大於馬測候信津人繫舟古

不復集卷五

八

城下

五日沙頭泊征橈不敢東夢隨神女雨雄接大

王風

次昭化鎮

春歸已二月人在半途中舉醉桃花氣朝來陣

陣風

沂石人磯

百丈牽難上進心急舵工迴船倚斷岸挂席待

長風

德陽至羅江道中二首

郭樹暗村煙深渠夾廣阡沓舟攢近嶂遥碧敞

平田

疆場分夷險開勞共古今忽踰流水曲復入亂

山深

宿舊館

江上經行處青藜此日迴主人逢不識恰似未

曾來

歸次潯陽

扁舟楚江客歸趁故園春一路風兼雨鶯花愁

殺人

不復集卷五

九

秋日次元子灣

岸轉浦帆收沙牽颺急流林容遙結暝風色早

迎秋

溯十八灘

挂席萬安縣西馳十八灘誰言風借便自是溯

流難

曉行孟諸澤

霜風振林薄原日白團團三月商丘路重裘不

柰寒

曉發曹南赴汴

一雨先行色郊西濕曉莎浮塵新屏跡無怪向來多

晚過夔州

過峽無難險沙牽晚亦宜平波有伏石舟子爾須知

上九盤灘

百丈沙牽曉輕舸暮上難堪嗟定川險不說九盤灘

函谷道中四首

晉路臨關盡秦雲擁樹高鼎湖龍去久何處覓

大震我集卷之三

十一

烏號

百八連天險連橫制六邦近攻秦始帝先入漢

為王

谷雨深泥滓關雲晦曉陰引車防險窄徒御早

鳴金

壚頭壓酒香解鞍驛亭下橫笛見歸牛猶是桃

林野

澠池道中

啼鳥已滿樹林馬獨未發數聲何處鐘敲落西

崦月

渭南趨三原道中二首

鷄聲村落午行邁馬蹄遲旅客饑求食居人不

與炊

叱馭忙徒御逢村快客心酒家無處覓應笑解

囊金

雪憇村店

忽漫雪飛飛征途此暫依主人無酒賣不肯啓

柴扉

月夜江行

挂席東風正移船北斗斜潮痕疊沙礫月色戀

大震我集卷之三

十一

蘆花

齊雲山下遇雨

暫與丘園別而為逆旅人山靈不相送煙雨暗

西津

次蕪湖

驛樓出浦煙估市隱江樹疑有北來人試問曾

遊處

上綠港灘二首

釣石臨江古村燈照浦空遙遙七里瀨獨挂一

帆風

天南川路未迴香亂峯圍水合雙溪下人浮一  
舸歸

夜泊茶園

夢覺聞人語隔溪燈火輝沙頭待渡者幾處採

山歸

閒適

宿山家

掃雲松下榻芳氣襲芝木夢覺曉鶯啼西峯紅

上日

聽尚二彈琴

大集卷之三

十一

古音奏希世忘味等齊韶如何洗耳者棄却樹

間瓢

過石際精舍

蕙氣逗林香松色藹嵐碧漸入亂雲深不知峯

日夕

湘鄉泛舟

倚篷發孤嘯把酒月隨舟涼颼颼然至三伏如

深秋

溪齋二首

溪齋白煙裏雙桂向夕繁一種青青色連枝擁

葦門

梅初融雪凍柳自舞風頻一雨田流溢翻疑晨

早春

春曉

夢覺窓日赤踈慵稱無營幽禽忽不語竹外有

人行

時序

立春

凝陰屏玄朔噓氣動青陽燒裏青青色行看一

尺長

大集卷之三

十一

守歲

相送復相迎歡傳隣里聲唯愁暗中換秉燭到

天明

冬至夜

山堂闕孤眠松雨響不歇一夜布衾寒峯頭定

成雪

元宵

山動看鰲掣花寒傍火開雷轟傳爆竹鯨吸引

行杯

中秋泊舟安慶城下

魚家  
聞寂江城夜停舟翫月華遙尋酒處燕得賣

九日飲菊下

九日盈樽酒陶公得此生笑持螯蟹美來泛菊  
花輕

懷古

挂劍臺

挂劍臺猶在春迴草色新寥寥千載後誰是許  
心人

琵琶亭

琵琶亭

琵琶亭夕秋風旅雁飛琵琶千載恨淚滿逐  
臣衣

過未央宮遺址

野陰莽森颯臺氣擁寒冽君看宮草丹獨染在  
陰血

神女廟

遺廟高丘阻峯雲變態新荆王無處所誰復夢  
中人

投贈

贈江郎

長淮歲暮時水泮波光碧飄飄南下風兼雨雁  
帆席

早春山齋贈汪有秋方為瀾二妙

雙樹連庭桂孤英照壑梅新醅一甕滿今雨二  
君來

贈禹又二首

既欣春花豔復此良夜讌相逢即傾心安用曾  
識面

杯行已到手離憂復何有明日千里人雲山各  
回首

贈吳懷梅二首

閒與木石居長為鸞鶴侶游情志藝文翫物酌  
今古

今古

曠懷每長往勝處祇自知枕漱白石澗歌茹蒼  
崖芝

贈率濱社諸友

兩度操觚翰經時別去難風駭各努力拔幟早  
登壇

雪東二溪方君

一夜湖天雪杖屨失早梅遙知閉門卧故遣蕩

舟過

會遇

洛下逢汪子明

我行西入關驅車洛陽陌相逢故鄉親况是東

歸客

內江逢張公作襄於楊道士野雲居

落日懸壺前忽漫相逢處對面不得言嗟君騎

馬去

江上遇張子淳

四載僅一見百年能幾何相將今夕酒爾我發

俱備

早起值方承德過

村深隱宿霧津月冉冉墮遙聞犬吠聲已有高

人過

登覽

登大硤嶺

絕磴援千仞長風倚半空振衣萬物表飛鳥五

雲中

金燈崖

壁立淨於抵長垂幾股藤濕雲飛不起巖山錦

層層

登翁嶺望黃山

上嶺踰千里入雲應萬重尚想容成子送目軒

轅峯

遊泛

淳安灘行入歛八首

村舍雙扉啓山橋獨木懸鷗眠出水石犬吠隔

溪船

千山萬山裏大灘小灘連帆風迴白日牽路上

青天

獵火驚林鹿巫歌集廟鴉山根連閣道樹杪出

人家

遙遙息航渡源深梓潼口近船得溪鮮燃竹煮

村酒

港窄行舟直心搖日暮時誰令觸石住自恨進

篙遲

新水溪上生夜雨山中足太覺我行進誰為後

來速

岸曲迴溪檝灘平進浦牽酒旗村市店漁網夕

陽天

五百灘盤數尋常石礙舟雨深沙嘴沒危鴈晚

悠悠

江上夕眺

村暗生煙外波明吐月東官船沙驛火漁笛浦

橋風

均州沿流至襄陽三首

萬古朝宗水悠悠直至今蘊靈嶓冢遠湛碧引

源深

迨迨汀草碧漠漠水雲垂岸曲廻舟屢魚深結

網遲

水滸城集卷三十一 六

西去策羸馬東來挂帆風順流三百里一日到

襄中

詠物

詠黃鸝

怪爾黃金羽花深度不迷無言坐枝穩恰恰盡

情啼

蒔菊三首

奕葉滋膏雨同根蔚暮春栽培酒易土懿德爾

維新

上品辨根知分行時不疑自然標格異不在見

花時

佳色徵秋令春風失爾曹山人同臭味抱壘來

辭勞

靈鳥

二儀肅金氣積陰慘不散幾度吳王宮哀音啼

夜半

江濱梅花

獨樹照清瀨肯當官道開幽姿不冶媚講為此

君來

蚊

水滸城集卷三十一 九

逐類如雲集鳴雷繞榻飛從來營一飽不道履

危機

瑞香花

團團簇紫雲燂燂照青春翠袖風迴處浮香赴

麗人

撲滿

既入終須出中藏只自知人心積久日地道變

盈時

詠雙梧

直幹挺高枝雙梧格並奇何言中琴瑟爭似鳳



鳳儀

尋訪

過謝處士山居

碧嶂亂雲中茅堂桂樹叢橫橋帶流水車馬不  
曾通

訪江有秋不遇

林風推戶入架帙向人翻上客休題字癡僮錯

應門

同孫進之鄭伯高宿羅克威宅

下山十里路月色太分明假借村南宅寒鷄半

大霞城集卷三十一 二十一

夜鳴

懷思

憶吳思遠

聞君向三峽隨處有啼猿雲樹千崖窄孤城午

閉門

夜憶閔二

凍雪裹長松城深闕暮鐘無人共清景月色滿

千峯

次登往吳氏外家二日矣憶之

不寐忽至曙誰來慰我情空懷夜相覓側耳叩

門聲

九月二十日得家書

膝下經秋別天涯異地居墜穿千里月寄到一  
封書

園夜憶直夫

疎林擁虛曠鴉寒啼不斷館靜掩雙扉西深月  
恒滿西深館名

泊石頭城下憶虞中

大桃官路花垂楊驛亭樹不見賞遊人愁劇重  
來處

大霞城集卷三十一 五十一

江上遲鄭子木

浦色秋初勝潮頭午未迴望中汀鷺起疑有野

航來

送別

瓜洲送鮑世重

沙上問歸帆薄暮北風起遙看一片雲飛渡江  
南水

送潘子

楊子灣南路逢君北上舟薊門冰雪滿瓊重黑

貂裘

送吳郎會試

萬里遊燕客言將看杏花春風待得意走馬向誰家

江陵送吳介夫還歙

去去東歸客迢迢路四千舊山行不到何處遇

新年

送來鳳之池州

溽暑不出門火雲午蒸雨一路入攢峯憐君向

秋浦

發肝江赴新城別大中二首

去歲歲云暮而我獨南行矯矯隨陽鴈先春已

北徂

握手前驅遠相看咽不言迴腸應寸斷不待暮

聞猿

雜詠

浦口曲二首

家臨五溪水浣紗歎浦口恐有寄來書君行見

即否

作底咎三老戮力苦不早祗言上灘難爭知到

家好

雪徑

松下擁幽深日高凍猶裹山僧睡未起樵子不

從際明乞新曆

山家無曆日草木見天心未信春風到南枝畏

凍深

雪晴二首

峯日團松色寒光照獨吟半披南嶺碧全貯北

崖陰

泱泱初鳴谷融融暗入池稍看窗外竹挺出拂

雲枝

九月八日即事

甕下新篘酒花前預舉杯明朝是重九誰道應

時開

徐園四詠四首

若箇茅亭子雲來住半間相將世終日不放暮

還山 右宿雲亭

色古積幽碧痕已滅斧鑿坐來與鷗狎重以觀

魚樂 右枕流石

爛熳照東西紆迴暗復低鴛鴦忽自語蝶過却

成迷 右夾花徑

萬竿挺脩直一水湛深碧憐君似鏡明鑿我四時色 右影竹池

楊都統家小青衣

自按梨園譜誰傳樂府詞見人羞不語含笑轉身時

哀悼

悼蔡淑卿

共羨花如貌曾將玉比溫人間難再得無寧返卿魂

震城集卷三十三

二四

震城集卷之二十四

歛程誥自邑撰

目錄絕句六言

行役

次巫峽

題寓居壁二首

閒適

寒夜四首

春晴縱步

感述

題郎壁

春閒

送別

震城集卷之二十四

別汪有秋方為淵

詩餘

遊讌

石州慢 金陵春日

柳梢青 津郊游宴

點絳脣 吹臺春日

玉樓春 西湖春遊

青玉案 春遊

沁園春 湖山紀游

菩薩蠻 同顧子遊

青玉案 春遊有贈

行旅

浪淘沙 秦中旅思

清平樂 旅次潼津登樓

謁金門 途中

清平樂 旅次渭城

踏莎行	宿村家	憶秦娥	曉發門
點絳脣	秋日桐江舟中	西江月	途中示
如夢令	淮南歲暮	鷓鴣天	客夜
懷思			
小重山	懷社中諸友	如夢令	江樓感舊
太平時	春思	臨江仙	岳陽樓望
蝶戀花	懷舊	長相思	懷方承德
謁金門	閨思	浣溪沙	春思
菩薩蠻	閨情		
送別			
臨江仙	沐上別如已	漁家傲	來中送
閑適			
謁金門	飲酒	憶王孫	春暮
憶王孫	夏日山中	清平樂	山若春日
巫山一段雲	漸春		
詠物			
鷓鴣天	詠瓊梅	柳梢青	詠柳
謁金門	詠菊		
懷古			
望海潮	長安	臨江仙	金山懷舊

西江月	登米石我肩亭懷李白	滿江紅	德關河
贈答			
太平時	席上有贈	浪淘沙	大慈寺聽春
踏莎行	贈余子元復		
雜詠			
桂枝香	月夜	浣溪沙	春夜
醉花陰	春夜待方仲潛不至	滿庭芳	懷舊遊有
哀悼			
小重山	德揮別處	憶秦娥	廣陵傷別
絕句六言			
行役			
次巫峽			
楚塞高橫	峽口巴江曲抱漢西神女朝雲片		
王孫春草	萋萋		
題寓居壁			
里巷蕭條	廢邑岡環帶中洲石照金燈洞古		
波澄玉鏡	潭秋		
蓄志經丘	尋壑虛懷山月江風秋浦他年李白		
會稽今日	梁鴻		

閒適

寒夜四首

柴門密邇田舍松徑僻帶山家雪裏光浮月色  
風前香趁梅花

一水江南江北孤村山後山前哀猿三聲何處  
過鴈幾點遙天

半爐獨圍宿火一卷靜對殘編稚子夢中自語  
幽人夜分未眠

放歌起舞雄劔覓句坐倚胡床鐺沸煮茶將熟  
灰然炮栗初香

春晴縱步

大溪小溪雪水南枝北枝梅花任情經丘尋壑  
下榻今夜誰家

感述

題邱壁

神機昧在倚伏物鑑洞見妍媸仲尼合不暖席  
墨翟所以悲絲

春閨

畫樓紅燭黃昏思婦啼春淚痕楊柳輕煙別院  
梨花細雨重門

送別

別汪有秋方為瀾

抱璞十年巖穴載殺幾度溪堂忽漫紫駟比首  
獨看鴻鴈南翔

詩餘

遊燕

石州慢 金陵春日

佳麗帝城明媚韶光心賞難遇暖風吹出鶯花  
早見宮南萬樹聲聲求友金衣穩坐枝頭輪蹄  
競向長干路拚醉倒樽前自芳菲深處 歡聚

春晴縱步

可憐半餉追遊禁得許多狂觀縱有千金難買  
青春不去斜陽影裏不知誰奏鸞簫一聲如恁  
還如慕擬載酒重來覓劉郎前度

柳梢青 汴郊游宴

柳吐青煙杏張紅錦遊騎翩翩雲驢橋東仁和  
門外白塔原邊 堪憐鱗釧翠鈿誰禁象管鴟  
絃公子稱觴佳人奏曲留賞芳年

點絳脣 吹臺春日

郭外臺前春風今日重携酒釵橫翠鳳馬上  
來有 傳送飛觴爭出纖纖手情俱厚按歌

板一笑君開口

玉樓春 西湖春遊

桃紅柳綠蘇堤路一陣風來吹過雨叢低蝴蝶  
且雙飛枝濕黃鸝無一語 可憐翠袖歌金縷  
年少拋人留不住一聲檀板羽觴飛醉倒花前  
在何處

青玉案 春遊

小桃昨夜都開了人盡道春歸早啼鳥枝頭聲  
更巧油壁西邊粉墻東畔絕勝蓬萊島 酒旗  
搖拽郊南道翠黛羞顰濃不掃弓鞋雙蹴凌波

小高峯 金華輕敲檀板一曲風光好

沁園春 湖山紀游

風月無邊屏圍翠疊鏡展光圓看雙塔高撐亭  
亭柱立六橋橫截宛宛虹連畫舫中流籃輿又  
徑行樂從來別有天盡道是山中宰相海上神  
仙 黃緣到處堪憐誰向湖山惜費錢况七十  
古稀盈顛種種田園今是歸興翩翩翠葉羞眉  
紅英妬臉一曲嬌歌進管絃儘留連湖山勝日  
桃柳芳年

菩薩蠻 同顧子遊靈谷寺

春風十里來騎馬眼中公是悠悠者宴坐萬松

間孤雲相對閒 城頭斜日下宿鳥棲枝也接  
宿借僧房山童掃石床

青玉案 春遊有贈

重門誰信春風隔但載酒行相索帝鳥聲中垂  
柳陌珠簾綺閣玉箏檀板惱亂新來客 弓鞋  
微動金蓮窄蹴損堦苔一痕碧香鬟濃襯堆瓊  
色半池新水一窓明月減却梨花白

行旅

浪淘沙 秦中旅思

城上倚闌干薄暮風寒一天離思苧袍單萬戶  
砧聲催月上今夜長安 東望路漫漫阻隔關  
山故人何處寄幽蘭夢裏湘雲秋色遠淚竹成  
斑

清平樂 旅次潼津登樓

關山萬里舉目悲遊子雙鯉東來書尺咫只隔  
盈盈秋水 停車獨上津樓風煙亘古生愁太  
崑崙南一色濁涇清渭同流

謁金門 途中

關河道舉目漫天衰草一騎飛塵天不早人生

此中老 共道朱顏難保定 醉誰家酒好九派  
埋淤雲浩浩君行何日到

清平樂 旅次涪城

垂楊幾樹舊是銷魂處 不識陽關多少路何限  
離人西去 客舍猶連古丘荒城自枕清流日  
暮鳴驕投宿天空賓鴈橫秋

踏莎行 宿村家

春鶯吳洲秋臨漢度江山總是曾游處 蘆花新  
漲一川風松葉亂雲千嶂雨 鞍解衙門飲酒  
田父酒酣誰記前途去為君掃壁綴新詞數聲

本霞城集卷三十四

鷄犬荒村暮

憶秦娥 夷門曉發

燈半滅王簫聲斷人初別人初別一天涼露半  
窓殘月 金梁橋外晨鐘徹中牟道上征車發  
征車發歡娛回首不禁離絕

點絳脣 秋日樹江舟中

颯颯金風推篷忽送纖纖雨輕雲幾點低覆馴  
鷗渚 一葉扁舟歸去誰為信天應與開花野  
草詩料無多取

西江月 途中示同旅

車馬長驅古道衣裳暗化新塵如何不肯駐征  
輪行到天涯無盡 洞口桃花正笑樓頭風雨  
留人相逢且醉甕頭春清聖濁賢唯命

如夢令 涪南歲暮

一夜湖水開了報道淮南春早漸放燒痕青眼  
見萋萋芳草人老人老明日花開更好

鷓鴣天 客夜

樹滿棲鴉欲暮天蒼蒼萬竈接炊煙一聲忽擊  
城頭折雙槳爭歸渡口船 孤館內短檠前無  
端愁緒攪殘年梅花傳得先春信夜到誰家吹

霞城集卷三十四

笛邊

懷思

小重山 懷社中諸友

忽憶黃山六六峯芙蓉攢簇出半天中霞城繚  
繞悶靈宮吾與爾結社晚相從 判袂各西東  
游情文藝事幾時同風雲月露夢雕龍誰招隱  
桂樹蔚成叢

如夢令 江樓感舊

郭外殘潮初落何處扁舟夜泊獨上倚闌干極  
目海天寥廓如昨如昨月滿江干樓閣

太平時 春思

夢攬衾寒早覺時雨絲絲愁深如病轉昏迷酒  
難醫 却憶秋風南浦去遊何處流鶯故向耳  
邊啼怕花飛

臨江仙 岳陽樓望

十二年前樓上客湖山縱目憑欄青螺幾點時  
銀盤水連天不辨挂席一舟還 今日重來携  
舊侶相逢未變朱顏何人吹笛倚風寒梅花九  
月落片月下關山

蝶戀花 懷舊

楚塞青楓江上路暮暮朝朝牽夢高丘阻十載  
重來尋舊侶秋娘聲價應如故 金縷歌殘情  
更苦落盡飛花怪底春無主兩盞鴛鴦不語  
片雲輕下巫陽渚

長相思 懷方承德

步階除立階除迢迢清夜月同孤天外然離居  
寄音書吟音書水逐山長魚鴈踈難忘識面  
初

謁金門 閨思

歡娛地隔斷一江流水城角數聲煙月裏畫樓

愁獨倚 花事枝頭餘幾誰念有人憔悴吟到  
飛鴻書一紙京風天末起

浣溪沙 春思

燕外飛花攬獨愁江千憶共木蘭舟楚雲千里  
夜悠悠 無可語時空懊恨最難忘處是溫柔  
夢魂長遠水東樓

菩薩蠻 閨情

露凝紅豔花枝濕琵琶獨抱吳姬泣不語自銷  
魂垂簾半掩門 少年輕遠別一去音書絕不  
見挂歸帆江城月又三

送別 大震城集卷十四

臨江仙 汴上別知己

曉日揚州門外路一鞭行色匆匆垂楊不繫馬  
蹄東多情何處月偏照昨宵同 此去睢陽三  
百里城邊獨見秋風驚沙處處轉飛蓬還持一  
樽酒疑是夢魂中

漁家傲 宋中送鮑子

夾道垂楊一千里春風處處飛花起征騎翩翩  
斜日裏誰家子關河倦客脩文士 篋裏新詩  
是行李羨君頭黑還鄉里早見生前無一事真



樂矣萬般唯有歸來是

閒道

謁金門 飲酒

春愁惡覓得一壺狂藥不用戈矛破城郭起來  
還獨酌 萬種一時醫却便向花前睡着任取  
峯頭紅日落三更應未覺

憶王孫 春暮

曲欄深擁碧葳蕤暗麝藏花蝶夢迷醉擁春衫  
睡起遲日光移楊柳陰深盡閣西

憶王孫 夏日山中

大戴集卷五十四

十一

亂雲深處寄閒居翠壁丹崖畫不如幾卷床頭  
種樹書奏笙竽一枕松風午夢餘

清平樂 山居春日

花前燈後饒睡多因酒谷口遷鶯都上柳借問  
山人知否 日高猶掩柴扉春深未試成衣謾  
憶高陽舊侶經時與我相違

巫山一段雲 新春淮上

萬里天迴鴈孤城雪送年融水綠徧射陽川津  
柳欲生煙 風色傳花信春愁賫酒錢不知幾  
度醉樽前消受阿誰憐

詠物

鷓鴣天 詠蝶梅

暗麝飄來鼎鼎風誰家粧閣曉脩容素衣化盡  
來京洛黃額塗成出漢宮 橫絕處浦雲東孤  
英表見不成叢東君土德新更王故遣南枝色  
尚同

柳梢青 詠柳

密漸藏鴉岫堪繫馬何處人家花萼樓前章翠  
臺畔曾占年華 風前幾樹橫斜樓舞榭都  
遮軟闌腰肢翠顰眉黛恨別天涯

大戴集卷五十四

十一

謁金門 詠菊

東籬下照耀誰家茅舍萬貫連錢石莫詫秋光  
寧有價 粟里何時歸也三徑無資誰假采采  
黃金忽盈把陶公非貧者

懷古

壘海潮 長安秋壘

黃圖三輔金城千里名都自古長安戰守相湏  
河山四塞深居百二秦關佳氣對南山壘杜韋  
尺五煙草漫漫便典春衣問君何處可追歡  
曲江曾集衣冠歎青陽向暮白日生寒仙掌金

莖石鯨鱗甲縱觀陳跡心酸斜日倚闌干見林  
風浙浙落葉飛丹村墅誰家牧兒相趁跨牛還

臨江仙 金山懷舊

江水東來八千里金山屹立波中萬檣風浪起  
魚龍重來十載後僧話茗甌同 海月已高汀  
日沒淮吳煙樹冥濛妙高亭上送歸鴻舊遊如  
夢寐長往自英雄

西江月 登采石峩眉亭懷李白

阮月燃犀津口問天落鴈峯頭坐披宮錦遡江  
流勝事昔人誰有 萬樹鳴蟬過雨半林黃葉

霞城集卷三十四

飛秋峩眉亭下暮維舟陳跡不堪回首

滿江紅 憶關河舊遊

回首關河疑昨處遙山一髮雲澹澹萬里長空  
墜中鳥沒詞筆揮殘梁苑死雪簫聲吹徹秦臺月  
問別來戎馬徧中原久流血 銅駝陌已荆棘  
金谷讌草青色歎千年空復馬蹄車轍鼎湖龍  
去鳥號墮函谷牛西紫氣歇悵舊遊却憶少年  
時徒悲切

贈荅

太平時 席上有贈

黛拂雙蛾鬪畫長出新粧嬌歌一曲意難忘侑  
行觴 如病長眠中酒後君知否可憐邂逅王

琴傍斷君腸

浪淘沙 大慈寺聽春公彈琴賦贈

高棟晚涼天夢覺游仙薰風傾耳奏虞弦總是  
高山流水調心賞悠然 唳鶴下江煙風曳驚  
蟬倚蘭幽谷思芳年早見碧梧清露滴庭月始  
娟

踏莎行 贈余子元復

雨足郊原桑柘蠶老催耕處處聞啼鳥徑松花  
糝受風多林篁籜在籠煙少 甕味釀成可人

時到狂歌醉後渾無調枕書窓下伴君眠雲歸  
不礙茅簷小

雜詠

桂枝香 月夜

秋澄氣肅銀漢淨無雲水輪碾玉白泫一庭桂  
露影垂金粟素娥睡起清虛府悄無人伴幽獨  
沉沉玉宇屏深雲母舊歡難續 徒倚徧闌干  
六六悵明夜明年陰晴未十里懷人對此清  
光可掬百年心賞知難遇誰消受樽前相屬不

琴橫留聲聲送奏落梅花曲

浣溪沙 春夜

羅衣醉酒家多情長是惜年華東風吹夢

海天涯 十二闌干調笑倚香雲輕透碧窓紗

一痕新月印梨花

醉花陰 春夜待方仲潛不至

花氣薰人浮暗麝有月為良夜簫管沸新聲酒

滿金樽不飲何時也 千金一刻休論價虛負

誰相假已是過黃昏坐待不來何處秋千下

滿庭芳 經舊遊有懷白谷子

一

霞城集二十四卷

浙江汪汝霖家藏本

明程誥撰誥字自邑歙縣人生平好遊所至山川

都邑輒紀以詩卷帙雖多亦瑕瑜互見朱彞尊靜

志居詩話云誥詩氣格專學空同第才情稍鈍色

澤未鮮五言庶稱具體耳其論當矣

原缺